

# THEOLOGIA

SCOLASTICO-DOGMATICA

JUXTA MENTEM

## D. THOMÆ

## AQUINATIS

AD USUM DISCIPULORUM

EJUSDEM ANGELICI PRÆCEPTORIS

ACCOMMODATA

PER F. VINCENTIUM LUDOVICUM GOTTI

Bononiensem, Ordinis Prædicatorum, in Patria Universitate  
Controversiarum Fidei Professore

N U N C

SANCTÆ ROMANÆ ECCLESIAE CARDINALEM

ET PATRIARCHAM HIEROSOLYMITANUM,

TOMUS V. IN PRIMAM PARTEM,

De Deo Creatore, & de Angelis.

EDITIO ALTERA.



BONONIÆ MDCCLI.

---

Apud Hieronymum Corciolani, & H. H. Colli ex Typographia  
S. THOMÆ AQUINATIS. *Superiorum permissu.*



# CATALOGUS

Eorum, quæ hic Quintus Tomus in Primam  
Partem complectitur.



## TRACTATUS DE DEO CREATORE GENERALITER.

### QUÆSTIO PRIMA.

*De Processione Creaturarum à Deo, & modo Processionis.*

#### DUBIUM PRIMUM.

An Deus sit omnium rerum Causa?

§. I.	<i>Referuntur Errores.</i>	pag. 1.
§. II.	<i>Prima Assertio.</i>	2.
§. III.	<i>Secunda, &amp; tertia assertio.</i>	4.

#### DUBIUM SECUNDUM.

An Deus fuerit Causa omnium per Creationem?

§. I.	<i>Quid sit Creatio.</i>	6.
§. II.	<i>Referuntur Errores.</i>	ibid.
§. III.	<i>Assertio Catholica.</i>	8.
§. IV.	<i>Contrariorum Solutio.</i>	10.

## DUBIUM TERTIUM.

An Potentia creandi, vel Actus Creationis sit alicui  
Creaturæ communicabilis?

- |         |   |     |
|---------|---|-----|
| §. I.   | <i>Cui sit connaturalis vis Creativa.</i>                     | 13. |
| §. II.  | <i>An vis Creativa ab aliqua Creatura participari possit?</i> | 15. |
| §. III. | <i>Contraria proponuntur, &amp; solvuntur.</i>                | 17. |

## QUÆSTIO SECUNDA.

*De Principio Durationis Rerum Creatarum.*

## DUBIUM PRIMUM.

An Universitas Creaturarum semper fuerit?

- |         |  |     |
|---------|--|-----|
| §. I.   | <i>Veterum Opiniones.</i>                      | 21. |
| §. II.  | <i>Affertio Catholica.</i>                     | 22. |
| §. III. | <i>Veterum Argumenta pro Mundi Aternitate.</i> | 24. |
| §. IV.  | <i>De Possibilitate Mundi ab Aeterno.</i>      | 28. |

## DUBIUM SECUNDUM.

*De Mundi Unitate, & Initio.*

- |         |   |     |
|---------|---|-----|
| §. I.   | <i>An Mundus sit tantum Unus?</i>               | 29. |
| §. II.  | <i>Quo Anno conditus fuerit Mundus.</i>         | 32. |
| §. III. | <i>Quo Anni tempore Mundus conditus fuerit.</i> | 35. |

## QUÆSTIO TERTIA.

*De Opere sex Dierum.*

## DUBIUM PRIMUM.

An omnes Dies, quibus Mundi Creatio, & Ornatus  
describitur, sint unus dies?

- |        |                                 |     |
|--------|---------------------------------|-----|
| §. I.  | <i>Sancti Augustini Opinio.</i> | 41. |
| §. II. |                                 |     |



- §. II. *Affertio Communis.* 43.  
 §. III. *Fundamenta Contraria.* 44.

## DUBIUM SECUNDUM.

### De Opere primæ Diei.

- §. I. *Exponitur verbum: In principio.* 48.  
 §. II. *Verba: Creavit Deus Cælum, & Terram.* 50.  
 §. III. *De Terra Inani, & Vacua &c. Et de Spiritu, qui fe-*  
*rebatur super Aquas.* 54.  
 §. IV. *De productione Lucis.* 56.

## DUBIUM TERTIUM.

### De Opere secundæ Diei.

- §. I. *Quid nomine Firmamenti Moyses intellexerit.* 60.  
 §. II. *De Aquis, quæ sunt super Firmamentum.* 63.  
 §. III. *Numerus Calorum.* 66.

## DUBIUM QUARTUM.

### De Opere tertiæ Diei.

- §. I. *Aquarum Congregatio in Locum unum.* ibid.  
 §. II. *Germinatio Herbarum, ac Plantarum.* 68.

## DUBIUM QUINTUM.

### De Opere quartæ Diei.

- §. I. *Productio Luminarium.* 70.  
 §. II. *An orbes Cælestes sint Animati?* 71.

## DUBIUM SEXTUM.

### De Opere quintæ Diei, & sextæ.

- §. I. *De Opere quintæ Diei.* 73.  
 §. II. *De Opere sextæ Diei.* 74.

TRA.

# TRACTATUS DE DEO CREATORE ANGELORUM.

## QUÆSTIO PRIMA.

*De Existentiâ, & Creatione Angelorum.*

### DUBIUM PRIMUM.

An dentur Angeli?

- |        |   |     |
|--------|---|-----|
| §. I.  | Existentiâ Angelorum asseritur ex Ratione.    | 76. |
| §. II. | Angelorum Existentiâ asseritur ex Scripturis. | 79. |

### DUBIUM SECUNDUM.

Quo Tempore, & Loco Angeli creati sint.

- |         |   |     |
|---------|---|-----|
| §. I.   | Angeli sunt Creati, non tamen ab Æterno.    | 81. |
| §. II.  | Resolvitur de Tempore Creationis Angelorum. | 82. |
| §. III. | Fundamenta Contraria.                       | 84. |
| §. IV.  | De Loco, in quo Creati sunt Angeli.         | 88. |

## QUÆSTIO SECUNDA.

*De Natura Angelorum.*

### DUBIUM PRIMUM.

An Angeli Naturâ sint Spirituales?

- |         |  |     |
|---------|--|-----|
| §. I.   | Notantur aliqua, & referuntur Opiniones.     | 90. |
| §. II.  | Veritatis Assertio prima.                    | 92. |
| §. III. | Assertio secunda.                            | 95. |
| §. IV.  | Rationes Veterum pro Corporeitate Angelorum. | 96. |

## DUBIUM SECUNDUM.

An Natura Angelorum sit Multiplicabilis, &amp; Quomodo?

§. I. De Numero Angelorum...	105.
§. II. An omnes Angeli differant Specie?	109.
§. III. An saltem Divinâ Potentiâ fieri possit, ut plures Angeli sint in eadem Specie Atomâ?	116.

## DUBIUM TERTIUM.

An Angeli ex Natura sua sint Incorruptibiles, &amp; Immortales?

§. I. Resolvitur de Falso.	120.
§. II. Quomodo Angeli sint incorruptibiles.	122.
§. III. Respondetur ad ea, quæ tertiam Assertionem impugnant.	124.

## QUÆSTIO TERTIA.

De Loco Angelorum, &amp; Locali Motu.

## DUBIUM PRIMUM.

Per quid Angelus Proximè constituatur in Loco.

§. I. Angeli sunt in Loco.	127.
§. II. Quotuplex sit Angelorum Locus.	129.
§. III. Quænam sit Ratio proximè fundans Angeli Præsentiam in Loco Connaturali.	132.
§. IV. Rationes Scoti contra præfatas Assertiones.	136.
§. V. Ratio fundans Angeli Præsentiam in Loco Violento, seu Præternaturali.	145.

## DUBIUM SECUNDUM.

An Unus Angelus possit esse in pluribus locis,  
& plures in uno Loco?

§. I. Resolutio primæ Partis.	146.
§. II. Resolvitur secunda Pars.	151.

DU-

## DUBIUM TERTIUM.

## De Motu Locali Angelorum.

- §. I. *Angeli Localiter moventur.* 153.  
 §. II. *Angelus moveri potest Motu Continuo, & Discreto.* 156.  
 §. III. *De Transitu Angeli ab uno ad aliud Extremum non transeundo per Medium.* 158.  
 §. IV. *An Motus Localis Angeli perfici possit in uno Instanti?* 161.  
 pag.

## QUÆSTIO QUARTA.

## De Quidditate, Medio, &amp; Modo Angelica Cognitionis.

## DUBIUM PRIMUM.

An Angeli Substantia sit suum Intelligere; an Intelligere sit suum Esse; & an sit sua Virtus operativa?

- §. I. *Resolutio primæ Partis.* 164.  
 §. II. *Resolutio secundæ, & tertiæ Partis.* 166.

## DUBIUM SECUNDUM.

An Angelus ad Cognoscendum se aliquâ Specie indigeat?

- §. I. *Necessitas Speciei ad Intelligendum.* 167.  
 §. II. *Resolvitur de Specie, quâ cognoscit Angelus Substantiam suam.* 168.  
 §. III. *Contraria proponuntur, ac solvuntur,* 169.  
 §. IV. *Alia resolvuntur.* 171.

## DUBIUM TERTIUM.

An ad Cognoscendum alia à se indigeat Angelus Speciebus, an verò ea per suam Substantiam cognoscat?

- §. I. *Referuntur Opiniones.* 174.  
 §. II. *Sententia D. Thomæ præfertur.* 175.  
 §. III. *Contrariis Respondetur.* 176.  
 DU.

## DUBIUM QUARTUM.

An Species, quibus Angelus cognoscit alia à se,  
sint illi à Deo infusæ: an à Rebus  
ipsis acceptæ?

§. I.	<i>Opiniones Recensentur.</i>	180.
§. II.	<i>Resolvitur de Rebus Materialibus.</i>	ibid.
§. III.	<i>Corollaria ex distis.</i>	182.
§. IV.	<i>Resolvitur de Rebus Immaterialibus.</i>	184.
§. V.	<i>Fundamenta contra præfatas Assertiones.</i>	187.
§. VI.	<i>An Species Angelis Infusæ possint dici eorum Proprietates?</i>	191.

## DUBIUM QUINTUM.

An Angeli per Species Universales Intelligent,  
& ed magis Universales, quod in Natura  
sunt Superiores?

§. I.	<i>Quædam Prænotantur.</i>	193.
§. II.	<i>Resolutio Affirmativa.</i>	ibid.
§. III.	<i>Fundamenta Scoti.</i>	196.
§. IV.	<i>Corollaria ex distis.</i>	200.

## DUBIUM SEXTUM.

Varia circa Modum Cognitionis Angelorum:

§. I.	<i>An semper sint in Actu secundo cognoscendi?</i>	201.
§. II.	<i>An Angeli Simul Multa cognoscant?</i>	202.
§. III.	<i>An Angeli intelligent Discurrendo?</i>	204.
§. IV.	<i>An Angelus intelligat Componendo, vel Dividendo?</i>	209.
§. V.	<i>In Intellectu Angeli nequit esse falsitas.</i>	210.
§. VI.	<i>De Cognitione Matutina, &amp; Vespertina.</i>	211.

# QUÆSTIO QUINTA.

*De Objecto Cognitionis Angelicæ.*

## DUBIUM PRIMUM.

*An Inferior Angelus Comprehendat Superiorem?*

- |         |  |      |
|---------|--|------|
| §. I.   | <i>Sententia Affirmativa proponitur.</i>                                   | 213. |
| §. II.  | <i>Sententia Negans.</i>   | 214. |
| §. III. | <i>Respondetur Rationibus pro Sententia Affirmativa superius adductis.</i> | 216. |

## DUBIUM SECUNDUM.

*An Angelus Naturaliter Cognoscere possit Futura Contingentia, seu Libera?*

- |         |                                |      |
|---------|--------------------------------|------|
| §. I.   | <i>Futurorum varia Genera.</i> | 217. |
| §. II.  | <i>Resolutio Negans.</i>       | 218. |
| §. III. | <i>Contraria Solvuntur.</i>    | 219. |

## DUBIUM TERTIUM.

*An Angelus Naturaliter Cognoscere queat Secreta Cordis alterius, sive Hominis, sive Angeli?*

- |        |  |      |
|--------|--|------|
| §. I.  | <i>Resolutio Dubii.</i>                        | 222. |
| §. II. | <i>Proponuntur, &amp; solvuntur Contraria.</i> | 224. |

## DUBIUM QUARTUM.

*An Angeli Naturaliter Cognoscant Myſteria Gratiz?*

- |        |                             |      |
|--------|-----------------------------|------|
| §. I.  | <i>Resolutio Dubii.</i>     | 228. |
| §. II. | <i>Quorundam Resolutio.</i> | 229. |

## QUÆSTIO SEXTA.

*De Voluntate Angelorum.*

### DUBIUM PRIMUM.

*De Existentia, & Natura Voluntatis in Angelo.*

- |        |  |      |
|--------|--|------|
| §. I.  | <i>Voluntas Angelo asseritur.</i>              | 231. |
| §. II. | <i>Alia circa Naturam Voluntatis Angelicæ.</i> | 232. |

### DUBIUM SECUNDUM.

*An Angelus Diligat Seipsum, & Deum Amore Necessario?*

- |         |  |      |
|---------|--|------|
| §. I.   | <i>Aliqua Supponuntur.</i>             | 233. |
| §. II.  | <i>Resolutio Dubii.</i>                | 234. |
| §. III. | <i>Contrariæ Opinionis Fundamenta.</i> | 236. |

## QUÆSTIO SEPTIMA.

*De Perfectione Angelorum in esse Gratiæ, & Gloriæ.*

### DUBIUM PRIMUM.

*An Angeli fuerint in sua Creatione Beati?*

- |        |                                      |      |
|--------|--------------------------------------|------|
| §. I.  | <i>De Beatitudine Naturali.</i>      | 238. |
| §. II. | <i>De Beatitudine Supernaturali.</i> | 239. |

### DUBIUM SECUNDUM.

*An Angelis necessaria fuerit Gratiæ; & Quando,  
ac Quomodo illam acceperint?*

- |         |  |      |
|---------|--|------|
| §. I.   | <i>Necessitas Gratiæ in Angelis.</i>     | 242. |
| §. II.  | <i>Quando Angeli Gratiā habuerint.</i>   | 243. |
| §. III. | <i>Quomodo Angeli Gratiā acceperint.</i> | 245. |

## DUBIUM TERTIUM.

De Merito, &amp; Via Angelorum.

- |        |                             |      |
|--------|-----------------------------|------|
| §. I.  | <i>De Merito Angelorum.</i> | 247. |
| §. II. | <i>De Via Angelorum.</i>    | 248. |

## QUÆSTIO OCTAVA.

De Angelorum Malitia quoad Culpam.

## DUBIUM PRIMUM.

Utrum Malum Culpæ possit esse in Angelis?

- |         |  |       |
|---------|--|-------|
| §. I.   | <i>Explicatio Difficultatis.</i>   | 250.  |
| §. II.  | <i>An detur, vel dari possit Natura creata Impeccabilis tam contra Finem Naturalem, quàm Supernaturalem?</i> | ibid. |
| §. III. | <i>An Angeli per se Primò, &amp; Directè Peccare possint contra Legem Naturalem?</i>                         | 254.  |

## DUBIUM SECUNDUM.

Quodnam fuerit Primum Peccatum Angelorum?

- |        |                         |      |
|--------|-------------------------|------|
| §. I.  | <i>Quædam Notantur.</i> | 257. |
| §. II. | <i>Refolutio Dubii.</i> | 258. |

## DUBIUM TERTIUM.

Quid Appetierit Diabolus Peccando? an Æqualitatem cum Deo?

- |         |  |      |
|---------|--|------|
| §. I.   | <i>Aliqua Præmittuntur.</i>                    | 261. |
| §. II.  | <i>Prima Assertio contra Scotum.</i>           | 262. |
| §. III. | <i>Alia Assertiones refutantur.</i>            | 263. |
| §. IV.  | <i>Nostri Assertio statuitur.</i>              | 266. |
| §. V.   | <i>Quâ viâ Peccatum in Angelos irrepserit.</i> | 269. |

DU-



## DUBIUM QURTUM.

Quandonam Peccaverit Angelus.

- §. I. *An Dæmones sint Naturâ Mali, an Voluntate?* 271.  
 §. II. *An Diabolus in primo instanti suæ creationis fuerit malus per Culpam suæ Voluntatis?* 273.

## DUBIUM QUINTUM.

An Angelus Peccare potuerit in Primo suæ Conditionis Instanti?

- §. I. *Resolutio Negativa.* 274.  
 §. II. *Fundamenta Contraria.* 277.  
 §. III. *An Supremus inter Angelos peccantes fuerit Supremus inter omnes Angelos?* 280.  
 §. IV. *An Peccatum primi Angeli fuerit aliis Causa peccandi?* 282.  
 §. V. *An tot Peccaverint, quot Remanserunt? Et an ex Singulis Ordinibus aliqui Angelorum Ceciderint?* 283.

## QUÆSTIO NONA.

De Pœna Peccati Angelorum.

## DUBIUM PRIMUM.

De Pœna in Intellectu.

- §. I. *An Intellectus Dæmonum fuerit Obtenebratus circa Naturalia?* 285.  
 §. II. *An fuerit Obtenebratus circa Supernaturalia?* 286.

## DUBIUM SECUNDUM.

De Pœna in Voluntate.

- §. I. *An Dæmones sint Obstinati in Malo?* 287.  
 §. II.

- §. II. *Ratio D. Thomæ pro Obstinatione Dæmonum Defenditur.* 288.  
 §. III. *Solvuntur aliqua contrà dicta.* 292.  
 §. IV. *An Dolor sit in Dæmonibus?* 294.

## DUBIUM TERTIUM.

*De Pœna Ignis, quâ Dæmones Torquentur.*

- §. I. *An in Inferno sit Ignis Corporeus crucians?* 295.  
 §. II. *Catholica Veritas.* 296.

## DUBIUM QUARTUM.

*Quomodo Dæmones ab Igne Corporeo Torqueantur.*

- §. I. *Explanato Dubio, opiniones referuntur.* 299.  
 §. II. *Resolutio Dubii.* 300.  
 §. III. *An Ignis alliget Dæmones, Physicè aliquid in eis produciendo?* 304.

## DUBIUM QUINTUM.

*An Dæmonum Pœna futura sit Æterna?*

- §. I. *Quædam Prænotata.* 306.  
 §. II. *Catholica Veritas.* 307.

## QUESTIO DECIMA.

*De Illuminatione, & Locutione Angelorum.*

## DUBIUM PRIMUM.

*An unus Angelus alium Illuminet, & Quomodo?*

- §. I. *Resolutio primæ Partis.* 310.  
 §. II. *Resolutio secundæ Partis.* 313.

DE-

## DUBIUM SECUNDUM:

XV

An, & Quomodo unus Angelus alteri Loquatur?

§. I. <i>Resolutio de Locutione Angelorum.</i>	315.
§. II. <i>Modus, quo fit Angelica Locutio.</i>	317.
§. III. <i>Solutio eorum, quæ Contraria sunt.</i>	320.



Vidit

Vidit D. Placidus Rambaldi Clericus Regularis Sancti Pauli, & in Ecclesia Metropolitana Bononiæ Pœnitentiarius pro Sanctissimo Domino Nostro BENEDICTO Papa XIV. Archiepiscopo Bononiæ.

Die 4. Januarii 1751.

REIMPRIMATUR.

Fr. Cęsar Antoninus Velaſtius Provicarius Sancti Officii Bononiæ.

# THEOLOGIAE

## SCHOLASTICO-DOGMATICÆ.

### TRACTATUS DE DEO CREATORE GENERALITER.



Edimus de processione Divinarum Personarum in Deo, quæ est intra Deum, nunc agere incipimus de processione creaturarum à Deo, quæ est ad extra, seu extra Deum. Hoc præstabimus primò ostendendo, Deum esse omnium Creatorem, secundò tempus creationis, tertio modum creationis; & hoccum Angelico nostro Magistro 1. par. qn. 44. 45. 46. 66. 67. &c.

#### QUESTIO I.

*De Processione creaturarum à Deo,  
& modo Processionis.*

Quamvis ex dictis de Dei existentia, quam inter cætera ex ratione primi efficientis probavimus, constet omnia creatura à Deo ut primo efficiente processisse: quia tamen etiam ex iis, qui Deum admiserunt, aliqui non desuerunt, qui Deum fuisse causam omnium negaverunt: ideo pro majori hujus veritatis firmitate Deum omnium prorsus, quæ sunt, Conditorum statuemus, & insuper ea ex nihilo fecisse ostendemus.

#### DUBIUM I.

An Deus sit omnium rerum causa?

S. I.

*Referuntur errores.*

I. Simon Magus omnium hæreseon-  
parens inter alia blasphemavit, Deum non fecisse mundum, ut refert S. August. lib. de hæres. cap. Tom. V.

2. Ejus discipulus Menander etiam ipse Magus, magistri sui errorem velut explicans, mundum asseruit non à Deo, sed ab Angelis factum. Ita idem S. Aug. cap. 2. qui cap. 3. in eundem errorem impegisse scribit Saturninum Simoniacæ labis in Syria propagatorem: dum ait, à solis Angelis septem conditum fuisse mundum, præter scientiam Dei Patris. Quo eodem errore laborasse refert cap. 5. Nicolaitas: cap. 7. Carpocratianos; cap. 8. Cerinthianos, omnes primi sæculi hæreticos multas fabulas in mundi creatione intermiscientes.

II. Seculo verò tertio Manes Sædæ Manichæorum princeps, qui, ut superius diximus, duos Deos, unum bonum, alterum malum commentus est, multa addidit fabulosa, & Deo indigna mundi conditione: quæ refert S. August. in Actis contra Fortunatum Manichæum cap. 1. nimirum: gentem quandam tenebrarum adversus Dei regnum rebellasse; unde Deus videns quanta labe, & vastitas immineret regnis suis, misit virtutem (quam dicebat Dei animam) ex cuius commixtione cum malo, seu cum gente tenebrarum fabricatus est mundus. Hinc esse, quod hic anima bona laborant, serviunt, errant, corrumpuntur, ut necessarium haberent liberationem, qui eas ab errore purgaret, & à servitute liberaret. Ipsam tamen fabricam mundi Deo tribuisse testatur idem S. Augustinus lib. 3. oper. Imperfecti. contra Julian. cap. 186. dicens: Manichæi ex commixtione duarum naturarum coæternarum, boni scilicet & mali, non solum hominem, sed universum mundum constare dicunt, & ad eum omnia pertinentia; ita sancti, ut ipsam fabricam mundi, quamvis ex commixtione boni, & mali, Deo bono artificis

ita.

*tribuit; animalia verò & cuncta quæ nascuntur à terra, & ipsum hominem, opera esse dicat maligna mentis, quam genti adtribuit tentarum. Volebat enim, animam primam à Deo lucis manasse tanquam ipsius Dei partem & naturam, & accepisse istam fabricam corporis, ut eam suo fratri regeret: sed in homine præsertim deceptam, ac sedatam fuisse. Carnem autem quia videbat repugnantem spiritui, dicebat non esse à Deo lucis, sed à gente tenebrarum Deo bono contrariâ; nesciens distinguere inter substantiam & vitium substantiæ, carnem pro ut à Deo exivit, & carnem qualis vitio suo facta est. Quod Falsum est, hæreticum est, blasphemum est (ait S. August. serm. 30. aliàs 12. de Verb. Apost. cap. 3.) mentis & carnis unus est artifex. Ipse quando hominem creavit, utrumque fecit, utrumque coniunxit: carnem animæ subdidit, animam sibi. Si semper illa flaret sub domino suo, semper & illa obediret domina sua.*

III. Huic errori quarto seculo subseripsere Priscillianistæ in Hispania, Gnosticorum, & Manichæorum misera soboles, qui inter alia, referent S. August. lib. de hæres. cap. 70. carnis opificem non Deo bono & vero, sed malignis spiritibus tribuebant; à carnis propterea cibis abhorrebant, conjugisque à viris virosque à conjugibus, etiam nolentes, hoc superstitiosa dogmate disjungentes, in alia turpiora nefandioraque crimina prolabeantur. Sed insanos dimittamus.

Deum esse omnium entium Opificem semper credidit Catholica Ecclesia, & nedum causam eorum efficientem, sed & exemplarem, ac finalem, ut statim dicemus.

## §. I I.

## Prima assertio.

IV. Deo primò. Deus est causa omnium efficiens. Nihil apertius in Sacris Litteris, quæ ab hac vetustate exordium sumunt: *In principio* (inquit Moyses Gen. 1. v. 1.) *Crea-*

*vit Deus cælum & terram. Deus, ait, solus: non materiâ, non Angelis adiutus, ut Simon Magus, Menander, alique superius relati somniarunt. Cælum: id est res omnes cœlestes, etiam Angelos: & terram, omnes scilicet res inferiores, quæ subter cœlos sunt. Unde Exodi 20. v. 11. Sex diebus fecit Dominus cælum, & terram, mare, & omnia, quæ in eis sunt. Quod repetitur Psalm. 145. v. 5. All. 14. v. 14. & Apoc. 14. v. 7. Itaque quoque 44. v. 14. Ego sum Dominus, faciens omnia, extendens cælos solus, stabilis terram, & nullus mecum. Ecclesiastici 18. v. 1. Qui vivit in æternum, creavit omnia simul. Quod clare expressit septem Machabæorum mater 1. Machab. 7. v. 28 Peto nate, ut aspicias ad cælum, & terram, & ad omnia, quæ in eis sunt; & intelligas, quia ex nihilo fecit illa Deus, & hominum genus.*

Id etiam constat ex novo Testamento Joann. 1. v. 3. *Omnia per ipsum facta sunt, & sine ipso factum est nihil.* Ad Rom. 11. v. 36. *Ex ipso, & per ipsum, & in ipso sunt omnia:* & Act. 17. v. 24. *Deus, qui fecit mundum, & omnia, quæ in eo sunt.*

V. Hanc veritatem quovis seculo confessi sunt Ecclesia Catholica, quæ in suis Symbolis, Apostolico, Nicæno, Constantinopolitano, profiteretur se credere in Deum factorem cæli, & terræ, visibilium omnium, & invisibilium. Quod etiam in Lateran. IV. cap. Firmiter expressit dicens: *Firmiter credimus, & simpliciter confitemur, quid unus solus est verus Deus... qui sua omnipotens virtute, simul ab initio temporis, utramque de nihilo condidit creaturam, spirituales, & corporales, angelicam videlicet, & mundanam &c.* Idem statuerat Concil. Bracarense primum contra Priscillianistas anno 561. Can. 13. his verbis: *Si quis dixerit, creationem universæ carnis non opificem esse Dei, sed malorum Angelorum, sicut Manichæus, & Priscillianus dixerunt; anathema sit.* Et S. Augustinus lib. de Ceresi, ad litteram imperfect. cap. 1. *Itane* (inquit) *Trinitatem*

*satem dici unum Deum, eumque fecisse, & creasse omnia, qua sunt, inquantum sunt, catholica disciplina dici jubet; Ita ut creatura omnis, sive intellectualis, sive corporalis: vel, quod brevius dici potest secundum verba divinarum Scripturarum, sive invisibilis, sive visibilis, non de Dei natura, sed à Deo sit facta de nihilo.*

VI. Porro Manichæorum, Priscillianistarum, & aliorum negantium, naturas aliquas à bono Deo processisse, errorem ortum habuisse ex deceptione, qua nescientes distinguere inter naturas, & vitium naturæ, vitium, quod inveniebant in rebus, in earum naturas refundebant; ideoque aliqua esse naturæ suæ mala dicebant docet nos D. Th. opuscul. 5. non procul ab initio his verbis: *Primus est error Manichæorum, qui dicunt, quod omnia visibilia creata sunt à Diabolo. Et idcirco Deo solum attribuunt creatorem invisibilem. Et causa hujus erroris est, quia ipsi Deum asserunt summum bonum, sicut & verum est, & omnia, quæ à bono sunt, bona esse. Unde nescientes distinguere, quid sit malum, & quid bonum, crediderunt quod omnia illa, quæ sunt aliquantulum mala, simpliciter essent mala; sicut ignis, quia uris dicitur ab eis simpliciter malus, & aqua quia suffocat, & sic de aliis. Unde quia nihil istorum sensibilem est simpliciter bonum, sed aliquantulum malum, & deficient, dixerunt, quod visibilia omnia non sunt facta à Deo bono, sed à malo. Contra hoc ponit Augustinus tale exemplum. Si aliquis intraret domum fabri, & inveniret instrumenta, in qua impingeret, & laderet cum; & ex hoc reputaret illum fabrum malum, quia tenet talia instrumenta, stultus esset, cum faber ea teneat ad opus suum. Ita stultum est dicere, quod per hoc creatura sint mala, quia sunt in aliquo nociva. Nam quod uni est nocivum, alteri est utile. Hæc D. Thomas. Quibus & Manichæum detegit errorem, & modum ministrat illum validè confutandi.*

VII. Probat insuper D. Thomas veritatem hanc 1. par. quæst. 44. art.

1. sic: Quidquid est per participationem debet esse causatum ab eo, quod est tale per essentiam, sicut quidquid est calidum per participationem, debet esse causatum ab igne, quod est calidum per essentiam; sed solus Deus est ens per essentiam, idcirco in tota plenitudine essendi, quia est ipsum esse per se, & a se subsistens, ut superius probatum est, omne autem aliud à Deo habet esse per participationem; ergo omne aliud à Deo debet esse causatum à Deo.

Quæ ratio in Manichæos converti potest sic. Omnis natura à Deo distincta est aliqua participatio entis; ergo bona, quia ens, & bonum convertuntur; ergo est à Deo per essentiam bono.

VIII. Porro cum dicimus, Deum esse ens per essentiam, non solum intendimus, quod ratio entis essentialiter conveniat Deo (sic, & homo, sicut est essentialiter animal, ita est essentialiter ens) sed intendimus, hoc prædicatum ens convenire Deo secundum totam amplitudinem, & plenitudinem essendi; unde aliud est dicere: Deus per essentiam est ens, & aliud: Deus est ens per essentiam; hoc enim significat, Deum possidere hoc prædicatum ens in tota plenitudine. Alias rationes poterit Studiosus legere apud D. Thom. qu. 3. de pot. art. 5. & lib. 2. contrag. cap. 15. quas omittimus, cum superius agentes de existentia Dei tetigerimus.

IX. Duo tamen noto pro solutione argumentorum. Unum, quod esse ordo ad causam non interet definitionem entis, cum inveniatur ens à nullo causatum, nempe Deus; consequitur tamen rationem entis participat ex hoc enim, quod aliquid per participationem est ens, sequitur, quod sit ab alio causatum. Ita D. Thomas hic ad 1.

Alterum est, quod ea, quæ necessario eveniunt, esse non indigeant causâ, quia indifferenter se habeant ad esse, & non esse: ea tamen indigent, quia non essent, nisi aliqua causa esset, quæ faceret illa esse. Sic  
A 2 con-

conclusiones etſi neceſſariæ, non eſſent, niſi principia eſſent, ex quibus inferrentur. Ita S. Doct. loco citato ad 2.

Supereſſet ſtatueret etiam, materiam primam, ex qua omnia iſta corporalia facta ſunt, & conſiſtunt, ab ipſo productam fuiſſe. Sed quia de hoc agemus inferius contra Hermogenem, alioſque eam Deo coæternam ponentes. Et quia cum & ipſa ens participatum ſit, conſtat & ipſam a Deo primo & per eſſentiam ente produci indiguiſſe; ideo hoc omittimus præſentiri.

### §. III.

#### Secunda, & Tertia aſſertio.

X. Deo ſecundò. Deus eſt prima, cauſa exemplaris omnium rerum. Probo ratione D. Thomæ hic art. 3. Deus eſt primus, & ſupremus artiſex, qui ſua ſapientiâ cuique rei debitam, ac determinatam formam præfixit, quique omnia in Univerſo debito ordine collocavit, & ſapientiſſimè regit; ergo oportet, ut in ipſo aſſint rationes, ſeu exemplaria omnium, ad cujus imitationem omnia, & facta ſint, & conſiſtant. Sicut enim in artiſice creato præxiſtere debet idea, quam artefactum imitetur, ex qua determinatam formam accipiat, ne dicatur, casualiter, & præter intentionem evenire; ita & multò magis in Deo præxiſtere debent rationes, & idæ, quarum omnia ab ipſo creata imitationes ſint, & ex quibus determinatas formas non casualiter, ſed ex præconcepta intentione recipiant. Sed quidquid in Deo eſt, Deus eſt; ergo Deus non ſolum habet, ſed eſt idea, & cauſa exemplaris omnium rerum. Quæ nihil aliud eſt, niſi ſua eſſentia, ut diverſimodè participabilis; ideoque eſſe in Deo una omnium realiter ſit idea, & unum exemplar, multiplicanteſtamen rationes, & idæ ſecundùm reſpectum ad res, quæ divinam eſſentiam participant, & imitantur.

Quamvis autem nulla creatura poſſit perſingere ad ſimilitudinem inſpectæ cum Deo, poteſt tamen eſſe ſimilitudo participativa rationis à Deo præconceptæ, quam imitatur; ſicut domus, quæ in materia exterius ponitur, eſt ſimilitudo domus, quæ eſt in mente artiſicis. Ita D. Tho. hoc art. ad primum.

XI. Dico terciò. Deus, ſeu divina bonitas eſt ultimus omnium rerum ſinis. Ita D. Tho. hic art. 4. & probat ex illo Proverb. 16. v. 4. *Univerſa, propter ſemetipſum operatus eſt Dominus.* Non quidem ut aliquid ſibi acquirat, quaſi illi aliquid deſit, ſed ut ſe ipſum ſuamque bonitatem, quam ſibi intimè identiſicat, aliis communicet. Et in hoc ſenſu Deus dicitur agere propter ſinem. Non quidem appetendo habi ſinem, quaſi non habeat, ſed ut aliis communicet, & ut alia a ſe perducatur ad ſinem quem amat, & ſummè poſſidet, nempe bonitatem ſuam, ſe ipſum. Concluſio ſic explicata à D. Tho. probatur. Illud, quod primum agens intendit omnibus communicare, quodque omnia creata intendunt conſequi, eſt ſinis omnium: ſed divina bonitas eſt illa, quam Deus intendit omnibus rebus communicare, & quam omnes res creatæ, ut poſſunt, intendunt conſequi; ergo divina bonitas eſt omnium rerum ſinis. Min. proba. Nam primo agenti non convenit agere propter acquisitionem alicujus ſinis; ergo ſolum intendit bonitatem ſuam in alia effundere. Rurſus unaquæque creatura tendit ad ſuæ perfectionis adeptionem; hæc autem non eſt niſi participatio perfectionis & bonitatis divinæ, ad quam quò magis accedit, eò magis perfectæ eſt.

XII. Aliam rationem proſert Divus Thomas lib. 3. contrag. cap. 17. ſic: *In omnibus ſinibus ordinatis oportet, quod ultimus ſinis ſit ſinis omnium præcedentium ſinuum; ſicut ſi potio exciſitur ut detur agro; datur autem, ut purgetur, purgatur autem ut extenuetur; extenuatur autem ut ſanctur; oportet, quid ſanitas ſit ſinis & extenuationis, & purgationis & aliorum præ-*



*precedentium. Sed omnia inveniuntur in diversis gradibus bonitatis ordinata sub uno summo bono, quod est causa omnis bonitatis; ergo cum bonum habeat rationem finis, omnia ordinantur sub Deo; sicut sine precedentibus sub fine ultimo. Oportet igitur, quod omnium finis sit Deus. Videantur alia D. Thomæ rationes ibi, & cap. 18.*

XIII. Quapropter ineptè erravit Origenes qui in libris Periarchon, ut refert S. Hieron. *epist. 59. nunc 94. ad Avitum*, assererat, mundum hunc corporalem à Deo conditum fuisse, ut animabus, & Dæmonibus, qui peccaverant, esset loco carceris; adedque si cessaret peccatum, mundus iterum redigendus esset in nihilum. Quem ob hoc mirari non cessat D. Augustinus *lib. 21. de civit. Dei cap. 13.* his verbis: *Miror, hominem in Eccllesiasticæ litteris solum dictum, & exheretatum, non attendisse primum, quàm hoc esset contrarium Scripturæ hujus tantæ auctoritatis intentioni, quæ per omnia opera Dei subjungens: & vidit Deus, quod bonum est: completisque omnibus inferens: & vidit Deus omnia, quæ fecit, & ecce bona valde: nullam causam faciendi mundi intelligi voluit, nisi ut bona fierent à bono Deo. Ubi si nemo peccasset, tantummodo naturæ bonæ esset mundus ornatus & plenus: & quia peccatum est, non ideo cuncta sunt impleta peccatis, cum bonorum longè major numerus in volentibus sua natura ordinem servet. Nec mala voluntas qua natura ordinem servare noluisset, idèd iusti Dei leges omnia bene ordinantè effugit. Quoniam sicut pictura cum colore nigro loco suo posita; ita universitas rerum, si quis possit intueri, etiam cum peccatoribus pulchra est; quamvis per se ipsos confusor sua deformitas turpet.*

Deinde postquam ostendit, quod si hæc corpora idèd condita fuissent, ut essent ergastula animabus peccantibus; ex gravitate, vel levitate peccati deberet anima graviori corpore includi, vel leviori, ut poena responderet merito; quod tamen falsum est: cum lex nonnes, qui gravius peccaverunt, acreum corpus (quod est levius

per Origenem ipsum) fortiti sint. *Homo autem, & nunc licet malus, longè minorie mitiorisque malitia, & certe ante peccatum, tamen luteum corpus accepit.* Deinde subdit. *Quid autem stultius dici potest, quàm per istum Solem, ut in uno mundo nunc esset, non deorū pulchritudinis, vel etiam salutis rerum corporalium consuluisse artificem Deum; sed hoc potius evenisse, quia una anima sic peccaverat, ut tali corpori mereretur includi?*

XIV. Noto pro dictorum perfectæ intelligentiæ, quod quamvis Deus sit omnium rerum finis. & sua bonitas ut vera causa finalis comparetur ad creatas, respectu tamen divinæ voluntatis, & operationis habere non potest veram rationem finis; sed potius dici debere, quod sit Deo ratio volendi, & agendi. Quod probò primò. Quia, verus finis debet realiter distinguī ab iis, quæ ad ipsum ordinantur, & debet esse magis amabilis, quàm illa: divina autem bonitas nec realiter distinguitur, nec magis est, imò aequè amabilis ac divina operatio voluntas, Deus ipse. Hinc S. August. *lib. 1. de Genes. contra Manichæos cap. 2.* *Causas (inquit) voluntatis Dei scire quærent, eam voluntas Dei omnium quæ sunt ipsa sit causa. Si enim habet causam voluntas Dei, est aliquid quod antecedit voluntatem Dei, quod nefas est credere. Qui ergo dicit: quare fecit Deus cælum & terram? Respondendum est ei, quia voluit. Voluntas Dei causa est cæli & terræ, & ideo major est voluntas Dei, quàm cælum & terræ. Qui autem dicit: quare voluit Deus facere cælum & terram? Majus aliquid quærit, quàm est voluntas Dei: nihil autem majus inveniri potest.*

Adde, quod tunc solum unum est causa intelligendi, & volendi aliud, quando diverso actu intelligit, & vult unum ac alterum; quia idem non est causa sui ipsius. Sed in Deo sicut intelligere causam non est causa intelligendi effectus: ita velle finem non est ei causa volendi effectus; ergo velle finem non est ei causa volendi eam, quæ sunt ad finem: Ita D. Th. 1. *par. 24. 29. art. 5.*

XV.

XV. Dicitur tamen potest divina bonitas ratio volendi, & agendi; quia ut unum sit ratio alterius, non requiritur distinctio realis, sed sufficit distinctio virtualis, & per rationem, quæ inter divinam bonitatem, & voluntatem jure excogitari potest. Quare D. Tho. citatâ, qu. 19. art. 1. ad 2. Cùm Deus (inquit) alia à se non velit nisi propter finem, qui est sua bonitas; non sequitur, quod aliquid moveat voluntatem suam, nisi bonitas sua.

## DUBIUM II.

An Deus fuerit causa omnium per creationem?

### §. I.

*Quid sit creatio.*

**I.** Tripliciter sumi potest verbum *creare*, seu *creatio*. Primò latè pro quacunque rei productione; sic Ecclesiast. 14. v. 14. sapientia dicitur ab initio, & ante secula *creata*. Secundò creari dicitur, qui ad alioren statum evehitur, quomodo dicitur quis creari Episcopus, vel Cardinalis; & à Paulo Ephes. 2. v. 10. dicimur *creati in Christo Jesu in operibus bonis*. Tertiò magis propriè, ut est totius entis ex nihilo productio: quomodo Psalmo 148. v. 5. ipse mandavit & *creata sunt*; & ita accipitur illud Genes. 1. *In principio creavit Deus cælum, & terram*, si benè conferatur ly *creavit cum ly in principio*. Dicitur *creatio* totius entis productio, quia creatione tota rei substantia hic producit, ut nihil ejus præsupponatur, ad differentiam simplicis productionis, qualis est generatio, quæ materiam supponit. Dicitur quoque *ex nihilo*, quo discriminarur productio, quæ est ab universalis agente ab ea, quæ est ab agente particulari, quod ista est ex non esse tale. Sic homo fit ex non homine, cùm generatur, & album ex non albo: illa verò est ex non esse omnino, & absolute, ità ut nullum ens ei præsupponatur. Unde hoc art. 1. qu. 43.

*prima partis* concludit S. Thomas: *sicut igitur generatio hominis est ex non ente, quod est non homo; ita creatio, quæ est emanatio totius esse, est ex non ente, quod est nihil.*

II. Notat etiam D. Thomas laudato loco ad 3. *Quod cùm dicitur aliquid ex nihilo fieri, hinc præpositio ex non designat causam materialem, sed ordinem tantum. Sicut cùm dicitur ex mane fit meridies, idest post mane fit meridies.* Notat rursus, quod præpositio *ex*, vel potest includere negationem importatam in hoc, quod dico *nihil*, vel includi à negatione. Si primo modo, tunc ordo remanet affirmatus, & ostenditur ordo ejus, quod est ad non esse præcedens. Si verò negatio includat præpositionem, tunc ordo negatur, & est sensus: fit ex nihilo, idest non fit ex aliquo: sicut si dicitur: iste loquitur de nihilo, quia non loquitur de aliquo. Hinc si mundus esset æternus, esset ex nihilo hoc modo, non primo.

III. Pater etiam, cur generatio Filii Dei non sit creatio, nedùm quia. Filius Dei est coæternus Patri, nec in eo adhuc secundum modum concipiendi sit ordo successioneis post nihil; sed etiam quia dici nequit eum produci ex nihilo, idest non ex aliquo, cùm sit productus de aliquo, nempe de substantia Patris, quæ esto secundum rem non præsupponatur Filio, illi tamen, præsupponitur secundum nostrum modum intelligendi, juxta D. Thomæ estatut. 1. par. qu. 33. art. 3. ad 1. *Communia absolute dicta secundum ordinem intellectus nostri sunt priora, quàm propria.*

### §. I I.

*Referuntur errores.*

**IV.** Væteres Philosophi impossibilem creationem existimaverunt. Unde eorum axioma: *Ex nihilo nihil fit.* Ad istos conversus Hermogenes, contra quem Tertulianus librum edidit, putavit mundum ex præiacente materia factum fuisse, quæ non esset à Deo facta, sed Deo coæterna. Unde Ter-

Tertullianus lib. contra Hermogenem. cap. 1. *A Christianis (inquit) conversus ad Philosophos de Ecclesia in Academiam, & Porticum, inde sumpsit à Stoicis materiam cum Domino ponere, quæ & ipsa semper fuerit, neque nata, neque facta, nec initium habens nec finem, et qua Dominus omnia posse fecerit.*

V. Dicebat enim, referente eodem Tertuliano ibi cap. 1. Deus, aut de semetipso fecit cuncta, aut de nihilo, aut de aliquo. Non ea fecit de semetipso, aliàs quacunque fecisset, partes ipsius fuissent, quod est contrà Dei naturam indivisibilem, ac indenuciabilem, quæ idem semper omnino fuit, qui movèd est. Rursus, si quæ Deus fecit aliquid Dei sunt, ea, quæ fierent, ex parte fierent, ex parte non fierent: fierent, ut supponitur, non fierent, nam ex ea parte, quæ aliquid Dei sunt, non fierent, quia semper fuissent. Quòd si dicas, ea quæ sunt non esse partem Dei, sed totum Deum. Urgebat, ergo Deus & totus erat ut faceret semetipsum, & totus non erat ut fieret de semetipso.

Quid verò quæ fecit, non fecerit ex nihilo, probabat sic. Deus cum bonus sit, & optimus, omnia quæ sua voluntate & arbitrio facit, bona & optima facere vult, sicut ipse est. Cum ergo in mundo aliqua mala sint, hæc non arbitrio suo facit, sed ex vitio alicujus alterius factum est, nempe ex materia, quæ præexistere. Tum etiam, quia Deus licet semper fuit Deus, ita semper fuit Dominus; ergo debuit semper aliquid esse, cujus Deus esset Dominus; non enim potuisset semper Dominus esse, nisi aliquid retrò semper fuisset, cujus semper Dominus haberetur. Cum ergo non semper fuerit mundus, fuit semper cum Deo materia, ex qua, quando voluit, fecit mundum. Ita ratiocinabatur Hermogenes.

VI. His respondet Tertullianus concedendo, Deum ea quæ fecit, ex semetipso non fecisse, non tamen de materia ipsi coæternam, & ab eo non facta, sed ex nihilo. Ad rationes ipsius dicit; & primò quidem ad hanc secundam cap. 3. Deum quidem semper

fuisse Deum, non tamen semper Dominum: quia Deus, substantiæ ipsius, idem divinitatis, quæ existit in semetipso, nomen est. Dominus verò non substantiæ nomen est, sed potestatis. Solum ergo ex quo esse caperunt in, quæ potestas Domini ageret, ex illo per accessionem potestatis & factus, & didus est Dominus. Nam Deus eriam, iudex est, non tamen idem iudex semper, quia Deus semper. Nam nec Iudex esse potuit ante delictum. Hoc nobis adtestatur Scriptura, quæ dèscrìbit Deum creatorem mundum, vocat eum Deum, quod fuit semper: In principio creavit Deus, fecit Deus, vidit Deus; & solum ubi univerfa perfecit, tunc ei Domini nomen adiecit: Et accepit Deus hominem, quem finxit.

Inde retorquet argumentum adversus ipsum. Nam materia, quam supponit Hermogenes Deo coæternam, non fuit nec à Deo nata, nec ab eo facta; ergo in eam non potuit ab æterno exercere dominum. Si enim naturà æterna; ergo erat Deus: quis magis proprius Dei character est, quam æternitas? ergo dum ponit materiam Deo coæternam, eam ponit alium Deum, in quem Deus dominium non habet. Quomodo enim illius materiæ Deus Dominus est, si ista impedire potuit, ne omnia Dei opera essent bona, & optima, sicut ipse Deus, sed vitio suo ea coinquinavit?

VII. Ex dictis ruit prima Hermogenis ratio, quæ ponit, idem materiam Deo coæternam, ut ab ipsa effluerent mala. Hoc enim est duos Deos ponere, unum bonum & principium bonorum, alterum malum & principium malorum. Hoc insuper est facere Deum deservire materiæ, & materiam dominari Deo, principium malum principio bono; si ab ea necessitatur, ut fiant mala, quæ suo arbitrio, & voluntate, quia bonus est, non fierent. Vel enim Deus bonus potuit impedire, ne ex materia, mala evenirent, vel non potuit. Si potuit; ergo potuit operari independentè à materia, & sic ex nihilo omnia facere. Si non potuit, qua-

qualis esset Deus, qualis Dominus, qui ob alterius obstitentiam, quam vincere non potest, necessitatur, ut fieri sinat mala, quæ fieri nollit, quia bonus? Dicatur ergo, omnia à Deo facta esse, & omnia bona; & licet aliqua naturæ particulari mala dicantur, absolute tamen in se bona sunt, & quia entia sunt, & quia Universi pulchritudini serviunt, & quia ex eis alia maiora bona elicit Deus.

VIII. Hermogene devicto: quis ille fuerit sciscitanti, dicam quæ ex Baronio ad ann. 170. num. 1. ex quo descriptis Cave in *biss. litteraria* ad eundem annum, excerpti. Hermogenis Patria incerta, esse quidam eum fuisse Afrum existiment. Docuisse in Africa certum est. Professione pictor, vel saltem studio, arti hanc exercuit, adhuc dum esset christianus; vixit seculo secundo, circa annum 170. quare doctrinam ejus novellam vocat Tertullianus *lib. adversus Hermogenem cap. 1.* Imò Tertulliani ætate adhuc superstes erat, ait ibid. Naturâ turbulentus, loquax, impudens, maledicus. Fortè ut adularetur M. Anonino Imperatori, qui stoicam sectam prosequabatur (putat Baronius) à christianis ad stoicos conversus, ex eorum schola in Ecclesiam invehere conatus est de materia ingenita errorem, factus hæresiarcha, ex qua, non ex nihilo, omnia facta dicebat, unde sequaces ejus *materiarum* dicti sunt. Huic errori alios adjunxit, nimirum Christi corpus in Sole depositum fuisse ex illo Psalmi 18. *In sole posuit tabernaculum suum.* Dæmones etiam in materiam refundendo. Libidini deditus legem Dei in libidinem defendebat. Ex Hermogenis hæresi ortam fuisse sectam Manichæorum docet Gregorius Nyssenus.

Porrò quia Philastrius *hæres. 55.* & S. August. *hæres. 50.* Hermogenem cum Sabellianis enumerant, censent aliqui eum fuisse tempore posteriorem, nempe post Sabellium seculo tertio erupisse. Sed nisi duos confingamus Hermogenes, constat ex Tertulliano audire hæresis, quam impugnavit, secundo seculo vixisse. Sed de hoc satis.

## §. III.

## Apostolica Catholica.

IX. Deo. Deus ex nihilo omnia creavit. Id testatur Script. Gen. 1. *In principio creavit Deus calum, & terram.* Super quæ D. August. lib. de Genes. imperfecto cap. 1. *Hanc ergo (inquit) Trinitatem dici unum Deum, eumque fecisse, & evasisse omnia quæ sunt, in quantum sunt, catholica disciplina credi jubet; ita ut creatura omnis sive intellectualis, sive corporalis... non de Dei natura, sed à Deo sit facta de nihilo.* Rursus. Cùm ex superius dictis, res non ex præexistente materia factæ sint, sequitur, ex nihilo factæ fuerint.

X. Probatur ratione D. Thom. *hæc quæ. 45. art. 2.* Quicumque facit aliquid ex aliquo, illud ex quo facit præsupponitur actioni ejus, & non produci per ipsam actionem; ergo si Deus non ageret nisi ex aliquo præsupposito, sequeretur quòd illud præsuppositum non esset causatum ab ipso. Nam si ab ipso esset causatum, vel hoc esset eadem actione, vel diversâ: non eadem, quia huic præsupponitur; non diversâ, quia hæc vel illud causaret ex nihilo, & sic daretur creatio; vel ex aliquo, & de hoc idem quæri posset. Quare, vel in infinitum abeundum esset, vel tandem admittenda productio ex nihilo, vel asserendum, illud ex quo Deus res fecit non esse productum à Deo; sicut nec lignum ex quo artifex facit scamnum ab artifice produci, sed productum supponitur. Ant. explicatur à D. Thoma exemplo artificis. Dùm enim artifex ex rebus naturalibus, ut ex ligno, & ære aliquid operatur, hæc per actionem artis non causantur, sed actione naturæ earum causata supponuntur; & natura ipsa, dùm causat res naturales quantum ad formam, non causat tamen, sed præsupponit materiam, ex qua illa causat.

Porrò talis non est Deus (inquit) S. Aug. lib. 1. de Gen. contrà Manich. cap. 6. *Non enim debemus esse similes istis,*

istis, qui omnipotentem Deum non credunt aliquid de nihilo facere potuisse. eam considerant fabros, & quoslibet opifices non posse aliquid fabricare, nisi habuerint unde fabricent. Et ligna enim adjuvant fabrum, & argentum adjuvat argentarium, & aurum anrifectum, & terra figulum adjuvat, ut possit perficere opera sua. Si enim non adjuvantur ad materiam, unde aliquid faciunt, nihil possunt facere, cum materiam ipsi non faciant. Non enim faber lignum facit, sed de ligno facit aliquid; sic & ceteri omnes huiusmodi opifices. Omnipotens autem Deus nullâ re adjuvandus erat, quam ipse non fecerat, ut quod volebat efficeret. Si enim ad eas res, quas facere volebat, adjuvabat eum aliqua res quam ipse non fecerat, non erat omnipotens, quod sacrilegum est credere.

XI. Probatur secundò ratione e. iuldem S. Doctoris 1. par. qu. 44. art. 4. Si Deus non ex nihilo, sed ex aliquo fecisset mundum, maximè ex materia præsupposita productioni mundi, sed hoc est falsum; ergo &c. Min. probatur. Eſto agens particulare, quod producit ens, in quantum est tale, debeat producere ſolam formam determinativam materiæ ad talem, vel talem speciem entis; agens tamen universale, quod est causa rerum in quantum sunt entia, ſeu rerum non ſolum ut ſunt hæc, & ut talia entia, ſed ut abſolute ſint entia, illas debet cauſare, non ſolum ſecundum quod ſunt tales per formas accidentales, aut ſubſtantiales, ſed etiam ſecundum omne illud, quod pertinet ad eſſe illarum, ſeu quod requiritur, ut ſint entia diſtincta à nihilo; ſed Deus eſt agens univerſale produciens res non ſolum ut ſint in tali, vel tali ſpecie entis, ſed abſolute ut ſint extra nihil; ergo illas debet cauſare &c.

XII. Confirmatur ex eodem S. Doct. qu. 3. de pot. art. 1. Ideo cauſa creata naturalis non producit totum quod eſt in re, quia non agit ſecundum ſe totam, ſed agit per formam ſuam, per quam eſt in actu determinatæ ſpeciei; & quia nulla res naturalis claudit in ſe actus & perfectiones omnium re-

Tom. V.

rum, quæ in actu ponuntur: Sed quælibet illarum habet alium determinatum aut unum genus, & ad unam ſpeciem; & inde eſt, quid nulla earum eſt actus entis ſecundum quod eſt ens, ſed huius entis, ſecundum quod eſt hoc ens determinatum in hac vel illa ſpecie: nam agens agit ſibi ſimile: atqui Deus eſt totaliter actus, & in comparatione ſui, quia eſt actus purus non habens potentiam permixtam; & in comparatione rerum, quæ ſunt in actu, quia in eo eſt omnium entium origo; ergo per ſuam actionem producit totum ens ſubſiſtens: nullo præſuppoſito, utpote qui eſt totius eſſe principium, & ſecundum ſe totum; & propter hoc ex nihilo aliquid facere poteſt.

XIII. Hanc veritatem, teſte D. Th. lib. 8. Phyſic. teſt. 1. eſſi non omnes, aliqui ſaltem ex Philoſophis, præſertim Plato, & Ariſtoteles agnoverunt. Ait enim: Antiqui naturales non poterant pervenire ad cauſam primam totius eſſe, ſed conſiderabant cauſas particularium mutationum. Poſtremi vero ut Plato, & Ariſtoteles pervenerunt ad conſiderandum principium totius eſſe. Ita D. Thomas. Qui hoc probaverat ex eo, quid Ariſtoteles in ſecundo Metaphyſ. docuerat: Quod id quod eſt maximè verum, & maximè ens, eſt cauſa eſſendi omnibus exiſtentibus. Ex quo infer, quid hoc ipſum eſſe, quod habet materia prima, ſequitur, derivatum eſſe à primo eſſendi principio, quod eſt maximè ens.

Hinc in Concilio Generali Lateranenſi IV. ſub Innocentio III. cap. Firmiter. tit. de ſumma Trinit. pronuntiatur, quod Deus utramque de nihilo condidit creaturam, ſpiritualem, & corporalem, Angelicam videlicet, & mundanam.

XIV. Si enarras an Deus omnia creaverit ex nihilo, an ſolum alioqua? Reſpondeo, non omnia creaviſſe immediate ex nihilo, ſed alioqua ſolum, mediatè tamen ex nihilo omnia ſeciſſe. Immediate quidem ex nihilo creavit cælum, & terram; quia ea ſecundum ſe tota, nempe tam formam, quàm materiam ex nihilo fecit: immediate  
B crea-

creavit Angelos, creavit & ad huc creat. anima. rationales. Plantas autem, & cætera animalia (sicut & hominem.) non fuisse immediatè ex nihilo facta; quia ex Genesi constat, ea fuisse producta ex præjacente materia, sicut & hominem factum de limo terræ, ac multa quotidie produci; quorum productio non est proprii nominis creatio, sed generatio. Mediatè tamen omnia dici possunt creata, & ex nihilo facta; quia nimirum, omnia, ètè non secundum se tota, saltem secundum aliquam ipsorum partem ipsi intimam & essentialem, nempe materiam, ex nihilo facta fuerunt. Unde D. August. lib. 2. de Gen. contra Manichæos cap. 6. *Est idè (inquit) Deus rectissimè creditur, omnia de nihilo fecisse, quia est omnia formata de ista materia facta sunt, hac ipsa materia tamen de omnino nihilo facta est.*

## §. I V.

## Contrariorum solutio.

XV. Objicitur primò. Antiqui Philosophi reputabant ut primum principium, ex nihilo nihil fieri: sed Deus non potest facere contrarium primum principiis, puta, quòd totum non sit majus sua parte, quod affirmatio; & negatio sunt simul vera; ergo nec potest aliquid ex nihilo facere.

Confirmatur. Ex nihilo nihil concluditur per rationem; ergo ex nihilo nihil fit per naturam: nam concludere est aliquid fieri per rationem, esse autem per rationem consequitur esse naturæ.

XVI. Respondetur, præfatum axioma verum esse de agente particulari, & agente per motum: hoc enim necesse est præsupponere subjectum suæ actionis, ut dictum est, & hoc solum consideraverunt veteres Philosophi. Sed hoc locum non habet in prima emanatione ab universali rerum principio. Ita S. Tho. hæc quæ. 45. art. 2. ad 1. & quæ. 3. de pot. art. 1. ad 1.

Ad confirmat. distinguo consequ. per naturam particularem, & agentem per motum, conc. conf. Per agens uni-

versale, & sine motu, nego consequ. Concludere unum ex alio *tu habes in aliis rationis, sicut moveri in aliis natura, eo quòd in concludendo ratio ab uno in aliud difformis. Est idè sicut motus omnis naturalis est ex aliquo, ita & omnis conclusio rationis. Sicut viri intelligere principia, quod est concludendi principium, non est ex aliquo, ex quo concludatur; ita creatio, quæ est omnis motus principium, non est ex aliquo.* Ita D. Thom. quæ. 3. de pot. art. 1. citato ad 6.

XVII. Objicies secundò. Creari est mutari: sed omnis mutatio involvit subjectum; ergo &c. Maj. prob. primò. Creari est aliquid fieri; sed omne fieri est mutari; ergo &c. Min. probatur. Omne fieri est accipere esse post non esse, live ex non esse, quia quod jam est, non fit. Sicut ergo, quia fieri per generationem, quæ res fit ex non esse secundum partem sui substantialem, est mutatio; ita & fieri per creationem, quæ res fit secundum totum, involvet mutationem.

Probatur secundò maj. Quod creatur aliter se habet, quam ante; quia, ante non erat ens, & dum creatur fit ens; aliter autem se habere ac ante, est mutari; ergo &c.

Probatur tertio. In creatione aut est aliquid recipiens esse, aut nihil. Si nihil; ergo nihil constituitur in esse per creationem; ergo nihil fit. Si est aliquid; ergo hoc præexistit creationi, ut subjectum suscipiens esse.

Probatur quartò. Omne quod fit, antequam fieret, erat possibile esse; sed potentia ad esse involvit subjectum, transmutabile de non esse ad esse; ergo &c.

XVIII. Respondetur, negando maj. cum D. Thoma hæc quæ. 45. art. 2. ad 2. & quæ. 3. de pot. art. 2. nisi forte mutari sumatur improprie, & secundum modum concipiendi. Nam in omni vera, & reali mutatione inveniri debet aliquid idem ens, quod aliter se habere nunc, ac prius, seu quod à non habere transeat ad habere esse. In creatione autem, quæ tota substantia produci-  
tur, non potest accipi aliquid idem  
ali.

aliter se habens, ac prius; quia quod per creationem nunc sit, prius secundum totum non erat, seu nihil erat. Quare creati dicitur magis fieri, quam mutari, & creare magis dicitur facere, quam mutare; facere, & fieri dicit solum habitudinem causæ ad effectum, & effectus ad causam: mutare vero, & mutari importat habitudinem quoque ad subiectum, seu ad aliquid, quod fuerit sub utroque extremo. Ex his ergo.

Ad primam prob. maj. nego min. ad prob. dico, quod creati est accipere esse, seu fieri ex non esse secundum totum, unde non est nisi actio creativa, & terminus qui fit. At in generatione, quæ sit aliquid secundum partem, hoc est secundum formam, est aliquid præter actionem, & terminum, nempe subiectum commune privationi, & formæ: & idem in ea accipitur transitus, & mutatio. Ita ex D. Thom. qu. 3. de pot. art. 1. ad 1.

Ad secundam, nego ant. vel potius suppositum antecedentis; quod nimirum in creatione sit aliquid idem commune subiectum actui, vel potentiæ existens, quod de non esse ad esse transeat. Vid. D. Thom. qu. 3. de pot. art. 1.

Ad tertiam probat. respondet Divus Thomas mox citatus art. 1. ad 17. in creatione esse aliquid suscipiens esse, sed factum per creationem, non præexistens creationi: Deus enim simul datus esse, producit id, quod esse recipit. Et sic non oportet, quod agat ex aliquo præexistente.

Ad quartam probat. respondet idem S. Doct. qu. 3. de pot. art. 1. ad 1. negando absolute min. Antequam ergo mundus fieret, possibile erat mundum esse; non tamen potentiâ in aliqua materia præexistente fundatâ; sed vel in non repugnantiæ prædicatorum essentialium, quæ est potentia solum obiectiva, non subiectiva; vel in potentia activa agentis, quia agens Deus poterat illum facere, & mundus poterat à Deo fieri.

XIX. Obijcies tertio. Infinita distantia pertransiri non potest: sed in-

ter ens, & nihil est infinita distantia; quia cum quanto potentia est minus ad actum disposita, tanto magis ab actu distat, sit, ut, si omnino potentia subtrahatur, infinita futura distantia sit.

XX. Respondet D. Thom. hæc 1. part. qu. 45. art. 1. ad 4. majorem esse veram de distantia infinita positivè; ita ut pertransiri debeat medium infinitum, non verò de distantia infinita quasi negativè. Unde ait: Dicendum, quod obiectio illa procedit ex falsa imaginatione, ac si sit aliquid infinitum medium inter nihilum & ens. Quod patet esse falsum. Procedit autem falsa hæc imaginatio ex eo, quod creatio significatur ut quadam mutatio inter duos terminos existens.

Notat tamen idem S. Doctor qu. 3. de pot. art. 1. ad 3. & art. 4. ad 1. & qu. 27. de veritate art. 1. ad 9. quod duorum ad invicem distantia potest tripliciter se habere. Uno modo quod sit ex utraque parte infinita; ut si unus haberet albedinem infinitam, & alius infinitam nigredinem, & hæc non potest ullo modo pertransiri. Et hoc modo est infinita distantia inter esse divinum, & non esse simpliciter. Alio modo, ita quod sit ex utraque parte finita; sicut cum unus habet albedinem finitam, & alius nigredinem finitam: & hæc distantia potest pertransiri, & frequenter pertransitur. Et hoc modo esse creatum à non esse secundum quid, seu à non esse tale distat. Tertio modo, ita ut ex una parte sit finita, & ex alia infinita; ut si unus haberet albedinem finitam, & alius infinitam nigredinem, & talis est distantia inter esse creatum, & non esse simpliciter: quia esse creatum finitum est, non esse autem simpliciter est infinitum inquantum omnem defectum, qui cogitari potest, excedit. Hæc ergo distantia ex parte illa, quæ finita est, transiri potest (quamvis hic propriè non sit transitus, hic enim solum est in motibus continuis, in quibus transit pars post partem) inquantum ipsum esse finitum vel acquiritur, vel perditur, non autem ex parte illa quæ infinita est: unde ex non esse non potest transiri ad B 2 esse

esse divinum. Hæc D. Thom. citatis locis inidem ferè terminis.

XXI. Obijcies quartò illud *Sapientia* 11. ubi v. 18. de Deo dicitur: *Omnipotens manus tua, qua creavit orbem terrarum ex materia invisâ; ergo non ex nihilo, sed ex materia præjacente creatus est mundus.*

Respondet *ibi* sermonem non fieri de prima conditione mundi quoad primum, & substantiale esse, sed de secunda, quantum scilicet ad ornatum, & rerum distinctionem: hæc enim facta fuit ex materia invisâ, seu informi priùs ex nihilo creatâ; quæ invisâ dicitur, eò quòd cum esset sine ornatu, ac distinctione sensibili, non erat digna videri. Quare S. August. lib. 1. de Genes. contrâ Manich. cap. 5. *Primò ergo (inquit) materia facta est confusa, & informis, unde omnia ferent, quæ distincta atque formata sunt, quod credendo, à Græcis chaos appellari. Sic enim & alio loco legimus dictum in laudibus Dei: Qui fecit mundum de materia informi. Quod aliqui codices habent, de materia invisâ. Et idè Deus resistens creditur, omnia de nihilo fecisse, quia etiam si omnia formata de ista materia facta sunt, hæc ipsa materia tamen de omnino nihilo facta est.*

XXII. Querit D. Thomas hæc qu. 45. art. 3. an creatio aliquid sit in creatura?

Cui quæstio respondet, quòd creatio sumi potest, vel activè, ut se tenet ex parte Dei creatantis: & sic nominat actionem divinam (quam superius diximus esse actum imperii intellectus) quæ est ejus essentia, cum relatione ad creaturam. Sed relatio in Deo ad creaturam non est realis, sed secundum rationem tantum. Ita art. citato ad primum. Vel sumi potest creatio passivè, ut se tenet ex parte creaturæ, quæ creatur: & sic creatio in creatura non est, nisi relatio quædam (realis) ad Creatorem, ut ad principium sui esse. Ita idem S. D. art. laudato in corp. & probat. Quia quod creatur non sit per motum, vel per mutationem, ut jam dictum est: sed, subtrahito motu ab actione & passione, nihil

remanet, nisi relatio, seu habitudo creaturæ ad creatorem; ergo &c. Hoc idem demonstrat qu. 3. de pot. art. 3. Nam, subtrahito motu ab actione nihil aliud est, quàm faciens, & factum ut esse incipiens: sed factum consequitur ex eo, quòd factum quandam relationem ad facientem dicit, prout habet esse ab ipso, & prout est ei simile quoquo modo; sicut in termino generationis humanæ consequitur natus filiationem; ergo creatio cum non possit accipi: ut moveri, quod est ante terminum motus, sed accipiatur ut in facto esse; sit, sicut in creatione non importetur accessus ad esse, nec transmutatio, sed solum inceptio essendi, & relatio ad Creatorem, à quo esse habet; & sic nihil aliud sit, quàm relatio quædam ad Deum cum novitate essendi. Ita subtiliter S. Thomas paucis mutatis.

XXIII. An autem ista relatio sit indistincta ab ipsa creatura, & sit ipsa entitas creaturæ, ut relatione dependentiæ transcendentali Deum auctorem sui esse respiciens; an verò sit aliquid emittit creaturæ superadditum, & ab ea distinctum, de prædicamento relationis? Probabilius judico & menti D. Thomæ conformius hoc secundum. Etenim qu. 3. de potentia art. 3. ad 3. dicit. *Illa relatio accidentis est, & secundum esse suum considerata prout inheret subjecto, posterius est quàm res creata; sicut accidentis subjecto intellectui, & naturâ posterius est, quamvis non sit tale accidentis, quod causetur ex principiis subjecti. Si verò consideretur secundum suam rationem, prout ex actione agentis innascitur, prædicta relatio; sic est quodammodo prior subjecto, sicut ipsa divina actio, quæ est ejus causa proxima.* Ex quibus patet, quid respondendum sit, si aliquis objiciat, creationem debere esse naturaliter priorem creati, quia per illam creaturam habet esse: dicendum enim, creationem, seu relationem illam, quatenus ex actione Dei agentis innascitur, esse priorem re creatâ, posteriorem verò comparatâ ad rem creatam, ut accidentis ad subjectum cui inheret.

XXIV. Si ulterius queratur: an illa actio



actio sit creata; & si creata, cur & ipsa alia relatione non referatur ad Creatorem?

Respondeo ad primam cum D. Tho. qu. 3. de pot. art. 3. ad 2. propriè loquendo non esse creaturam; quia hoc solis substantiis propriè convenit, sed esse creaturam; nam accidentia sicut per se non sunt, sed alteri insunt, sic nec per se fiunt, & creantur, sed cum alio fiunt, & concreantur. Unde D. Tho. hâc qu. 45. art. 4. Sicut igitur (inquit) accidentia & forma, & huiusmodi, quæ non subsistunt, magis sunt coexistentia, quam entia: ita magis debent dici concreata, quam creata.

Ad secundam verò dico cum eodem D. Thoma citatâ qu. 3. de potentia ad 2. quod creationis relatio non refertur ad Deum aliâ relatione reali, sed seipsâ. Nulla enim relatio refertur aliâ relatione, ut dicit Avicenna in sua Metaphysica. Sicut ergo actio, quia est ratio producendi alia, non producitur aliâ actione; ita relatio, quia est ratio referendi alia, non refertur aliâ relatione. At in hoc satis immorati sumus.

### DUBIUM III.

An potentia creandi, vel actus creationis sit alicui creaturæ communicabilis?

#### §. I.

*Cui sit connaturalis vis creatrix.*

I. Dico primò. Soli Deo connaturalis est vis creatrix. Ita D. Thom. hâc qu. 45. art. 3. Qui veritati omnes, ut puto, consentiunt. Est enim revelata in Scripturis, Ecclesiastici 1. v. 8. Unus est Altissimus Creator omnipotens. Isaia 44. v. 24. Ego Dominus faciens omnia, extendens oculos solus, stabiliens terram, & nullus mecum. Quibus verbis eliminatur error quorundam Philosophorum, qui referente D. Tho. qu. 3. de pot. art. 3. dicunt. Quid Deus creavit creaturas inferiores mediântibus superioribus... & movebantur ad hoc opinandum propter hoc,

quod creabant; quod ab uno simplici non posset immediate nisi unum provenire, & illo mediante ex uno primo multitudo proveniret. Hoc autem dicebant, ac si Deus ageret per necessitatem naturæ, per quem modum ex uno simplici non fit nisi unum. Nos autem ponimus, quod à Deo procedunt res per modum scientiæ, & intellectus; secundum quem modum nihil prohibet, ab uno primo & simplici Deo multitudinem immediate provenire, secundum quod sua sapientia continet universa. Et idè secundum fidem catholicam ponimus, quod omnes substantias spirituales, & materiam corporalem Deus immediate creavit: hæreticum reputantes si dicatur, per Angelum, vel per aliquam creaturam aliquid esse creatum. Unde Damascenus dicit. Quicumque dixerit, Angelum aliquid creare, anathema sit.

II. Hoc idem constantissimè fatentur Patres. Athanasius erat. 2. contra Arianos, num. 21. probat, Filium Dei non esse creaturam, quia omnia per ipsum creata sunt: Quod sancti non fecisse omnia, si ipsum quoque Verbum à rebus creatis esset. Nec enim vel Angeli possunt creare, cum ipsi sint creati, licet ita senserint Valentinus, Marcion, & Basilides, quorum vos (Ariani) amulatores estis: aliàs quid opus fuisset Verbo, cum inferiores à superioribus effici queant.

III. S. Cyrillus Alexandrinus lib. 2. pag. 62. ostendit contra Julianum, apostatam, repugnare, quod alicui creaturæ vis creatrix inlit: Siquidem repugnat maximè divina gloria procreandi facultatem aliis inesse putare, & in lucem edendi, quæ non erant. Neque enim fas est dicere, quæ singularia sunt, ac propria divina, & ineffabilis natura, ea posse naturaliter quibusdam inesse rebus ab ipsa conditis.

IV. S. Augustinus hanc veritatem passim cõfiteatur. Lib. 12. de Civit. Dei, cap. 24. probat contra Platonicos, falsò ab illis asseri. Non ab illo summo Deo, qui fabricatus est mundum, sed ab aliis minoribus, quos quidem ipse creaverit, permissu, sive jussu ejus animalia facta esse cuncta mortalia. Hæc præcipuâ ratione. Neque enim fas est, ul-

*Yius natura, quamlibet minima mortaliſque, creatorem, niſi Deum credere, ac dicere... Angeli autem, quos illi Deos libentiùs appellant, etiamſi adhibent, vel juſſi, vel permiſſi operationem ſuam rebus, quæ gignuntur in mundo; tamen, non eos dicimus creatores animalium, quàm nec agricolas frugum, atque arborum.*

Rurſus: lib. 9. de Genef. ad litter. cap. 15. *Angeli autem ( inquit ) nullam omnino poſſunt creare naturam: ſolus enim unus cuiuſlibet natura, ſeu magna, ſeu minima creator eſt Deus.*

Præterea: lib. 3. de Trinitat. cap. 8. loquens de malis Angelis, per quos Magi in Ægypto ranas, & ſerpentes produxerunt: *Nec ſanè ( inquit ) creatores illi mali Angeli diſendi ſunt, quia per illos Magi reſiſcentes famulo Dei ranas, & ſerpentes fecerunt: non enim ipſi eas creaverunt.* Deinde oſtenſo, omnium rerum occulta ſemina in iſtis corporeis elementis Deum indidiſſe, ex quibus Dæmones ea facere potuerunt, concludit: *Sicut ergo nec parentes diſimus creatores hominum, nec agricolas creatores frugum... ità non ſolum malos, ſed nec bonos Angelos ſas eſſi putare creatores, ſi pro ſubtilitate ſui ſenſus, & corporis ſemina rerum iſtarum nobis occultiora, novarunt, & ea per congruas temperationes elem. ntorum latenter ſpargunt; atque ità gignendarum rerum, & acceller. ndorum incrementorum præbent occaſiones.*

V. Rationes autem, quibus D. Thomas probat hanc veritatem, hæc ſunt. Primam tradit hoc art. 5. quæ. 15. ſic. Actio, cui correfpondet effectus univerſaliſſimus, eſt propria ſolius cauſæ univerſaliſſimæ: ſed actioni creativæ correfpondet effectus univerſaliſſimus, & ſolus Deus eſt cauſa univerſaliſſima; ergo creatio eſt actio propria ſolius Dei. Maior videtur clara; oportet enim, univerſaliores effectus in univerſaliores, & priores cauſas reduci. Min. probatur. Inter omnes effectus univerſaliſſimum eſt ipſum eſſe, quod omnia pervadit; maxime ſi producatur eſſe abſolutè, non in quantum eſt hoc, vel tale: ſed hoc modo correfpondet actio-

ni creativæ; ei enim non correfpondet ſolum ſecundùm rationem determinatam, puta equi, leonis &c. eo modo, quo correfpondet cauſis particulatibus; ſicut dum ex præjacente materia generatur ignis, leo, equus, ubi generans dat materiæ eſſe ignem leonem, equum: ſed ſecundùm ſe totum, hoc eſt, ſecundùm omnia, quæ eſſe habent, nedùm quoad eſſe determinatum formæ, ſed materiæ. Nam ſicut annihilando deſtrueret totum eſſe, illudque redigeret in nihilum; ita creando producit totum eſſe, & totum extrahit à nihilo.

VI. Hinc conficitur alia ratio. Illius cauſæ proprium eſt creare, quæ ſe ſola, non indigens alia, poteſt totum eſſe quod eſt in re producere, & totum redigere in nihilum: ſed ſolus Deus, qui eſt cauſa ſuprema, hoc poteſt: aliz enim cauſæ, quæ non ſunt Deus, nedùm indigent Deo ut cauſent, ſed nec totum eſſe, quod eſt in re producunt, aliquid enim eius productum ſupponunt in materia, vel ſubjecto; ergo &c.

VII. Rurſus: illius ſolius proprius effectus eſt eſſe, cui forma agendi eſt ipſum eſſe: ſed ſolius Dei forma agendi eſt ipſum eſſe, cùm ſolus ipſe eſſentialiter ſit id, quod eſt, ut oſtendimus: ergo &c. Quare cauſæ creatæ, eſſo materialiter & identicè producant ſui effectus eſſe tale, vel tale; non tamen, eſſe abſolutè, & ut diſtinguitur à nihilo eſt terminus formalis actionis earum.

XIII. Tertia ratio indicatur a D. Thom. hoc art. 5. ad 3. Illi ſoli naturaliter convenit creare, cui naturaliter convenit virtus infinita; ad creandum enim virtus infinita requiritur: ſed ſoli Deo naturaliter convenit virtus infinita; ergo &c. Maj. prob. Tantò maior virtus requiritur in agente, quantò potentia eſt magis remota ab actu; ergo virtus agentis ex nulla præſuppoſita potentia, quale eſt agens creans, erit infinita. Ant. patet. Ideò enim maior vis calefactiva requiritur in calefaciente lignum viride, quàm ſiccum, quia in ligno viridi potentia eſt magis remota.

mota ab actu caloris. Consequ. verò probatur. Distantia infinita petit in agente, ut eam superet, virtutem infinitam: sed inter nullam potentiam ad actum, quam supponit creans, & aliquam potentiam, quam præsupponit agens naturale, nulla est proportio; ergo infinita distantia; ergo &c. & sic, esto aliqua potentia determinatè distet ab actu, seu esse; nulla tamen potentia infinitè distat ab actu, seu esse.

IX. Hæc tamen infinita distantia, inter nihilum, & esse finitum, non est ratione rei factæ, seu termini in quem definit distantia, sed ratione termini à quo, quia non est reperire, unde incipiat illa distantia; & sic nunquam incipit, & si nunquam incipit, ex parte termini à quo est infinita, quia ex hæc parte non habet terminum. Quare, ut superius dictum est, inter Deum & nihil est infinita distantia ex parte utriusque termini, à quo, & ad quem: at inter nihil & creaturam esto sit infinita distantia ex parte termini à quo, non tamen ex parte termini ad quem. Unde D. Thom. qu. 3. de potentia art. 4. ad 1. ait: *Nihil prohibet, aliquam distantiam imaginari infinitam ex una parte, & ex altera finitam. Ex utraque autem parte infinitam imaginamur distantiam, quando utrumque oppositorum ponitur infinitum. Puta, si sint calor, & frigus infiniti: ex parte autem altera, quando alterum est finitum, sicut si calor esset infinitus, & frigus finitum. Distantia ergo infiniti entis à non esse simpliciter est infinita ex utraque parte. Distantia autem entis finiti à non esse simpliciter est infinita ex una parte tantum, & requirit nihilominus potentiam infinitam agentem.*

X. Ex hac doctrina apparet, ad creandum requiri potentiam infinitam, non ex parte rei factæ, quæ finita est, sed ex modo faciendi ex nihilo; quia licet determinari possit, ubi terminet, non tamen unde incipiat; idèque distantiam infinitam ex termino à quo importat. *Virtus enim facientis non solum consideratur ex substantia facti, sed etiam ex modo faciendi; major enim calor non solum magis sed etiam citius*

*calefacit. Quamvis igitur creare aliquem effectum finitum non demonstrat potentiam infinitam; tamen creare ipsum ex nihilo demonstrat potentiam infinitam.* Ita D. Thom. hinc qu. 45. art. 5. ad 3. Quæ ratione non solum maxima, sed & minima creaturarum, non ab alio, quàm à solo Deo creati potest. Quia infinitas in create, non ex re, quæ sit, sed ex modo faciendi, qui in omnibus æqualis est, pensatur.

## §. II.

*An vis creativa ab aliqua creatura participari possit?*

XI. Dico secundò. Nulli creaturæ communicari potest vis ad principaliter creandum. Ita D. Thom. qu. 3. de pot. art. 4. qui ait: quod per hunc modum posuerunt quidam Philosophi, quod intelligentia prima sunt creatrices secundarum per virtutem causæ primæ in eis existentem. Qui addit: *Et hoc fuit idololatria principium, dum ipse creatis substantiis, quasi creatricibus aliarum, latría cultus exhibebatur.*

XII. Adversus hanc opinionem, & pro nostro communice assertio stant omnes auctoritates Sacræ Scripturæ, dicta Patrum, quin & rationes superius allatæ: quæ, si benè pensentur, probant, nullam creaturam posse principaliter creare, nedum virtute sibi connaturali, sed etiam à Deo ipsi communicatâ. Quod enim proprium Dei est, prout Deus est suum esse, pro ut est agens infinitæ virtutis, nulli creaturæ potest principaliter communicari.

XIII. Difficultas est: an saltem, possit communicari creaturæ à Deo virtus ad creandum instrumentaliter. Hoc referente S. Thoma, tùm hæc qu. 45. art. 5. tum qu. 3. de potentia art. 4. ut possibile alicui asseruerunt. Nimirum, quod cito creatio sit propria actio universalis causæ; tamen aliqua inferiorum causarum, in quantum agit in virtute primæ causæ possit creare: quam opinionem, ait, secutum fuisse Avicennam. Imò & Magistrum sententiarum in

in 4. diff. 5. §. 3. dum ait: *Quod Deus potest creatura communicare potentiam creandi, ut creat per ministerium, non propriâ auctoritate*. Negant tamen cum D. Thom. laudato; Scotus, aliqui multi, cum quibus.

XIV. Dico tertio. Fieri non potest, ut creatura aliqua assumatur a Deo tanquam instrumentum ad creandum. Probatur primò ratione D. Th. hâc qu. 45. art. 5. *Causa secunda instrumentalit non participat actionem causæ superioris, nisi inquantum per aliquid sibi proprium dispositivè operatur ad effectum principalis agentis*: sed ad effectum creationis, seu proprium Dei creantis, nihil potest cooperari dispositivè; cum sit illud, quod præsupponitur omnibus aliis, scilicet esse absolute, & creatio non sit ex aliquo præsupposito, quod possit disponi per creationem instrumentalit agentis; ergo impossibile est, quod alicui creaturæ conveniat creare etiam instrumentalter, sive per ministerium, & præcipuè sit corpus. Cum enim nullum corpus agar, nisi tangendo, vel movendo; requirit in sua actione aliquid præexistens, quod possit tangi, vel moveri, quod est contra rationem creationis.

Majorem explicat S. Thom. Si enim causa instrumentalit *Nihil ibi ageret secundum illud, quod est sibi proprium, frustra adhiberetur ad agendum. Nec oporteret esse determinata instrumenta determinatarum actionum. Sic enim videmus, quod securis sciendando lignum, quod habet ex proprietate sua formæ, producit sciamini formam, quæ est effectus proprius principalis agentis*.

XV. Huic rationi non modicæ occurrunt difficultates. Prima, eam rectè quidem concludere de instrumentis naturalibus, quæ naturâ suâ habere debent determinatam virtutem, ratione cuius sint determinata instrumenta determinatarum actionum; quod bene ostendit exemplum securis, quæ nisi haberet vim sciendandi, frustra adhiberetur ad forandum scammum. Non autem concludere de instrumentis adhibitis ad effectus supernaturales; in his enim sufficit potentia obedientialis, quâ

possint elevari ad quoscumque effectus, ad quos nullam ex se dispositionem vel coaptationem habent; cum Deus uti possit quocumque ad quodcumque.

Secunda difficultas est: quia in instrumentis elevatis nulla actio propria requiritur, quâ præviè operetur circa subiectum, in quo ponitur effectus principalis agentis, nec quod illud tangant, aut in illo sint; sed sufficit quod existendo in alio, seu operando circa illud, producant effectum ubi non est ut aqua Baptismi, quæ operans circa corpus illud ablucendo, producit gratiam in anima, in qua ipsa aqua non est. Ex quo inferitur, quod similiter poterit operari, ubi nihil est, & ubi nihil præsupponit de eo, quod operari debet; quia si non est necesse, ut dispositivè operetur circa rem faciendam, sed sufficit, ut disponat, & operetur circa aliud, hoc ad effectum creationis impertinet: se habebit.

XVI. Hæc tamen vim rationis Divi Thomæ non infirmant. Non primò. Fateor enim, Deum non sic uti instrumentis, quasi illis indigeat, sicut artifex indiget ferrâ, ut faciat scammus & proinde instrumenta divinæ virtutis non assumuntur, ut sint necessaria Deo ad suum effectum; qui sicut per aquam baptismalem abluit animam, ita sine aqua illam potest ablucere. Negari tamen non potest, quin instrumenta à Deo assumantur, ut cum eo communice in operando; eisque suam virtutem, aut potentiam ita communice, ut verè operetur per illa (sicut Princeps loquitur per interpretem, aut scribit per alium) & si physice instrumenta sint, ut ex ipsis physice egrediatur, & oriatur effectus. Si enim se habeant merè passive, aut per modum vehiculi deferentis actionem principalis agentis, aut per modum causæ solium moralis, ad ejus præsentiam aut meritum ex Dei voluntate, aut passio oriatur effectus; hic certe univè soli Deo correspondebit, & nullo modo instrumentis. Necesse ergo est, quod instrumentum physicum operetur quidem, ut inferius, & modo inferiori ad principale agens; sed tamen quod effectus

Actus principalis agentis non ab ipso solo, sed etiam ab instrumento, ut sibi tamen subordinato, actione aliqua proximè physice oriatur, & procedat. Porro cum de ratione instrumenti physici, quâ talis, sit agere circa aliquod subiectum, illudque immutare, non vero subiectum ipsum producere, quod ad creationem essentialiter requiritur; patet, creaturam ullam assumi non posse ut instrumentum physicum ad creandum.

XVII. Neque obstat secundum. Non enim dixit D. Thomas, quod instrumentum debet operari aliquam dispositionem ad effectum principalis agentis; sed solum quod instrumentum debet operari dispositivè ad effectum principalis agentis: idest non ex parte rei operatæ, sed ex modo operandi ministeriali, & quasi præparatorio. Ex quo inferitur, quod instrumenti operatio circa quodcumque verferetur, si ve sit subiectum, in quo ponitur effectus principalis agentis, si ve aliud; semper se se exerceat modo sibi proprio, nempe immutativo, non factivo subiecti, de aliquo, non de nihilo.

XVIII. Secunda ratio est. Operatio instrumenti & omnis actio causæ creatæ est accidens distinctum à substantia agentis; quæ licet in agente inchoetur, consummatur tamen in passio; ergo necessariò debet habere subiectum, prius saltem naturâ, quam sit effectus, in quo actio subiectetur, & suam exerceat casualitatem; ergo repugnat, eam esse actionem creativam, quia hæc nulum supponit subiectum. Hanc rationem tradit D. Tho. qn. 3. de pot. art. 4. *Illud solum in faciendo aliquid recipientem materiam non requirit, cuius actio non est accidentis, sed ipsa substantia sua, quod solius Dei est, & ideo solius Dei est creare.*

XIX. Tertia ratio sumitur ex Divo Thoma loco citato. Ut creaturæ communicaretur vis ad creandum etiam instrumentaliter, deberet ei communicari vis infinita, sed hæc non potest &c. ergo &c. Maj. prob. Deberet ei communicari virtus proportionata distantia, quæ est inter esse simpliciter, &

nihil; quia *Potentia facientis proportionari debet distantia, quæ est inter id, quod fit, & id, ex quo fit. Quanto enim frigus vehementius est, & à calore magis distans, tanto majori virtute caloris opus est, ut ex frigido fiat calidum: sed non esse simpliciter in infinitum ab esse distans, quod ex hoc patet. Nam à quolibet ente determinatius distans non esse, quàm quodlibet ens, quantumcumque ab alio ente distans inventitur. Ergo ex omnino non ente aliquid facere, non potest esse nisi potentia infinita.* Ita S. Thom.

Vel ergo hoc instrumentum creationis attingeret rem creatam actione causæ principalis; & hæc, cum sit in modo operandi infinita, non potest creaturæ communicari. Vel actione distincta; & ista, cum sit accidens, debet supponere subiectum, non illud facere; & cum sit finita non potest proportionari distantia infinitæ, quæ est inter id, quod fit, & illud, ex quo fit. His paucis verbis tota vis rationis D. Thomæ concluditur.

## §. III.

*Contraria proponuntur, & solvuntur.*

XX. **M**ulta sunt, quæ obijci solent. Primò. In creaturæ saltem instrumentaliter non est necessaria virtus infinita; ergo poterit communicari creaturæ. Ant. prob. Non requiritur virtus infinita nec ex parte facti, nec ex parte distantia terminorum; hæc enim non est maxima distantia. Etenim major distantia est non entis contradictionem implicantis ab ente, quàm non entis absolute ab eodem ente; quia ex illo nihil omnino fieri potest, ex isto autem per Dei potentiam fit aliquid.

XXI. Confirmatur. Quantum major est resistentia ex parte facti, tanto major virtus requiritur in faciente: sed plus resistit contrarium, quàm nihil; ergo majoris virtutis est facere aliquid ex contrario, quàm ex nihilo; sed ad faciendum aliquid ex contrario non requiritur virtus infinita; ergo

C

ac-

Tom. P.

neque ad faciendum aliquid ex nihilo.

XXII. Respondeo primò, hæc nimis probare. Probant enim, nec requiri virtutem infinitam in Deo creatore principaliter. Nego igitur antecedens. Jam enim ostensum est, ad creandum infinitam virtutem requiri, non quidem ex parte facti, sed ex modo faciendi, ob distantiam terminorum, *arguo. & ad quem* quæ est infinita saltem negativè. Neque obstat, quod opponitur. Non enim verum est, quod magis distet ab ente non ens implicans contradictionem, quàm non ens simpliciter. Utrumque enim scilicet non ens, seu nihil, & ens opponitur contradicторiè, sicut affirmatio, & negatio, quæ est, maxima oppositorum: & ex utroque tanquam ex termino a quo (et si non illud, quod implicat contradictionem) potest aliquid fieri: ex neutro verò fit aliquid tanquam ex materia, seu subiecto.

XXIII. Ad conf. dist. min. Plus resistit, quasi per accidens, conc. min. per se, nego min. Ita sumitur ex D. Thoma 1. *par. qu. 45. art. 5. ad 2.* Contrarium enim supponit subiectum, ejusque resistentia in hoc solum consistit: quodd contrariis dispositionibus impedit, & quasi ligat potentiam passivam, ne potentia activæ subjiçiat. At non ens nullum dicit subiectum, seu potentiam passivam, in quam agat: Multò autem major virtus requiritur in agente, ut ex nulla potentia faciat aliquid, quàm ut faciat aliquid ex potentia ligata: & ideo major virtus requiritur ad faciendum aliquid ex nihilo, quàm ex contrario.

Hanc responsonem aliis terminis explicat S. Doct. qu. 3. de potentia. art. 4. ad 16. *Quod in actu potest attendi difficultas dupliciter. Uno modo ex hoc, quid patiens resistit contra agentem, & hoc non est in omnibus generale; sed solum in his, qua mutuò agunt, & patiuntur ad invicem. . . . Alio modo, qui generalis est, secundùm quod patiens elongatur ab actu. Quantò enim potentia magis elongata ab actu invenitur, tantò major est difficultas in actione agentis. Unde cum magis elongetur*

*ab actu purum non est, quàm materia cuiusque contrario subiecta, quantumcumque intenso; manifestum est, majorem esse virtutis producere aliquid ex nihilo, quàm sacro contrarium de contrario.*

XXIV. Secundò obijciunt varia exempla. Primò. Sacramenta sunt causa instrumentaliter phylica gratiæ, quæ tamen creatur.

Secundò. Verba Sacerdotis elevantur ad causandam transubstantiationem panis, & vini in Corpus, & Sanguinem Christi; qui effectus longè mirabilior est, & majorem requirens virtutem, quàm simplex creatio rei naturalis, puta formicæ.

Tertiò. Incarnatio elevatior & difficilior est, quam creatio: sed aliqua creatura elevari potuit ad producendam instrumentaliter Incarnationem; ergo &c.

Quarò. Potest creatura elevari ad annihilandum; ergo & ad creandum.

Quintò. Ad facienda miracula, quæ omnem naturæ vim superent potest creatura instrumentaliter elevari; ergo & ad creandum.

Sextò. Ignis inferni agit tanquam Dei instrumentum in Dæmones, & animas damnatas; ergo à pari.

Seprimò. Causa naturalis corrumpens species eucharisticas producit ex toto novum aliquod corpus; ergo per creationem, cum nihil supponatur, nec materia: hæc autem solà creatione produci potest.

XXV. Respond. omnia hæc supponere subiectum in quo, & circa quod creatura agat, quod non est contra rationem instrumenti, sicut esset, si assumeretur ad creandum, cum creatio nullum supponat subiectum: ideoque si assumeretur, ut instrumentum ad creationem, illud esset instrumentum, & non esset; illa esset creatio, & non esset. Ut tamen sigillatim respondeam.

XXVI. Ad primam nego, gratiam creari, sed propriè infundi, & quodammodo ex potentia obedienciali animæ educi. Deinde dato, quod gratia creetur, creatur à solo Deo; & sacra

ramenta sunt instrumenta physica, non ad producendam gratiam essentiali, sed ad gratiam corpori communicandam: sicut generans hominem est causa communicans corpori animam rationalem à solo Deo creatam.

XXVII. Ad secundam dico, opus transubstantiationis esse quidem mirabilius ex parte facti, non tamen ex parte modi operandi; quia non ex nihilo, sed ex aliquo, nimirum ex pane, fit: ideoque requirit quidem virtutem infinitam in causa principali, non tamen in causa instrumentali, quæ elevatur ad agendum quidem supra se, sed non contra modum suum.

XXVIII. Sed dices. Transubstantiatio est actio, in qua non est accipere aliquod subiectum, ut docet D. Thomas. *par. qu. 75. art. 8.* & tamen ad eam datur instrumentalis causa per elevationem; cur ergo non etiam ad creationem poterit dari? Insuper per transubstantiationem producit totum ens, tota nempe substantia corporis Christi; & tamen ad eam instrumentaliter concurrat creatura: cur non ad creationem?

Respondeo, dist. maj. non est accipere subiectum manens sub utroque extremo, conc. maj. subiectum mutatum, seu conversum in aliud, nego maj. In transubstantiatione ergo non manet idem subiectum commune utrique extremo; non enim idem subiectum manet sub pane, & sub corpore Christi, & in hoc. ait D. Thomas, convenit cum creatione. Adeo tamen subiectum mutatum, & conversum in corpus Christi. Et ideo non ex nihilo, ut creatio; sed de aliquo, nempe de pane fit transubstantiatio. Et similiter tota substantia Corporis Christi ibi, non ex nihilo, sed ex pane; & ratione huius subiecti non manentis, sed conversi nec produciunt totum ens, nec ex nihilo: & ideo datur locus causæ instrumentali, qui in creatione non datur. Quia creatura accipit virtutem instrumentalem operandi in id, quod in corpore Christi transubstantiatur, ait D. Thom. in 4. dist. 8. qu. 2. art. 3. ad 3.

XXIX. Ad tertium. Valde dubium est, quod creatura elevari possit ad ef-

ficiendam adhuc instrumentaliter Incarnationem. Dato tamen posse, dico. Incarnationem esse elevationem & difficiliorem ex parte facti, sed ex parte modi esse minus difficilem. Tum quia creatio nihil supponit, Incarnatio supponit aliquid. Tum quia creatio est productio totius entis, in quantum ens; Incarnatio non ita, sed est unio personæ infinitæ cum natura finita.

XXX. Ad quartum, duplici viâ responderi potest. Primum negando antecum D. Thomas. *5. p. qu. 13. art. 2. & qu. 5. de potentia, art. 3. ad 15.* æqualiter negant, creaturam posse aliquid de nihilo facere. Quia annihilare non est agere, sed non agere, seu ab agendo cessare: ad non agere autem non datur causa instrumentalis. Ad quid enim daretur? An ad attingendam subtractionem divini concursus conservantis creaturam? At, si ita esset, deberet agere in ipsum Deum, quod nemo dicit.

Secundò: admissò antecedente, negari potest consequentia. Nam ad annihilandum præsupponitur aliquod subiectum, quod cum creatura attingeret prius, desinendo simul cum Deo illud conservare, rueret in nihilum. At in creatione nullum præsupponitur subiectum.

XXXI. Ad quintum pariter dico, miracula præsupponere materiam, in qua fiunt; ideoque bene patrum possum per creaturam virtute sibi à Deo collata. Sed creatio nullam materiam supponit.

XXXII. Ad sextum similiter dico, ignem inferni hoc posse, quia supponit subiectum, in quod torquendo agit: & licet non habeat ad illud proportionem potentia ad obiectum, habere tamen potest divina virtute proportionem agentis ad patientem; & adeo convenientiam entis ad ens, & creaturæ ad creaturam: quod in creatione non contingit.

XXXIII. Ad septimum nego antecum. Causa enim naturalis species eucharisticas corrumpens, & ex illis aliud corpus generans, huius corporis materiam

non

non creat, sed hæc à solo Deo creatur. Vel (ut probabilis iudicat S. Tho. 3. par. qu. 77. art. 5. in corpore) in illo genito quantitas specierum tenet locum materię: In ipsa enim consecratione miraculose datur quantitati dimensio panis, & vini, quod sit primum subiectum subsequentium formarum... & ideo quicquid possit generari ex materia panis, vel vini, si adesset, totum potest generari ex prædicta quantitate dimensio panis, vel vini: non quidem novo miraculo, sed ex vi miraculi prius facti. Adde, hanc instantiam si bene inspicatur, nimis probare: probaret enim creaturam, ut causam principalem & naturaliter posse creare.

XXXIV. Tertiò obijciunt. Deus potest facere, quòd homo generet hominem, & ignis ignem; ergo etiam quòd Angelus Angelum: sed Angelus nequit fieri, nisi per creationem; ergo &c.

Confirm. Lux spiritalis est potentior, quàm corporalis: sed lux corporalis se ipsam multiplicat; ergo Angelus, qui est lux spiritalis secundum August. lib. de Genes. ad litt. imperfect. cap. 3. potest se ipsum multiplicare; sed hoc non facere potest, nisi creando.

XXXV. Respondeo primò. Hoc probari, quòd sicut homo naturaliter potest generare alium hominem: ita Angelus possit naturaliter creare alium Angelum. Secundò nego consequentiam. Nam productio Angeli, utpote rei immaterialis, cum non supponat subiectum, circa quod exerceri possit; cuiusque, solo Deo excepto, impossibilis est. Generatio verò hominis, & cæterorum præsupponit materiam, circa quam operetur. Neque sequitur: Angelum, ex quo perfectior sit homine & potentior, posse producere sibi simile in substantia: hoc enim quòd est generare sibi simile, solis viventibus corruptibilibus convenit: ed, quòd, cum eorum species in uno individuo non possit perpetuò conservari, conantur assequi perpetuitatem mediâ plurimum propagatione.

Ad cons. respondeo cum D. Tho.

qu. 3. de pot. art. 4. ad 6. Quòd lux corporalis multiplicat se, non per creationem nova lucis, sed diffundendo se super materiam: quod de Angelis dici non potest, cum sint substantia per se sanctæ.

XXXVI. Quartò obijciunt. Eodem modo & ordine, quo res exeunt à primo principio, reordinantur in ultimum finem, cum idem sit primum principium, & ultimus finis: sed inferiores creaturæ ordinantur in Deum sicut in finem mediantibus superioribus creaturis; ergo iidem mediantibus exeunt à primo principio, & iis mediantibus creantur.

Respondet D. Thomas citatus ad primum: Quid in reducendo ad finem præcisi sunt ea, quæ sunt ad finem, & ideo non est impossibile per actionem aliquæ cooperari Deo ad hoc, quòd res aliqua in finem ultimum redeant: sed in universali eductione rerum in esse nihil præsupponitur: & ideo non est simile.

XXXVII. Dices. Nihil, & aliquid plus distant, quàm aliquid, & esse; cum nihil, & aliquid nihil habeant communem, aliquid autem sit entis pars: sed Deus facit creando, ut quòd nihil erat, aliquid fiat, & per consequens, quòd nulla potentia fiat aliqua potentia; ergo multò amplius facere potest, quòd aliqua potentia terminata, cuiusmodi est potentia creaturæ, fiat omnipotentia infinita, & quòd eret. Ita contra se D. Thom. laudato loco.

Cui respondet. Ad quintum dicendum, quod aliquid dicitur non posse fieri ab aliquo, non solum propter distantiam extremorum; sed etiam propter hoc, quòd omnino fieri non potest: ut si dicamus, quod ex aliquo corpore non potest fieri Deus, quia Deus omnino fieri non potest. Sic ergo dicendum, quod ex aliqua potentia non potest fieri omnipotentia, non solum propter distantiam utriusque potentia, sed etiam propter hoc, quod omnipotentia omnino fieri non potest. Nam omne quod sit, puerius illud esse non potest; cum ex hoc ipso, quod ex alio esse habeat, potentia in eo depre-



prehendatur. Et ideo non potest esse potentia infinita.

## QUÆSTIO II.

De Principio durationis rerum  
creatarum.

**D**Eum, & quidem solum, fuisse omnium rerum creatorem ac primum omnibus essendi principium, ostensum est. Nunc de principio durationis earum agere intendimus: an scilicet res istæ creatæ habuerint initium suæ durationis, sicut illud habuerunt sui esse: ita ut aliqua fuerit duratio, quâ solus Deus absque ulla creaturarum fuerit: an verò nullum habuerint suæ durationis exordium, sed ab æterno mundus coexistit Deo, factus tamen ab ipso. Et hoc cum D. Thoma hæc 1. p. q. 46.

### DUBIUM I.

An universitas creaturarum  
semper fuerit?

#### §. I.

Veterum opiniones.

**I.** Materiam Deo coæternam fuisse neque à Deo factam, ex qua Deus considerit mundum, & ea quæ in mundo sunt, docuerunt antiqui Philosophi, & ex iis Hermogenes; quem errore Quæst. præcedenti Dub. 2. §. 1. retulimus, & ex Tertuliano refutavimus. Nunc non de materia sola, sed de tota rerum universitate, nempe de generibus, ac speciebus, quæ mundi universitatem constituunt, sermo erit: an hæc à Deo in tempore creata fuerit, an verò ab æterno, & semper fuerit.

II. Platonici, ut refert S. August. lib. 10. de Civit. Dei cap. 31. mundum esse æternum, à Deo tamen factum, existimabant (quod de Diis quoque dicebant) ac propterea habuisse quidem sui esse initium, non tamen suæ durationis. Quod ita explicabant,

teste S. Augustino. Sicut enim, inquit, si pes ex æternitate semper fuisset in pulvere, semper ei subisset vestigium; quod tamen vestigium à calcante factum nemo dubitaret, nec alterum altero prius esset, quamvis alterum ab altero factum esset: sic, inquit, & mundus a quo in illo Diæ creati & semper fuerunt, semper existente qui fecit, & tamen facti sunt.

Quia verò hoc asserbant hæc estimatione moti, quod cum Diæ eorum, & anima ipsa in sempiternum sit duratura, putabant, nisi quod semper ante fuisset, sempiternum deinceps esse non posse.

III. Sic eos perstringit S. Doctor, supponendo animam modò esse miseram, & postea futuram beatam. Nunquid ergo, si anima semper fuit, etiam miseria ejus semper fuisset dicenda est? Porro si aliquid in illa, quod ex æterno non fuit, esse capis ex tempore; cur non fieri poteris, ut ipsa esset ex tempore, quæ antea non fuisset? Quia vero respondere poterant, miseriam non semper futuram, & ideo non oportere, ut semper, & ex æterno fuerit; eos sic aggreditur. Beatitudo ejus (animæ) post experimentum malorum firmior, & sine fine mansura, sicut illi (Plato) constituitur, procul dubio capis ex tempore, & tamen semper erit, cum antea non fuerit. Ergo omnis argumentatio dissoluta est, quod putatur, nihil esse posse sine fine temporis, nisi quod initium non habet temporis. Inventa est enim anima beatitudo, quæ cum initium temporis habuerit, finem temporis non habebit.

IV. Item lib. 11. de Civit. Dei cap. 4. Quia aliqui negabant, mundum conditum fuisse in tempore, ne viderentur admittere in Deo mutationem; quasi venerit illi in mentem, quod nunquam ante venisset, nimirum facere mundum, & illi acciderit voluntas nova. Eisdem aggreditur præfato exemplo animæ, quam Deo coæternam ponebant. Unde enim accidit illi nova miseria, quam nunquam æternè habuit? Si alternasse semper ejus miseriam & beatitudinem dixerint; ergo semper erit



erit alternatura; ergo nunquam fuit, nec erit beata, si dum fuit, est, & erit beata, prævidit, prævidet, & prævidit suam futuram miseriam. Quod si prævidit suam miseriam; ergo falsa opinione fuit beata. Si dicant, ab æterno alternasse quidem animæ beatitudinem & miseriam; sed nunc jam de cætero, cum fuerit liberata, ad miseriam non redituram. Quærit ab eis: an hujus novitatis causa sit Deus suo æterno consilio, an novo consilio eam excogitarit? Si hæc secundum dicant, faciunt Deum mutabilem; cum in eo novum consilium, & novam ponant de temporanea animæ beatitudine voluntatem, quod ipsis displicet. Si verò dicant, Deum suo æterno & invariabili consilio, & voluntate in tempore transferre animam de miseria ad beatitudinem: quare non potuit eodem suo invariabili consilio, & voluntate animam ipsam, & mundum universum transferre de non esse ad esse?

V. Porro, quia alii dicebant, quod si Deus fecisset mundum solum in tempore, infinita spatia temporis ante mundum fluxissent, in quibus Deus nihil operatus fuisset; Deus autem nunquam cessavit ab opere.

Contra instat *cap. 5. sic*. Sicut mundum conditum in tempore infinita temporis spatia præcessisse excogitantur, in quibus cessavit Deus ab omni opere: ita nunc mundo condito, infinita locorum spatia extra mundum excogitare possumus, quæ ab hoc mundo non replentur, & in quibus Deus non operatur; nisi dicant. Deum non unum, sed infinitos mundos produxisse cum Epicuro; ergo esse salvant, Deum esse omnipotentem, etsi non operetur in omnibus locis, quæ cogitari possunt extra mundum: quare non salvabitur Deus omnipotens, etsi non fuerit operatus in omnibus temporis spatiis mundi temporaneam productionem præcedentibus? Ita egregie ac subtiliter Augustinus urget Platonicos, & fortè etiam Origénistas. Nam

VI. Propter hanc eandem rationem mundum esse æternum exilimavit Origénès *lib. 1. Periarcon* ut refert Justini

nianus Imperator *Tract. advers. Origénis errores tom. 3. Conc. Harduin. column. 275.* his verbis: *Quoniam igitur nunquam non fuit omnipotens, æterna hæc esse debet, propter quæ omnipotens est. Erant igitur semper ipsius dominio subiecta, ipso utensia principè. Et rursus eodem libro: Genera omnia, & species semper erant: non ita de singularibus disfaventibus numero dixeris quispian. Verumtamen utrumque declarantur, Deum non fecisse creandi initium, quasi aliquando fuerit in otio. Ex quo suum palmarum errorem trahebat, nimirum, quod animæ humanæ (quas ejusdem naturæ cum Angelis assererat) propter peccata, quæ ante mundi & corporum conditionem patraværant, detrusas fuisse in corpora; in illis purgari, purgatas liberari, ac liberæ felicitatem fieri, donec novorum peccatorum merito rursus eisdem alligentur. Quare nullam stabilem ponebat beatitudinem, sed perpetuum spirituum circulum, & felicitatis ac miseriæ alternationem. Ex quo etiam nascebatur, quod nec pœnæ, nec felicitates futuræ essent æternæ; unde inferebat, Dæmones ac damnatos in melius fore commutandos, eorumque pœnas aliquando finiendas. Hisce tamen dimissis, catholicam, & communem veritatem statuamus.*

## §. I I.

### Affertio Catholica.

VII. **D**ico. Universitas creaturarum non semper fuit, seu mundus ab æterno non fuit, sed cæpiit esse. Hoc testatur Scripturæ. Dicit enim Sapientia Proverb. 8. v. 22. *Dominus posuit me in initio viarum suarum, antequam quidquam faceret à principio. v. 23. Ab æterno ordinata suum, & ex antiquis antequam terra fieret. v. 24. Nondum erant abyssi, & ego jam concepta eram; nec dum fontes aquarum erupérant &c.* Quibus verbis ostenditur, fuisse durationem, in qua sapientia æterna erat, & nondum quidem creatum erat; & proinde res creatas non semper fuisse, sed esse cæpiisse.

## VIII.

VIII. Hoc idem confirmavit Christus Joan. 17. v. 5. ubi ad Patrem ait: *Et nunc clarifica me tu Pater apud te ipsum claritate, quam habui priusquam mundus esset a te.* Et v. 24. *Dilexisti me ante mundi constitutionem.* Apostolus etiam ad Ephes. 1. v. 4. *Elegisti nos (inquit) in ipso ante mundi constitutionem.* Huc etiam pertinent, quæ scribit 1. ad Timotheo. 1. v. 9. & ad Titum 1. v. 1. ubi dicit, gratiam, & spem vitæ æternæ datam fuisse nobis ante tempora secularia. Quibus, aliisque accedit definitio Concilii Lateran. IV. sub Innoc. III. cap. *Firmiter sitis, de summa Trinitis.* Græc. ubi statuitur quod Deus Sui omnipotentis virtute simul ab initio temporis utramque de nihilo condidit creaturam, spirituales, & corporales, angelicam videlicet, & mundanam.

IX. Quod si velimus causam investigare, cur mundus ab æterno non fuerit; aliam rationem invenire non possumus, nisi voluntatem Dei, ait D. Thom. hoc art. 1. qu. 46. 1. par. Cum enim absolute loquendo non sit necessitas, Deum velle aliquid nisi seipsum; sed circa omnia alia a se summa libertate & independentia se se exerceat: *Non est necessarium Deum velle, quod mundus fuerit semper, sed eatenus mundus est, quatenus Deus vult illum esse; cum esse mundi ex Dei voluntate dependeat, sicut ex sua causa: non est igitur necessarium mundum semper esse.*

X. Ita quoque ratiocinatur 1. Contra gentes, cap. 31. ostendens, non esse necessarium, universitatem creaturarum vel aliquam ex eis ab æterno fuisse. Hanc enim necessitatem vel haberet ex se, vel ab alio. Ex se quidem eam habere non potest; quia nulla creatura habet esse à se, & consequenter non habet à se necessitatem essendi, cum sit à se contingens esse, vel non esse. Si vero hæc necessitas est ab alio, oportet, quod sit ab aliqua causa, quæ sit extrinseca; quia quidquid accipitur intrinsecum in creatura, ab alio est, & proinde contingens esse, vel non esse. Porro causa extrinseca vel est ef-

ficiens, vel finalis. Non potest autem effectus habere necessitatem essendi ex causa efficiente, nisi necesse sit, causam efficientem agere ad eius productionem: atqui Deus, qui est causa creaturarum, non agit ex aliqua necessitate ad productionem creaturarum, sed liberà omnino, ac independenti voluntate; ergo non est absolute necesse, creaturam esse necessitate dependente à causa efficiente. Nec etiam necessitate dependente à causa finali. Ea enim, quæ sunt à fine, necessitatem à fine non recipiunt, nisi secundum quoddam finem sine eis, vel non potest esse, sicut conservatio vitæ sine cibo, vel non ita bene esse, sicut iter sine equo: at finis divinæ voluntatis, ex qua res in esse processerunt, non potest esse aliud, quam sua bonitas; quæ quidem à creaturis non dependet, nec quantum ad esse, cum sit per se necesse esse: nec quantum ad bene esse, cum sit per se perfecta simpliciter; ergo non est absolute necessarium creaturam esse, nec necessarium eam ponere ab æterno; sed tunc, cum divinæ voluntati placuit ex sua bonitate illam ponere. Cum ergo in suis Scripturis revelaverit nobis, sibi placuisse eam ponere, non ab æterno, sed in tempore seu initio temporis; dicendum, creaturam universitatem non semper & ab æterno fuisse, sed in tempore esse cæpisse.

XI. Observat tamen idem S. Doct. Qu. 3. de potent. art. 17. quod *aliter dicendum est de productione unius particularis creaturæ, & aliter de exitu totius universi à Deo.* Cum enim loquimur de productione alicujus singularis creaturæ, potest assignari ratio, quare talis sit, ex aliqua alia creatura, vel saltem ex ordine universi, ad quemquælibet creatura ordinatur, sicut pars ad formam totius. Cum autem de toto universo loquimur educendo in esse, non possumus ulterius aliquid creatum invenire, ex quo possit sumi ratio, quare sit tale, vel tale. Unde cum nec etiam ex parte divinæ potentis, quæ est infinita; nec divinæ bonitatis, quæ rebus non indiget, ratio determinata dispositionis universi sumi possit; oportet, quod ejus na-

tio sumatur ex simplici voluntate producentis. Ut si quæramus: quare quantitas culi sit tanta, & non major, non potest hujus ratio reddi, nisi ex voluntate producentis. Ita D. Thom., quod confirmat auctoritate Rabbi Moyſis, addens: Non enim potest assignari ratio, quare talis stella tantum à tali distet, vel aliqua hujusmodi, qua in dispositione oculi consideranda occurrunt, nisi ex ordine sapientia Dei.

Dato tamen, quod possit reddi ratio, cur tali naturæ, puta cœli, debeat talis determinata quantitas, ejus naturæ sic expenit; subdit: Non sic autem potest dici de tempore, vel temporis duratione. Nam tempus est extrinsecum à re, sicut & locus... Unde non potest dici, quod neque tempus, neque ubi consequatur naturam cœli (cum semper moveatur, & tempus succedat tempori.) Unde patet, quod ex simplici Dei voluntate dependet, quod prafigatur universo determinata quantitas durationis, sicut & determinata quantitas dimensionis. Unde non potest necessariò concludi aliquid de universi duratione, ut per hoc ostendi possit demonstrativè, mundum semper fuisse.

## §. III.

*Veterum argumenta pro mundi æternitate.*

**XII.** *P*ura congerit D. Thomas, quibus Veteres fortè movebantur ad mundi æternitatem asserendam. Nam hæc *Qu. 46. art. 1.* decem asserit, *Qu. 3. de potentia art. 17. triginta*, in 2. dist. t. qu. t. art. 5. quatuordecim, & lib. 2. *Centigent. cap. 32. & 33. octodecim*. Nos aliqua propenemus, cætera citatis locis perquirenda studioso relinquemus.

**XIII.** Primò ergo obici potest. Vel Deus potuit, & voluit universitatem creaturarum semper fuisse, vel potuit, & non voluit, vel voluit, & non potuit, vel neque potuit, neque voluit. Si potuit, & voluit; ergo fecit, nam voluntas ejus est causa rerum. Si

potuit, & non voluit; ergo est infirmus. Si voluit, & non potuit; ergo est infirmus: idemque est, si nec voluit, nec potuit.

Respondeo, quæſtionem esse dubiam, potuerit nè mundus ab æterno creari (de quo Physici, & nos aliqua inferius dicemus) an non. Si non potuit creari, Deus non potuit, nec voluit facere, ut mundus semper esset. Neque tamen sequitur, quod Deus sit infirmus; quia hoc non ex defectu potentia in Deo, sed ex impossibilitate rei factibilis procedit: cum impossibile sit, aliquid esse ab æterno, & esse ab alio factum. Si autem mundus potuit ab æterno creari; Deus potuit illum ab æterno creare, sed noluit. Neque tamen propterea est infirmus; quidpiam enim non facere, quia non decet, sapientia est, non invidia.

Adverto tamen cum S. Thoma *Qu. 3. de pot. art. 17. ad 22.* quod illo simili argumento utatur D. Augustinus lib. 2. aliàs 3. contra Maximinum cap. 6. ad probandum, Filium Dei esse Patri cœternum, & coequaltem; nimirum, si potuit talem Filium producere, & non voluit; ergo fuit invidus: si non potuit, infirmus. Si noluit, invidus invenitur. Hæc tamen ratio non est efficax de mundo (inquit D. Thom.) quia cum natura Filii sit eadem cum Patre, requirit æternitatem, & aequalitatem Patri, qua si sibi subtraheretur, invidia esset. Non autem hoc requirit natura creatura. Et idcirco non est simile.

**XIV.** Sed contrà dices primò. Quidquid sit, an natura creaturæ requirit semper fuisse, hoc tamen requirit natura Dei. Quod probò. Deus ab omni æternitate est causa in actu; ergo potest semper effectum in actu, cum causa & effectus sint correlativa. Ant. probatur. Alioquin dicendum esset, quod Deus creando mundum exisset de potentia ad actum, & muratus fuisset.

Confirmatur primò. Idem manens idem facit semper idem, nisi impediatur; Sed Deus semper manet idem, Psalm.

*Psal.* tot. v. 18. *Tu autem idem ipse es*; ergo cum Deus impediri non possit propter suam infinitatem virtutis, & aliquando mundum produxerit, semper illum produxit.

Confirmatur secundò. Deus ab æterno voluit, suam bonitatem esse cum omnibus pertinentibus ad ipsam: sed productio creaturarum pertinet ad suam bonitatem; ergo volens eam, voluit & producere creaturas.

Si dicas, quòd ad bonitatem Dei pertinet, quòd creaturæ producantur in esse: non autem, quòd producantur in esse ab æterno.

Contra est. Majoris liberalitatis est aliquid citius dare, quàm tardius: sed liberalitas divinæ bonitatis est infinita; ergo videtur, quòd debuit dare esse creaturis ab æterno.

Confirmatur tertio. Agens per voluntatem, si incipit facere quod prius volebat, cum antea non fecisset, oportet ponere aliquid esse nunc inducens ipsum ad agendum, quod prius non inducebat: sed dici nequit, quòd ante mundum fuerit aliquid præter Deum, quod de novo eum induxerit ad agendum; ergo ne dicamus, divinæ voluntati aliquod accrevisse, si ab æterno voluit producere mundum, ab æterno illum produxit.

Confirmatur quarto. Deus ab æterno fuit supremus Princeps, & Dominus sicut modò; ergo habere debuit quibus imperaret, ac dominaretur ab æterno.

XV. Respondeo ad instantiam, nego ant. ad probat. dist. ant. causa in actu, id est actu habens omnia intrinseca, quæ ad actu operandum requiruntur, conc. ant. causa in actu, id est actu operans, nego antecedens, & consequ. Ex quo enim Deus ab æterno sit causa in actu habens omnia, quæ requiruntur ad actu operandum, sequitur quidem, quòd dum operatur non exeat de potentia ad actum; non tamen, quòd effectus sit ab æterno, sed solum pro ea duratione, in qua ab æterno disposuit, illum fore. Effectus enim est correlativus causæ, ut in actu operantis, & dantis illi esse. Unde cum Deus

*Tom. V.*

est ab æterno sit causa in actu modo dicto, quia tamen non est ab æterno actu operans, & dans esse mundo; non sequitur, quòd mundus sit ab æterno: aliàs nihil etiam singulare in mundo produci de novo posset in tempore, sed omnia ab æterno producta essent, cuius oppositum manu tangimus. *Post id ergo actione* ( inquit D. Thom. 1. part. qu. 46. art. 1. ad 10. ) *sequitur effectus secundum exigentiam forma, quæ est principium actionis. In agentibus autem per voluntatem, quod conceptum est, & prædefinitum accipitur ut forma, quæ est principium actionis. Ex actione igitur Dei æterna non sequitur effectus æternus, sed qualem Deus voluit, ut scilicet haberet esse post non esse. Hoc idem docet qu. 3. de potentia art. 17. ad 11. & ad 16. & in 2. Sent. dist. 1. qu. 1. art. 5. ad 11. postquam distinxit duplex agens: unum, quod agit actione media, quæ non est essentia ipsius operantis; & in talibus non potest sequi effectus novus sine nova actione, & novitas actionis facit aliquam mutationem in agente, pro ut est ens de otio in actum, ut in secundo de anima dicitur. Quoddam verò sine actione media vel instrumento, & tale agens est Deus. Unde suum velle est sua actio, & sicut suum velle est æternum, ita & actus non tamen effectus sequitur, nisi secundum formam voluntatis, quæ proponit se, vel sic facere: & id o non exit de potentia in actum, sed effectus, qui erat in potentia agente, efficitur actu ens.*

XVI. Ad primam consim. dico, majorem esse veram de causis naturalibus, non verò de causis libera, & agente per intellectum, & voluntatem, qualis est Deus: hæc enim agit, non secundum quòd in se ipsa est, sed secundum quod in ejus voluntate est, ut agat. Ita D. Thomas qu. 3. de pot. art. 17. ad 6. *Voluntas autem* ( inquit S. Doct. ) *non disponit solum de forma effectus, sed de loco, duratione, & omnibus conditionibus ejus. Unde oportet, quod effectus voluntatis tunc sequatur, quando voluntas disponit, non quando voluntas est. Non enim secundum esse, sed secundum id, quod voluntas di-*

*spo-*

*Sponit, effectus voluntati similatur. Licet igitur voluntas semper sit eadem, non tamen oportet, quod semper ex ea sequatur effectus.*

XVII. Ad secundam confirmat. bene ibi responsum est. Addo cum D. Tho. loco laudato ad septimum, quod *Deus de necessitate vult suam bonitatem, & omne id, sine quo sua bonitas esse non posset.* Tale autem non est creaturarum productio. Unde ratio non sequitur.

Ad id, quod replicatur, respondendo, veram esse maiorem, si cætera sint paria. Verum cum *Deus creaturas ad manifestationem sui produxerit; convenientius fuit & melius, ut sic producerentur, sicut convenientius & expressius cum poterant manifestare.* Expressius autem manifestatur ex creaturis, si non semper sint, quia in hoc manifestè apparet, quia ab alio educta sunt in esse: & quod *Deus creaturis non indiget, & quod creatura omnino divina subiacent voluntati.* Ita D. Thomas reclusus ad 8.

XVIII. Ad tertiam confirmat. dico maj. esse veram de eo, qui incipit facere actione novâ, novo consilio, novâ voluntate; non verò de Deo, seu ius actio est æterna, & à quo effectus in tempore illo ponitur, quod ab ipso fuerat ab æterno prævisum, & præsentum. Hic enim dicitur *incipere agere ratione novi effectus, qui ab æterna actione consequitur secundum dispositionem voluntatis, quæ est quasi actionis principium in ordine ad effectum.* Ita D. Tho. loco citato ad 12.

Dici etiam potest cum eodem ibi ad 13. quod ratio illa procedit de agente, quod ita facit effectum suum in tempore, quod tamen non est temporis causa, quod in Deo locum non habet.

XIX. Ad quartam confirmat. jam superius qu. 1. dub. 2. §. 2. ex Terulliano Hermogeni hoc idem opponenti responsum est. Modò dico ex D. Tho. citato ad 21. quod si relatio domini intelligatur consequi actionem, quod *Deus actualiter creaturas gubernat; sic non est ab æterno Dominus.* Si autem intelligatur consequi ipsam potestatem gubernandi, sic competit ei ab æterno.

XX. Secundò obijci potest. Si mundus non semper fuit; ergo nec tempus; ergo tempus quoque incipit esse; ergo aliquando non fuit tempus. Sed aliquando significat aliquod tempus; ergo in aliquo tempore non fuit tempus, quod importat contradictionem; ergo mundus, & tempus semper fuerunt.

Confirmatur. Deus aut est prior mundo naturâ, aut duratione: si naturâ tantum; ergo cum Deus sit ab æterno, ab æterno quoque erit mundus. Si autem est prior duratione, prius autem, & posterius constituunt tempus; ergo ante mundum fuit tempus, quod est impossibile.

XXI. Respondeo distinguendo min. subsumtam: aliquando significat aliquod tempus verum, vel imaginarium, conc. min. præcisè verum, ac reale nego min. Vel aliter. Aliquando significat durationem, vel temporis, vel æternitatis, conc. min. præcisè temporis, nego min. Dum ergo dicitur: aliquando non fuit tempus, vel ly aliquando sumitur pro tempore, quod imaginamur per totam æternitatem ante productionem temporis fluxisse, vel pro ipsa duratione æternitatis; ita ut sensus sit, per totam æternitatem non fuit tempus.

Ad confirm. eodem modo respondeo, Deum esse priorem mundo duratione, non temporis, sed æternitatis, vel æternitate temporis imaginati, non realis. Ita D. Tho. 1. p. q. 46. art. 2. ad 2. his verbis: *Deus est prior mundo duratione, sed ly prius non designat prioritatem temporis, sed æternitatis. Vel dicendum, quod designat æternitatem temporis imaginati, & non realiter existentis.* Sicut cum dicitur, supra ealum, nihil est: ly supra designat locum imaginatum tantum, secundum quod possibile est imaginari, dimensionibus collectis corporis dimensiones alias superaddidi. Quam responsum repetit qu. 3. de apot. art. 14. ad 6. dicens: *Si intelligatur, ante instantem creationis mundi tempus reale fuisse, in quo potuerit fieri mundus, patet omnino esse falsum, quia ante mundum motus non fuit, unde nec tempus.* Possimus tamen imaginari ali-

quod

*quod tempus ante mundum. Sicut altitudinem, vel dimensiones aliquas extraculum, per quem modum possumus dicere: & quod altius calum potuit elevari, & quod prius potuit facere; quia potuit facere & tempus futurum, & altitudinem altiorum.*

XXII. Replicabis. Ex dictis, omne, quod est ante tempus, est æternum: sed mundus fuit ante tempus; ergo &c. min. prob. mundus fuit creatus in primo instanti temporis, id est in principio temporis: sed primum instanti temporis fuit ante tempus; ergo &c.

Resp. cum D. Tho. qu. 3. de pot. art. 17. ad 5. dist. maj. quod est ante tempus, & ante omne id, quod est temporis, con. maj. ante tempus, non tamen ante omne id, quod est temporis, neg. maj. *Ante tempus* (ait D. Tho.) *aliquid esse, potest intelligi dupliciter. Uno modo ante totum tempus, & ante omne id, quod est temporis: & sic mundus non fuit ante tempus; quia instanti, in quo cepit mundus, licet non sit tempus, est aliquid temporis, non quidem ut pars, sed ut terminus. Alio modo intelligitur aliquid esse ante tempus, quia est ante temporis completionem, quod non completur nisi in instanti, ante quod est aliud instans. Et sic mundus est ante tempus. Non autem oportet propter hoc, quod sit æternus, quia nec ipsum instans temporis, quod sit est ante tempus, est æternum. Ita D. Tho. est ergo mundus factus ante temporis completionem, non ante temporis initium.*

XXIII. Tertio obijci potest. Nihil quod habet virtutem, ut sit semper, quandoque est, quandoque non est: sed cœli, & Angeli, utpote suâ naturâ incorruptibiles, habent virtutem, ut sint semper; ergo non possunt quandoque esse, quandoque non; ergo fuerunt semper.

XXIV. Respondeo, illud axioma posse dupliciter intelligi. Uno modo de eo, quod habet virtutem, ut sit semper abolute, sine ulla temporis determinatione, live præfenti, & futura, live etiam præterita, & nedum in æ-

ternum, sed & ab æterno; & rursus nulla facta suppositione. Et hoc modo solus Deus habet virtutem, ut sit semper, nimirum, ut semper sit, semper futurus sit, & semper fuerit si independenter ab omni suppositione. Alio modo de eo, quod habet virtutem, ut sit semper, non pro quacumque duratione, etiam præterita; sed ex eo tempore, quo supponitur illam virtutem habere: tunc ab eo tempore non potest certe quandoque esse, quandoque non esse, sed debet semper esse. Juxta ergo hunc modum res incorruptibiles, cœli, Angeli, animæ rationales habent virtutem, ut sint semper; quia ex eo tempore, quo cœperunt esse, cum careant corruptionis principio, semper sunt, semperque erunt: non tamen pro eo tempore, aut duratione, qua nondum erant, seu nondum cœperunt esse. Quare illa minor cœli, Angeli, utpote suâ naturâ incorruptibiles, habent virtutem, ut sint semper, vera est solum ab eo tempore, quo cœperunt esse. Quia, ut docet D. Thom. qu. 3. de pot. art. 17. ad 2. *Nulla virtus neque essendi, neque operandi respicit præteritum, sed solum præsens, vel futurum. Nullus enim habet virtutem ad hoc, quod aliquid fecerit... sed habet aliquam virtutem ad hoc, ut nunc, vel posterum faciat. Videatur quoque 1. par. qu. 46. art. 1. ad 2. unde præsens responso sumta est.*

Alia plura superessent argumentas sed ne moram trahamus, ea videnda relinquo apud D. Thomam locis superius laudatis, nimirum 1. par. qu. 46. art. 1. Qu. 3. de pot. art. 17. 2. contrag. cap. 35. 36. 37. Et in 2. sent. dist. 1. qu. 1. art. 5.

XXV. Quæres: an mundum incepisse sit articulus fidei?

Responder D. Tho. hac r. p. 1. qu. 46. art. 1. *mundum non semper fuisse, solâ fide tenetur, & demonstrativè probari non potest.* Quod, mundum non semper fuisse, fide teneatur, patet ex Sacre Scripturæ textibus superius alaris, quibus revelatum est, mundum non semper fuisse. Quod vero sola fide teneatur, nec demonstrativè proba-

ba-

bari possit, probat S. Doct. hic hac ratione. Quod mundus non semper fuerit, probari demonstrativè non potest, neque ex parte causæ, nempe Dei, quia Deus agit ad extra per voluntatem, & libere; causam autem cur noluerit mundum non semper fuisse, ratione investigare non possumus. Neque ex parte effectus, idest mundi: nam si posset ex parte mundi medium demonstrativum desumi, tale medium esset quodquid est, seu definitio ipsius: sed definitio, seu quod quid est mundi non potest demonstrare, cum non semper fuisse, cum definitio, & essentia mundi, sicut & cujuslibet alterius rei creatæ, abstracta ab hic & nunc, seu ab esse, & non esse; ergo &c. Cum per medium sic abstractum non possit determinate demonstrari unum potius, quam aliud.

XXVI. Utile quoque est, hoc demonstrari non posse, subdit S. Doctor: *Ne forte aliquis, quod fidei est, demonstrare præsumens, rationes non necessarias inducat, quæ præbeant materiam, irridendi infidelibus, existimantibus, nos propter hujusmodi rationes credere, quæ fidei sunt.* Ex quibus concluditur, demonstrative neutrum probari posse, neque quod mundus cæperit in temporæ, neque quod fuerit ab æterno; & propterea fundamentum assertionis catholicæ contra veteres Philosophos in divina revelatione unice esse ponendum.

## §. I V.

*De possibilitate Mundi ab æterno.*

XXVII. **A**N mundus potuerit, vel non potuerit esse ab æterno, dubia quæstio est, hinc inde variantibus Doctoribus. S. Tho. videtur adhærere opinioni affirmativæ, & admittere, non apparere impossibile, quod mundus fuerit ab æterno; dum omnia argumenta oppositum probantia, tum hoc *art. 2. tum qu. 3. de pot. art. 14.* solvit. Nos hic hanc quæstionem omittere existimamus, tanquam Philosopho potius accommodatam, quam

Theologo; & de ea fusè agitur in 8. libro Physicorum. Quare Candidatum nostrum ea sufficienter imbutum existimamus.

XXVIII. Hæc tamen duo hic recolenda proponimus. Primum. Quoddam mundus, vel aliqua alia creatura, esset ab æterno, adhuc non esset Deo cœterna, nec illi parificaretur in æternitate, esse secundum quod cum imitaretur. Quia, ut docet D. Thomas, tum hic *ad 3. tum qu. 3. de potentia art. 14. ad 1.* esse divinum, est esse totum sine successione: & sic ejus duratio est tota simul, quod ad rationem æternitatis per se sentiam talis requiritur: est enim interminabilis vitæ tota simul, & perfecta possessio. Æternitas vero participata a creatura esset quidem duratio carens principio, & fine, esset tamen mutationi, & successioni obnoxia. Videantur dicta de æternitate Dei.

XXIX. Neque admisso, quoddam sit impossibile, aliquam creaturam fuisse ab æterno, infirmatur argumentum, quo utebantur quidam ex Patribus contra Arianos, nempe Filium Dei non esse creaturam, quia ab æterno, & semper fuit cum Patre. Nam in primis argumentum Patrum procedebat ab eo, quod non de possibili, sed de facto est, quod & Ariani admittebant; nempe nullam creaturam de facto esse æternam, & semper fuisse: ex quo benè inferebant contra ipsos; ergo si Filius Dei æternus est, non est creatura. Deinde Patres non præcisè probabant, Filium Dei non esse creaturam, quia præcisè æternus sit: sed quia æternus cum Patre de substantia, & ejusdem esse cum illò, quia Filius; non autem ex non extantibus, seu ex nihilo, ut contendebant Ariani; & dicimus nos de creaturis, etiam si fuissent ab æterno.

Et hoc est alterum, quod notandum est, nimirum, quod est mundus (vel alia creatura) semper, & ab æterno fuisset, adhuc esset ex nihilo; non quia esset factus post nihilum, sed quia non esset factus de aliquo. Ita D. Thom. hoc *art. 2. ad 9. Vel ut do-*



docet idem S. Doct. qu. 3. de pot. art. 14. ad 7. ut aliquid fiat ex nihilo, seu ex non esse, requiritur, ut non esse precedat esse rei, non duratione, sed natura. Quia videlicet, si ipsa sibi relinqueretur, nihil esset, esse verò solam ab alio habet. Quod enim est natum alicui inesse ex seipso, naturaliter prius competit ei eo, quod non est ei natum inesse, nisi ab alio. Sed hæc delibasse satis.

## DUBIUM II.

De Mundi unitate, &amp; initio.

## §. I.

*An Mundus sit tantum unus?*

I. Sanctus Augustinus lib. de hæresibus cap. 77. scribit, ex Philastrio hæres. 113. fuisse aliam hæresim, quæ dicit, mundos esse infinitos, & innumerabiles secundum Philosophorum quorundam inanem sententiam. Hujus hæresis sectatores Ametritas vocat Auctor Prædestinati (lib. 1. de hæresibus cap. 77. upud Sirmundum, tom. 1.) his verbis: Septuagesimam & septimam hæresim Ametrita instituerunt dicentes, innumerabiles esse mundos. Hoc eos dicere novum putat, qui non legist Philosophos: hoc enim olim aliquanti Philosophorum dixerunt Gentiles. Hoc errore idem S. August. lib. 8. de Civit. De cap. 2. refert, laborasse Anaximandrum Thaletis auditorem, qui cum quilibet rerum species ex propriis cuique principiis fieri assereret, & hæc infinita esse puraret; ex his infinitos mundos modo gigni, modo dissolui existimavit, nihil divinæ menti in hisce operibus tribuens. Innumerabiles quoque mundos, qui infinitis atomorum motibus & occurribus modo formarentur, modo resolverentur, Epicurum somniasse notat lib. 12. de Civit. Dei cap. 5. Quorum errorem ex eo processisse, quia causam mundi non posuerunt aliquam sapientiam ordinantem, sed casum (observat D. Thomas 1. part. qu. 47. art. 3.) ut Demo-

critus, qui dixit, ex concursu atomorum factum esse hunc mundum, & alios infinitos. Ponebant enim isti continuis revolutionibus novos fieri mundos, veteres interire, ac novos generari, quos Sanctus Augustinus deridet, & increpat lib. 12. de Civitate Dei cap. 13. Cumque hoc se deducere arbitrarentur ex Salomone Ecclesiastæ 1. v. 9. Quid est quod fuit? ipsum quod erit. Et quid est quod factum est? Ipsum quod fiet: & non est omne recens sub Sole. Quis loquatur, & dicat, ecce hoc novum est? Jam fuit in seculis, quia fuerunt ante nos, Postquam S. Doctor ostendit, Salomonem præfatis verbis, rerum circuitus, quibus ea, quæ fuerant essent reditura eadem numero, judicare noluisse; sed solum, quod, sicut fuerunt homines ante nos, sunt & nobiscum, & erunt post nos: & quæque animalia, & arbuta, quavis diversa ab iis, quæ fuerunt. Et sicut olim monstra nata sunt, ita modo, & nascuntur, quamvis non eadem. Subjungit: Absit autem à recta fide, ut his Salomonis verbis illos circumitus significatos esse credamus, quibus illi putant, si eadem temporum, temporaliumque rerum, volumina repeti; ut, verbi gratia, sicut isto seculo Plato Philosophus in urbe Atheniensis, & in ea schola, qua Academia dicta est, discipulos docuit, ita per innumerabilia retro secula .... & idem Plato, & eadem Civitas, & eadem schola, videmque discipuli repetiti, & per innumerabilia deinde secula repetendi sint. Absit, inquam, ut ista credamus. Deinde addens, quod nos semel in Christo mortui, & in Christo resurgentes semel cum Domino erimus, non amplius ad hæc terrena redituri, juxta illud Psal. 11. v. 8. Tu Domine servabis nos, & custodies nos à generatione in æternum. Concludit: Satis autem istis exilimo convenire, quod sequitur (Psal. 11. v. 9.) In circuitu impii ambulant: Non quia per circuitos, quos opinantur, eorum vita esset recursura; sed quia modo talis est erroris eorum via, id est falsa doctrina.

Hactenus S. August. In hunc errorem prolapsum fuisse Origenem, & in

eui

cut æternos posuit ( ut supra ) ita innumerabiles continuus revolutionibus sibi succedentes mundos voluisse testatur S. Hieronymus lib. 2. *adversus Rufinum*, ubi, eum admisisse ait, mundos innumerabiles æternis sibi seculis succedentes. Et Justinian. Imperat. *tractatu contra Orig.* err. dicens: *Posuit porro (Origenes) diversos constituisse, & consolare mundos, tum præteritos, tum futuros. Et quisnam adeo fatuus est, ut hæc audienti, animo non exhorrescat propter summam impietatem?* &c.

II. Tolerabilior fuit Plato, qui duos solos mundos posuit ( melius dixisset duas unius mundi classes ) unum intelligibilem, alterum sensibilem. De quo S. August. lib. 3. *contra Academicos*, cap. 17. ita scribit: *Platonem sensisse duos esse mundos, unum intelligibilem, in quo ipsa veritas habitaret, istum autem sensibilem, quem manifestum est, nos visu tactuque sentire. Itaque illum verum, hunc verisimilem, & ad illius imaginem factum. Et ideo de illo, in ea, qua se cognosceret anima, velut expellere, & quasi sequeari veritatem; de hoc autem in sultorum animis non scientiam, sed opinionem posse generari. Quidquid tamen ageretur in hoc mundo per eas virtutes, quas civiles vocabat, aliarum verarum virtutum similes, quæ nisi paucis sapientibus ignota essent, non posset nisi verisimile nominari. Quod si Plato per intelligibilem mundum intellexit ipsam rationem sempiternam atque immutabilem, quæ fecit Deus mundum, ait D. August. lib. 1. *retract.* cap. 3. quod in hoc non erravit, & sortè de hoc intellexit Christus, cum Joan. 18. v. 36. *Regnum meum* ( inquit ) *non est de hoc mundo.**

III. Præterire non debeo Orpheum Philosophi Thracis ( qui ante Trojæ excidium vixisse fertur ) placitum, seu verius fabulam, qui primus asserere cœpit, Lunam, ac cætera sydera perinde ac terram nostram ab hominibus incoleri, & habitari. Orpheum tamen in hac infamia de astris habitabilibus ex veteribus secuti sunt Pythagoræi, Anaximander, Anaximenes, Anaxagoras, Aristarchus, Archelaus, Xeno-

phanes aliique relati a Fabricio in sua Bibliotheca Græca lib. 1. cap. 10. ad num. 9. Hanc Anaxarchus in animum Magni Alexandri infillavit, qui proinde anxietatur, quod cum tot essent mundi, nec unum adhuc ipse occupasset.

Sed, quod mirum est, eam ex Recentioribus aliqui adoptarunt. Astrum enim habitari; ( referente eodem Fabricio ) senserunt Nicolaus Cusanus, Joruanus Brunus, Tycho, Brahe, Thomas Campanella, Renatus des Cartes, Joannes Reperus, Galilæus Galilæi, & David Fabricius, qui suis se oculis incolas Lunæ vidisse temere iactavit. Angli quoque plurimi, ut Franciscus Goduvinus, Wilsinius Episcopus Cæliensis, qui librum Anglicè vulgavit de novo in Luna orbe, Robertus Flud de fluctibus, Auctor libri gallicè ex anglico translato de statu Beatorum, post hanc vitam; quorum felicitatem, majora asserit subituras esse incrementa ex propiore tot mundorum visione; aliique a prænarrato Fabricio relati, qui subdit, hanc de pluribus orbibus habitabilibus sententiam hodie placere Philosophis, & Mathematicis clarissimis. Ab ea Judæos Cabbalistas non esse alienos, tellis est Buxtorphius Lexico Thalmud p. 1610. Mahometum quoque in Alcorani qui *Surâ primâ* statim invocat *Deum mundorum*, ad quem locum videri possunt Ludovici Maracci notæ, & ejusdem Prodromus 4. *Conjunct.* *Alcorani* cap. 17. pag. 76. His ad eruditionem præmissis.

IV. Dico primo. Præter hunc mundum nobis adspectabilem, alius mundus non datur, neque alii homines sunt, quam ii, qui terras incolunt. Probatur primò ex Joann. cap. 1. v. 10. *Mundus per ipsum factus est.* Non enim ait, mundi per ipsum facti sunt. Vel ergo alii mundi, si sunt, per Verbum facti non sunt, vel alii mundi non sunt. Revera autem non fuisse alium mundum à Deo factum, quam istum, Deus ipse testatur est, cum istius solius conditionem nobis describi jussit per Moysen, Gen. 1. dicentem. *In principio creavit Deus cælum, & terram &c.* neque

que in Scripturis suis de alio, quam de hoc mundo mentionem fecit.

V. Probat D. Thomas hae *quæst.* 47. *art.* 3. hoc ratiocinio. Ea, quæ invicem ordinata sunt, & simul dicunt ordinem ad unum auctorem, seu Gubernatorem, constituunt unam universitatem; sed omnes res creatæ, & quæ a Deo sunt, habent ordinem inter se, & omnes ad Deum, ut omnium Conditorum, & Gubernatorem; ergo universitas rerum creaturarum una est, & consequenter unum mundum constituit. Maj. prob. Multitudo, quæ non potest dici una, nisi unitate ordinis, non aliunde dicitur una, nisi ex ordine partium inter se, & ad unum. Ideo enim exercitus dicitur unus, quia omnes milites inter se ordinantur sub uno duce; populus dicitur unus, quando homines in una civitate inter se ordinantur.

VI. Probat secundò. Christus tantum pro hominibus hujus mundi mortuus est; ergo si esset alius mundus, Christus non esset Salvator hominum in illo mundo existentium; ergo non esset Salvator omnium hominum, contra didum Apostoli 1. ad Tim. 4. v. 10. dicentis de Christo: *Qui est Salvator omnium hominum.*

VII. Confirm. primò. Christus misit Apostolos in universum mundum, ut prædicarent Evangelium omni creaturæ; Marci 16. 15. *Euntes in mundum universum prædicate Evangelium omni creaturæ.* Mandavit illis, ut docerent, & baptizarent omnes gentes, Matth. 28. v. 19. *Euntes ergo docete omnes gentes baptizantes eos.* Atqui eos non misit ad prædicandum nisi creaturis, & gentibus positis in hoc mundo, non extra hunc mundum, non ad habitatores mundi celestis Lunæ, & astrorum; ergo creaturæ, & gentes hujus mundi terrestris constituunt omnem creaturam, omnes gentes, universum mundum; ergo extra hunc non sunt aliæ creaturæ, aliæ gentes, alius mundus.

VIII. Confirm. secundò. Omnes homines quotquot, vel sunt, vel fuerunt, vel erunt, sunt filii Adam; sed om-

nes illi pertinent ad hunc mundum; ergo non est aliquis alius mundus. Major constat ex *Genes. cap.* 1. ubi post creatos cælum, terram, post factum Solem, Lunam, Stellas, post producta virgulta agri, pisces maris, aves cæli, & bestias terræ, v. 27. describitur formatio primi hominis Adam ex limo, ex quo successivè omnes hominum generationes ab eo descendunt narrantur. Ubi ergo homines alterius mundi? Ubi incolæ Lunæ, ac syderum? Quando nam creati fuerant? Ante? Non: quia ante nondum factum fuerat cælum, nec Luna, nec sydera. An alia hominum series in Lunæ, & syderum cælo condita fuit? At unde hoc? An ex hominibus ab Adamo prognatis aliqui ad habitanda sydera traslati sunt? Sed hoc ubi legitur?

IX. Dico secundò. Deo non fuit, nec est impossibile alios, ac plures mundos, vel aliam terram creare. Probat. Potentia enim Dei est infinita; ergo ab uno mundo jam condito, utpotè limitato, & finito, exhausta non est; potentia enim infinita per effectum finitum sic adequari non potest, ut extra illum non possit extendi.

X. Secundò probat. Mundus a Deo creatus est, & dicitur unus, quia constat ex talibus speciebus cum tali cursu, & ordine dispositus; ergo si Deus alias rerum species cum diverso rerum cursu, & ordine crearet, alium mundum ab isto diversum produceret: sed hoc Deus potest; ergo &c. Min. prob. Quòd enim Deus possit alias, & alias species perfectiores producere docet D. Thomas in 1. *dist.* 44. *q.* 1. *art.* 1. ubi postquam distinguit duplicem bonitatem in rebus, essentiali nempe, & accidentalem alteram, dicit: *Loquendo de bonitate accidentali rei, unicuique rei majorem bonitatem Deus conferre potuisset. Loquendo autem de bonitate essentiali, quolibet re creatâ meliorem aliam rem facere potuisset: non tamen potuit hanc rem facere esse majoris bonitatis: quia si adderetur ad bonitatem essentiali aliquid, non esset eadem res, sed alia.* Sicut si numero ternario adderetur unitas, non esset amplius ternarius,

rius, sed quaternarius. *Et ars. 2.* ubi quærit: an Deus potuerit facere Univerſum melius? Poſtquam dixit, bonum univerſi conſiſtere in duplici ordine; & in ordine partium ad invicem, & in ordine totius univerſi ad Deum: ſicut in exercitu eſt ordo partium exercitus ad invicem, ſecundum diverſa officia, & eſt ordo ad bonum Ducis, quod eſt victoria. Melioratio autem univerſi poſſet fieri, vel quantum ad aliquas partes, nimirum, ſi adderentur multæ ſpecies rerum, & multi gradus bonitatis: ſed illud univerſum ſe haberet ad hoc, ſicut totum ad partem, & ſic nec penitus eſſet idem, nec penitus diverſum. Vel poſſet fieri melioratio, quaſi mutatis omnibus partibus univerſi. *Hæc autem melioratio omnium partium, vel poſſet intelligi ſecundum bonitatem accidentalem: & ſic poſſet eſſe talis melioratio à Deo, manentibus eiſdem partibus, & eodem univerſo. Vel ſecundum bonitatem eſſentialem; & ſic etiam eſſet Deo poſſibilis, qui infinitas alias ſpecies condere poſſet: ſed ſic non eſſent eadem partes, & per conſequentem nec idem univerſum.*

Quoddam verò variare etiam Deus poſſit rerum curſum & ordinem, docet idem S. Thomas 1. par. qu. 25. art. 5. in corp. & ad 3. ubi hæc habet: *Licet iſte curſus rerum ſit determinatus iſtis rebus, quæ nunc ſunt, non tamen ad hunc curſum limitatur divina ſapientia, & poteſtas. Unde, licet iſtis rebus, quæ nunc ſunt, nullus alius curſus eſſet bonus, & conveniens; tamen Deus poſſet alias res facere, & alium eis imponere ordinem.*

XI. Si dixeris, S. Doctorem 1. par. qu. 47. art. 1. ad 3. dicere: *Quod mundus conſtat ex ſua tota materia.* Non enim eſt poſſibile eſſe aliam terram, quam iſtam; quia omnis terra ferretur naturaliter ad hoc medium, ubiqueque eſſet. *Et eadem ratio eſt de aliis corporibus, quæ ſunt partes mundi; ergo judicatur S. D. aliam mundum non eſſe poſſibilem.*

Reſpondetur, propter hæc non deſuiſſe, qui exiſtimarint, S. Doctorem fuiſſe in opinione, quoddam Deo non ſit

poſſibile alios mundos, aut aliam terram creare. Immerito tamen. Verba enim allata intelligenda non ſunt relatè ad potentiam Dei, ac ſi impoſſibile ſit ei impoſſibilitate etiam logica aliam terram producere. Sed ſpectata potentia materiali mundi, & attento præſenti rerum curſu; quem, cum, ut dicebamus, poſſit Deus ſuo beneplacito immutare, ac terram ſub alio rerum ordine collocare: ideo poteſt alium mundum, & aliam terram abſolute producere. Multa enim, quæ ſpectata naturali rerum curſu impoſſibilia ſunt, ut mortuos reſurgere, tamen, abſolute Dei potentia ſunt poſſibilia.

## §. I I.

*Quo anno conditus fuerit Mundus.*

XII. **C**ertum eſt, mundum conditum fuiſſe in initio temporis, & cum tempus incæpit, ſeu potius una, cum mundo tempus conditum fuiſſe, ſicut & motum primi mobilis, in quo tanquam in ſubjecto eſt (ut docet D. Thom. 1. par. qu. 10. art. 6.) non ita tamen, ut tempus fuerit meſura creationis, ſed potius cum cælo, & terra fuerit concreatum, quod aſſerit idem S. Thomas 1. par. qu. 46. art. 30. ad 1. dicens: *Non dicuntur in principio temporis res eſſe create, quaſi principium temporis creationis ſit meſura; ſed quia ſimul cum tempore eorum, & terra create ſunt.* Hoc, inquam, certum eſt. At quando tempus cum cælo, & terra creatum ſit, ſeu quantum temporis effluxerit à cæli, & terræ, ac temporis initio, & creatione adeo nobis incertum eſt, ut varias in opiniones diſtraxerit Chronologos.

XIII. S. Auguſtinus lib. 12. de Civitate Dei cap. 10. recenset, & ſimul reſutat opinionem aliquorum, qui multis annorum millibus præceſſiſſe mundum aſſerebant, quam Sacris Litteris traditum habebant: *Fallunt* (inquit) *eos etiam mendaciſſima littera, quæ præbent in hiſtoria temporum multa annorum millia continere: cum ex Litteris Sacris ab inſtitutione hominis nondum com-*

*completa annorum sex millia computemur.* Movebantur (pergit S. Doctor) ex quadam Epistola Alexandri Magni ad Olimpiadem matrem suam, cuiusdam Sacerdotis Aegyptii narrationem ex libris apud Aegyptios sacris depromptam continente; quibus multo plura annorum millia regnis Assyriorum, Persarum & Macedonum concedebantur, quam Græca aſſerat historia. Regno enim Assyriorum quinque millia aſſerebat, cum Græca historia solos mille trecentos aſſerat. Persarum imperium, & Macedonum usque ad Alexandrum ad octo usque millia annorum & ultra protendebant; cum Macedonum usque ad Alexandri mortem soli quadringentii octoginta quinque reperiantur: Persarum vero donec Alexandri victoriâ finirentur, ducentii & triginta tres computentur.

Ello autem perhibeantur Aegyptii quondam tam breves annos habuisse, ut quaternis menſibus finirentur: unde annus plenior & verior qualis nunc & nobis & illis est, tres eorum annos compleſſebatur antiquos. Quia tamen nec sic Græca Aegyptiæ concordat historia: *Idè* (concludit S. Augustinus) *Græca potius fides habenda est, quia veritatem non excedit annorum, qui Litteris nostris, qua verè sacra sunt, continentur.*

Verum, cum nec nobis certo constet quam sit Sacrarum Litterarum circa computum annorum mundi genuina intelligentia; & hoc ob diversitatem, quæ inter fontes Hebraicos, & versionem Septuaginta interpretum reperitur: propterea etiam inter Christianos, quin, & Catholicos interpretes, non una sententia est.

XIV. Qui fontes Hebraicos consulunt, & sequuntur, non plusquam, quatuor mille annis circiter Christi adventum autumant mundum præcessisse. Ita sentiunt ex recentioribus Usserius, & alii non pauci. Qui vero versionem lxx. interpretum amplectuntur, censent a mundo condito usque ad Christum natum quinque mille & ultra annos eluxisse. Quznam ex hisce duabus opinionibus præferenda sit, mihi,

*Tom. V.*

cui satis est tyronem meum aliquai notitia imbutum esse, nec discutere, & multo minus statuere in animo est.

XV. Fontibus tamen Hebraicis suæ auctoritati relictis, & omisso examine, an in hac re integri sint, vel corrupti; eo vel maximè, quod a Vulgata nostra non discrepantes reperiantur: dico tamen cum Card. Baronio, tum in Apparatu ad Annales n. 119. tum in notis ad Martyrologium, & diem 25. Decembris. Morem majorum fuisse eos annos supputandi secundum Septuaginta interpretum computum, & hunc Catholicam Ecclesiam sequi consuevisse.

XVI. Probatur primo auctoritate Theophili Antiocheni, qui in supputatione, quam facit ab initio mundi usque ad mortem Aurelii Veri (quo tempore sequit) numerat annos 5507. eosdem ferè Hyppolytus Martyr in Chronic. ipsi tributo. Clemens Alexandr. *Stromat. lib. 1. pag. 339.* ab Adam, usque ad mortem Commodi, annos enumerat quinquies mille septingentos octoginta quatuor. Mortuum autem esse Commodum dicit, pag. 340. anno a Christo nato centesimo nonagesimo quarto. Quare Christi nativitatem consignat anno quinquies millesimo sexcentesimo decimo. S. Cyprianus, *præfat. in lib. de exhortat. Martyrii* ait: *Sex millia annorum jam pene complensur, ex quo hominem Diabolus impugnât.* Sex millium annorum terminum ab Orbe condito suâ ætate appropinquare aſſerit Lactantius *lib. 7. Instit. cap. 25.* Et S. August. *lib. 12. de Civit. Dei cap. 10. & 12.* id ex Sacris litteris colligi pronunciat. Florebant autem Cyprianus medio seculo III. Lactantius seculo IV. ineunte, Augustinus vero eodem seculo desinente. Hieronymus medio eodem seculo in epist. ad Titum cap. 1. *Sex millia* (inquit) *net dum nostri orbis implentur anni.* Philastrius a rerum origine ad Christum natum (hæref. 112.) colligit annos quinque mille trecentos quadraginta & unum. At quid moror? In eodem conspirat Julius Africanus ad *Arifidem*, Eusebius in *Chronic. O. B.*

*ro-*

rosius lib. 1. cap. 1. Anastasius Sinaita, & Nicænus; ille in Hexameron, lib. 7. Ille lib. quaest. qu. 91. Aliique, quos congerit Baronius, tum in Apparatu, tum in notis ad Martyrologium locis citatis, quibus addit dictum Juliani Archiepiscopi Tolet. lib. 3. contra Judæos, viri doctrina, & sanctitate celebres, qui seculo VII. floruit. Is enim agens contra Judæos, pluribusque differens, ac præferens Interpretum supputationem ei, quæ ex Hebraicis codicibus eruitur, tanquam antiquo Ecclesiæ usu consecratam; Ergo (inquit) illa nobis, & sola probis annis est observanda lxx. Interpretum, quæ versio omnibus editionibus, & translationibus antefertur, quam etiam hucusque omnes Doctores Ecclesiastici tenuerunt, & in hac præcipue annorum supputatione secuti sunt. Unde in Martyrologio Romano, quod etiam nunc usurpamus, Christus natus legitur Anno a creatione mundi quinquies millesimo centesimo nonagesimo nono.

XVII. Per hoc tamen Hebraicorum codicum auctoritati detrahendum non est. Quia cum hac diversitas ex enumerandis annis Patriarcharum processerit, quibus Septuaginta interpretes plures adsignant, quam Hebraici codices, restat quaestioni locus: an in Hebraicos potius codices, quam in Septuaginta versionem, mendum irrepserit. Hanc enim vitiosam potius esse, absolute pronunciat Hieronymus, *Quaest. Hebraicis in Genes.* ubi ostendit, quod si numero lxx. interpretum standum esset, sequeretur, quod Mahusalem 14. annis vixisset post diluvium, quod tamen est contrarium Sacri Scripti. S. Augustinus item vitia aliqua in versione lxx. interpretum deprehendit, quæ tamen non interpretibus, sed exscriptoribus tribuit. Ita lib. 15. de Civitate Dei cap. 13. Accedit, quod Vulgata nostra computum Hebraicum sequitur, non lxx. interpretum: quare Recentiores, qui ex illa computum duxerunt, esto in determinato numero non concordant; attamen nativitatem Christi consignat inter annum quater

millesimum, & quinquies millesimum ab orbe condito, & Valerius Azoguidus in sua Chronologica dissertatione, factio exactio ex ipsa Vulgata computo, eam novissime consignat anno 4096. quamvis Vallemont in suis elementis ad Historiam, alique communis in anno circiter 4000. eam constituent. Quibus favet antiqua, & Judæorum testimonio celebrissima Domus Eliæ traditio, quæ totum ævum dividit in sex annorum millenarios hoc modo: duo millia ante legem Moysis, duo millia lex: duo millia Messias.

XVIII. quod vero Ecclesia in suo Martyrologio secundum lxx. interpretes potius, quam Hebræos fontes, computum instituat: hoc ideo est, inquit Pererius, lib. 7. in Genes. num. 130. quia cùm hoc inveniret a plerisque Veterum, tum Latinorum, tum Græcorum, ob reverentiam præfatæ translationis per multa secula usurpatum; non censuit illud immutare, sed prosequi, ut in antiquis tabulis acceptat a Majoribus. Id tamen (addit Malvenda noster, lib. 1. de Anti-Christo, cap. 16.) non facit, quod veram & incorruptam eandem (supputationem & versionem) existimat; cum huic ex diametro adversantem, ut veram & genuinam, eam summam, qua in editione Vulgata est consignata, omnibus recipiendam proponat. Sed id tantum salubri temperamento caput, ut vetus illud veneranda vetustatis monumentum tametsi lacerum & deforme, & pannis annisque oblitum exhiberet &c. Et Johannes Despietes, de versione lxx. interpret. dispo. 2. Dub. 5. in fine ait: Nec nos movere debet, quod Ecclesia supputationem lxx. interpretum ab omni tempore in communem usum receperit. Neque enim ea mens fuit Ecclesia, ut nemini liceret ab ea deflectere: sed solum usum probavit, non autem supputationis errores, quos corrigi, quando commodum fuerit. Et foris usa est hac supputatione corrupta, eo quod religioni duceret Versionem illam continere, cujus auctoritatem, inquit Au-

gustians, celebriorem suscepit Ecclesia, & quam ut divinam omnes venerati sunt: vel fortè, quod meliora tunc non suppetrent. Sic Ecclesia, & universus Orbis Christianus utitur Era vulgari, & calculo Dionysiano: cum tamen Chronologi non ignobiles doceant, eum non parum abuldere à vero & germano calculo. Hæc Despicies.

XIX. Ita ferme loquuntur, qui repudiato computo Septuaginta interpretum, calculum Hebraicum probant. Sed si isti saltem inter se concordarent, eis acquiescendum fortè existimarem. At quamvis conveniant, in abdicando calculo Septuaginta interpretum, in calculo determinatio statuendo eos inter sese discordes reperies. Jo. Albertus Fabricius (post Riccolum, lib. 7. *Cronologia reformata*) in sua *Biblioth. Antiquaria*, cap. 7. catalogum prolixum textit variarum sententiarum de anno mundi, quo natus est Christus: tum eorum, qui Septuaginta calculum sequuntur, tum eorum, qui computo Hebraico subscribunt; easque adeo discordes exhibet, ut ne duas quidem inter sese consentientes repereris. Quod ideo evenire crediderim: cum enim non omnia temporum spatia in Sacris Litteris legantur, sed sæpè humana historia in se ipsa varia, consulenda sit, varietatem hanc in chronologia annorum mundi parituri. Unde Sulpitius Severus, lib. 1. *Inter se* (inquit) *parum consentiunt, qui rationem temporum investigatam ediderunt, quod cum vel Dei nutu, vel vitio vetustatis eveniat, calculum carere oportebit.* Qua propter concludam cum Petavio, lib. 1. *epist. 11. ad Arnoldum Catbinum*, quod doctrina temporum non apodixi (ideste evidenti probatione) merè, sed majori ex parte conjecturâ nititur. Quare, qui aliter existimat, non magnum flugitium fecerit.

Nos interim in causa præsentis de annorum supputatione ab Orbe condito, existimamus tutius sequi calculum, quem in suo Martyrologio nobis Ecclesia Romana proponit: quodd si in eo error est, nostrum non est emen-

dare, sed ab ejus judicio corrigendum expectabimus. Quod consilium syroni meo amplectendum propono. Sed de hoc satis.

#### §. III.

*Quo anni tempore Mundus conditus fuerit.*

XX. Cum quatuor sint anni tempora, Vernal, Æstivum, Autumnale, & Hyemale, de duobus solis dubitari solet, nempe de Verno, & Autumnali: nam mundum conditum fuisse hyemali tempore nemo hucusque dixit: cum conditus fuerit eo tempore, quo terra germinabat, & arbores fructibus onustæ essent, quod certè rigente brumali tempore non contingit. Quod vero in ætivo tempore conditus fuerit, unicum Julium Gerardum Mercatorem sensisse reperio: qui in principio suæ cronologiae mundum ætivo tempore expisse mense Julii ex eo existimavit, quod Scriptura dicat, *Gen. 8. decima septima, vel decima octava mensis undecimi columbam in arcam reversam tulisse ramum virentis olivæ; ex quo colligit, menssem, quem vocamus Majum, quo solent oleæ folia virentia germinare.* Maxime quia post non multum temporis ibidem subditur, quod *Sexcentesimo primo anno, primo mense, prima die, mensis imminuta fuit aqua*, quem primum menssem Julio respondere opinatur, eo quia, Solino teste *cap. 31. Ægyptii existimant, mundi exordium eo tempore incidisse, quo Sol signum Leonis ingreditur.*

XXI. Sed facile hæc existimatio evanescit. Nam in primis constat, oleas non verno solum, sed toto fere anni tempore folia habere virentia. Deinde a quo Scriptura computet illos menses, non constat, videlicet, an ab initio anni sexcentissimi primi vitæ Noe, an ab inchoato diluvio. Quod vero Solinus dicat, Sacerdoies Ægyptios mundi natalem consignasse mense, quo Sol signum Leonis ingreditur: necdum gratis dicitur, sed ex

E 2

Jo-

Josepho, lib. 1. *Ant. Judææ*. cap. 4. Cicerone, lib. 1. *de Nat. Deorum*, & Lactantio, lib. 1. *Instit. divin.* cap. 6. constat Ægyptios mensem *Tyrb*, nostro Septembri respondentem, tanquam primum anni habuisse.

De verno igitur, & autumnali tempore cum majori fundamento dubitatur. Et quidem quæstio hæc non est universaliter intelligenda de omni orbis parte; cum fieri non possit, ut ubique terrarum uno eodemque anni tempore fuerit Ver, aut Autumnus, aut Estas, aut Hyems: sed de illa orbis regione, vel in qua fuit Paradisus terrestris, vel in qua psalmsatus fuit Adam, aut quam Adam pulsus à Paradiso primum incoluit.

XXII. Mundum conditum fuisse autumnali tempore censent Recentiores plures. Inter quos noster Natalis Alexandr. *Hist. vet. test. dissert. 1. art. 8. proposuit*. 1. Hi ergo sequentibus rationibus moventur.

Prima. Valde rationi consentaneum videtur, mundum fuisse creatum initio mensis illius, a quo annum antiquissimæ gentes inchoabant, plagæ præsertim orientalis; in qua præcili primæ, ac secundæ mundi ætatis homines primum habitasse creduntur: Atqui constare videtur, primum anni mensem apud omnes Orientales fuisse quem Hebræi vocant *Tysri*, qui nostro quandoque Septembri, quandoque Octobri respondere solet; ergo &c. Min. prob. Tum ex Josepho, lib. 1. *Antiquit.* cap. 4. ubi de diluvii Noetici tempestate scribit. *Contigit autem hæc vastitas anno ætatis Noe sexcentesimo, mense secundo, qui Dius à Macetonibus vocatur, ab Hebræis Marfonanæ.* Sic enim Ægyptii distinguunt annum. *Meses autem Nisan, qui est Xanticus, mensem primum in suis Fastis ordinavit, quod per hunc Hebræos ex Ægypto eduxisset. Eundem etiam omnium, quæ ad rem divinam pertinerent exordium fecit. Alioquin quoad mundinationes rerum venalium, reliquamque dispensationem anni attinet, nihil de pristino ritu innovavit.*

Tum quia S. Hieronymus, in cap.

1. *Ezech.* *Apud orientales, (inquit) populos post collectionem frugum, & torcularia, quando decima deferbantur in templum, Ocler erat primus mensis.* Tum quia Ægyptios initium anni 2. Septembri Mense ducere solitos superius ostendimus ex Cicerone, lib. 1. *de Natura Deorum*, & Lact. lib. 1. *Divin. Instit.* cap. 6.

Ex his colligunt primo. Verosimilius esse, eo anni tempore conditum fuisse mundum, a quo ante diluvium, sumebatur initium anni: hoc sumebatur, non in vere, sed autumnino. Mensis enim secundus, quo *Gen. 7. v. 11. & 12.* rupti sunt omnes fontes abyssi magna, & catarastræ calii aperti sunt, & Noë ingressus est in Arcam. Mensis item secundus anni sequentis quo Noë ex arca egressus est, *Gen. 8. v. 14.* vocatur *Marfonanæ* nostro Octobri, vel Novembri correspondens, menses quidem, quibus pluvix abundantior esse solent. Annus igitur tunc computabatur a mense Septembri, vel Octobri.

Secundo. Eflo Moyses initium anni quoad sacra, & divina dicendum iussit a mense Nisan, Martio, vel Aprili respondente, *Exod. 12. v. 2.* *Mensis iste vobis principium mensium, primus erit in mensibus anni:* quoad civilia tamen, nempe mundinationes, reliquamque anni dispensationem nihil de præcilo ritu immutavit: unde solemnitas Tabernaculorum, quæ post singulas congregatas celebrabatur, mensis septimo, dicitur *Exod. 23. v. 16.* celebrari *in exitu anni.* Quod si tunc erat exitus anni, erat etiam initium anni sequentis; quia finem unius statim sequitur initium anni sequentis. Quare de eadem solemnitate, *Exod. 34. v. 22.* dicitur: *Quando redeunt anni tempore cuncta cœduntur, faciendam esse.*

Accedit: quod Moyses, *Exod. 12.* cum de mense Martio, seu Aprili loquens, ait: *Mensis iste vobis principium mensium, primus erit in mensibus anni,* per hunc erit satis ostendit, mensem illum antea non fuisse Judæis principium mensium. Quorsum enim hic constitue-



flueretur primus, si antea primus erat? Consuetudo igitur, quam, præ-narratis testibus, servabant Ægyptii, inchoando annos suos ab Autumno, eo quod crederent, hoc tempore conditum fuisse mundum, ex traditione ab Adamo, ejusque posteris, & ad ipsos translata esse credenda est.

XXIII. Secunda ratio est. Nam credibile est, Deum, sicut Adamum formavit non puerum, sed in ætate virili, & perfecta; ita & arbores, non cum folijs folijs, & floribus, sed etiam cum fructibus condidisse: atqui arborum fructus non maturescunt in Vere, sed in Autumno, nisi ad miraculum confugiamus; quod in prima mundi conditione non accidisse credere debemus, in qua Deus secundum rerum naturam omnia operatus est; ergo &c. Hæc sunt nomina, quibus Recentiores adducuntur, ut existiment, autumnali potius, quam verno tempore mundum creatum fuisse.

XXIV. Hisce tamen nolim, ut Candidatus meus statim det manus vias. Contraria namque sententia, quam verno tempore militat, non solum numero ( ut putat Natalis Alexandre ) sed auctoritate Doctorum, & pondere rationum, ne dicam probabilior, æque saltem probabilis est. Eam enim tenuerunt Cyrillus Hierosolymitanus. *Catechesi* 14. Basilii in *Hexamerum*. Nazianzenus, Ambrosius, S. Leo Papa, Theodoretus, alique, quorum testimonia aliqua referemus.

Potissimum fundamentum est. Quia admodum credibile est, eodem anni tempore formatos fuisse primum Adam, & secundum, hoc est, Christum; eodemque tempore mundum fuisse reparatum, quo fuit conditus: sicut genus humanum eodem tempore fuit a servitute Diaboli per Christum ereptum, quo per Moysen a servitute Pharaonis fuerat populus Israeliticus liberatus: Constet autem, Christum verno tempore fuisse conceptum, & verno tempore mundum sua morte reparasse.

XXV. Scio contrariæ sententiæ Patronos flocci facere hoc ratiocinium.

Inquiunt enim: Quod Deus eo tempore, quo voluit, & ab æterno prædefinit, misit Filium suum. Verno tempore conceptus, verno tempore etiam passus est; non quod mundus eo tempore conditus sit, sed quod Judæorum Pascha, quod consummaturus advenerat, & liberaturus homines a Diaboli servitute, eo tempore celebraretur.

XXVI. Flocci tamen hanc coniecturam non fecit S. Cyrillus Hierosolym. *Catechesi* 14. citatâ, quæ est de Christi Resurrectione: ait enim: Quo tempore exurgit Salvator? Nunquid astat tempore, vel alio? In eisdem canonicis ante ea, qua modo recitata sunt, dicit: Hyems transiit, imber transiit sibi, & abiit: flores visi sunt in terra, tempus putationis adventit. Nonne nunc floribus plena tellus est, & putantur vinca? .... Hoc autem tempus est primi Hebraeorum mensis, in quo celebratur festivitas Pasche, typici quidem &, figurativi prius, nunc autem veri. Hoc creationis mundi tempus. Tunc enim dixit Deus: Producat terra herbam sæni, germinantem semen juxta genus, & juxta similitudinem. Et nunc, ut vides, jam omnis herba germinat. Et quemadmodum tunc Deus, cum Solem, & Lunam fecit, æqualium illis dierum, ac noctium cursus imperavit: sic & paucis ante diebus æquinoctii tempus erat. Tunc dicit Deus: faciamus hominem ad imaginem nostram, & similitudinem. Et illud quidem, ad imaginem, accepit & hoc vero, ad similitudinem, per inobedientiam, obscuravit, & infuscavit. Eadem igitur temporis circumstantiâ, quâ hoc amiserit, in eadem rursus contigit reparatio. Quando homo creatus, propter inobedientiam ejus est de Paradiso, eodem tempore is, qui condidit, per obedientiam introductus est. Tunc igitur facta salus est, quando & lapsus, cum & flores visi, & putationis tempus adventit.

In hanc eandem ivit sententiam S. Leo *Serm. 9. de Pass. Domini*, dicens: Nunc ad prænuntiandum festis omnibus Eelsam, facit novorum mensis ennisus;

ut in quo accepit mundus exordium, in eodem haberet Christiana creatura principium.

XXVII. Hanc coniecturam non judicavit infirmam S. Ambrosius, lib. 2. *Hexameron*, cap. 4. Loquens enim de primo mense, quo Pascha celebrabatur, de quo dictum est, Exod. 12. v. 2. *Mensis hic initium mensium est vobis*, ait: In hoc ergo principio mensium cultum & terram fecit, quod inde mundi capi oportebat exordium, ubi erat opportuna omnibus verna temperies. Unde & annus mundi imaginem nascentis expressit, ut post hybernæ glacies, atque hyemalis saliginis senenior solito verni temporis splendor cluceat. Dedit ergo formam futuræ annorum curricula mundi primus exortus; ut cū legi annorum vires surgerent, atque initio ejusque anni produceret terra nova seminum germina, quo primum Dominus Deus dixerat: Germinet terra herbam sœni... Et statim produxit terra herbam sœni, & lignum fructiferum... ergo ut ostenderet Scriptura veris tempora in constitutione mundi, ait: Mensis hic vobis initium mensium, primus est vobis in mensibus anni. Primum mensium vernum tempus appellant. Decebat enim principium anni principium esse generationis, & ipsam generationem mollioribus auris foveri... simul illud advertere licet, quia jure consuevit, ut eo tempore videatur in hanc generationem, & in hoc usus ingressus tributus, quo tempore ex hac generatione in regenerationem legitimus est transitus. Si quidem verno tempore filii Israel Egyptum reliquerunt, & per mare transferunt... Et eo tempore Domini quot annis Jesu Christi Pascha celebratur. hoc est animarum transitus à vititiis ad virtutem, regeneratis itaque dicitur: Mensis hic vobis initium mensium, primus est vobis in mensibus anni, &c.

Ex verbis Cyrilli, & Ambrosii relatis exurgit altera ratio. Eo enim tempore credibilis videtur conditum fuisse mundum, quo terra aptior est ad germinandum herbas, agrique concepta semina edere solent: ait enim Deus: Germinet terra herbam virentem,

seu herbam sœni: atqui tempus vernum est germinationi, & otui frugum apertissimum, ac quasi totius orbis viventium exordium; nam in Autumno herbe non virent, flores non erumpunt, sed matescunt potius, segetes in campis amplius non sunt, sed jam congregantur in horrea; ergo &c.

XXVIII. Non latet, responderet Contrarios: non solum herbas, sed segetes, maturas fuisse, & arbores onustas pomis, ac fructibus in mundi exordio productas fuisse, ut legitur, Gen. 2. & 3. quæ fructuum, ac segetum maturitas verno tempori non convenit, sed autumnali potius, nisi miraculum conflagamus. Sed ad hæc statim respondemus.

XXIX. Interim nostram opinionem confirmabimus auctoritate Theodreti, qui ( *Qu. 72. in Exodum* ) Deum iussisse, ait, erigi tabernaculum, prima die primi mensis, quod eo tempore creaturas condiderit, cuius rei fidem facit arborum germinatio: Nam ( inquit ) inuenit vere prata flores, & segetes succulant, & fructum arbores emittunt. D. Jo. Damascenus, lib. 2. de Fide, cap. 7. loquens de quatuor anni tempestatibus, quas Sol constituit, ait: Quarum prima verna est, quæ mirum Deus condidit universa: idque declarant etiamnum flores vere pullulantes. Alia Patrum testimonia in hoc fere unanimiter conspirantium, quos Tormiellus, & Sallianus, nec non Spondanus, *Annal. Sacr. Vet. Test.* enumerant, ne longior sim, prætermitto.

XXX. Prætermitto quoque Astrologorum iudicium, qui ob id signum Arietis ponunt initium, & caput cæterorum signorum Zodiaci, quod ab eo mundum sumfisse exordia opinentur. Mitto quoque Poetarum hanc opinionem fuisse, inter quos Virgilius, *Æneid.* 2. dicens:

... Ver illud erat, ver magnus agebat  
Orbis: & hybernæ parebant flustibus Euræ,  
Cum primum lucem pœudæ hausseret, virumque

Etr.

*Ferrea progenies duris caput extulit arvis,  
Immissaque fera sylvis, & sydera caelo.*

XXXI. Nunc ad expendenda contrariae sententiae fundamenta gradum faciam. Et quidem ad primum. Dato, quod Aegyptii, ceterique Orientales annum inchoarent a mense *Tifri*, seu ab Aequinoctio autumnali; non hinc inferitur, hoc eos fecisse, quia existimarent, mundum eo anni tempore conditum fuisse, cum aliam causam, verosimilem assignare possumus: quia scilicet talis ratio computandae rationis commodior pro venditionibus, emptionibus, aliisque contractibus civilibus. Cum enim tunc temporis plurimum exercerentur in agricultura, pecorunque mercimonio; collectis in Autumno, distrahisque frugibus, & extracta ex eis pecunia, commode tunc annuos contractus locationum, venditionum, aliosque id genus celebrabant. Hinc ab eo tempore, seu a mense Septembris Israelitas computasse annum jubileum, in quo agri ad pristinos dominos, Deo sic iubente, revertebantur, ex Levit. 25. v. 4. 9. & 11. communis tradunt Interpretes; ut scilicet, eo anno finito, novi possessores statim possent sementem facere.

XXXII. Neque quod Israelitae egredientes ex Aegypto, ab Autumno & ipsi annum inchoare consueverint, argumento esse potest, eos id fecisse, quia ab Adamo, ejusque posteris ita edocti essent. Quin potius verisimile est, eos antequam in Aegyptum descenderent, a verno Aequinoctio annum computasse; & postea quam in Aegypto fuerunt, sequentes Aegyptiorum consuetudinem, annos suos ab Aequinoctio autumnali computare coepisse. Quare cum Moyses jubente Deo dixit: *Mensis iste vobis principium mensium: & primus erit in mensibus anni*, non indicavit, ante ingressum Populi in Aegyptum fuisse aliud principium mensium, & anni; sed voluit istum antiquum, quem diu esset in Aegypto dereliquerat, novo beneficio restituere, & consecrare, ac novo precepto quo-

ad res sacras, & Dei cultum stabiliter permittens illi, ut initium anni civilis, & prophani, ut ab Aegyptiis didicerat, ab Autumno continuaret. Nec amplius eruitur ex Josepho: quin potius istum ritum computandi annum, ab Autumno Israelitas ab Aegyptiis accepisse, indicat citato loco, dum mensum illum, qui juxta computationem a mense Nisan, seu Martio, vel Aprilis est octavus, & responderet nostro Octobri, vel Novembri, diciturque *Marsephan*, sive (ut alii) *Marsephan*, vocat mensem secundum, & addit: *Sic enim Aegyptii distinxerunt annum.*

Concedo igitur, Orientales, & Israelitas, postquam in Aegyptum descenderunt, annum ab Autumno secundum illius gentis morem computasse, ob majorem in contractibus commoditatem, ut dictum est; non quia eo tempore conditus mundus esset.

XXXIII. Ad id, quod primo colligunt, dico. Josephum quidem allato loco ita sentisse, quod diluvii initium Autumnali tempestate contigerit. Sed aliis potius assentiendum existimo, qui diluvium dicunt verno tempore incepisse; ut ita Deus ostenderet manifestus, aquas illas & imbres, non naturali cursu, ut autumnali, vel hyemali tempore contingere solet, accedisse; sed ex speciali Dei providentia, qui carnem, quae corruperat viam suam, inuitato cursu rerum punire, ac perdere decreverat: ac proinde non autumnale, sed vernal tempus, quo non adeo frequentes, & copiosae pluviae sunt, eligere voluit, ut scirent, non naturae, sed divinae iustitiae id opus esse. Ita S. Ambrosius, *lib. de Noe, & Arca cap. 14.* his verbis: *Secundum mensem verni esse temporis non ambigitur, quando augentur nascentia, ager paritur, terrarum pariter, atque animalium futura se fundis; & hoc ut homines magis doerent, videntes ea, quae propter illos Deus prodixerat, una cum illis interire. Tunc ergo (inquit) fuit diluvium, quando dolorum major foret, qui in sua abundantia puniebantur, tunc ultio terribili*

lior &c. Et Rupertus, lib. 4. *Comment. in Genes. cap. vj.* de diluvio tempore differens: *Mensis* (inquit) secundum legem ipse est qui apud Romanos Majus dicitur. Et postea: *Mensis*, qui septimus fuit ab initio diluvii, ipse est, qui apud Romanos November dicitur. Unde magis miranda tempestas illius judicii, quam non adjuvit ulla natura temporis, sed à contra, Majo, quo mensis Sol altius incedit, & cælum naturaliter candescit, erupit imbrium vis; & circa tempus hyemis, idest, mense Novembri jam imminutis aquis Arca requievit. Non desunt, qui velint, mensem illum secundum, quo Noe ex Arca egressus dicitur, fuisse secundum anni sexcentissimi vitæ Noe: sed pluribus videtur, sermonem esse de mense anni tunc ab orbe condito currentis, qui erat millesimus sexcentissimus quinquagesimus sextus.

XXXIV. Ad id quod secundo colligunt, jam dictum est: Moysen dicendo mensis ille vobis principium mensium, novum ulum non introduxisse: sed usum antiquitus ab Israelitis observatum antequam Ægyptum ingrederentur, revocasse; quamvis indullerit, ut quoad contractus, nundinationes, ac frugum reconditionem computum more Ægyptiaco continuarent, ob rationes superius adductas. Dixit autem de mense Nisan *primus erit in mensibus anni*; non tanquam de novo primum constitutus, sed quia cum non amplius esset primus, antea tamen primus fuisset, voluit eum esse primum sicut antea fuerat.

XXXV. Ad secundam rationem, cui maxime fudit contraria sententia, dico primo. Sicut apud oppositæ sententiæ Patronos, ex quo arbores dicantur produciæ onustæ pomis, & fructibus, quod in Autumno contingit, colligunt eas in Autumno produciæ fuisse: cur, cum & nos ex Scriptura habeamus terram germinantem herbam virentem, & facientem semen &c. quod proprie accidit verno tempore, non colligemus potius hæc Vere contigisse?

Dico secundo. Si juxta adversa-

rios prima terræ germinatio, & arborum Veris propria, si plantarum productio una cum fructibus, quæ prius emittere solent flores, deinde fructus, in autumnali tempore contingere potuit sine miraculo; cur, etiam sine miraculo contingere non potuit, quod arbores habentes fructus in Vere produciæ sint, quamvis secundum cursum naturalem eo tempore solum producant folia, & flores? Eriam homo prius modo nascitur infans. deinde si puer, tandem adolescens; & tamen sine miraculo in ætate viri perfecti Adam productus fuit. Igitur quod arbores cum fructibus produciæ sint, non cogit, vel ad dicendum, quod in Autumno hoc factum sit, vel ad admittendum miraculum, si in Vere factum dicamus; sed potius ad asserendum, onod naturalis ordo divinx omnipotentix id poscat, ut, quæ ab illa prodeunt, cum tota, quam habere possunt, perfectione procedant.

XXXVI. Dico teritiò communiter. Supponendo, quod ea, quæ narrantur in Sacra Scriptura, referantur ad regionem, vel in qua fuit conditus, vel ad quam fuit translatus Adam, nempe Paradisum, vel ad quam post peccatum eiecus fuit, quam in Palestina, vel circa, fuisse existimant Eruclitii. In hac ergo regione, sicut & in regionibus calidioribus, non est mirum, quod fructus arborum maturi sint tempore veris. In Palestina enim sub finem Martii hordeum maturefcere manifestum est, tum ex *Lewis. 11.* ubi secundo die Azymorum jubebatur Israelitæ asferre manipulum spicarum. Tum ex *Josue 3. v. 15.* ubi dicitur, quod cum Israelitæ transierunt Jordanem, erat tempus messis: *Jordanis autem ripas alvei sui tempore messis impleverat.* Eos autem mense primo transisse constat ex *cap. 4. v. 19.* *Populus autem ascendit de Jordane decimo die mensis primi.* Accedit, quod *cap. 5. vers. 10.* habetur populum celebrasse Pascha, seu Phasce statim ac Jordanem transiit. Et *vers. 11.* dicitur, quod Comederunt de frugibus terra die altero, *azymos panes, & polentam*

*eum ejusdem anni.* Unde, Exodi 23. v. 4. mensis primus, in quo Israelitæ egressi sunt ex Ægypto, vocatur mensis novarum frugum: *Hodie ingredimini in mensis novarum frugum.* Et cap. 23. v. 25. *Mensis novorum.*

XXVII. Nec obstat, quod Joann. 28. v. 18. dicitur, quod tempore Passionis Christi: *Stabant servi & ministri ad prunas, quia frigus erat;* & v. 25. *Erat autem Simon Petrus flans & calefaciens se.* Christum autem circa finem Martii passum fuisse constat. Non obstat, inquam: frigus enim erat, non die, sed nocte, quo tempore ista narratur. Constat autem in locis æquinoctialibus, noctes etiam æstivo tempore esse frigidiore, quam alibi, sicut etiam longiores: cujus rei, ait Natalis Alexandre in hunc locum, fidem faciunt qui illic peregrinati sunt.

XXXVIII. Omnibus præfatis addo. Non esse existimandum, quod omnes omnino, & ubique arbores fuerint initio mundi productæ cum fructibus maturis; sed eas solum, quæ tempore Veris maturefcere solent, non vero eas, quæ solum tempore autumnali fructus maturos exhibent. Et in quibusdam tantum locis, in quibus aeris, & regionis temperies facit, ut vernum tempus sit idoneum maturitati fructuum, qualis erat tractus ille terræ, in quo erat Paradisus, in quo Adam mox ejiciendus cum filius erat habitaturus. In aliquibus autem aliis regionibus arbores productæ fuerunt cum fructibus solum maturis propinquis. In aliis cum floribus, ac rursum in aliis cum foliis dumtaxat; pro natura scilicet, qualitate, & conditione, tum arborum tum regionum. Verisimile enim est, Deum ab initio produxisse arbores connaturaliter, seu consensu nature ipsarum, & regionibus locorum; ut nimirum, quæ apræ sunt hibernis fructus maturos in Vere eos haberent, quæ solum maturefcere, vel quæ flores solum ac folia, similiter ea haberent. Nam alioquin, sicut si produxisset in Vere arbores cum fructibus, quos habituræ erant in Autumno, id non esset absque miraculo, ut Adver-

*Tum. P.*

farti dicunt; ita si in Autumno produxisset eas cum fructibus, quos habituræ fuissent in Vere, eum sine miraculo factum fuisset?

Utramque opinionem exposui. Hanc potestemam, ut probabiliorē elegi; quia in his, quæ certa non sunt, antiquitati multum deferendum existimo. Cæterum quisque pro suo libito alteram poterit amplecti; pro utraque enim fundamenta non desunt.

### QUÆSTIO III.

*De Opere sex Dierum.*

Quamvis quæstio hæc ad Sacræ Scripturæ Interpretes pertineat potius quam ad Theologos: quia tamen ad plene de rerum creatione meum Candidatum imbuendum utilem esse existimo, & Divus Thomas in hac 1. Par. eam perscrutat; ideo Angelici Magistri viam premens, eam, breviter quippe, tractare decrevi. Ego autem Angelicus idem S. Doctor, eam post tractatum de Angelis disrulerit; præmittendam tamen existimavi, ut, potest pertinentem ad Deum Creatorem in generali. Vocatur autem *De Opere sex dierum*, quia, ut Moyses tradit, opus creationis Universi sex diebus perfectum est.

### DUBIUM I.

An omnes Dies, quibus Mundi creatio, & ornatus describitur, sint unus Dies?

§. I.

*S. Augustini Opinio.*

I. Sermo est de septem illis, quorum sex prioribus narratur a Moyse Deum fecisse cælum & terram, & omnem obnatum eorum, septimo autem die ab omni opere, quod paraverat requievisse. An scilicet, isti dies sint dies naturales, an vero dies solum intelligibiles, ita ut una dies, seu potius unum temporis instans vera sint.

F

Mun.

Mundum sex vera dierum naturalium spatio conditum non fuisse, sed momento eodem omnia creata; quæ tamen in senarium partita numerum, non tam productionis, quam naturæ ordine à Moyse referuntur, censuit Philo Judæus, *lib. de Mundi Opificio*, & *lib. 2. Allegoriarum*, ubi non procul ab initio: *Cum audis (inquit) complevis sexto die opera, intelligere non debes de diebus aliquot, sed de senario perfecto numero*. Eidem sententiæ Origenes subscribit, *lib. 6. contra Celsum*. Et in eandem propendit Procopius, *Comment. in Genes.*

Et majus addidit pondus auctoritate sua S. Augustinus, qui sex illos dies distinguit, quia cognitio Angelica rebus à Deo conditis fuit sexies præsentata, secundum sex genera rerum, quæ à Moyse creata recensentur; quare illi dies numerum, & ordinem rerum à Deo conditarum, & Angelicæ cognitionis designant, non ordinem productionis. Ut autem hæc sex dies vespere, & mane assignent, distinguunt in Angelis duplicem cognitionem unam, quæ cognoverunt res in suis naturis, & hanc, quia minus claram, intelligit nomine *Vespere*, & vocat vespertinam; alteram, quæ easdem res cognoverunt in Verbo, & hanc, quia clariorem, intelligit nomine *Mane*, & appellat matutinam. Hoc modo prima dies est cognitio primæ operis, sive in se, sive in Verbo. Secunda dies est cognitio secundæ operis, & sic de aliis: unde omnia, quæ sex diebus facta leguntur, juxta S. Augustinum, non successive per diversa temporum intervalla, sed simul ab initio temporis facta sunt, & sexies menti Angelicæ præsentata.

II. Hanc mentem suam expressit S. Doctor, tum *lib. de Genesi ad litteram imperfecto, cap. 7.* tum. *lib. 4. de Genesi ad litteram, cap. 22.* ubi nomine lucis, non corporalem sed spiritualem, nempe mentem Angelicam intelligens, quæ (inquit) *Sicut post tenebras facta est, ubi intelligitur a sua quadam informalitate ad Creatorem conversa atque formata; ita & post vespertinam fiat mane,*

*cum post cognitionem suam propria natura, quæ non est quod Deus, refert se ad laudandum lucem, quod ipse Deus est, ejus contemplatione formatur.* Et *lib. 22. de Civitate Dei, cap. 29.* matutinam illam & vespertinam Angelorum cognitionem explicans, postquam ostendit, melius res cognosci in Deo, quam in se ipsis, & utroque modo Angelos, eas cognovisse, concludit: *Hæc autem propter senarii numeri perfectionem eodem die sexies repetito, sex diebus perfecta narratur.*

III. Singularis tamen est hæc S. Augustini sententia. Omnes enim pene Patres, qui ante S. Augustinum floruerunt, & qui post ipsum, sex diebus naturalibus mundum fuisse conditum, asseruerunt; ut vel ipse S. Gregorius Magnus, *lib. 32. Moral. cap. 10.* & Bedæ, in *Hexameron*, alias S. Augustino addictissimi, ipsum hæc in parte relinquant; & uno excepto Cajetano, apud recentiores interpretes vix invenies, qui S. Augustini sententiam in hoc suscipiant.

IV. S. Thomas vero ex, quæ S. Augustinum magistrum suum veneratione prosequitur, aneeps hætere videtur. Ejus opinionem, nec rejiciens, nec probans, tum hac 1. *Part. quæ. 74. art. 2.* tum in 2. *Dis. 12. quæ. 2. art. 3.* utrumque problematicè tuetur. Unde loco ex 1. *Part.* citato ait. *Ut igitur neutri sententiæ præjudicetur, utriusque rationibus respondendum est.* Et quæ 4. de *Pot. art. 2.* *Harum (inquit) expositionum prima S. Augustini est subtilior, magis ab irratione Infidelium Scripturam defendens; secunda vero, scilicet aliorum Sautierum, est planior, & magis verbis litteræ quantum ad superficiem consona. Quia tamen neutro eorum à veritate fidei discordat, & utrumque sensum circumstantia litteræ patitur; ideo, ut neutri harum expositionum præjudicetur, utramque opinionem sustinentes, utriusque rationibus respondendum est.* En quanti faciat S. Thomas Augustinum, ut quamvis contra mentem aliorum Sanctiorum loquatur, eum tamen prorsus deferere non audeat. Nos ergo idem præstabitur. Sit.

tu.

tenemus quidem sententiam communem, Sancto tamen Augustino ejusque opinionioni debita reverentia servata.

§. I. I.

*Affectio communis.*

V. Dico. Videtur conformius litteræ Sacræ Scripturæ, quod dies creationis rerum fuerint veri, & naturales dies importantes, non solum naturæ ordinem, sed etiam ordinem temporis, & durationis. Probo primo ex regula ejusdem S. Augustini, lib. 3. de Genes. ad litt. cap. 7. nimirum, quod Scriptura figurate sumi non debet, cum nulla ad id necessitas cogit. Cum primis (inquit) propriè res ipsas intelligere ratio nulla prohibeat, cur non possit auctoritatem Scriptura simpliciter sequimur in narratione rerum gestarum, res verè gestas prius intelligentes, tum demum quidquid aliud significanti, perferentes? Ex qua regula concludit ibi, ea, quæ de quatuor Avibus egredientibus de Paradiso, & de Paradiso ipso dicuntur, non figurate, sed propriè accipienda esse: atqui nulla necessitas nos cogit, ut sex illos dies conditionis mundi figurate accipiamus, & non propriè: neque etiam eis propriè acceptis ullum sequitur indecens, ad quod vitandum, recurri debeat ad sensum figuratum, ut docet ipse, lib. 3. de Doctrina Christi. cap. 10. non enim sequitur aliquid repugnans, vel dogmatibus fidei, vel morum honestati, ergo dies illi in sensu litterali non figurato accipiendi sunt. Minor probabitur, dum argumentis pro sententia Augustini fiet satis.

VI. Hæc videns S. Augustinus, opinionionem suam opinando potius, & disputando, quam asserendo exposuit; cuique permittens, si veritatem inveniret, eam amplectendi, idem & ipse facturus. Ita protestatur, lib. 4. de Genes. ad litt. cap. 28. his verbis: *Quisquis ergo non eam, quam pro nostro mundo, vel indagare, vel putare potuimus, sed aliam requirit in illorum divino enumerationis sententiam, qua non*

*in prophetia figuratè, sed in hac creaturarum conditione propriè, meliusque possit intelligi, quarat, & divinè adiutus inveniat. Fieri enim potest, ut etiam ego aliam, his divina Scriptura verbis congruentiorem fortassis inveniam. Neque enim ita hanc confirmo, ut aliam, qua præponenda sit, inveniri non posse contendam &c. Quod apertius protestatus est, lib. 2. Retract. cap. 14. ubi expendens ea, quæ in libris de Genesi ad litteram scripserat, ait: *In quo opere plura quasita, quàm inventa sunt, & eorum, qua inventa sunt, pauciora firmata. Imo alteram se admisisse sententiam indicavit, lib. de Catechizandis rudibus, cap. 17. dum ait: De qua requie significant Scriptura, & non tacet, quod ab initio mundi, ex quo fecit Deus calum & terram, & omnia, qua in eis sunt, sex diebus operatus est, & septimo die requievit. Poterat enim Omnipotens, & uno momento temporis omnia facere.**

VII. Igitur cum S. Augustinus id nobis permittat ex verbis ab ipso allatis; probo secundo. Præceptum de observatione Sabbati Judæis a Deo datum hac ratione nixum Moyses significat; quod sicut Deus mundum, & omnia, quæ in eo sunt, sex diebus operatus est, septimo autem die requievit ab omni opere; ita Judæi sex diebus operari possent, die autem septimo ab omni opere servili, & labore, seruari deberent. Ita Exod. 10. v. 10. & 11. *Sex diebus operaberis, & facies omnia opera tua, septimo autem die Sabbatum Domini Dei tui est; non facies omne opus in eo... Sex enim diebus fecit Dominus calum, & terram, & mare, & omnia, qua in eis sunt, & requievit die septimo &c.* quod repetitur, cap. 31. v. 14. & 15. Atqui hæc ratio nullius ponderis esset, si Deus uno momento omnia creasset; & inepte Moyses in exemplum afferret populo, quod sicut Deus sex diebus fuit operatus, & septimo ab omni opere cessavit: sic & ipse sex diebus operari permitteretur, sed septimo deberet ab opere cessare; ergo &c.

VIII. Tercio id evincit illorum. F 2  
sex

sex dierum adeo accurata descriptio, qua Moyses singulorum spatia enumerat, & quid in singulis factum sit ostendit; alia ex aliis producta refert, ut ex aqua pisces, & aves, & terra stirpes, & plantas, animalia, & tandem hominem ex limo terrae formatum. Si autem omnia una die, imo uno momento essent facta, videretur inutilis tam exacta descriptio, obscurans omnipotentiam Dei, eam proponens, ut successu temporis faceretur, quae uno momento fecit; & rursus falsa, utpote exprimens unam rem ex alia factam, cum omnia facta essent ex nihilo.

IX. Quarto. Tenebrae, Gen. 1. v. 2. leguntur fuisse in mundo, priusquam fieret lux. Genes. 1. v. 5. dicitur quod *Fecit Deus omne virgultum agri* (scilicet in semine) *antequam oriretur in terra, omnemque herbam regionis prae quam germinaret;* (ex vi scilicet alicujus virtutis in terra productae) & tandem, quod *Homo non erat, qui operaretur terram*; atqui haec non verificantur, si homo, herbae, virgulta simul producta fuissent; ergo &c.

X. Quinto. Incredibile est, Moysen populo simplici, ac rudi describere voluisse mundi officium, fumen do nomine dierum cognitiones Angelorum masutinas, & vespertinas, vix Theologus ipsis subtilioribus exploratas; cum ob eius ruditatem, a describenda Angelorum creatione abstinuerit.

XI. Denique: sententia S. Augustini inexplicabiles involvere videtur difficultates. Nempe, quomodo uno, eodemque momento lux creata fuerit, & a tenebris divisa; idem Angeli creati, boni in gratia confirmati a malis discreti, & glorificati. Quomodo rerum omnium cognitionem eodem, quo creati sunt, momento in Verbo habuerint; cum in beatitudine creati non fuerint, sed eam Deo adhaerentes promeriti sint. Quomodo tandem homo uno momento exira Paradisum formatus, in Paradisum introductus, fopore correptus, & mulier ex dormientis costa extracta fuerit.

## §. III.

## Fundamenta contraria.

XII. Pro contraria sententia afferri solet. Primo Scriptura, quae Gen. 1. v. 4. una die omnia creata fuisse pronunciat. *Ista sunt generationes caeli, & terra in die, quo fecit Dominus Deus caelum, & terram, & omne virgultum agri, antequam oriretur in terra.* Ecclesiasticus, 18. v. 1. *Omnia simul creata dicit: Qui vivit in aeternum creavit omnia simul.* Job, 40. v. 10. Behemoth, idem Diabolus, dicitur factus simul cum homine, qui sexta die factus est: *Eccce Bebeemoth, quem feci tecum...* Ipse principium vivarum Dei; ergo sexta dies, qua factus est homo, & prima, qua factus est Diabolus, sunt una dies. Tandem, Deuteronomio 32. v. 4. dicitur: *Dei perficula sunt opera;* ergo omnia statim perfecta producta fuere.

XIII. Ad singula tamen respondetur. Ad locum ex Genesi respondeo primo cum D. Thoma, qu. 4. de Pot. art. v. ad 1. & 1. Par. qu. 74. art. 2. ad 1. *Quod in die, in quo creavit Deus caelum, & terram, creavit etiam omne virgultum agri non in actu, sed antequam oriretur super terram, idem potentialiter, quod postea tertia die fuit in actuali existentia productum.* Quod si tantum velit S. Augustinus, ab eo non discordamus.

Respondent alii communiter. Illud *In die* idem esse ac *in tempore*, sive *in diebus*. Scriptura enim phrasi dici nomen pro tempore non semel usurpatur. Unde ipse S. Augustinus, lib. 20. de Civit. Dei, cap. 1. *Scripturarum* (inquit) *more sanctarum diem poni solet pro tempore, nemo, qui illas Litteras quamlibet negligenter legerit, ne scit.*

XIV. Ad locum ex Ecclesiastico respondet D. Tho. 1. Par. qu. 84. art. 2. ad 1. *Quod Deus creavit omnia simul quantum ad rerum substantiam quodammodo informem: sed quantum ad formationem, una facta est per distinctionem, & ornatum, non simul.* Unde signan-



ganter utitur nomine creationis. Ita exponit quoque S. Gregorius, lib. 3. moral. cap. 9. nunc 12. *Quarendum est* ( inquit ) *quomodo Deus cuncta simul condidit, dñm Moyse sex dñrum mutatione variante distinxit creata describit* . . . rerum quippe substantia simul creata est, sed simul speciei formata non est; & quod simul extitit per substantiam materia, non simul apparuit per speciem forma. Cùm enim simul factum cælum, terraque describitur, simul spiritualia, atque corporalia, simul quidquid de cælo oritur, simul factum quidquid de terra produciatur, indicatur. Et post aliqua: Hinc est, quod Moyse distinxit per dies singulos omnia retulit, & tamquam simul omnia creata subiunxit. Illæ sunt generationes cæli, & terræ, quando creatæ sunt in die, quo fecit Dominus cælum, & terram, & omne virgultum agri, antequam oriretur in terra, omnemque herbam regionis. Qui enim diversis diebus creatum cælum, & terram, virgultum, herbam quo narraverat, nunc uno die facta manifestat: ut liquido ostenderet, quod creatura omnis simul per substantiam extitit, quamvis non simul per speciem processit.

XV. Ad locum ex Job. Si nomen Behemoth intelligatur Diabolus, respondet S. Gregorius laudato loco. In cuncta creatura homo, & Angelus simul conditus extitit, qui ab omni creatura irrationali distinxit processit. Quia ergo in cuncta conditione rerum nullum rationale animal, nisi Angelus, & homo est, quidquid ratione uti non potest, cum homine factum non est. De atque homini, dicitur de Angelo, qui est potentiam sublimitatis perdidit, subtilitatem tamen naturæ rationalis non amisit: Ecce Behemoth quem feci teum. Coniunctione similitudinis, non creationis. Ita ex S. Gregorio respondet quoque D. Tho. qu. 4, de Pot. art. 3. ad 2.

Si vero nomine Behemoth intelligatur non Diabolus, sed Bestia, unde lxx. Interpretes vertunt: Verum utique ecce bestia apud te: & Vatablus vertit. Ecce quæ te ut Elephas, & de Ele-

phante vertunt omnes fere interpretes; qui vocatur in plurali Bestia, eo quod mole, & fortitudine pluribus æquivalet; diciturque etiam infra v. 14. *Principium viarum Dei*, quia præcipuus inter animalia, quæ fecit Deus. Sensus ergo hujus textus. Ecce Behemoth ( Bestia, Elephas ) quem feci tecum, is est, quem unâ, vel pariter tecum feci, vel eodem die, sexto scilicet; vel tecum in eodem solo, non in mari, ut Leviathan, nempe Cetum, ibid. v. 30. ut tecum habitat, tibi que inserviat. Vel tecum, quia animal hoc proximus est homini in prudentia.

XVI. Ad locum ex Deuteronomio. Dei opera dici perfecta, id est irreprehensibilia, & omni vitio carentia non hinc tamen inferitur, Deum statim, saltem semper, ea producere cum tota perfectione, quam possunt habere. Ait enim S. Augustinus, lib. 2. de Genesi, ad litt. cap. 13. Si aliquis Deum imperfectum fecisse diceretur, quod dñs ipse perficeret, quid reprehensionis haberet ista sententia? Jure autem displiceret, si id, quod ab illo inchoatum esset, ab alio diceretur esse perfectum.

XVII. Secundo objici potest. De creatione mundi loqui debemus modo magis congruo divinæ virtutis: sed modus magis congruus divinæ virtutis, quæ infinita est, videtur ut subito, & in instanti operetur, quam unum operetur una die, alia alio die, & hiesse integra die ab opere vacare; dum post operatum unum, deberet expectare diem sequentem, ut operaretur alia. Hæc autem omnia quæ non videt divinam virtutem nimium depingere?

XVIII. Respondeo tamen cum D. Thoma qu. 4. de Pot. art. 2. ad 5. Primo negando min. Cum enim Deus sit causa agens, non per naturam, sed per voluntatem, non agit quantum potest, sed quantum vult, & suo consilio judicat expedire. Sicut ergo ad ostendendum, quod creatura non habet esse ex se, sed a Deo, voluit ut prius non esset, & postea esset; & quando illi placuit,

cuit, ut esset: Ita ad ostendendum; quod creatura suam perfectionem non haberet ex se, voluit, ut prius esset imperfecta, & postea succederet per opus distinctionis, & ornatus (pro ut illi placuit) perfecteretur. Ita quoque respondet in 2. d. dist. 13. art. 4. ad 2. Ubi hac ratione ostendit, congruum fuisse, ut tenebræ in aere præcederent lucem: quia dicens est, ut ab imperfectis ad perfectum divina opera adducerentur, ut sic ab ipso omnis perfectio esse ostenderetur. Ita antea responderat S. Ambrosius, lib. 1. Hexameron, cap. 7. Cur enim (inquit) Deus, sicut dixit, & facta sunt, non simul ornatur congruere rebue assurgentibus donavit elementis, quasi non potueris eorum insignitum illis subito ut creatum est refulgere, & floribus, ac fructibus terra vestiri? Potuit utique. Sed ideo primo facta, postea composita declarantur; ne verò increata, & sine principio crederentur, si species rerum velut ingenerata ab initio, non postea addita viderentur. Incomposita terra legitur, & eisdem a Philosophis aternitatis, quibus Deus, privilegit honoratur. Quid dicerent, si ab initio ejus pulcritudo vernalis? Demersa a quo describitur, &c. & adhuc a nonnullis facta non creditur. Quid si decorem primogenitum vindicaret? Hac Ambrosius.

XIX. Respondeo secundo cum eodem S. Thoma, qu. 4. de Potentia, art. 2. ad 5. citatum. Dicendum esse: Quod in creatione rerum, non solum debet ostendi potentia virtutis, sed & divina sapientia ordo: ut quæ prius naturalis sunt, prius etiam instituerentur: & sic non esset ex impotentia Dei, quasi indigentie tempore ad operandum, quod omnia non sint simul producta, & distincta, & ornata; sed ut ordo sapientie servaretur in rerum institutione: & ideo oportuit, ut diversæ ratione mundi diversis diebus deservirent. Post opus enim creationis semper per sequens opus novus perfectionis status mundo est additus: ideo ad boni status perfectionem, & novitatem ostendendam, voluit Deus, ut unicuique rerum distinctioni, & ornatus dies unus responderet: & non ex

aliqua impotentia, vel lassitudine agentis. Ita quoque respondet hac 1. Part. qu. 74. art. 2. ad 4.

XX. Neque imaginandum est, quod toto sex dierum creationis, & ornatus mundi spatio, ita res produxerit; ut unum integrum diem impenderet successive producendo, vel ornando res illis diebus correspondentes, ut homines facere solent; sed potius existimandum est, quod unicuique diei opus unico instanti perfecit, quod indicant illa verba singulis diebus prolata: Dixit: & factum est ita. Neque sequitur, Deum reliqua illius diei parte otiosum fuisse, sicut non est nunc otiosus, quamvis nullas novas rerum species producat, quia conservat, & gubernat eas, quas fecit; nec tota æternitate otiosus fuit, quamvis ab æterno nullam creaverit. Addo, hoc etiam respondendum esse in contraria sententia. Si enim Deus uno die, imo uno momento omnia creavit, distincta, & ornavit; ergo cum post illum diem, seu post illud instans nihil novum fecerit, neque nunc faciat, erit dicendus otiosus.

XXI. Tercio obijci potest. Si dies illi ponantur esse dies naturales, non videtur, posse explicari, quomodo tribus primis diebus dies distinguatur a nocte, lux a tenebris. Primo. Nam si lux illa, quæ legitur primo die facta, undæ terram circubat, nusquam tenebræ erant. quæ sicut ex una brachæ oppositæ ad lumen, quod diem causat. Et sic quomodo verificabitur, quod Deus divisit lucem a tenebris, quod lucem appellavit diem, & tenebras noctem? Si vero lux illa suo motu terram circubat, ut diem, & noctem faceret, tunc semper ex una parte erat dies, & ex alia nox; & ita non totaliter erat nox a die distincta.

Secundo. Distinctio diei, & noctis fit per Solem, & alia cœli luminaria; sed Sol, & luminaria facta fuerunt quarta die, ut dividant diem, ac noctem; ergo cum effectus causam non præcedat, non potuit illis primis tribus diebus esse distinctio diei, ac noctis.

Hæ rationes, quas proponit S. Tho-

mas, laudata qu. 4. de Potentia art. 2. ad sextum, & septimum argumentum ejus sunt, inducebant S. Augustinum ad opinandum, illos dies non fuisse dies veros, & naturales. Quare, lib. 4. de Genesi ad litt. cap. 22. dicebat: *Lux corporalis antequam fieret calum, quod Firmamentum vocatur, in quo etiam luminaria facta sunt, quo circuitu, vel processu vices diei, & noctis exhibere potuerit, non invenimus.*

XXII. Respondeo tamen primum cum D. Basilio, *Homil. 2. in Hexamerum.* Tribus illis prioribus diebus factum, fuisse diem per effusionem illius lucis primigeniæ, & noctem per contractionem ejusdem. Nunc quidem (inquit) de reliquo post Solis generationem dicitur est aer ipse à Sole illuminatus, dum in hemisphærio, quod super terram est, lucet; nox verò est, quæ, occultante se Sole, intervenit telluris obscuratio. Tunc autem non secundum motum solarem, sed primigeniâ illâ luce effusa. & rursus contractâ, secundum prænitam a Deo mensuram, fiebat dies, & nox succedebat.

Quid autem esset illa lux productio nem Solis præcedens, dicunt aliqui, fuisse nubem quamdam lucidam, quæ postea factò Sole resoluta fuit. Sed hoc improbat D. Thomas; quia Scriptura commemorat institutionem naturæ, quæ postmodum præstiterat. Unde non debet dici, quod aliquid tunc factum fuerit, quod post modicum esse desierit. Et ideo alie dicunt, quod illa nubes lucida albus remansit; & est conjuncta Soli, ut ab eo discerni non possit. Sed secundum hoc illa unbes superflua remaneret. Nihil autem est vanum, & superfluum in operibus Dei. Et ideo alii dicunt, quod ex illa nube formatum est corpus Solis. Sed etiam hoc dici non potest, si ponatur, corpus Solis non esse de naturæ quatuor elementorum, sed esse incorruptibile per naturam; quia tunc materia ejus non potest esse sub alia forma. Ita D. Thom. laudatus ad 8. & 1. Par. qu. 67. art. 4. ad 1.

XXIII. Quare respondeo secundum eodem D. Thom. citato, & ad 6. Quod lux illa, quæ legitur primo die-

facta secundum Gregorium, & Dionysium, est lux Solis, quæ simul cum substantia luminarium, quæ est substantia ejus, primâ die producta secundum communem lucis naturam. Quare autem die attributa est luminaribus determinata virtus ad determinatos effectus; secundum quod videmus, alios effectus habere radium Solis, & alios radium Lune. In productione ergo huius lucis solaris quantum ad vim illuminativam in communi facta prima die (pergit S. Thomas) Distincta est lux à tenebris quantum ad tria. Primo quidem quantum ad causam, secundum quam causa luminis erat in substantia Solis; causa vero tenebrarum in opacitate terræ. Secundo distincta est quantum ad locum, quia in uno hemisphærio erat lumen, & in alio tenebra. Tercio quantum ad tempus, quia in eodem hemisphærio secundum unam partem temporis erat lumen, & secundum aliam partem erat tenebra. Et hoc est, quod dicitur: *lucem vocavit diem, & tenebras noctem.* Sic nec lux illa nudique terram complectebatur, quia in uno hemisphærio erat lumen, & in alio tenebra. Nec semper ex una parte erat dies, & ex alia nox; sed in eodem hemisphærio secundum unam partem temporis erat dies, & secundum aliam erat nox. His respondet S. Doctor ad primam probationem, & 1. Par. qu. 67. art. 4. ad 2.

XXIV. Ad secundam vero respondet ibi, ad 7. Quod duplex est motus in eulo; unus communis toti eulo, qui dicitur diurnus, & facit diem, & noctem; & ille motus videtur institutus primâ die, in qua producta est substantia Solis & aliorum luminarium informis & in-formitate tamen accidentali, non substantiali. Alius est motus proprius, quæ diversificentur secundum diversa corpora celestia, secundum quos motus fit diversitas dierum ad invicem, & mensium, & annorum. Primâ die facta est distinctio communis temporis per diem, & noctem secundum motum diurnum, qui est communis totius eoli, qui potest intelligi in eipso primâ die. Et ideo in prima die fit mentio de sola distinctione noctis & diei, quæ fit per motum communem.

non omnibus oculis. Quartâ vero die facta est distinctio secundum speciales distinctiones dierum, & temporum, secundum quod una dies est calidior aliâ, & unum tempus alio tempore, & unus annus alio anno; quâ sit secundum speciales, & proprios motus stellarum, quâ possunt intelligi incipisse quartâ die. Unde in quarta die fit mentio de diversitate dierum, & temporum, & annorum, cum dicitur: Et sint in tempora, & dies, & annos; quâ quidem diversitas fit per motus proprios. Et ita illi primi tres dies, qui præcesserunt formationem luminarium, fuerunt ejusdem rationis cum diebus, qui nunc Sole aguntur, quantum ad communem distinctionem temporis, secundum diem & noctem, quâ sit per motum diurnum communem toti orbi: sed non quantum ad speciales distinctiones dierum, quâ sit secundum motus proprios. Quæ adeo clara sunt, ut non egeant explanatione. Stabilito igitur, sex dies creationis mundi fuisse dies naturales; quid in singulis Deus operatus sit, videamus.

## DUBIUM II.

## De Opere primæ Dei.

## §. I.

Exponitur verbum: *In principio.*

I. **O**pus primæ diei sic exponitur a Moyse, Gen. cap. 1. *In principio creavit Deus cælum, & terram. Terra autem erat inanis, & vacua, & tenebra erant super faciem abyssi, & Spiritus Dei ferebatur super aquas. Dixitque Deus: fiat lux: & facta est lux. Et vidit Deus lucem quod esset bona, & divisit lucem à tenebris. Appellavitque lucem diem, & tenebras noctem, factumque est vespere, & mane, dies unus.* Verba hæc variis qualitis breviter explicabimus.

II. Queritur ergo primo: Quid per *ly In principio* intellexerit Moyses? Dico: quod *ly In principio* aut refertur ad tempus, & sic idem significat, ac *ly In initio temporis*, seu *quando*

*Deus cepit in tempore operari.* Vel refertur ad numerum, & idem significat, ac *ante omnia*, seu *primum omnium.* Vel refertur ad fundamentum, & sic idem est, ac *fundamentum omnium*, quæ fecit, sicut creatio cæli, & terræ. Quod totum explicatur in modo loquendi apud homines usitato; qui, si de Architecto loquantur, dicere solent: *In principio*, quando cepit ædificare, ante omnia, seu primo fundamenta jecit; seu initio operis omnia fundamenta posuit; seu a fundamentis opificium exorsus fuit. Ita Tertullianus, lib. contra Hermogenem, cap. 10. S. Basilus, Homil. 1. in Hexameron. Et S. Ambrosius, lib. 1. Hexameron cap. 4. *Principium* (inquit) aut ad tempus refertur, aut ad numerum, aut ad fundamentum.

III. Hoc verbo confixit Moyses errorem veterum Philosophorum, qui mundum nunquam cepisse, sed ab æterno fuisse opinati sunt, quos superius Qu. 1. dub. 2. confutavimus. Ita D. Tho. 1. Par. qu. 46. ar. 3. & ante ipsum S. Augustinus, lib. 1. contra Adversarium Legis, & Prophetarum, cap. 2. dicens: *Ut principium sit, ex quo esse cæperunt, non enim Deo coeterna, semper fuerunt; sed facta, initium, ex quo esse inciperent, acceperunt.*

IV. Sed dices: plerisque Patres ante cælum, corporeaque omnia conditos Angelos asserere; ut ex Græcis Origenes Homil. 1. in Genes. & Homil. 2. in Matth. S. Basil. Homil. 1. in Hexam. S. Gregorius Nazianz. Orat. 58. & alii. Et ex Latinis S. Ambrosius lib. 1. in Hexameron, cap. 5. S. Hieron. in Cap. 1. Epistol. ad Titum, & alii; ergo hæc verba *In principio* non significant principium, nec temporis, nec numeri, nec fundamentum.

Sed ad hoc respondebitur, dum, de creatione Angelo-um sequenti Tractatu iustro erit. interim istas, pures alios Patres ex Græcis, & Latinis contrarium sentire, quod ibi ostendemus. Argumentum autem ex Patribus sumtum tunc solum invidium robur habet, quando concorditer in idem conspirant; quia tunc sententia Patrum est

est sententia Ecclesie, ut de Locis Theologicis docuimus. In re autem presenti, nedum discordes habemus Patres, sed Ecclesie sententia contraria est: nam in Concilio Lateranensi IV. Cap. *Firmiter de summa Trinit. & Fide cath.* statuit: *Deus simul ab initio temporis utramque de nihilo condidit creaturam spiritualem & corporalem, Angelicam videlicet, & mundanam.*

V. Hoc verbum: *In principio* pro eodem redditur, ac in *Filio*. Ita S. Augustinus, loco nuper relato, ubi post laudata verba subiungit: *Aus erit quia in principio sibi cœternus fecit Deus cœlum & terram, hoc est in Unigenito Filio. Ipse enim est sapientia, de qua dicit Apostolus: Christum Dei virtutem, & Dei sapientiam: & Dio, qui fecit cœlum & terram, dicitur in Psalmo: Omnia in sapientia fecisti. Aut si de Psalmo iste (contra quem scribebat, qui testimonia ex Lege, & Psalmis non admittebat) non vult accipere; Apostolum audiat de Christo loquentem (Coloss. 1. 16.) Quia in ipso condita sunt omnia, in cœlo, & in terra, visibilia, & invisibilia. Ita quoque plerique Patres interpretantur. Tertullianus, lib. contra Praxem, cap. 5. Origenes, Homil. 1. in Genes. S. Basilii, Homil. 1. in Hexaem. S. Ambrosius, lib. 1. Hexaem. cap. 4. & idem S. August. passim. Quibus subscribit D. Thomas, 1. Par. qu. 46. art. 3. his verbis: *In principio, idest in Filio. Sicut enim principium effectuum appropriatur Patri propter potentiam, ita principium exemplare appropriatur Filio propter sapientiam: ut, sicut dicitur, Psalms. 103. Omnia in sapientia fecisti, ita intelligatur, Deum omnia fecisse in principio, idest in Filio, secundum illud Apostoli ad Coloss. 1. In ipso, scilicet Filio, condita sunt universa.**

VI. Neque dicas. Si hæc interpretatio admittatur, non posse amplius probari ex hoc textu, mundum existendi initium habuisse; cum tamen Moyses hujus productionis initium indicare voluerit. Deinde dum dicitur in *Filio* factum esse cœlum, & terram, videntur sola hæc duo, nempe cœlum,

*Tim. P.*

& terram, & non alia facta fuisse in Filio, cum de his solis dictum sit: *In principio*; cum tamen Filius sit exemplar omnium. Denique magis consentaneum fuisset scribere *per principium*, cum Filius sit, per quem omnia facta sunt.

Respondet tamen, hæc non obstat. Non primum. Nam dum dicitur: *In principio*, idest in *Filio* creavit Deus cœlum, & terram, creandi verbo satis indicatur mundum habuisse initium, nimirum esse post non esse. Non secundum. Quia cœli, & terræ nominibus tota rerum creaturarum universitas significatur, ut S. Augustinus exponit, lib. 1. contra Advers. Legis, & Prophet. cap. 10. Non tertium. Quia eadem visæ horum verborum *In principio*, idest in *Filio*, ac per principium, idest per *Filius*, ut idem S. Doctor probat contra Manichæos, *Sermone nunc 1. olim 14. de Diversis*, cap. 3. a quo referendo abhineo, ne prolixius evadam.

VII. Advertendum tamen cenfeo: quod dum *In principio* ponitur pro *In Filio*, non excluduntur alii sensus superius recensiti; sed omnes tres gradatim simul litteraliter indicantur, ut intenti a Moysæ, & Spiritu Sancto dicente per ipsum, ut notat S. August. lib. 12. Confess. cap. 32. Dum enim dixit: *In principio*, idest in exordio rerum conditarum, sive ante omnia; hoc dixit, ut Judæi tanquam parvuli, & rudiores intelligerent, non Angelos, aut aliud quidpiam ante cœlum, & terram conditum fuisse. Dum dixit: *In principio*, idest in initio temporis, voluit eos instruere, mundum initium habuisse, & non esse æternum, ut putaverunt Philosophi, quos supra impugnavimus. Dum verò ait: *In principio*, idest in *Filio*, doctiores instruere voluit, Deum, seu primam rerum causam per conceptum Sapientie sue, qui est Verbum Dei, & proinde summam voluntatis libertatem mundum condidisse, contra Epicurum, & alios Philosophos; quorum ille fortitudinem atomorum concursu, hi necessitate naturæ, mundum productum censuerunt.

G

§. II.

## §. I I.

Verba: *Creavit Deus Cælum,  
& Terram.*

VIII. **H**oc verbo *creavit*, idest non ex subjacente materia, sed ex nihilo fecit, jugulatur error supra refutatus, *Qu. 1. dub. 2.* veterum Philosophorum, & aliorum, quos Tertullianus, lib. advers. Hermogenem, cap. 25. *Materiores* vocat, quorum princeps fuit Hermogenes. Videantur ea, quæ supra dicta sunt.

IX. Hoc Verbo *Deus*, idest *Deus solus*, non materiâ, non Angelis adjutus, configitur Simon Magus, Menander ejus discipulus cum cæteris relictis, & confutatis supra, *Qu. 1. dub. 2.* dicentibus, mundum non a Deo, sed ab Angelis &c. conditum fuisse.

X. Quid *caeli ac terræ* nominibus indicare voluerit Moyses, antiqui Patres incertum reliquerunt. Varias expositiones, quæ suo tempore circumferebantur, assert S. August. præcipuè lib. 12. *Confess. cap. 27.* & 20. nullam tamen certam. Cæli nomine creaturam spiritualem, Angelos nempe, terræ autem materiam primam, ex qua mundus corporalis factus est (de qua ibidem cap. 9. 12. & 13.) intellexisse aliquos dicit; nihilominus etiam posuit esse verum quod nomine cæli intelligantur Angeli; non tamen videtur esse sensus literalis, & a Moysè intentus, qui populo rudi loquebatur, sed potius Mysticus.

XI. Alios propterea refert, qui dixerunt, cælum, & terram dici, tantquam materiam, seu semen utriusque. Ita lib. 1. de Genes. contra Manichæos, cap. 7. his verbis. *In principio fecit Deus cælum, & terram, non quia jam hoc erat, sed quia hoc esse poterat. . . . Quemadmodum si semen arboris considerantes dicamus, ibi est radices, & robur, & ramos, & fructus, & folia; non quia jam sunt, sed quia inde futura sunt. Sic distum est. In principio fecit Deus cælum, & terram, quasi semen cæli, & terræ, cum in confuso*

*adhuc esset cæli, & terræ materia. Sed quia certum erat, inde futurum esse cælum, & terram, jam & ipsa materia cælum, & terra appellata est.*

Hæc opinio, licet duriuscula, & rudi populo Judaico minus congrua, improbabilis tamen non est; tum ob auctoritatem D. Augustini, qui eam non reprobatur: tum quia fundamentum habet in illo Sap. 11. v. 1. 18. *Creavit orbem terrarum ex materia invisibilis.* Neque hæc interpretatio (inquit) idem S. August. lib. 1. de Gen. contra Manichæos, cap. 6. tollit, quin Deus ex nihilo omnia fecerit. *Quia, etiam si omnia formata de ipsa materia facta sunt, hoc ipsa materia tamen de omnino nihilo facta est, quo excluditur error Hermogenis supra confutatus.*

Ne materiam informem, seu spoliata omni forma, etiam substantiali, tempore præcessisset, sed solum naturâ, & quadam origine; ita S. August. lib. 1. de Genes. ad litt. cap. 25. *Non (inquit) quia informis materia formatis rebus tempore prior est, cum sit utrumque simul concurrentium, & unde factum est, & quod factum est. Sicut enim vox materia est verborum, verba verò formatam vocem indicant; non autem qui loquitur, prius emittit informem vocem, quam possit postea colligere, atque in verba formare; ita Creator Deus non priore tempore fecit informem materiam, & eam postea, per ordinem quarumcumque naturarum, quasi secundâ consideratione formavit: formatam quippe creavit materiam. Sed quia illud, unde sit aliquid, est non tempore, quadam origine prius est, quam illud quod inde sit; potuit dividere Scriptura loquendi temporibus, quod Deus faciendo temporibus non dividit. Idem non minus dilucidè explicat, lib. 12. Confess. cap. 20. exemplo soni, & cantus, dicens: *Sic est prior materies, quàm id quod ex ea sit; non idèd prior, quia ipsa efficit, eum potius fiat; nec prior intervallo temporis. Neque enim priore tempore sonus edimus informem sine cantu, & eos posteriore tempore in formam cantici coaptamus, aut fingimus, sicut lingua, quibus, arca, vel argentum, quo**

va-

*vasculum fabricatur: tales quippe materia tempore etiam precedunt formas rerum, quæ sunt ex eis: at incantus non ita est. Cum enim cantatur, auditur sonus ejus; non prius informiter sonat, & deinde formatur in cantum... sed (sonus) prior est origine, quia incantus formatur, ut sonus sit, sed sonus formatur ut cantus sit: Hoc exemplo, qui potest, intelligat, materiam rerum primò factam, & appellatam eulm, & terram, quia inde facta sunt eulm, & terra; nec tempore primò factam, &c.*

XII. Tertia opinio erat: quod cæli, & terræ nominibus quasi duabus magnis partibus, supremâ scilicet, & infimâ mundi, totus mundus visibilis significetur; qui postea toto primo capite Genes per partes explicetur. Hanc ita refert S. Augustinus, lib. 12. Confess. cap. 17. *Nomine, ajunt, cæli, & terra, totum istum visibilem mundum prius universaliter, & breviter significare voluit; ut posset digereret dictum enumeratione, quasi articulatim universa, quæ Sancto Spiritu placent sic enunciare. Tales quippe homines erant, rudis ille atque carnalis populus, cui loquebatur, ut eis opera Dei non nisi sola visibilia commendanda judicaret. Eam videm ferè verbis expressit, lib. 11. de Civit. Dei, cap. 33.*

Porro quid nomine euli veniat, an solum cælum supremum, quod vocatur Empyreum, an omnes orbes cælestes; hoc quoque ambiguum est, cum in diversa abierint tum Veteres, tum Recentiores. In tanta opinionum diversitate, quid faciendum sit, exemplo suo monet August. lib. 1. de Genes. ad lit. cap. 30. ubi, opinionibus præalatis recentitis: *Libri (inquit) Genesios multipliciter, quantum potui, enucleavi, protulique sententias de verbis ad exercitationem nostram obscurè positis; non aliquid unum temerè affirmans eum præjudicio alterius expositionis fortasse, melioris, ut pro suo modulo eligat quisque, quod capere possit: ubi autem intelligere non potest, Scriptura Dei dei honorem, sibi timorem,*

XIII. Dico ergo. Absque præju-

dicio expositionis fortasse melioris magis aridet illa, quæ non materiam informem adhuc solâ origine præcedentem substantialem formationem, sed nomine cæli intelligit non solum cælum Empyreum, sed omnes orbes cælestes, & nomine terræ terram elementarem. Videtur congruentior litteræ Moysis.

Dum enim dicit: *Creavit Deus cælum, & terram*, indicavit, non prius creasse materiam cæli, & terræ, & deinde in posteriori originis formam cæli, & terræ indidisse; sed simul concreasse materiam & formam utriusque, totum cælum, & totam terram de omnino nihilo faciendo. Hinc in Philosophia docemur, in prima rerum productione formas non fuisse de materia educas, sed materia concretas.

Quod etiam, non solum cælum, supremum, seu Empyreum, quod fides est Beatorum, sed omnes orbes cælestes prima die creati fuerint, superius indicavimus; cum Solem & Lunam primâ die quoad substantiam Deum produxisse, cum D. Thoma ostendimus. Et sanè historica Moysis narratio dicentis, Deum creasse cælum, nulli restrictioni videtur locum dare. Præterea, ejus consilio sensus iste videtur magis convenire. Moysi enim, propositum fuisse in hac narratione, plerique Veterum existimant, Judæos a falsâ gentium persuasionibus abducere, quæ cælestibus corporibus divinitatem, æternitatemque tribuebant; atque neque Angelos, neque materiam informem, nec cælum supremum Empyreum (a splendore sic dictum) colebant Ethnicis, quod plerique ignorabant; sed cælestes alios orbes, quos oculis corporeis intueretur, in quibus Sol, Luna, cæteraque sydera volvuntur; ergo &c. Hinc Psalm. 101. v. 26. dicitur: *Intus tu, Domine, terram fundasti, & opera manuum tuarum sunt celi;*

XIV. Nomine autem terræ intelligi terram elementarem, seu velis quatuor elementa, videtur apparere ex eo, quod illam terram primò creavit a

tam

tam credere par est, quæ Dei imperio ex aquis tam inundantibus postea emergens, plantas, & herbas omnis generis germinavit, animalia tam gradientia, quam serpentina produxit, & ex cujus limo homo plasmatus fuit: hæc autem fuit terra elementaris, non materia.

Utrumque confirmat S. Basilus, Homil. 2. in Hexæmeron dicens: *Fecit Deus calum, & terram, utrumque, non ex dimidia parte, sed totum calum, totamque terram, ipsam substantiam, cum forma conjunctam...* cum dixit: In principio fecit Deus calum & terram, multa tacuit, aquam, aerem, ignem, emergentes ex his affectiones. Quæ sancta omnia & aquam quæ mundum complant, procul dubio una cum universitate rerum subsisterunt.

S. Ambrosius, lib. 2. in Hexæmer. cap. 6. *Satis est, & inquit, ad præsentem assertionem, quod in principio calum fecerit, unde prerogativa generationis, & causa; & terram fecerit, in qua esset generationis substantia.* In his enim quatuor illa elementa creata sunt, ex quibus generantur omnia ista, quæ mundi sunt. Elementa autem quatuor, aer, ignis, aqua, & terra, quæ in omnibus sibi mixta sunt. Porro cælum, quod est generationis causa, non est Empyreum: hoc enim in sedem Beatorum solummodo factum est, sed cæteri inferiores cœli. Terra item, in qua generationis substantia est, est terra habens elementa sibi permixta, vel ex qua elementa emergunt.

Idem scripsit Theophylus Antiochenus, lib. 2. ad Autolyicum, num. 28. his verbis: *Homo qui in ima mundi regione est, super terræ adificium ponere solet: nec nisi fundamento jacto, gradum servare, aut fastigium adificii imponere potest. Cæterum Dei potentia, hinc innoteis, quod ex illi, quæ non sunt, facit, ut ipsi videtur, quæ facta...* Quapropter Propheta testatur, creationem cœli factam esse primo; non ut hominum more sit, sed in modum fastigii... Terram dicens, intelligit fundamentum, & quasi pavementum, Cœlum autem, quod in universo instat forni-

cis est, non est Empyreum solum. Terra quæ instat pavementi, aut fundamenti est, est terra hæc visibilis, quam pedibus terimus.

XV. Hac in re deceptum puto fuisse Philastrum, qui hæresi 93. cœd hæresim traducit, quæ aliam terram non vult agnoscere ab ea, quam calcaamus: *Ignorans (inquit) quod alia est, quæ veluti matrix est omnium rerum, universæque continet, quæ quasi Hyle, id est materiam reperitur in Scripturis, quæ est invisibilis, & incomposita, quæ a Deo facta est in primo die. Hæc autem, in qua habitamus, super aquam fundata ostenditur.*

Deceptum inquam puro. Nam cū non paucorum Veterum sententia fuerit, quod terra, primo die creata, fuerit materia informis: nemo tamen, præter Philastrum, oppositam ut hæresim damnavit. Imo S. Augustinus ita suam opinionem defendit, ut hanc etiam, quam nos asserimus, ut probabilem admittat, lib. 12. *Confess.* loco superius relato, ac nulli hæc in re expositioni præjudicium inferri velit. Imo, ut ostendi, Basilus, & Ambrosius citati terram primo die creatam, volunt esse terram quam habitamus; qui tamen ut hæretici habendi non sunt. Philastro igitur Tertullianum opponam, qui, lib. *adversus Hermogenem* has duas terras proponentem, cap. 25. sic ait: *Vult igitur, duas proponi terras in ista Scriptura; unam, quam in principio Deus fecit aliam materiam ex qua fecit; de qua dictum sit: Terra autem erat invisibilis & rudis.* Et infra cap. 26. *Nobis autem unus Deus, & una est terra, quam in principio Deus fecit.*

XVI. Neque obstat dictum Sapientiz 12. v. 18. *Deum orbem terrarum ex materia indivisa creasse.* Nam hoc nomine materiam primam omni formâ prius spoliata intelligere necesse non est: sed potius corpus terræ & aquæ, suâ quidem fornâ continens, adhuc tamen rude, incompositum, & impositum, ex quibus particulares rerum species formaverit deinde: Elementa enim hæc, utpote minus adu-



sa, materię nomine commodè exprimentur.

XVII. Gravior emergit difficultas, quod Firmamentum factum a Deo legitur secundo die, & vocatum cœlum. Nam ut Moyses testatur: Dixit Deus: *Fiat Firmamentum in medio aquarum, & dividat aquas ab aquis...* Et fecit Deus Firmamentum cœlum. Non ergo quod primo die creatum, est cœlum, est illud, quod videtur nobis, quod Solem ac stellas continet, quod supra nos volvitur.

Huic difficultati variis responsionibus secundum varias sententias occurrit D. Thomas 1. Par. qu. 68. art. 2. ad 1. Quarum prima est: verba illa Genesis: *In principio creavit Deus cœlum, & terram*, non significare peculiare aliquod opus, sed mundi totum opificium summarè complecti; postea vero cunctas opificii partes sigillatim, eo quo sunt ordine elaboratę, describit: Secundum Chrysostomum (ait Divus Thomas laudatus) primò Moyses summarè dixit quid Deus fecit, præmittens; In principio creavit Deus cœlum, & terram, postea per partes explicavit. Sicut si quis dicat: hic artifex fecit domum istam; & postea subdat: primò fecit fundamenta, & postea crexit parietes, tertio superposuit tellus. Et sic non oportet nos aliud cœlum intelligere eam dicentis: In principio creavit Deus cœlum, & terram; & eam dicentis, quod secunda die factum est Firmamentum.

Hanc responsionem indicaverat Tertullianus, lib. contra Hermog. cap. 26. Ubi postquam dixit, terram ab initio factam, pergit: *Cujus ordinem incipiens Scriptura decurrere, primò factam eam edicit, de hinc qualitatem ipsius edisserit. Sicut & cœlum primò factum professi: In principio fecit Deus cœlum, de hinc dispositionem ejus superinducit & separavit inter aquas, qua erat infra Firmamentum, & qua super Firmamentum, & vocavit Deus Firmamentum cœlum. ipsum quod in primordio fecerat. Proinde & de homine: & fecit Deus hominem, ad imaginem Dei fecit illum. De hinc qualiter fecerit redit: & finit Deus hominem de limo terrę &c.*

XVIII. Aliã viâ responderi potest. Firmamentum primo die, seu ante omnem diem fuisse secundum substantiam creatum: secundo autem die novo ministerio aptatum, ut esset veluti murus aquas dividens. Ita S. Jo. Chrysost. Homil. 4. in Genes. *Quid est (inquit) fiat Firmamentum? Quasi quis dicat humanâ linguâ: fiat paries quidam, & septum in medio dividens, & separationem inducens.* Deinde postquam dixit: quid sit hoc Firmamentum, an aqua densata, an aer quidam convolutus, an alia substantia, neminem prudenter asseverare posse, subdit: satis esse, Hoc solum scire, & tenere apud nos, præcepto Domini productum esse Firmamentum in separationem aquarum, quod valeat alias sub se continere, alias vero sursum in dursu suo ferre sublimes. Et vocavit, ait Firmamentum cœlum. Vide, quomodo eandem consequentiã etiam nunc divina Sapientia usa est. Nam sicut dixit heri: Fiat lux; & postquam producta fuit, tunc subjecit: Sit distinguens inter lucem, & inter tenebras; & sic lucem diem vocavit: ita & hodie dixit: Fiat Firmamentum in medio aquarum. Dein sicut de luce dixerat, ita & hic docuit nos usum Firmamenti: ut dividat, ait, inter aquam, & aquam. Et postquam hunc ejus usum declaravit, tunc sicut luci nomen dedit, ita & Firmamenti nomen imposuit. Et vocavit, ait, Firmamentum cœlum, hoc quod videtur.

XIX. Quod si velis, Firmamentum factum secundâ die, & vocatum cœlum esse diversum a cœlo creato primâ die, duplici responsione satisfaciet D. Thomas, citata qu. 68. art. 1. ad 1. Quod secundum Damascenum, (lib. 2. Orthod. Fid. cap. 6.) cœlum, quod legitur primâ die factum, est quoddam, eorum sphericum sine stellis, de quo Philopphi loquuntur, dicentes, ipsum esse nonam sphaeram, & mobile primum, quod movetur motu diurno. Per Firmamentum vero factum secundâ die intelligitur cœlum sydereum. Secundum autem aliam expositionem, quam Augustinus tangit (lib. 2. de Genes. ad litt. cap. 2.) Cœlum primâ die factum est etiam ipsum

*ipsum calum sydereum. Per Firmamentum vero secundâ die factum intelligitur spatium aeris, in quo nubes condensantur, quod etiam calum aquivocè dicitur. Et ideo ad aquivocationem designandam signanter dicitur: Vocavit Deus Firmamentum cælum: sicut & supra dixerat: Vocavit lucem diem: quia dies etiam pro spatio viginti quatuor horarum ponitur. Quam autem ex præfatis expositionibus congruentiorem judicemus, dubio sequenti agentes de opere secundæ diei exponemus.*

## §. III.

*De Terra inani, & vacua &c. Et de Spiritu qui ferebatur super aquas.*

XX. **P**ersequitur Moyses dicens. *Terra autem erat inanis: & vacua, nimirum, ut superius dictum est, sine plantis, & animalibus, ac omni ornatu: unde Hebraice dicitur instar solitudinis, & deserta. Quare Septuaginta, & August. & sæpe omnes Antiqui legunt Impossibilia, quia aquis cooperta, & Incomposita, quia nondum suis fortibus, plantis, & animalibus decorata. Atque, ut superius dictum est, hoc sensu dicitur, Sap. 11. Deus creasse orbem terrarum Ex materia invisâ; quia ex rudi illa, & confusa elementorum massa ad illum decorem, quem videmus, sex diebus perduxit.*

XXI. Sequitur. *Et tenebra erant super faciem abyssi.* Abyssus græcè dicta est, quali sine fundo. Hebraice Teom. idest aqua multa, & aquarum multarum locus. Unde D. August. lib. 22. contra Faust. cap. 11. ait: Tenebra erant super abyssum. Abyssus namque est aquarum inaccessibilis profunditas. Significatur ergo, fuisse immensam aquarum multitudinem, quæ terram cooperuerit, non quidem infinitam (ut teste D. Thom. 1. Par. qu. 68. art. 3. quidam antiqui Philosophi posuerunt; volentes, esse infinitum aquarum corpus etiam supra cælum) & usque ad

determinatum spacium: unde dicitur, quod Tenebra erant super faciem abyssi, hoc est supra superficiem multitudinis aquarum.

Quo fortassis denotatur etiam, non omnia ad cælum usque aquis illis crassioribus fuisse plena: sed supra illas infra cælum fuisse corpus diaphanum, nempe aerem, quamvis luce nondum creata, tenebrosolum. Hoc rationabiliter colligit D. Thomas, citata Qu. 68. art. 3. Etenim Considerandum est (inquit) quod Moyses rudi populo loquebatur, quorum imbecillitati condescendens, illa solum eis proposuit, quæ manifestè sensui apparent. Omnes autem, quantumcumque rudes, terram, & aquam esse corpora sensu deprehendunt. Aer autem non percipitur: quia omnibus esse corpus; instantum quoddam viam quidam Philosophi aerem dixerunt nihil esse, plenum aere vacuum nominant. Et ideo Moyses de aqua & terra mentionem fecit expressam; aerem autem non expressè nominat, ne rudibus quoddam ignominiam proponeret. Ut tamen capacibus veritatem exprimeret, dat locum intelligendi aerem, significans ipsum, quasi aqua annexum, cum dicit, quod Tenebrae erant super faciem abyssi. Per quod datur intelligi, super faciem aqua esse aliquod corpus diaphanum, quod est subiectum lucis, & tenebrarum. Hæc D. Thomas.

XXII. Pergit Moyses: & Spiritus Domini ferebatur super aquas. Scio, hic nomine Spiritus apud aliquos Veteres aerem significari. Unde Severianus Gabalitanus, Orat. 1. de Creatione mundi, ait: Deinde, & aerandi, quando creatus est: Et Spiritus Domini &c. Spiritum enim hunc non ipsum Spiritum Sanctum dicit (non enim quod increatum est creatis connumeratur) sed Spiritum vocat aeris motum. Inde ostendit, usu Scripturæ Spiritus nomine aerem intelligi, seu aerem commotum, seu ventum: In Spiritu vehementer conteres naves Tharsis. Nempe Spiritum, aeris agitationem vocant. Ut vero ex Spiritus indole ostendatur, ventum aeris esse motum, propterea illâ voce usus est, Superferebatur. Proprium enim,

venti est, ut creatura, rebusque mundo hoc inferiori supervolites, ac superferatur. Ventum intelligi posse, indicat August. lib. de Genes. imp. cap. 4. Debere, & verius esse Theodoretus, Qu. 8. in Genes. & mobilem ejus naturam exprimi per verbum ferebatur. Quibus praeceperat Tertullianus, lib. contra Hermogenem, cap. 32. quamvis, ut dicam, in hoc sibi constans non fuerit.

Non latet, alios nomine Spiritus intellexisse vitalem spiritum, energiam, five efficaciam. Hanc expositionem, ut non improbabilem, recensent S. Ambrosius, lib. 1. in Hexaemer. cap. 8. S. August. citato lib. de Genes. imperf. cap. 4. eique subscribit S. Chrysost. Homil. 3. in Genes. dicens: Quid sibi vult, quod dicit: & Spiritus Dei superferebatur super aquam? Mibi videtur hoc significare, fuisse in aquis efficacem quandam, & vitalem operationem, nec fuisse simpliciter aquam flantem, & immobilem; sed mobilem, & vitalem quandam vim habentem &c.

XXIII. Nihilominus probabilior rem censo expositionem, quae nomine Spiritus Dei intelligit Spiritum Sanctum, qui ferebatur, id est confovebat, ut S. Basilius, Hom. 2. in Hexaem. ex Syro interpretatur, dicens: Et ita natura aquarum vim tribuebat satisfaciendi insar incubantis avis, & vitalem quandam facultatem iis, qua foventur impatiens... Nimirum. Ferebatur Spiritus super aquas, hoc est, naturam aqua ad fovendam preparabat. Quare quod a quibusdam quaritur, satis ex boeliq, nemp ab actu creandi Spiritum Sanctum non abfuisse. Hoc si intelligant, qui secundam allatam expositionem tuerentur, non dissentimus.

XXIV. Quod si dicas: Cur non poterit nomine Spiritus hie intelligi aer, aut ventus; cum saepe in Scripturis per Spiritum significetur aer, aut ventus, ut superius observatum est?

Respondeo cum D. Basilio, laudato loco. Quod esto alicubi Scriptura nomine Spiritus intelligat aerem, aut ventum, nunquam tamen nomine Spi-

ritus Dei. Observatum est (inquit Basilius) Scripturam cum (Spiritum Sanctum) ejusmodi appellatione peculiariter, ac praecipue dignari, ac nullum alium Spiritum Dei nominare, quoniam Sanctum illum Spiritum, qui divinum, ac beatam Trinitatem complet.

Propterea huic expositioni adhaeret major Patrum pars. Tertullianus, lib. de Baptismo, cap. 3. aquam laudans ex illo: Spiritus Dei ferebatur super aquas: Habet (inquit) homo in primis astatem venerari aquarum, quod antiqua substantia: debine dignationem, quod divini Spiritus sedes, gratior scilicet ceteris tunc elementis. Et lib. 4. contra Marcionem, cap. 16. ait: A quo Spiritum Sanctum posulem? A quo nec mundialis spiritus praestatur? An a quo sunt etiam Angeli spiritus; ejusque & in principio Spiritus super aquas ferebatur?

XXV. Item S. Ambrosius lib. 1. in Hexaemeron, cap. 8. ait: Et Spiritus Dei superferebatur super aquas. Quem cisi aliqui pro aere accipiant, aliqui pro spiritu, quo spiramus, & carpinus aura hujus vitalis spiritum; nos tamen cum Sanctorum, & fidelium sententia congruentes, Spiritum Sanctum accipimus, ut in constitutione mundi operatio Trinitatis eluceat. Praemisso enim, quia in principio fecit Deus caelum & terram; id est in Christo fecit Deus, vel Filius Dei Deus fecit, vel per Filium Deus fecit; quia omnia per ipsum facta sunt, & sine ipso factum est nihil: supererat plenitudo operationis in Spiritu, sicut scriptum est. Verbo Domini coeli firmati sunt, & Spiritu oris ejus omnis virtus eorum &c.

XXVI. Consentit S. Hieronymus, tum lib. Quast. Hebraicae. in Genes. ubi haec habet; Et Spiritus Dei ferebatur super aquas. Pro eoquod in nostris codicibus scriptum est ferebatur, in Hebraeo habet, Mereferth; quod nos appellatione possumus, incubabat, five confovebat, in similitudinem volucris, ova calore animantis. Ex quo intelligimus, non de spiritu mundi dici, ut nonnulli arbitrantur, sed de Spiritu Sancto, qui & ipse vivificator omnium a principio dicitur. Tum Epist. 83. modo 82. ad Ocea-

Oceanum. Radis (inquit) mundus nec dum Sole rutilante, nec pallente Luna, nec affris micantibus, incompositam, & invisibilem materiam abyssorum magnitudine, & deformibus tenebris opprimebat. Solus Spiritus Dei in auriga modum super aquas ferebatur, & nascentem mundum in figura Baptismi parturiebat.

In idem conspirat S. Augustinus lib. 13. Confess. cap. 5. ubi ait: Ecce Spiritus tuus superferebatur super aquas. Ecce Trinitas Deus meus, Pater, & Filius, & Spiritus Sanctus, Creator universa creatura; quod repetit, cap. 6. & 7. Tum lib. de Genesi. ad litt. imperfecto, cap. 4. Ubi monet, ne putemus Spiritum Dei quasi locorum spaciis superterri materiz. Sed vi quadam effluvia, & fabricatoris, ut illud cui superferretur efficiatur, & fabricetur: sicut superferretur voluntas artificis ligno, vel cuiusque rei subiecta ad operandum, vel etiam ipsi membris corporis sui, qua ad operandum movet. Addit tamen, hanc similitudinem esse parvam, & prope nihil aptam ad intelligendam superlationem Spiritus Dei super materia sibi subiecta.

Idem dicit, lib. 7. de Genesi. ad litt. cap. 6. Imo cap. 9. formans sibi objectionem, quam supra Severianus Galitanus opponebat; cur scilicet creaturæ imperfectæ commisceatur Spiritus Dei? Respondet, commisceri, non tanquam ea indigentem, sed tanquam eam amantem, & beneficentia sua illam completentem: & ad explicandam supereminentiam suæ dilectionis Scripturam dicere: Superferebatur, seu ferebatur super aquas, eas scilicet vi, & efficacia secundando.

#### §. I V.

##### De Productione Lucis.

XXVII. **P**rosequitur Moyses, v. 3. Dixitque Deus, non vocis sono, sed efficaci suæ mentis imperio, cui statim adest effectus. Imo ait Ambrosius, lib. 2. Hexamer. cap. 9. Non idem dixit, ut sequeretur operatio,

sed dicto absolutis negotium. Unde pulchre Davidicum illud: Dixit, & facta sunt; quia dictum implevit effectus. Dixit ergo Deus: Fiat lux, & facta est lux.

XXVIII. Quænam sit ista lux, quæ primo facta est: an Angeli, an nubes aliqua lucida, vel aliud corpus lucidum, an lucem Solis informem, ardua quæstio est. Lucis nomine Angelos intelligit S. Augustinus, lib. 2. de Genesi. ad litt. cap. 17. & lib. 11. de Civit. Dei cap. 19. divisionem lucis à tenebris dicit fuisse discretionem bonorum Angelorum à malis. Et cap. 10. advertit, quod statim facta luce subiecit Deus: Vidit Deus lucem quod esset bona, non postquam separavit inter lucem, & tenebras; ne simul cum luce probaret tenebras, simul cum bonis Angelis etiam malos: Ne utrumque appellaretur bonum, cum esset horum alterum malum, vitio proprio, non naturæ; & ideo sola ibi lux placuit Conditori: tenebra autem Angelica, & si fuerant ordinanda, non tamen fuerant approbanda. Huic tamen interpretationi non adeo tenaciter hæret S. Doctor, quin etiam alias probet; ut nulli alteri fortè meliori præiudicium inferatur, secundum regulam ab ipso traditam, lib. 2. de Genesi. ad litt. cap. 18. & 10. ut superius, Dub. præced. §. 2. num. 6. Augustino tamen subscribit Rupertus, lib. 1. de Trinit. & ejus operibus, cap. 10. cujus rationes solvemus infra.

XXIX. Cæteri autem Patres, lucem primo die productam, fuisse lucem corporalem exponunt, quamvis quænam fuerit illa lux inter se dissentiant. Ignem fuisse, qui ex informi, & confusa mole Dei imperio excitatus, ac digeri cæptus, levitate sua exilierit, splendoreque suo omnia repente repleverit, censet S. Gregorius Nyssenus, lib. in Hexamer. Quare secundum ipsum lux primigenia corpus fuit, nimirum elementum ignis. Eadem est S. Jo. Damasceni sententia; lib. 2. de Fide orth. cap. 70.

S. Basilii, Homil. 2. & 6. in Hexamer. lucem primo die conditam existimat verum accidens fuisse sensibile, pri.

primò abſque ſubjecto conſiſtens ; ſed in Solem poſtea quartà die productum, collocatum, ex cujus diſſuſione, & contractione tres priores dies, & noctes contigerunt. At quod primis illis diebus abſque ſubjecto fuerit, non potuit ſine miraculo fieri ; quod nullum in prima rerum conditione contigiſſe legimus. Hanc eandem ſententiam tenet Nazianz. *Orat. in nonam Dominicam, qua eſt 43.*

S. Ambroſius, *lib. 1. Hexaemer. cap. 9.* dicit, quod Deus dicens: Fiat lux: eam lucem fieri voluit, qua oculis corporalibus comprehenderetur. Qui adificium aliquod dignum habitacula Patrie familias ſtrueret deſiderat, antequam fundamenta ponat, unde lucem ei infundat explorat: Et ea prima eſt gratia, qua ſi deſit, tota domus deformis horret inultu. Quid tamen fuerit iſta lux, non exponit. De luce corporea ipſe interpretatur quoque Theodoretus, *Q. 7. in Genef.*

XXX. De luce corporea intelligit quoque S. Thomas 1. *Par. qu. 67. uti, art. 1.* dicit, lucem non dici de rebus ſpiritalibus, niſi improprie, & metaphorice. Ex uſu enim loquentium, & ex impoſitione nominis, nomen lucis primò impoſitum eſt ad ſignificandum id, quod facit manifeſtationem in ſenſu viſus; ſicut nomen viſionis primo impoſitum eſt ad ſignificandum actum ſenſus viſus: & ex uſu loquentium ſic intelligitur. Cum ergo dici debeat, Moſen populo rud; loquentem uſurpaſſe nomina ſecundùm ſignificationem, quam primo, & ex uſu loquentium habent; dici debet nomine lucis, quam primo die factam deſcribit, intellexiſſe lucem corporalem, non ſpiritualem.

XXXI. At dices cum Auguſtino, *lib. 11. de Civite. Dei cap. 9. & 33.* non fuiſſe conveniens, Moſen prætermiſiſſe lucis ſpiritalis productionem; prætermiſiſſet autem, ſi tam nomine cœli, quam nomine lucis cœlum, ac lucem corpoream intellexiſſet.

Reſpondet D. Thom. laudatus, *art. 4.* negando ant. cujus rationem alii diverſimodè aſſignant. Baſilius enim, *Tom. V.*

*Homil. 2. in Hexaemer.* ſentit, Moſen principium narrationis ſux ſeciſſe à principio temporis, quod eſt menſura rerum ſenſibilium: Sed ſpiritalis creatura prætermittitur, quia fuit ante creata. Ita ſentiunt quotquot putarunt, Angelos ante mundum corporeum fuiſſe creatos; quod tamen falſum eſſe ſuo loco offendemus.

Ideò aliter reſpondet Chryſoſto. (*Homil. 2. in Genef.*) Quod Moſes loquebatur rudi populo, qui nihil, niſi corporalia poterat capere, quem etiam ab Idololatria revocare volebat. Aſſumiſſent autem Idololatria occaſionem, ſi propoſita fuiſſent eis aliqua ſubſtantia ſupra omnes corporales creaturas: eas enim reputaſſent Deo, eùm etiam prout eſſent ad hoc, quòd Solem, & Lunam, & ſtellas colerent tanquam Deos: quod eis inhibetur, *Deuteronom. 4.* Ita Divus Thomas.

XXXII. Hanc corporalem lucem convenienter primà die fuiſſe factam, offendit S. Tho. ibidem. Primò. Quia lux eſt qualitas primi corporis, ſcilicet cœleſtis; unde ſecundùm eam mundus fuit primò formandus. Secundò. Quia lux eſt communiffima, in ea enim corpora inferiora communicant cum ſuperioribus. Sicut autem in cognitione, ita in operatione convenienter proceditur a communioribus. Tertiò. Quia per lucem omnia alia manifeſtantur. Quartò. Quia dies non poteſt eſſe ſine luce, unde oportuit, in prima die fieri lucem.

XXXIII. Lucem a Deo productam non eſſe corpus offendit D. Tho. citatà *Qu. 67. art. 2.* Tùm quia: duo corpora naturaliter non ſunt in eodem loco; lux autem eſt ſimul cum aere, quem illuminat. Tùm quia: ſi eſſet corpus, illuminatio fieret per motum localem, & ſic non fieret in inſtanti contra experientiam. *Statim enim eùm Sol eſt in puncto horizantis, illuminatur totum hemiſphærium uſque ad punctum oppoſitum.* Tùm tertio: quia ſequeretur, quòd dum aer per abſentiam luminis fit tenebroſus, corpus illud, vel corrumpereſcit, vel aliò tranſfereſcit.

tur cum luminari: neutrum autem dici potest. Non primum; quia ridiculum est, ad solam praesentiam, vel absentiam Solis tantum corpus, quale esset lux per totum hemisphaerium diffusa, quotidie generari, & corrumpi; ac rursus, quod dum hoc corpus corrumpitur, & sunt tenebrae, materia huius corporis transiret ad formam tenebrarum, & sic tenebrae essent corpus. Neque secundum; quia si candela illuminans cubiculum aliquo corpore opaco claudatur, statim cubiculum fit rebus opacum. Non apparet autem, quod tam cito illa corpuscula lucida transferantur; non enim congregantur circa candela, quia haec non apparet magis luminosa quam ante, quod tamen esse deberet, si omnes particulae lucis, quae per totum cubiculum diffundebantur, circa illam congregarentur.

XXXIV. Observandum est primum. Quod lux, aut lumen aliquando usurpatur pro corpore lucido, vel luminoso; & sic totum lux, tunc lumen diei potest esse corpus; & in hoc sensu D. Augustinus, lib. 3. de Lib. arbitr. cap. 5. dicit, quod *Lux in corporibus primum tenet locum*. Accipit enim lucem pro corpore lucido in actu, scilicet pro igne, quod inter quatuor elementa nobilissimum est. Ita D. Th. hoc art. 2. ad 1. Quod si aliquando luminis proprietates corporis tribuuntur, hoc solum metaphoricè ei convenit, ut idem S. Doct. ad 3. Nec enim intentio D. Thomae fuit negare lucem esse accidens quoddam corporeum, & sensibile, sed solum esse corpus propriè de praedicamento substantiae, & quantitatis.

XXXV. Observandum secundo ex eodem S. Thoma, in 2. Diss. 13. qu. 1. art. 3. Quod *illa quatuor differunt, lux, lumen, radius, & splendor*. Lux enim dicitur, secundum quod est in aliquo corpore lucido in actu, à quo alia illuminantur, ut in Sole. Lumen autem dicitur, secundum quod est receptum in corpore diaphano illuminato. Radius autem dicitur illuminatio secundum directam lineam ad corpus lucidum; & idè ubi terminatur est radius, est lumen, sed non convertitur. Contingit enim, lumen esse

se in domo ex reflexione radiorum Solis, quamvis non ex directa oppositione, propter aliquod corpus interiacens. Splendor autem est ex reflexione radii ad aliquod corpus tersum, & politum, sicut ad aquam, & ad argentum, vel ad aliquod huiusmodi, ex qua reflexione etiam radii projiciuntur.

XXXVI. Supposito ergo, quod lux non sit corpus, sed accidens de genere qualitatis, quod offendit D. Th. Qu. 67. art. 3. Queritur; in quo subiecto fuerit tribus primis diebus creationis mundi? Dicere enim cum D. Basilio, superius allato, per tres illos dies conservatam fuisse extra omne subiectum per Dei potentiam, & quarto die collocatam in Sole, non videtur credibile; quia, ut ait D. Tho. hoc art. 4. ad 3. ex D. Augustino (lib. 2. super Genes. ad litt. cap. 1.) *In prima institutione, natura non quaeritur miraculum, sed quid natura rerum habeat*.

Alii propierea dixerunt, lucem illam in nube lucida producam fuisse, quae facta postmodum Sole, vel in praesentem materiam rediit; vel fuit conjuncta Soli, & adhuc manet, ut discerni non possit; vel quod ex illa nube formatum est corpus Solis. Sed has expositiones superius, Dubio praecedenti, §. 3. num. 12. & 13. improbavimus ex D. Tho., Qu. 4. de Potent. art. 2. ad 8. & modo 1. Par. qu. 67. art. 4. ad 2. Respondendo igitur, quae superius citato loco eum eodem D. Thoma dixi; probabilius existimo; quod *illa lux fuit lux Solis, quantum ad hoc quod jam erat substantia Solis, & habebat virtutem illuminativam in communis, sed postea data est ei specialis, & determinata virtus ad particulares effectus*. Ita D. Tho. hoc art. 4. ad 2. qui ad 3. addit; Quod duplex est motus in celo. Unus communi toti celo, qui facit diem, ac noctem, & iste videtur institutus primo die. Alius autem, qui diversificatur per diversa corpora, secundum quos motus fit diversitas dierum ad invicem, & mensium, & annorum. Et idè in prima die fit mentio de sola distinctione noctis, & diei; qua fit per motum communem. In quarta autem die fit mentio

rio de diversitate dierum, & temporum, & annorum, cum dicitur: Ut sint in tempora, & dies, & annos; qua quidem diversitas sit per motus proprios. Conferantur quæ superius, dub. præcedente locis citatis ex eodem S. Doctore dicta sunt.

XXXVII. Luce productâ, & approbata: Divisit Deus lucem à tenebris. Non quia prius lux mixta esset tenebris, ut indigeret ab illis separari: Sed eo ipso, quòd lux facta est, consecuta est etiam divisio inter lucem, & tenebras. Quia enim societas lucis cum tenebris Deus ergo divisit inter lucem, & tenebras, quia lucem fecit, cuius absentia tenebra vocantur. Interest autem inter lucem, & tenebras, sicut interest inter vestimentum, & nuditatem, inter plenum, & inane, & similia. Ita S. Augustinus, lib. de Genesi. ad litt. imperfecto, cap. 5.

Lucem ergo, quæ tenebras fugavit, appellavit diem, & tenebras noctem. Non enim quæcumque lux est dies, sed solâ, quæ ex præsentia Solis fit: sicut nec quæcumque tenebræ sunt nox, sed illæ tantum, quæ ex absentia Solis consequuntur. Lucem autem dico diem (inquit S. Augustinus loco citato, cap. 6.) & tenebras dico noctem, ne aliquam aliam lucem intelligas, quæ non sit dies; & ne aliquas alias tenebras intelligas, quæ non sint nox.

XXXVIII. Factumque est vespere, & mane dies unus. Dies scilicet naturalis constans luce, & tenebris, seu die artificiali, & nocte, qui spatio viginti quatuor horarum absolvitur: unde Basilii, Homil. 2. in Hexaemeron, ait: Viginti quatuor horarum mensura unius diei est spatium: vel cæli ab eodem signo ad idem reditus, uno die peragitur. Præmissi autem vesperam, deinde mane; non quia dies ille à vespere cæperit (cæpit enim à productione lucis, quam vocavit diem, artificialem scilicet, causatum ex motu lucis solaris, quæ tunc moveri cæpit motu diurno, ut probabilius iudicavimus cum D. Thom.) sed quia, cum jam nominasset lucem diem, finem illius diei per vesperam, & noctem, & mane,

ut initium diei sequentis, sicque integram diem naturalem voluit indicare. Itaque (inquit Basilii laudatus) Ut prioris generationis prerogativam diei tribueret, prius commemoravit finem diei deinde noctis, velut insequente diem, nocte. Et Ambrosius, lib. 1. Hexaemeron. cap. 10. ait: Quasunt aliqui, cne prius vesperam, postea mane Scriptura memoraverit, ne forte noctem prius quam diem significare videatur. Nec advertunt primò, quod præmiserit diem dicendo: & vocavit Deus diem lucem, & tenebras vocavit noctem: Deinde quod vesper finis diei sit, & mane finis noctis. Et post aliqua: Principium ergo diei, vox Dei est: Fiat lux, & facta est lux. Finis diei vesper est. Jam sequens dies ex noctis sine succedit. Sententia autem Dei evidens, quia diem primò vocavit lucem, & secundò vocavit tenebras noctem. Præclarè etiam unum, non primum diem dixit (dies unus) Nam secuturo secundo, & tertio die, & deinceps reliquis primum potuit dicere, & hoc ordinis videbatur. Sed legem statuit, ut viginti quatuor hora diurna, atque nocturna diei tantum nomine definiantur, ut si diceret: viginti quatuor horarum mensura, una unius diei tempus est. Sicut enim vivorum generatio computatur, & intelligitur etiam fœminarum, quia nescitur secunda potioribus: ita etiam dies numerantur, & noctes asstantur adiuncta. Sicut ignis circuitus unus, ita dies unus. Ita præclarè Ambrosius.

XXXIX. Nec movere debet, quòd S. Thomas 1. 2. par. qu. 61. art. 6. ad 4. & qu. 8. de Veritate art. 16. ad 2. dicat primam diem habuisse vesperam, & non mane. Nam ibi loquitur Sanctus Thomas in opinione D. Augustini accipientis Vesperam spiritualiter, nempe pro cognitione vespertina, quæ res creatas Angeli primò cognoverunt in suis naturis; & Mane pro cognitione matutina, quæ primo cognoverunt in Verbo: & quia cognitio vespertina præcessit matutinam, ideo dicitur in prima die commemorari vesperam, sed non mane. Angelus (inquit quæst. cit. de Verit.) in principio sua creationis

H 2

non

non fuit beatus, nec per offensam Verbum vidit. Unde nec cognitionem matutinam habuit, sed primo habuit vespertinam, & ex vespertina profecit in matutinam. Unde signanter primus dies mane non dicitur habuisse, sed primò vespere, quod vespere transiit in mane; quia lux illa spiritalis, qua primo die facta dicitur, scilicet substantia Angelica. Nam facta seipsam cognovit, quod fuit cognitionis vespertina; & hanc cognitionem retulit ad laudem Verbi, in quo facta est ei cognitio matutina: & propter hoc dicitur, Gen. 1. Factum est vespere, & mane &c. Verum in secundo Dist. 13. qu. 1. art. 4. ad 1. relata Augustini sententia, quid sibi probabilius videatur exponens. ait: *Alii dicunt, quod prius tempore fuit opus creationis, & postea per aliquod temporis intervallum formata est lux: & tunc dies primo incipit. . . . & hoc quidem magis consonat litteræ Genesis secundum suum sensum planum.*

XL. Quæres primò. Quantum temporis illæ tenebræ lucis exortum antecesserint?

Respondeo, sex horas coniectare aliquos, alios duodecim. Sed nihil certi. Solus ille certò novit, qui fecit, & sic fecit, quia voluit. Principiis jam statutis, & Scripturæ conformis videtur, quòd cum fiat sermo de diebus realibus, non intelligibilibus, & metaphoricis; ita tenebræ realiter præcesserint lucem, vel tempore, vel uno saltem momento: sic ut immediatè sequenti, vel tempore, vel momento post tenebras lux affluerit; & aliqua reali duratione cælum, & terra fuerint sub tenebris sine luce, deinde secuta sit lux. Porro tempus, vel momentum, quo mundus fuit sub tenebris ante lucis formationem, non potuit dici nox. Quamvis enim Hilarius, lib. de Synodis, ita sentiat. & proinde existimet, noctem præcessisse diem. Sed contrarium tenendum videtur cum Basilio, & Ambrosio citatis, quibus adhæret S. August. tùm lib. de Genes. ad litt. imperf. cap. 6. tùm Sermone 221. alias 79. de Diversis. Non enim omnes tenebræ sunt nox, sed illæ quas præcessit dies; seu nox est lux,

& tenebræ certis inter se vicibus ordinatæ, seu tenebræ succedentes luci diurnæ.

XL. Quæres secundò. Quis fuerit ille primus dies conditionis mundi?

Respondeo: fuisse diem correspondentem diei Dominico. Si enim dies Sabbati fuit septimus, quo Deus requievit ab opere; clarum est, quod primus fuerit dies Dominicus, qui post Sabbatum est octavus, & ante Sabbatum primus. Hoc Episcopi in Concilio Palæstino sub Victore Papa congregati, cuius extat fragmentum, apud Bedam, se credere secundum Scripturam veritatem professi sunt. Sed hæc satis.

### DUBIUM III.

#### De Opere secundæ Diei.

##### §. 1.

*Quid nomine Firmamenti Moyses intellexerit.*

I. **O**Pus secundæ diei sic describitur a Moysè, Gen. 1. v. 6. 7. & 8. *Dixit quoque Deus: Fiat firmamentum in medio aquarum: & dividat aquas ab aquis. Et fecit Deus firmamentum, divisitque aquas, quæ erant sub firmamento ab his, quæ trans super firmamentum. Et factum est ita. Vocavitque Deus firmamentum cælum. Et factum est vespere, & mane, dies secundus. Duo hic negotium facessunt. Unum, quid nomine firmamenti Moyses intellexerit; alterum, quid sint aquæ, quæ supra firmamentum esse dicuntur.*

II. Quod græcè *Sterome*, id est latine *Firmamentum* dicitur. hebraicè *Rabib*, id est *Expansum* sive *Extensum* legitur; quo indicatur, firmamentum esse aliquid expansum, & extensum, solidum tamen in medio abyssi, seu vastitatis à terra usque ad cælum peringentis positum, ceu murum dividens aquas inferiores à superioribus. Quod ergo sit hoc firmamentum, quæ-

he-



flerunt Veteres, quærent & Recentiores nec adhuc cuiquam invenire, ac pro certo statuerè datum est.

III. Aliqui firmamentum putant esse illudmet cælum, quod in exordio libri Genesis conditum dicitur; cui hac secundâ die novum attribuitur officium dirimendi aquas superiores ab inferioribus. In hanc sententiam propendit S. Jo. Chrysostomus, *Homil. 4. in Genes.* quam velut probabilem admittit D. Thomas, 1. *Par. qu. 68. art. 1.* dicens, quod si nomine firmamenti intelligatur cælum, eum hoc sit secundum suam naturam incorruptibile, ejus materia non potest subesse alteri formæ, nec potuit fieri ex materia prius existente. Unde productio substantia firmamenti ad opus creationis pertinet. Sed aliqua formatio ejus... pertinet ad opus secundæ divi. Sicut etiam Dionysius dicit, 4. *cap. de Divin. Nomin.* quod lumen Solis fuit in forme in primo triduo, & postea fuit in quarta die formatum.

IV. Alii nomine firmamenti intelligunt cælum sydereum, quod secundo die creatum dicunt. Cui opinioni favent S. Basilus, *Homil. 3. in Hexameron.* S. Gregorius Nyssenus, *lib. 1. contra Eunomium.* S. Ambrosius *lib. 2. in Hexameron* cap. 4. & Theodoretus, *Qu. 21. in Genesim.* Qui duos cælos agnoscit: unum luce prius, alterum vero factum post lucem; & illud quidem non ex aliqua alia materia, sed ex nihilo creatum; hoc autem ex aqua formatum, & ideo vocatum firmamentum. Si quidem eum ex aquarum fluida substantia compositum sit, & natura fluida condensata, & consolidata fuerit, firmamentum nomenclatum est. Deinde quia sursum collocatum est, prioris cæli usum commoda nostro perficiens, cæli nomen sortitum est. Quibus videtur Theodoretus asserere, hoc cælum, quod est firmamentum, esse de natura elementari secundum opinionem Empedocli, vel Platonis, vel Aristotelis; quam refert, & improbat D. Thomas, hæc *Qu. 68. art. 1.* cùm cælum debeat esse naturâ incorruptibile.

V. Alii propterea firmamenti nomine intelligunt totam hanc regionem

aeris, quæ a terra usque ad nubes, imò usque ad cælum (quantum nostro adfpectui patet) porrigitur, ac totam mundi oram circumquaque ambit. Hanc D. Thomas laudatus sic exponit. *Potest autem & alio modo intelligi, ut per firmamentum, quod legitur secunda die factum, non intelligatur firmamentum illud, in quo fixa sunt stellæ, sed illa pars aeris, in qua condensantur nubes; & dicitur firmamentum propter spissitudinem aeris in parte illa. Nam quod est spissum, & solium, dicitur esse corpus firmum.* Et addit: *Secundum hanc opinionem nihil sequitur repugnans entiumque opinioni.*

Hanc expositionem refert, & laudat S. Augustinus, *lib. 2. de Genesi ad litt. cap. 4.* dicens: *Laudabilis & conatus est quidam demonstrare aquas super cælum. Et primum quidem, quod facilitum fuit, ostendit, & hunc aerem cælum appellari, non solum ferme communi. Secundum quem dicimus firmum, vel nubilum cælum, sed etiam nostrarum ipsarum consuetud. in Scripturarum; cùm dicuntur Volatilia cæli, eum aves in hoc aere manifestum sit volare, & Deminus eum de nubibus loquatur: Faciem, inquit, cæli potestis probare, nubes autem etiam per proximum terris aerem conglomerari sape cernimus, eum per declivia jugorum ita recumbunt, ut pluviumque excedantur etiam eorumminibus montium. Cùm ergo probasset, hunc aerem cælum dici, nullâ aliâ causâ etiam firmamentum voluit existimari, nisi quia intervallo ejus dividit inter quosdam vapores aquarum, & illas aquas, quæ corpulentius in terris stant. Hanc ergo diligentiam, considerationemque laude dignissimam judico. Quod enim dixit, neque contra fidem est, & in promptu posito documento credi potest. Ita exponit, approbat, & rationibus munit hanc opinionem S. Augustinus. Consentit S. Hieronymus, *Epist. 82. alias 83. ad Oceanum* dicens: *Inter cælum, & terram medium existit firmamentum.* Adeo quoque congruentia; nam Moyses populari ratione loquendi usus fuisse credendus est; atque popularis loquendi modus fert, ut aer cæli nomine nuncupetur; ergo &c.*

VI.

VI. In hanc propendere videtur S. Thomas, hac *Qu. 68. art. 1.* ut videmus. Unde ad primum observat, quod firmamentum non dicitur absolute cælum, sicut absolute dicitur cælum, quod primâ die creatum fuit: sed dicitur *vocatum* cælum, sicut lux dicitur vocata dies, quod indicare videtur, firmamentum non esse natura cælum, sed solum appellatione, & æquivoce cælum; sicut nec lucem esse natura, sed appellatione diem. Unde ait: *Per firmamentum verò secunda die factum intelligitur spatium aeris, in quo nubes condensantur, quod etiam calum æquivoce dicitur. Et idè ad æquivocationem designandam, signanter dicitur: Vocavit Deus firmamentum cælum, sicut & supra dixerat: Vocavit lucem diem, quia dies etiam pro spatio viginti quatuor horarum ponitur.*

VII. Huic opinioni, quæ apud Recentiores videtur communior, & nos subscribimus, & dicimus: Firmamentum esse spatium illud pro illa parte, qua illam aeris regionem complectitur, in qua nubes condensantur. Tum propter spissitudinem aeris in parte illa, quod enim est spissum & solidum, dicitur firmum. Tum quia est veluti firmus quidam limes interiacens inter aquas superiores, & inferiores. Regulam tamen præ oculis habentes, quam ex D. Augusti. lib. 1. de Genes. ad litt. cap. 18. & lib. 12. confess. cap. 23. & 24. nobis præscribit S. Thomas laudatus, nempe, quod *In huiusmodi questionibus duo sunt observanda. Primo quidem, ut veritas Scriptura inconcensè teneatur. Secundo cum Scriptura divina multipliciter exponi possit, quod nulli expositioni aliquis ita præiudicet inhaereat; ut, si certa ratione constiterit, hoc esse falsum, quod aliquis sensum Scriptura esse crederet, id nibilominus asserere præsumat: ne Scriptura ex hoc ab infidelibus derideatur, & ne eis via credendi præcludatur.*

VIII. Quod negotium facessit, est primo: quod quarta die, v. 17. productis luminaribus, Sole, Luna, & stellis, dicitur: *Et posuit eas in firmamento cæli, ut lucerent super terram.* At eas non posuit in aere expansio, vel exten-

so; ergo nomine firmamenti non venit aer extensus.

Secundo. De volatilibus: v. 20. dicitur, quod sint. *Sub firmamento cæli:* si autem firmamentum esset aer a terra expansus ad cælum, non essent *sub*, sed *in* firmamento.

Tertio. Daniel. 3. v. 18. & sequent. ubi excitantur quasi per gradus creaturæ omnes ad benedicendum Domino; statim post Angelos, & cælos ponuntur aquæ supra cælos, deinde Sol, Luna, & stellæ, ac separatim imbres, & rores, ac cætera aeris meteoræ; ergo aquæ quæ supra firmamentum esse dicuntur, non sunt supra nubes, sed supra Solem, Lunam, & stellæ.

IX. Respondetur tamen. Ad primum dico: Solem, Lunam, & stellæ positas fuisse in firmamento, non secundum substantiam, sed secundum illuminationem; *Ut luceant scilicet in firmamento cæli, & illuminent terram.* Quo fit; ut licet præfata luminaria in cælo verè sint, cum tamen ratione lucis, quam per universam aeris regionem a cælo usque ad terram diffundunt, nostris obtutibus appareant, ac si in suprema aeris regione sint, quæ est superior firmamenti pars; Moyses, qui volebat narrationem suam ad sensum vulgi accommodare, ita ea descriperit, ac si per hoc spatium decurrens inter cælum, & terram volverentur. Et hac ratione dicimus, Solem esse in nostro hemisphærio, quando in eo lucet, in eoque conspicitur. Porro quod Moyses ad populi sensum, ac existimationem sese demittere voluerit, apparet, quod opus quartæ diei commemorans, Lunam appellaverit luminare magnum: *Fecitque Deus (inquit) duo luminaria magna.* Cum tamen certis argumentis demonstrent Mathematici, Lunam syderibus plurimis esse magnitudine longe inferiorem.

X. Ad Secundum dico: volucres esse sub firmamento, & in firmamento, nimirum in parte inferiori, & sub parte superiori: sicut pisces dicuntur esse in aquis, & sub aquis, & etiam homines in aquis natantes; non quia habeant omnes aquas supra se, sed quia  
ita

ita sunt in aquis, ut aliquas sub se habeant, alias supra se, & Exod. 10. v. 4. quædam dicuntur esse in aquis sub terra, licet ea non sint, nisi sub aliqua parte terræ. Sic volucres sunt sub firmamento, quia sub nubibus volant, & in firmamento, quia per partem mediam volitant.

XI. Ad terram dico: Daniele. singulas creaturas excitare, non secundum situationem, quam in universo habent, sed secundum discretionem, quam unaquæque habet in natura ab aliis. Cujus signum est, quod imber, ros, pruina, gelu, & frigus, glacies, & nives, noctes, & dies, commemorantur ante lucem, & tenebras: cum tamen in exordio mundi prius fuerint tenebræ, postea lux, & lux diu ante glaciem, nivem, & imbrem. Adde, quod Psalm. 148. Sol, Luna, & stellæ, & lumen statim commemorantur post Angelos, ac postea aquæ, quæ super cælos sunt.

XII. Adverto: quod firmamentum hoc dicitur factum secundo die, non quod aer fuerit primò quoad substantiam productus; cum initio temporis unum cum aliis elementis creatus sit: sed quia tunc aer accepit, ut esset firmamentum, nimirum condensatus, ut posset esse quasi murus, & sepes dividens aquas ab aquis, easque in sinu suo concipiens, & continens, donec sit tempus, eas in terram effundendi per pluvias. Quare secundo die factum est, ut aer esset firmus quidam limes determinans aquas pluviales a terrestribus. Unde S. August. lib. 2. de Genes. ad litt. cap. 10. *Firmamentum* (inquit) *non propter stationem, sed propter firmitatem, aut propter intransgressibilem terminum superiorum, & inferiorum aquarum, vocatum intelligere licet.*

§. I I.

*De Aquis, quæ sunt super Firmamentum.*

XIII. **A** Quas esse supra firmamentum supponit Moyses, Genes. 1. v. 7. dum ait, Deum divisisse aquas, quæ erant sub firmamento ab

his, quæ erant super Firmamentum. Ex quibus verbis, teste Augustino, lib. de Hærese. cap. 73. quidam hæretici occasionem sumserunt dicendi, aquam non esse a Deo creatam, sed ipsi ex æternam; eo quod ibi rerum omnium creatio describitur, non dicitur, Deum creasse aquas, sed aquas jam existentes divisisse. Sed quamvis Moyses expressam mentionem creationis aquarum non fecerit, dum tamen dixit terram a Deo creatam, nomine terræ reliqua elementa complexus est, & maxime elementum aquæ, ut potest terræ maxime affine. Expressè autem aqua creata dicitur Psalm. 88. v. 12. *Mare tu creasti*. Psalm. 148. postquam invitantur ad laudandum Dominum cæli, & aquæ omnes, quæ super cælos sunt, additur v. 5. *Quia ipse dixit, & facta sunt, ipso mandavit, & creata sunt.* Et tandem tres pueri excitantes opera Domini ad ei benedicendum, inter ista aquas recenset Daniel. 3. v. 60. *Benedicite aqua omnes, quæ super cælos sunt* . . . v. 77. *Benedicite fontes Domino . . . Benedicite maria, & flumina Domino.* Hoc ergo supposito.

XIV. Quod aliquæ aquæ supra cælos, seu supra firmamentum sint, nimis aperte, & constanter Sacræ litteræ doceant; ut quamvis, quænam sint illæ aquæ Deo soli certum sit, aliquas tamen aquas super cælos esse negari non possit. Unde S. August. lib. 2. de Genes. ad litt. cap. 5. *Quoquo autem modo* (inquit) *& qualeslibet aqua ibi sint, eas esse ibi minimè dubitemus: major est quippe Scriptura hujus auctoritas, quam omnis humani ingenii capacitas.*

XV. Multas de hujusmodi aquis supra cælos positæ referunt opinioniones D. Augustinus, lib. 2. de Genes. ad litt. cap. 2. & sequent. Qui nomine firmamenti cælum sydereum intelligebant, veritas aquas super illud vix admittere inducebantur. Non enim videretur, aiebant, quomodo sublime illud cælum aquarum pondus ferre possit, nisi fingamus illud tanquam quoddam pavimentum solidum; soliditas autem terræ quidem propria est, non cæli. Si ergo in cælo soliditas non est, aquæ illæ suo pondere.

dere ruent: eo vel maximè, quod cùm cælum illud sit igneum, si aer, qui est multo levior aqua, supra ignem locum habere non potest, ut experientia constet ex conatu, quo ignis aerem transcendere nititur: multo minus aqua supra ignem locum habebit.

Quod si dicatur: aquas illas tenuissimas esse, & ad modum vaporis subtilissimi; sicut ergo potest aqua, ut videmus in minutissimas particulas evaporari, ut super aerem istum, qui naturâ levior est aquis, feratur: cur non poterit, & super illud levius cælum minutioribus guttis, & levioribus immanere vaporibus?

Respondent: hoc fieri non posse, quia cùm stella, quam vocant Saturni, sit frigidissima, aqua supra illam posita, non vaporali tenuitate, sed glaciali potius frigiditate consisteret. Sed ab eis quærebatur: Unde illa stella sit frigida, qua tanto ardentior esse deberet, quanto sublimiore color capitur. Nam procul dubio, cùm rotunda moles circulari motu agitur, interiora ejus tardius eunt, exteriora celerius. . . . Proinde memorata stella magis debuit calida esse, quàm frigida. Plura videre poterit apud S. August. loco citato Studiosus.

XVI. Quod aquæ vaporabiliter resolutæ eleventur supra cælum sydereum inverisimile, imo omnino impossibile judicat D. Thomas 1. Par. qu. 68. art. 2. Tàm propter soliditatem cæli. Tàm, propter regionem ignis mediam, qua bujusmodi vapores consumeret. Tàm quia locus, quo feruntur levia, & rara, est infra concavum orbis Luna. Tàm etiam, quia sensibiliter apparet, vapores non elevari usque ad cacumina quorundam montium. Quod etiam dicunt de rarefactione corporis in infinitum, propter hoc, quod corpus est in infinitum divisibile, vanum est. Non enim corpus naturale in infinitum dividitur, aut rarefit, sed usque ad certum terminum. Hæc D. Thomas.

Neque dicere valet, quod aquæ, quamvis sint naturaliter graves, virtute tamen divina super cælos continentur. Nunc enim (ait August. lib. 2. de

Genes. ad litt. cap. 1. apud D. Th. laudatum, ad 1.) quomodo Deus instituerit naturas rerum, secundum Scripturam ejus nos convenit quærere; non quid in eis, vel ex eis ad miraculorum potentia sua, velit operari.

XVII. Origenes, referente eodem. D. Th. loco relato, in corp. existimavit: Quod aqua illa, quæ super cælos sunt, sunt spirituales substantia. Unde in Psalmo 148. dicitur: Aquæ omnes, quæ super cælos sunt, laudent nomen Domini. Et Dan. 3. Benedicite aquæ omnes, quæ super cælos sunt.

Sed contra est primò. Quia aquæ inferiores, de quibus ibi; Gen. 2. agitur, sunt corporeæ; ergo idem judicium ferendum est de aquis superioribus. Secundò. Quia hæc expositio minus accommodata est ad caprum populi rudis, cui Moyses scribebat, & aliena a narratione historica. Tertio. Quia S. August. licet lib. 13. Conf. cap. 15. & 32. eam non improbasse visus sit, eam tamen rejecit, lib. 2. Retract. cap. 6. dicens: Et in lib. 13. quod dixi: firmamentum factum inter spirituales aquas superiores, & corporales inferiores, non satis consideratè dictum est. Res autem in addito est valde.

Nullus autem momenti esse rationem, qua utebatur Origenes, ostendit D. Thomas, ibi ex S. Basilio, Homil. 3. in Hexameron: Nam quod dicitur, Psalm. 148. & Danielis 3. Non dictum, eo quod aqua sint rationales natura; sed quia, consideratio earum prudenter a sensum habentibus contemplata, glorificationem perficit Creatoris. Unde ibidem dicitur idem de igne, & grandine, & bujusmodi, de quibus constat, quod non sunt rationales creatura.

XVIII. Quid autem nos sentiamus, absque verioris expositionis præiudicio, ex dictis §. præcedenti apparere potest. Cùm enim firmamentum collocaverimus in ea aeris regione, quæ a terra, & aquis expanditur, & in ea præsertim parte, in qua condensantur nubes, ubi aer propter spissitudinem firmior dicitur, & est; consequenter etiam dicimus, quod aquæ, quæ

su-

super cœlos sunt, recte intelliguntur esse ejusdem rationis, seu speciei cum elementaribus; nimirum aquarum terrestrium vapores tenuissimos, qui posita in nubes condensati pluviam efficiunt. Id enim & historica narrationi simpliciter congruit, & nihil habet repugnans veritati: imò ut supra, §. precedenti, num. 5. ostendimus, à D. Augustino laudatur. Et S. Thomas licet hoc expressè non affirmet, eam tamen sic proponit, hæc Qu. 68. art. 1. in corp. & ad 1. quod, §. precedenti, nu. 5. & 6. observavimus, ut potius eam probare videatur. Et maxime, Quodlibeto 4. art. 3. ubi cum S. Augustino, lib. 2. de Genes. ad litt. cap. 4. concludit: Hanc considerationem dignissimam iudico: quod enim dicitur, neque contra fidem est, & in promptu posito documentum credi potest. Verum quidem est, quod S. Doctor nulli ex duabus opinionibus de aquis supra cœlos, five per cœlos sumatur cœlum sydereum, five aer nubilus; five per aquas quodcumque corpus diaphanum, five aquæ veræ elementares intelligantur; aded ut cuicunque liberum relinquat, pro ut libuerit, opinari.

XIX. Quod ergo aquæ super cœlos posita, aquæ pluviales in nubibus contentæ sint, valde verisimile redditur ex eo, quod Genes. 7. v. 11. *Cataracta cœli aperta dicuntur*; quod de illis aquis, quæ supra firmamentum sunt, par est intelligi: eo autem, capite sermo est de materia aquea in nubibus existente: ergo aquæ, quæ super cœlos sunt, recte intelliguntur illæ, quæ sunt in nubibus. Maxime quia, Job. 26. v. 8. legitur: *Qui ligat aquas in nubibus suis, ut non erumpant pariter æoribus*.

XX. Rursus. Scriptura affirmat, Deum regere superiora cœli aquis. Psalm. 103. v. 3. *Qui tegit aquis superiora ejus*, idest cœli: deinde statim subditur: *Qui ponit nubem ascensum suum*. Et Psalm. 146. v. 8. legitur: *Qui operit cœlum nubibus, & parat terra pluviam*; ergo aquæ superiora cœli regentes, & cœlum operientes sunt aquæ pluviales contentæ intrâ nubes.

Tom. V.

Quod & Jeremias indicavit: tum, cap. 10. v. 13. ubi Deus, inquit: *Ad vocem suam dat multitudinem aquarum in cœlo, & elevat nebulas ab extremitatibus terra*. Tum, cap. 51. v. 16. ubi de Deo ait: *Dante eo vocem, multiplicentur aqua in cœlo, qui levat nubes ab extremo terra*. Aquæ ergo, quæ in cœlo, seu super cœlum sunt, nubes a quorû, seu aquæ in nubibus contentæ rectè existimari possunt.

XXI. Hinc faciliè explicatur, quæ ratione firmamentum, idest aer, dividat aquas ab aquis; quia vapores, seu nubes medio aere dividuntur ab aquis, quæ in terris fluunt. Ita S. Thomas, hæc Qu. 68. art. 3. secundum hanc opinionem loquens: *Der vero (inquit) nubilofus distinguit superiorem aeris partem, in qua generatur pluvia, & hujusmodi impressiones, ab inferiori parte aeris, qua aqua continetur, & sub nomine aquarum intelligitur*.

Quomodo autem hæc divisio primo facta sit, explicari potest sic. Ab initio mundi terra fuit quasi nebula tecta. Die autem secundo vapores aqueos ab aquis inferioribus, & terrestribus Deus separavit; & fecit, quod aer esset medius inter utraqûe illas aquas; eique dedit munus firmamenti, hoc est firmiter, ac stabiliter sustinendi aquas illas, seu vapores in ea parte, qua nubes conerescunt, nec cum aquis inferioribus misceantur. Quamvis ex aquis superioribus aliqua pars per pluviam defluat in terras, & aquis inferioribus misceatur; non sic tamen misceantur, ut tollatur firmamentum, hoc est aeris interstitium. inter utraqûe medium: semper enim manent in superioribus alique, & novæ ascendent aquæ, seu vapores eâ abundantia; ut semper verum sit, esse ibi aqueos vapores, & proinde aquas super aquas. Sed de his satis.

I

§. III.

## §. I I I.

## Numerus Colorum.

**Q**Uærit Divus Thomas, *art. 4. quæst. 68.* Utrum sit tantum unum cælum.

XXII. Supponit S. Doctor, cælum tripliciter dici in Scripturis, nimirum propriè, & naturaliter. Secundo, per participationem alicujus proprietatis cælestis corporis. Tertiò, metaphoricè.

Quoad primum respondet: Chrysostomus, *Homil. 4. in Genesim*, unum tantum cælum propriè, & naturaliter tale admisisse; Basilium vero, *Homil. 3. in Hexameron*, & Damascenum, *lib. 2. Fidei orb. cap. 6.* plures cælos admisisse. Hanc tamen diversitatem magis in voce, quàm in re sitam esse, existimat S. Thomas. Nam Chrysostomus unum cælum nominat totum corpus, quod est supra terram, & aquam. Nam etiam aves, quæ volant in aere, propter hoc dicuntur volucres cæli. Sed quia in isto corpore sunt multa distinctiones, propter hoc Basilium posuit plures cælos.

XXIII. Tres ergo esse cælos asserit D. Thomas. Primum totaliter lucidum, quod vocat Empyreum. Secundum totaliter diaphanum, quod dicitur cælum aqueum, & Chrysellinum. Tertium partim diaphanum, & partim lucidum actu, quod dicitur cælum Sydereum, & hoc dividitur in octo Sphæris. Nempe in Sphæram stellarum fixarum, & in septem Sphæras Planetarum; & secundùm hanc divisionem dici possunt decem cæli, nempe Lunæ, Mercurii, Veneris, Solis, Martis, Jovis, Saturni, cælum Sydereum. Cælum aqueum seu Chrysellinum, & cælum Empyreum. His multi addunt Injecinum, medium inter Empyreum, & Chrysellinum, illo inferius, superius isto, quod vocant Primum Mobile; ad quod redeunt motum diurnum, qui est de Oriente in Occidentem. Ita D. Tho. in 2. *Dist. 14. quæst. 2. art. 2.* illud vocans Sphæram decimam.

Quoad secundum respondet: cælum per participationem alicujus proprietatis corporis cælestis, seu verius abstrahens a cælo partim propriè, & per participationem dici: & sic triplex asseritur a Damasceno citato, nempe *Aerum*, & est totum spatium ab aquis usque ad orbem Lunæ; *Sydereum*; & aliud *Superius*, de quo intelligitur quod Apollonius legitur: *Raptus usque ad tertium cælum*; & hoc complectitur nonum, decimum, & undecimum.

Quoad Tertium respondet: cælum metaphoricè pro sublimitate, & luce accipi. Hoc modo Sanctissima Trinitas ejusque sublimitas cælum dicitur, quo tetenderunt verba Diaboli, *Itaie 14. Ascendam in cælum*, id est ad æqualitatem Dei. Bona etiam spiritualia, quibus Sancti remunerantur, cæli dicuntur, *Matth. 5. Merces vestra est in cælis*. Visiones quoque supernaturales, sive corporales, sive imaginariæ, sive intellectuales cælum dicuntur; de quibus August. *lib. 12. super Genes. ad litt. cap. 20. & 34.* exponit Pauli raptum usque ad tertium cælum.

## U D B I U M I V.

## De Opere Tertii Diei.

## §. I.

*Aquarum Congregatio in Locum unum.*

**I.** **O**Pus tertie diei ita describit Moyses, *Gen. 1. v. 6. &c. Dixit vero Deus: Congregentur aquæ, quæ sub caelo sunt, in locum unum: & appareat arida. Et factum est ita. Et vocavit Deus aridam, Terram, congregationemque aquarum appellavit Mariam. Et vidit Deus, quod esset bonum. Et ait: Germinet terra herbam viuentem, & facientem semen. & lignum pomiferum faciens fructum juxta genus suum... Et factum est ita. Et protulit terra herbam viuentem... Et vidit Deus, quod esset bonum. Et factum*

*Autem est vespere, & mane, dies tertius.* Itaque separatim secunda die aquis superioribus ab inferioribus, ut dictum est, cum aquae inferiores undequaque terram cooperirent, ac inundarent, quae propterea invisibilis adhuc erat, & incomposita; volens Deus terram apparere, & preparare, ut congrua esset hominum habitatio; iussit, aquas congregari in locum unum, & à terra recedere, ac deinde terram germinare herbas, & plantas, ejusque imperium opere impletum est. Statim enim aquae recesserunt in locum, apparuit terra, & plantas, herbasque germinavit.

II. Quæres primo: quis sit ille locus, in quem illæ aquæ congregatæ sunt?

Respondetur: esse, vel terræ cavitates, quibus maria continentur; vel meatus subterraneos, quibus maria invicem communicare perspicuum est; vel tandem ipsam terræ superficiem, ad quam, ad eam irrigandam, aquæ decurrunt.

III. Quæres secundo: quomodo hoc factum sit? Si enim omnia terræ loca etiam concava, & ima aquis erant occupata, & plena, quò ad imperium Dei se recipere poterunt aquæ, ut à terra discederent?

Varie respondent Patres. Primò, hoc factum fuisse, quia aqua, quæ primò erat rarior, & ad instar nebulae terram cooperiebat, postea fuerit condensata, servata tamen sua naturali proprietate. Hanc responsonem indicat S. Augustinus, lib. 1. de Genesi, ad litt. cap. 12. ubi, repudiata opinione dicentium, aquas in altum congregatas fuisse. *Sicut fit, cum ad ventilandum in area messis trita subrigitur, & congesta in aggerem nudat locum, quem diffusa contexerat;* quia campos maris constat æquabiliter esse fufos: *Qui etiam, cum aqua fluctuantis quidam velut montes eriguntur, sedatis rursus tempestatibus complanantur, quin terram iterum cooperiant,* quærit: Cum autem totam omnino terram undosa natura cooperiret, quò cederet, ut nudaret aliquas partes? Deinde subdit: *An*

*fortè rarior aqua, velut nebula, terras tegebat, qua congregatione spissata est, ut ex multis eas partibus, in quibus arida posset apparere, nudaret?* Sed quia adhuc assignandus erat locus, in quem aquæ condensatæ confluerent: ideo

IV. Respondet secundo, terram præbuisse aquis illas concavitates, in quas se recipere. *Quamquam* (inquit) *& terra longè, latèque subsistens, potuit alias partes præbere concavas, quibus confluentes, & currentes aquae reciperentur, & appareret arida ex his partibus, unde humor abscederet.*

Huic responsoni subscribit S. Basiliius, Hom. 4. in Hexameron, ubi quærens: *Quò igitur, concavis jam oceanis, collectura se erant aquæ?* dicit: *Ad hoc sanè respondebimus, preparata tunc fuisse receptacula, cum aquam operteret in unam secereri coarctationem. Neque enim erat illud, quod est extrinsecus mare, neque magnum illud, & horrendum navigantibus pelagus, sed postquam Dei mandato instructus est locus, tunc in ipsum se recipere aquarum copia.*

Quomodo autem ista receptacula, seu cavitates statim fieri potuerint, Deus novit. Per ipsius terræ dilatationem sentiunt, & dissolutionem senserunt aliqui teste S. Ambrosio, lib. 3. in Hexameron, cap. 3. ipsa aquarum, concitatarum vi terram fuisse excavatam. *Potuit etiam* (inquit idem Sanctus Ambrosius) *ipsa aquarum vis profundiora ea facere, qua infederat, tanto fluctuum motu, tantoque astu concitatoris elementis, qui quotidie ima pelagi torquere, & arenas vertere solet de profundo.* Dicunt alii Recentiores, quod tellus ipsa, quæ antea definebat in æquabilem omni ex parte sphaeram, in pluribus sui partibus altius depressa, & in immensum excavata est. Hincque factum est, ut aliæ illius partes in ingentem altitudinem elatæ sint, indeque surrexerint montes, qui quasi terræ tumores extiterint. Ita Jueninus, Instit. Theol. par. 3. disert. 2. de Universi. producit. q. 3. Dicit etiam posse existimare, cavitates illas fuisse ab initio una cum terra productas, sed

quodam terreo quasi tegmine cooper-  
tas; quæ ad imperium Dei, fractio teg-  
mine, aquas in se confluens tertia  
die receperint.

V. Quæres tertio: quomodo di-  
xerit Moyses, aquas fuisse congregatas  
in unum locum, cum plura sint aquarum  
receptacula, maria, lacus, paludes?  
&c.

Respondeo primò cum S. Basilio,  
*Homil. 4. in Hexaëmeron*, Moysen non  
omnes omnino particulares aquarum  
coacervationes, sed maximam, & præ-  
cipuam congregationis nomine indi-  
casse. Non ergo (inquit) quaslibet aqua-  
rum coacervationes congregationis appel-  
latis indicat, sed præcipuam, & maxi-  
mam, in qua totum elementum coacer-  
vatum ostenditur. Sicut ignis dicitur in  
æthere, vel sua sphaera congregatus,  
quamvis multæ ignis inibi tæ nostru-  
li deferviant; & aer, qui acervatim  
loca terræ adjacentia occupavit, in-  
exiguas tamen partes per terrestria  
corpora distribuitur: Ita & in aqua  
tameis parva quadam collectiones fue-  
runt separata, tamen una est congrega-  
tio, quæ totum à cæteris segregat ele-  
mentum.

VI. Respondeo secundò. In ista  
sententia: *Congregentur aqua in locum  
unum*, locum unum intelligi debere dis-  
tributivè, hoc est, in suum quemque  
locum, vel confusè, perinde, ac si di-  
ceretur: singulæ aquarum coacervatio-  
nes congregentur in aliquem locum à  
loco terræ diversum, unaquæque in su-  
um. Sicut si diceretur: omnes homines  
habent suum caput, non esset sensus,  
quod omnium hominum fieret unum  
caput; sed quod unaquæque hominum  
congregatio suum caput, qui eam re-  
geret, haberet: ita in casu de aquis.  
Unde signanter dicitur: *Congregationes  
aquarum* (non dixit congregatio aqua-  
rum) ut indicaret esse plures congre-  
gationes, non unam; nec dixit *mare*,  
sed *maria*.

VII. Quæres quartò: cur dixit  
Moyses: *Et appareat arida*, non & *ap-  
pareat terra*?

Duplici de causa inquit S. Basilius,  
*Homil. 4. in Hexaëmeron*. Primò: Ne

isterum ipsam ostendat incompositam, ra-  
nosam, aqua immixtam, nec dum propria  
forma, aut virtute indutam. Secundò:  
Simul etiam, ne ariditatis causam Soli  
attribueremus, terra ariditatem genera-  
tione Solis effectis Opifex vetustiore; ut  
agnosceremus, ariditatem esse terræ  
propriatam. Eodem modo respon-  
det S. Ambrosius, lib. 3. *Hexaëmeron*.  
cap. 4.

## 6. I I.

### *Germinatio Herbarum, ac Plantarum.*

VIII. Singularis S. Augustini senten-  
tia fuit, arbores, & plantas,  
tertia die casualiter solum, & in semine  
productas fuisse. Ita lib. 5. de *Genesi*.  
ad list. cap. 4. Ubi post multa: *Causaliter  
ergo* (inquit) tunc dictum est, produ-  
xisse terram herbam, & lignum, id est  
producendi accepisse virtutem. In ea,  
quippe jam tanquam in radicibus, ut ita  
dixerim, temporum fracta erant, quæ per  
tempora futura orant.

IX. Verum reliqui Patres, Basilius,  
*Homil. 5. in Hexaëmeron*, Ambrosius, lib.  
3. in *Hexaëmer. cap. 8*. Chrysostomus,  
*Homil. 5. in Genesim* oppositum sentiunt;  
nimirum, terram non solum virtutem  
producendi tunc accepisse; sed actu fla-  
tim protulisse omnes herbarum, & plan-  
tarum species, easque adultas, & vel  
omnes, vel saltem aliquas cum maturo  
fructu. Et hæc sententia magis congruit  
narrationi Moysis, qui refert, quod fla-  
tim ac dixit Deus: *Germinet terra her-  
bam virentem &c. Protulit terra herbam  
virentem... lignumque faciens fructum,  
& habens unumquodque semen secundum  
speciem suam*. Inde, *Genes. 2. v. 5*.  
dicitur, quod Deus omnipotenti sua vir-  
tute *Fecit omne virgulum agri, ante-  
quam*, vi & modo naturali, *oriretur  
in terra, omnemque herbam regionis  
priusquam germinaret*, id est priusquam  
humano opere facta, Solis calore for-  
ta, Deo sic faciente, germinavit. Quare  
singulari Dei providentia hoc factum  
asserunt prælaudati Patres: futuri enim  
erant, qui germina terræ, & planta-  
rum fructus, sive labori hominum, sive

So-



Solis influxibus, five pluviis fecundantibus porius, quam Deo adjudicarent. Ad præciudendos ergo hos errores, ante opus hominis, ante pluviam, ante Solis productionem, terram germinare fecit herbas, plantas &c. ut ad Dei virtutem hæc omnia referrentur. Et propterea citato loco, ex *Genes. 1. v. 5.* additur: *Non enim pluerat Dominus Deus super terram, & homo non erat, qui operaretur terram: & sequenti die Solis, & luminarium productio narratur. Videantur relati Patres, ac præsertim, Chrysostomus, Hom. 5. in Genes. Et Ambrosius, lib. 4. in Hexameron cap. 1. & lib. 3. cap. 6.*

X. S. Thomas, etsi in venerationem S. Augustini probabilem admittit ejus sententiam, 1. *Par. qu. 69. art. 2.* hanc tamen amplectitur. Unde verba illa: *Antequam oriretur in terra, & antequam germinaret*, in quibus opinio Augustini fundatur, exponit sic: *Id est antequam ex similibus similia producerentur. Sicut nunc naturaliter fieri videmus secundum viam seminationis. Unde signanter Scriptura dicit: Germinet terra herbam virentem, & facientem semen: quia scilicet sunt producta perfecta species plantarum, ex quibus semina aliarum oriuntur. Nec refert, ubique habeas vim seminativam, utrum scilicet in radice, vel in stipite, vel in fructu.*

XI. Dices. Saltem tribuli, & spinæ, quæ, *Genes. 3. v. 17. & 18.* produci dicuntur in maledictione terræ, ob peccatum, ad tertiam die non germinarunt.

Respondet D. Thomas ibi ad secundum: quod Etiam ante illam maledictionem spina, & tribuli producti erant... sed non erant producti homini in præviam, vel scilicet terra, quam propter cibum coleret, infructuosa quadam, & noxia germinaret; unde dictum est: Germinabit tibi. Hanc responsionem hauserat ex S. Augustino, lib. 3. de *Genes. ad litt. cap. 18.* qui addit: *Non quod aliis locis hæc antea nascerentur, & post in agris, quas homo ad capiendas fruges coleret; sed & prius, & postea in eisdem locis, prius tamen non homini, post au-*

*tem homini, ut hoc significetur, quod additum est Tibi; quia non est dictum, spinas, & tribulos pariet, sed, pariet tibi: id est, ut tibi jam istaناس incipians ad laborem, quæ ad passum tantummodo aliis animalibus antea nascebantur.*

XII. Eadem ratione credere par est, terram germinasse tunc etiam herbas noxias, ac venenosas: quæ licet homini sic noxia, illi tamen nunc sunt in remedium, & tunc fuissent quibusdam animalibus ad edendum utilisimæ. Hinc S. Basilii, Homil. 5. in Hexameron: Et statim, inquit, nux cum edulibus prolata sunt nociva, cuncta enim frumento, cum esculentis reliquis herbæ, acanithum, mandragora, papaveris succus. Et inferius: Nihil autem horum frustrâ, nihil est inutiliter in lucem editum. Aut enim alicui brutorum animalium subministrans alimentum; aut etiam nobis ipsi à medica arte ad delinendas quasdam agrotationes inventa sunt &c. Idem S. Ambrosius, lib. 3. Hexamer. cap. 9. Quod verò dixerit Deus homini, *Genes. 1. v. 29.* Ecce dedi vobis omnem herbam &c. ut sint vobis in escam, distributio est accommodata, pro omni herba comestibili.

XIII. De marmoribus, metallis, & mineralibus, quæ pertinent ad formationem terræ, verisimile est, producta fuisse tertia die: sunt enim quodammodo semina terræ. De iis tamen Moyses non meminit, ait D. Th. relatus ad 3. quia Moyses ex tantum propositis, quæ in manifesto apparent, sicut jam dictum est (Qu. 67. art. 4.) corpora autem mineralia habent generationem occultam in visceribus terræ. Et iterum non habent manifestam destructionem à terra, sed quadam terra species videntur; & ideo de eis mentionem non fecit.

XIV. De Paradiso terrestri, ac plantis in ipso positis, an hac tertia die fuerint producta, sentit D. Tho. 1. *Part. qu. 102. art. 1. ad 5.* eodem modo, ac de aliis plantis discurrendum esse: nimirum, secundum Augustinum, productas solum causaliter tertia die, & solum in actu post opera sex dierum.

Se-

Secundum vero alios Sanctos oportet dicere, quod omnes planta productæ sunt in alio tertio die, & etiam ligna Paradisi. Sed quod dicitur de plantatione lignorum Paradisi post opera sex dierum, intelligitur, per recapitulationem dictum. Unde littera nostra habet: Plantaverat Dominus Deus hortum voluptatis a principio. Hæc D. Thom. Sed de hoc, si Deus dederit, fusior erit sermo alibi.

## DUBIUM V.

## De Opere quartæ Diei.

## §. I.

## Productio Luminarium.

I. **Q**uarta Die, refert Moyses, Gen. 1. v. 14. &c. Dixit Deus: Fiant luminaria in firmamento caeli, & dividant diem, ac noctem, & sint in signa, & tempora, & dies, & annos: ut luceant in firmamento caeli, & illuminent terram. Et factum est ita. Fecitque Deus duo luminaria magna: luminare majus, ut præfesset dies: & luminare minus, ut præfesset nocti: & stellas. Et posuit eas in firmamento caeli, ut lucentes super terram, & præfessent dies, ac nocti, & dividerent lucem, ac tenebras. Et vidit Deus, quod esset bonum. Et factum est vespere & mane, dies quartus.

II. Queritur hic: quomodo intelligendum sit, Solem, & Lunam; & stellas hac quarta die factas fuisse: an scilicet quo ad substantiam primo conditas, an vero solum nova virtute, & ornatu donatas?

Patres, qui, ut diximus, volunt Incem primo die creatam, & quæ tres priores distinxit, non fuisse lucem Solis; sed vel primo conservatam sine subiecto, vel lucem nobis, quæ quarta die producta Sole resoluta fuerit, vel ex ea Sol fuerit formatus, vel in Solem conversa, consequenter dicunt, quarta die Solem, ac cætera luminaria primo, & quoad substantiam producta fuisse. Nos vero, qui superius Dub. 1. §. 3. nu. 13. & 24. Dub. 2. §. 2.

nu. 13. & §. 4. n. 56. & Dub. 3. §. 1. nu. 9. probabilius cum D. Tho. iudicavimus, omnes orbis celestes, ac etiam Solem, Lunam, & sydera primo die quoad substantiam creata fuisse cum luce factem informi, & motu communi omnibus æqlis disingruente diem à nocte, quæ vocatur diurnus; coherenter dicimus, luminaria diei facta quarta die, per accessionem formæ accidentariæ, & per collationem determinatæ virtutis ad determinatos effectus. Lux enim, primorum dierum fuit informis, imperfecta, & valde exigua, solum vim habens distinguendi diem à nocte; quarta autem die acta, & virtute ad plures alios effectus, quos nunc in Sole, Luna, & syderibus præstat, donata fuit; singulis etiam actis virtus propria collata, ea reddidit potentia varia producere: unde videmus, alia à radiis Solis, alia à radiis Lunæ, & sic de aliis provenire. Recte igitur quarto die dicuntur facta, quia tunc eis data est lux, & virtus in ea perfectione, quam nunc habent, & quam eorum conditio postulat, secundum quam alia ab aliis peculiariter distinguuntur.

III. Hoc docuit D. Tho. hac 1. Par. qu. 67. art. 4. ad 2. & hac qu. 70. art. 2. ad 3. ubi ait: Quod in prima die facta est communis distinctio temporis per diem, & noctem secundum motum diurnum, qui est communis totius caeli, qui potest intelligi inesse primo die; sed speciales distinctiones dierum, & temporum, secundum quod dies est calidior die, & tempus tempore, & annus anno, sunt secundum speciales motus stellarum, qui possunt intelligi quarto die inesse. Clarius autem in 2. Sent. tum dist. 13. qu. 1. art. 4. ad 4. Substantia (inquit) corporis Solaris à principio creationis in sua forma substantiali fuit, unde ipsum corpus lucidum substantia. Solis fuit: sed dicitur ex eo Sol quarta die factus per additionem novæ virtutis, sicut dicitur ex homine non musico fieri homo musicus. Tum etiam Dist. 25. qu. 1. art. 1. ad 1. ubi ait: Hoc quod dicitur, fiant luminaria in firmamento caeli, non intelligitur, quod huiusmodi corpora luminarium secundum esse suum, spe-

*preſentem ex præſenti materia facta ſint: ſed eorum ſubſtantia prius exiſtente, tunc primo virtutes determinata eis collata ſunt, ex quo ultimum complementum ſui acquiſiere.* Conferantur quæ docet *Qu. 4. de Potentia, art. 4. ad 8. & 10.*

IV. Ex quibus, & ex iis, quæ habet hæc *1. P. q. 67. art. 4. ad 2.* ſe diſcurro. Si Sol quoad ſubſtantiam ſolum quarta die factus fuit, illa lux, quæ diſtinguens lucem a tenebris, diem a nocte creata primo die refertur, quid fuit? Non fuit acciſſens conſervatum, tribus diebus prioribus extra omne ſubjectum, deinde quarta die collocata, in ſole: quia hoc ſine miraculo fieri non poſuiſſet. In prima autem rerum conditione miraculum non quaeritur, nec quid Deus poſſit, ſed quid rerum natura exigat. Non fuit nubes, quæ pro ducit Sole, tranſiit in præſentem materiam; quia Genefis commemorat inſtitutionem rerum, quæ perſeuerant. Non fuit illa nubes quarta die conjuncta Soli, ut ab eo diſcerni non poſſit; quia illa nubes modo ſuperflua eſſet. Non fuit ex illa nube factum corpus Solare, nam alias Sol non eſſet natura ſua incorruptibilis, ſed de natura quatuor elementorum, cum materia ejus fuiſſet ſub alia forma; quod etſi aliqui, etiam ex Patribus admittant, concedendum non eſt. Relinquitur ergo, quod lux illa primo die creata, fuerit corpus Solare cum luce ſufficiente quidem ad diſcerrendum diem à nocte, ſed informi, & nondum aucta virtute ad producos determinatos effectus, ut modo, ditata. Quod augmentum virtutis rudi illi populo exprimere volens Moyſes, illud ita deſcripſit, ac ſi de novo Sol, & cætera luminaria, producta fuiſſent; quia etſi de novo quoad ſubſtantiam præducta non fuerint, de novo tamen facta fuerunt ad noſtros uſus, ac utilitatem: ſicut de novo dicitur fieri Rex, cum incipit regere, & Regni utilitatem procurare. Ita probabiliter ex S. Thomæ doctrina, ſalva aliorum placitorum probabilitate.

## §. I I.

## An Orbēs Cæleſtes ſint Animati?

V. Orbēs cæleſtes eſſe animatos cælebre fuit apud antiquos. Ut enim refert D. Thomas *1. P. q. 70. art. 3.* ex S. Auguſtino, *lib. 18. de Civitate Dei, capite 41.* Anaxagoras factus eſt reus apud Athenienſes, quia dixit, Solem eſſe lapidem ardentem, negans utique, ipſum eſſe Deum, vel aliquid animatum. Quam opinionem maxime vigiſſe crediderim apud eos, qui Solem, ac ſydera colebant, tanquam Numina: non enim coluiſſent, ſi ea res iuanimes exiſtimaſſent. Platonici ſimiliter poſuerunt corpora cæleſtia eſſe animata.

VI. Similiter, apud Doctores fidei locum obtinuit hæc opinio. *Origenes enim, lib. 1. Periarch. cap. 7.* (ait D. Thomas) *Peſuit corpora cæleſtia an uita.* Hieronymus idem ſentire videtur, in cap. 1. Eccleſiaſticæ, ubi dicit, Solem nominari *Spiritum*, quod *animet, ſpiret, & vigeat.* Quamvis id non ex ſua ſententia dixiſſe Hieronymus rectius credatur; cum *Epistol. 30. nunc 04. ad Avitum*, inter errores *Origenis* recenſeat quod dixerit, Solem, Lunam, & reliqua astra eſſe animantia. Sanctus vero Auguſt. *lib. 2. de Genef. ad litt. cap. 18.* hæc eſſe videtur: an cæli luminaria à Spiritibus rectoribus ſic *Etiam vitaliter inſpirentur, ſicut animantur carnes per animas animalium an ſola, ſine ulla permixtione præſentia.* Et in *Enchirid. cap. 58.* ait: *Sed ne illud quidem certum habeo, utrum ad eandem ſocietatem ( Angelorum ) pertineant Sol, & Luna, & cuncta ſydera, quamvis nonnullis lucida corpora eſſe, non cum ſenſu, vel intelligentia, videantur.*

VII. Baſilius vero, *Homil. 3. in Hexæmer.* Non eſſe animatos cælos ſentit: *Neque enim (inquit) animati ſunt cæli, eo quod Dei enarrant gloriam: neque firmamentum animal eſt ſenſu præditum, eo quod opus manuum ipſius annunciat.* Unde Damascenus, *lib. 2. de fide*

ficē, cap. 6. ait: *Nullus porro cōlos, aut luminaria animata ipsa arbitretur: anima quippe & sensu caret.* Cumque in Sacris litteris invitatur ad laudandum, laudandum &c. dicit, hoc esse per *Prospere* dictum, quia de inanimatis perinde, ac de animatis loqui solet *Scriptura*. Ita sentiunt omnes Catholici cum D. Tho. hac *Qu. 70. art. 3.* adeo, ut oppositum censetur infide parum tutum. Cujus oppositum, etiam D. Thomas, ob auctoritatem Augustini, non quidem *ascendo*, sed dubitando sentire videatur, 1. *Contragentes cap. 70.* suam tamen mentem aperiens, *Qu. un. de Spirit. creaturis, art. 6. in corp.* ait: *Sic igitur negandum est, corpora cēlestia esse animata eo modo, quo ista inferiora corpora animantur; non est tamen negandum, corpora cēlestia esse animata, si per animationem nihil aliud intelligatur, quā unio movētis ad mobile.* Addens, quod licet Augustinus sub dubio relinquat utrumque, *Dicendum est, quod habent reflecter Spiritus, à quibus tamen non sic animatur, sicut inferiora à suis animabus.* Et conformiter ad hęc resolvit, hac *Qu. 70. art. 3.* Qua ratione judicat, posse conciliari eos, qui ponunt cēlos esse animatos, cum illis, qui hoc negant, nimirum, ut priores intelligantur de anima, seu intelligentia pure assistente, sicut motor adest mobili contactu virtutis, ac proinde solum a quovis: posteriores autem de anima, ut informante, & ut parte componente unam substantiam, & consequenter proprie.

VII. Porro cēlos non esse animatos proprie hac ratione offendit, hoc *art. 3.* Cēli enim luminaria animata non sunt anima vegetativa; quia operationes hujus, quę sunt nutritio, augmentatio, & generatio, non possunt convenire cēlis, qui sua natura sunt incorruptibiles. Non anima sensitiva: tum quia operationes sensuum fundantur in actu, qui est apprehensivus qualitarum elementarium, quę in corporibus cēlestibus non sunt; tum quia organa ipsa sensuum ex proportionata elementorum commixtione

constituuntur. Non denique anima intellectiva; quia hęc supponit sensum in eo corpore, cui ponitur tanquam forma, cum non possit operationem intelligendi unita corpori elicere, nisi per sensus ministrantur ei phantasmata: unde si in cēlis non est sensus, nec poterit esse operatio intelligendi, & consequenter nec volendi, quia operatio volendi necessario supponit operationem intelligendi.

IX. Neque, quod cēlestia corpora influant, & sint causa viventium, quod maxime patet in animalibus, qui ex putrefactione generantur, quę virtute Solis, & stellarum generari, non pauci sentiunt. = Nam ad hac non concurrunt corpora cēlestia, ut causę principales, & virtute propria; sed ut instrumenta, & virtute sui Motoris, qui, cum sit substantia vivens, potest causare vitam. Ita D. Tho. hac *Qu. 70. art. 3. ad 3. & Qu. 1. de Spirit. creat. art. 6. ad 11.*

X. Neque refert, quod, *Psalm. 18.* dicatur, Cēlos narrare gloriam; quod *Baruch. 3. v. 35.* dicatur: *Stella vocata sunt, & dixerunt, adsumus.* = Nam ad primum respondet D. Tho. *Qu. citata de Spirit. creat. art. 6. ad 14.* quod Cēli dicuntur enarrare gloriam Dei, laudare, & exultare materialiter, inquantum sunt hominibus materia laudandi, vel enarrandi, vel exultandi: similia enim inveniuntur in *Scripturis, de montibus, & collibus, & aliis inanimatis creaturis.* = Ad secundum dicitur, sermonem esse figuratum, ad significandam efficaciam divinę operationis, ad quam res inanimatę statim adsunt, perinde ac si ratione prędite essent. Alias concludi posset, ventos, & mare, famem esse viventia ratione prędita; cum *Matt. 8. v. 27.* dicantur veni, & mare obedire Christo; & *Psalm. 104. v. 26.* fames dicatur vocari a Deo super terram.

DUBIUM VI.

De Opere quintæ Dicit, & sextæ.

§. I.

De Opere quinta Dei.

I. **O**Pus quintæ dici sic a Moyse describitur, Genes. 1. vers. 20. &c. Dixit etiam Deus :

*Producant aqua reptile anima viventis, & volatile super terram sub firmamento celi. Creavitque Deus Cete grandia, & omnem animam viventem, atque motabilem . . . & vidit Deus, quod esset bonum. Benedixitque eis, dicens : Crescite, & multiplicamini, & replete aquas maris : avesque multiplicentur super terram. Et factum est vespere, & mane dies quintus .*

II. Hic nomine *Reptile* pisces intelliguntur, quia, ut colubri in terra repunt, ita pisces in aquis, pedibus enim carent; & si qui habent, ut *Amphibia*, idest, qui tam in aquis, quam in terra degunt, illis utuntur tanquam remis ad reptandum, & quasi remigandum; ut sunt crocodili, equi pluviales &c. Ita S. Ambros. lib. 5. in *Hexaemer.* cap. 2.

III. Ex aquis etiam productæ dicuntur aves, quæ sunt velut quidam pisces aeris, aerem findentes, & alis suis per aerem velut natantes. Dicuntur etiam aves productæ ex aquis, sicut & pisces, nempe rarioribus, ut docet S. Augustinus. Nam, ut ait, lib. 3. de Genes. ad litter. cap. 3. *Utrumque hoc animalium genus ex aquis productum esse narratur .* Quidquid ergo aquarum sive labiliter undosum, & fluidum est, sive vaporaliter tenuatum, atque suspensum, ut illud reptilibus animalium vivarum, hoc volatilibus apparente distributum, utrumque tamen humida natura deputatur. Et lib. 1. de Gen. contra Manich. cap. 15. scribit, quod aer, ut sustinendis avibus sit idoneus, humidus, & aquis exhalationibus pinguescere debet; nam in purissimo aere aves volare non possunt. Et

*Tom. V.*

propterea refert, in montis Olympi culmine, quod nubes omnes excedere dicitur, nec aves volare, nec homines respirare posse, nisi spongiam humectatam naribus applicando. Merito igitur quidquid aquæ, sive fluidum, sive vaporaliter attenuatum, atque suspensum aquæ naturæ dicitur. Videri possunt Basiliius, *Hamil.* 8. in *Hexaemer.* Et S. Ambros. lib. 5. in *Hexaemer.* cap. 14. convenientiam inter natatum piscium, & volatum avium assignantes.

IV. Ex aquis ergo variis de causis productæ dicuntur aves, sicut & pisces; ( ex aquis inquam tanquam ex causa materiali, non efficiente ) quarum prima est convenientia loci, aquæ scilicet cum aere: ambo enim sunt corpora diaphana, humida, & quæ facile cedunt. Secunda, quia aer, per quem volant aves, est plenus humore aqueo, & facile in aquam resolvable. Tertia, quia & avium, & piscium corpora, quandam habent tum levitatem, tum agilitatem. Quarta, quia conveniunt in temperamento; tam enim in avibus, quam in piscibus prædominatur humor aqueus, esse in istis crassior, in illis vero subtilior: hinc multæ aves sunt aquatiles, ut cynci, anseres, anates, &c.

V. Neque obest, quod Genes. 1. v. 19. dicatur: *Formavit igitur Dominus Deus, de humo cunctis animalibus terræ, & universis volatilibus celi.* Neque quod textus Hebraicus legat, non: *Producant aqua . . . volatile super terram; sed: Volatilia volens super terram.*

Nam ad primum, ex D. Augusti. lib. 9. de Genes. ad litter. cap. 1. dico: vel de humo cadere solum super animantia terræ, non vero super volatilia celi; ut volatilia celi etiam tacente Scripturâ, intelligamus, unde fluxerit, velut qui sciamus . . . ex aquis ea esse producta. Vel nomine humi, seu terræ universaliter sic appellatæ, intelligi etiam aquas, sicut cum dicitur: *Laudate Dominum de terra, secundum ipsam universalem appellationem terræ, secundum quam etiam de toto mundo dicitur, Deus*

*Deus qui fecit solum, & terram; sine de arida, sive de aquis quacumque creata sunt, de terra creata veraciter intelliguntur.*

Ad secundam, dico primò: standum esse versioni nostræ Vulgatæ, quam ut authenticam probavit Ecclesia. Secundò, textum hebraicum convenire cum nostro, subaudiendo pronomen quod, hoc modo: *& volatile, quod voles super terram.* Nam in hebræo hoc pronomen frequenter subintelligitur; unde fiet sensus: *Producat aqua reptile... & volatile volans, seu quod voles super terram.*

VI. Addit Moyses: *Creavitque Deus esse grandia.* Duas, inquit Judæi, balenas, Enoch, & Leviathan, cum quorum altera Deus quotidie ludat, alteram occisam iustus ad epulandum reservet; ita perijt sapientia a Sapientibus. Sed hæ fabulæ sunt. *Cete grandia* sunt pisces maximi; ita ut, inquit Basilii, *Homil. 7. in Hexæmer.* & post eum Ambrosii, *lib. 3. in Hexæm. cap. 11. Si quando supernatans fluitibus, amantare insulas putet.* Quorum nonnullos, refert Plinius *lib. 9.* esse in Athlantico mari 960. pedum, seu quatuor iugerum.

VII. Deinde avibus, & piscibus benedixit Deus, fecunditatem eis tribuendo; unde addidit: *Crescite, & multiplicamini.* Hujus benedictionis effectus est illa maxima fecunditas avium, maximæque piscium, ex abundantia humoris, & ovorum procreatione nata, quæ animalibus terrestribus defunt. Et si enim Recentiores quidam, etiam terrestria animalia ex ovis in sæmina conceptis velint procreari; hæc tamen in tanta quantitate non sunt, sicut in avibus, & maximè piscibus.

### §. I I.

#### De Opere sexta Diei.

VIII. **S**extâ die animalia terrestria, & homo producta sunt. Ita Moyses, *Genes. 1. v. 24. Dixit quoque Deus: Producat terra animam viventem in genere suo, jumenta; & reptilia &*

*bestias terra, secundum species suas. Et sumque est ita. Et fecit Deus bestias terræ... & vidit Deus, quod esset bonum. Et ait: Faciamus hominem ad imaginem & similitudinem nostram.*

IX. Prior pars textus explicatur. Per animam viventem intelligit Moyses animalia terrestria, quæ in tres classes dividuntur. In *jumenta* a juvenando dicta, quia sunt in adjumentum hominum; tum ad laborem, ut equi, cameli, boves; tum etiam ad cibum, ut oves, vituli, ac boves ipsi. In *Reptilia*, quæ super terram, aut repunt ut serpentes, vel salutant ut lacerti, locustæ. In *Bestias terræ*, hoc est, quod animalium reliquum est; & maximè feræ, sive noxiæ hominibus, sive non. Non enim citra peccatum ei nocuissent, sed ejus parvisse imperio, ut in hac mortali vita Paulo vipera obediit, & leones Danieli. Ita Augustinus, *lib. 3. de Genes. ad litt. cap. 15.* docet animalia, cum jam creata essent innoxia, nonnisi postea peccatoribus nocere cæperunt: & cap. 16. dicit bestias sibi invicem nocere, quibus nec ulla peccata sunt, *Quia fecisset alia elibi sunt aliarum.* Inò ex ipsis animalibus et si noxiis, nullum est, ex quo non trahat homo aliquid in remedium seu utilitatem, de quo S. Augustinus, *lib. 1. de Genes. contra Manichæ. cap. 15.* & nos aliqua superius diximus.

De animalibus imperfectis quærio est, iis scilicet, quæ ex sudore, exhalatione, & putrefactione nascuntur, ut pulices, & vermiculi, de quibus.

X. Respondeo cum D. Augustino, *lib. 3. de Genes. ad litt. cap. 14.* ejusmodi animalia, alia esse, quæ ex animalium vitii corruptione, vel putrefactione oriuntur. Alia, quæ naturaliter oriuntur ex corruptione aquæ, terræ, ligni, plantarum. Posteriora hæc censet S. Augustinus fuisse actu producta tertiâ die, quando apparente terra cæperunt ex ea germinare herbe, & plantæ. Priora vero absurdum reputat credere, fuisse actu creata, quando animalia producta sunt, sed tantum virtute. Cætera verò, quæ de

ani.

*animalium gignuntur corporibus, & maxime mortuorum, absurdissimum est dicere, tunc creata, eam animalia ipsa creata sunt: nisi quia inerat jam omnibus animatis corporibus vis quadam naturalis, & quasi praefeminata, & quodammodo licitata primordia futurorum animalium, qua de corruptionibus saluum corporum pro suo quaque genere, ac differentiis, erant exortura. Ita quoque sentit S. Thomas 1. Par. qu. 72. art. unico. ad 5. & qu. 73. art. 1. ad 3. ubi etiam docet, animalia, quae ex congressu diversarum specierum generantur, ut mulus ex equa, & asino, lynx ex lupo, & cerva, leopardus ex leona, & pardo, non fuisse sexto die creata actu, sed solum causaliter; inquantum in aliis animalibus tunc productis fuit virtus illa producendi.*

XI. Posterior verò pars de hominis productione multa involvit consideratione digna, imò Candidato necessaria scitu, de qua cum S. Thomas specialem insinuat Tractatum à Qu. 90. ad qu. 103. ideo, & nos speciali Tractatu eam complectemur.

XII. His omnibus perfectis, quae ad creationem, formationem, & ornatum mundi pertinent, dicit Moyses. Gen. 1. v. 2. *Deus Requievit die septimo ab universo opere, quod patrantur.*

Idest cessavit à novis creaturarum speciebus producendis, non tamen ab opere, quo, vel creaturam conservat, vel universam creaturam administrat. Ita D. Tho. 1. Par. qu. 73. art. 2. ad 1. Et in corp. ejusdem art. explicans, quomodo Deus requieverit, ait: *Requies dupliciter accipitur. Uno modo pro cessatione ab operibus. Alio modo pro implatione desiderii. Et utroque modo dicitur Deus requieverisse die septimâ. Primo. Quia die septima cessavit novas creaturas condere; nihil enim postea fecit, quod non aliquomodo praecesserit in primis operibus, ut dictum est ( qu. 69. art. 1. & art. praeced. ad 3. ) Alio modo, secundum quod rebus conditis ipse non indigebat, sed seipso fruendo beatus est. Unde post conditionem omnium operum, non dicitur, quod in suis operibus requievit, quasi eis ad suam beatitudinem indigeret; sed ab eis requievit, utique in seipso, quia sufficit sibi, & implet desiderium suum. Et quamvis ab aeterno in se ipso requieverit; tamen quoddam post opera condita in se ipso requievit, hoc pertinet ad septimum diem, & hoc est ab operibus requiescere, ut Augustinus dicit, lib. 4. de Genes. ad litt. cap. 13. Ita D. Thomas. His igitur de Deo Creatore generatim Tractatu completo, & nos requiescamus.*

# T R A C T A T U S

## DE DEO CREATORE

### A N G E L O R U M.

**D**Eum esse Creatorem Angelorum, quamvis Moyses de generali rerum omnium productione differens non meminerit, certum tamen est, ut videbimus.

Angelorum autem nomine intelligimus substantias quasdam, veluti medias inter Deum, & homines, inferiores quidem Deo, superiores autem hominibus. Porro *Angeli* nomen non significat substantiam, sed officium; idem enim est, ac *Nuncius*, seu *Missus*. Hinc à Græcis Mercurius, cum putaretur Jovis esse nuncius, Iris serenitatis, Aurora Solis, hoc nomine vocabantur. Quapropter, D. Gregor. Homil. 34. in Evangelia: *Angelorum vocabulum* (inquit) *nomen est officii, non naturæ. Nam sancti illi celestis patria Spiritus semper quidem sunt Spiritus, sed semper vocari Angeli nequaquam possunt; quia tunc solum sunt Angeli, cum per eos aliqua nuntiantur.* Quod ante docuerat D. August. in Psal. 102. dicens: *Quævis nomen hujus naturæ, Spiritus est: quævis officium, Angelus est.* Ex eo quod est, Spiritus est; ex eo quod agit, Angelus est. Vide illud in homine. Nomen naturæ homo, officii miles &c. Quamvis autem, teste eodem Gregorio ibid. relato a D. Tho. 1. Par. qu. 122. art. 2. ex D. Dionysio, soli Angeli inferiorum ordinum foras ad ministerium mitti dicantur: Nam superiora illa agmina ab intimis nunquam recedunt, quoniam ea, quæ præminent, usum exterioris ministerii nequaquam habent. Nihilominus usu factum est, ut Angeli nomen omnibus celestibus Spiritibus accomoderetur. Quia licet non omnes ad exterius ministerium mittantur, omnes tamen idonei sunt ut legatione di-

vini Numinis fungantur, sive visibili, sive invisibili, sive per se, sive per alios, ut docet D. Thomas laudatus. De his ergo quærimus: an sint, quando creati sint, quid sint; eorum proprietates, dona, meritum, peccatum, ceteraque a D. Thoma expensa, breviori quantum fieri poterit examine percurramus.

#### Q U Æ S T I O I.

*De Existentiâ, & Creatione Angelorum.*

#### D U B I U M I.

An dentur Angeli?

§. I.

*Existentiâ Angelorum asseritur ex Ratione.*

**I.** **D** Ari Angelos, seu naturas pure intellectuales, & Spiritus, quidam veterum Philosophorum negaverunt. Cujus erroris causam describens D. Tho. 1. Par. qu. 50. art. 2. ait: *Ignorantes vim intelligendi, & non distinguentes inter sensum, & intellectum, nihil esse existimaverunt in mundo, nisi quod sensu, & imaginatione apprehendi potest. Et quia sub imaginatione non cadit, nisi corpus, existimaverunt, quod nullum ens esset, nisi corpus.* Nec mirum. Si enim hac ratione ipsimet Deo corpus aliqui eorum affinxerunt, putantes, quidquid non est corpus, esse nihil; multo magis negare debuerunt, dari creaturam aliquam, quæ spiritus sit, & non corpus.

II. Hoc errore, teste eodem S. Thoma



ma ibi, laborarunt Sadducei apud Hebræos hæretici ( à quodam Saddoc Judæo orti ) quorum palmarè principium erat : nullum ens creatum existere, quod corpus non esset, testante Scriptura., *Act. 23. v. 8. Sadducei enim dicunt, non esse Resurrectionem, neque Angelum, neque Spiritum, Pharisei autem utrumque consentiunt.* Unde S. August. *Serm. 71. alias 12. de Verbis Domini, cap. 3.* infert, Sadducæos negasse etiam Spiritum Sanctum. *Sadducei, inquit, Spiritum Sanctum negabant : Pharisei vero eum esse contra Sadducæorum hæresim defendebant : sed esse in Domino Jesu Christo negabant.* Veritas tamen catholica semper docuit, dari Angelos, & Spiritus, qui sint creaturæ mediæ inter Deum, & homines, quod fides docet & ratio suadet. Ut ergo Philosophos id negantes confutemus, utemur ratione ; ut vero Sadducæos convincamus, Scripturam adhibebimus.

III. Dico primo. Angelos vere dari constat experientia, & ratione. Experientia quidem. Nam ipsis sensibus patet, Energumenos dari, Magos, Incantatores; homines qui aliqua faciunt, aut dicunt, quæ vi sua nativâ facere, aut dicere non possunt, quod indicium est, eos ab aliqua superiori intelligentia moveri : sæpè enim secreta, eventus distantes revelant, loquuntur linguis, quas nunquam didicerunt, tempestates movent, præstigiis oculos adstantium eludunt, ut de Apollonio Thiamæo diximus: atqui ejusmodi effectus excedentes eorum vires, speciali Dei auxilio fieri nefas est credere ; nam sæpè contingit, homines illos obfessos, ceteroquin pios, in enormes blasphemias contra Deum erumpere ; Magos ea mirabilia patrare, ut serviant impiorum iniquitatibus, vel falsæ religioni fidem concilient, quæ a Deo speciali auctore esse non possunt ; ergo causa illa superior alia esse non potest, quam Angelus, seu Spiritus nequam.

IV. Ratione quoque. Primo sic. Deus condidit hoc Universum essentialiter perfectum ; ergo posuit in eo omnes gradus rerum, quibus ejus per-

fectio essentialis confurgit ; ergo sicut in eo posuit gradum rerum purè materialium, gradum rei partim materialis, & corporeæ, partim spiritualis, & incorporeæ ; qualis est homo constans corpore, & spiritu, positus proinde quasi in confinio corporalium, & spiritualium : ita oportuit, ut in eo poneret gradum rerum purè immaterialium, & intellectualem, & in hoc gradu sunt Angeli.

V. Secundò probatur, & roboratur præcedens ratio. Oportet, ut in Universo detur aliqua creatura, quæ modo possibili assimiletur Deo in forma per quam agit ; quia omne agens intendit assimilare sibi effectum in forma, quæ agit, perfectiori modo possibili ; sicut Architectus intendit assimilare, quantum potest, in forma nempe idea, quam habet, & secundum, quam facit domum : sed effectus, qui perfectiori modo assimilatur Deo agentis secundum intellectum, & voluntatem, est creatura intellectualis, & prædita intellectu, & voluntate ; ergo hæc datur. Rationes istæ sumæ sunt ex D. Tho. 1. *Part. 2. q. 50. art. 1.*

VI. Confirmatur primo ex eodem S. Doctore 1. *Contragentes, cap. 46.* Tunc effectus maximè perfectus est, quando perfectè in suum redit principium ; unde & circulus inter omnes figuras, & motus circularis inter omnes motus perfectiores sunt, quia in eis ad principium reditur. Cum autem omnes creaturæ aliquomodo redeant ad suum principium Deum, aliquæ secundum esse, aliquæ secundum vivere : illæ tamen magis redeunt ad suum principium agens per intellectum, & voluntatem, quæ secundum intellectum & voluntatem illi assimilantur ; istæ enim ad illud redeunt non solum per naturam, sed etiam per operationem, ac expressionem sui principii imaginem gerunt ; ergo naturas aliquas intellectuales esse, divinorum operum perfectio postulat.

VII. Confirmatur secundò ex eodem ibidem. Ille effectus perfectior est, in quo forma, quæ agens agit, recipitur secundum eundem modum essendi, quo

quo est in agente. Hac ratione ignis genitus ab alio igne perfectior effectus est, quia habet formam ignis secundum eundem modum, quo est in igne generante. E contra domus extra posita, non ita perfecte recipit formam, qua Architectus agit, quia non recipit eam secundum modum essendi: nam in Architecto est secundum modum intelligibilem, in domo autem exterius posita, secundum modum materiale. Ergo universi perfectio requirit utramque similitudinem, & quod dentur creaturae, quae recipiant esse, sed secundum alium modum, quo in Deo est; & quod dentur aliae, quae aliud participant, secundum modum intellectuale, quo in Deo est; & istae erunt perfectiores, & consequenter Angelici.

Hinc vides, totam vim rationum D. Thomae pro existentia Angelorum sitam esse in hoc: quia, ut Universum sit perfectum debet dari gradus creaturarum, qui maxime Deum imitetur, & ad eum accedat.

VIII. Neque propterea inferas, ex dictis rationibus sequi: quod ut Universum esset perfectum deberent dari etiam omnes species possibiles, imo & omnia individua, imo creaturam omnium perfectissimam.

Nam contra est. Inter gradus enim rerum, & species ac individua duplex est discrimen. Primum: quod gradus, nimirum essendi, vivendi, & intelligendi, pertinent ad perfectionem formalem Universi, species autem, & individua ad perfectionem solum materiale. Secundum: quod gradus sunt in certo, ac determinato numero, nempe tres praefati, esse, vivere, & intelligere, & praeter illos alii non dantur. At species, & individua sunt infinita: quaecumque enim specie data potest Deus aliam, & aliam perfectiorem producere in infinitum; ut nunquam deveniat ad perfectissimam, ultra quam Deus non possit &c. Individua quoque in infinitum multiplicabilia sunt. Infinitum autem non potest totum simul in actu poni.

IX. Neque iterum dicas: gradum

intellectivi, posito homine, sufficienter haberi in Universo.

Nam contra est. Gradus intellectivi reperitur in homine non complete, & perfecte, sed incomplete, & imperfecte, non ut natura, sed ut pars naturae: homo enim adequate constat anima, & corpore; anima etiam in corpore non est pure intellectiva, sed est sensitiva, & vegetativa. Uno verbo. Homo est quid medium. Oportet ergo in Universo dari extremum, nempe creaturam pure intellectuales, & spiritualis sicut aliud, nempe creaturam pure materialis, & corporea.

X. Moneo tamen meum Candidatum, ut rationes praefatas existimet quidem congruentissimas, non tamen demonstrativas, neque à priori, neque à posteriori. Non à priori, neque à posteriori. Non à priori, nimirum ex causa: quia Deus, qui est causa Angelorum, non ex necessitate, sed profusus libere eos produxit, neque cum eorum existentia ullam connexionem habet, aut Angelis indiget, ut sit, aut beatus sit. Neque Universi perfectio absolute Angelorum existentiam exigit. Nam potuisset Deus Universum aliter perfectum facere, quam modo fecit; aut etiam non facere tam perfectum, quam modo est, & proinde sine Angelis. Unde D. Thomas vocat. x. in fine corporis, ait: *Hor ipsum, quod intelligitur est altior sensu, rationabiliter ostendit, esse aliquas res incorporeas a solo intellectu comprehensibiles.* Ubi rationabiliter, inquit, non dicit vel efficienter, vel de necessitate, requiritur.

Neque à posteriori. Quod enim datur creatura, quae perfecte quantum fieri potest Deum repraesentet, conveniens quidem est, sed non absolute, necessarium. Neque datur effectus illius evidenter nos manuducens ad intendendam existentiam Angelorum: omnes enim effectus, quos in Energetis, Magis, aliisque, superius videre nos diximus, effectus equivoci sunt: dicit enim posset, ad multos sufficere virtutem Dei, ad alios aliquas alias causas, quae ab Angelis diversae sunt, puta

ta

ta animas hominum defunctorum, vel phantasticam corruptionem, aut aliud huiusmodi.

XI. Neque obstat, quod nonnulli Philosophi existentiam Angelorum agnoverint. Plato enim tum in *Timæo* tum in *Convivio*, Angelorum sæpe meminit. Aristoteles etiam *lib. 8. Physicæ*, scribit, alia ab Angelis moveri.

Nam respondeo: hoc solum evincere, existentiam Angelorum posse ratione naturali ostendi probabiliter, non vero demonstrative ob rationes allatas. Si enim secludantur documenta ex Scripturis, Patribus, & traditionibus petita; non ideo quispiam convinceretur ex mirabilibus effectibus ad asserendum, dari substantias suapte natura separatas, ab animabus rationalibus distinctas: posset enim suspicari, omnia hæc, vel a Deo, vel animabus eorum, qui defuncti sunt, quorum multæ apparitiones narrantur, provenire. Adde, de Platone dici posse, eum ex Moysis Pentateuco, quem Augustinus iuste, *lib. 8. de Civit. Dei, cap. 11.* si non legit; audire tamen potuit ab Hebræis, dum in Ægypto moraretur, didicisse.

## §. I I.

### *Angelorum Existentia asseritur ex Scripturis.*

XII. **P**ostquam Philosophis ostendimus, eos potuisse saltem probabiliter in cognitionem existentiae Angelorum devenire, restat, ut Sadduceos eam negantes convincamus; quod ex Scripturis, maximeque ex Pentateuco, quem scilicet admittebant, præstabitur. In primis enim Genesim multas Angelorum narrat apparitiones. *Cap. 16. v. 7. & 9.* Angelus Domini Agari persuadet, ut in domum Abrahamæ reveratur. *Cap. 10. v. 1.* venerunt duo Angeli Sodomiam, & apud Loth Abrahamæ nepotem hospitari sunt. Et *vers. 15.* coegerunt Loth, ut à Sodomis incendio mox delendis exiret. *Cap. 24. v. 7.* Abrahamus famulum suum, mittens in Melopotamiam sic ait; *Do-*

*minus Deus celi.... ipse mittet Angelum suum coram te.* Videatur etiam *cap. 31. v. 11. cap. 32. v. 1.* &c. Eorum pariter mentio fit in lib. *Exodi cap. 14. v. 19. cap. 23. v. 10. & 23. cap. 31. v. 34. cap. 33. vers. 1.* Item in lib. *Numer. cap. 10. v. 16. cap. 22. v. 23. 24.* &c. Angeli quoque sæpe memorantur in aliis Veteris Testamenti libris; sicut & Christus in Evangelio, præsertim *Matth. 18. v. 10.* dicit: *Angeli eorum semper vident faciem Patris mei, qui in cælis est.* Quod & Paulus, & cæteri Novi Testamenti Scriptores Sacri frequenter testantur; adeo ut S. Augustinus, in *Psal. 103.* dicit: *Angelos (inquit) neminus ex fide, & multis apparuisse scriptum legitimus, & tenemus, nec inde dubitare fas nobis est.* Et S. Gregorius, *Homil. 34. in Evangelia*, novem Angelorum ordines ex Sacra Scriptura luculenter ostendit.

XIII. Dicebant forte Sadducei: Pentateuchum Angelorum nomine non intelligere Spiritus, personas, aut substantias per se subsistentes; sed inspirationes occultas, quibus quasi Dei nunciis, homines de Dei voluntate certiores facti fuerint.

Sed tanis est hæc evasio. Nam Pentateuchus, sicut & alii libri Sacri, de Angelis sic loquuntur, ut eos exhibeant aliquibus apparentes, in viâ comites, apud homines hospites, cum hominibus manducantes, beneficiis eos cumulantes, eos humana voce vocantes: quæ omnia personas subsistentes indicant, & sine manifesta violentia ad internas inspirationes, live mentis cogitationes trahi non possunt.

XIV. Dices tamen adhuc cum eisdem. Si Angeli vere sunt substantiæ, ac personæ à Deo creatæ, Moyses recensens Universi ac patrum ejus creationem, eos, tanquam Universi pariem præcipuum nominare debuisset: cum ergo de iis mentionem nullam fecerit, signum est, Moysen non existimasse, eos esse substantias subsistentes.

XV. Retorqueo primo instantiam. Si Moyses non existimasset, Angelos esse substantias à Deo creatas, nec debuisset illos in suis libris exhibere, tanquam

quam personas loquentes, manducantes, hominibus comites se adjungentes: sed hoc præstitit, ut vidimus; ergo existimavit, eos esse substantias &c.

XVI. Respondeo ergo primo cum D. Tho. 1. *Part. qu. 61. art. 1. ad 1.* Quod secundum D. August. lib. 11. de Civit. Dei cap. 9. & 33. *Angeli non sunt prætermissi in illa prima rerum creatione, sed significantur nomine cali, aut etiam lucis. Quod si vel prætermissi sunt, vel nominibus rerum corporalium significati: hoc ideo fuit: Quia Moyses rudi populo loquebatur, qui nondum capere poterat incorpoream naturam. Et, si eis fuisset expressum, aliquas res esse super omnem naturam corpoream; fuisset eis occasio idololatricæ, ad quam prout erant, & à qua Moyses eos præcipuè revocare intendebat.* Ita S. Thomas.

XVII. Hæc responsio immerito displicet Gonet, & aliis, eo quod idem Moyses Angelorum postea sæpe meminerit, & sic fuisset majus idololatricæ periculum: cum enim non tradatur eorum creatio, rudi populo facile erat putare, quod non essent creati.

Etenim advertere debuissent: S. Thomam non simpliciter dicere, quod Angelorum creatio sit à Moyse prætermissa, ne populo rudi daretur occasio idololatricæ; sed dicere Angelos, vel fuisse prætermisos, vel nominibus rerum corporalium significatos. Quia populus rudis, & nondum valens capere, quomodo posset dari natura, quæ sit prorsus incorporea, & supra omne corpus, & sit creata; si Angelorum naturam Moyses expressisset in prima rerum creatione, non valuissent capere, quomodo essent creati, si non essent corporei. Quod periculum non fuit, etsi prætermissa eorum expressâ creatione Angelos postea nominarit; quia, & semper eos declaravit tanquam unius veri Dei ministros, & eos semper sub corporea, & humana specie repræsentavit. Unde Judæicus populus, qui etiam res inanimes cultu idololatrico profecurus fuit, etsi (Sadducæis exceptis) Ange-

los revera dari, & veras esse substantias crediderit, nunquam tamen legitur, divinum eis cultum exhibuisse.

XVIII. Huic responsio adest præsidio S. Jo. Chryso. Homil. 2. in Genes. Vide (inquit) quantum nostra parvitas se attemperat. Nihil de invisibilibus virtutibus differit, neque dicit, in Principio stetit Deus Angelos, vel Archangelos. Non simpliciter, neque temere hanc nobis doctrina viam paravit. Quia enim Judæis loquebatur, qui toti præsentibus rebus inhiabant, neque spirituale quidquam animo concipere valebant; eos à sensibilibus ad cognoscendum Universi Opificem inducit: ut ex creaturis fabricatorem mundi discerentes, adorarent Creatorem omnium, & non in creaturis ipsi permanerent, & quiescerent. Nam cum licet hæc ita facilia sint, non intermiserint, ex creaturis Deo facere, & divinum honorem diffusis brutis exhibere, in quam noxamentiam incidissent, nisi tanta erga eos attemperatio fuisset usus?

XIX. Respondeo secundo. Ideo Moyten Angelorum non meminisse, quia sui institui ratio id non postulabat: Propositum enim ipsi erat hujus tantum mundi adfectabilis originem aperire, quod indicat tota series rerum, quæ in illis sex diebus factæ sunt. Item quia ea sola volebat exprimere, quæ in gratiam hominum, & eorum usus servire debebant. Cui responsioni favet S. Hieronymus, Ep. 139. ad Cyprianum (modo tom. 2. inter epistolas criticas p. 604.) ubi de Moyse ait: *Cujus ore, creaturam mundi, eorum dumtaxat, quæ visibilia sunt, conditionem hominis, & omnia retro historia didicimus veritatem.* Et D. Cyrillus, lib. 2. contra Julianum, scribit: *Moyten Angelorum conditorem aliarumque subtilium rerum prætermisisse narrationem; tum, ut homines, qui tunc erant doctrinâ veritatis informaret, eosque ab errore, quo tenebantur abduceret, ostendens illis, cælum, Solem, Lunam, sydera, bestias, quæ omnia ut Deos colebant, esse creaturas a summo Opifice factas. Tum ut ab iis, quæ magis obvia, & eorum*  
ca.

captui magis accommodata sunt, sensum ad ea, quæ abstrusiora sunt, percipiendâ præpararet: *An vero* (inquit) *puerorum magistros laudabimus qui se ad eorum caput demittunt, & paulatim ad abstrusarum rerum scientiam, quasi manu ducentes, nihil nimis elaboratum principio, & inaccessi quodammodo aditus per initia proponunt: Moysen verd illum sanctissimum, qui hoc tam egregiè præstitit, non omni genere laudis prosequemur?* Hæc Cyrillus. Nihil ergo ex silentio Moysis contra existentiam Angelorum concluditur.

XX. Quare observandum est: quod populus Hebraicus valde proclivis erat ad colendas res corporeas, & sensibiles; ideoque expeditivisse, ut ipsi declararetur, eas omnes a Deo fuisse creatas, ac per consequens non esse Deos: ad colendas vero spirituales creaturas, utpote ignotas, non sic erant proni; & ideo opus non fuit, ut Angelorum creatio eis exprimeretur; sed satis fuit, ut sub cælo comprehenderetur, quodque postea, ut ministrorum Dei, mentio ipsorum fieret. De hoc dicitur Dubio sequenti.

XXI. Dicebant ulterius Sadducei. Nomen Angeli ex dictis non esse nomen alicuius substantiæ, sed solum officii; quare a Christo, *Mattb. 22. v. 10.* Joannes Baptista dicitur esse ille, qui *Malachia 3. v. 1.* dictus fuerat Angelus: *Eccè ego mitto Angelum meum.* Ergo &c.

Respondetur tamen, aliud esse id, à quo nomen imponitur, aliud ad quod significandum est impositum. Nam nomen *Lapis* à lædendo pedem fuit impositum; & tamen lapis significatus per illud nomen, substantia quædam est. Sic Angelus à nunciando dicitur, & ab officio *Angelus* vocatur; res tamen, quæ tali officio deputatur. & tali nomine significatur, substantia, & persona, quædam est. Nam etiam *Orator*, *Legatus* in humanis nomina officii sunt; non hinc tamen colligitur, eum qui tali officium exercet non esse personam. Joannes tamen Baptista à Christo vocatur *Angelus* eo modo, quo ibi *v. 14.* dicitur *Elias*. Sicut autem *Elias* dicitur

*Tom. V. -*

tur officio & spiritu, non personâ, ut ait D. Gregorius, *Homil. 7. in Evang.* ita & dicitur Angelus. Porro sicut ex hoc non inferitur, quod Elias vere non fuerit particularis persona: ita nec inferri potest, quod non dentur Angeli, qui substantia, & persona, & non tantum officio, Angeli sint.

## DUEIUM II.

Quo Tempore & Loco Angeli  
Creati sint.

### §. I.

*Angeli sunt Creati, non tamen  
ab Eterno.*

I. **F**ide certum est, Angelos dari, & existere, atque a Deo creatos fuisse, ut ex Dub. præcedenti apparet; et non tantum bonos, sed eos etiam, qui mali facti sunt. Unde Concilium Lateranense IV. cap. 1. *Deus* (inquit) *simul ab initio temporis utramque de nihilo condidit creaturam, spirituales, & corporales, Angelicam videlicet, & mundanam.* Et de Angelis malis, sive Dæmonibus subdit: *Diabolus enim, & Dæmones alii, à Deo quidem naturâ creati sunt boni, sed ipsi per se facti sunt mali.*

II. Hoc Scriptura aperte testatur. Quamvis enim Moyses in generali rerum conditione, productionis Angelorum expressè non meminerit, ob rationes adductas §. 2. *Præcedentis Dubii*, alibi eos a Deo factos, & creatos aperte pronunciat, ut *Psalmo. 148.* ubi postquam dicitur: *Laudate eum omnes Angeli ejus*, subditur *v. 5. Quia ipse dixit, & facta sunt: ipse mandavit, & creata sunt.* Item, *Dan. 3.* ubi ad benedicendum Deo omnia *Opera ejus* invitatur, Angeli non omittuntur: *Benedicite Angeli Domini Domino.* Præterea *Hesler. 13. v. 10. Tu fecisti celum & terram, & quicquid cæli ambitu continetur;* ergo etiam Angelos, qui cæli ambitu continentur. Et tandem Paulus, ad *Coloss. 1. v. 16. In ipso condita sunt universa, in cælis, & in*

*in terra visibilia, & invisibilia, sive Throni, sive Dominationes, sive Principatus, sive Potestates, omnia per ipsum, & in ipso creata sunt.*

III. Hanc veritatem probat D. Tho. 1. *Par. qu. 61. art. 1.* Quia Angeli sunt entia per participationem; ergo facti sunt ab eo, qui est ens per essentiam, idest à Deo. Omne enim, quod est per participationem tale in aliquo genere, causatur ab eo, quod est per essentiam tale in illo genere: sicut quod est per participationem calidum, fit calidum ab eo, quod est calidum per essentiam.

IV. Confirmatur. Cum Angeli sint, vel à se ipsis sunt, vel ab alio. Non à se ipsis sunt, quia cum non sint ipsum esse, à se ipsis nihil sunt: nihil autem agere non potest, & nihil potest esse causa sui, alias esset, antequam esset. Si ergo sunt ab alio, vel sunt à Deo, vel ab alia creatura. Non sunt ab alia creatura: tum quia de hac quaeri deberet, à quo esset: tum quia si ab alia creatura essent, maxime ab alio Angelo, sicut homo est ab homine: & hoc non. Quia vel essent ab eo per generationem externam, & hoc minime, quia Angelus non generat Angelum: hoc enim corporum corruptibilia proprium est. Vel per generationem internam: & hoc minus. Nam, solius Dei Patris prerogativa est, quod generatione interna, & intellectuali producat terminum substantialem sibi similem in natura.

V. Certum etiam suppono, Angelos non fuisse à Deo creatos ab aeterno. Tùm quia, ex dictis, *Tract. praecedent. qu. 2. Dub. 1. §. 2.* nihil creatum fuit ab aeterno, ut oppositum sit haereticum: cum contrarium sit definitum in Concilio Lateranensi IV. *Cap. Firmiter*, ubi dicitur: *Deus sua omnipotenti virtute simul ab initio temporis utramque de nihilo condidit creaturam, spirituales, & corporales.* Tùm quia, textibus Scripturarum, loco allato, generaliter probavimus, nullam creaturam esse ab aeterno. Videatur ibi dicta.

Quaestio igitur est: an supposito,

quod Angeli fuerint à Deo creati, & non ab aeterno, fuerint creati ante mundum hunc corporeum: an vero simul cum hoc mundo corporeo: & an in caelo Empyreo, an alibi.

1

## §. I I.

*Resolvitur de Tempore Creationis Angelorum.*

VI. **D**ico primo. Angeli non sunt creati ante mundum hunc corporeum, & visibilem, sed simul cum eo. Contrariam sententiam multi veterum Patrum, praesertim Graecorum, amplexi sunt: nostra tamen, assertio habilita videtur in Concilio Lateran. IV. *Cap. Firmiter* citato ubi dicitur, quod Deus ab initio temporis simul utramque de nihilo condidit creaturam, spirituales, & corporales, angelicam videlicet, & mundanam. Si ergo simul utramque naturam ex nihilo Deus condidit, non ante condidit Angelicam, deinde mundanam. Ita sentit D. Thomas 1. *Par. qu. 61. art. 3.* quem omnes Theologi catholici sequuntur.

VII. Probatur primo ex Scriptura. Gen. 1. *In Principio creavit Deus caelum, & terram.* Ubi ly *In Principio*, idem sonat, ac *primum omnium*, seu *ante omnia*. Sic D. August. lib. 11. de *Civitate Dei*, cap. 6. dicens: *Porrò si littera Sacra, maximèque veraciter ita dicunt, In Principio fecisse Deum caelum, & terram, ut nihil antea fecisse intelligatur; quia hoc potius in principio fecisse diceretur, si quid fuisset ante caelum, qua fecit.*

Verum quia ly *In Principio* usurpatur etiam pro eodem, ac ly *Filius*, & insuper dici potest, Moyses tunc de rerum corporalium sola productione fuisse locutum: quam expositionem idem Sanctus Augustinus, ibidem, cap. 31. non improbat; & idcirco cuique liberum relinquit circa tempus productionis Angelorum, ut libuerit, opinari. Propterea

VIII. Probatur secundo, ex cap.

20.

30. Exodi, v. 11. *Sex diebus fecit Dominus celum, & terram, & mare, & omnia, quae in eis sunt.* Ergo cum hæc postrema verba complectantur omnia, quæ sive in cælo, sive in terris sunt, & Angeli in cælis sint, & eorum aliqui in terra; credendum est, Angelos illorum sex dierum spatio fuisse creatos.

IX. Congruentia, quam assertit D. Th. hæc Qu. 61. art. 3. hoc etiam suadet. Nam Deus statim produxit hoc Universum perfectum, & constans omnibus partibus, quibus naturaliter coalescit: sed Angeli sunt partes quibus præcipue, & naturaliter hoc Universum constat; creaturarum enim universitas ex spiritualibus, & corporalibus integratur; neque creaturæ spirituales unum per se Universum, seu mundum constituunt diversum a mundo, seu Universo creaturarum corporaliū; ergo cum creaturis corporalibus, non ante, fuerunt Angeli producti. Maj. probatur. Hoc enim convenientius est: tūc ex parte Dei, cujus perfectio sunt opera, & cujus non est successivè operari; sicut enim singulas Universi partes in esse perfecto produxit, ita & totum Universum, & non prius partem, deinde totum. Tūc ex parte ipsius Angeli, qui licet in suo esse absolute perfectus sit; in ratione tamen parvis Universi, ad quod per se ordinatur, perfectius illi est factum fuisse cum toto Universo, quam ante Universum.

X. Hinc patet, hanc D. Thomæ congruentiam immerito ab aliquibus repulsi. Quia, inquirunt, Angeli non sunt partes Universi, nisi quia ipsum movent, regunt, & administrant; quod autem hoc modo habet rationem partis, extra totum perfectionem suam, habet, ut patet in Gubernatore navis, & Duce exercitus.

Nam nec Gubernator navis, nec Dux exercitus sunt per se, & ex natura sua partes, ille navis, iste exercitus: si enim in se, ut homines sunt, consideramus, nullum ordinem dicunt, neque ad navem gubernandam, neque ad exercitum regendum, ideoque absque tali ordine in se perfecti sunt. At

Angelus, & quælibet creatura per se, & naturaliter est pars Universi; & propterea perfectus illi est una cum toto, quam ex parte totum produci. Videatur D. Tho. in 2. Dist. 2. qu. 2. art. 3. & Qu. 3. de Potentia, art. 18. ubi ait: *Angeli cum non solum sunt considerandi absolute, sed etiam inquantum sunt pars Universi. Et hæc consideratio eorum instantium est magis attendenda, in quantum bonum Universi præcinit bono cuiuslibet creatura particularis, sicut bonum totius præcinit bono partis. Secundum autem, quod considerantur Angeli, ut partes Universi, competit eis, quod simul cum creatura corporali sint conditi. Unus enim totius una videtur esse productio. Si autem seorsum essent Angeli creati, videretur omnino alicui ab ordine creatura corporalis, quasi aliud Universum per se constituentes. Unde descendendum est, quod Angeli simul cum creatura corporali sunt conditi, tamen sine alterius opinionis præiudicio.*

XI. Hoc idem testantur ex Patribus Græcis Epiphanius, Heresi. 65. num. 4. & 5. Illud enim, ( inquit ) sermo divinus declarat, neque post sidera producos Angelos, neque ante calum, terramque constitutos. Quod probat ex cap. 1. Genes. dicens: *Quoniam in principio creavit Deus calum, ac terram, ut illud sit creandi principium, ante quod creatis ex rebus omnino nullas fuisset.* Consentit Theodoretus, Qu. 3. in Genes. ubi huic sibi propositæ questioni: *Præceduntne Angeli creationem calis, & terra, an una cum eis creati sunt?* Respondet: *creatos non esse ante mundum corporeum (eius non satis probanda utatur ratione) tūc quod cælo circumscripti sunt; tūc quia, cum ad hominum tutelam destinati sint, inutilis fuisset ante mundi creationem eorum productio. Quo ministerio ( inquit, Quo 4. ) fungebantur Angeli, qui creationem præcedebant, cum nullus esset, quod indigeret, ut adjuvaretur eorum operat.* Refertur quoque Procopius, qui *Præfat. in Genesim* dicit, Moysen nomine cuius Angelos comprehendisse ponendo continens pro coniecto.

XII. Ex Latinis hoc expressè docet

L 3

cui

cuit S. Augustinus pluribus in locis, præcipuè *lib. 11. de Civit. Dei, cap. 9.* dicens. *Ubi de mundi constitutione sacra Littera loquuntur, non evidenter dicitur, utrum, vel quo ordine creati sint Angeli. Sed si prætermissi non sunt; vel cali nomine, ubi dictum est: In principio fecit Deus cælum, & terram; vel potius lucis hujus, de qua loquor, significati sunt.* Idem docet citato loco, *cap. 6. lib. de Genes. imperfecto, cap. 3.* & alibi. Cui adjungere poteris S. Gregorium, *lib. 32. Moral. cap. 9. nunc 12.* Bedam, in *Hexaemeron* dicentem, in principio cum cælo, & terra conditos fuisse Angelos; & ideo Moysen de terra dixisse, in principio fuisse inanem, & vacuum, quia fructibus, & habitatoribus carebat; non autem dixisse hoc de cælo: *Quia mox creatum, suis incolis, hoc est beatissimis Angelorum spiritibus repletum est.* Unde subdit Moyses: *Perfecti sunt cali, & omnis ornatus eorum, quippe debitos incolas habentes.*

XIII. Colligitur primo ex dictis, non fuisse creatos post mundi hujus corporei completam conditionem. *Quis porro* ( inquit S. Augustinus, *lib. 12. de Civit. Dei, cap. 9.* ) *audebit opinari, post omnia ista, qua sex diebus enumerata sunt, Angelos fuisse? Sed etsi quisquam ita desipit, redarguit istam vanitatem illa Scriptura parvis auctoritatis, ubi Deus dicit ( Job. 38. v. 7. secundum lxx. ) Quando facta sunt sydera, laudaverunt me voce magna Angeli mei. Jam ergo erant Angeli, quando facta sunt sydera. Facta sunt autem quarto die &c. Inde probat, eos nec tertio, nec secundo factos fuisse, sed prima die, quando facta est lux.*

XIV. Colligitur secundò ex his Augustini verbis, Angelos prima die fuisse creatos, quando fuit creatum cælum, aut fuit creata lux. Hoc indicavit Concilium Lateranense IV. cap. 1. citato, cum ait: *Deus simul ab initio temporis utramque de nihilo condidit creaturam, spiritualem, & corporalem, Angelicam videlicet, & mundanam.* Et *Job. cap. 38. v. 7.* laudato, ubi secundum Vulgaram legitur: quod quando Deus po-

nebat fundamenta terræ, & bases ejus solidabat, *Laudabant eum astra matutina: id est omnes Angeli Dei, ut in Hebræo seu Turma Angelorum, ut in Caldaico: ergo sive Deum ponentem fundamenta terræ, & solidantem bases ejus intelligas Deum terram primò creatam, quod primo die fecit; sive terram in montes erigentem, & deprimentem in valles ( tunc enim in centro gravitatis, quod nunc habet confinita est ) Angeli producti, Deumque laudantes intelliguntur.*

## S. I I I.

*Fundamenta Contraria.*

XV. **C**ontrariæ sententiæ fundamentum dant Patres Græci, & Latini. Ex Græcis primò. Nazianzenus *Orat. 38.* ubi descripta creatione Angelorum, subdit: *Posteaquam autem primas creationis partes ( mundi nempe intelligibilis ) præclarè constitutas vidit, alterum mundum materia constans, & adspicibilem cogitavit; hunc nimirum ex cælo, & terra, et his rebus, quæ eorum complexu continentur etc.* quod recepit *Orat. 41.* Nazianzenum laudat, & sequitur Damascenus, *lib. 2. 2. Orthod. Fid. cap. 3.* apud D. Tho. 1. *Par. quæ 62. art. 3.* in primo argumento dicentem: *Quidam dicunt, quod ante omnem creationem geniti sunt Angeli, ut Theologus dicit Gregorius: Primum quidem excogitavit angelicus virtutes, et caelestes, et excogitatio opus ejus fuit.*

S. Basilii, *Homil. 1. in Hexaem. Erat* ( inquit ) *status quidam mundi ortu antiquior, caelestibus Potestatibus conveniens.* Deinde expositâ creatione Angelorum subdit: *Tum demum oportebat, et hunc mundum rebus jam exstantibus adjungi etc.* Pro eadem referuntur Origenes, *Homil. 1. in Genes.* et *Homil. 19. in Matth.* Chrysostomus, *lib. 2. ad Stagiriū.* Severianus Gabalitæ *Orat. 4. de Mundi opificio.* Anastasius Sinaita, *lib. 7. in Hexaemeron.*

Ex Latinis in eadem sententia versantur S. Ambrosius, *lib. 1. in Hexaemeron.*



meron. cap. 9. dicens: *Angeli, Dominationes, & Potestates, etsi aliquando caperunt, erant tamen jam, quando hic mundus est factus.* Et Præfat. in Psal. Ante (inquit) ipsum initium mundi Cherubin, & Seraphin cum suavitatem canora vocis sua dicunt Sanctus, Sanctus, Sanctus. Subscribit Hilarius, lib. contr. Auxent. Hieronymus in cap. 2. Epist. ad Titum, sic dicens: *Sex millia nec dum nostri Orbis implentur anni, & quantas prædi aternitates, quanta tempora fuisse arbitrandum est, in quibus Angeli, Throni, Dominationes, cæteraque Virtutes servierint Deo, & absque temporum vicibus, atque mensuris Deo jubente subsisterint?* Hieronymo, adhæret Beda. lib. Quæstionum, quæst. 9. dicens: *Angeli ante creationem mundi creati sunt.*

Ex his ergo argui potest sic. Illa sententia est probabilior, cui ferè omnes, vel saltem major pars Patrum subscribit; sed Patres ferè omnes, vel saltem major eorum pars, sentit, Angelos fuisse creatos ante mundum corporeum; ergo &c. Min. probatur ex allatis eorum auctoritatibus. Quantum enim ad Græcos S. Thomas hæc Quæst. art. 3. ad 1. dicit, quod omnes hoc concorditer sentiunt, quod Angeli sunt ante mundum corporeum creati. Et quantum ad Latinos major pars in hoc conspirat, Augustino, aliisque paucis exceptis.

XVI. Respondeo: non semper maiorem partem Veterum reddere opinionem probabiliorē; sed ulterius requiri, ut subsequens seculorum consensione firmetur, & Ecclesiæ mens in eam propendat. Alioquin, cum omnes fere Veteres, maximè Græci in eam opinionem iverint, quæ Regnum Millennium statuit; & eam, quæ animas iustorum nonnisi post universalem resurrectionem Deum visuras asserit, debet reputari tanquam probabiliores. Cum ergo Angelos fuisse creatos ante mundum corporeum, multi quidem Græcorum senserint, non tamen omnes (nam Epiphanium, & Theodoretum oppositorum tenuisse superius ostendimus) & Latinorum etiam aliqui eidem ad-

hæserint; & rursus post Augustini temporibus contraria opinio prævaluerit, & ei, tanquam veriori, Ecclesia in Concilio Lateranensi IV. citato adhæserit; dum ait: Deum simul ab initio temporis utramque ex nihilo condidisse naturam, spirituales, & corporales, angelicam, & mundanam; ideo hæc, ut probabilior amplectenda est. Quomodo autem nos gerere debeamus circa Patres, diximus supra, Tom. 1. Quæst. de Locis Theologicis. Dub. 7.

Quod vero D. Thomas dicit, Græcos concorditer sensisse, Angelos conditos ante mundum corporeum, non est accipiendum universaliter, & distributive, sed pro maiori parte; hoc autem damus, vel saltem omitimus; possent enim aliqua expositione eorum dicta temperari.

XVII. Sed dices. Ea opinio probabilior est, cui apertius favet Scriptura; sed opinioni Græcorum apertius favet Scriptura, Job 38. v. 7. *Ubi eras, quando ponebam fundamenta terræ . . . cum me laudarent simul æstra matutina, & jubilarent omnes filii Dei.* Quibus Angeli, per æstra matutina significati, perponuntur jam esse, cum fundamenta terræ posita fuerint; ergo &c.

XVIII. Hæc non urgent. Nam hinc solum sequitur, Angelos fuisse creatos ante formationem syderum, si cum Epiphanio, Hæres. 65. & Augustino lib. 11. de Civit. Dei, cap. 9. secundum lxx. legamus: *Quando facta sunt sydera, laudaverunt me voce magna Angeli Dei.* formatio autem syderum dicitur facta quarta die, vel ante fundationem, vel solidationem terræ, quæ legitur facta tertia die. Utroque modo Angeli, qui prima die cum cælo creati sunt, præcesserunt. Unde Divus Gregorius, lib. 28. Moral. cap. 7. nunc 24. *Quia (inquit) prima in tempore condita natura, rationabilium spirituum creditur, non immerito matutina æstra Angeli vocantur. Quod si ita est, dum terra esset invisibilis, & incomposita, dum tenebra essent super abyssum, venturum diem subsequens sæculi per lucem sapientia existendo prævenimus. Quod si velimus,*

sydera, & terram hic sumi pro prima creatione, quam supra diximus contigisse primâ die, non vero pro ornatu, qui quarta, & tertia die legitur factus; tunc Angelos præcessisse sydera, & terram, non duratione, sed naturâ dicendum est.

XIX. Neque iterum dicas. Job. 40. v. 40. Behemoth, idest Diabolum, dici Principium viarum Dei.

Nam reponam: nomine Behemoth litteraliter sumi, non Diabolum, sed Elephantem; unde v. 10. dicitur: *Ecce Behemoth, quem feci tecum, funum quasi bos comedit, fortitudo ejus in lumbos ejus &c.* qui ideo dicitur principium viarum Dei, quia inter terrestria animalia præcipuum est. Quod si de Diabolo, seu Lucifero intelligatur, dicitur principium viarum Dei; non quia duratione præcedat, sed dignitate, & excellentia. Ita S. Gregorius, lib. 32. Moral. cap. 18. modo 33. *Principium viarum Dei Behemoth dicitur: quia mirum, cum cuncta creans ageret, hunc primum condidit, quem reliquis Angelis eminentiorem fecit.* De hoc videatur D. Thom. in Cap. 40. Job. lect. 2. Hæc pro veritate dicta sunt. Ceterum.

XX. Respondeo secundo ad argumentum principale: prænaratas autoritates Patrum, Angelos fuisse creatos ante mundum corporeum opinantium, solum evincere, nostram sententiam non esse dogma fidei, & contrariam non esse hæreticam, vel aliquâ censura notandam. Contrarium enim, hætenus non est demonstratum, nec fide expressum, ait D. Tho. in 2. Sent. dist. 2. qu. 1. art. 3. Qu. 3. de Potentia, art. 18. & hac Qu. 67. art. 3. ubi, stabilita sua opinione subiungit: *Quamvis contrarium non sit reputandum erroneum. Præcipue propter sententiam Gregorii Nazianzeni, cujus tanta est in doctrina Christiana auctoritas, ut nullus unquam ejus dictis calumniam inferre præsumeret, sicut nec Athanasii documentis, ut Hieronymus dicit.*

Quod huic responsioni ob stare potest, est Concilium Lateranense IV. sæpè laudatum, quo definitum videtur,

Angelos Simul ab initio temporis cum creatura corporali conditos fuisse. Porro etsi illa particula Simul non semper indicet similitatem temporis, sed aliquando idem sonet, ac similiter: sicut enim, dum dicitur, Psalm. 48. v. 11. *Simul insipiens, & stultus peribit*, sensus sit, quod similiter, idest eodem genere mortis, licet non eodem tempore, uterque peribit: ita dici posset, Angelos, & naturam corpoream Simul, idest similiter eodem genere conditioni, nempe ex nihilo, quamvis non eodem tempore conditos fuisse. Attamen ly Simul conjunctum cum ly ab initio temporis nimis apertè indicat, de similitate temporis Concilium loqui; maxime quia statim subiungit, & deinde humanam; quod certe posterioritatem temporis signat, quia homo postea, nempe sexta die, conditus fuit.

XXI. Verum hac satis acuta meditatione, nostram quidem, & communem sententiam esse probabiliorē, & menti Concilii, imò & Scripturæ magis conformem ostendit; at contrariam proinde omni probabilitate non exiit. Nam posset quis respondere primo Concilio, esso loquatur de similitate temporis, non loqui tamen de similitate physica, sed morali, quæ quandam patitur latitudinem; ea ferme ratione, quæ res, quæ eodem die, vel mense, vel etiam eodem anno factæ sunt, simul factæ plerumque dicuntur. = Secundo. Esto Concilium loquatur de similitate etiam physica, hanc tamen non proposuisse, tanquam rem definitam, sed tanquam sententiam probabiliorē. Ut enim in Tractatu de Locis Theol. 2. gentes de Conciliis observavimus, non omnia, quæ in Conciliis dicuntur, pro definitis habenda sunt; alias D. Thomas qui post Concilium scriptis, contrariam sententiam à nota erroris immunem, non pronuntiasset.

Tertio. Quia mens Concilii non, fuit damnare Patrum Græcorum sententiam, sed errores varios, qui circa mundi creationem, sive a Philosophis, sive ab Hæreticis maxime Manichæis, & præsertim ab Origene prodierunt. Hoc D. Thomas ostendit Opuscul. 23. quod

quod super laudatum caput Lateranensis edidit. Ubi exponens illa verba. Simil ab initio temporis &c. ait: Alius fuit error Origenis ponentis, quod Deus à principio creavit solas spirituales creaturas, & postea quibusdam earum peccantibus creavit corpora; quibus quasi quibusdam vinculis spirituales substantię alligarentur; ac si corporales creatura non fuissent ex principali intentione Dei producta, quia bonum esset, eas esse: sed solum ad puniendum peccatum spirituum creaturarum. Cum tamen dicatur Genes. 1. Vidit Deus cuncta quę fecerat, & erant valde bona. Unde ad hoc excludendum dicitur: simul ab initio temporis utramque de nihilo condidit creaturam, spirituales, & corporales, angelicam videlicet, & mundanam. Hęc D. Thomas. Quę in gratiam Antiquorum satis, firmitati nostrę sententię nihil detrahendo.

XXII. Obijcies secundo. Si Angeli creati essent cum mundo corporeo, creationis illorum mentionem aliquam fecisset Moyses: at nullam mentionem illorum fecit, eum de creatione mundi corporei sermonem faceret; ergo &c. Maj. probi. Quia esto ex argumento negativo non bene concludatur, si necesse non sit rem aliquam exprimere, secus tamen si necesse sit ad exactam rerum narrationem illam non omittere eum ergo ad exactam rerum creationem necesse sit etiam Angelos recensere; vel Angeli cum mundo corporeo creati non sunt, vel Moyses non fuit accuratus scriptor, sed diminutus.

XXIII. Huic objectioni responsum est, *Dub. preced. §. 2. à nu. 14.* Vel Angelorum creationem non fuisse à Moyse prætermisam, sed indicatam nomine cęli, aut lucis. Vel rationabiliter omisam, quia solius mundi hujus ad spectabiles conditionem exponere in animo habuit. Videantur Propterea ibi dicta. Utramque responsum dat Sanctus Thomas, Qu. 3. de Pot. art. 18. ad 4. *Ad quartum* (inquit) *dicendum, quod, sicut Basilides dicit in primo Hexæmeron, Moyses Legislator in principio Genes. exordium visibilis creatura incepit expone, prætermisam creaturam spirituales,*

*qua ante fuerat condita* (prioritate tamen naturę, non temporis) *de qua mentionem non fecit; quia rudi populo loquebatur, qui ad spiritualia capienda idoneus non erat. Secundum Augustinum* verò, *creaturam spirituales per celum intelligit, sicut per terram creaturam corporalem, cum dicit: In Principio creavit Deus celum & terram. Quare autem sub metapora cęli, & non expressè creationem Angelorum tradidit, potest eadem ratio assignari, qua & supra, scilicet ex populi ruditate; & iterum ad vitandam Idololatriam, in quam pravi erant; ad quam daretur eis occasio, si plures substantias spirituales ponerentur præter unum Deum, qua essens calo nobiliores, & præcipue cum hujusmodi substantia à Gentilibus Dii discernuntur. Secundum vero Strabonem, & alios priores, per celum, quod in antiquitate indulta ponitur, intelligitur celum Empyreum, quod est habitaculum Sanctorum Angelorum, metonymie (per Metonymiam) sicut quando ponitur caninens pro contento. Hęc D. Tho.*

XXIV. Obijcies tertio. Non minus requiritur ordo in exitu rerum à principio, quam in reductione earum in finem: sed in reducendo res in finem hæc est lex divinitatis statuta, ut Dionysius dicit, quod ultima redeantur in finem per media; ergo similiter creaturę corporales, quę sunt infimę, procedunt à Deo per angelicas creaturas, quę sunt medię; & sic Angeli corporales creaturas præcedunt sicut causa effectum.

XXV. Urgetur. Creatura angelica media est inter naturam divinam, & corpoream; ævum etiam, quod est Angeli mensura, medium est inter æternitatem, & tempus: sed Deus suā æternitate fuit ante Angelos, & visibilem creaturam; ergo & Angeli suo ævo fuerunt ante mundum visibilem.

XXVI. Respondeo cum D. Thoma, ejus est hoc argumentum, Qu. 1. de Pot. art. 18. ad 15. *Quod res in finem ordinatur per suam operationem; non autem producit in esse per suam operationem, sed solum per operationem causa agentis.*

*Agentis. Unde magis est conveniens, quod creatura superiores cooperentur Deo in reducendo creaturas inferiores in finem, quam in earum productione. Hæc doctrina supponit, omnia fuisse immediate à solo Deo primò creata, quod superius ostendimus, Tractatu de Deo Creatore, Qu. 1. Dub. 3. creationi autem nulla creatura cooperari potest.*

Ad id, quod urgetur, respondeo cum eodem S. Tho. ad 10. *Quod Deus est causa natura angelica; non autem natura angelica causa est natura corporalis & ideo non est simile.*

Si dicas: quod effo natura angelica non sit causa, est tamen movens naturam corporalem, motor autem præcedit mobile = Respondebo cum eodem S. Doct. ibi ad 21. *Quod motor non de necessitate præcedit tempore mobile, sed dignitate, sicut patet in anima, & corpore.*

### S. I V.

*De loco, in quo Creati sunt Angeli.*

**XXVII.** **D**ico secundo. Probabilis est, Angelos creatos esse in cælo Empyreo, seu in supremo corpore, quodcumque nomine nuncupetur. Ita D. Tho. hac Qu. 61. art. 4. & alibi. Est quidem rationabiliter. Decuit enim, ut inter creaturas supremas, in supremo corporum, ut in loco sibi proprio, crearentur: quamvis enim Angeli à corpore, vel loco non dependant, ad creaturam tamen corporalem aliquem ordinem habent, tanquam toti naturæ corporali præsidentes; ergo decuit, ut in loco nobilissimo, atque inter omnia supremo conderentur. Tùm etiam: conveniens fuit, ut Angeli crearentur in eo loco, qui congruentior erat eorum operationi, quæ est contemplatio; huic autem congruentius erat cælum Empyreum, seu corpus inter omnia supremum; ergo &c. Hac ratione utitur S. Tho. in 1. Disput. 6. qu. 1. art. 3. Nam cælum Empyreum est lucidum, immobile, & sedes Beatorum.

**XXVIII.** Secundo probatur. In-

eo loco omnes Angeli creati sunt, unde Angeli prævaricatores ceciderunt, ac dejecti sunt: sed hi dejecti sunt ex cælo Empyreo: unde, Lucæ 10. v. 18. *Videbam Satanam sicut fulgur de cælo cadentem*, cui consonat illud, Isaïæ 14. v. 12. *Quomodo cecidisti de cælo Lucifer? Quæ de cælo supremo intelligit Augustinus, lib. 11. de Civitate Dei cap. 33. vocans illud cælus cælorum.* Distinguens enim societatem bonorum Angelorum à societate malorum: *Illam* (inquit) *in cælis cælorum habitantem; istam inde* (è cælis cælorum) *dejectam.* Fuerunt ergo Angeli omnes in cælis cælorum, hoc est in supremo cælo, ut in proprio domicilio conditi, & ex ipso Angelis prævaricatores dejecti. Nec enim in hoc faciendum est discrimen malorum Angelorum à bonis; cùm enim omnes sint creati boni, non apparet ratio, cur discreti loco fuerint ante peccatum.

**XXIX.** Sed dices primo. In eo loco creati non fuerunt Angeli, ad quem mali ambierunt ascendere: sed hi ambierunt ascendere ad cælum superius, juxta illud, Isaïæ 14. v. 13. *In cælum conscendam, super astra Dei exaltabo solium meum;* ergo mali fuerunt conditi in cælo sydereo inferiori ad Empyreum.

Urgetur hoc. Quis enim dicat Diabolum fuisse unquam in cælo, quod Beatorum sedes est, & quòd in illo peccaverit? Dicendum ergo potius, quod sicut homo non fuit creatus in Paradiso terrestri, sed extra illum, & postea in illum translatus: ita Angeli non fuerunt creati in loco proprio suæ beatitudinis, sed extra illum, ut postea juxta sua merita in ipsum transferrentur. Ita Suarez, & post ipsum Frassen, qui in cælo sydereo Angelos fuisse conditos opinantur.

**XXX.** Respondeo. Nego min. intellectam de cælo superiori corporeo. Ad locum vero Isaïæ dico primo. Verba illa non esse Angeli prævaricatoris, sed ad litteram Regis Babylonis, qui eo superbix devenit; ut quamvis in cælum proprie volare noller, summum tamen majestatis thronum, ac

di.

divinitatis honores, quibus Deus in cælo colitur, ambiret. Ita S. Hieronymus. lib. 3. in Cap. 14. *Isaia*, dicens: *Nec suffecerat ei (Nabuchodonosori) desiderare cœlestia (idest sedere in monte Testamenti, idest in templo, ubi Dei jura sunt condita, & in lateribus Aquilonis, idest in Jerusalem) nisi ad tantam prorupisset infamiam, ut Dei sibi similitudinem vendicaret.*

Verum, quia non est dubium, quin Rex Babylonis inducatur, ut gerens figuram Luciferi, seu Diaboli. Dico secundo cum D. Tho. hâc Qu. 61. art. 4. ad 2. quod dum Lucifer ait: Ascendam in cœlum, Loquitur ibi non de cælo aliquo corporeo: sed de cælo S. Trinitatis, in quod Angelus peccans ascendere voluit, dñm voluit aliquo modo Deo equiparari. Unde, & subdit: *Similis ero Altissimo.*

XXXI. Sed replicabis. D. Hieronymus, lib. 6. in dictum Caput 14. *Isaia*, ad illa verba: *In cælum ascendam*, ait: *Si adhuc in cælo positor, quomodo dicis: Ascendam in cælum? Cui interrogationi respondet: Sed quia legimus cælum, cæli Domino, quum esset in cælo, idest in firmamento, in cælum, ubi solium Domini est, cupiebat ascendere.* Firmamentum autem est cælum sydereum, non Empyreum.

Respondeo: S. Hieronymum Firmamenti nomine intelligere supremum cælum corporum, supra quod est cælum, quod est thronus Dei, ad quod ascendere conabatur per superbiam. Hanc autem esse Hieronymi mentem, colligo ex iis, quæ antea dixerat in persona Christi, dicentis ad discipulos: *Nomina vestra scripta sunt in cælo: quibus addit: Ut unde ille cecidit per superbiam, vos ascendatis per humilitatem.* At per humilitatem ascendimus non ad cælum sydereum tantum, sed Empyreum; ergo Lucifer non ex cælo sydereo tantum cecidit, sed ex Empyreo. Quod ex eo magis comprobatur. Nam Angeli, ut dictum est, creati fuerunt primo die: firmamentum autem, quomodo cumque sumatur, solum quarto die factum fuit; ergo cælum, in quo creati sunt Angeli, non fuit firmamentum propriè sumtum.

Tom. P.

XXXII. Neque officit id, quod utretur. Si enim in Paradiso peccavit homo; cur est in Empyreo, nondum tamen beatus, aut in gratia confirmatus, non potuit peccare Angelus? Nec enim peccato spirituali Angeli labem, ulam contrahere potuit Empyreum, quod est corporeum. Imò ad nostram instructionem, & humilitatem hoc fuit, (inquit S. Bernardus serm. de ligno, feno, & stipula, modo serm. 30. de diversis) *Nusquam est securitas, Fratres, neque in cælo, neque in Paediso, multo minus in mundo. In cælo enim cecidit Angelus sub presentia divinitatis; Adam in Paediso de loco voluptatis; Judas in mundo de scabola Salvatoris.*

Ad id, quod additur de Homine, respondeo cum D. Tho. 1. 2. Part. qu. 101. art. 4. in corp. discrimen esse: *Quod Paedisus fuit locus congruus habitationi humanae, quantum ad incorruptionem primi status. In corruptio autem illa non erat hominis secundum naturam, sed ex supernaturalis Dei dono. Ut ergo hoc gratia Dei impuaretur, non humana natura, Deus hominem extra Paradisum fecit, & postea ipsum in Paradiso posuit.* ... At cælum Empyreum (inquit ibi ad 1.) est locus congruus Angelis, quantum ad eorum naturam; & ideo ibi sunt creati.

XXXIII. Dices secundo. In eo ut in loco creati sunt Angeli, in quo aliquid externum operari experunt; cum Angelus sit in loco per operationem, in illum, ut dicemus: sed Angeli in cælo Empyreo nihil operari poterunt, non enim motum, ut in aliis cælis, quia cælum Empyreum est immobile; ergo &c.

XXXIV. Respondeo, neg. min. Angeli enim in cælo Empyreo creati statim virtute sua aliquid ad ornatum ei contulerunt. Quid vero hoc fuerit, incognitum est nobis, sicut natura cæli Empyreii incognita est. Probabile tamen est ad lucem quâ cælum Empyreum fulget, eos concurrisse. Unde ait D. Tho. in 1. Dist. 47. qu. 3. art. 1. in corp. *quod Angelus est in loco (cui non confert esse, sed aliquid ad esse super-*

ad-

additum) in quantum operatur circa aliquod corpus locatum, vel motum, vel lumen, vel aliud hujusmodi. Sed de hoc sermo redibit, cum de loco Angelorum agetur.

XXXV. Pro complemento adverte cum D. Tho. *bæ. Qu. 61. art. 3. ad 2.* non esse improbabile, quod non omnes Angeli fuerint creati in cælo Empyreo, sed aliqui, nempe inferiores, & ex iis, qui peccaverunt: creati fuerint in corporibus inferioribus. Et ita exponit dictum S. Augustini, *lib. 3. super Gen. ad litt. cap. 10.* dicentis, Angelos fuisse creatos in superiori parte aeris. Ait enim, quod August. *Vel loquitur non de omnibus Angelis, sed de illis, qui peccaverunt, qui secundum quosdam fuerunt de inferioribus ordinibus. Nihil autem prohibet dicere, quod superiores Angeli habentes virtutem elevatam, & universalem super omnia corpora, sint in supremo, vocatura corporea creati; alii vero habentes virtutes magis partiales, sint creati in inferioribus corporibus.* Et hoc posito, bene explicatur, quomodo Lucifer dicere potuerit: ascendam in cælum; quia cum esset in corpore inferiori creatus, appetiit superbe ad superius ascendere.

## QUÆSTIO II.

### De Natura Angelorum.

**E**xistentiam, & creationem Angelorum statuimus. Modò eorum naturam examinandam aggredimur; rem equidem hominibus circa sensibilia occupari solitis fere imperiviam: quæque propterea, ut videbimus, Doctores maxime veteres in varias traxit opiniones. De hac ergo quærendum erit. Primo: an sit prorsus spiritualis. Secundo: an sit immultiplicabilis. Tertio: an sit incorruptibilis.

## DUBIUM I.

### An Angeli Natura sint Spirituales?

#### §. I.

*Notantur aliqua, & referuntur Opiniones.*

**I.** Nihil quovis tempore fuit communius, atque receptius, saltem apud Catholicos, quam Angelos esse *Spiritus*. Quia tamen nomen *Spiritus* æquivocum est, ideo ex diversâ ejus acceptione in diversas abitum est sententias. Primò ergo nomen *Spiritus* accipitur pro re rebusissima, ac subtilissima, sive sit accidens, sive substantia. Sic species, seu imagines, quæ ab objectis immittuntur ad sensus, spirituales, seu intentionales dicuntur. Sic tenuissimæ, ac puriores sanguinis partes, per quas vegetandi, sentiendique vis manat in reliquis, spiritus vocantur, vel animales; quatenus à cerebro ad sensus officia, & motus per nervos diffunduntur: aut vitales, quando per arterias à corde propagati insitum calorem reficiunt, quo animalis vitæ continetur. Secundo. Nomen *Spiritus* accipitur pro vento, aere, & puriori exhalatione; unde *spirare, respirare*, idem est, ac aerem trahere; & ventus nimio impetu irruens *Spiritus procellarum* vocatur *Psalm. 148. v. 8. & act. 2. v. 2.* aeris agitatio, qua Spiritus Sanctus super Apostolos descendit dicitur fuisse: *Tantum adveniens Spiritus vehementer.* Sic puriores exhalationes, quæ opæ chymicæ ex corporibus crassius extrahuntur, spiritus dicuntur: & in hisce duabus acceptionibus Medicis, & Chymicis familiare est nomen *Spiritus*.

II. Tertio. Nomen *Spiritus* pro anima, sive rationali, sive etiam sensitiva usurpatur: unde Ecclesiastis 3. 21. *Quis novit, si spiritus filiorum Adam ascendat sursum, & si spiritus jumentorum descendat deorsum?*

III. Quarto. Pro substantia incorporea, non quomodocumque, sed ut opponitur corpori crasso ex carne, & ossi.

omnibus constante, quomodo illud Christi, Luca 24. v. 39. *Palpate, & videte, quia spiritus est caro, & ossa non habet*; Et hoc modo, ut dicemus, Veterum multi arbitrati sunt, Angelos esse spiritus; nempe, etsi corpora habentes, ea tamen ita aerea, & subtilia, ut nec tangi, nec ullo sensum percipi possint.

IV. Quinto denique. Nomen spiritus significat naturam pure intellectualem, nullo corpore, quamvis tenuissimo, nullave materia physica constantem, vel concretam.

V. Hæc omnia didicimus à D. Tho. in 1. Dist. 10. qu. 1. art. 4. ubi ait: *Dicendum, quod spiritus est nomen positum ad significandam subtilitatem aliquius naturæ; unde dicitur tam de corporalibus, quam de incorporeis. Aer enim spiritus dicitur propter subtilitatem, & exinde abstractio aeris, & impulsio dicitur inspiratio, & respiratio; & exinde ventus etiam dicitur spiritus; & exinde etiam subtilissimi vapores, per quos diffunduntur virtutes animæ in partes corporis, dicuntur spiritus. Et similiter incorporea propter suam subtilitatem dicuntur spiritus, sicut dicimus duos spiritus, & Angelum, & animam &c. & 1. Par. qu. 42. art. 3. ad 4. de spiritu creato (inquit) quod Quandoque dicitur ventus, quandoque aer, quandoque status hominis, quandoque etiam anima, vel quacunque substantia indivisibilis.*

VI. Cum ergo nomen spiritus indifferenter corporea, & incorporea significet ob maiorem, vel minorem subtilitatem, seu remotionem à materia, sive in totum, sive à materia crassiori, propterea, quamvis Angeli in Scripturis dicantur spiritus, non formidant Veteres illis assignere corpora, etsi subtilissima. Ita Irenæus, qui licet, lib. 3. cap. 20. num. 4. dicat: *Sine carne esse*; lib. tamen 4. cap. 16. al. 40. num. 4. dicit: quod Angeli transgressi deciderunt in terram in iudicium. Idei, in peccati penam præcipites in terram adii, mulierum specie capti, cum iis stupri consuetudinem habuerunt, & quorum satu natum fuit pessimum

hominum genus, quos uliricibus diluvii aquis Deus delevit. Quod statetur, & Clemens Alexandr. lib. 1. *Prologi, cap. 2.* Et 3. *Stromatis*. quæ fuit etiam opinio S. Iustini Martyris, Athenagoræ, Lactantii, & Tertullianis, qui sicut Deo affinxit corpus, putans, præter corpora nihil esse; ita multo magis hoc de Angelis opinatus fuisse credendus est. Ex præfatis autem Veteribus distinguebant quidam ruinam, & lapsus Luciferi à lapsu Angelorum inferiorum, & illum quidem ex superbia processisse asserbant; istum tamen ex libidine, ac cum mulieribus commixtione ortum habuisse contendebant.

VII. Quæstio hæc adeo perplexos tenuit antiquos etiam Patres, ut vel Augustinum ipsum aliquando dubitantem audiamus. Nam, lib. 15. de Civ. Dei, cap. 23. postquam attulit creberrimam famam esse, multos se expertos testari: *Silvanos, & Faunos, quos vulgo incubos vocant, improbos sæpe existisse mulieribus, & earum appetisse, ac pergerisse concubitu; & quosdam, Demones, quos Drusius Galli nuncupant, hanc ejusmodi immunditiam, & tentare, & efficere* subjungit: Non hinc audeo definire, utrum aliqui spiritus elemento aereo corporati (nam hoc elementum etiam cum agitur stabello, sensu corporis, talique sentitur) possint etiam hanc pati libidinem, ut quomodo possunt, sentientibus feminis miscantur: De tamen Angelos Sanctos nullo modo illo tempore sic labi potuisse crediderim. Et rationem dubitandi præmiserat; nam sicut Scriptura dicit: *Qui facit Angelos suos spiritus*; (Psalm. 103. v. 5.) ita subdit: *Et Ministros suos ignem ardentem*. Quibus verbis, an Angelis corpora adjunxerit, an caritatem, quæ servare debent ministri ejus, indicare voluerit (inquit) S. Augustinus, Ambiguum est.

Item, Epist. 95. olim. 250. ad Paulinum, & Thersasium nu. 8. Hinc, ait, oritur de Angelis quæstio: utrum habeant corpora suis officiis, & concursationibus congrua, an tantummodo spiritus sint? Si enim habere dixerimus, occurret nobis: Qui facit Angelos suos spiritus. M a Si

Si autem non habere dixerimus, plus habet scrupuli, quomodo scriptum sit: eos corporis hominum sensibus sine corpore præsentatos, hospitio receptor, pedes eis lotos, edentibus, & bibentibus ministratum. Facilius enim videri potest, sic esse spiritus Angelos distos, ut homines animas; sicut scriptum est, cum Jacob in Ægyptum tot animas descendisse (neque enim corpora non habebant) quàm ut illa omnia sine corporibus gesta credantur. Deinde certa quadam in Apocalypsi Angeli statuta desinitur in ea mensura, qua nisi corporum esse non possit; ut quod hominibus apparuerit, non ad falsitatem, sed ad illam potestatem, ac facilitatem spiritualium corporum referatur. Hæc Augustinus: qui, etsi ibi nihil definiat, se tamen propendere in hoc, quod Angeli habeant corpora spiritalia, præter corpora crassiora, quæ aliquando assumerunt, indicavit, lib. 3. de Trinit. cap. 1. ubi: *Fateor* (inquit) *excedere vires intentionis meæ, utrum Angeli, manente spiritali sui corporis qualitate, per hanc occultius operantes, assumant ex inferioribus elementis corpulentioribus, quod sibi coaptatum, quasi aliquam vestem mutant, & versant in qualibet specie corporales, etiam ipsas vires; sicut aqua vera in verum vinum conversa est à Domino: an ipsa propria corpora sua transformant in quod voluerint accommodatè ad id, quod agunt. Corpora autem hæc spiritalia, Angelorum formam, & membra humana habere dicit, lib. 1. Retract. cap. 26. Quod dixi, Angelica corpora, qualia nos speramus habituros, lucidissima, atque æthereæ esse credendum est; si hoc sine membris, qua nunc habemus, & sine substantia, quamvis incorruptibilis, tamen carnis, accipitur, erratur. Corpora ergo nostra gloriosa videtur opinari futura, sicut corpora angelica, æthereæ scilicet cum membris tamen humanæ carnis.*

VIII. Placuit in his aliquantisper immorari, ut noverit meus Candidatus, non semper exploratum fuisse, Angelos esse puros spiritus ab omni materia, & corpore etiam puriori delectatos; sed multo tempore apud Veteres

in utramque partem disputatum fuisse: adeo ut etiam tempore S. Bernardi inter problemata computaretur. Etenim, lib. 5. de Considerat. cap. 4. de Angelis, inquit: *Quamquam de corporibus eorum non modo unde sint, sed an aliquatenus sint, hæret sententia aliquorum. Unde, si quis inter opinabilia magis id ponendum censuerit, non contendo.*

Nihilominus post Concilium Lateranense IV. sub Innocentio III. ita certum est, Angelos esse puros spiritus, & omnino incorporeos, ut absque ingenti saltem temeritate oppositum sustineri non possit. Quare

## §. I I.

### Veritatis Assertio Prima.

IX. Dico primò. Angeli sunt omnino incorporei, & pure spirituales non constantes ex spiritu, & corpore, quamvis æreæ, & subtili; & non solum Angeli sancti, sed etiam prevaricatores, seu Dæmones. Probatur primò. Quia Scriptura Angelos sive bonos, sive malos absolute vocat *Spiritus*, Psal. 103. v. 4. *Qui facis Angelos tuos spiritus*. Ad Hebr. 1. v. 14. *Omnes sunt administratorii spiritus*. De Angelis etiam malis, Lucæ 10. v. 20. dicitur: *Spiritus vobis subiacentur & c.* 11. v. 26. *Assumit alios septem spiritus secum nequiores se*. Matth. 8. v. 16. *Ejiciebas spiritus verbo*. cap. 10. v. 1. *Dedit illis potestatem spirituum immundorum*. Et alibi passim. Tunc sic. Sed nomen spiritus absolute dictum in Scriptura, significat rem prorsus incorpoream, & omnis materiæ expertem; quare, Jo. 4. v. 24. etiam Deus hoc modo spiritus dicitur: *Spiritus est Deus; ergo &c.*

X. Secundò probatur auctoritate sæpè laudati Coniilii Lateranensis IV. Cap. Firmiter, quo statuitur: *Unum esse universorum principium, Creatorem omnium visibilium, & invisibilium, spiritualium, & corporalium, qui sua omnipotenti virtute simul ab initio temporis utramque de nihilo candidis creaturam, spirituales, & corporales, An-*



*gelicam videlicet, & mundanam, ac deinde humanam, quasi communem ex spiritu, & corpore constitutam.* Quibus Concilium plura statuit.

Primò. Inter creaturas dari creaturam spirituales condistinctam à corporali, & hanc esse angelicam: sed creatura spiritualis condistincta à corporea non potest constare ex spiritu, & corpore, quamvis aereo, & subtili; quia aerea, vel quaecumque alia substantia, etsi subtilis, verè corporea est; ergo &c.

Secundò. Statuit, hominem esse substantiam communem, & quasi mediam inter angelicam, & mundanam, seu corporalem creaturam, quia constat corpore, & spiritu; ergo cum Angeli non sint medium inter spiritum, & corpus, sed extremum condistinctum à corpore, debent esse omnino incorporei; & sicut corpus, quod est aliud extremum, nihil habet de spiritu, ita spiritus nihil habet de corpore.

Tertiò. Ita Angelus est spiritus, sicut anima, ex qua constat homo, spiritus est: sed anima est pure spiritalis, & incorporea, ut in altero Concilio Lateranensi sub Leone X. sancitum est; ergo & Angelus.

XI. Confirmantur omnia ex superius allatis Scripturis. Si spiritus una esset substantiæ angelicæ pars, & corpus altera, Scriptura, & Concilia alibi proprio nomine expressissent completam illam substantiam ex spiritu, & corpore aereo constantem: sicut esse aliquando per animam designetur homo, velut totum per suam partem, alibi tamen asseritur, hominem constare ex anima, & corpore: atque Scriptura, ita vocat Angelos spiritus, ut nullibi exprimat, eos ex spiritu, & corpore constare; Concilium pariter citatum hominem ex corpore, & spiritu constantem ponit medium inter naturam corporalem, & angelicam, quam spirituales appellat; ergo sicut Scriptura, & Concilia dum nominant hominem, ex corpore, & spiritu constantem, nominant personam in esse substantialem completam; ita dum dicunt Angelum esse spiritum, seu naturam spi-

rituales, nominant personam, idem naturam in esse substantiali completam.

XII. Hanc veritatem plures ex Patribus agnovere. Eam agnovit Ignatius Martyr, *Epist. ad Trallenses*, vocans Angelos *Incorporeæ naturæ*. Agnovit Dionysius, *lib. de Cælesti Hierarchy. cap. 1.* appellans eos *Spiritus simplices, nullæ figuræ præditi*; cap. 2. negans eos *Ulli corporea speciei affines, sed puros esse spiritus affirmans*; & cap. 4. eos esse mentes liberas à materia, & corpore. Agnovit Gregorius Nyssenus, *Epist. ad Eustachium*, dicens: *Natura hominis ex anima & corpore est complexa; angelica vero incorpoream naturam foris est*; & *Orat. 4.* in orat. Dominicæ: *Omnis, inquit, natura rationalis dividitur in corpoream, & incorpoream naturam. Incorporea porro est angelica creatura, altera nos sumus.* Agnovit Jo. Chrysostomus, *Homil. 12. in Genes.* dicens: *Quomodo rationi consonum est, Angelum incorporeum... homini invadere corpore circumamisso? & paulo post: Alioquin etiam quanta non dementiâ plenum fuerit dicere, Angelos ita dejectos, ut cum mulieribus rem haberent, & incorporea illa natura copularetur corporibus. Annon audie Dominum dicentem de Angelorum substantia: In resurrectione enim neque matrimonium contrahunt, neque nubunt, sed sunt sicut Angeli Dei? Neque enim possibile est, incorpoream naturam talem unquam concupiscenciam habere.* Agnoverunt S. Basilus, *lib. 4. adversus Eunom.* Angelos cum naturis incorporeis recensens, & ex hoc probans eorum incorruptibilitatem. Theodoretus, *Homil. 10. in Genes.* Damascenus, *lib. 2. de Fide, cap. 3.* Angelum definiens: *Substantiam intelligentem materia atque corporis expertem*; tamen comparate ad Deum, quid crassum, & materiale esse dicat. Non ideo tamen hoc dicit, quasi putet, Angelum aliqua constare materia: sed quia, ut ait D. Tho. hæc Qu. 50. art. 1. ad 1. *Substantia incorporea medium sunt inter Deum, & creaturas corporales. Medium autem comparatum ad unum extremum, videtur alterum extremum;*

*num* ; sicut tepidum comparatum calido videtur frigidum. Et omnes creature comparatæ ad Deum videntur quali non sint, Isaia 40. v. 17. *Omnes gentes, quasi non sint, sic sunt coram eo, & quasi nihilum & inane reputata sunt ei.* Et quis neget, gentes vere esse, quis putet creaturas in se esse nihil, ac inane? Hi omnes recensiti, Græci sunt.

XIII. Nec minus hanc veritatem agnoverunt Patres Latini. S. Hieronymus, tum Ep. 53. aliâ 19. ad Theodorum viduam ; tum Ep. 86. aliâ 17. ad Eusebium, exponens, quomodo in resurrectione erimus sicut Angeli Deis. *Non natura* (inquit) *& substantia corporum tollitur. Non substantiam nobis Angelorum, sed conversationem, & beatitudinem Dominus repromittit.* Et Epist. 94. olim 59. ad Avitum, Origenem reprehendit, quod dixerit, Angelos præparatorum fuisse corporibus alligatos, S. Leo Epist. ad Turibium, cap. 6. *Fides* (inquit) *vera, qua est catholica, omnium creaturarum sive spiritualium, sive corporalium, bonam constituit substantiam.* S. Gregorius, lib. 4. Moral. cap. 3. olim 9. *Duas* (inquit) *ad intelligendum se creaturas fecerat (Deus) angelicam videlicet, & humanam... sed una tegmen carnis habuit, alia vero nihil infirmum de carne gessavit. Angelus namque solummodo spiritus, homo vero & spiritus est, & caro.* Et Homil. 34. in Evangelia : *Angeli, inquit, semper sunt spiritus.* Demum ipsemet S. Augustinus, qui, ut superius observavimus, hac in re dubius hæserat, hanc veritatem tandem agnovisse visus est, lib. 1. Retract. cap. 11. ubi Angelos vocat *Creaturas spirituales, spiritus angelicos*, non vero *animas*, aut *habentes animas.* Et lib. 2. Retract. cap. 14. *Angelos desertores dicit, se vocasse Desertentes se spiritus, quoniam de Angelis agebatur.* Ita post Lateranense IV. omnes Theologi sentiunt, uno excepto Cajetano ; qui esto in Comment. super hunc art. 1. Quæst. 50. sentiat cum D. Thoma Angelos omnis materiæ expertes ; tamen super Cap. 1. Epist. ad Ephes. ait, consonum esse veræ Philosophiæ, quod Dæmones sint spiritus acris, no-

mine acris intelligens, non elementum acris, sed subtile corpus nostris sensibus ignotum.

XIV. Superest, ut hanc veritatem rationibus comprobemus. Prima est, quam attulimus ex D. Thoma Quæst. præced. Dub. 1. §. 1. num. 4. 5. 6. & 7. sumta ex perfectione Universi, in quo, sicut est substantia corporea, ita debet esse substantia incorporea ; & sicut est substantia corporea completa, ita debet esse substantia incorporea, nedum incompleta, ut est anima rationalis, sed & completa. Et ulterius. Quia, ubi datur unum extremum, & medium, conveniens est dari aliud extremum ; sicut ex quo datur oximel, quod ex melle, & aceto constat, consequens est dari acetum à melle distinctum, & mel ab aceto separatum. Intererit natura inveniri : sed in ordine eorum datur aliquid omnino materiale, ut corpora, & aliquid medio modo se habens, ut homo, qui partim corpore partim spiritu constat ; ergo admitti debet aliud extremum, nempe substantia pure spiritualis, quam Angelum dicimus.

XV. Rursus ab inconvenientibus probatur primo. Si Angeli habent corpus, illud habent compactum, sicut homines ; hoc enim illorum apparitiones, & operationes ostendunt ; ergo licet sit subtilius, quam corpus hominis, Angelus specie ab homine non differet, quia subtile, & crassum non variant speciem. Et hac ratione D. Hieronymus, epist. laudata ad Avitum arguit Origenem, quod nimirum Angeli fierent homines, & homines in Angelos transire possent.

Secundo. Quoties Angeli in terram mittuntur, aut cælum divideretur, aut fieret pæcitraio. Nec posset explicari, quomodo integra Dæmonum legio ( ut refertur Luca 8. ) sex milia sexcentum sexaginta sex continens, potuerit uno hominis corpore contineri. Porro ( inquit Richardus Victorinus, lib. 4. de Trinitate ), *si tot ab uno homine ejecti sunt, tot in eo ante ejjectionem fuerunt. Si Dæmones corpora habent, ubi quæso, in eo fuerunt ? In spiritu.*

ritu, an in corpore? Constat autem, quia omne corpus longitudinem, latitudinem, altitudinem, localiter videlicet dimensiones habet, & eo ipso sine locali capacitate subsistere non valet, qualem spiritus omnino non habet; ergo non in spiritu, sed in corpore fuerunt. Sed quomodo, vel in qua hominis parte tot corpora habitabant? Sed quantumcumque subtilia, duo, ejusdem præsertim quantitatis, corpora, unum eundemque locum occupare non valent. Cujus ergo, quæso, exiguitatis putas, angelicum corpus esse, si credas vel solam hominis pellem corpori derivatam tot angelicæ corpora posse comprehendere?

Tertio. Angeli moventur in instanti, aut saltem motu maxime celeri: si autem haberent corpora, non possent moveri, nec in instanti, quia corpus non potest in instanti moveri, cum parte potest pariter moveretur: necque motu maxime celeri, & concitato aerem dividendo, secundo, & statim claudendo, ut per tonitrua, fulmina, & bombardas; id autem fieri non posset atque magno sonitu, & ingenti sibilo, quem tamen nunquam percipimus, quamvis Angelorum, & Demonum motus frequenter contingant; ergo &c.

Quarto. Si Angeli haberent corpora, maxime ea haberent, quia mulieribus commixti sunt, quia manducarunt, hospitio recepti sunt, eis loti sunt pedes; ergo non haberent corpora aërea, scilicet solida, ossa, nervos, & alia id genus ad ejusmodi motus, & operationes necessaria, quibus corpus aëreum caret; ergo corpus aëreum, quod contraria sententia eis assignat inutile est: eo vel maxime, quod Angelo assignati deberet corpus præstantius corpore humano, nimirum solidum omnino, indissolubile, & non facile corruptioni obnoxium, sicut est aëreum, quod facile cedit, dissolvitur, & corrumpitur.

## §. I I I.

## Assertio Secunda.

XVI. Dico secundo. Angeli nec sunt compositi ex materia, & forma. Ita D. Thomas, hac Quæst. 50. art. 2. Ne autem quis putet, superfluum esse hanc assertionem; cum enim jam statutum sit, Angelos esse prorsus incorporeos, & spirituales, videtur consequens, eos esse quonque prorsus immateriales, & carentes materia. Propterea monendus est Candidatus meus, quod, etiam statuto, Angelos esse incorporeos, & spirituales; adhuc restat locus dubitandi, an sint omnis materiæ expertes. Etenim, ex una parte, Avicenna dicebat, eandem esse materiam spirituum, & corporum, ex quo sequebatur, etiam res spirituales, & proinde Angelos constare ex materia. Ex alia vero Ethnici quidam, de quibus agunt Nazianzenus, Orat. 34. & Damascenus lib. 2. de Fide, cap. 4. dicebant, esse aliquod corpus materiæ expertis, quod quantum vocabant, & in orbem volubile. Ideo ad ostendendum, nec Angelos ex materia constare, nec ullo modo esse corpus, utilis est hæc assertio. Eam ergo

XVII. Probat D. Thomas sic. Talis debet esse substantia, qualis est ejus unica operatio: sed unica Angeli operatio, quæ est intelligere, abstrahit ab omni materia; percipit enim res universales, & æternas, quod non posset, si esset conjuncta materiæ, quæ est principium singularitatis, & coarctationis ad unum, ac limitationis ad hic, & nunc; ergo &c.

XVIII. Confirmatur ex D. Thoma, Quæst. de Spiritibus creaturis, art. 2. ubi rem hanc fuscè pertrahit, sic. Intelligere talem requirit potentiam in natura intelligente, quæ sit proportionata ad suscipiendam formam intelligibilem, quæ sit representativa rerum, non contradi ad singularia, & ad hic & nunc, sed illimitate, & in universali: sed ad hoc est improporcionata materia physica, quæ est receptiva formæ, eam contrahendo ad esse in-

individuale, ejusque representationem limitat ad singularem materialia; ergo &c. De hoc diximus, *Tract. de Scientia Dei*, Qu. 1. Dub. 1.

XXI. Probatur secundo alia ratio. D. Thomae loco mox citato. Quanto magis aliquid accedit, & participat de primo, & puro actu, tanto magis elongatur à prima potentia, quae est materia: sed substantia pure spiritalis magis accedit ad primum, & purum actum, & magis de eo participat; ergo magis elongatur à materia physica, quae est principium totius imperfectionis, & incompletionis.

Quia tamen, addit S. D. ibi, substantia spiritalis creata completa, è se magis participet de primo actu, de illo tamen imperfectè solum accipit; non ita dicenda est actus, ut dicatur purus actus nulli admixtus potentiae. Suam ergo in natura intellectuali spiritali creata completa potentiam admittimus; non quae sit materiae ad formam, ut in naturis corporeis, sed quae sit essentiae ad esse. Cum enim nulla res creata sit suum esse, sed omnis habeat esse, & hoc ab alio receptum; necesse est, ut omnis natura, seu essentia creata composita sit ex potentia & actu, nimirum ex essentia & esse. Quod si hanc potentiam ad esse, quae omnes naturas creatas transcendit, nominare quis velit materiam, si sic concedi poterit Angelos esse ex materia, & forma compositos, sumendo materiam pro essentia, & formam pro esse; improprie tamen loquitur. Videri potest D. Th. citato loco, ubi 25. proponit, & solvit argumenta. Nos enim ad alia vocamur.

XX. Pro perfecta tamen hujusmodi, noto primo discrimen inter animam rationalem, & substantiam angelicam. Illa enim quavis spiritalis, & intellectiva, indiget uniri corpori, & materia, quia incompleta est, & indigens organis corporalibus, & ministerio sensuum ad intelligendum; at substantia Angeli est spiritalis, & intellectualis completa, nec et neces-

sarium est ministerium sensuum ad intelligendum.

XXI. Noto secundo. Dictum Philosophi: genus sumitur à materia, differentia vero ex forma: locum habere in solis rebus compositis ex materia, & forma. Quia, inquit S. Thomas, hoc art. 1. ad 1. *In rebus materialibus, aliud est, quod determinat ad specialem gradum, scilicet forma, & aliud, quod determinatur, scilicet materia; unde ab alio sumitur genus, & ab alio differentia.* Sed in rebus immaterialibus non est aliud determinans, & determinatum... & ideo genus & differentia non accipitur secundum aliud, & aliud, sed secundum unum, & idem quae tamen differunt secundum considerationem nostram. In quantum enim intellectus noster considerat illam rem, ut indeterminat, accipitur in circumscriptione generis; in quantum vero considerat, ut determinat, accipitur ratio differentiae. Videndus quoque est, Qu. un. de Spirit. creat. art. 1. ad 24. ubi addit, quod in rebus materialibus genus non sumitur à materia, nisi ut informata formadante gradum imperfectum, communem, & quasi materialem ad specificum, secundum quem sumitur differentia. Unde subtrahit à rebus spiritalibus materia, adhuc remanebit, à quo sumatur genus, & differentia, nempe: *Secundum quod consideratur in substantia spiritali tam id, quod est commune sibi, & imperfectioribus substantiis, quam etiam id, quod est sibi proprium.* Adeas etiam S. Doct. lib. 2. *Contrag. cap. 95.*

## §. I V.

### Rationes Veterum pro Corporeitate Angelorum.

XXII. P Rimo opponi possunt veteres Patres tam Graeci quam Latini, qui Angelos corporeos existimaverunt. Horum aliquos superius allegavimus, inter quos S. Augustinus. Addi possunt alii, quorum nonnulli scripserunt: Angelos, qui in caelis sunt ignoto quidem, sed tamen materiali cibo,

cibo, quem Scriptura *Panem Angelorum* vocat, nutrir: eos vero, qui è cælo dejecti, hisce inferioribus præfunt, se se cum mulieribus miscuisse, & Dæmones ex eis genuisse. Primum asserit Iustinus, in *Dialogo cum Tripbone*, pag. 279. Secundum idem Iustinus, *Apologetico* 1. pro *Christianis*, pag. 44. Ubi dicit: quod cum Deus horum inferiorum providentiam Angelis delegasset; hi hanc ordinationem transgressi, amore mulierum victi, ex earum concubitu filios procreaverunt eos, qui *Dæmones* dicti sunt; quibus singulis nomina imposuerunt sua, hosque Taniticam in Ægypto regionem incoluisse, & adhuc incolere, scribit, in *Dialogo cum Tripbone*, pag. 305. Hoc idem de concubitu cum mulieribus, & filiorum, qui gigantes dicti sunt, procreatione testatur Athenagoras, *Legat. pro Christianis*, pag. 27. Clemens Alexandrinus, *lib. 3. Strom.* pag. 450. Angelos malos ob incontinentiam è cælo lapsos asseverat. Addens *lib. 5. pag. 550.* mulieribus arcana enunciasse.

XXIII. Ex Latinis utrumque docuit Tertullianus, *tum lib. de Habitu Mulieris*, cap. 2. *tum lib. de Cultu Faminarum* cap. 10. *tum de Velandis Virginibus*, c. 7. & alibi. Quos & Lactantius secutus est, *lib. 2. Divin. Instit.* cap. 15. D. quoque Cyprianus, *l. de Disciplina & habitu Virgin.* asserens: ab Angelis malis, quibuscum commixtae fuerunt, doctas fuisse mulieres caput ornare, nutrire comas, aliasque id genus vanitates. S. Ambrosius, *Apol. de Fuga David*, cap. 1. excusat David à lapsu cum Bersabea, cum eodem è cælo Angeli vitio dejecti sint. Et demum S. Augustinus, ut superius ostendi, in hoc propendere visus est. Movebantur præfati Veteres ad hoc existimandum, quod lxx. Interpretum editio, quam illi sequebantur, in illo, *Gen. 6. vers. 2.* ubi nos legimus: *Videntes filii Dei filias hominum quod essent pulchre, acceperunt sibi uxores.* Et v. 4. *Postquam enim ingressi sunt filii Dei ad filias hominum, illaque genuerunt &c.* ipsa loco *Filii Dei* reddebat, *Angeli Dei*. Corpora ergo habent Angeli, si car-

*1. bom. V.*

naliter cum mulieribus commixti, filios ex concubitu genuerunt, & manna tanquam cibo nutriuntur.

XXIV. Respondeo primo. Me non disiteri, ex Veteribus multos, ac præcipue ex supracitatis, Angelos existimasse corporeos, & carnalis commixtionis capaces, & in hoc deceptos fuisse; aliis è contra oppositum pro veritate sentientibus, ut superius ostendi. Quare ex eorum testimonio nihil con-

XXV. Respondeo secundo. Multos etiam eorum, non asserendo, sed dubitando, sive opinando locutos esse. Cum enim illorum plerique Philosophia Platonica imbuti essent, putarunt, Angelos sicut homines habere animas, & propterea corpore constare, & spiritu. Platonicos autem, inter quos Apulejum, definiisse Angelos seu Dæmones, quod sint: *Genere animalia, animo passiva, menti rationalia, corpore aërea, tempore æterna*, refert S. August. *lib. 8. de Civit. Dei*, cap. 15. Ambigendi occasionem dedit eis nomen *Spiritus*; quod cum æquivocam significationem habeat, ut supra diximus, pro re corporea, subtili tamen, & agili sæpe, etiam in Scriptura, usurpatur. Præ cæteris opinando, seu verius dubitando, locutum fuisse S. Augustinum superius indicavimus: imo si quid asserendo dixisse visus fuerit, hoc demum retractavit, *tum lib. 1. Retract.* cap. 12. *tum lib. 2. sap. 14.* ut superius §. 2. observavimus. Et quoties Angelos corporeos esse dixit, tanquam rem dubiam proposuit, ut *lib. 21. de Civit. Dei*, cap. 10. Cum enim dixisset Dæmonibus sua inesse corpora, *Sicut de his hominibus visum est*; & propterea in inferno igne corporeo torqueri posse, subiunxit: *Si autem quisquam nulla habere corpora Dæmones asseverat, non est de hære, aut laborandum operosa inquisitione, aut contentiosa disputatione certandum.* Curenim non dicamus, quamvis miris, tamen veris modis stiam, spiritus incorporeos posse ponere corporalis ignis affligi, si spiritus hominum, etiam ipsi profecto incorporei, & nunc petuerunt includi corporalibus membris, &

N

tunc

*tunc poterunt corporum suorum vineulis insolubiliter alligari?* &c. Dubium sum expressit etiam, lib. 3. de *Genesi*. ad litt. cap. 10. proposita opinione quod Demones habeant corpora, subdit: *Si hoc, ita sint*. Eodem modo loquitur lib. 15. de *Civili Dei*, cap. 23. de quo infra.

XXVI. Respondet tertiò potest. Non omnes præfatos Patres, dum Angelos corporeos esse admiserunt, sumisse vocem *Corporum* in stricta significatione, hoc est, pro substantia inlongum, latum, & profundum extenta; sed late, hoc est, pro omni eo, quod loco definitur, seu quod ita est in uno loco, ut non sit alibi. Unde in hoc sensu D. Hilarius, lib. 2. de *Trinit. num.* 31. solum Deum esse Spiritum, dicit: *Spiritus nec circumferibitur, nec tenetur, quia per naturam suam virtutem ubique est, neque usquam abest*. Quo certe modo nec Angelus, nec ulla creatura spiritus est. Vel *Corporum* intellexerunt omne id, quod est aliquomodo compositum, sive ex substantia & esse, sive ex subiecto, & accidentibus, sive omnino spirituale sit, sive ex spiritu, & corpore constans: & in hoc sensu solum Deum esse Spiritum dixerunt. Unde Damascenus, lib. 2. de *Fide* c. 3. *Quod autem (inquit) corpore, ac materiali (Angelus) vocare dicitur, hoc nostri ratione intelligendum est. Alioquin enim quidquid unà Deo confertur, qui solus nulli comparari potest, crassum, & materiale invenitur*.

XXVII. Porro, ad id, quod dicebant, Angelos desertiores ex incontinentia lapsos, mulieribus carnaliter commixtos, filios genuisse, in quo omnes convenisse videtur: Respondeo, in primis hoc de primo Angelorum lapsu intelligi non posse. Nam hic ex superbia, non ex incontinentia ortum habuit; contigitque paulo post Angelorum creationem, etiam ante mulieris formationem: etenim Heva vix producta, jam aderat Angelus seductor. Commixtio autem cum mulieribus, quam Veteres confingunt, post multa secula, nempe Noe temporibus, contigisse narratur.

Quod si dicatur, fuisse ex illis,

qui primum apostatantes cum Diabolo principe suo ceciderunt, illum, qui primum hominem per invidiam serpentina fraude deiecit, ut ait Augustinus, lib. 15. de *Civili Dei*, cap. 23. & propterea vocari *Filiis Dei*, & apud Ixx. *Angeli Dei*. Neque hoc valet: nam in primis Angeli mali nullibi in Scriptura vocantur *filiis Dei*. Deinde Angelos etiam malos carnaliter posse commisceri cum seminis incertum est; maxime cum ad hoc opus corpus solidum ex carne, ac nervis constans requiratur, non pure æreum, quale in Dæmonibus Veteres fingebant. Dato autem hoc esse possibile, revera non fuit. Nam voces illæ *Filiis Dei* debent accipi de illis, quorum peccatum diluvii causa fuit: huius autem causa peccatum hominum extitit, non Angelorum. Ait enim Moyses, Gen. cap. 6. *Videntur autem Deus, quod multa malitia hominum esset in terra, & cuncta cogitatio cordis intenta esset ad malum omni tempore, punivit eum, quod hominem fecisset in terra, & talis dolere cordis intrinsecus, debebat inquit hominem, quem creavi, à facie terra*. Nec movere debet, quod filii ex iis geniti, quasi non essent homines generis nostri, gigantes vocentur. Nam respondet D. Augustinus, lib. 15. de *Civili Dei* cap. 23. citato, homines, etsi gigantes molis, adhuc esse ejusdem naturæ nobiscum; & ante paucos annos gigantes suo tempore fuisse refert ex hominibus genitos. Præterquamquod, enim intrarent filii Dei ad filias hominum, jam erant gigantes super terram. Ait enim Script. Gen. 6. v. 4. *Gigantes autem erant super terram illis diebus*. Ita advertit S. Augustinus laudatus.

XXVIII. Minus movet, quod *qui filii Dei* in nostra Versione dicuntur, in Versione Ixx. Angeli Dei nuncupentur. Nam ut idem S. Augustinus, laudato loco monet, hoc *Quidem non omnes codices (etiam Ixx.) habent; nam quidam, nisi filii Dei, non habent*. Unde Juliano Apostatæ, qui similibus codicibus fretus obijcebat, gigantes ex permixtione Angelorum immortalium cum mortalibus seminis progenitos fuisse; responderet

det S. Cyrillus, lib. 9. contra Julian. *Julianus extrinsecus additum asseruit, Angeli Dei, licet Scriptura verior, & qua in manibus est, habeat Filii Dei.* Ita Cyrillus, & merito. Nam *Filii Dei*, vel *Elobim*, idest *Deorum*, redditus hebraicus, & *Aquila* (inquit S. August. laudatus) quem interpretem Judaei ceteris anteponunt; non *Angelos Dei*, non *filios Dei*, sed *filios Deorum* interpretatus est. Interpretatio tamen Chaldaica, & Versio lxx. quæ in Bibliis Complutensibus legitur, reddit *Filii Dei*. Dato autem, quod etiam *Angeli Dei* dici possit; quis verat *Angelos Dei* intelligi posse etiam homines, ut de Joanne Baptista dicitur, Marti 3. v. 2. *Ecc. misit Angelum meum?* Sensus ergo erit verborum Moysis, inquit Augustinus (Spiritu autem Dei fuerant facti Angeli Dei, sed declinando ad inferiora homines dicuntur nomine natura, non gratia; dicuntur, & caro desertures spiritus, & deserendo deserti. Ita sane: quomodo enim Demones cum mulieribus nubentes, *Angeli Dei* dicerentur; si & ipsi homines, dum post resurrectionem nec nubent, nec nubentur, dicuntur à Christo (Matth. 22. v. 30.) futuri *Sicut Angeli Dei in celo?*

XXIX. Neque juvat, quod, qui mulieres acceperunt uxores, & ex eis filios susceperunt, *Angeli* dicantur in libro *Enoch*; qui etsi non Canonicus, non levis tamen est ponderis, cum ex eo S. Judas in sua Epistola v. 14. testimonium desumeret.

Non inquam juvat. Nam liber *Enoch* apocryphus habendus est, nec Canonicus efficitur, aut indubie auctoritatis in omnibus, per hoc, quod à S. Judas in Epistola sua referatur; sed solum, quod non in omnibus contemnendus sit. Ut enim ait D. Augustinus loco sæpe citato: *In his apocryphis, etsi invenitur aliqua veritas, tamen propter multa falsa, nulla est canonica auctoritas.* Scripsisse quidem nonnulla divina, *Enoch illum septimum ab Adam, negare non possumus, cum hoc in Epistola Canonica Judas Apostolus dicat. Sed non frustra non sunt in eo Canone Scripturarum, qui servabatur in Temple Hebraei populi succedentium diligentia Sacerdotum; nisi*

*quia ob antiquitatem suspecta fidei judicata sunt, nec utrum hoc essent, qua ille scripsisset, poterat inveniri...* Unde illa, qua sub ejus nomine proferuntur, & continent istas de gigantibus fabulas, quod non habuerint gigantes patres, restit à prudentibus judicantur non ipsius esse credenda &c.

XXX. Superest modo statuere, qui fuerint isti dicti *Filii Dei*, si non fuerint Angeli, sed homines.

Respondet S. Augustinus laudatus: fuisse filios Seth, seu qui à Seth Adæ filio propagati sunt; dicti propterea filii Dei, quia in iustitia perduraverunt, donec amore filiarum hominum, descenditum scilicet à Cain, amore capti, à iustitia declinarunt. Ita quoque S. Cyrillus, citato lib. 9. contra Julianum. Interfecto enim per Cain Abele, nulla prole relicta, & subinde ex Eva genito Seth, totum genus humanum ab hisce duobus, Cain, & Seth, propaginem traxit. Descendentes ergo à Seth, per Enos verum Dei cultorem, iustitiam, Deumque amantes, filii Dei usque ad Noe tempora appellati sunt: ubi ex Cain prognati, sequentes Avi mores, impiam, ac nefariam vitam, influentes, filii, & filix hominum, dicti fuerunt. Porro filii Seth cum filiis Cain genus non miscebant, & a prophanis puri se jungebantur, usque ad tempora Noe. Verum, cum inardesciente libidine erga filias Cain, eas filii Seth in uxores duxissent; & *Quam prosapia inter se mixta essent, & implexu mali bonum deletum esset; quum iustitia, & integritas vita non esset amplius apud terra incolæ, eluvionem emisit Unversus Deus, unam in omnes ex aquo mortem statuens.* Ita concludit S. Cyrillus citatus. Idem sentit D. Tho. 1. Par. qu. 51. art. 3. ad 6. Ubi postquam retulit Augustini verba, lib. 15. de Civit. Dei cap. 23. superius relata §. 1. nu. 7. de Silvanis, & Faunis, quos cum mulieribus habuisse concubitus, multi experientia testati sunt, ut hoc negare impudentia videatur; subdit: *Sed Angeli Dei Sancti nullo modo sic labi ante diluvium potuerunt. Unde per filios Dei intelligantur filii Seth,*  
N  
qui

qui con-erant. Filias autem hominum nominat Scriptura eas, quæ nate erant de stirpe Cain. Neque mirandum est quod de eis gigantes nasci potuerunt. Neque enim omnes gigantes fuerunt, sed multo plures ante diluvium, quam post. Opportuit aliquantisper in hoc detineri, erat enim præcipuum Veterum pro Angelorum corporeitate argumentum.

XXXI. Obijci potest secundò. Scriptura Sacra describit Angelos humanis sensibus perceptibiles, in figura humana Patriarchis, & Prophetis sese exhibentes, ab Abraham convivio exceptos. ( Gen. 18. 10. ) Jacob cum Angelo luctatus, & totà nocte, ( Gen. 32. ) Angelos ascendere, & descendere scalam vidit. ( Gen. 28. ) Angelus Raphael Tobie juniori comes fuit in via, cum ipso manducavit, eumque docuit, quod jecore piscis fugarentur Demones ( Tobie 6. & 8. ) qui etiam cruciantur igne inferni ( Matthæi 23. ) vinculis captivantur ( Judæ v. 6. ) detrahuntur rudentibus in Tartarum ( 1. Petri 3. ) Quid ergo eis deest, ne sint corporei?

XXXII. Respondeo: quod Angeli, etsi sub corporea forma interdum apparuerint, hoc non contingit, quia habeant corpora sibi naturaliter unita, tanquam eis indigentes ad suas operationes, ut ostendit S. Tho. 1. Par. quæst. 51. art. 1. sed quod interdum propter nos assumerint corpus, præcipue in Veteri Testamento: ut familiariter cum hominibus conversantes, ostendant intelligibilem societatem, quam homines expectant cum eis habendam in futura vita; vel quod Verbum aliquando assumptum esset corpus humanum. Ita D. Tho. mox citatus, art. 2. ad 1. Non enim quæ in Scripturis divinis leguntur de apparitionibus Angelorum, dicenda sunt contigisse in visione prophetiæ, hoc est, secundum imaginationem. Nam ( inquit S. Thobidem in corp. ) Quod imaginariâ visione videtur, est in sola imaginatione videns. Unde non videtur indifferenter ab omnibus. Scriptura autem divi-  
vina sic introducit interdum Angelos appa-  
rentes, ut communiter ab omnibus

viderentur. Sicut Angeli apparentes Abraham visi sunt ab eo, & totâ familiâ ejus, & à Loth, & à civibus Sodomorum. Similiter Angelus, qui apparuit Tobie ab omnibus videbatur. Ex quo manifestum est, hujusmodi contigisse secundum corpoream visionem, quâ videtur id, quod est positum extra videntem, unde ab omnibus videri potest. Tali autem visione non videtur nisi corpus.

XXXIII. Porro hujusmodi corpora assumpta plerumque formantur ex aere. Lieet enim aer in sua raritate materiam, non retineat figuram, neque colorem: quando tamen condensatur, & figurari, & colorari potest, sicut patet in nubibus. Et sic Angeli assument corpora ex aere, condensando ipsum virtute divinâ, quantum necesse est ad corporis assumendi formationem. Ita S. Doct. ibi ad 3. Corpus autem illud assumptum unius Angeli, non quidem est forma, neque solum in motu, sed sicut in toto representato per corpus mobile assumptum. Sicut enim à Sacra Scriptura proprietates rerum intelligibulum sub similitudinibus rerum sensibilium describuntur: ita corpora sensibilia divinâ virtute sic formantur ab Angelis, ut congruant ad representandum Angeli intelligibiles proprietates. Ita S. Doct. ibi ad 1.

XXIV. Ex hoc autem, quod corpora ista non uniuntur Angelo assumpti, ut formæ, sequitur, ea tali assumptione non verè vivere, nec Angelos in eis opera vitæ vitali modo exercere. Ita D. Tho. ibid. 2. 3. Quare inquit ad 4. Angeli propriè non loquuntur per corpora assumpta, sed est ali-quid simile locutioni, inquantum formant sonos in aere similes vocibus humanis. Nec etiam ( prolequitur ibi ad 5. ) comedere propriè loquendo Angelis con-venit, quia comestio importat sumtionem cibi convertibilis in substantiam comedentis. Et quamvis in corpus Christi post resurrectionem eibus non converteretur, sed resolveretur in præiacentem materiam: tamen Christus habebat corpus talis naturæ in quod posset eibus converteri; unde fuit vera comestio. Sed eibus assumptus ab Angelis neque convertebatur in corpus assumptum, neque cor-  
pus



pus illud talis erat natura, in quod posset alimentum converti; unde non fuit vera comestio, sed figurativa spiritalis comestio. Et hoc est quod Angelus dixit, Tobia 12. Cum essem vobiscum, videbam quidem manducare, & bibere, sed ego potu invisibili, & cibo non. Abraham autem obtulit eis cibos, existimans eos homines esse, in quibus tamen Deum venerabatur.

XXXV. Hæc volui, ut meus Candidatus ex D. Thoma disceret, quibus, & objectis respondere possit, & insuper de modo, quo ab Angelis corpora assumantur instructus esset. Ad ea, quæ subiiciuntur, respondendum est.

Et primo. Quod dicitur de jecore piscis, quo Dæmon fuit fugatus, non indicat, in illo jecore naturalem vim extitisse ad Dæmonem fugandum; sed vel physicam, ut in instrumento divinæ virtutis, sicut in igne Inferni ad eum torquendum; vel moralem: cum enim illa fumigatio jecoris esset precibus, & castitatis usui adjuncta, movit Deum, ut per Angelum Dæmonem fugaret. Quare dicitur, Tobia 3. Tunc Raphael apprehendit Dæmonem, & reliquit illud in deserto superioris Egypti. Sic & in exorcismis fumigationes, herbe, alique ut sulphur &c. interdum adhibentur, quibus Dæmones, vul fugati, vel torqueri videntur; ut Dæmones his minus commode ad emergendum vendandos uti possint. Dicuntur etiam vinculis, & rudentibus alligari tropice, pro spiritali alligatione ad certum locum, ne operando ferantur extra illum. Quod verò dicitur de igne inferni Dæmones cruciante, si evinceret, eos esse corporeos, evinceret quoque animas damnatorum esse corporeas, quæ eodem igne torquerentur miris, sed veris modis tanquam instrumento divinæ virtutis.

Solet adduci illud 1. Reg. 16. v. 23. ubi dicitur, quod psalente David cytharâ, spiritus malus recedebat a Saul. = Sed ad hoc dico, quod canen-

te David cytharâ, spiritus ille malus recedebat virtute divinâ, vel propriis sacros hymnos, & psalmos, quos canebat David, ad quorum deprecationem Dens Dæmonem recedere jubebat: vel quod cantus ille solum indirectè ad hunc effectum agebat, temperando nimirum tristitiam Regis, & humorem melancholicum, quo mediante Dæmon illi vexabat; vel excitando animam ejus ad divinum contemplationem, & laudem.

Solet adduci etiam, Dæmones aliquid cum mulieribus coe coisse. Sed ad hoc fusè jam dictum est. Addam cum D. Thoma 1. Par. qu. 51. art. 3. ad 6. Quod si ex coitu Dæmonum aliqui interdum nascuntur; hoc non est per semen ab eis decisum, aut à corporibus assumptis, sed per semen alicujus hominis ad hoc acceptum, utpote quæ a idem Dæmon, qui est succubus ad virum, fiat incubus ad mulierem: sicut & aliarum rerum semina assumunt ad aliquarum rerum generationem, ut Augustinus dicit, 3. de Trinit. c. 8. & 9. ut per ille, qui nascitur, non sit filius Dæmonis, sed illius hominis, cujus est semen acceptum.

XXXVI. Obijci potest tertio. In Concilio Nicæno II. actione 5. lectus fuit Dialogus Joannis Thessalonicensis inter Christianum, & Paganum, in quo vir sanctus cum eo disputans inducitur. Cumque Paganus, esto admitte- ret Deum ut incarnatum, quia hominem factum, depingi; id tamen de Angelis negaret, quia incorporei, dicens: Esto. Deus Verbum in incarnatum depingitur: de Angelis quid asseritis? Et ipsos namque depingitis, ut homines, & adoratis, quamquam homines non sint, sed intelligi et, & incorporeales, & divi, & existentes. Ita Paganus. Cui Sanctus dixit. Primo. De Angelis, & Archangelis, & sanctis Virtutibus, quæ super ipsos sunt. addam autem etiam & nostras hominum animas, intell. gibilis quidem est Catholicæ, & Apostolicae novit Ecclesiæ; non tamen incorporeales omnino, & invisibiles. sicut eos Paganus fovebunt. Subtiles autem corpore, & aereos, & igneos secundum id quod scriptum est: Qui facit Anges suos spiritus, & ministros suos ignem uren-

urentem. Secundo. Et hoc multos sanctorum Patrum nostrorum sensisse invenimus, quorum est Basilius ille magnus, & sancta memoria Athanasius, atque Methodius. Tertiò. Quod sola, ut veraciter fateamur, Divinitas est incorporalis, & incircumscripita. Porro intelligibiles creaturae non omnino incorporeales, & invisibiles, ut Divinitas sunt, propter quod in locis sunt, & incircumscripita consistunt. Quartò addit. Quod sicubi reperis incorporeos vocari Angelos, aut Dæmones, aut animas; tanquam non existentes de commixtione materialium quatuor elementorum, sic eos reveris appellatos: cum non sint & ipsa corpora crassa, & similia his, quibus nos circumdamur. Quintò. Licet ut verius fateamur, ad comparationem nostri, incorporei sunt: at vero visi sunt à plurimis Angelos sensibiliter in specie propriorum corporum suorum. . . cum non sint omnino incorporei, sicut divina natura. Tandem cum his lectis Tarasius Patriarcha dixisset: Offendit Pater, quod & Angelos oporteat pingi, quoniam circumscripti sunt, & veluti homines apparuerunt multis. Cui Sancta Synodus dixit: etiam Domine.

Ex his discuro sic. Nicæna II. Synodus Generalis VII. probavit, Angelos esse corporeos; ergo ita tenendum est. Ant. prob. Probavit enim, ea, quæ lecta fuerant ex libro Joannis Thessalonicensis: at ex eo lectum fuerat. Primò: Angelos non esse incorporeales omnino, sed corporeos, & aereos, & igneos. Secundo: hoc multos Patres sensisse. Tertiò: solum Deum veraciter esse incorporealem. Quarto: Angelos incorporeos dici, non quia corpore omnino careant, sed quia careant corpore elementari, & crasso, quali nos vestimur. Quintò: eos veraciter dici incorporeos, per comparationem ad nos, non absolute. Et denum ex hoc infer: Angelos posse depingi, non vero Deum in se, quia purus Spiritus est. Ergo Synodus Angelos esse corporeos probavit.

XXXVII. Huic argumento, quod in hac materia non parvam ingerit difficultatem, ut respondeatur, puto di-

stinguendum esse inter id, quod in libro Joannis Thessalonicensis continebatur, & in Synodo fuit lectum; & inter id, quod à Tarasio fuit Synodo propositum, ut probandum: quodque erat punctum controversiæ, quæ tunc agitabatur, & fuit de facto à Synodi Patribus probatum. In libro certe ibi lecto continebatur: Angelos non esse omnino incorporeos, & ob hoc posse pingi: quia auctor erat in opinione, tunc, ut vidimus, apud Græcos satis frequenti, quod Angeli habeant corpora, esse aerea, & subtilia. At hoc Tarasius Patriarcha non proposuit Concilio approbandum. Quinimo sapienter, prudenterque omnia opinione de Angelorum corpore, quam Joannes pro ratione adducebat, & de qua tunc non querebatur, proposuit solum: an placeret, ut Angeli pingi possent, quia circumscripti, & ut homines apparuerunt. Ait enim: Offendit vero Pater, quod & Angelos oporteat pingi, quoniam circumscripti sunt, & veluti homines apparuerunt multis. Post quæ statim sequitur: Sancta Synodus dixit etiam Domine. Quibus Synodus indicavit, se probare, quod Tarasius proposuerat; nempe, quod Angelos oporteat pingi, quia circumscripti sunt, & ut homines apparuerunt multis. Unde ad discursum factum, negandum est antecedens. Et ad probat, iterum negandum ant. Concilium enim non probavit omnia, quæ lecta fuerant, sed solum quæ Tarasius probanda proposuerat, ut dictum est. Huc revocanda sunt, quæ observavimus Tom. 1. Q. 1. de Dogmat. Theologicis Dub. 4. §. 1. 16. nempe, ex iis, quæ in Universalibus Conciliis proponuntur, id solum habendum esse ut definitum, quod est definitionis objectum; non vero definitionis motivum, neque alia, quæ à Patribus sive dicta, sive lecta, sive rationes, quæ adducuntur, vel alia, quæ ad explicandum adferuntur.

Porro, quod Nicanum secundum non probaverit Angelos esse corporeos, imo oppositum senserit, apparet ex Actione præcedente, nempe quarta. Ibi enim in professione fidei, quæ iconas, & imagines se honorari, & venerari di-

dicunt, recentent etiam iconas Angelorum incorporealiū, his verbis: *Sanctorum etiam, & incorporealiū Angelorum, ut homines enim iustis apparuerunt.* Cohærenter ergo *Assiens* 5. Angelos pingi posse concedunt, non quia in se corporales sint, sed quia cum sint incorporeales, sub corporali tamen specie hominis Sanctis apparuerunt.

XXXVIII. Obijci potest quarto ex Cajetano. Omnes gradus viventium ad perfectionem Universi concedendi sunt; ergo sicuti dantur vegetativa sine sensu, & sensitiva sine motu progressivo; sic dari debet intellectivum sine sensu, cum solo motu progressivo; & hic erit gradus Angelorum, habentium corpus æthereum, sive æereum.

XXXIX. Respondeo primo. Hoc argumentum nec ipsis adversariis favere. Nam si Angelos esse corporeos volunt ex iis, quæ Scriptura de Angelis narrat; cum hæc non solum proponat eos ambulantes, sed videntes, audientes, manducantes, & secundum aliquos generantes; dici debebit, Angelos esse intellectivos cum sensu, & non sine sensu cum solo motu progressivo.

XXXX. Respondeo secundo, negando consequ. Efto enim ad perfectionem Universi requirantur omnes gradus essendi possibiles, qui sunt esse, vivere, & intelligere: ut enim docet S. Th. hac 1. Par. qu. 11. art. 4. *Nempe, quod post bonitatem divinam, qua est finis à rebus separatus, principali bonum in ipsis rebus existens, est perfectio Universi; si qua quidem non esset, si non omnes gradus essendi invenirentur in rebus.* Unde ad divinam providentiam pertinet omnes gradus entium producere. Non tamen necesse est, ut omnes modi, quibus haberi possunt tales gradus, defacto existant; sicut nec quod defacto existant omnes species possibiles sub quolibet gradu. Cum ergo intellectivum utens corpore ad motum progressivum tantum, & non ad sensum, non sit diversus gradus, sed solus diversus modus essendi in gradu intellectivo, dato quod esset possibile, non esset necesse, ut defacto existeret. = Imo retorqueo argumentum. Omnes gradus vivendi in U-

niverso dari debent; ergo sicut datur vegetans sine sensu, sentiens sine motu progressivo, & juxta Cajetanum intelligens sine sensu cum solo motu progressivo; ita dari debet intelligens sine sensu, & sine motu progressivo (idem possibile esse, puto, non negasset) hoc autem erit Angelus.

XXXXI. Tandem obijci potest. Nullum mutabile est simplex; sed quod est compositum, & mutabile constat materiâ, quæ est mutabilitatis, & compositionis principium; unde D. Augustinus, *lib. 7. de Genes. ad litt. cap. 6.* dicit: Deum ab initio creasse materiam aliquam spiritualem, ex qua humanam animam fecit, & à qua habet anima, quod sit mutabilis à virtute ad vitium, & è contra; sicut corpus est mutabile à pulchritudine ad deformitatem, à sanitate ad infirmitatem.

XXXXII. Huic argumento quod impetit secundam assertionem, respondeo, distinguendo min. materiâ, vel physica, vel metaphysica, con. min. physica præcisè, nego min. Omne quidem mutabile est compositum: sed duplex est compositio, alia substantialis, & physica; & hæc est ex materiâ, & forma, & facit substantiam non esse simplicem, sed in esse substantiali compositam. Alia est compositio accidentalis, & hæc est ex subiecto, & accidente, seu ex substantiâ & operatione; & hæc resultat ex potentia, & actu, & maxime ex essentia & esse. Omnis ergo mutabilitas ex compositione oritur. Si est mutabilitas in esse, ut in rebus corruptibilibus, supponit compositionem in substantia ex materiâ physica, & forma. Si vero sit mutabilitas solum quo ad operationem, vel accidentia, supponit solum compositionem ex essentia, & esse, seu substantiam illam non esse actum purum. Hoc autem modo solù mutabiles sunt Angeli.

Augustinus autem citato loco non ex sua opinione loquitur, sed aliorum, quæ tunc circumferebatur; nempe quod anima humana ex materia spiritali facta esset; unde non asserendo, sed dubitando loquebatur. Ait enim: *Sed fortasse potius & anima antequam ipsa*

*natura feret, qua anima dicitur . . . .  
habere aliquam materiam pro suo genere  
spirituale, quatenus esset anima &c.  
Et cap. 7. At vero, inquit, illa spiri-  
talis materies, si fuit ulla, unde ani-  
ma feret, vel si est ulla unde anima  
fuit, quid ipsa est? Quid sunt, fortas-  
se, si fuit ulla, si est ulla, nisi verba  
dubitantis, non asserentis?*

Dici etiam potest: Augustinum,  
materiam spiritalem nomine non intel-  
lexisse materiam physicam, seu primam,  
sed ipsam essentiam animae, nondum  
formatam speciebus ad intelligendum;  
quod colligo ex eodem S. Doctore ibi  
c. 7. Comparat enim illam spiritua-  
lem materiam animae infantis dicens:  
*Si enim videmus infantilem animam,  
jam utique hominis animam, nondum  
cogisse uti ratione, & tamen eam  
rationalem dicimus; eam non credatur, sit  
in illa materie, de qua facta est anima,  
quietum fuisse motum etiam sentiendi,  
sicut in illa infantili, qua jam certe  
anima est hominis, quietus est adhuc  
motus ratiocinandi? Loquitur ergo de  
materia, de qua facta est anima, non  
quoad esse, sed quoad motum, & ope-  
rationem. Essentiam enim animae dici  
posse sicut materiam ipsius, docet Di-  
vus Thomas, 1. P. q. 90. a. 2. ad 1.*

Addo: non esse mirum S. Augu-  
stinum in hac materia visum aliquan-  
do fuisse ambiguum loqui. Quaestio enim  
de animae origine erat suo tempore  
nondum plane decisa. Quamvis sua-  
elica sententia aperte prodidit in Actis  
contra Fortunatum Manichaeum. Dis-  
put. 1. dici, ubi ait: *Animam dico  
factam à Deo, ut cetera omnia, qua à  
Deo facta sunt . . . si autem quavis, un-  
de Deus animam fecit? Memento, con-  
fiteri me tecum, Deum esse omnipoten-  
tem. Omnipotens autem non est, qui  
quaritur adjuvari aliqua materia, unde  
faciat quod velit. Ex quo est consequens,  
ut secundum fidem nostram, omnia qua  
Deus fecit per Verbum, & sapientiam  
suam, de nihilo fecerit. Sic enim legi-  
mus: Ipse iussit, & facta sunt, ipse  
mandavit, & constituta sunt.*

XXXXIII. Quaeritur: an de fide te-  
nendum sit modò, Angelos esse in cor-  
porcos?

In hoc variant Doctores. Quidam  
asserunt, post definitionem Concilii  
Lateran. IV. sæpè laudati, quò statu-  
untur Angeli incorporei contradistin-  
dè ad hominem, qui constat ex cor-  
pore & spiritu, omnino tenendum esse  
de fide, Angelos esse incorporeos;  
ut hæresi notandus esset, qui opposi-  
tum sentiret.

Alii moderatius loquentes sentiunt,  
temerarium quidem fore, qui Ange-  
los corporeos assereret, etiam post La-  
teranensem, non tamen ( formaliter sal-  
tem ) hæreticum. Etenim multi, iique  
gravissimi viri, qui etiam post præ-  
fatum Concilium scripserunt, quæstio-  
nem hanc tanquam ad fidei summam,  
non pertinentem, inter problemata  
reliquerunt. D. Tho. 2. 2. q. 16. de Males,  
quæ est de Dæmonibus, art. 1. in corpore,  
ait: *Dicendum, quod siue Dæmones ha-  
beant corpora sibi naturaliter unita, siue  
non habeant, hoc non multum refert  
ad fidei christianæ doctrinam.* Et Sixtus  
Senensis in sua Bibliotheca sancta, lib.  
5. Annot. 8. & si protestetur, se tanquam  
potiorem existimare sententiam, quæ  
Angelos spirituales, & incorporeos as-  
serit, maxime post decretum Concilii  
Lateranensis; profitetur tamen, malle  
se Bernardi modestiam, serm. 5. in Can-  
tica, nihil de hac re pro certo defini-  
tis, imitari.

Neque enim Lateranensis Concilii  
intentum fuit definire, Angelos esse  
creaturas mere spirituales; sed solum,  
Deum esse Creatorem omnium, quæ  
in Universo sunt, tam eorum, quæ  
dicuntur corporalia, & visibilia, quam  
eorum, quæ spiritualia, & invisibi-  
lia dicuntur: siue hæc prorsus corpore  
careant, siue alia generaliiori ratione  
spiritualia, & invisibilia dicantur.  
Quia principale intentum Concilii  
erat agere contra Albigenes, qui Ma-  
nichæos secuti, contendebant, Deum  
non esse omnium omnino principium;  
sed quædam, nempe visibilia, esse à  
principio nequam, quædam, nempe  
invisibilia, à principio bono, quorum  
utrumque Deum esse dicebant. Hoc  
ex eo apparet, quod tota vis Decreti  
est, ut admittatur unus solus verus De-  
us,

us. Unum universorum principium Crea-  
t. v. omnium visibilium, & invisibilium,  
spirituum, & corporalium.

## DUBIUM II.

An Natura Angelorum sit Multiplica-  
bilis, & Quomodo?

## §. I.

## De Numero Angelorum.

I. Dico primò. Angelos esse in-  
maxima multitudine omnem  
materiam multitudinem ex-  
cedente. Ita D. Tho. hanc q. 50. a. 3.  
& alibi. Hanc veritatem primo osten-  
dit Scriptura, Job. 35. v. 3. *Numquid*  
*est numerus militum ejus?* Nomen  
autem militum Dei Angelos intelligi  
indicat S. Lucas, c. 2. v. 13. *Et subito*  
*facta est cum Angelo multitudo militum*  
*caelestium.* Super hoc S. Gregorius, lib.  
17. moral. c. 13. alias q. *In cogniti-*  
*one* ( inquit ) *humana rationis superno-*  
*rum spirituum numerus non est: quia*  
*quanta sit illa frequentia invisibilis ex-*  
*celsitas nescit: de quo per Daniele*  
*dictum* ( c. 7. v. 10. ) *Milia millium*  
*ministrabant ei, & decies centena mil-*  
*lia assistebant ei.* *Supernorum spirituum*  
*numerus infinitus, & definitus ex-*  
*primitur: ut qui Deo est numerabilis,*  
*esse hominibus innumerabilis demonstretur.*  
*Quamvis aliud est assistere, aliud*  
*ministrare.* Assistunt enim illa procul  
dubio Potestates, qua ad quadam homi-  
nibus nuntianda non exeunt; ministrant  
vero hi, qui ad explenda officia nuntio-  
rum veniunt; sed tamen ipsi quoque  
contemplatione ab intimis non resedunt.  
Et quia plures sunt, qui ministrant,  
quàm hi, qui principaliter assistunt;  
assistentium numerus, quasi definitus;  
ministrantium vero indefinitus ostendi-  
tur.

Angelos vero spiritus vestì Dei mili-  
tes dicimus, quia desertare eos contra  
Potestates aereas non ignoramus. Qua  
tamen certamina, non labore, sed im-  
perio peragunt; quia quicquid agendo  
contra immundoe spiritus appetunt, ex  
Thom. V.

adjutorio cuncta regentis possunt. Hæc  
L. Gregorius.

II. Ex quibus colligo primo. An-  
gelorum numerum non esse infinitum,  
sed indefinitum, quia à nobis numerari  
non potest. Secundò. Majorem esse  
numerum Angelorum, qui nobis mi-  
nistrant, quam eorum, qui Dei thro-  
no principaliter assistunt. Tertiò. An-  
gelos contra aereas Potestates pugna-  
re, sicut Michaelem, & Angelos eius  
cum Dracone, idest Diabolo, Apocal.  
12. v. 7. & hoc facere, non labore,  
non armis, sed imperio, Dei adjuto-  
rio roborante.

Ex his quoque congruentissima ra-  
tio conficitur. Decet enim summum,  
& potentissimum Imperatorem habe-  
re copiosam familiam, & exercitum;  
nam, Prov. 14. v. 18. *In multitudine*  
*populi dignitas Regis, & in paucitate*  
*plebis ignominia principis:* sed Deus est  
Rex maximus, nempe Rex Regum, &  
Dominus Dominantium ( Apoc. 19. v.  
16. ) deuit ergo, eum habere pluri-  
mos sibi assistentes, & militantes An-  
gelos.

III. Ratio, quâ D. Thomas probat  
hanc veritatem, hoc a. sic propo-  
nitur. Quanto aliqua sunt magis per-  
fecta, tanto in maiori excessu sunt crea-  
ta à Deo: sed Angeli sunt inter crea-  
turas maximè perfecti; ergo in majori  
excessu à Deo sunt creati: sed non  
excessu magnitudinis, quia Angeli, ut-  
pote incorporei, sunt incapaces quan-  
titaris, & proinde magnitudinis; ergo  
excessu multitudinis: omnis enim  
excessus, vel in magnitudine, vel mul-  
titudine esse debet. Sicut ergo: Corpora  
incorruptibilia, qua sunt perfectiora  
inter corpora, excedunt quasi incompara-  
biliter secundum magnitudinem corpora  
corruptibilia; nam tota sfera astoro-  
rum, & passivorum est aliquid modicum  
respectu corporum solemium: Ita ratio-  
nabile est, quod substantia immateriales  
excedant secundum multitudinem sub-  
stantias materiales, quasi incomparabi-  
liter.

IV. Contra hanc rationem plura  
videntur obstat. Primo. Nam si ex  
excessu in perfectione arguitur exces-  
sus in

in multitudine in rebus spiritualibus; sequitur, quod, cum Deus in infinitum excedat omnes creaturas, eas deberet excedere in multitudine, & consequenter dandi essent innumerabiles Dii. Vel saltem, quod numerus Divinarum Personarum deberet excedere, incomparabiliter multitudinem rerum creaturarum, cum hæc in infinitum excedant.

Secundo. Quod in mundo deberet esse plus auri, quam argenti, & plus argenti, quam plumbi.

Tertio. Quod deberent esse plures Soles.

V. Sed respondeo, nullum dictorum sequi. Non primum. Nam D. Thomas loquitur de excessu perfectionis in re limitata, nec continente omnes ejusque generis perfectiones, sicut continet Deus, qui propterea est essentialiter unus. Loquitur etiam de natura, quæ est communicabilis cum sui multiplicatione, qualis non est Divina. Cum ergo Personæ non multiplicentur multiplicationem naturæ Divinæ, sed actionem communicantium eandem naturam, & hæc sint tantum duæ; ideo tres tantum sunt Personæ, ut in Tractatu de Trinitate dictum, est.

Non sequitur secundum, Nam Sanctus Doctor loquitur de partibus principalibus Universi, & per se primo intentis in rerum creatione; non de partibus materialibus, & de secundaria intentione; hujusmodi autem sunt aurum, argentum, & similia.

Non tertium. Tum quia S. Thomas loquitur solum de multiplicatione specifica, quæ est per se primo intentia, non de multiplicatione numerica, & individuali; quæ, cum sit solum intentio ob conservationem speciei, locum non habet in rebus incorruptibilibus, qualia sunt anima. Tum quia, ab excessu in perfectione colligit Divinus Thomas excessum, vel in multitudine, vel in magnitudine. Sol autem excedit in magnitudine hæc inferiora.

VI. Dices. Quo aliquid perfectius est, eo magis accedit ad Deum.

qui est maxime unus; sed quod magis accedit ad unitatem, eo minus est multiplicatum, ut patet in numeris; ergo cum Angeli magis accedant ad Deum, eo minus erunt multiplicati.

VII. Respondeo cum D. Thomas, hoc art. 3. ad 2. dist. min. minus est multiplicatum multitudine partium componentium, concedo min. multitudine suppositorum illud participantium, nego min. Quod ergo maxime accedit ad unitatem, minus habet de multitudine in sui compositione, ut patet in numero binario, qui minus habet de multitudine in sui compositione, quam ternarius. Non vero minus habere debet de multitudine suppositorum ipsum participantium. Unde (inquit D. Tho.) *Ex hoc, quod natura angelica est Deo propinqua, oportet, quod habeat minimum de multitudine in sui compositione, non autem ita, quod in paucis salvetur.*

VIII. Cum vero dicit D. Thomas, numerum Angelorum esse incomparabiliter majorem numero rerum materialium, existimabit forte quis, eum longe superare multitudinem arenarum maris, aut guttarum aquæ.

Sed immerito, Nam D. Thomas non intendit, numerum Angelorum, excedere numerum quorumcumque individuum; sed eorum, quæ per se produciuntur, & sunt tota quædam perfecta, ut sunt homines, equi, arbores; vel forte verius, majorem esse numerum Angelorum numero specierum rerum materialium. Hoc enim indicat ipse, Quæst. 6. de Potentia, art. 6. in c. ubi ait: quod *Sustantia incorporea, sicut Dionysius dicit, 4. Cap. Cælestis Hierarch. omnem multitudinem materialium specierum transcendunt...* quod quidem affluentia divini bonitatis concedat, ut scilicet ea quæ nobilitiora sunt, copiosius in esse producat. Quibus aliam rationem pro hæc veritate subministrat. Nam cum de ratione summa bonitatis sit maxime se diffundere, & copiosius in nobilitiora, quam in minus nobilia; sequitur, quod copiosius se diffundat in rerum incorporearum, nempe Angelorum multitudine, pro-

ducendo in esse plures species Angelorum, quàm rerum materialium.

IX. Sed quæres: an numerus Angelorum excedat quoque numerum hominum, qui erunt, sunt, & fuerunt?

Respondeo affirmative. Hoc enim indicat parabola boni Pastoris (quain Christus proponit, Lucæ 15.) qui relictis nonaginta novem ovibus, quæsitum abit unam perditam, & inventam humeris reportat. Ovem autem illam unam, humanam esse naturam, peccato Adæ perditam, quam quæsitum venerat; nonaginta vero relictas, Angelos esse ex contextu Evangelii patet. Et ita insuper exponunt S. Ambrosius, lib. 7. in C. 15. Lucæ. S. Hilarius, in C. 18. Matth. num. 5. *Ovis una (inquit) homo intelligendus, & sub homine uno universitas sentienda, est. Sed in unius Adæ errore omne hominum genus aberravit; ergo nonaginta novem non errantes multitudo Angelorum ecclesiam opinanda est. quibus in solo est latititia, & cura salutis humana.*

Sanctus quoque Cyrillus Hierosolymitanus; *Catech. 15.* enligens, quantum sit futura in iudicio extremo Reprobatorum confusio coram tanta multitudo testium Angelorum: *Cogita (inquit) quàm numerosa sit Romanorum natio; reputa qualis Barbarorum nunc in visis gentium multitudo, & quam magna ante centum annos è vivis excesserit. Pensa, ante annos mille, quanta sepulchra sit. Revolve animo, qui ab Adamo usque in præsentem diem exstiterunt. Ingens quidem multitudo; adhuc tamen parva; plures namque Angelorum. Hi sunt nonaginta novem oves illæ, cum una tantum sit humanum genus.* Deinde rationem subijcens ait: *Nam pro magnitudine locorum, quorumlibet incolarum estimandus est numerus. Terra universa puncti instar est in medio unius celi; tantamque calum, quod illam ambit, incalensium multitudinem continet, quantam ipsam habet amplitudinem. Et celi colorum omni estimatione superiorem numerum complectuntur. Quod est dicere. Ex loci magnitudine incolarum numerus æstimandus est;*

sed cælum Empyreum, cuius Angeli sunt incolæ, est immensæ magnitudinis, cum ad ipsum terram, cuius homines incolæ sunt, comparetur ut punctum ad circumferentiam; ergo in immensum major est multitudo Angelorum, quàm hominum.

X. Id etiam comprobatur communis Theologorum sententia affirmantium, singulis hominibus singulos Angelos Custodes dari, imo uni homini plures, ut docet D. Tho. 1. *Par. qu. 115. art. 2.* Et insuper sentiunt multi, Angelum unius hominis custodiæ deputatum, alterius, nec successive custodiæ deputari. Dari insuper singulis irrationalium rerum speciebus unum Angelum præsidem, & hos omnes Angelos esse de ordinibus inferioribus. Cum ergo à mundi primordio usque ad finem quilibet homo, qui fuit, aut futurus est, habuerit, aut habiturus sit suum Angelum, & plures sint in superioribus ordinibus, haud dubium est, eos hominum numerum longè superare.

XI. Dices tamen primo. Homines tot salvandi sunt, quot sunt Angeli mali; quia ex hominibus tot erunt beati, quot Angeli ceciderunt, pari numero eorum ruinam reparaturi. Sed constat, quod tertia pars Angelorum cecidit, Apoc. 18. v. 4. ubi de Dracone legitur: *Et cauda ejus trabebat tertiam partem stellarum celi.* Homines vero, qui beati tunc donandi erunt, non erunt tertia pars hominum, dicente Christo. Matth. 10. v. 16. *Multi sunt vocati, pauci vero electi;* & in Tract. de Prædest. Qu. 4. de Reprob. Dub. 3. §. 3. num. 15. ostendimus; ergo videntur plures esse homines, quam Angeli: dum pars hominum salvandorum, quæ æquat tertiam partem Angelorum, minor est tertiâ parte hominum.

XII. Respondeo primo. Non essetertum, homines tantum ex accidenti ruina Angelorum; & non per se, fuisse saluti destinatos; idoque totidem præcisè salvandos, ut ostendimus loco super citato, num. 14. ex D. Tho. 1. *Par. qu. 123. art. 8.*

Respondeo secundo. Incertum est.

an vult Angelorum sit æquali tantum numero reparanda, an uberiori. Ita S. August. in *Enchiridio*, cap. 29. ubi postquam dixit, ruinam illam diabolicam esse per homines reparandam, subiungit: Ita superna Jerusalem mater nostra civitas Dei, nullâ erivum suorum numerositate fraudabitur, aut uberior etiam rapidi fortasse regnabit. Neque enim numerum, aut sanctorum hominum, aut immundorum Dæmonum, novimus; in quorum locum succedentes filii Sanctæ Matris, quæ sterilis apparebat in terris, in ea pace, de qua illi ceciderunt, sine ullo temperis termino permanebunt. Sed illorum erivum numerus, sive qui est, sive qui futurus est, in contemplatione est ejus artificis, qui vocat ea quæ non sunt, tanquam ea, quæ sunt &c. Ita Augustinus. Quare dum dicitur, quod Draco traherebat tertiam partem stellarum, si Draconis, & stellarum nomine intelligantur Diabolus, & Angeli desertores, sumendus est numerus certus pro incerto, seu determinatus pro indeterminato, secundum frequentem usum Scripturarum.

XIII. Respondeo tertio. Nomine Draconis, & stellarum cœli non intelligi Diabolum, & Angelos ejus, sed Antichristum, & sui temporis Fideles, & præcipue Doctores, qui velut stellæ in firmamento Ecclesiæ lucent; quorum magnam partem impius ille suâ persecutione, vel asstiget, sive etiam seducet, ut exponunt ad litteram Richardus, lib. 4. in *Apoç.* & Lyranus in eundem locum. Veli Diabolus intelligatur, dicendum, quod caudâ trahet magnam partem stellarum, id est Fidelium, qui mundo, cui renuntiaverunt, ipso suadente, iterum serviunt, ut S. Aug. *Serm.* 4. de *Symbolo ad Catechumenos* c. 1. seu quia eos continuis persecutionibus deicere conatur, ut Pionius Martyr (apud Baron. ad ann. 354. n. 13.) interpretatur.

XIV. Dices secundo. Saltem tot sunt homines, quot Angeli; ergo &c. ant. prob. ex illo *Deuter.* 32. v. 8. ibi enim, ubi Vulgata nostra habet: *Constituit terminos populorum juxta num-*

*erum filiorum Israel.* Septuaginta legunt: *juxta numerum Angelorum Dei*, seu *Filiorum Dei*: quibus apparet, numerum multiplicationis hominum juxta numerum Angelorum taxatum esse. Ex quo D. Greg. *Homil.* 34. in *Evangelia*, tantum ex hominibus ad supernam civitatem ascendere, *Quantos illie contigit electos Angelos remansisse, sicut scriptum est: Statuit terminos gentium secundum numerum Angelorum Dei.*

XV. Respondeo: quod etsi Versio Septuaginta legat: *juxta numerum Angelorum Dei*, præterenda tamen est Vulgata nostra, quia conformior Hebraicæ veritati, quæ juxta Symachi, Aquilæ, & Pagnini translationem, & interpretationem Chaldaicam habet: *Statuit terminos populorum*, sive gentium, secundum numerum filiorum Israel. Qui sensus videtur quoque magis congruus menti Moysi, qui intendebat illis verbis indicare, Deum cum filios Adam ex Babel in totum mundum dispergeret, & à se invicem separaret, certos limites provinciarum atque terrarum constituisse populis Chananæis; quos ob scelera prænoverat esse delendos, & hoc non ipsorum intuitu, sed *juxta numerum filiorum Israel*. Id est tanquam tribuens populis illis delendis, quantum sufficeret ad habitationem Israelitarum, quibus, etsi nondum natis, terram illorum possidendam decreverat. S. Gregorius autem de Angelis hoc intellexit, sicut alii Veteres non pauci, quia Versionem lxx. lequebatur.

Addo: per Angelos Dei posse intelligi filios Israel; quia, ut Dub. præcedente ostendimus, hoc nomine non raro vocantur & homines, à Deo ad aliquid prælesti. = Tandem dico. Inde solum colligi, humana regna, & imperia divina esse distributa juxta numerum Angelorum Dei, qui ad illorum custodiam deputati sunt: unde Clemens Alexandrin. lib. 7. *Stromat.* pag. 702. *Sunt (inquit) juxta divinum, & antiquo per gentes distributi Angeli.* Quamvis Origenes, *homil.* 16. in numeros recitetur, se quosdam Græcos Co-



codices legisse, qui habebant, non *Filiorum Dei*, sed *Filiorum Israel*.

§. I I.

*An omnes Angeli differant Specie?*

XVI. **A**N intra eandem speciem infinitam dentur plures Angeli solo numero distincti, sicut intra speciem hominis plures homines; an vero omnes Angeli specie differant, problema est apud Theologos. Cum enim Sacra Scriptura de hoc nihil loquatur, liberum mansit unicuique, pro ut sibi libuit, opinari. Quidam propterea eos Angelos, qui sunt eiusdem ordinis, seu Hierarchiæ, esse eiusdem naturæ existimant. Alii omnes omnino esse eiusdem speciei affirmant, ut Bahl. lib. 3. contra Eunom. dicens: *Angeli omnes, ut appellationem unam, ita eandem omnino inter se naturam habent*, & solâ officiorum varietate distingui asserit. Alii probabiliter docent, aliquos Angelos specie differre, aliquos solo numero, ut Bonaventura, Durandus, Scotus, & alii in *Secundo Sent.* At S. Thomas docet, omnes Angelos specie differre, hac r. P. q. 50. a. 4. in 2. Dist. 3. q. 1. a. 4. Q. un. de *Spiritual. creat. a. 8. 2. Contrag. c. 71. 92. 93. & alibi.*

XVII. Ex hac opinionum varietate colligitur, nihil hac de re certi definiri posse. S. Augustinus, se ignorare aperte confessus est. In *Enchiridio* enim, cap. 58. *Quomodo autem (inquit) se habeat beatissima illa, & summa societas, qua ibi sunt differentia personarum (al. prapositionum) ut, cum omnes tanquam generali nomine, Angeli nuncupentur... sint tamen illi Archangeli, & utrum idem Archangeli appellentur Virtutes... Quid inter se differant... dicant, qui possunt, si tamen possunt probare, quod dicunt, ego me ista ignorare confiteor.* Et lib. ad Orosium contra Priscillianistas &c. cap. 2. ait: *Esse itaque Sedes, Dominationes, Principatus, Potestates in celestibus apparitionibus, firmissime credo, & differre inter se aliquid, indubitata fide teneo.*

*Sed... quamquam ista sint, & quid inter se differant, nescio. Nec cā sancti ignorantia periclitari me puto.* Quibus significat, hujus differentię notitiam non pertinere ad fidem; eo vel maxime, cum Ecclesia nihil unquam de hoc statuerit. Unde Damascenus, li. 2. de Fide, cap. 3. ait: *Ac quod esse tiam quidem, aequales ne sint inter se, an dispares, competentum non est; solus hoc scit Creator illorum Deus, qui universa explore novit.*

XVIII. Hanc tamen quætionem, cui Veteres veluti incertæ pepercerunt, recentiores Theologi post D. Thomam celebrem reddiderunt. Cum enim D. Thomas, omnes Angelos specie invicem differre, ut sibi probabilius, asseruerit, & Scotus contrarium sit opinatus, facta est utriusque Scholæ veluti tellera, & character. Quia tamen, eam non tanti momenti esse iudico, ut propter ipsam alias utiliores, vel omittamus, vel nimis sobrie percurramus; ideo eam striditum absolvemus, & maxime pro ea parte, quā inquirunt, an de potentia Dei absoluta possint esse intra eandem speciem plures Angeli; eam enim ab aliis fuscē pertractatam Lectior inveniet.

XIX. Dico secundo. Admittenda est distinctio specifica inter Angelos. Ita communiter omnes, etiam Scotti. Et Probatur. Possit enim inter Angelos dari specificam diversitatem, nemo, ut puto, negabit. Cum enim Deus in ratione substantię spiritualis, sicut in omni alia perfectione infinitus sit, & consequenter infinite imitabilis, & participabilis; non potest ab ulla specie creata intellectualis substantię ita adæquari, ut non possit ab alia, & alia in infinitum participari. Sicut enim in gradu vegetativo tot possibiles sunt plantarum, arborumque inter se diversę species, totque genera animalium specie diversorum in gradu sensitivo; cur in gradu omnium supremo, nempe intellectuali completo, nulli dari poterit specifica diversitas, Deum diverso modo participans?

Nec valet dicere: Deum fore participabilem ab infinitis numero Angelis.

gelis in illa specie contentis = Nam ut aliqua potentia sit simpliciter, & omnibus modis infinita, non sufficit, ut possit plura, & plura secundum numerum producere, nisi possit etiam plura & plura in infinitum secundum speciem. *Possibile est enim* (ait D. Tho. Qu. 2. de Pot. art. 2. ad 9.) *aliquam creaturam posse producere effectus infinitos, quantum est de se secundum aliquid, utpote secundum numerum in eadem specie, & sic omnium illorum effectuum natura est finita, utpote ad unam speciem determinata, ut si accipiamus homines, vel asinos infinitos. Non est autem possibile, ut sit aliqua creatura, qua possit in effectus infinitos omnibus modis, & secundum numerum & secundum speciem, & secundum genera, sed hoc solus Dei est. Et ideo sola ejus potentia est simpliciter infinita.* Cum ergo Deus in genere substantiæ intellectualis sit simpliciter, & omnibus modis infinite participabilis; requiritur, ut nedum per infinitas substantias intellectuales numero diversas participetur, sed etiam specie.

XX. Quod vero inter Angelos de facto deus diversitas specifica, seu quod de facto producti sint plures Angeli speciei diversi, prob. Si enim semel possibiles sint Angeli speciei diversi, cum hæc diversitas ad pulcritudinem Universi multum conducat, credibile non est, Deum, qui tanta varietate specierum rerum corporalium, mundum corporeum exornavit, unicam tantum Angelorum speciem in mundo spiritali, & intellectuali voluisse producere.

Id quoque ostendunt diversi ordines, & Hierarchiæ, quibus Angeli distinguuntur. Nam certe Angeli de suprema Hierarchia plus differunt ab iis, qui sunt in infima, quam inter se: sed illi, qui sunt in eadem Hierarchia suprema, vel specie sunt idem, vel idem genere, & differunt specie; ergo qui sunt in suprema, ab iis qui sunt in infima differunt specie, vel infima, vel subalterna.

XXI. Nec refert, quod inter homines dentur quoque diversi ordines,

& Hierarchiæ, cum tamen omnes homine ejusdem speciei sint. = Nam divinitas ordinum, quæ inter homines est, accidentaliter est: quod enim hic subditus sit, ille Rex, hic de plebe, ille nobilis, hic in dignitate positus, ille vilis, prorsus contingens est; cum de uno ad alium statum transire possit, ut apparet. At Angeli, quod in tali vel tali Hierarchia sint, ex sua conditione, & natura habent, nec de una ad aliam transire possunt: Seraphim enim non possunt in Angelos transire, & sic de reliquis.

XXII. Nec obest, quod plures Sancti Patres asserunt, Angelos esse ejusdem naturæ, ut Basilus, l. 3. contra Eunomium: *Angeli omnes ut appellationem unam, ita etiam eandem omnino inter se naturam habent; & licet unus alio superiori dignitate sit, non continuo si quid ordine, ac dignitate secundum est, aut tertium, id & naturam eandem habet.* Ex quo inferre, quod etiam Spiritus Sanctus tertius a Patre, & Filio numeretur, adhuc ejusdem naturæ sit. Omnes etiam esse ejusdem naturæ testatur Anselmus, lib. 2. *cur Deus homo* c. 21. & Auctor *Quæst. ad Antiochum*, sub Achanah nomine, q. 7. *querens quare differat Deimonium natura à natura Angelorum, respondet: Nulla est natura ipsorum differentia, sed voluntatis, quemadmodum alia est iusti mentis, alia peccatoris.* Et Q. 8. *querens: quot sunt Angelorum naturæ, respondet: Una est natura, quemadmodum & hominum. At novum sunt ordines &c.*

XXIII. Non inquam. Nam præfati Patres solum volunt ostendere, Angelos cujusque ordinis esse ejusdem naturæ, nempe, spiritalis, & intellectualis speciei, sive infima, sive subalterna; ita ut univoce conveniant, sicut omnia corpora ejusdem naturæ dici possunt. Sic Basilus probat, quod sicut licet inter Angelos sit ordo, omnes tamen Angelicam naturam habent: sic Spiritus Sanctus, etiam sit tertius a Patre, & Filio, habet eandem naturam divinam. Sicut autem non sequitur, quod Angeli habeant eandem naturam numero, licet habeat Spiritus Sanctus cum

Patre, & Filio; ita nec quod habeant eandem naturam specie infima. Unde ponit exemplum de stellis, quæ certe non omnes ejusdem speciei infimæ sunt. Ita exponendus est Anselmus: ait enim, quod Angeli, *Quamvis omnes sint ejusdem naturæ, non sunt ejusdem generis sicut homines*. Auditor autem quærit, ad Antiochum, quisquis ille sit, exponendus est de eadem natura genere, aut specie subalternâ; huius enim sunt Angeli, & Dæmones, quia omnes substantiæ spirituales: quod vero addit *sicut homines*, intelligendum est proportionate servata.

XXIV. Dices. Omnes animæ rationales sunt ejusdem speciei infimæ, quia omnes sunt rationales; ergo & omnes Angeli, quia omnes sunt spirituales.

Nego conf. Animæ enim rationales ordinatæ sunt per se ad constituendum cum corpore hominem, qui unius speciei est. Non sic Angeli, qui substantiæ completæ sunt. Rursus animæ rationales constituunt naturam suæ præ naturæ corruptibilem; unde ne tota pereat, dari debent plura individua, & plures animæ numero solo distinctæ; ut in pluribus perpetuitatem habeat, quam habere non posset in uno. At species Angelica, quæ ut dicimus est incorruptibilis, hoc non eget.

XXV. Dico tertio. Probabilius est, omnes & singulos Angelos invicem specie differre, nec dari plures solo numero distinctos in eadem specie. Ita D. Thomas, hac Q. 50. a. 4. & aliis locis supra citatis, Scotis contrarium opinantibus. Probatur primo ratione D. Thomæ. Quæ caret principio numericæ multiplicationis, differunt specie; sed Angeli carent principio numericæ multiplicationis, & de facto differunt inter se; ergo differunt specie. Min. probatur. Principium numericæ multiplicationis est materia, vel ordo ad materiam, seu subiectum, in quo forma recipitur; unde quæ conveniunt in specie, & differunt numero, conveniunt in forma, & differunt materialiter: sed Angeli carent materia, ut dictum est, & quia sunt

formæ per se subsistentes, nullum dicunt ordinem ad materiam, seu subiectum; ergo &c. Majorem probat D. Tho. tum hic, tum Q. un. de Spirit. creat. a. 8. *Quæcumque forma, quantumcumque materialis, & infima, si ponatur abstracta, vel secundum esse, vel secundum intellectum, non remanet, nisi una in specie una. Si enim intelligatur albedo absque omni subiecto subsistens, non erit possibile ponere plures albedines; eumvidemus, quod hæc albedo non differt ab alia, nisi per hoc, quod est in hoc, vel in illo subiecto; & similiter si esset humanitas abstracta, non esset nisi una tantum*. Hac ratione utitur quoque a. Contr. g. c. 93. Unde patet ratio, quare anima rationalis, etsi forma sit, tamen numero multiplicetur; quia non est forma per se subsistens, sed per se ordinata ad materiam, seu corpus; unde ex numerica multiplicatione corporum, & ipsa materialiter, & numericè multiplicatur.

XXVI. Secundò prob. ratione. D. Tho. loco ex Contragentes laudato. *Ad hoc sunt plura individua in una specie in rebus corruptibilibus, ut natura speciei, qua non potest perpetuo conservari in uno individuo, conservetur in pluribus; unde etiam in corporibus incorruptibilibus non est, nisi unum individuum in una specie; at substantiæ separatæ sunt natura incorruptibiles; ergo non oportet in illis esse plura individua ejusdem speciei*. Hinc patet etiam, quare anima rationalis, etsi incorruptibilis, adhuc tamen numero multiplicetur: hæc enim cum ordinetur ad corpus ut subiectum, multiplicato isto, necesse est, ut & ipsa multiplicetur.

XXVII. Terriò probatur. Namque superiori debet concedi, quod perfectius est: sed perfectius est multiplicari solum specie, quam solo numero; ergo Angeli, qui sunt naturæ superioris &c. Min. probatur. Perfectius est habere totam naturam speciei in uno, quam illam habere non posse, nisi in pluribus: sed natura, quæ non potest multiplicari nisi in specie, habet

totam perfectionem in uno individuo, quæ autem multiplicabilis etiam numero, non habet totam perfectionem suæ speciei, nisi in pluribus; ergo &c. Unde D. Tho. 2. Contrag. c. 93. citato: *Substantia* (inquit) *separata sunt perfectiores, quam corpora cælestia; sed in corporibus cælestibus propter eorum perfectionem non invenitur nisi unum, individuum unius speciei: tum quia, unumquodque eorum constat totâ materiâ suâ speciei: tum quia in uno individuo est perfecti virtus speciei ad complendum illud in Universo, ad quod sua species ordinatur, sicut præcipue patet in Sole, & Luna. Multo igitur magis in substantiis separatis non invenitur nisi unum individuum in una specie.*

Ex his igitur ita discusso. Universum in tres præcipuas partes dividitur: in infimam, quæ continet generabilia, & corruptibilia: in mediam continentem sphaeras cælestes: in supremam, quæ Angelos complectitur. Si ergo corpora cælestia, quæ sunt Universi pars media, in uno individuo habent totam perfectionem suæ speciei; & unicuique individuum sufficit ad complendum in Universo id, ad quod eius species ordinatur; multo magis hoc habebit pars suprema, nempe unum individuum Angelicum habebit totam, & totaliter perfectionem suæ speciei, & sufficit ad omnia, ad quæ sua species ordinatur, & proinde eius species non multiplicabitur in plurâ. Intantum enim species horum generabilium in plura individua multiplicari debent, quia unum individuum non habet totam materiam suæ speciei, nec unum individuum, puta hominis, vel equi sufficit ad omnia ea, ad quæ eius species est instituta.

XXVIII. Hanc rationem urget quod S. Doct. Qu. un. de Spiritu creaturis, art. 6. sic. Perfectum illud est, cui nihil deest eorum, quæ ad ipsum pertinent, quod percurrendo omnes rerum gradus ostenditur. Deo enim, qui est in supremo perfectionis, nihil deest eorum, quæ pertinent ad perfectionem ipsius esse; præhabet enim in

se omnes rerum perfectiones simpliciter, & excellenter; individuum autem naturæ infimæ, generabilium nempe, & corruptibilium, habet quidem quidquid ad se pertinet, ad suam individuationem spectans, non tamen quidquid pertinet ad naturam suæ speciei; cum hæc in aliis etiam inveniantur, quibus indiget ad sui convivium, & ad sibi simile generandum. In superiori verò Universi parte, nempe cælesti, unum individuum sic est perfectum, ut puta Sol, ut nihil ei deest eorum, quæ ad propriam speciem pertinent, unde tota natura speciei sub uno individuo concluditur. Multo ergo magis (concludit S. Doct.) in suprema parte rerum creaturarum, quæ est Deo propinquissima, scilicet in Angelis, hæc perfectio invenitur; ut uni individuo nihil deest eorum, quæ ad totam speciem pertinent, & sic non sint plura individua in una specie. Deus verò, qui est in summo perfectionis, cum nullo alio convenit non solum in specie, sed nec in genere, nec in alio prædicato universo.

XXIX. Quarta ratio sumpta ex Qu. un. de Spiritu creat. art. 8. citato, sub hac forma proponitur. Quo partes Universi perfectiores sunt, eo perfectiori ordine ordinantur, sive invicem, sive ad Deum. Bonum enim Universi in duplici ordine consistit, nimirum partium omnium ad Deum, & partium invicem; sicut bonum exercitus situm est in ordine militum ad Ducem, & militum ad invicem: sed ordinari pure secundum speciem perfectius est, quam ordinari tanquam individua sub una specie; quia ordinari secundum speciem est ordinari per se, & secundum perfectionem essentialiam; species enim est sicut numerus, quorum unus perfectiorem essentialiam addit supra alterum; ordinari autem solum secundum principia individuantia, est ordinari solum accidentaliter, & secundum principia materialia. Relinquitur ergo (claudit S. Tho.) Quod omnes Angeli ad invicem specie differant secundum maiorem, & minorem perfectionem formarum simplicium, ex majori vel minori propinqui-

*Inte ad Deum, qui est alius purus: & infinita perfectionis.*

XXX. Sed obijciunt contra dicta Scotistæ primò. Nulli speciei infimæ repugnat communicari posse pluribus. Vel enim hæc repugnantia proveniret ex perfectione: & hoc non; quia communicabilitas convenit naturæ divinæ, quæ est perfectissima. Vel ex imperfectione: & hoc minus: quia species rerum generabilium, & corruptibilium, quæ imperfectiores sunt speciebus Angelicis, non sunt incommunicabiles, sed de facto pluribus in eadem specie communicantur.

XXXI. Respondeo, negando anteced. Ad prob. dico, speciem angelicam non esse communicabilem pluribus ratione perfectionis ejus supra species rerum corruptibilium. Ad prob. in contrarium, distingo ant. communicabilitas pluribus individuis, & cum sui multiplicatione, nego antecedens: pluribus Personis naturâ immultiplicatâ manente, conc. ant. Exemplum non est ad rem. Etenim natura Divina est id sit communicabilis tribus Personis Divinis, non tamen illis communicatur sicut species individuis; nec tres Personæ sunt tria naturæ Divinæ individua, sed indivisa prorsus, & immultiplicata in illis est. At hoc modo non crediderim, velle Frassen, cujus est hæc objectio, speciem angelicam communicabilem esse pluribus Angelis; sed communicabilem esse illis, ut individuis sub eadem specie contentis, & per sui multiplicationem, sicut natura humana multiplicatur in pluribus: & hoc modo multiplicari non posse dicimus naturam, seu speciem Angelicam, ratione perfectionis ejus supra species rerum generabilium, & corruptibilium, ut ostensum est.

XXXII. Sed dices. Omnis quidditas est communicabilis pluribus, sive sine sui divisione sive cum sui divisione: sed species angelica quædam quidditas est; ergo cum non sit communicabilis, ut natura divina, sine sui divisione, erit communicabilis pluribus cum sui divisione. Ita Frassen.

Respondeo, vel negando absolute  
T. m. p.

maj. vel eam distinguendo. Omnis quidditas, generica, conc. maj. specifica, nego maj. Ut enim docet Nostrum in Logicis, natura generis quidem in unica specie salvari non potest; quia cum sit essentialiter potentialis, indifferens, & contrahibilis, saltem duas requirit differentias, quibus essentialiter compleatur; At natura specifica bene potest in uno individuo salvari; cum enim in se sit quoad essentialia completa, multiplicari solum potest accidentaliter, & ratione materiæ, & quia ab uno individuo non totaliter possideatur. Cum ergo natura angelica, & careat materia, & ab uno individuo totaliter possideatur, ut est ostensum; non est, cur, etsi quidditas sit, eam ponamus multiplicabilem. Sicut nec ponimus communicabilem, saltem naturaliter, naturam Solis, quæ tamen quædam quidditas est.

XXXIII. Sed replicabis. Omnis natura, quæ potest intelligi universalis, potest numero plurificari, quia, universale est unum aptum esse in multis; & idcirco natura Solis, quamvis de facto in uno tantum sit, quia tamen intelligitur in universali, potest in pluribus esse: sed, ut, plerique Thomistarum in Logicis admittunt, natura specifica Angeli intelligi potest universalis; ergo &c.

Respondeo primò: ad summum, hæc instantia concludi, non repugnare, quòd per absolutam Dei potentiam dari possint in eadem specie plures Angeli (de quo §. sequenti agemus) non verò, quòd de facto dentur, ut hic Scotistæ contendunt; sicut nec evincitur de facto dari plures Soles, est dari non repugnet.

Respondeo secundò, dist. maj. omnis natura, quæ adæquate summa potest numero plurificari, co. maj. quæ solum inadæquate connepra &c. potest &c. neg. maj. Natura specifica Angeli, & potest considerari adæquate, ut dicit iam principia specifica, quam individuantia; & sic non potest concipi universalis. Potest insuper considerari inadæquate, ut dicit tantum principia specifica, praescindendo à concernen-

tibus esse individuale; & sic cum non appareat ex hoc capite repugnantia ad plura, potest concipi cum indifferentia, & universalis, non quidem secundum rem, sed secundum rationem tantum. Sed de his ad Logicos. Qua doctrina præveniunt omnes instantiæ, quas subiungit Frassen.

XXXIV. Obiiciunt secundò. Animæ rationales etiam separata, de facto numero multiplicantiur: dantur etiam duo numero lumina gloriæ, duæ visiones numero, et si spirituales sint; cur ergo non itidem duo Angeli?

Si respondeatur hæc numero multiplicari ex ordine ad diversa subiecta, quod in Angelo, qui forma substantia est, non verificatur.

Contra est primò. Si possibilis esset tantum unica anima, haberet habitudinem ad corpus, nec tamen esset ab alia numero distincta = Secundò. Inclinatione ad corpus est aliquid consequens substitutionem animæ; ergo supponit animam jam individuum, & numero ab alia distinctam = Tertiò. Si animæ sunt numero distinctæ, quia possunt informare diversa corpora; etiam dabuntur plures numero Angeli, quia possunt movere diversa corpora, & esse in pluribus locis.

XXXV. Respondeo: optimam esse datam solutionem, quam non enerwant allatæ instantiæ. Non quidem prima. Nam si una tantum numero anima esset possibilis, hoc esset, quia non posset conjungi, nisi uni numero corpori; & ideo impossibilis esset altera, à qua numero distingueretur = Non secunda. Ordo enim ad corpus in anima essentialiter forma incompleta essentialis est; & sicut nequit concipi anima in specie constituta sine ordine ad aliquod corpus, ita nec potest concipi hæc anima, sine ordine ad hoc corpus. = Non tertia. Quia Angelo utpote formæ per se subsistenti, & completæ, omnis ordo ad corpus, ad locum, & quodcumque aliud accidentaliter est, & extraneus.

XXXVI. Obiiciunt tertiò. Inter Angelos est amicitia, & societas: sed societas, & amicitia requirit similitu-

dinem in natura specifica: unde Divus Thomas, 1. Part. qu. 31. art. 3. ad 2. dicit: quod *Licit Angeli, & anima beata semper sint cum Deo; tamen, si non esset pluralitas Personarum in Divinis, sequeretur, quod Deus esset solus, vel solitarius. Non enim tollitur solitudo per associationem alterius, quod est extranea natura. Dicitur enim aliquis solus esse in horto, quamvis sint ibi multe plantæ & animalia; ergo si Angeli non essent ejusdem speciei infimæ, non esset inter illos societas. Neque amicitia: Nam Ecclesiastici 13. v. 10. & 20. dicitur: Omne animal diligit similem sibi, sic & omnis homo proximum suum. Omnis caro ad similem sibi conjungitur, & omnis homo simili sibi sociabitur.*

XXXVII. Respondeo primò, in stando argumentum. Nam juxta Scottistas, etiam non omnes, aliqui tamen Angeli differunt specie; & tamen, putò, non negabunt, inter illos dari societatem, & amicitiam.

Respondeo secundo, negando minorem inter Deum, & justos datur amicitia. Quare Christus vocat Apostolos amicos, Joann. 15. v. 14. *Vos amici mei estis.* Et v. 15. rationem reddens: *Vos autem, (inquit) dixi amicos, quia omnia, qua audivi à Patre meo, nota feci vobis.* Cum ergo Angeli invicem communicent, & superiores quæ à Deo audiunt, nota faciant inferioribus, eos illuminando, et si specie infima differant, dabitur inter eos amicitia. Dabitur etiam Societas. Nam, ut Joann. 1. v. 3. dicitur: *Societas nostra sit cum Patre, & Filio ejus Jesu Christo.* Si ergo datur amicitia, & societas inter homines, & Deum, inter quos, neque est convenientia in genere, sed solum in ordine, nempe supernaturali; multò magis dabitur inter Angelos, qui in gradu intellectuali, & genere, conveniunt, etiam non in specie infima. Et sane, si inter animas beatas, & Angelos, quamvis illæ specie ab istis differant (ut docet D. Tho. 1. P. 1. q. 75. a. 7.) societas, & amicitia datur. cur inter Angelos invicem, et si specie differant, negabitur?

Ratio ergo est, ait D. Tho. *Quoniam de Spiritu creat. a. 8. ad 3. quod cum dilectio, & amicitia sequatur cognitionem boni; tanto perfectior erit dilectio, & amicitia, quanto bonum, quod cognoscitur, & in quo amando convenitur, erit altius, & universalius: cum ergo Angeli omnes propriam dilectionem referant, non ad privatum, sed commune bonum (concludit D. Tho.) Magis diligunt se invicem, si specie differunt, quod magis pertinet ad perfectionem Universi, quam si in specie convenirent, quod pertineret ad bonum privatum unius speciei.*

XXXVIII. Respondeo tertio, ad id præcipue, quod dicitur de societate, dist. min. Societas naturalis, omitto min. Moralis, & civilis, nego min. Societas naturalis, ut sit perfecta, requirit convenientiam in natura secundum speciem atomam. Et hac ratione bene dicit S. Thomas allatus ab Arguente, quod societas non esset, sed solum in Deo, si non essent plures Personæ Divinæ habentes eandem naturam. At societas moralis, quæ fundatur in communicatione operationum ad eundem finem, bene salvatur etiam inter ea, quæ naturaliter specie atoma differunt. Cum ergo Angeli, etsi natura specie differant, omnes tamen conveniant in eodem intellectualitatis gradu, omnesque insuper in ordine ad eundem finem beatitudinis communicent; datur locus perfectæ inter eos politiæ, societati, & etiam amicitiae.

XXXIX. Obijciunt, quarto. Si omnes Angeli essent diversæ speciei, peccantibus, preuentibus multis ex illis, multæ Angelorum species totæ perirent: atqui si hoc esset, non pateretur providentia Dei, ut in statu perditionis perpetuo manerent, sed eas aliquando liberaret. Ideo enim hominem Deus liberavit; quia in homine, Adamo peccante, tota natura humana perierat. Ita S. Augustinus in *Enchirid. sup. 20.*

XL. Respondeo primo: negando min. Neque S. Augustinus dicit, quod tota species hominum perierat, ideoque decuit eam ex parte liberari; non

autem tota species aliqua Angelorum non perit, ideoque non oportuit eam reparari. Sed dicit, peccante Adamo tota hominum multitudo perierat; non autem peccante Luciferi perit tota multitudo Angelorum: quod verum est, etsi Angeli invicem specie differant. En verba S. Doctoris: *Placuit itaque universis Creatori, atque Moderatori Deo, ut quoniam non tota multitudo Angelorum Deum deserendo perierat, ea qua perierat, in perpetua perditione remaneret; qua autem cum Deo, illa deserente, persisteret, de sua certissima cognita semper futura felicitate (secura) gauderet. Alia vero creatura rationalis, qua in hominibus erat, quoniam peccatis, atque suppliciis, & originalibus, & propriis tota perierat, ex ejus parte reparat, quod angelica societati ruina illa diabolica minuerat, superpleretur (aliis suppleret)*

XLI. Respondeo secundum cum D. Tho. *Quoniam un. de Spiritu creat. art. 8. ad 1. Quod Augustinus loquitur ibi de natura angelica & humana, non secundum quod considerantur in esse naturali, sed secundum quod ordinantur ad beatitudinem. Sic enim aliqui in natura angelica, & humana perierunt. Quantum autem ad ordinem beatitudinis natura humana dividitur contra totam naturam angelicam: quia tota natura angelica uno modo nata est pervenire in beatitudinem, vel ab ea deesse irrevocabiliter, scilicet statim ad primam electionem: natura vero humana per decursum temporis. Et ideo loquitur ibi Augustinus de omnibus Angelis sicut de una natura, propter unum modum ordinis ad beatitudinem, licet differant secundum speciem naturæ. Hac D. Thomas.*

XLII. Respondeo tertio. Quid si comparatio rigotosa feret ab Augustino inter homines, & Angelos, sequeretur primo: quod sicut omnes homines ejusdem naturæ specie atoma sunt, sic & omnes Angeli; cum tamen Scotistæ aliquos Angelos specie distinguunt admittant. Secundum: quod ex speciebus Angelorum, quæ perierunt, non omnia illarum specierum individua

dua perierint, quod unde probabunt?

XLIII. Obijciunt quintò. Falsum est, omnia corpora cœlestia specie distinguuntur maxime stellas; hæ enim solum differunt in claritate, quæ accidens est: *Stella enim à stella differt in claritate* 1. Cor. 15. v. 41. Rursus; non videntur differre specie à cœlo, cui affixæ sunt. Præterea: sicut hæc inferiora ornata sunt plantis, et animalibus, ita Empyreum ornatum est Angelis: sed in plantis, et animalibus multa inveniuntur ejusdem speciei; ergo et in Angelis.

XLIV. Respondeo, neg. assumtum. Omnes enim stellæ diversæ specie sunt. Dum autem dicitur, quod differant in claritate, seu luce, non assignatur differentia substantialis earum: lux enim non est forma substantialis, cum sit qualitas per se sensibilis, quod de nulla forma substantiali dici potest. Et præterea non est ejusdem rationis lux in omnibus; quod patet ex hoc, quod diversorum corporum superiorum radii diversos habent effectus. Ita D. Thom. *Quæst. unic. de Spirit. creat. art. 8. citato ad 12.*

Ad secundam dico: quod stellæ, vel sunt continuæ cum cœlo, cui affixæ sunt, vel solum contiguæ. Si sunt continuæ, velut partes densiores illius, sic non constituent individuum, nec numero adæquatur à cœlo distinctum; sed sunt diversæ partes integrantes cœlum: sicut diversæ partes humani corporis unum individuum hominis constituent. Si verò sint solum contiguæ cum cœlo, tunc sive à cœlo, cui affixæ sunt, sive inter se specie differunt.

Ad tertiam dicit D. Thom. ad 12. loco relato: *Quod ornamenta terra, & aqua, quia corruptibilia sunt, requirunt multitudinem in eadem specie; Angeli autem qui sunt ornamentum Empyreï, incorruptibiles sunt: et ideo, sicut cœlestes orbes, in eadem specie multitudinem non requirunt.*

### 6. III.

*An saltem Divina Potentia fieri possit, ut plures Angeli sint in eadem Specie Atomæ?*

XLV. **A**B hac quæstione l'entius abstinuissim; et quia nullius, vel parvæ utilitatis, et quia quid certò statui possit, investigata D. Thomæ mente, non satis apparet. Utramen de hac quæstione, facta apud aliquos celeberrima, Candidatum meum, aliquatenus instructum dimittam; noverit, antiquos Thomistas, ut Capreolum, Fertarientem, in 1. *Contrag. 93.* Bannez, Zumel, Sylvium, et alios affirmativam sententiam tueri; Recentiores verò negativæ summa animi contentione adherere. Porro, quid dicendum existimem sequenti asserto declarabo.

XLVI. Dico. An divina potentia possint intra eandem speciem atomam Angelum multiplicari, nec ne, problema est in Schola Divi Thomæ, pro utraque parte disputabile; nec ideo opinio affirmans est improbabilis.

Probo primam partem. Illud censeri debet problema in Schola D. Thomæ pro utraque parte disputabile, pro quo in utramque partem Doctrina Sancti Magistri trahi absque violentia potest; sed hoc contingit in materia præfenti; ergo etc.

XLVII. Pro parte negativa min. prob. Angelos enim nullâ potentia multiplicari posse intra eandem speciem videtur evincere ratio principalis Divi Thomæ; quia scilicet caret materiâ quæ est unicuique numerica multiplicationis principium; & quia insuper, cum sint formæ per se subsistentes, nullum dicentes ordinem ad subiectum, seu materiam, non possunt intra eandem speciem diversimodè participari: omnis enim participatio alicuius formæ diversimodè intra eandem speciem, ex eo procedit, quod diversimodè participatur, vel saltem possit diversimodè participari in subiecto. Unde Q. un. de Spirit. creat. 2. 8. Si autem (inquit) Angelus est forma simplex abstracta a ma-

teria,



tertia, impossibile est etiam fingere, quod sint plures Angeli ejusdem speciei: quia quicumque forma, quantumcumque materialis, & infima, si ponatur abstracta, vel secundum esse, vel secundum intellectum, non remanet nisi una in specie una. Si enim intelligatur albedo absque omni subiecto subsistente, non erit possibile ponere plures albedines; eum videamus, quod hac albedo non differt ab alia, nisi per hoc, quod est in hoc, vel illo subiecto; & similiter si esset humanitas abstracta, non esset, nisi una tantum. Illa autem verba impossibile est etiam fingere, quod sint plures Angeli ejusdem speciei, quid aliud ostendunt, nisi repugnantiam essentiali? Sicut si dicerem: impossibile est etiam fingere dari plures Deos; nonne indicarem, essentialiter repugnare pluralitatem Deorum?

Item x. P. q. 75. a. 7. idem probans, ait: Non enim potest intelligi, quod aliqua forma separata sit, nisi una unius speciei: sicut si esset albedo separata, non posset esse nisi una tantum; hac enim albedo non differt ab illa, nisi per hoc, quod est huius, vel illius. Ubi observo, S. Doctorem non dicere Non potest esse, sed Non potest intelligi; quod idem est, ac dicere, non potest salvari conceptus formalis substantiæ separatae, nisi concipiatur una unius speciei. Et ratio etiam suadere videtur. Cui enim essentialiter repugnat principium multiplicationis intra eandem speciem, essentialiter quoque repugnat intra eandem speciem multiplicari: sed substantiæ separatae a materia, & ordine ad illam, essentialiter repugnat principium multiplicationis intra eandem speciem; ergo &c. Huc adduci possunt rationes Thomistarum pro hac opinione pugnantia, a quibus ab initio, cum eas apud præfatos Auctores Studiosius possit invenire,

XLVIII. Minor verò pro parte affirmativa aperte indicari videtur ab eodem S. Doctore x. Opus. 16. Ibi enim Avverroistæ (quos S. Thomas impugnatur) uterentur suum errorem, nempe, quod unus esset intellectus omnium hominum, eadem principio nitentur, nempe, quod cum „ intellectus sit se-

paratus ab omni materia, debet esse unus; si enim plures intellectus essent in pluribus hominibus, qui dividentur ad invicem numero per divisionem materiæ; sequeretur ex necessitate, quod intellectus esset forma materialis, & non esset separatus. Unde inferbant: si ergo est se paratus, & non est forma materialis, nullo modo multiplicatur secundum multiplicationem corporum. Huc autem rationi (inquit D. Thom.) tantum innuitur, quod dicunt, quod Deus non potest facere plures intellectus unius speciei in diversis hominibus. Dicunt enim, quod hoc implicat contradictionem; quia habere materiam, ut numeraliter multiplicatur, est aliud a natura forma separata.

XLIX. Quid ergo respondet D. Thomas? Admittit, quod si intellectus esset separatus, esset unus numero, nec posset multiplicari; & totus est in ostendendo, intellectum esse virtutem animæ, & ideo animabus multiplicatis, & intellectus multiplicari. Negat tamen, quod si intellectus esset separatus, & unus omnium, non posset divinâ potentia multiplicari, per verba sequentia bene notanda. Valde autem ruditer argumentantur ad ostendendum, quod Deus facere non posset, quod sint multi intellectus ejusdem speciei, credentes hoc includere contradictionem. Dato enim, quod non esset de naturali intellectu, quod multiplicaretur, non propter hoc oporteret, quod intellectum multiplicari includeret contradictionem. Nihil enim prohibet, aliquid non habere in sua natura causam alicujus, quod tamen habet illud ex alia causa. Sicut grave habet ex sua natura, quod non sit sursum; tamen grave esse sursum non includit contradictionem, sed grave esse sursum secundum suam naturam contradictionem includeret. Sic ergo intellectus si naturaliter esset unus omnium, quia non haberet naturalem causam multiplicationis; posset tamen sortiri multiplicationem ex supernaturali causa, nec esset implicito contradictionis. Quod non tantum dicimus propter propositum, sed magis, ne hac argumentandi forma ad alia

alia extendatur. Sic enim possent concludere, quod Deus non potest facere, quod mortui resurgant, & quod ceteri ad visum reparentur. Hæc D. Thomas.

L. Ex quibus apparet secunda pars asserti, nempe non esse improbabile, stando in doctrina D. Thomæ, Dei potentiam fieri posse, quod Angeli, et si substantiæ separatae, & proinde non habentes naturaliter principium suæ multiplicationis intra eandem speciem, possint tamen à Deo supernaturali causa multiplicari; sicut multiplicari possent intellectus separatus: quia *Nihil prohibet, a iud non habere in sua natura causam alicuius, quod tamen habet ex alia causa.* Quod licet Angelus ex sua natura habeat, quod non multiplicetur, tamen Angelum multiplicari non includat contradictionem. Quod est Angelum multiplicari secundum suam naturam includeret contradictionem, non tamen, cum sortiri multiplicationem ex supernaturali causa. Quod est in mortuo non sit principium ad reviviscendum, & in cæco ad visum reparandum; adhuc tamen, & mortui supernaturali virtute resurgere possunt ad vitam, & cæci visum recuperare. Tandem, quod hæc doctrina, nedum ad propositum, de quo ibi D. Thomas agebat, esse restringendam, sed etiam ad alia debere extendi. Hæc satis probabiliter ostendunt, mentem D. Thomæ esse, Angelos quidem naturaliter multiplicari intra eandem speciem non posse, supernaturaliter tamen posse.

LI. Qua in re observo: quod Divus Thomas, quotiescumque aliquid iudicavit impossibile fieri, etiam de potentia absolutâ; consuevit pro ratione adducere, quod si fieret involveretur contradictio: ut cum vult, nec de potentia absoluta materiam posse existere sine omni forma, dicit, quod materia esset actu, & non esset actu: cum vult, non posse fieri creaturam infinitam, dicit, quod esset facta, & non esset facta: cum vult, visum corporalem non posse videre Deum in se, dicit, in 4. *Dist. 49. Qu. 1. ars. 2.* quod visus esset sensus visus, & non esset. Cum ergo dum negat, Angelos posse multiplica-

ri, nunquam ad contradictionem recurrit, licet conicere, cum sentisse quidem, Angelos multiplicari non posse naturaliter, utpote non habentes in se principium suæ multiplicationis; non tamen multiplicari non posse supernaturaliter.

LII. Dices: S. Thomam sufficienter indicasse contradictionem, si Angeli multiplicarentur, dum *Qu. de Spirit. creat. citato ars. 8.* ait: *Impossibile est viam fingere, quod sint plures Angeli ejusdem speciei.* Et cum, 1. *Par. qu. 75. ars. 7.* dicit, quod *Non potest intelligi, quod aliqua forma separata sit, nisi una unius speciei.*

Probabiliter quidem, sed non evidenter. Nam potest responderi, Divum Thomam dicere, esse impossibile etiam fingere, nec posse concipi plures Angelos ejusdem speciei, substantiam separatam, quæ non sit unius speciei, attento naturali modo multiplicationis numericae, qui est per materiam, vel ordinem ad illam; quo, cum Angeli careant, & substantiæ separatae, certè non potest fingi, nec concipi quod itante carentiâ, naturaliter multiplicentur: non verò dicere, non posse fingi, aut concipi, quod possit multiplicari à causa supernaturali, modo diverso nobis ignoto. Cur enim sicut substantia Angelica individuatur de facto sine materia, quæ tamen est principium individuationis in materialibus; ita non possit individuatim multiplicari potentia Dei, sic supra naturam disponente, quamvis careat materiâ, quæ est multiplicationis principium? Cur sicut in eadem specie diversa datur receptibilitas, non poterit dari etiam in eadem specie diversa individualis irreceptibilitas, si de facto datur irreceptibilitas specie diversa? Cur non poterit Deus eadem prædicata specifica Angeli, puta Gabrielis, cum majori, vel minori perfectione substantiali intra eandem speciem in pluribus individuis collocare? Certè ex D. Thoma hæc duo contradictoria non sunt: Angelus ex sua natura habet, quod non possit multiplicari; & Angelus ex potentia divina habet, quod possit multiplicari: *Ni-*

*hil enim prohibet, aliquid non habere, in sua natura causam alicuius, quod tamen habet illud ex alia causa.* Contradictionem quidem includeret, quod Angelus esset immultiplicabilis secundum suam naturam, & secundum suam naturam esset multiplicabilis.

LIII. Hoc roboratur ex eodem Divo Thoma citato Q. un. de Spiritu, creat. a. 6. ad 4. dicente: *Sicut ergo hac albedo non prohibetur habere sub se plura individua ex hoc quod est albedo, quod pertinet ad rationem speciei; sed ex hoc quod est in hoc, quod pertinet ad rationem individui; ita natura huius Angeli non prohibetur esse in multis ex hoc, quod est natura in tali ordine rerum, quod pertinet ad rationem speciei; sed ex hoc, quod non est nata recipi in aliquo subiecto, quod pertinet ad rationem individui.* Ergo esse in pluribus individuis non est contra naturam specificam Angelis: sed Deus sua potentia facere potest quicquid non est contra praedicata specifica, & essentialia rei; ergo facere potest &c. & iure quidem. Nam sola natura divina ex sua specie est essentialiter una singularis, & immultiplicabilis; naturae autem creaturae solum accidentaliter competere potest ex sua specie singularitas, & immultiplicabilitas.

LIV. Sententia D. Thomae hac moderatione temperata exiit asperitatem, quae à multis in hac materia inuritur. Imo prosus liberatur à calumnia, qua quidam, Scoticarum plus æquo rigidus defensor, eam asperxit, anno 1623. in Apologia, quam pro Scoto, & Scoticis evulgavit; asserens, D. Thomae sententiam de immultiplicabilitate Angelorum in eadem specie, etiam attentam Dei potentia, fuisse ab Academia Parisiensi proscriptam. Quia tamen, ut superius dixi, ita possibilem divinae potentiae angelicae naturae intra eandem speciem multiplicationem existimo; ut à sententia eam impossibilem asserente recedere in animo mihi non sit: idcirco hanc obiectionem expendere, & dissipare ex debito adstringor.

LV. Dicit ergo Anonymus Scoti, & Scoticarum Apologista, à Facultate Pa-

risiensi anno 1216. sub Stephano Episcopo damnatos fuisse sequentes articulos, seu conclusiones. Prima est: *Quod Deus non potest multiplicare individua in una specie sine materia.* Secunda: *quod non potest facere plures intelligentias ejusdem speciei, contra Erastum Thomam.* Tertia: *quod substantia separata nusquam fuit per substantiam, error.* Quarta: *quod alicubi tantum sunt per operationem Gra.* Cum ergo omnia haec ex D. Thoma ab eius discipulis tradantur in scholis, patet, eos tradere doctrinam à Facultate Parisiensi damnatam.

LV. Respondeo primò. Suppositam hanc condemnationem plusquam uno titulo seipsa rueri. Supponit enim, eam prodidisse sub Stephano Episcopo, & anno 1216. at eo anno nullus erat Episcopus Parisiensis nomine Stephanus. Primus enim, qui hoc nomine Parisiensi Ecclesiae rexit, ex Demochare, lib. de Divina Misa Sacrificio, c. 18. vixit ante Petrum Lombardum, anno 1164. defunctum. Stephanus autem hoc nomine secundus cathedram Parisiensem ab anno 1258. ad annum 1279. rexit, atque inter istos duos nullus medius Stephanus invenitur. Quomodo ergo censura, quae supponitur prodidisse anno 1216. potuit esse edita sub Stephano? Dato etiam, vel omisso hoc; quomodo hac censura damnari poterat doctrina Divi Thomae, anno 1216. cum S. Thomas tunc vix natus esset, vel solum esset triennis, aut quadriennis, utroque anno 1274. mortuus ætatis annum quinquagesimum agens? Nec valet dicere, mendum esse in typis: nam loco anno 1216. debuit poni annus 1276. quo anno, & Stephanus Parisiensis erat Episcopus, & S. Thomas jam obierat, & proinde vacuatur.

LVII. Nam vnum esse hoc subterfugium ostendit Sylvius, in 2. P. q. 50. a. 4. & filius in Apologia, quam pro S. Thoma Scoticæ opposuit, anno sequenti 1624. & quæ tom. 5. operum ipsius continetur: qui duodecim exemplaria excusa opponit, in quibus edita censura figitur annus 1216. uno excepto, in quo ponitur annus 1217. At in tot exam-

exemplaribus mendum irrepsisse credibile non est. Verum, omisso etiam, non tunc 1216. sed 1276. præfatam censuram produisse, duobus annis post obitum S. Thomæ; adhuc incredibilis apparet præfata censura, precipuè si feriat S. Thomæ doctrinam. Cùm enim auditâ S. Doctoris morte Universitas Parisiensis litteras dederit ad Magistros, & Provinciales nostri Ordinis, Lugduni pro Generali Capitulo congregatos, anno eodem 1274. mæoris super ejus morte, & eximiationis super ejus doctrina plenas, quas ex integro refert Sylvius in laudata Apologia; quis sibi persuadere poterit, biennio post, mente ac stylo in contraria mutatis, processisse ad condemnandas, & anathematizandas illius Sancti Doctoris conclusiones, quem paulò ante, ejusque doctrinam ad eò venerabundi celebrabant?

LVIII. Respondendo ergo secundò; quòd illa censura (si lata fuit) fuit lata contra Averroistas, contra quos ut vidimus S. Thomas scripsit Opusculum 36. qui dixerunt, non posse dari, nisi unum intellectum omnium hominum, eò quòd in sua entitate non importaret materiam; quasi ad multiplicationem numericam, & individualem non sufficeret habitudine, quam intellectus, & anima, cù separata, dicunt ad materiam. Sed quia successu temporis non desinere, qui dicerent, huiusmodi censura doctrinam S. Thomæ esse condemnatam; idè Stephanus Episcopus Parisiensis, anno 1325. tota Universitate convocata, & approbante, præfatam censuram reniecit annullavit, & doctrinam nostri Angelici Præceptoris dignis celebravit encomiis. Cujus abrogationis interitum Diploma Audientis legere poterit apud Bergonensem initio *Tatula aurea*. Omibus addit Gorez, librum illum Academiæ Parisiensis præfatam censuram continentem, fuisse proscriptum, & catalogo librorum prohibitorum insertum.

Tandem; cù præfata ejusdem Academiæ Parisiensis revocatio, & annullatio non prodijisset pro S. Doctoris ejusque doctrinæ laude sufficeret, eam

à Romana Ecclesia (quæ, ut Parisiensis Universitas in præfato Diplomate profitetur: *Mater est omnium fidelium, & magistra fidei, & veritatis, in firmissima Petri Christi Vicarii confessione fundata, ad quam velut ad universalem regulam catholica veritatis, pertinet approbatio doctrinarum, declaratio dubiorum, determinatio tenendorum, & confutatio errorum*) nedum non fuisse unquam in aliqua sui parte damnatam; sed fuisse semper & esse summis laudibus cum suo Authore commendatam. Harum multos Benedictus XIII. Petri Sedem modò feliciter tenens, cum Diplomate = *Demissus preces* 6. Nov. 1724. cum sua Constitutione = *Pretiosus* 7. Kal. Junii 1727. §. 41. cumulè recensuit, confirmavitque, & S. Præceptoris doctrinam ab omni erroris negotio immunem esse pronuntiavit.

### DUBIUM III.

An Angeli ex Natura sua sint Incorruptibiles, & Immortales?

#### §. I.

*Resolvitur de Facto.*

I. Incorruptibile est illud, quod corrumpi, seu corruptioni subjacere non potest. Corruptio autem dupliciter sumi solet. Primò: strictè, ut opponitur generationi, & sic est destructio, seu dissolutio compositi substantialis constantis ex materia, & forma; sicut ex opposito generatio est productio & effectio compositi substantialis. Secundò: latius pro quacumque destructione rei, quæ cesset ab esse, seu de existente fiat non existens; quo sensu corruptio idem est, ac desitio, seu cessatio ab esse, quomodocumque contingat. Angelos non esse corruptibiles primo modo, ex dictis constat; cùm enim corpora non sint ex materiâ, & forma, seu ex corpore, & spiritu constantia, sed simplices spiritus, eorum desitio ab esse contingere non potest dissolutione compositi. Unde Tertullianus lib. de Anima, cap. 14. de anima huma-

na loquens, ex quo non sit composita, pr. bar, eam non esse mortalem. Si enim (inquit) *struibile, & dissolubile: si dissolubile, jam non immortalis. Itaque quia jam non mortalis, neque dissolubile, neque divisibile.* Nam & *dividi, dissolvi est, & dissolvi mori est.* Videndum ergo est: an Angelus incorruptibilis sit etiam secundo modo.

II. Noro propterea: tripliciter possedeat aliquid ex natura sua indefectibile. Primo absolute: eo quod sit talis naturæ, ut nullā potentia destrui possit, & in nihilum verti. Secundū: quod iuxta Dei potentiam ordinariam, seu agentis secundum existentiam naturalium causarum, destrui non possit; vel quia nulla ex causis naturalibus est, quæ rem illam destrui possit; vel quia nullum naturale principium est, quod ejus destructionem exigat, aut in eam conetur. Tertio denique: quia ex suis principis intrinsecis exigit nunquam deficere, sed ubi semel accepit esse, illud in perpetuum letare postulat.

III. Triplex hic est opinio. Prima Libertinorum, qui soli spiritui De immortalitatem adjudicant; Angelos autem, & animas rationales interire, imò nihil esse, sed meram opinionem effluunt. Horum auctores fuere Quintianus Gallus, professio sartor, extremus supplicio Tornaci affectus, eiurato tamen errore interit; & Coppinus Insulensis in errore extinctus. Secunda, aliquotum volentium, Angelos intrinsecè defectibiles, solā Dei gratiā perseverare. Tertia, Angelos suapte naturā indefectibiles esse; ita ut solā Dei potentia extraordinaria ab esse celsare, & in nihilum redigi possint.

IV. Dico ergo primò. Angeli sunt in perpetuum extituri, ac nunquam ullus eorum interibit. Hæc est communis Ecclesiæ fides accepta ex Scripturis, *Matth. 25. v. 41.* ubi ignis æternus dicitur *Paritui Diabolo, & Angelis ejus*; qui à Juda in sua Epist. v. 6. *Vincentis æternis sub caligine reſervati dicuntur*; & *Lucæ 20. v. 36.* ubi Christus dicit, quod *Qui digni habebuntur seculo illo, & resurrectione ex mortuis, neque nubent, neque ducunt uxores. Ne-*

*que enim ultra mori poterunt, aequales enim Angelis sunt.*

V. Hoc idem testatur fuit Sophronius Patriarcha Hierosolymitanus (in sua Epistola Synodica lecta in Synodo cæta, seu Constantinopolitana III. anno 681. A.D. 12. probata A.D. 13. & reſe laudata ab Hadriano Papa in suo sermone pro Synodo Nicæna II. ad Carolum Magnum) ubi hæc habet: *Deus suis opribus præſidens, principiumque omnibus temporale constituens, ſenſibilia quidem ſui temporali ſuſcepit, intellectualia verò, & inviſibilia his melioris dignitate dignatus eſt.* Et nullatenus quidem moriuntur, neque corrumpuntur, iuxta quod ſenſibilia deſcunt, atque pertranſeunt... ſed gratiam eis largitus eſt à corruptione ea, & à morte coercentem. Sic hominum anima permanent incorrupta. Sic Angeli immortales perſeverant.

VI. Colligitur quoque ex Concilio Lateranenſi V. ſub Leone X. in quo Seſſ. 2. reſectis iis, qui *Auſi ſunt dicere, animam rationalem eſſe mortalem, ſubjungiunt: Sacro apprehenſe Concilio damnamus, & reprohamus omnes aſſerentes, animam intellectivam mortalem eſſe: cùm illa non ſolum verè, & per ſe, & eſſentialiter humani corporis formæ exiſtat, verum, & immortalis.* Quod ſi animæ rationali, quæ tam affine habet commercium cum corpore. Hæretur immortalitas; quantò magis aſſerri debet Angelis, qui ab omnium corpore affinitate ſeuncti ſunt?

VII. Accedunt Patres in hæc doctrina perſecti. Unum aſſero Biſitum, cum in *Psalm. 44.* ſic dicentem. Nos ergo ſumus, qui mutamur... non enim mutationem admittunt Angeli. Nullus enim inter illos puer eſt, nullus adoleſcens, ſenex nullus ſed in eo ſtatim in quo à initio creati ſunt, in eo permanent. cùm eorum ſubſtantia ſimplex & immutabilis conſervetur. Tùm lib. 4. adroſus Eunemium, ubi Anomæos inferentes, quòd ſi Pater non ſem per generat Filium, ſed aliquando deſinit; ergo etiam generare incipit, ſic pertrahitur: *Dicemus igitur, ſi id quod deſinit, neceſſariò etiam principium habet, rurſus*

*fur*, id, quod principium habet, necessario quoque definit: Angeli igitur, & cuncta incorporata, cum esse caperint, necessario etiam esse desinent. At hoc absurdum est. Ileri igitur potest, ut id quod esse incipit, non desinat, & id quod desit, non incipiat. Tale ergo absurdum reputat Babilus, quod Angeli desinant esse; ut, ne hoc admitatur, concludat, nec Filium Dei aliquando exipisse.

Potest in contrarium adduci illud, 1. ad Timoth. 6. v. 16. ubi de Deo dicitur: *Qui solus habet immortalitatem*. Sed Angelos non habere immortalitatem eo modo, quo eam habet Deus, dicemus in sequentibus.

## §. I I.

*Quomodo Angeli sint Incorruptibiles.*

VIII. **D**ico secundò. Angeli non sunt incorruptibiles, & immortales absolute, & respectu potentiae extraordinariae Dei. Hoc modo, ut dicebatur ex Paulo, solus Deus habet immortalitatem; quia neque habet causam sui non esse, neque definire potest esse ab ulla causa extra se. Constat autem hæc assertio. Sicut enim Angeli natura, utpote creata, non habet ex se necessitatem essendi, sed contingenter se habet absolute ad esse, sicut etiam à Deo habuit, ut esset, & ex nihilo fieret; ita si Deus vellet, posset iterum ad nihilum reverti. Quare S. Cyrillus, *lib. 8. thesauri*, c. 2. hanc differentiam statuit inter Angelos, & Filium Dei, quod hic necessarius, & immutabiliter est; illi verò, volente Creatore, possint in nihilum redire. *Angelus* (inquit) *immortalis quidam res est, propter ita constitutam de eo Conditoris voluntatem: nihilominus, quoniam existendi principium habet, posset utique finem etiam sortiri: naturales enim prerogativæ, habentibus quidem valida sunt, non autem earum opifici Deo. Quemadmodum igitur urandi vim habet, sed non Deo; & Angelus immortalis est quidem, sed non Deo. Sicut ergo igni, citò naturaliter sit com-*

busivus, & positus omnibus requisitis, à nullo agente creato ejus actio impediri possit, bene tamen à Deo extraordinarie operante, ut in Babylonica fornace contingit; ita quamvis Angelus natura sua sit incorruptibilis, ut à nullo agente creato destrui possit, à Deo tamen, si vellet à conservando ipsum cessare, in nihilum detrudi posset.

IX. Unde colligit S. Augustinus, *Epist. 56. nunc. 128. ad Dilectorem*, *Cap. 3. Non ob aliud res deserre, vel posse deserre, nisi quid ex nihilo facta sunt: ut quod in eis est quod sunt, & movent... ad ejus bonitatem pertineat, qui summi est Conditor, qui potens est etiam ex nihilo, non tantum aliqua, sed etiam magnum aliquid facere*. Huc respexerunt non pauci Sanctorum Patrum, dum (ut statim dicemus) pronunciarunt. Angelos non natura, sed gratia immortales esse. Quia, sicut per divinam potentiam initium habuerunt ex nihilo: ita quoque per ipsam, si vellet agere quod posset, exitum in nihilum habere possent. Nam omnem creaturam, etiam angelicam, completitur illud, Sap. 11. v. 20. *Quomodo autem posset aliquid permanere, nisi tu voluisses? Aut quod à te vocatum non esset, conservaretur?*

X. Dico teritiò. Si attendantur eorum principia naturalia, Angeli semel creati exigunt semper esse; itaque ab intrinseco sunt incorruptibiles, seu indestructibiles. Quare, si Deus vellet agere secundum eorum exigentiam naturalem, & non secundum suam potentiam, teneretur illos in perpetuum conservare. Ita docet S. Thom. 1. P. q. 50. a. 3. & communiter Theologi, quavis in modo explicandi aliqui dissentiant. Probat eam S. Doctor primò ex D. Dionysio, c. 4. de Divinis Nom. dicente: *Intellectuales substantiæ vitæ, habent indestructibilitatem ab universa corruptione, morte, & materia; & generatione munda existentes*.

XI. Prob. primò ratione ejusdem. Illud solum suapte natura, & ab intrinseco est corruptibile, quod ex materia, & forma est constitutum; quia corruptio contingit ex dissolutione

compositi, hæc autem ex separatione formæ à materia, ut experientia constat; sed Angeli, ut dictum est, non sunt materia & formæ constantes, sed puri spiritus, & formæ simplices; ergo ab intrinseco non sunt &c.

XII. Eam confirmat S. Doctor sic. Quod ex sua natura est pura & simplex forma, semel productum in esse, non potest ab esse separari, si ejus natura spectetur; sed Angelus est pura, & simplex forma, nullam habens mixtionem cum materia &c. ergo &c. Major probatur. Quod ex sua natura est pura, & simplex forma, hoc habet, ut existere conveniat illi per se, & non per aliud; sed quod convenit alicui per se, & non per aliud, naturaliter saltem ab eo separari non potest; ergo &c. Minorem explicat exemplo circuli. Quia enim circulo convenit per se rotunditas, Rotunditas à circulo separari non potest, quia convenit ei secundum seipsum; sed aneus circulus potest amittere rotunditatem per hoc, quod circularis figura separatur ab aere. Major quoque patet: quia Unumquodque est ens actu, secundum quod habet formam, materia vero est ens actu per formam. Compositum igitur ex materia, & forma, definit esse actu, per hoc, quod forma separatur à materia. Sed si ipsa forma subsistat in suo esse, non potest amittere esse. Ita D. Thomas.

Ubi noranda sunt illa verba: Si ipsa forma subsistat in suo esse, non potest amittere esse. His enim declarat S. Doctor mentem suam non esse, quod existere ita per se conveniat formæ, ut forma necessarii absolute sit; sed solum, quod supposito, quod forma semel existat, non potest amittere esse; sicut supposito, quod existat circulus, non potest amittere rotunditatem.

XIII. Ut tamen prædicta ratio, & D. Thomæ mens melius penetretur, observa: quod aliquid convenire per se contingit dupliciter. Uno modo absolute, & metaphysicè; & huiusmodi perfectas fundatur in habitudine terminorum, & nihil non necessarium supponit; quo pacto quinario competit esse imparem, & circulo esse rotundum;

& hæc perfectas adeo necessaria est, ut oppositum implicet ex terminis contradictionem. Alio modo solum physicè; et hæc perfectas non fundatur in habitudine terminorum, sed aliquid non necessarium supponit. De hac ergo, non de prima loquitur D. Thomas, cum ait, quod esse convenit formæ per se; quia esse poni in esse, non conveniat formæ per se, et necessariò, sed solum accidentaliter: tamen semel supposità productione illius, seu si ipsa forma subsistat in suo esse, hoc, attento cursu naturali, non potest amittere: et in hoc stat similitudo cum circulo.

XIV. Observa etiam: quod ad hoc, ut aliquid conveniat alicui per se perfectas etiam physica inseparabiliter, non sufficit, ut non mediet alia forma, sed requiritur ulterius, ut nec mediet alia actio. Quare licet forma immediatè conveniat materiæ, et albedo quantitati, non tamen conveniunt inseparabiliter; quia actio productiva formæ, et albedinis, diversa est ab actione productiva materiæ, et quantitatis. At actio productiva formæ subsistentis est immediatè productiva ejusdem in esse, ideoque ei inseparabiliter convenit: quia quæ eadem actione producuntur, eadem actione simul conservari debent, nec nisi eadem destructione destrui possunt.

XV. Probo secundò alia ratione ejusdem S. Thomæ 1. Contrag. cap. 30. Angeli, utpote inter creaturas perfectissimi, creati sunt Deo similes, quantum patitur ratio creaturæ: sed ratio creaturæ patitur, ut naturaliter sit indestructibilis; ergo sicut Deus est natura immortalis, et indestructibilis, ita et Angelus, servato tamen discrimine Creatoris, et creaturæ; nempe, quod Deus ita est immortalis, et indestructibilis, ut hoc habeat à se ipso, et in dependenter à quacunque causa, qua ponatur in esse, et qua ei eripi possit: et in hoc sensu dicitur, quod solus habet immortalitatem (1. Timoth. 6. v. 16.) Angelus autem incorruptibilitatem, et immortalitatem quidem habet ex sua natura, sed tamen dependens.

denter à Deo, à quo ejus natura ponitur in esse, et à quo ei eripi potest.

Verba S. Thon à loco citato sunt: *Ad divinam perfectionem pertinet, quod rebus creatis suam similitudinem induiderit: nisi quantum ad illa, quæ repugnant, ei, quod est esse creatum. Agentis enim perfecti est producere per similitudinem, quantum possibile est. Esse autem simpliciter non requirunt ad rationem esse creati. Nihil enim prohibet, aliquid esse necesse, quod tamen sua necessitate causam habet, sicut conclusionem demonstrationum. Nihiligitur prohibet, quædam res, sic esse productas à Deo, ut tamen eas esse eis necesse simpliciter: imò hoc divina perfectioni attestatur.*

XVI. Probari potest revocando similitudinem, quæ S. Cyrillus l. 8. *Thesauri, c. 2.* supra laudatus utebatur, sub tali forma. Angelus est immortalis, non minus ac ignis sit combustivus: sed ignis natura sua est combustivus, ut Deus, (nisi sua extraordinaria potentia velit oppositum, ut fecit in ligne Babylonicæ toruacis) teneatur præstare concursum suum, ad combustionem; ergo sic debet, supposita Angelis existentia, eam conservare, ut nisi sua extraordinaria potentia velit illud destruere, non possit non eum in esse manuteneere.

XVII. Neque inferas: quòd sicut, si quis impediret igni combustionem, inferret illi violentiam; sic si Deus impediret, ne Angelus permaneret in eis, violentiam ei inferret.

Nam hoc verum esset, si ab alio, quàm ab Auctore naturæ procederet. Verùm sicut Deus, cùm impedivit, ne ignis babylonicus combureret tres pueros, non intulit violentiam igni: ita si impediret, ne Angelus conservaretur in esse, nec inferret Angelo violentiam, nec ageret contra, sed supra naturam utriusque: et esto ageret, ne inclinatio particularis suum effectum haberet, eum tamen haberet inclinatio universalis, quæ quilibet creatura nata est obedire Deo ad suos fines ultiores. Quæ enim à causa superiori in natura inferiori sunt, violenta non sunt, nec contra naturam, ut docet

D. Tho. Q. 4. de Pot. a. 1. ad 20. et maximè, quæ à Deo sunt in sua creatura, ut docent Theologi, in Tract. de actibus humanis.

### 6. III.

Respondetur ad ea, quæ tertiam Assertionem impugnant.

XVIII. Qui putant, Angelos esse immortales non natura, sed gratia, obijciunt primò prælaudatum textum D. Pauli 1. ad Timoth. 6. v. 16. Deus est, *Qui solus habet immortalitatem*; ergo nullus à Deo natura habet immortalitatem.

Sed hanc rextum, semel atque iterum dictum est, debere exponi; quòd solus Deus habet immortalitatem à se, et essentialiter, quo sensu, Marci 10. v. 18. dicitur: *Nemo bonus, nisi unus Deus*; Rom. 16. v. 27. *Soli sapienti Deo*. Hæc expositio est D. Augustini, lib. de Natura boni, cap. 39. *Sicut ergo dicitur homo bonus, non tamen sicut Deus, de quo dictum est: Nemo bonus, nisi unus Deus; & sicut dicitur anima immortalis, non tamen sicut Deus, de quo dictum est: Qui solus habet immortalitatem; & sicut dicitur homo sapiens, non tamen sicut Deus, de quo dictum est: Soli sapienti Deo; sic dicitur ignis æternus, non tamen sicut Deus, cuius solus immortalitas est vera æternitas.* Videri etiam potest idem S. Doctor, Epist. 28. nunc 166. ad Hieron. Ubi solus Deum dicit esse immortalem; quia solus ipse cuiusque transitus non solum non esse ad non esse, sed etiam ab uno ad alium statum incapax est: unde anima ita immortalis est, ut etiam dici possit mortalis, dùm de bona transit in malam. Quare ait: *Sed quòd immoritur alienata à vita Dei, ut tamen in natura sua vivere non omnino desinat: ita mortalis ex aliqua causa interimitur, ut etiam immortalis non sine ratione dicatur.* Et l. 2. de Trinit. c. 9. *Ipsa (inquit) mutabilitas non inconvenienter mortalitas dicitur, secundum quam, & anima dicitur mori: non quia in corpus, vel in aliquam alteram substantiam.*



*sentiam mutatur, & vertitur; sed in  
hijus sua substantia quidquid alio modo  
nunc est, ac fuit, secundum id quod de-  
fuit esse, quod erat, mortale deprehen-  
ditur.*

XIX. Obijciunt secundò Epistolam  
Synodicam Sophronii, de qua supra,  
§. 1. n. 5. Ubi post laudata verba subji-  
cit Sophronius: quòd incorporea.,  
qualia sunt Angeli, etò non morian-  
tur, Non tamen sunt immortalia per na-  
turam, neque in essentiam incorruptibi-  
lem transeunt; sed gratiam eis (Deus)  
largitus est, à corruptione sa, & à mor-  
te coarcentem, Sic hominum anima per-  
manent incorrupta; sic Angeli immorta-  
les perseverant; non naturà reverà, si-  
cut asserui, incorruptam, propriè im-  
mortalem habentes essentiam; sed gra-  
tiam à Deo sortiti sunt, qua immorta-  
litatem largitur, & incorruptionem eis  
providet &c. additque, quòd corruptio  
omnibus rebus naturaliter infidet. Cum  
ergo præfata epistola, ut dixi, lecta,  
& Ali. 13. approbata fuerit à Synodo  
Sextia, statuum videtur in præfata Sy-  
nodo, Angelos solum esse immortales  
per gratiam, non per naturam.

XX. Idem obijciunt ex Patribus.  
Augustino, §. præcedente citato, n. 9.  
Cui accedunt Hilarius, in Psalm. 148.  
ubi ad illa verba: Præceptum posuit, &  
non prateribit, ait: Ut hoc quod sunt,  
idest, ut maneant in æternum, non na-  
tura esse intelligant, sed præcepti ejus  
sit, qui potens sit rebus ex nihilo sub-  
stituit naturam æternitatis asserre. S.  
Ambrosius quoque, lib. 3. de Fide, c. 1.  
Nec (inquit) Angelus immortalis est na-  
turaliter, cujus immortalitas in volun-  
tate est Creatoris. Et S. Damascenus, lib.  
2. Fidei orthod. c. 3. Angelus (inquit)  
est substantia intelligens.... immorta-  
litate in natura Dei munere consequen-  
ta. Et infra: Immortalis est, non qui-  
dem naturà, sed Dei munere, & gra-  
tià. Quidquid enim ortum habuit, finem  
quoque suapte naturam habiturum est. Hoc  
nec ipsum Platonem latuit; nam in  
Timæo Deum summum sic alloquiem  
Deos minores, nempe Angelos, indu-  
cit: Quoniam orti estis, immortales vos  
quidem esse, & insolubiles non pote-

stis. Neutiquam tamen dissolvemini &c.  
Opera quidem vos mea dissolubilia na-  
tura, me tamen volente insolubilia.

XXI. Respondeo. Hac & similia con-  
firmare nostram secundam assertionem,  
non destruire tertiam. Probat enim,  
quòd sicut non naturà habent, quòd  
sunt, sed gratià Creatoris; sic non  
naturà habent, quòd immortales sint,  
sed gratià Dei Conservatoris. Quia,  
et si eorum natura non habeat in se  
corruptionis principium, ei tamen cor-  
ruptio naturaliter infidet; quia sicut  
ex nihilo facta est, ita vertibilis est  
in nihilum & quamvis semel posita  
extra nihilum, naturaliter exigat in  
esse semper manere; quòd tamen Deus  
velit potius secundum naturam eorum  
inclinationem agere, quam secundum  
suam potentiam, & sic eis potius con-  
cursum ad semper esse præstare, quam  
concursum denegare, gratia est; non  
quidem supernaturalis, sicut esset, si  
rem sua natura ad corruptionem in-  
clinantem (ut hominem) perpetuò con-  
servaret; sed gratia naturalis, gratia  
scilicet Dei Conditoris, & Conserva-  
toris. Ut enim scribebat Patres Con-  
ciliij Africani apud S. Augustinum, Ep.  
95. nunc. 177. Non improbanda ratione  
dicitur gratia Dei, qua creati sumus,  
ut nonnihil essemus; nec ita essemus al-  
iquid ut cadaver, quod non vivit, aut  
arbor, quæ non sentit, aut pecus, quod  
non intelligit; sed homines, qui & es-  
semus, & viveremus, & sentiremus,  
& intelligeremus.... quia non præ-  
cedentium aliquorum bonorum operum me-  
ritis, sed gratuità Dei bonitate donata  
est. Ita gratia Dei dicitur, quæ An-  
gels creati sunt, ut nonnihil essent,  
nec ita essent aliquid, ut corporea, quæ  
corruptioni obnoxia sunt, sed talis na-  
turæ, quæ principio corruptionis ca-  
reret. Ut enim ait D. Tho. Q. 5. de  
Pot. a. 3. in c. Aliis rebus secundum  
suam naturam competit necessitas essen-  
di.... nec tamen per hoc removetur,  
quin necessitas essendi sit eis à Deo, quia  
& unum necessarium alterius causa esse  
potest, ut dicitur in 5. Metaph. Ipsi  
enim natura creati, cui convenit sem-  
piternitas, causa est Deus. Et insuper

gratia dicitur, qua Deus secundum talis naturae exigentiam agere velit, eos conservando; non autem secundum ab-solutam potentiam ad nihilum eos redigendo.

XXII. Prudenti autem nec non religioſa cauteſta abſtinebant Patres ab aſſendendo, Angelos, & animas humanas eſſe naturā incorruptibiles, & immortales; ne viderentur eam immortalitatem, quæ ſolius Dei propria eſt, nimirum à ſe, & carentem initio, & ſine eis concedere; agebant enim ſive contra Arianos, & Anomæos, ſive contra Origeniſtas. Unde, ut Angelorum immortalitatem ſecernerent ab ea, qua immortalis, & æternus eſt Filius Dei; dicebant, Angelos, & animas eſſe immortales, non naturā, ſed gratia, ſeu Dei voluntate. Contra Origeniſtas etiam, Angelos, & animas, ſicut non ſemper fuerunt, ita nec ſemper in eſſe perſeverarent, ſi Deus, qui eos à nihilo exeraxit, à nihilo etiam ſuo conſurſu non præſervaret. Ad Arianos reſpiciebant Ss. Hilarius, & Ambroſius; ad Origeniſtas verò Sophronius in prænarata Epistoſa. Quare ſtatim ſubjungit: *Sed idcirco, quod dominum animæ gratia Dei corruptionem repulerunt. . . idem . . . in ſempiterna quadam vita poſſas arbitramur. . . ſicut Origenes erroneus conſtituit, & huius ſomplites, atque conſentanei Didymus, & Evagrius, &c.*

XXIII. Reſponderi quoque poteſt cum D. Thom. 1. 2. q. 50. ar. 5. ad 1. præſatos Patres, ſicut & Damascenum, accipere Immortalitatem perfectam, qua includit, omnimodam immutabilitatem, qua omnis mutatio eſt quadam mors (ut dicit Auguſt. lib. 2. aliàs 3. contra Maximin. cap. 12) perfectam autem immutabilitatem Angeli non niſi per gratiam aſſequentur. Ita S. Thomas. Verba autem S. Auguſtini laudato loco ſunt hæc: *In omni mutabili natura nonnulla mors eſt ipſa mutatio, quia facit aliquid in ea non eſſe, quod erat. Proinde & ipſa anima humana, quæ propterea dicitur immortalis, quoniam qualitercumque ſecundum modum ſuum nunquam deſinit vivere; habet tamen pro ipſo ſuo modo quandam mortem ſuam, quia ſi juſtè vivebat, & peccat, moritur iuſtitia. . . . Et creaturarum naturæ celeſtium mori poſuit; ſic & Angeli peccaverunt, & Dæmones facti ſunt, quorum eſt Diabolus princeps. Et qui non peccaverunt, peccare poſſerunt. Et cuiuscumque creatura rationali præſtatur, ut peccare non poſſit, non eſt hoc natura propria, ſed Dei gratia. Reſcolatur ſuperius dicta ad primam objectionem ex eodem S. Auguſtino.*

Plato autem, ait D. Thomas relato 2. 2. ad 1. *Per Deum intelligit corpora celeſtia, quæ exiſtimat eſſe ex elementis compoſita. Et idcirco ſecundum ſuam naturam erant diſſolubilia, ſed voluntate divina ſemper conſervabantur in eſſe.*

XXIV. Obijciunt tertio. Secundum Gregorium. lib. 16. Moral. cap. 16. *Omnia in nihilum tenderent, niſi ea manus omnipotentis conſervaret;* ſed quod in nihilum redigi poteſt, eſt corruptibile; ergo cum Angeli ſint à Deo facti (ex nihilo) videntur, quod ſint corruptibiles ſecundum ſuam naturam. Ita contra ſe obijcit S. Thomas loco citato, cui.

XXV. Reſpondet (ad tertium) non eſſe contra rationem neceſſarii habere cauſam ſuæ neceſſitatis. Unde non repugnant neceſſario, neſ incorruptibili, quod eſſe ejus dependeat ab alio, ſicut à cauſa. Per hoc ergo, quod dicitur, quod omnia deciderent in nihilum, niſi continerentur à Deo, & etiam Angeli; non datur intelligi, quod in Angelis ſit aliquid corruptionis principium, ſed quod eſſe Angeli dependeat à Deo, ſicut à cauſa. Non autem dicitur aliquid eſſe corruptibile, per hoc, quod Deus poſſit illud in non eſſe redigere, ſubtrahendo ſuam conſervationem; ſed per hoc, quod in ſeipſo aliquid principium corruptionis habet, vel contrarietatem, vel ſiletem potentiam materiæ. Hæc S. Thomas valde notanda. Quod enim Angelus ex nihilo factus ſit, arguit quidem, in eo eſſe capacitatem, non repugnantiam, ſeu potentiam obedientialem, ut Deo ſic vovente in nihilum redigatur; non verò quod in eo ſit potentia naturalis, ſeu principium aliquod, ex cujus actio-

ne in non esse tendat, ut ad corruptionem ab intrinseco requiratur.

XXVI. Nec dicas: etiam Angelus habeat solum capacitatem, seu non repugnantiam, ut producat: attramen enim posse à Deo produci illi naturale est, ergo etiam habeat solum non repugnantiam, ut possit in nihilum redigi, hoc sufficit, ut ad hoc habeat potentiam naturalem, & dici possit corruptibilis.

Nam respondeo: disparitatem esse, quia Angelus ante productionem nihil erat; & sicut non exigebat, ut produceretur, ita non exigebat, ut non produceretur. Dum verò à Deo productus est, non habens in se contrarietatem, aut potentiam materiæ, naturaliter perit in esse permanere, & in tali esse à Deo conservari, quantum ex suis intrinsecis est. Hac tamen necessitas in esse permanendi à Dei voluntate est. Nam *Licet creatura incorruptibilis ex Dei voluntate pendeat, qua potest eis esse præbere, & non præbere, consequuntur tamen ex Divina voluntate absolutam necessitatem essendi, inquantum in tali natura causantur, in qua non sit possibilitas ad non esse. Talia enim sunt entia creata, qualia Deus esse ea voluit, ut Hilarius dicit, in lib. de Synodis.* Ita S. Tho. 2. 2. de Potentia, a. 3. ad 12.

### QUÆSTIO III.

De loco Angelorum, & Locali Motu.

**D**E hoc agit D. Tho. 1. P. q. 5. & cum eo quaeremus. Primò. An Angelus in loco sit. Secundò. Per quid sit in loco. Tertiò. An plures in eodem loco esse possint, & unus in pluribus. Quia verò Angelus potest esse in loco, vel sibi connaturali, vel violento, qualiter sunt Dæmones, sive in inferno, sive alibi Deo lic volente, de utroque agemus. Quia verò sic in uno loco sunt, ut ad alium locum transire possint, ideò de motu localis eorum quoque tractabimus.

### DUBIUM I.

Per quid Angelus proximè constituitur in Loco.

#### §. I.

*Angeli sunt in Loco.*

**D**upliciter possumus imaginari, aliquid esse in loco. Uno a modo commensurativè ad locum, ita ut totum corpus locatum commensureretur toti loco, & partes locati partibus loci. Alio modo definitivè per hoc, quòd substantia locati sit præiens, & distans huic loco, ut non alteri.

II. Dico primò. Angelos esse aliquo loco de fide est. Ita D. Thomas in 1. Dist. 37. q. 3. a. 1. contra quosdam Philosophos, qui ponentes, quòd Intelligentia movet Orbem sola motione propria finis, sicut amatum movet amantem, & quòd anima ejus non conjungitur Orbi, nisi desideratum desideranti; fiebat, ut secundum istos, Angelus nullam habeat applicationem ad corpus, vel ad locum, quia non immediatè operatur circa aliquod corpus. Hac autem opinio (subdit S. Doct.) hæretica est, quia secundum fidem nostram, ponimus, Angelos immediatè circa nos operari.

III. Hanc veritatem cantat Ecclesia, quæ de nostra habitatione sic Deum. *Vogat: Angeli tui sancti habitent in ea, qui nos in pace custodiant.* Eam insuper Scriptura confirmat. Tum Matthæi 4. v. 11. *Tunc reliquit eum (Christum) Diabolus, & ecce Angeli accesserunt, & ministrabant ei.* Lucæ 1. v. 15. *Discesserunt ab eis Angeli in celum.* Lucæ 22. v. 43. *Apparuit autem illi Angelus de celo.* Matth. 28. v. 2. *Angelus enim Domini descendit de celo.* Joann. 5. v. 4. *Angelus autem Domini descendebat secundum tempus in Piscinam: alensus autem, & descensus, ut portè de loco in locum, supponit rem existere in loco.*

Rursus: fides catholica docet, aliquos Angelorum peccasse, ac in infernum esse detrusos, dicente D. Petro, Epist. 2. cap.

2. cap. 2. v. 4. Deus *Angelie peccantibus non peperit, sed rudentibus inferni detractos, in tartarum tradiat cruciandos; & D. Juda Epist. v. 6. Vinculis æternis sub caligine servavit.*

IV. Hoc idem testantur Patres, inter quos Chrysostomus, lib. 6. de Sacerdote, loquens de Sacrificii tempore: *Per id tempus* (inquit) *& Angeli sacerdoti assident, & celestium Potestatum universus ordo clamores excitat, & locus altari vicinus, in illius honorem qui immolatur, Angelorum chorus plenus est.* Quod etiam habuit Concilium Aquigranense sub Lindovico Pio, anno 816. cap. 131. ubi intransibis Ecclesiam, divina recitantibus, & maxime ubi Corporis, & Sanguinis Domini geruntur mysteria, supernorum civium adesse contentus, pronunciat.

V. Dico secundò. Angeli non sunt ubique. Est contra Durandum, qui in 2. Dist. 27. qu. 1. dicit: quòd Angelus non est determinatè in aliquo loco, quin potius est ubique, quamvis non eo modo. quoniam est Deus; quia Deus est ubique per essentiam, præsentiam, & potentiam, & intimè operatur in omnibus rebus, quòd de Angelo dici non potest: sed solum est ubique, quia Angelus est in loco, in quo potest operari: sed potest operari ubique; ergo nullus est locus in quo dici non possit, quòd Angelus non sit.

VI. Sed Sententia Durandi periculosa in fide est. Et probatur ex illo I. sa. 14. v. 12. *Quomodo cecidisti de celo Lucifer... corruptus in terram;* quæ sub figura regis Babylonis exponuntur de Angelo malo; ergo ille reliquit unum locum, & ad alium delapsus est. Item Luca 10. v. 18. *Videbam Satan sicut fulgur de celo cadentem.* Et Apoc. 11. v. 8. dicitur de malis Angelis: *Neque locus invenitur illis eorum amplius in celo.* Si igitur Diabolus deiectus è celo locum in celo non habet amplius; ergo est locus, in quo non est Angelus; ergo non est ubique.

Et merito eundem. Nam S. Athanasius, Epist. 1. ad Serapionem num. 26. ex eo quòd Spiritus S. omnia implet, Angelus verò solum ubi adit, quòd mis-

situr, concludit, Spiritum Sanctum; nec esse factum, nec Angelum: *Si igitur Spiritus omnia implet, & in Verbo præsens est in medio omnium; si contra Angeli hæc in re illi cedunt, atque illis tantùm adsunt, quòd mittuntur: dubium utique non est, quin Spiritus nec res facta, nec Angelus sit.*

Et S. Damascenus, lib. 1. de Fides Orth. cap. 3. Angeli (inquit) circumscripti sunt: nec enim cum in celo sunt, in terra versantur; nec cum à Deo in terram mittuntur, remanent in celo.

VII. Ratio autem Durandi inutilis est. Non enim ex eo, quòd potest Angelus operari in omni loco, seu ex eo quòd non sit locus, in quo non possit operari, sequitur Angelum adesse in loco; sicut ex eo quòd non sit locus, quo non possit corpus circumscripti, non sequitur corpus adesse in loco, sed solum posse ibi esse. Efficeret Angelus in loco per hoc, quòd actu conjungatur loco operando in illo: cum autem Angelus nequeat simul operari, & applicari omni loco, non poterit in ullo sensu esse ubique.

VIII. Dico tertio. Angelus non est in loco determinato circumscriptivè, sed solum definitivè; id est quòd eorum substantia ira definitur à loco, in ovo est, ut non sit alibi. Sic Damascenus citato loco, ubi non precul à laudatis verbis, explicans modum, quo Angeli in loco sunt: *Non quòd* (inquit) *corporeo modo circumscriptantur (neque enim more corporum, quoad naturam attingunt figurantur, aut trina dimensione distenti sunt) sed quòd ubi se conferant, illis spiritualiter adsint. & operentur & nec eodem tempore hic, atque illic esse & operari possint.*

Et D. Thomas, hæc Qu. 51. art. 1. ait: *Non oportet dicere, quòd Angelus commensuratur loco, vel quòd habeat situm in continuo; hoc enim convenit corpori locato, prout est quantum quantitate dimensionum. Similiter etiam non oportet propter hoc, quòd continetur à loco. Nam substantiam incorporea suam virtute contingens rem corpoream continet ipsam, & non continetur ab ea. minima enim est in corpore, ut continetur, &*

non

non ut contenta. Et similiter Angelus dicitur esse in loco corporeo, non ut contentum, sed ut continens aliquo modo. Unde superius dixerat, quod æquivoce dicuntur esse in loco Angelus, & corpus. Non quia verè, & realiter Angelus in loco non sit; sed quia facta comparatione inter modum, quo Angelus, & corpus in loco sunt, ratio essendi in loco est adeo diversa, ut æquivoce de utroque dici videatur.

IX. Hæc resolutio procedit, supposito, quod Angeli sint puri spiritus, nec ullo modo habentes corpora, ut superius ostendimus. Cæterum in opinione celebri, apud Veteres, quod Angeli habent corpora naturaliter sibi unita, vel aerea, vel ignea, vel cuiuscunque materiæ tenuis; cum non sint dimensionis, & quantitatis omnino expertia, dici deberet eos esse in loco commensurativè, & circumscriptivè, & univoce, sicut alia corpora.

X. Dices tamen primò contra superius dicta. Quod omnino absolutum est à situ, & dimensione, non est in loco, nisi per accidens; sicut patet de materia prima; sed essentia Angeli est omnino absoluta à situ & dimensione &c. ergo non est in loco, nisi per accidens, nempe ratione corporis assumpti; ergo quando non assumit corpus, non est in loco.

XI. Dices secundò. Angelus est in loco definitivè, quia operatio sua definitur, & determinatur ad locum; sed similiter aliqua operatio Dei definitur ad locum aliquem, extra quem illam operationem non exercet, ut patet in suscitatione alicujus mortui; ergo videtur, quod Deus definitivè sit in loco.

XII. Respondetur ad primam inst. cum D. Tho. in 1. Dist. 37. qu. 3. art. 1. ad 2. *Quod esse in loco, ut in loco, non convenit Angelis, nisi per accidens; in quantum scilicet corpus assumunt, vel corpus cui per operationem applicatur, in loco est. Sed esse in loco, ut operans in operato, convenit Angelo etiam per se, secundum quod per se in loco operatur. Sicut etiam materia prima per se est in loco, aut in locato, ut patet, & sicut*

*Tom. V.*

*punctus per se est in loco, ut terminus, non ut locatum.*

XIII. Ad secundum respondeo ex eodem S. Doct. ibi ad 3. *Quod Angelus definitivè in loco est per operationem suam, Deus autem non; quia operatio ipsius Dei, est determinata sit ad locum, in quantum transit super operatum, non tamen in quantum exit ab operante, quia ita operatur hic, quod etiam alibi. Sed Angeli operatio definita est ad locum utroque modo; quia ipse non operatur alibi, quam hic.*

### §. I I.

#### Quotuplex sit Angelorum Locus.

XIV. **D**ico quartò. Triplex est Angelorum locus, cælum, infernus, aer. Prob. prima pars. Nam omnes in cælo Empyreo ut loco sibi proprio creatos fuisse, superius ostendimus. Deinde quibusdam è cælo delapsis, aliquos in cælo remansisse, ibique beatos esse, clamant Scripturæ: *Deus illa nemo scit* (inquit Christus Marci 13. v. 35.) *Neque Angeli in cælo.* Lucæ 2. v. 15. *Discesserunt ab eis Angeli in cælum.* Lucæ 22. v. 43. *Apparuit ei Angelus de cælo &c.*

Secunda pars non minus constat. Ex Angelis desertoribus in infernum fuisse detrusos multos testatur D. Petrus, *Epist. 1. c. 2. v. 4.* quos dicit rudentibus inferni detrahenos, in tartarum à Deo traditos cruciandos; & D. Judas *vers. 6.* suæ Epistolæ dicit: *Vinculis æternis sub caligine servatos.* Hoc autem etiam modò in aliquibus contingere, & non solum post universale judicium, dicemus infra cum D. Thoma, & subius, cum agemus de pœna Dæmonum.

Tertia pars non est minus certa. Plures enim Dæmones in hoc aere versari habetur, Job cap. 1. v. 8. ubi Diabolus à Deo interrogatus, unde veniret, respondit: *Circumivi terram, & perambulavi eam.* .. Petri 5. v. 8. *Adversarius vester Diabolus tanquam Leo vagans circumveniens, quem devoret.* Eodem spectant quæ scribit Paulus, Eph. R 2. v.

a. v. 2. In quibus aliquando ambulastis secundum principem potestatis aeris huius. Et c. p. 6. v. 12. vocans Dæmones: Reflores tenebrarum harum, spiritualia nequitiæ, in calceis, hoc est in aeris locis. Super quæ D. Hieronymus: Non quo (inquit) Dæmones in calceis commorentur, sed quo supra nos aer, hoc nomen acceperis. Unde & Eravet, quæ volitant per aerem, volucres soli esse dicuntur. Nam & in alio loco de Dæmonibus, quod in aere isto vagentur Apostolus ait... Secundum principem potestatis aeris spiritus. Hæc autem omnium Doctorum opinio est, quod aer iste, qui calum, & terram medius dividens inane appellatur, plenus sit contrariis fortitudinibus.

XV. Idem asserit S. Augustinus, lib. de Agone Christiano, s. 3. & lib. 8. de Civit. Dei, cap. 14. referens Platonem in Epinomide dicentem: Deorum sedes in calo est, hominum in terra, in aere Dæmonum. In libro autem de sex Quæst. ad Deo Gratiarum, seu Epist. 49. nunc 102. quæst. 3. Dæmones vocat iniquam spiritalem creaturam: Quæ in hoc proximo, & caliginoso solo habitans, tanquam in aërio carcere suo, prædestinata est supplicio sempiterno. Quod reperit, lib. 3. de Genes. ad litt. s. 10. lib. 11. cap. 26. & alibi.

XVI. Quare S. Thomas, hæc Q. 52. a. 4. relatis S. Augustini verbis resolvit: Sic ergo Dæmonibus duplex locus pœnalis debetur: unus quidem ratione sua culpa, & hic est infernus; alius autem ratione exercitationis humana, & sic debetur eis caliginosus air. Procuratio autem salutis humana protenditur usque ad diem iudicii: unde & usque tunc duras ministerium Angelorum, & exercitatio Dæmonum. Unde, & usque tunc, & boni Angeli ad nos huiusmodi sunt, & Dæmones in hoc aere caliginoso sunt ad nostrum exercitium; licet eorum aliqui etiam nunc in inferno sint ad torquendum eos, quos ad malum induxerunt; sicut & aliqui boni Angeli sunt cum animabus sanctis in calo. Sed post diem iudicii omnes mali, tam homines, quam Angeli in inferno erunt, boni verò in calo. Ita S. Doctor. Quod

probat hoc ratiocinio. Cum enim Angeli sint medii inter Deum, & homines, inferiores quidem Deo, hominibus autem superiores; ad ordinem Providentiæ, quæ bonum inferiorem per superiora procurat, pertinet, ut per Angelos bonum hominum procuraretur; atque dupliciter bonum hominis per divinam providentiam procuratur. Uno modo directè: Dùm scilicet aliquis inducitur ad bonum, & retrahitur à malo, & hoc desenter fit per Angelos bonos. Alio modo indirectè: dùm scilicet aliquis exercetur impugnatus per impugnationem contrariis: & hæc procuratorem boni humani conveniens fuit per malos Angelos fieri, ne totaliter post peccatum ab utilitate naturalis ordinis existerent. Ergo Dæmonibus duplex locus pœnalis debetur; unus ratione suæ culpæ, & hic est infernus; alius ratione exercitationis humanæ, & hic est caliginosus aer.

XVII. Quod si quæras: cur inter loca pœnalia non computatur aer?

Respondet S. Thomas, in 4. Dist. 45. q. 1. a. 3. ad 4. Quod aer ille caliginosus non assignatur Dæmonibus quasi locus, in quo recipiant retributionem pro meritis; sed quasi competens officio eorum, inquantum deputantur nobis ad exercitium. Et ideo inter receptacula, de quibus nunc agitur, non deputatur; primo enim deputatur ignis inferni, ut patet, Matth. 15.

XVIII. Sed in contrarium obstat videntur textus 2. Petri 2. quo omnes Angeli apostatici dicuntur detracti in tartarum, rudentibus inferni traditi cruciandi; & textus Iudæ 6, superius relati.

Responderi potest dupliciter. Primo: omnes quidem Angelos statim post peccatum dejectos fuisse in infernum; postea tamen, sicut Deus permixit, ut eorum principes ex illo carcere egressus, nostros Protoparentes ad peccatum suatione sua provocaret; ita & post eorum peccatum permittere, ut nonnulli exeat, & ad omnium exercitationem in hoc aere maneat. Secundo responderi potest cum D. Tho. 2. 2. q. 64. a. 4. citato. Omnes quidem mis-

fuisse infernali carceri destinati: at non omnes de facto inclusos, sed aliquibus illuc detrufis, alios fuisse in hoc aere detentos ad homines exercendos; donec, consummato univerfali iudicio, omnes de facto in infernum dejecti, cum damnatis hominibus aeterno igne crucientur. Et in hoc fenfu dicuntur à Petro, & Juda in iudicium magni diei refervari. Utraque refponfio confonat Scripturæ, & Sancto Hieronymo, ac Auguftino fupra laudatis.

XIX. Sed dices. Peccatum hominis non eft gravius, quam peccatum Dæmonis: fed omnes homines poft mortem impenitentes, flatim in inferno cruciantur, ibique immobiliter detinentur: ergo & Dæmones.

Refpondet, citato loco ad 2. D. Thomas: unam animam ordine naturæ non præferri alteri animæ, nec effe illa fuperiorem, ficut Dæmones natura fuperiores funt hominibus; ut ordo providentiæ peat, quod bonum unius animæ per aliam procuretur, ficut bonum hominis convenit procurari per Dæmones. Horum tamen peccatum non mirius punitur, quia licet in aere detenti, ignis tamen poenam, ut dicemus, patiuntur.

XX. Quæres igitur: An Dæmones, five qui in inferno definentur, five qui in aere verfantur, torquantur utraque poena, rûm damni, nempe carentia vifionis Dei, tum fenfus, nempe infernali igne?

Refpondet cum D. Thoma, Q. 64. a. 4. relato ad 3. tres de hoc fuiffe opiniones. Primam eorum, qui dixerunt, ufque ad diem iudicii differri poenam fenfibilem, tam Dæmonum, quam animarum; & fimiliter beatitudinem Sanctorum differri ufque ad diem iudicii. In hanc propendit Iuftinus, *Apolog.* 2. & aperte Terrullianus, in *Apologético*, c. 27. & in eam traherè conantur quidam S. Bernardum, Serm. de tranfitu S. Malachia dicentem: *Definita quidem, fed nondum promulgata, fententia efl. Denique jam Diabolo ignis paratus efl, fed nondum precipitatus in ignem, medico adhuc tempore finitur malignari.* Cui opinioni fubfcripferet

quotquot ex Veteribus, vel plerique faltem, quos fuperius, *Tom. 2. Tract. de Vifione*, Q. 2. Dub. 3. §. 2. retulimus pro opinione afferente: SS. animarum beatitudinem ad consummatum univerfale iudicium effe differendam. Sed hoc *Eff erroneum*, inquit D. Tho. laudato loco, & repugnans *Apofoli fententia*, 2. Cor. 5. Si terreftis domus noftra huius habitacionis difolvatur, domum habemus in cælo.

XXI. Relata deinde opinio aliorum, qui effò non admitterent, poenam animarum effe differendam, hoc tamen admittebant de poena Dæmonum; quam effò nulla cenfura feriat S. Thomas, ea tamen relictà, fuam affert opinionem dicens.

*Sed melius efl dicendum, quod idem iudicium fit de malis animabus, & malis Angelis, ficut idem iudicium efl de bonis animabus, & bonis Angelis. Unde dicendum efl, quod ficut locus celeflis pertinet ad gloriam Angelorum; tamen gloria eorum non minuitur, cum ad nos deveniunt: quia confiderant, illum locum effe fuum, eo modo quo dicimus, honorem Epifcopi non minui, dum altu non fedet in cathedra: fimiliter dicendum efl, quod licet Dæmones non altu alligentur gehennali igni, dum funt in aere iffo caliginofò; tamen ex hoc ipfo, quod feiunt, illam alligationem fibi debere, eorum poena non diminuitur. Unde dicitur in quadam gloffa Jacobi 3. . . . quod portant fecum ignem gehennæ quocumque vadant.*

XXII. Propterea benè diftinguit Sylviuſ (*ad præfat. art. 4. argumentum 3.*) triplicem effe Diaboli damnationem. Prima efl, quia de cælo propter fuperbiam efl deiectus, & in ignem infernalem miſſus. Secunda, quia de hominibus per Chriftum fic efl eiectus, ut non amplius, ficut priùs, illis prohibito dominetur; quò tendunt verba Chrifti, Joann. 12. v. 31. *Nunc Princeps huius mundi vincietur foras.* Tertia, quia coram toto mundo efl iudicandus, ac etiam à Sanctis, à quibus, & homines impii iudicabuntur, iuxta Pauli dictum, 1. Cor. 6. v. 3. *Nefciitis quoniam Angelos iudicabimus?* Quo fiet, R. 1. ut

ut manifestata eorum nequitia, sic à pijs hominibus separarentur, ut nullam deinceps eis nocendi potestatem haberent.

XXIII. Prima ergo damnatio in eis impleta est. Nam è cœlo statim post peccatum ejecti, & igni traditi in pœnam fuerunt. Et quamvis paulo post ex loco infernali ad terras ascendere, in hominum exercitiis permitti sint, pœnam tamen suam secum portant. Quare etsi Christus, *Matth. 23. v. 41.* dicat, ignem inferni esse paratum Diabolo, & Angelis ejus; non tamen negat, quin modo pœnam aliquam ab illo igne patiantur; sed solum affirmat, tunc sic esse igni in inferno eos alligandos, ut in æternum non sit permittendum illis egredi ab eo pœnarum loco. Secundam damnationem nondum penitus acceperunt; ligati enim sunt, ne seducant amplius gentes, ut olim, sed iterum solvendi, ut ait Joann. *Apoc. 10. v. 2. & 3.* Multo minus tertiam damnationem acceperunt, sed hæc ad diem extremum reservata est. Etenim (ait D. Tho. in 4. Dist. 47. q. 1. a. 3. quæstioncula 4. ad 2.) *Ipsi Dæmones cunctis videntibus tunc præcipitabuntur, quia in perpetuum in inferni carcere retrudentur, ut non sit eis liberum extra progredi; quia hoc eis non concedebatur, nisi secundum quod ordinabatur ex divina providentia ad hominum vitam exercendam.*

XXIV. Ad primam autem opinionem dici potest. Vel Patres illos fuisse in ea sententia, quæ primis Ecclesiæ seculis satis frequens erat. Vel dicendo, Dæmones nondum pari pœnam ignis, intellexisse de pœna futura quoad locum, in quo sævit ejusmodi pœna: neque enim, ut dictum est, omnes Dæmones modo tartaro concluduntur. Eodem modo exponendus est S. Bernardus, non enim vult, nullum ex Dæmonibus nunc in inferno pœnam ignis luere; sed eos tantum in isto aere eam pari, quanti ad homines exeros, Deo sic permittente, necessarij sunt. Unde subdit: *Diabolus Teris electos ad eorum utilitatem, reprobos conseris in eterna damnationem.*

XXV. Ad secundam autem opinionem, scilicet eorum, qui censuerunt, pœnam Dæmonum, esse non animarum, adhuc differri, dicendum est: eam differri quoad locum. Quia, etsi omnes igne crucientur, non tamen omnes in inferno. Vel differri quantum ad privationem sentiendi homines, quæ privatio maxima illis pœna futura est. Unde D. Thomas, 1. 2. q. 64. a. 4. ad 3. dicit, quod Dæmones dum, *Lucæ 8.* rogaverunt Christum, ne mitterentur in abyssum, id non petierunt, quasi ab igne jam non torquerentur; sed quia, cum erunt in abyssu conclusi, non poterunt amplius hominibus nocere: *Hoc petierunt (inquit) reputantes sibi pœnam, si excluderentur à loco, in quo possunt hominibus nocere.* Unde, *Matth. 8.* dicitur, quod deprecabantur eum, ne expelleret eos extra regionem. Vel etiam, quia, quando hic sunt cum hominibus, extorquent ab eis aliquem cultum, quem in gehenna non habebunt: *Quia perditionem suam hanc ipsam dicebant, quæ fiebat, ut cogniti spermerentur.* Ita S. Augustinus, *lib. 8. de Civit. Dei cap. 23.*

### 6. III.

*Quanam sit Ratio proximè fundans Angeli Præsentiam in Loco Connaturali.*

XXVI. **A**lia est ratio formalis constituens Angelum formaliter præsentem loco, & ubicatum; alia est ratio proximè fundans talem præsentiam, seu ubicationem. Sicut inter duo similia, alia est ratio constituens ea formaliter similia, & hæc est ratio similitudinis; alia est ratio proximè fundans hanc similitudinem, & hæc est forma in qua conveniunt, puta albedo. Hic ergo non querimus de ratione formali, qua Angelus formaliter in loco est: nam hanc supponimus esse ipsam præsentiam, qua hic potius est, quam alibi; sed loquimur de ratione proximè fundante tale præsentiam.

XXVII.



XXVII. Angelus ad duplicem locum comparari potest; unum sibi naturalem, ad quem suam voluntatem libere se applicat; alterum sibi violentum, in quo non se libere collocat, sed contra suam voluntatem collocatur; cuique, Deo sic volente, quodammodo subijcitur, & alligatur. Sic ignis gehennalis est locus violentus Dæmonibus; & desertum superioris Ægypti, in quo apprehensum Dæmonium reliquit Angelus Raphael, ut habetur, *Tobia* 8. v. 3. fuit illi locus violentus. Quærimus ergo in præsentia §. quænam sit ratio proxime fundans Angelum præsentiam in loco naturali; de loco violento inferius quæremus.

XXVIII. Suppono, substantiam Angelum vere esse in loco, ut quod in loco est; sed quæram, quo substantia Angelus sit in loco, seu quid sit illud, quod proxime fundat Angelicæ substantiæ præsentiam in loco. Sicut cum quæritur, per quid substantia corporea sit in loco, supponitur substantiam corpoream esse in loco; sed solum quæritur, quænam sit ratio fundans proxime ejus præsentiam in illo.

XXIX. Scotus, & ejus schola docet, rationem proxime fundantem Angelum præsentiam in loco esse ipsam Angelicam substantiam præcisè, & ex vi suæ linear. Vazquez pro fundamento talis præsentiae assignat modum aliquem unionis, libera Angelum voluntate productum, quo antequam quidquam in loco corporeo operetur, ei unitur. Mitto sententiam P. Suarez volentis Angelum esse in loco per aliquid ubi, seu modum præsentiae ejus substantiæ superadditum; quia ut dixi hoc non negamus, sed quærimus, quænam sit ratio proxime fundans hujusmodi præsentiam.

XXX. Universa D. Thomæ schola cum suo Angelico Doctore tenet, Angelum constitui in loco per applicationem suæ virtutis loco. Ita 1. P. 9. 52. art. 1. Dissident solum in explicando, quid intellexerit S. Doctor per applicationem virtutis; an scilicet ipsam formalem operationem, qua aliquid in corpore agit, an vero aliquid prævium

ad operationem. Quid sentiamus expe-ndemus.

XXXI. Dico primo. Ratio proxime fundans localem præsentiam Angelus non est ejus substantia præcisè, & ex sua linea substantiali.

Prob. Illa est ratio formalis proxime fundans localem præsentiam Angelus, quo posito, nullo alio accedente resultat formalis præsentia ejus in loco sed posita substantia Angelus, nullo alio accedente, non resultat præsentia localis in Angelo; ergo &c. Major videtur certa. Minor probatur. Posita substantia Angelus præcisè, nullo alio accedente, non habetur, unde resultat relatio ad hunc potius locum, quam ad alium; quia substantia Angelica ex se indifferens est ad omnia loca, & non magis ad unum locum determinata, quam ad alium; ergo ea posita &c. Sicut quia corpus non est magis determinatum, ut referatur relatione similitudinis ad album, quam ad nigrum; eo præcisè posito, nisi ponatur in eo albedo, non referetur relatione similitudinis potius ad album, quam ad nigrum.

XXXII. Confirmatur. Ea est Angelo ratio proxima existendi in loco, qua sit, ut modo majorem occupet locum, modo minorem; sed nisi substantiæ addatur aliquid, quo divisibiliter possit occupare locum, cum ipsa in se sit indivisibilis, occupabit semper æqualem locum, nec modo majorem, modo minorem; quia enim ratio proxime fundans localem præsentiam in corporibus est quantitas dimensiva; nisi quantitas dimensiva augeatur, vel minuatur, semper æqualem, & non modo majorem locum occupabit.

XXXIII. Respondet Frassen cum Scotis, neg. min. Quia est substantia Angelus sit ratio proxima existendi in loco; non est tamen nisi, ut applicata per voluntatem, sive Dei, sive ipsius Angelus ad talem locum; & sic fundare potest præsentiam, modo majorem, modo minorem.

XXXIV. Sed contra primò. Ergo jam substantia Angelus non erit per se ratio

ratio proxima, & immediata ad majorem, vel minorem locum, ergo hæc applicatio erit ratio proxima, & sic nihil, vel parum à nobis different, qui dicemus substantiam Angeli esse in loco connaturali per applicationem suæ virtutis ad locum.

Secundò. Hujusmodi applicatio substantiæ Angeli tanto, vel tanto loco facit illam contingere, seu esse instantem tanto, vel tanto loco; non autem majori, vel minori; sed ratio, quæ reddit substantiam præsentem, & tangentem locum, est ratio proxima existendi in loco; ut in substantia corporea explicabitur; ergo &c.

Tertiò. Adversarii dum dicunt, quòd applicatio substantiæ per actum voluntatis est illi causa existendi modo in majori, modo in minori loco; vel volunt, quòd talis applicatio &c. sit ei ratio formalis existendi modò in majori, modò in minori loco; vel solum causa efficiens, aut pura conditio. Si primum; ut dicebam, nobiscum conveniunt: hæc enim applicatio non aliud est, quam explicatio virtutis angelicæ ad tantum locum, & non ultra. Si vero dicant secundum, aut tertium: contra est. Quia invariata manente ratione formali, quamvis varietur causa efficiens, seu conditio, effectus formalis diversus haberi non potest. Quamvis enim libera applicatio nostræ voluntatis sit causa efficiens, vel conditio cur potius in isto loco, quam in alio existamus; nisi tamen intrinsicè varietur nostra quantitas, nunquam fiet, ut mediante illa occupemus modo majorem, modo minorem locum.

XXXV. Probatur secundo. Quamvis substantia Petri sit in loco, non tamen substantia Petri est immediata ratio fundans existentiam ejus in loco; sed quantitas Petri contingens locum; ergo & multo magis substantia Angeli incorporea non erit propria ratio immediate fundans ejus existentiam in loco, quamvis ipsa sit, quæ est in loco. Consequenter probatur. Nam si substantia corporea, cui convenit proprie esse in loco, non est immediata ratio fun-

dans existentiam in loco; ergo multo minus substantia incorporea, quæ per proportionem ad substantiam corpoream, est per se ipsam in loco, sed per aliquid aliud, quod respectu sui proportionabiliter se habeat ad quantitatem respectu corporis, & sit veluti quantitas virtualis, quæ virtuosè contingat locum, sicut illa contingit dimensivè.

XXXVI. Respondet Frassen primò, negando consequens. Esi enim contactus realis, & physicus necessarius sit, ut corpora formaliter sint in loco, quia in loco sunt per commensurationem ad ipsum; non tamen in substantia spiritali. Cum enim modo prorsus invisibili sit in loco, non requirit contactum aliquem, aut certe non alium, quam suæ substantiæ realem præsentiam, quæ sit præiens, & tangit locum, sicut corpus sit præiens, & tangit per quantitatem.

XXXVII. Sed contra. Quamvis ut substantia spiritalis sit in hoc loco præiens, & non requiratur contactus commentitius partis ad partem, & totius ad totum, ut in corporibus; requiritur tamen aliquid, quod fundet præsentiam, & instantiam ab hoc loco potius, quam ab alio, ut sit constituta in tanto loco. & non majori dicere enim, hoc haberi per realem præsentiam, & instantiam, est petere principium. Nam nos h. c. quærimus, unde oriatur hæc realis præsentia potius huic, quam alteri, potius magno, quam parvo loco. At hoc ex ipsa substantia ratione sui non potest haberi, ut ostendimus; ergo ex aliquo superaddito peti debet, & sicut in substantia corporea petitur à quantitate, ejusque extensione ad locum; sic in substantia spiritali debet ab alio proportionaliter peti, quod sit ratio proxima, quare præsentiam habeat localem.

XXXVIII. Nec valet dicere (quæ est responsio aliorum ab eodem Frassen indicata) falsum esse ant. Nam etiam substantia corporea se ipsa habet vim immediate tangendi locum; sed ab hoc impediri à quantitate, quæ  
adi-

afficitur, qua si spoliaretur, locum ratione sui immediate contingeret.

XXXIX. Nam contra est, Quomodo enim substantia potest radicari proprietatem, qua impediatur ne præster immediate effectum formalem, quem se ipsa immediate præstare possit? Cum proprietates sint virtutes substantiæ datæ illi, ut immediate se se explicet in actiones, quas radicaliter solum præcontinet? Quis dicet, intellectum impedire, ne substantia per se ipsam intelligat; colorem impedire, ne substantia per se ipsam videatur? Quid autem dicendum esset, si substantia corporea quantitate spoliaretur, an esset in loco? Inferius videbitur.

XL. Dico secundò, Substantia Angeli proxime constituitur in loco per applicationem suæ virtutis huic potius, quam alteri loco. Ita S. Thomas, iùm hic 1. P. qu. 52. art. 1. dicens, *Per applicationem igitur virtutis Angelica ad aliquem locum qualitercumque dicitur Angelus esse in loco corporeo.* Idem repetit, art. 2. ubi ex quo virtus angelica sit finita, arguit Angelum non posse esse ubique, sicut est Deus. Unde (inquit) cum Angelus sit in loco per operationem virtutis suæ ad locum, sequitur, quod non sit ubique, nec in pluribus locis, sed in uno loco tantum. Hoc docuit etiam in 2. Sent. dist. 37. q. 3. art. 1. Cujus ratione sic prob. Quod aliquid determinetur ad locum aliquem, hoc non est, nisi in quantum applicatur ad locum illum, & non ad alium. Hæc autem applicatio, vel intelligitur secundum situm, aut contactum; vel secundum formam, aut secundum operationem aliquam. Atqui applicatio substantiæ Angeli non potest esse secundum formam, sicut anima applicatur, estque in corpore, cum non sit actus corporis, ut ostensum est: nec secundum determinatum situm, sicut est punctus in linea, quam determinat; quia essentia Angeli omnino situ absoluta est; relinqueretur ergo quod sit in loco secundum contactum. Contactus autem dicitur dupliciter, proprie, & metaphorice. Tangere proprie, est habere ultima simul; quo pacto cor-

pus est in loco quatenus ultima, nempe superficies corporis locati, & loci simul sunt: & iste contactus non potest Angelo convenire, Tangere vero metaphorice, est actione contingere passum: & iste tactus potest Angelo convenire; ergo Angelus determinari, aut definiri non potest ad locum, nisi per actionem, & operationem.

XLI. Hoc magis explicatur discursu ejusdem S. Doct. hac Q. 52. a. 2. Angelus enim in loco est eo proportionali modo, quo corpus, quamvis secundum diversitatem: sed corpus est in loco per contactum dimensionis quantitatis; ergo Angelus erit in loco per contactum, & applicationem suæ virtutis. Hinc patet duplex diversitas inter modum, quo corpus, & Angelus in loco sunt. Nam corpus est in loco per commensurationem sui cum loco, ratione quantitatis dimensionis, Angelus vero non. Secundò, Corpus est in loco, ut contentum à loco; Angelus vero potius ut continens locum. Nam, substantia incorporea sua virtute continens rem corpoream, continet ipsam, & non continetur ab ea. Anima enim est in corpore, ut continetur, & non ut contenta. Et similiter Angelus dicitur esse in loco corporeo, non ut contentum, sed ut continens aliquo modo. Ita Divus Thomas.

XLII. Dico tertio, Applicatio virtutis, qua secundum P. Tho. Angelus immediate, & proxime collocatur in loco, non est applicatio prævia, & quasi præparativa ad operandum, sed applicatio formalis, & in actu secundo per actualem operationem: operationem, inquam, non tantum inferentem motum, seu mutationem aliquam realem in corpore, sed quemlibet contactum actuale virtutis angelicæ; qui se habet per modum operationis, & per modum actus secundi, puta, præsidentiæ, custodiæ; defensionis, continentis, detentionis; puta, si Angelus detineret lapidem in sublimi, esset in lapide, esset nullam in lapidem mutationem efficere.

Assertio hæc sic explicata, non solum ex parte saltem conciliat varias di-

discipulorum D. Thomæ expositiones; quorum aliqui, ut Bannez, Cajetanus, Nazarius, dicunt Angelum esse in loco per puram applicationem virtutis, quamvis non sequatur operatio. Alii, ut Caprenius, & Recentiores communiter nomine applicationis virtutis intelligunt formalem operationem virtutis in effectum transuentem. Verum assequi videtur veram, ac genuinam. 6. Doctoris mentem. Quia ubi hic, Q. 51. a. 1. dicit, Angelum esse in loco per applicationem suæ virtutis: & in 2. Dist. 37. q. 3. a. 1. Dixerat, quod *Qualiter substantiantia incorporea non potest esse in corpore, vel in loco, nisi per operationem, quæ effectum aliquem in eo causat*. Explicans postea, quid debeat operari Angelus, ut ejus virtus sit applicata, & eum in loco constituat, subiit: *Vel motum, vel lumen, vel aliud hujusmodi*. Et hac Q. 51. a. 1. ait: *Per applicationem igitur virtutis Angelica ad aliquem locum qualitercumque, dicitur Angelus esse in loco corpore*. Sed clarius, Quolib. 1. a. 4. ubi postquam determinavit, Angelum esse in loco per contactum virtutis, subiungit: *Si quis autem velit virtutis contactum operationem vocare, propter hoc, quod operari est proprius effectus virtutis, dicatur, quod Angelus est in loco per operationem; ita tamen, quod per operationem non intelligatur sola motio, sed quacunque motio, quæ sua virtute se corpori unit, præsidendo, vel coniungendo, vel quocunque alio modo*.

XLIII. Quod vero non sufficiat applicatio prævia ad operationem, probó. Nam ad rationem formalem proximam existendi Angeli in loco requiritur actualis contactus virtutis; sed præviæ ad operationem, posita applicatione virtutis, adhuc accedente imperio voluntatis, nondum verificatur, quod Angelus contingat sua virtute locum, sed solum sit præparatus, & dicat ordinem ad locum; ergo per applicationem virtutis præviæ ad operationem non habetur ratio proxime fundans existentiam Angeli in loco, nisi ad summum inchoative. Quare si posita applicatione virtutis angelicæ

per imperium prædicum ad operandum in tali loco, operatio, vel à Deo, vel alio modo impeditur, Angelus diceretur quidem initiative esse in illo loco, non tamen formaliter, quia actu locum illum non tangeret: sicut si accedente corpore in hoc cubiculum, Deus suspenderet extensionem ejus, & contactum dimensionum ejus ad partes hujus cubiculi, esset quidem in hoc cubiculo initiative, sed non formaliter; quia contactu quantitativo actu illud non tangeret: & eadem ratione corpus Christi, estó cum sua quantitate sit in in Eucharistia, non tamen est in ea, ut in loco; quia, ut docet D. Tho. 3. P. q. 76. a. 5. non est in ea modo localiter extenso.

XLIV. Confirmatur. Quidquid est in virtute angelica etiam ut applicata præviæ ad operationem, totum est immanens, nempe imperium intellectus, & motio voluntatis ad operandum in eo loco; ergo nondum habetur actualis contactus loci, & indistincta localis: actus enim, seu operatio intellectus, & voluntatis bene comparitur cum absentia rei intellectus, & voluit; quia actus harum potentiarum, cum possint ferri etiam ad res absentes, requirunt solam præsentiam intentionalem, & non physicam: & quamvis intellectus versetur circa rem præsentem, ut quando est intuitiva, tanquam adhuc non ponit in re visâ, nisi extrinsecus denominationem, visâ, quæ non facit videntem esse rei visæ præsentem, sed præsentem supponit; ergo ad conjunctionem localem, & contactum viralem requiritur, ut à virtute sic applicata exeat aliqua operatio transiens ad corpus, qua in eo aliquid agat, vel motum, vel custodiam, vel prædictantiam, vel quocummodo illud contineat.

### §. I V.

#### *Rationes Scoti contra præfatas Assertiones.*

XLV. **P**rimò arguit pro Scoto Frascienius ex omnibus illis Scripturæ locis, quibus Angeli dicuntur prius

prius accessisse ad loca, quam in eis quidpiam fuerint operati. Sic, *Lucæ 1. v. 28.* de Angelo Gabriele ad Mariam missio dicitur: *Et ingressus ad eam dixit: prius ergo ingreditur & sit præsens, quam loquatur.* *Matth. 4. v. 3.* *Et accedens tentator dixit ei, & v. 11.* *Et ecce Angeli accesserunt, & ministrabant ei.* Prius Diabolus accessit, quàm tentaret Christum: prius Angeli accesserunt, quàm ministrarent; ergò prius per substantiam sunt præsentes, quàm operentur.

XLVI. Respondeo, dist. ant. prius nostro captui se accomodando, conc. prius revera, nego ant. Cùm enim Scriptura adventum Angelorum ad loca exponat ad modum nostrum, nempe ad modum corporum, in quibus prius est accedere ad locum, quàm ibi operari; ideo sic etiam exhibet Angelos. Cæterùm sicut Angeli in se incorporci, quàmvis sub forma corporea exhibeantur, non arguit Frassen, eos in se esse corpora: ita quàmvis exhibeantur prius accedentes ad locum, quàm operantes, non debet arguere, eos revera prius ad locum accedere, quàm in eo operari.

XLVII. Dices primò. Corpus ut operetur in loco, debet prius esse in illo; cur ergo non Angelus, qui finitus est, & egens subiecto? = Secundò. Prius est esse, quàm operari; ergo prius est esse in loco, quàm operari in loco. Sicut enim se habet esse simpliciter ad operari simpliciter; ita esse hñc se habet ad operari hñc; ergo sicut operari simpliciter supponit esse simpliciter, operari hñc, supponit necessariò esse hñc.

XLVIII. Ad primum respondeo primò, dist. consequ. non Angelus per suam substantiam, nego; per suæ virtutis applicationem, transeat consequens. In opinione enim aliquorum, Thomistarum etiam applicatio ad locum præcedit operationem, ut vidimus: sed hæc est applicatio virtutis angelicæ, non applicatio substantiæ antevergens omnem applicationem virtutis, ut vult Scotus.

XLIX. Respondeo secundò, negando consequentiam, ob discrimen inter mo-

*Tom. V.*

dum operandi corporis, & spiritus. Corpus enim agit, per virtutem fundatam in quantitate molis, quæ est prior operatione, & qua corpus unitur loco; & idè cum agens debeat conjungi passivo, & in corpore hæc conjunctio habeatur per quantitatem, quæ præcedit operationem; debet corpus prius esse applicatum loco, deinde operari in eo: cæterùm si quantitas sicut est passiva, ita esset operativa, non egeret, ut corpus prius applicaretur, sed operatio ipsa esset corporis applicatio. Cùm ergo Angelus, utpote purus spiritus, aliam quantitatem non habeat quàm virtutis, quæ simul est operativa, & applicativa, non dependens, aut contenta, sed continens, ac sibi subiciens locum, in quem agit; idem in ea est conjungi loco, ac operari in illo: quoadmodum in anima rationali idem est informare corpus, ac illi uniri, applicari, conjungi. Quòd verò virtus angelica finita sit, nec creativa, arguit quidem, eam indigere subiecto, in quod agat; non tamen quòd prius debeat conjungi subiecto, quàm in eo operetur.

L. Ad secundam, nego consequentiam, & eius probationem. Ut enim ait D. Thomas, *Quolib. 1. a. 4.* (ubi hanc instantiam sibi proponit primo loco) *Nihil prohibet, aliquid esse prius simpliciter, quod non est prius quantum ad hoc; sicut subiectum est simpliciter prius superficie, sed non quantum ad hoc, quod est colorari: & similiter prius simpliciter est corpus, quàm tactus, tamen ipsum est in loco per tactum dimensiva quantitatis, & similiter Angelus per contactum virtutis.* Ita S. Thom.

Sicut ergo prius est esse corpus, quàm esse extensum, non tamen prius est corpus esse in loco, quàm esse extensum in loco; sicut corpus esse, prius est superficie, non tamen corpus esse coloratum superficie prius est; sicut prius est corpus esse, quàm tangere, non tamen prius est corpus esse in loco, quàm tangere locum: quia superficies est fundamentum, quare corpus sit coloratum, extensio in loco, & contactus loci est ratio fundans localem præsentiam corporis;

poris. Ita quamvis in Angelo prius sit esse simpliciter, quam operari, non tamen prius erit esse in loco, quam operari in loco; quia operatio est ratio proximè fundans localem Angeli praesentiam, seu est ratio, cur Angelus sit in loco, et id non sit ratio cur Angelus absolute sit. Quare variatur quid in ad aliquid, seu mutatur appellatio: & idèd consequentia Scotti committit fallaciam.

II. Secundò arguit. Ad veram, & adequatam rationem praesentiae angelicae requiritur, quòd tota Angeli substantia sit hic, & non alibi: at etiam si nihil hic operetur, hoc verum esse potest; ergo &c. Min prob. Tum quia dum Angelus applicat suam virtutem ad locum, potest ejus operatio impediri à Deo, vel ab eo aliò evocari, vel prohiberi ut contingit illis Angelis, quibus. *Apocalyps. 7. v. 3.* dictum est: *Nolite nocere terra, & mari &c.* vel per denegationem divini concursus: at in his casibus Angelus verè esset in eo loco, et idèd ibi non operaretur; ergo &c.

Tum quia: si sublata operatione Angelus ibi non esset; ergo nullibi esset, qui est articulus tertius damnatus ab Universitate Parisiensis sub Stephano Episcopo, ut superiù dictum est, nempe: *Quòd substantia separata nusquam sunt per substantiam.* Et quarta: *Quòd alieubi tantum sunt per operationem.*

III. Respondeo, dist. maj. sit hic, & non sit alibi positivè tangens locum, conc. maj. aliter, nego majorem. Ut ergo substantia Angeli sit ratio proximè fundans praesentiam localem, non sat est sola substantia, sed debet esse substantia ut tangens locum: sicut ut substantia corporea fundet proximè praesentiam localem, non sibi sufficiunt ea, quae habet de linea substantiae, sed requiritur, ut tangat, & extendatur quantitativè in loco. Cum ergo contactus, quo Angelus tangit locum, non sit quantitativus, sed virtutis, & iste habeatur per operationem, qua loco ungitur; idèd, hac deficiente, esset quidem ibi substantia, sed non ut locata.

Sicut si ab aqua existente in vase, Deus sic disponente, auferretur quantitas, & extensio, illa aqua esset in vase negativè, quia non esset extra vas, sed non esset amplius in illo vase, sicut locatum positivè in loco; quia deesset illi ratio proximè fundans praesentiam localem.

LIII. Hinc ad primam minoris probat. in opinione Thomistarum volentium, Angelum proximè constitui localiter praesentem per applicationem virtutis, praevie ad operationem, dici potest: quòd si, dum Angelus est praesens sua virtute applicatus uni loco, Deus uno ex dictis modis impediret actualem ejus operationem in illo loco, adhuc ibi esset, non ratione suae substantiae, sed ratione suae virtutis ibi potius, quam alibi applicatae: sicut plures applicati ad trahendam navem, etsi impedirentur ab extrinseco, ne illam de facto traherent, adhuc illi navi conjungerentur. In sententia verò, quam, ut probabiliorē amplexi sumus, nempe, quòd ratio proximè fundans localem Angeli praesentiam non sit applicatio pura virtutis praevie ad operationem, sed ut operationi conjuncta, dico: quòd vel Angelus impediretur ab omni operatione circa illum locum, idèd tam ab operatione causante motum, quam ab actuali praesentia, vel continetia illius loci; vel solum impediretur ab operatione causante motum, vel producente effectum in illo corpore. Si hoc secundum dicat arguens; adhuc Angelus esset in illo loco, vi illius actionis, cui quomodocumque sua virtus conjungeretur. Si verò dicat primum: respondeo cum D. Thoma, in 1. Dist. 37. q. 3. a. 1. ad 4. quod *Hoc non reputo inconveniens, quid Angelus sine loco possit esse, & non in loco, quando nullam operationem circa locum habet. Nec est inconveniens, ut tunc nusquam, vel in nullo loco esse dicatur, sicut etiam non est inconveniens, quòd nullo colore coloratus dicatur. Sed hoc amen non est imaginabile, quia imaginatio continuum non transcendit.* Haec D. Tho. Quae, si quis consideret, Angelum esse purum spiritum independen-

tem

tem ab omni corpore, nedum ut à sub-  
jecto sustentante, sed etiam ut locan-  
te, & circumferibente facile percipiet.  
In casu autem proposito, eñd Angelus  
in illo loco completè, & formaliter  
non esset, esset tamen saltem initia-  
tivè; quia ratione virtutis ad illum  
applicaretur diceret ordinem ad illum lo-  
cum potius, quàm ad alterum.

LIV. Quod si dicas: substantia An-  
geli est finita; ergo ex se debet esse  
definita ad aliquem locum.

Respondet D. Thomas, loco citato  
in corp. quòd ista est valde rudis pro-  
positio, quia procedit ex equivocatione  
finis. Cum enim dicitur essentia Angeli  
finita, accipitur finis pro fine essentia,  
& virtutis, secundum quòd etiam defi-  
nitio terminus dicitur; & non pro fine di-  
mensivis. Locus autem dicitur finis,  
vel finitus secundum terminos quanti-  
tatis dimensionis: finis autem secundum  
tramque acceptionem nullam commensu-  
rationem, aut proportionem habet. Unde  
non oportet, ut quòd est finitus in essen-  
tia, ad terminos loci finiat. Cum  
ergo Angelus crearetur quantitate dimen-  
siva, non oportet, ut ad terminos loci  
ex se definitur. Quia tamen est es-  
sentia, & virtutis finitæ, si velit vir-  
tutem suam applicare ad aliquem lo-  
cum, non poterit eam applicare nisi ad  
determinatum, & definitum locum.

LV. Ad secundum probat. min. Quid  
judicandum sit de asserta Academiæ  
Parisiensis damnationem, jam dictum est  
*Quaest. præd. Dub. 2. §. 3. num. 55.*  
&c. ad quæ studiosum remitto. Quod  
verò tangit materiam præsentem, pu-  
to, nec Scotum citatum à Frassen, nec  
Frassen ipsum, alicuius fuisse mentem  
Parisiensis Academiæ in illa damnatio-  
ne, ut bene notat Sylvius (ad Art. 1.  
Q. 51. *Prima Partis*, & in *Apologia pro*  
*S. Thoma posita, tomo 5.* qui continet e-  
jus opuscula) testemque adfert Henricum  
Gandavensem, qui conclusionum illarum  
damnationi interfuit, *Qualib. 2. q. 9.* sic dicentem: *Bene dicit unus ar-  
ticulus ab Episcopo damnatus, talis: quòd substantia separata nusquam sine  
secundum substantiam, error est, si in-*

*loco. Si autem ita, quòd substantia non  
sit ratio essendi in loco, verum est, quòd  
nusquam sunt secundum substantiam.* Et  
infra. *Ut dictum est; sententia Pontifi-*  
*calis (ideò Episcopi Parisiensis) dicit*  
*quòd verum est, quòd substantia separa-*  
*ta nusquam sunt, si intelligatur, quòd*  
*substantia sit ratio essendi in loco; &*  
*hoc idè, quia substantia ipsa non est ra-*  
*tio essendi substantiam Angeli in loco,*  
*et si sit in loco. In hoc enim concorda-*  
*bant omnes Magistri Theologiae congrega-*  
*ti super hoc, quorum ego eram unus,*  
*unanimiter concedentes, quòd substantia*  
*Angeli non est ratio, Angelum esse in*  
*loco secundum substantiam.* Ita Henricus:  
cui omnino consentit Durandus in 1. *Dist. 37. q. 2.* Ubi relata opinio-  
ne, quam sequitur Scotus, quòd scilicet  
essentia sit Angelo ratio essendi in  
loco, & pro ea allato Articulo Parisi-  
ensi, sic respondet: *Ista autem opinio*  
*non est vera, sicut & quidam alii ar-*  
*guitur dicit, in quo continetur sic 2*  
*quòd Angelus nusquam est secundum*  
*substantiam, est error, si intelligatur*  
*quòd substantia non sit in loco. Si au-*  
*tem intelligatur, quòd substantia non*  
*sit ratio essendi in loco, verum est, quòd*  
*nusquam est secundum substantiam, ex-*  
*pressè dicit, quòd essentia Angeli non*  
*est ei ratio essendi in loco.* Quibus ap-  
paret, mentem Academiæ Parisiensis  
in hoc esse contrariam opinionem Scoti,  
non S. Thomæ. Idem est sensus Arti-  
culi quarti damnati, nempe, quòd An-  
geli alieni sunt per operationem. Eo  
enim non damnatur opinio asserens sub-  
stantiam Angeli esse in loco, aut ra-  
tionem essendi in loco esse operatio-  
nem; sed damnatur, ut error, asserere  
Angelum non esse in loco secundum  
substantiam, sed tantum secundum o-  
perationem.

LVI. Porro: quòd S. Thomas nun-  
quam dixerit, quòd Angelus non sit in  
loco secundum substantiam, sed solum  
secundum operationem, ita ut substan-  
tia non sit in loco, sed sola operatio,  
evidens est. Nam in loco sæpè lauda-  
to ex 1. *Dist. 37. q. 1.* relata opinio-  
ne dicentium Angelum substantiam non  
esse in loco, eam rejicit ut hæreticam  
S 2 his

his verbis: *Una opinio est Philosophorum, quod Intelligentia, vel Angeli nullo modo sunt in loco...* hac autem opinio haeretica est, quia secundum fidem nostram ponimus, Angelos immediatè circa nos operari. Operationem autem non esse, id, quod est in loco, ostendit ibi ad 3. dicens: *Operatio Angeli non est in loco ut locatum, sed ut perfectio locati; quia operatio agentis semper est perfectio patientis, in quantum hujusmodi.* Jure igitur, ut superius citato loco ostendimus, alter Stephanus Parisiensis Episcopus S. Thomam ejusque doctrinam ab erroris notâ, quâ, occasione articulorum à præfata Universitate damnatorum caluminiâ gravabatur, absterfit: eo sanè modo, quo Benedictus XIII. eundem S. Doctorem, ejusque scholam à labe Janfeniani, ac Quæstioniani dogmatis, quam ipsi prætextu propositionum in Bulla *Unigenitus* proscriptarum, quidam impingebant, repetitis diplomatibus iustissimè vindicavit.

**LVII. Tertiò arguit variis modis. Primiò.** Falsum est, quòd ratio locandi corpora sit quantitas; etenim quantitas panis, & vini in Eucharistia eadem permanet post consecrationem, nec tamen est ratio, cur panis, & vinum dicantur existere in loco; quia, substantia utriusque in Corpus, & Sanguinem Christi conversa est; neque est ratio, cur Corpus, & Sanguis Christi sint in loco, quia non sunt in loco circumscriptivè.

Quod confirmat sic. Adorandum Christi Corpus in Eucharistia non habet quantitatem extensam, & circumscriptam à loco; nec minùs tamen est in loco definitivè; ergo quantitas secundum se non est ratio, cur corpora sint in loco.

**LVIII. Secundò.** Illa applicatio, seu contactus virtutis angelicæ ad locum non potest esse ratio, cur Angelus sit in loco. Nam vel nominat actum primum; & sic cum actus primus Angeli sit ejus substantia, vel facultas substantialis, Angelus erit in loco ratione suæ substantiæ. Vel nominat actum secundum; & hic, vel est imma-

nens, & sic nullum dicit respectum ad extra: vel est transiens; & sic cum actio transiens sit in loco communisrative, est enim in corpore secundum modum corporis in quo recipitur, ponet Angelum in loco communisrative, & circumscriptivè.

**LIX. Tertiò.** Si ipsamet virtus substantialis Angeli non est ipsi ratio existendi in loco, neque hoc erit applicatio ejusdem: sicut si quantitas non esset corpori ratio existendi in loco circumscriptivè, neque id esset applicatio quantitatis ad locum.

**LX. Quartò.** Sicut applicatio virtutis calefactivæ ad calefaciendum lignum non est ratio calefaciendi, sed solum conditio, sine qua non; ita à simili applicatio virtutis angelicæ ad locum non est ratio existendi in loco, sed conditio, sine qua non cognosceremus, Angelum esse præsentem huic loco potius, quàm alteri: angelica namque præsentia solum per operationem nobis immoretur, quamquam priùs supponatur in loco, quàm ibi operetur.

**LXI. Respondetur ad singula.** Ad primum dico: quòd, si quid probat, probat, quòd quantitas nec sit ratio formalis, cur corpus habeat in se partes extensas. Nam quantitas panis & vini in Eucharistia eadem permanet post consecrationem, ac ante: sed post consecrationem non extendit amplius partes substantiæ panis, & vini, quia panis, & vini substantia amplius non est; ergo nec ante. Sicut ergo post consecrationem eadem dimensiones panis, & vini, quæ manent, sunt ratio extensionis partium substantiæ utriusque, etsi substantia utriusque per accedens non sit: ita eadem ut extensæ ad locum erunt ratio formalis locandi panem & vinum, quamvis panis, & vini substantia amplius non sit; quia aptitudo ad eam, quæ est definitio accidentis, semper manet, quamvis actualis inhzrentia non maneat: & proinde est non faciat actu existere in loco substantiam, quia non est; si tamen esset, non per aliud existeret in loco, quàm per suæ quantitatis dimensiones in loco extensas.

**LXII.**



LXII. Ad confirm. nego min. cum D. Thom. 3. P. 94. 76. art. 3. Nam Corpus Christi est sit in Sacramento cum sua quantitate, non est tamen in eo secundum modum proprium quantitatis dimensionis, scilicet per commensurationem suae quantitas ad locum specierum; & idem non est ibi sicut in loco circumscriptivè. Neque etiam est ibi, sicut in loco definitivè; aliàs, ut docet D. Thom. ibi ad 2. non esset alibi, quam in hoc altari, ubi conficitur hoc Sacramentum; cum tamen sit, & in calo in propria specie, & in multis aliis altaribus sub specie Sacramenti. Imò retorqueri posset argumentum. Dato enim, quod Corpus Christi esset in Sacramento definitivè; quia tamen ibi non est secundum suae quantitas extensionem, non est ibi ut in loco circumscriptivè; ergo ratio essendi circumscriptivè in loco est quantitas, ut extensa in loco. Eo ergo modo Corpus Christi est sub speciebus, quo substantia panis erat sub suis dimensionibus; sed substantia panis non erat sub suis dimensionibus, ut locatum in loco; ergo neque substantia Corporis Christi, quae ibi est per modum substantiae. Ex quo alia retorsio emergit. Nam quia Corpus Christi sub dimensionibus panis, est ad modum, quo erat substantia, Corpus Christi non est sub illis localiter: ergo substantia ex sua ratione non est ratio essendi in loco. Cur autem substantia panis ratione suarum dimensionum esset in loco, non verò ratione illarum in loco sit Corpus Christi, ratio est; quia substantia panis comparabatur ad locum illum medianibus dimensionibus propriis; substantia autem Corporis Christi comparatur ad locum illum medianibus dimensionibus alienis: ita ut dimensiones propriae Corporis Christi è converso comparantur ad locum illum ratione substantiae, quod est contrarationem corporis locati; cuius substantia debet comparari ad locum ratione propriarum dimensionum. Vide S. Thomam laudato loco.

LXIII. Ad secundam dico; quod illa applicatio virtutis Angelicae ad locum

nominat actum secundum, non de linea essendi, sed de linea operandi, nimirum operationem circa locum illum; & hic est contactus virtutis. Ad id quod quaerit: an sit actio immanens, vel transiens, dico: quod est actio formaliter immanens, & solum virtualiter transiens, nempe ratione effectus, quem in loco causat. Neque sequitur, quod ponat Angelum commensurativè in loco. Nam est effectus per illam productus, quia recipitur in corpore, commensuretur corpori; actio tamen productiva illius, quae est ratio locativa Angeli, cum respiciat locum, sicut agens passum, nec loco subiciatur, sed sibi subiciat locum, illum tangens contactu virtutis; nec commensuratur loco, nec propterea ponit Angelum commensurativè in loco.

LXIV. Ad tertium dico: quod male ibi arguit; deberet enim argui sic: si substantia Angeli non est illi ratio existendi in loco, neque applicatio substantiae Angeli per ea, quae sunt de linea substantiae, erit ratio ponendi Angelum in loco. Quod quidem verum est. Sed dum additur, virtus substantiae, sit transitus à linea substantiali essendi ad lineam operativam. Cumque vis operativa in Angelo sit vis tactiva loci: idem si hæc per operationem applicetur, Angelus actu tangit locum contactu virtutis, & proxime fundat localem praesentiam. Sicut quia quantitas est vis commensurativa corporis ad locum, si hæc per actualem extensionem applicetur loco, fundat localem praesentiam circumscriptivam corporis in loco.

LXV. Ad quartum nego maiorem, & paritatem. Nam remota applicatio ignis ad lignum manet in igne virtus proxime calefactiva, & solum desideratur insistantia localis, quae est conditio, sine qua virtus calefactiva nequit operari in ligno. At remota ab Angelo virtute operativa, & remanente sola substantia angelica, non habetur virtus immediatè operativa & tactiva loci: unde sicut applicatio virtutis per operationem, non est pura conditio ad agendum, sed ratio formalis agendi; ita non erit pura conditio,

sed

sed ratio formalis tangendi locum contactu virtutis, & existendi in illo. Quare per operationem præsentia Angeli non solum innotescit, sed revera fundatur.

LXVI. Quartò arguitur. Angelus potest esse in loco absque ulla operatione, sive applicatione virtutis suæ, quæ sit operatio propriè, vel impropriè; ergo non est in loco per operationem. Ant. probat Frassen primò. Angeli creati fuerunt in cælo Empyreo, & tamen ibi nihil operantur: non motum, quia cælum Empyreum localiter non movetur; non lumen, quia supponitur à Deo fuisse creatum cum tota sui etiam accidentali perfectione.

Secundò. Corpus potest esse in loco absque ulla sui operatione, vel applicatione virtutis; ergo & Angelus. Cur enim corpus sua quantitate molis potest esse in loco absque ulla operatione, & non Angelus sua quantitate virtutis? Rursus. Si Deus potest unum corpus de uno ad aliud locum deportare præcise ab operatione, cur non poterit & Angelum? Cur non poterit Angelo alicubi operante, ejus operationem suspendere, & facere quòd maneat ibi, sicut prius?

LXVII. Tertio alii urgent. Animæ Patrum ante Christum in limbum ab Angelis, seu in sinum Abrahæ deportabantur, ut habetur, *Lucæ 16. v. 22.* Animæ insuper pnerorum decedentium sine baptismo in limbo, ut in carcere perpetuo tenebuntur; & tamen nulla excoGITABILIS est operatio, quam ibi, sive Patres, sive pueri exercent.

Quartò. Angeli Custodes ordinariè præfentes sunt iis, quos custodiunt; & tamen credibile non est, quòd in eis aliquid semper operentur.

Quintò. Angelus semper est alicubi: sed non semper alicubi operatur; quia non necessariò, sed liberè operatur in corpora: ergo &c. Hæc, aliæque accumulans Scotus, & alii.

LXVIII. Respondetur ergo negando ant. ad ejus primam probat. variè respondent Nostri. Negata enim minor, in quo conveniunt omnes, non concordant in assignando, quid Angeli

in cælo Empyreo operentur. Aliqui dicunt, quod operentur esse nobis occultum. Ita Ferrarientis, & alii. Hæc responsio risu excipitur ab aliquibus dicentibus, hæc responsum esse asylum ignorantia. Sed immeritò. Quot enim sunt operationes, nedum cælorum in hæc inferiora, sed etiam horum inferiorum, quas post longam discussionem ingenuè fateri cogimur, nobis ignotas esse; & tamen eas, earumque naturas sub oculis habemus: quantò ergo magis ignotæ nobis erunt operationes Angelorum, quorum naturam, sicut & ipsius cæli Empyreici, vix assequi possumus? Unde Ferrarientis in 3. Contragentes, cap. 68. *Non oportet (inquit) sollicitari. quæ operatione agat in cælum Empyreum, aut in aliquem aliud locum, in quo dicitur esse: quia sicut non nobis plene cognita est natura angelica, neque cæli Empyreici natura; ita nec nobis nota sunt omnes operationes, quibus potest aliquid in cælo Empyreo, & in corporibus operari.* Quam responsum probare videtur S. Thomas, dum, eisdè statuatur, Angelum esse in loco per operationem, indecisum tamen relinquit, quænam sit talis operatio: an producat lucem, an sit mera custodia, an præsentia, an continentia.

Alii dicunt, Angelos in cælo Empyreo producere augmentum lucis. Quamvis enim à Deo productum sit cum tota perfectione sibi connaturaliter, ac in suo ordine debita, hoc non tollit, quin aliqua ei perfectio major possit à natura superiori advenire: sicut & Angeli inferiores, etiam in sua natura perfecti, à superioribus tamen possunt illuminari, & de facto lumen recipiunt. Nec sequeretur, quòd hoc majus lumen perveniret usque ad nos, & à nobis videretur. Nam ait D. Th. 1. *Par. quæ. 66. art. 3. ad 4. potest dici, Quod habet lucem cæli Empyreum, non condensatam, ut radios emittat, sicut corpus Solis, sed magis subtile: vel habet claritatem gloria, quæ non est conformis cum claritate naturali.*

Huic affinis est responsio aliorum volentium, Angelos existentes in cæ-

lo Empyreo, influere in ipsum perpetuitatem, & stabilitatem: eum enim, hanc cælum Empyreum influat in alios orbes inferiores, ut docet D. Th. *Q. 66. art. 3.* citatus ad 1. credere par est, ad hoc Angelorum operâ valde iuvare. Ut enim docet D. Thom. *Quolib. 6. art. 19. Totum Universum est unum unitate ordinis, . . . .* hæc autem unitas ordinis attenditur secundum quod quodam ordine reguntur corporalia per spiritualia, & inferiora corpora per superiora.

Tandem juxta superius dicta, respondeo: Angelos in cælo Empyreo operari operatione actualis prædictæ; quæ licet effectum, vel immutationem ullam non causat in cælo Empyreo: illud tamen ubi subijcit pro ea parte, quâ illi præsidet, ut fundet præsentiam locati in loco. Hinc patet, quoddum Angelus agit, vel movendo, vel alio modo, in cœlesti orbe, sive in quocunque alio corpore, non sequitur, quodd substantia Angeli sit in omni cœli, vel coporis parte, quod movet; sed in illa sola parte, cui immediate conjungitur Angelus, nempe in illa, e qua primò incipit motus, vel quæcumque alia angelica operatio.

LXIX. Ad secundum nego paritatem. Nam corpus est in loco per solum contractum quantitatis, ad quod sufficit, ut dimensiones ejus extendantur per locum, etsi nihil ibi operetur. At Angelus est in loco per contactum, virtutis, contactus autem virtutis non habetur nisi operatione. Eadem ratione potest Deus unum corpus de uno ad alium locum transferre, quin ibi operetur. Si verò Angeli substantiam de uno loco ad alium transferret, si in eo non operaretur, non esset ut in loco formaliter, & positivè, quia locum non tangeret, sed ad summum fundamentaliter, & negativè. Idem contingeret, si omnem ejus operationem suspenderet; remaneret enim ibi ad modum substantiæ, sed non ad modum locati, nisi ad summum inchoativè, & materialiter.

LXX. Ad tertium de animabus Patrum in limbo, sicut & puerorum,

dici potest, quodd infra dicitur de Damionibus, & damnatis: quodd cum limbus non sit locus connaturalis, sed, si non violentus, saltem præternaturalis, in quo à divina iustitia, velut in carcere detinentur: unde de limbo Patrum, & eorum liberatione per Christum dixit Zacharias, *e. 9. v. 4.* ut exponit S. Hieronymus, in dictum caput. Tu quoque in sanguine testamenti tui emisisti vinolos tuos de loco, in quo non est aqua; dicendum est: esse ibi non per operationem aliquam, sed per passionem, sive detentionem ab illo loco, à quo sine speciali Dei permissione exire non possunt. Unde diviti damnato roganti, ut mitteret Lazarum ad se, ut refrigeraret linguam suam, respondit Abraham, *Luce 16. v. 26. Inter vos, & vos, magnum chaos firmatum est: ut ibi, qui volunt, hinc transire ad vos non possint, neque inde huc transire.* Idem dicendum de animabus in igne Purgatorio detentis. Quod si, permitte Deo, inde aliquando exire ad tempus datum sit, ut ad aliquod peragendum se transferant; ibi per operationem, quam circa corpus exercebunt, consilientur, ut dicemus.

At de Animabus Sanctis, quid dicendum? Respondeo: quodd idem proportionaliter, ac de Angelis beatis, dum sunt in Empyreo. Ibi enim, sive naturali virtute, sive à lumine gloriæ derivata augent splendorem, juvant influxum in hæc inferiora; vel modo nobis incognito ibi occupantur, quocorū substantia locum illum potius, quam alium virtute sua comingat. Quodd si circa alia corpora agere permittantur (quod possibile esse ostenditur in anima Christi, quæ per suam substantiam descendit ad locum Patrum, atque derivare fecit effectus ad infernum damnatorum, & tandem ad locum sepulchri reverfa est) dici debet, in illis præsentibus statui per operationem, ad quam exercendam circa illa mittuntur.

LXXI. Ad quartum de Angelis custodiis, dico: quodd dum ordinariè actui assistunt hominibus, quorum custodia sunt deputati, semper aliquid in

cis operantur; vel aliquomodo excitando, aut continendo imaginationem, aut suggerendo bonas cogitationes, aut averrendo pericula, quæ innumera hominem circumstant; unde innumera, quæ nos latent, sunt actiones, quas Angeli circa nos operantur. Cum verò circa hominem nihil operantur, puta cum ad Empyreum, vel aliud se transferunt, tunc circa hominem non habent, nec actualem præsentiam, sive custodiam; idèque nec præsentiam localem, sed solam præsentiam ordinis, quia parati sunt semper clientibus opulari: unde tunc non habent quidem ad clientes relationem rei locatæ ad locum, sed relationem ordinis. Ex D. Th. sumpta est hæc solutio, qui 1. P. q. 113. a. 6. 3. *Angelus (inquit) est interdum delinquit hominem loco, non tamen delinquit eum, quantum ad effectum custodiæ: quia etiam cum est in celo, cognoscit quid circa hominem agatur; nec indiget mora temporis ad motum localem, sed statim potest adesse.*

LXXII. Ad quantum dist. mai. semper est alicubi præsentia ordinis, seu tarouam res in re, vel ut patet in toto Universo, conc. mai. præsentia locati in loco. neg. mai. hoc enim modo solum est ubi operatur aliquid. Neque hoc esse inconueniens, superius n. 53. cum D. Thoma ostensum est; & certum ostenditur ex eodem Q. 3. de pot. a. 10. ad 1. ubi ait, quod non solum priusquam conderetur mundus, sed Etiam nunc nihil prohibet, Angelos non esse in loco, si voluerint: est etiam semper sint in loco, propter ordinem, quo creatura spiritualis præstat corporali, secundum Augustinum, 3. de Trinitate. Est enim videtur inconueniens imaginationi, quæ spiritualia metitur ad modum corporum; non est tamen inconueniens rationi: si enim supra imaginationem assurgat, indicabit, Angelos esse substantias non dependentes, nec contentas in loco, sed sibi subiectes, & facientes loca dependere à se, & pro voluntate sua: sicut possunt modò hic modò alibi esse, ita ab omni loco se se absolvere si velint, quavis hoc de facto non contingere exi-

stim. Quia sicut corpora superiora nunquam cessant ab operatione, & influxu in hæc inferiora; ita spiritualia, quæ corporalibus superiora sunt, nunquam cessant ab operando aliquid circa corpora, ut supra num. 68. ex D. Thoma. *Quolib. 6. a. 19. Et 1. P. q. 66. a. 3. ad 1. ostensum est. Ceterum si Angelus ab omni operatione cessaret circa corpora, sicut locatum, in loco in eis non esset actu formaliter, & positivè, sed solum fundamentaliter, & negativè. Quod idem dicendum esset, si Deus omnia corpora annihilaret, si Angelus poneretur in vacuo: sicut enim Deus antequam mundum produceret, ut superius. Tom. 1. Q. 4. de Attrib. Dub. 5. 6. 3. dictum est, nullibi actu erat, & modò in spatio imaginariis non est, quia ibi actu nihil operatur: ita & Angelus, si nihil operaretur circa corpora, actu nullibi esset ut locatus.*

LXXIII. Tandem arguunt quidam. Si operatio Angeli esset illi ratio essendi in loco, Angelus ñovens primam sphaeram, esset in tota illa sphaera, imò & in secunda &c. cum adit omnibus contactu sue virtutis.

Rursus: operari in loco non est secundum substantiam esse in illo, nam Sol operatur in visceribus terræ. & tamen est præsens solum in cælo. Anima Christi, secundum S. Thomam, verè secundum substantiam descendit solum ad limbum Patrum, & tamen etiam in inferno damnatorum effectus operata est.

Tertiò. Operatio, quæ Angelus fit præsens loco, debet esse in Angelo: sed operatio quæ operatur in corpore, ut potè transiens, non est in Angelo, sed in corpore, in quo agit; ergo &c.

LXXIV. Respondet, neg. mai. Non enim quælibet operatio statuit substantiam Angeli in loco, sed illa solum, quæ est ab ipso immediatè immediatione suppositi; & est illa, quæ ab Angelo primò exit, & incipit motus in corpus. Unde dum movet primam sphaeram, substantia Angeli non est in tota sphaera, multò minus in secunda, sed solum in ea parte, quam primò

mod sua operatione contingit, & ex qua aliquid incipiunt moveri. Ita S. Tho. 1. P. q. 52. a. 2. Nec tamen (inquit) oportet, si aliquis Angelus moveat solum, quod sit ubique. Primum quidem: quia non applicatur virtus ejus, nisi ad id, quod primum ab ipso movetur. Una autem pars oculi est, in qua primum est motus, scilicet pars Orientis. Unde Philosoph. in 8. Physicorum, text. 84. virtutem Motoris calorum attribuit parti Orientis. Secundum: quia non ponitur à Philosophis, quod una substantia separata moveat omnes orbis immediatè.

LXXV. Ad secundam eodem modo respondeo: Solem operari in visceribus terræ per virtutem à se effusam, & non immediatè immolatione supposito; unde non sequitur in visceribus terræ adesse substantiam Solis, sed ejus virtutem: bene tamen adest illi parti sibi contigua, cui primum suum influxum communicat. Anima Christi pariter in inferno damnatorum propriè non fuit; quia non fuit in eo per suum suppositum, quamvis ad illum effectus aliquos derivavit.

LXXVI. Ad tertiam nego min. Operatio enim, qua Angelus agit in corpore, est formaliter immanens in Angelo, & solum virtualiter transiens ratione effectus, quem in corpore producit; unde ratio fundans Angeli præsentiam formaliter in Angelo est.

§. V.

*Ratio fundans Angeli Præsentiam in Loco Violento, seu Præternaturali.*

LXXVII. Dico. Ratio proximè fundans Angeli præsentiam in loco sibi violento, est passio illi illata ab extrinseco, sive incorporeo, sive corporeo, quæ detinetur, ne agere possit ubi voluerit. Modo loquendi Scripturarum hæc assertio conformis est, quo Dæmones dicuntur alligari. Tobie 8. v. 3. Angelus Raphael apprehendit Dæmonium & reliquit illud in deserto superioris Egypti. Funibus detractis 2. Petri 2. v. 4. Rudentibus inferni detractis in tartarum tradidit ejus.

Tom. V.

ciandos. Vinculis æternis reservati, Judæ v. 6. Vinculis æternis sub caligine reservavit & act. 2. v. 24. Quem Deus suscitavit solutis doloribus inferni, juxta quod impossibile erat, teneri illum ab eo. Ubi in Limbo (à quo liber fuit Christus) veteres PP. dicuntur ligati atque detenti. Sed de hoc fortè redibit sermo alio loco, dum agitur de pœna Dæmonum.

LXXVIII. Probatur autem hoc discursu. Quilibet contactus rei locatæ cum loco sufficiens est fundare ubicationem; ergo sicut ubicatio Angeli in loco connaturali fundatur in contactu activo, quo Angelus suâ operatione quoquo modo sibi subjicit locum, eumque sua virtute contingit; ita ex opposito ubicatio ejusdem in loco violento, ac præternaturali fundabitur in passione, qua contactu passivo aliquid patitur ab agente corporeo: vel ita ab illo ligatur, aut detinetur; ut non possit secundum quod vult, & ubi vult operari. Sic nonnulli Dæmonum sunt in igne inferni, quia ita ab eo, ut divinæ justitiæ instrumento detinentur, ut non possint alibi operari. Alii verò, qui in hac aerea regione versantur, est ad igne inferni pœnam patiantur, non dicuntur tamen in inferno esse, ut in loco; quia permittuntur aliquid operari in aere, & extra infernum usque ad diem Judicii. Quare alligatio angelicæ virtutis, ut contra ejus voluntatem operetur in hoc loco, vel ne operetur in alio, est passio faciens locum illum esse Angelo violentum, vel præternaturalem. Passio autem ista non reddit locum pœnalem, & violentum Angelo (inquit D. Thom. 2. P. qu. 64. art. 4. ad 1.) Quasi afficiens alterando naturam, sed quasi afficiens voluntatem contristando, dum Angelus, vel anima apprehendit se esse in loco non convenienti sua voluntati.

Hæc ad caput studiosæ juventutis ex doctrina S. Præceptoris, quantum potui, accomodare conatus sum. Ceterum post hujus, aliarumque de Angelis quæstionum accuratam disquisitionem candidatum meum monito Sancti Augustini, in Enebiridie cap. 50. imbutum.

bitum, ac instructum volo, videlicet: Cum ista (de Angelis) quarantur, & ea sicut potest quique coniectas, non inutiliter exerceantur ingenia, si adhibeantur disceptatio moderata, & absit error opinantium, se scire, quod nesciunt.

## DUEIUM II.

An unus Angelus possit esse in pluribus Locis, & plures in uno Loco?

### §. I.

#### *Resolutio prima pars.*

I. Duplex solet distingui locus, Unus adequatus, in quo, scilicet toto potest Angelus existere, ac in maiori se collocare nequit; unde si una leuca est locus adequatus Angeli, poterit in tota illa leuca eodem tempore existere, at ultra illam non potest. Alter inadæquatus, in quo ita est, ut possit ultra illum se collocare. Sic media leuca erit locus inadæquatus, quia potest in alia medietate simul esse. Quæstio ergo procedet de loco adequato præsertim, & ædum naturali, sed etiam divina virtute; aliquid tamen etiam de loco inadæquato dicemus.

II. Dico primò, Unus Angelus non potest naturaliter in pluribus locis adequatis simul existere. Hæc assertio adeo certa est, ut ipsa notio loci adequati eam demonstrat; nimirum, quod ita adequat, & exhaustiat totam localitatem unius Angeli, ut extra illam se extendere nequeat.

Deinde si Angelus naturaliter posset simul esse in duobus locis adequatis, eadem ratione posset esse in tribus, in quatuor, & sic in infinitum, & sic esse ubique, quod erroneum est. Quare Durandus male exciditur à Theologis, eò quod doceat Angelos ubique existere, eisdem non sicut Deus. Quod iam reprobaverat D. Thom. in 1. *Dist.* 37. q. 3. ar. 1. dicens: *Quidam dixerunt, quod Angelus potest esse in pluribus locis simul, sed non ubique, sicut Deus, expressum autem in uno loco tantum est.*

*Sed hoc reputatum est pro errore à Magistris, quia sequeretur, quod Angelus nec definitio, nec circumscriptio in loco esset.* Et quidem, nam Angelus est in loco per suam substantiam, ut vult Scotus; vel per suæ virtutis applicationem, ut cum S. Thoma statimus: sed tam substantiam Angeli, quam eius virtus ad certum terminum, quem non possunt egredi, limitantur, ergo &c.

III. Rursus: si ubique Angeli essent naturaliter, loco naturaliter moveri, nec de uno ad alium transire possent. cælum insuper Empyreum, & omnia loca plena essent Angelis, imò & Dæmonibus; qui proinde certo loco alligati à Scriptura falsò dicerentur.

IV. Neque dicas. Tertulianus in *Apologetico*, c. 11. ait de Angelis & Dæmonibus: *Omnia spiritus ales est. Hoc Angeli, & Dæmones. Igitur momento ubique sunt; totus orbis illis locus unus est.*

Nam Tertulianus noluit exprimere, Angelos & Dæmones simul ubique existere, & simul totius orbis partibus adesse, sed eorum velocitatem infinuare; quæ adeo celeriter de uno ad alium locum se transferunt, ut momento ubique esse, & totus orbis illis unus locus esse videatur. Quapropter ut Dei habitus sunt, unde subdit: *Velocitas divinitas creditur; quia substantia ignoratur.*

V. Sola ergo divina virtus, & essentia, quæ infinita est, & universalis causa omnium, suâ virtute omnia contingit; & non solum in pluribus locis est, sed ubique. Virtus Angelica, quia finita est, non se extendit ad omnia, sed ad aliquod unum determinatum: & sicut ad universalem virtutem Dei totum Universum comparatur, ut unus locus; ita ad determinatam virtutem Angeli comparari debet solum aliquid determinatum. Cumque Angelus sit in loco per applicationem virtutis suæ ad locum, sequitur, quod non sit ubique, nec in pluribus locis, sed in loco uno tantum. Ita discurret & concludit S. Thomas, hac *Q.* 51. a. 1.

VI. Dico secundò, Probabilis vide-

de.

detur, nec divinitus posse unum Angelum esse in duobus, vel pluribus locis suæ naturali virtuti adæquatis, nisi virtus ejus à Deo intrinsecè augeatur. Quare si locus adæquatus naturali activitati Angeli sit spatium unius leucæ, non poterit esse simul in duabus leucis. Videtur clara assertio. Nam Angelus est in loco per contactum suæ virtutis, & per operationem; ergo, ut esset in duplici loco adæquato, deberet in utroque adæquata actione operari: sed repugnat, quòd idem agens duplici actione adæquata sit in actu operans; alias quilibet esset adæquata, & non esset; quilibet effectus per eam productus esset adæquatus, & non esset; quibet etiam locus adæquatus esset, & non esset: hæc enim ratione docent Physici, causam non posse agere duplici actione totali, nec duplicem effectum totalem, & adæquatum simul producere; ergo &c.

VII. Confirmatur. A' causa, seu virtute impotente, dum manet impotens, non potest aliquid prodire effectus, ad quem est impotens; aliàs prodiret, & non posset prodire, causa illum produceret, & non posset illum producere; quod esset destruere principium omnibus certum: *Ab actu ad potentiam valet consequentia*. Sed si Angelus habens pro sphaera & loco adæquato, ultra quem operari non potest, unam leucam, absque ullo suæ virtutis augmento, de facto simul operaretur, & sisteret se præsentem in duabus leucis, jam à causa impotente, dum manet impotens, actu prodiret effectus; ergo produceret effectum, quem non posset producere, & esset in loco, in quo non posset esse; ergo falsificatur illud principium: actu operatur, & est; ergo potest operari, & esse.

VIII. Quod si Deus augeat virtutem angelicam, ut quæ prius ad unam leucam tantum poterat operari, possit operari in duabus, vel possit operari in cælo, & simul in terra; tunc posset esse in duobus locis, quorum quilibet esset suæ naturali virtuti adæquatus. Dico *sua naturali virtuti adæquatus*; quia comparatus virtuti An-

gelicæ tali incremento audiat, quilibet eorum esset inadæquatus, & simul unum locum adæquatum constituerent. Unde nunquam verificaretur, quòd idem Angelus possit simul esse in duobus locis adæquatis reduplicativè, ut sunt adæquata.

IX. An autem possit idem Angelus esse in duobus locis adæquatis, in uno, ut loco naturali, & per contactum suæ operationis; & in alio, ut in loco præternaturali, & violento, & per alligationem, seu passionem: non video, ullam esse repugnantiam. Nam sicut nulla est repugnantia, quòd Corpus Christi per quantitatis suæ extensionem sit circumscriptivè in cælo, ut in loco hac ratione sibi adæquato, & simul per plures conversiones, & modos sacramentales in pluribus hostiis; & si vellet Deus substantiam panis hinc existentem convertere in substantiam Angeli existentem in cælo, sicut eam convertit in Corpus Christi existens in cælo; tunc substantia Angeli esset in cælo, & hic, non tamen utrobique modo connaturali; ita non videtur repugnare, quòd Angelus in uno loco adæquato existens per contactum activum, in alio sit per contactum passivum, seu per passionem. Oporteret tamen, ut ejusmodi passio sic detineret Angelum apud se in loco præternaturali, ut non impediat ipsum connaturaliter operari alibi, ut ibi connaturaliter existat; sed ipsum detineret sine alligatione potentiariam, sicut erant animæ in sinu Abraham.

X. Dico tertio. Angelus potest simul esse in duplici loco inadæquato intra sphaeram suæ activitatis contento, quin existat in loco intermedio. Explico hoc. Suppono, Angelum naturaliter posse esse, & operari simul in omnibus locis intra sphaeram suæ activitatis contentis; unde si sphaera activitatis ejus sit spatium unius leucæ, & in ista leuca sint tres civitates, duæ in extremis leucæ paribus, altera in medio; poterit Angelus in omnibus illis civitatibus, & in toto medio intra leucam contento operari, & esse. Difficultas est: an possit operari, & esse in civitatibus positus in partibus  
T 2 leu-

leuæ extremis, & non operari nec esse in civitate, & spatio intermedio: & hoc asserit præsens conclusio.

XI. Probatur autem. Cum enim Angelus sit in loco per liberam, & non naturalem suæ virtutis applicationem, & à nullo ex locis intra suam sphaeram contentis dependeat; sit, ut ex partibus intra eam contentis, cui voluerit se applicare possit, & alteram relinquere: sicut & homo potest simul movere duos lapides inter se distantes, ad quos ejus brachia se se extendunt, quin moveat intermedios; quia nulla necessitate partibus omnibus intra suæ activitatis sphaeram contentis alligatur: & sicut posset, si vellet, absolvere se ab omnibus, ita eadem libertate posset se absolvere à singulis, & ab una, non verò ab aliis. Totæ enim ratio, quare corpus non potest esse in partibus extremis, etiam intra sphaeram suæ extensionis contentis, quin existat in mediis, est, quia non liberè sed naturaliter in loco est; nec operatione libi voluntariè subijcit locum, sed quantitate, & extensione necessariò à loco circumscribitur: unde non potest esse in locis discretis, nisi ejus quantitas dividatur. E contra autem, quia Corpus Christi in Sacramento non est ratione quantitatis, nec commensurativè ad locum, & partes loci, sed modo elevatori, in pluribus hostiis separatis esse potest, quin existat in medio, imò & in extremitatibus ejusdem hostiæ, & non in medietate, si medietas, vel non esset consecrata, vel corrumperetur.

XII. Neque idem est de anima nostra, quæ est in se perfectissima, non tamen animare potest partes extremas, puta caput, & pedes, & esse in capite, & pedibus, quin actu animet membra, & partes intermedias; sicut nec de lumine Solis, quod non potest à Sole derivari in partes extremas, nisi per medias.

XIII. Nam discrimen est inter animam, & lumen ex una parte, & Angelum ex altera. Nam Anima respicit partes corporis ut constituunt unum corpus; quod, ut sit subjectum capax

animationis, debet includere omnes partes invicem continuatas, & non distitas; quia anima non est in corpore, nisi debita organizatione disposito, dispositiones autem illæ communicantur uni parti mediante alia. Similiter lumen solare, cum sit corporeum, propagari debet per commensurationem ad spatium, & quantitatem corporis; per quod diffunditur. At Angelus non est in corpore, seu loco per naturalem informationem, sed per liberam, suæ virtutis applicationem: nec ut operetur, requirit ullam ex parte loci dispositionem, neque partium luci colligationem, & communicationem; nec commensuratur loco, sed est omnino à loco independens, quem ibi subijcit. Unde non est simile.

Hæc omnia confirmare videtur S. Augustinus, dum lib. 11. de Genesi ad litt. cap. 27. ait, quòd Diabolus *In serpente locutus est, utens eo, velut organo.* In muliere autem *Non ipse locutus est.* . . . *quantvis oculo insinistru arguere interius, quod exterius egerat per serpentem.* Quibus videtur velle, quòd Diabolus simul erat in muliere, & in serpente, qui duo erant itera ambitum loci, in quo Dæmon poterat agere. Idemque videri potest de Angelis, qui Gen. 19. subverterunt Sodomiam, aliasque civitates; & de Angelo, qui 4. Reg. 19. percussit centum octoginta, quinque millia hominum: non enim apparet, esse necessariò dicendum, quòd illi dum in pluribus locis operabantur, semper etiam operarentur in intermediis.

XIV. Neque sequeretur, illum Angelum habiturum duas operationes simul, & duas præsentias solo numero diversas. Nam vel Angelus in duobus illis locis operaretur diversos speciei effectus; & sic haberet operationes & præsentias speciei diversas. Vel operaretur effectus solo numero diversos; & sic haberet plures operationes, & præsentias numero inadæquatè solum distinctas, quarum una numero præsentiam adæquatè continuerent. Sed hic discurrendum eodem modo est, ac de præsentis quas habet Corpus Christi sub pluribus hostiis.

XV.



XV. Noto tamen, quòd cum Angelum dicimus, posse esse substantialiter præsentem in duobus locis, quin sit præsens in intermediis; loquimur de præsentia formaliter locali, quæ ex operatione confugit. Cæterùm non negamus, quòd ejus substantia quoquo modo illi spatio intermedio adit, ut sit illi negativè inditans. Cum enim sit indivisibilis, non videtur, fieri posse, ut existat in duobus locis distantibus, & non existat in toto medio, quamvis possint non esse in medio, ut in loco. Alioquin sequeretur, substantiam Angeli esse divisam, ac separatam à se ipsa, idque non secundùm partes, cum nullas habeat, sed secundum se totam.

XVI. Neque hinc inferas: Angelum operantem in duabus partibus loci, & non in media, operari, & esse in pluribus locis, ut plura sunt, quod est contra Divum Thomam, 1. P. q. 52. a. 2.

Nego enim illatum. Nam loca illa, etli distra inter se materialiter, ut tamen assumuntur ab Angelo, & ejus virtus simul illis applicatur, non sunt plura, sed unus locus formaliter. Unde D. Thomas, citato loco in respons. ad objecta: *Totum illud, (inquit) cui immediatè applicatur virtus Angeli, reputatur ut unus locus ejus, quamvis non sit continuum.* Essent autem plura loca formaliter, si intra sphaeram virtutis ejus non clauderentur. Quare

XVII. Dico quartò. Angelus non potest naturaliter esse in uno loco adæquato, & altero inadæquato; neque in duobus inadæquatis ad invicem distantibus extra ambitum activitatis suæ.

Prima pars constat ex assertionem secundam superius statutam. Sicut enim, non potest esse in duobus locis adæquatis, ita nec in uno adæquato, & altero inadæquato. Quare si locus adæquatus Angeli esset una leuca, non posset agere in una leuca cum dimidio; alioquin limites suæ activitatis, & iocubilitatis transgredereitur.

Secunda verò pars prob. Nam si Angelus loca inadæquata quidem, sed extra limites suæ activitatis simul occu-

paret, tunc Angelus posset extra sphaeram suam proeundi; puta, si cum sphaera ejus activitatis esset una leuca, occuparet mediam leucam in terris, & alteram mediam in cælo; & rursus posset esse in locis distantissimis, nec indigeret motu, ut transiret de uno ad alium locum; sed sufficeret ei dividere, & partiti virtutem suam activam, & eam diversis locis dispensare, etli distantibus, quod est contra naturam rei finitæ; & contra S. Jo. Damascenum, qui lib. 2. de Fide, c. 3. *Circumscripti (inquit) sunt, nec enim cum in cælo sunt, in terra versantur; nec cum à Deo in terram mittuntur, remanent in cælo.*

XVIII. Dico quintò. Angelus potest esse in loco sive divisibili, sive indivisibili, vel majori, vel minori. Ita D. Thomas, 1. P. q. 52. a. 2. dicens: *Quidam imaginationem transcendere non valentes, cogitaverunt indivisibilitatem Angeli ad modum indivisibilitatis puncti. Et ideo crediderunt, quod Angelus non posset esse, nisi in loco punctuali. Sed manifestè decepti sunt: nam punctum est indivisibile habens situm; sed Angelus est indivisibile extra genus quantitatis, & situs existens. Unde non est necesse, quod determinetur ei unus locus indivisibilis secundum situm, sed vel divisibilis, vel indivisibilis, vel maior, vel minor, secundum quod voluntariè applicat suam virtutem ad corpus majus, vel minus.* Ita S. Thomas: quod docet etiam in 1. Dist. 37. q. 3. a. 2.

XIX. Ex quibus sic. Angelus est in loco secundùm liberam applicationem suæ virtutis, non secundum naturalem sui commensurationem loco: sed potest Angelus velle liberè applicare suam virtutem, vel loco divibili, vel indivisibili, vel majori, vel minori; ergo &c. Minor, quòd possit se applicare loco divibili, prob. Si ad hoc aliquid obstat, maxime, quòd Angeli substantia est indivisibilis: sed hoc non obstat. Primum. Quia Angelus non est in loco ratione suæ substantiæ, ut vult Scotus, sed ratione applicationis suæ virtutis, quam potest indivisibiliter,

liter, & etiam divisibiliter applicare. Secundò. Anima rationalis est indivisibilis, & tamen animat corpus divisibile, modo majus, modo minus. Insuper quid magis indivisibile quàm Deus, qui tamen est in loco divisibili? Tertio, & est ratio à priori. Licet id, quod est indivisibile per defectum, ut est punctum in linea, non possit tangere nisi indivisibile; id tamen quod est indivisibile per excessum, quia, utpote spirituale, excedit naturam corpoream, & divisibilem, estò formaliter indivisibile sit, eminenter tamen divisibile est; & hac ratione tam Deus, quàm anima rationalis estò in se formaliter indivisibiles, sunt virtualiter, & eminenter divisibiles, ideoquè existunt in re divisibili, ac si essent formaliter divisibiles: sed Angelus est indivisibilis per excessum supra continuum divisibile, ratione immaterialitatis; ergo &c.

XX. Hinc apparet, melius in nostra sententia explicari posse, quomodo Angelus, si velit, possit se modò in majori loco collocare. Cum enim ratio formalis se constituendi in loco Angelo sit applicatio suæ virtutis, & hanc possit, vel totam exercere, vel ex parte solum, scilicet, vel erga totum locum ei adæquatum, vel solum erga partem loci, sit ut modo majorem, modò minorem locum sibi subiciat, & occupet. At non ita facile explicare possunt contrarii, qui pro ratione formali ponentes aliquid formaliter, & virtualiter indivisibile de sua linea, nempe, vel substantiam, vel modum ubicationis; non assignant causam, vel principium, quare localis præsentia modò sit major, modo minor: eo vel magis, quia licet dicant, ad ponendum Angelum in loco concurrere ipsius Angeli voluntatem; hanc tamen dicunt concurrere solum per modum conditionis, non rationis, formalis; effectus autem formalis non variatur ex sola variatione conditionis, nisi varietur ratio formalis: ut patet in nobis, qui licet libera voluntate nos moveamus, & applicemus ad loca, non possumus tamen modò in majori, mo-

dò in minori loco nos ponere, modò totum locum, modò partem occupare; nisi quantitatis extensio, quæ nobis est ratio occupandi locum, contrahatur vel dilatetur.

XXI. Quòd verò possit Angelus se applicare, & esse in loco etiam indivisibili, puta in puncto solo, eadem ratione probatur. Cum enim Angelus in loco sit per liberam suæ virtutis applicationem excedentem conditionem continui, potest, sicut se applicare loco majori, & majori intra terminos tamen suæ activitatis; ita & minori, ac minori usque in infinitum, usque ad solum punctum indivisibile. Sicut enim ratione suæ elevationis supra continuum potest se ab omni loco, si voluerit, dispensare, ut superius cum Divo Thoma ostendimus; ita poterit se collocare in minori, & minori usque ad minimum. Eo vel maxime, quòd cum virtus Angeli in se sit indivisibilis, potest, si voluerit, tangere corpus in puncto indivisibili; & licet non possit solum punctum movere, èd quòd tale punctum separatam à quantitate non datur; illud tamen potest sic tangere in continuo positum, ut partes, quas unit, immediatè non tangat, & sic corpus movere; sicut unum corpus perfecte sphericum potest movere aliud, tangendo illud solum in puncto.

XXII. Nec sequitur primò. Si Angelus posset sua virtute se collocare in minori, & minori loco usque in infinitum, fore virtutis simpliciter infinitæ; sicut esset, si posset se constituere in loco majori, & majori usque in infinitum. Et sicut esset virtutis infinitæ potentia visiva, quæ videre posset objectum minus, & minus usque in infinitum.

XXIII. Nam respondeo, negando sequelam, maxime si sermo sit de infinito simpliciter, & categorematicè. Quia etsi virtus angelica posset se collocare in minori, & minori, imò indivisibili, hoc esset semper inera limes loci sibi adæquati. Unde non valet exemplum. Nam si Angelus posset se collocare in majori, & majori loco

us.

usque in infinitum, bene argueretur in eo virtus infinita, quia locus illius careret termino, & esset immensus sicut Deus; qui nullus esset imaginabilis locus, qui simul adesse non posset: quod non sequitur, si posset se collocare in minori loco. Sicut non argueretur esse virtutis infinitæ ille, qui potens ferre pondus, ut centum, eam applicaret ad ferendum pondus, ut quinquaginta, ut tringinta, ut viginti, ut decem &c. argueretur tamen virtutis infinitæ ille, qui posset ferre pondus ut centum, ut mille, & sic in infinitum.

Neque exemplum potentiz visivæ hoc juvat. Nam ex una parte ut obiectum moveat visum, ratio formalis non est libera applicatio virtutis visivæ, sed proportio obiecti cum potentia, quæ determinatam, & non minorem exigit extensionem in obiecto. Ex alia vero parte ad videndum minus, & minus obiectum, major efficacia, & virtus requiritur in potentia visiva; nam obiectum minus difficilius movet, quàm majus. Quare infinitæ vis requireretur ad videndum obiectum minus, ac minus in infinitum. At Angelum se in minori loco constituere, & à libera-ejus applicatione procedit, & non majorem virtutem requirit, quàm dum se in loco suo adæquato constituit, sed potius contractionem suæ virtutis, dum eam non totaliter applicat, ut ille qui potens portare pondus ut centum, portat solum ut decem.

XXIV. Neque sequitur secundò, unum Angelum posse esse in alio Angelo, ut in loco, si potest esse in puncto indivisibili, ut in loco.

Neque enim sequelam. Nam locus est essentialiter, vel corpus, vel aliquid corporis habens situm in corpore; punctum autem, etsi non sit corpus, quia tamen est aliquid corporis, & habens situm in corpore, ut terminus eius, capax est, ut Angelus in ipso se se constituens, sit in eo, ut in loco. At de Angelo non ita; est enim indivisibilis, non ut aliquid quantitas, nec situm habens in corpore, sed

ut omnino incorporeus, & genus quantitatis excedens; unde unus Angelus agens in alio, esset in illo sicut agens in passio, & sicut una substantia ordinem dicens ad aliam, non sicut locatum in loco. Unde D. Tho. Quolibet 3. a. 7. ait: *Quod est in corporalibus situm, est in spiritualibus ordo. Nam situm est quidam ordo partium corporaliū secundum locum: & ideo ipse ordo substantiarum spiritualium ad invicem sufficit, ut una influat in aliam; ne requiritur ibi medium corporale, vel locale; quia huiusmodi actiones sunt supra locum & tempus, quæ in corporalibus sunt.* Addo unum Angelum non posse operari in alio, sicut nec in anima rationali, quasi illabendo in eorum substantiam intrinsicè, sed solum exterius per modum suggerentis, ut suo loco dicitur. Unde non sequitur, quod unus Angelus sit in Angelo, vel cum Angelo in uno loco. Vid. D. Tho. in 1. Dist. 36. q. 3. a. ad 4.

XXV. Adverto demum; quod cum dicimus, Angelum posse agere, & locari in indivisibili, seu in puncto; loquimur semper de indivisibili, seu puncto constituto intra terminos loci adæquati virtuti Angelicæ; unde sicut in magnitudine, ita in minimo ejusdem habet terminum. Quare licet à minimo posito in terra, non potest extendi ad maximum positum in cælo; ita à maximo quod est in cælo, non potest protendi ad minimum, quod esset in terra.

§. II,

Resolvitur secunda pars.

XXVI. Dico, Plures Angeli possunt esse in eodem loco materiali, non tamen in eodem loco formali adæquato, & per modum causæ principalis, Explico. Locus Angelodicitur materialiter unus, ex unitate spatii, seu corporis, in quod Angelus operatur; dicitur verò locus formaliter unus ex unitate operationis, quæ totum illud spatium tangit, & op-

640

cupat. Quod si ab Angelo tangatur actione totali, dicitur locus formalis adæquatus; si verò actione solum inadæquata, dicitur locus formalis solum inadæquatus. Iussuper quia Angelus ibi potest agere vel ut causa principalis, virtute propria, vel ut instrumentum divinæ virtutis; idè & locus comparari potest ad Angelum ut causam principaliter operantem, & ut operantem solum instrumentaliter.

XXVII. Prior ergo pars prob. Nam possunt duo Angeli operari in eodem spatio effectus diversæ rationis, puta unus motum, alius lumen. Vel si operentur effectum ejusdem rationis, possunt sic invicem attemperari, ut effectus non procedat totaliter a singulis; sicut plures invicem attemperant virtutem suam in trahenda navi: vel ita, inter se dividere operationem, ut unus Angelus producat motum, & alter celeritatem motus, quo casu locus ille esset unus solum inadæquatus. Similiter si plures cum subordinatione unus ad alterum, vel instrumentaliter concurrant ad modum, quo duo Sacerdotes concurrunt cum Episcopo ut duæ causæ totales instrumentariæ ad consecrationem ejusdem hostiæ, ut docet D. Thomas 3<sup>o</sup> P. q. 82. a. 8. ad 2. possunt in eodem loco etiam formaliter existere; quia in hoc casu, vel non eodem modo, vel ut plures ad eundem effectum concurrerent.

XXVIII. Hac ratione explicatur, quomodo fieri poterit (quod narratur, Marci 5. 2. 9.) ut integra Dæmonum legio in uno corpore esset. Si enim omnes simul in eodem corpore operantur, dici debet, quod, vel non eundem effectum in eo producebant, sed diversos specie; vel si eundem, non se gerebant, ut causæ totales, & principales æqualiter concurrentes, sed ut partiales, ut Dei instrumenta, & cum subordinatione invicem. Quamquam dici posset ex doctrina D. Thomæ, in 1. *Displ.* 37. q. 3. a. 3. ad 1. & 2. 3. de Pot. a. 19. ad 1. plures Angelos malos posse simul ad eundem locum confluere, & unum cum operatione alterius confundere. Quod

enim impedit, ne plures Angeli simul in uno loco esse possint, non est repletio loci (ut in corporibus contingit) sed *confusio operationum*. Cum autem Dæmones non attendant ad id, quod est conveniens suæ naturæ, sed ad id, quod videretur congruere eorum malitiæ; dummodo homini noceant, quamvis videant, uno jam operante eundem effectum, eorum operationem fore superfluum, adeo inordinata est eorum voluntas, ut id parum curent.

XXIX. Secunda verò pars probatur à D. Thomæ, cum hæc Q. 52. a. 3. tum in 1. *Displ.* 37. a. 3. Nam impossibile est, quod sint duæ causæ completæ, & totales immediatè concurrentes principaliter ad eundem effectum; aliàs quilibet earum esset completa, & totalis, & non esset; ac effectus immediatè, & totaliter penderet à qualibet, & non penderet: sed Angelus est in loco formalis per hoc, quod virtus ejus immediatè contingit locum per modum continentis perfecti; ergo &c. Majorem probat D. Tho. Nam una est forma proxima unius rei, & unum est proximum movens completum, quamvis possint esse plures motores remoti. Nec refert, quod plures possint concurrere ad eandem navem trahendam. Nam nullus eorum est perfectus motor, cum virtus uniuscujusque sit insufficientis ad movendum; sed omnes simul tenent locum unius motoris, quatenus omnes virtutes junguntur ad unum motum faciendum. Sicut ergo in physicis docent Nostri, nec supernaturaliter fieri posset, ut unus, & idem effectus simul produceretur à duobus causis proximis totalibus, adæquatis principalibus, & ejusdem ordinis, quia hoc repugnat: ita & plures Angelos hoc modo esse in uno loco.

XXX. Nec dicas primò. Plura corpora non possunt esse in eodem loco, quia replent locum: sed Angeli non replent locum quia solum corpus replet locum, ne deur vacuum; ergo &c. Secundo. Plus differunt Angelus, & corpus, quam duo Angeli: sed Angelus, & corpus sunt simul in eodem loco, quia nullus locus est, qui non sit plenus

mus sensibili corpore; ergo &c. Tertio. In eodem corpore est anima, & saepe etiam Dæmon; ergo.

XXXI. Respondetur enim ad primum, cum D. Tho. hac Q. 52. a. 3. ad 1. quod Angelus non replet locum repletionem quantitatis, illum tamen replet repletionem virtutis, dum adæquatè in eo operatur; unde si alius ibi operaretur, esset operationum confusio.

Si dicas; ergo saltem supernaturaliter duo Angeli possunt operari in eodem loco formali, sicut duo corpora possunt supernaturaliter replere eundem locum.

Respondetur: quòd sicut duo corpora, si invicem penetrarentur, possunt esse in eodem loco; ita duo Angeli, si invicem communicent suas virtutes, possunt operari in eodem loco. Sed tunc sicut duo corpora compararentur ad locum, non per modum duplicis, sed unius locati in actu secundo: ita illi duo Angeli se haberent in actu secundo per modum unius adæquati motoris, non duplicis.

Ad secundam, cum eodem S. Doct. ad secundum citato, dico: *Quòd Angelus, & corpus non eodem modo sunt in loco. Unde ratio non sequitur.*

XXXII. Hinc ad tertiam, similiter cum eodem (ibi ad 3.) dico: *Quòd nec Dæmon, nec anima comparantur ad corpus secundum eandem habitudinem causæ, cum anima sit forma, non autem Dæmon.* Dicit etiam potest, quòd anima est in corpore, ut Principium operationum naturalium in corpore; Angelus autem est in corpore, ut operans operationes supernaturales; unde nulla est confusio operationum; quia non est unius rationis operatio. Eadem ratione Deus est in rebus, ut datus omnibus esse, & operans in qualibet virtute operante; & idè alterius rationis est operatio ipsius Angeli, cui ut proprius effectus non correspondet esse. Vide D. Tho. in 1. Dist. 37. q. 3. a. 3. ad 1. & 3.

XXXIII. At dices. Ad ministrandum Christo plures Angeli accesserunt, ut habetur, Matth. 4. v. 11.

Respondetur. Plures illos Angelos Thom. 2.

fuisse immediatè in diversis partibus aeris circumstantis, sicut & illi, qui Christo nato apparuerunt, Luca 10. Vel ministerium illud, utpote divisibile, fuisse inter illos Angelos sic distributum, ut unus unam, alius aliam exerceret operationem; cui ministerio licet unus Angelus sufficere posuisset, honor tamen, ac reverentia Christo debita plures advocavit.

## DUBIUM III.

### De Motu Locali Angetorum.

#### §. I.

#### *Angeli localiter moventur.*

I. Omnia, quæ de motu locali Angelorum D. Tho. statuit, 1. P. q. 53. & cum eo Commentatores, unico dubio perstringimus; ne in re non parum intricata, & non multum utili, plus, quàm patet, tempus terentes, ab utilioribus retrahamur.

II. Dico primò. Angelus moveri potest localiter. Ita S. Doct. citatus a. 1. & in 1. Sent. dist. 37. 4. a. 1. Ad hoc exploratum est, ut male ab omnibus habeatur Durandus, qui contrarium fuit opinatus. Plures sunt Scripturæ textus id attestantes. Exod. 14. v. 19. Angelus Dei dicitur præcedere castra Israel, tollere se, & abire post eos. Daniel. 14. v. 55. Angelus portavit Habacuc in Babylonem. Zachar. 1. v. 4. Unus Angelus alteri dicit: *Curre, loquere ad puerum istum.* Luca 1. v. 27. Missus dicitur Angelus Gabriel ad Virginem; v. 28. & ingressus ad eam &c. c. 2. v. 13. discesserunt ab eis (pastoribus) Angeli in eum. Matth. 28. v. 2. Angelus Domini descendit de caelo, & accedens revolvit lapidem. De Dæmonibus quoque moveri localiter habetur, Job. 1. v. 7. Ubi Satan ait: *Circumivi terram & perambulavi eam.* Isaïæ 14. v. 12. dicitur cecidisse de caelo. Luca 10. v. 18. *Quasi fulgur.* & Apoc. 12. v. 8. Angeli Apostolici ita dicuntur de caelo eieci, ut non inventus fuerit amplius eorum locus.

eus in cælo. Quid autem est præcedere, abire, currere, mitti, ingredi, ascendere, descendere, circuire, cadere de cælo, & similia, nisi de uno loco moveri ad alium?

III. Nec valet effugium Durandi, dicentis, hæc non indicare, Angelos secundum substantiam localiter moveri; sed solum aliquo effectu incipere apparere, & se præsentare significare, ubi antea non apparebant. Sicut hæc ratio, *Gen. 2. v. 8.* dicitur Deus *Ambulare. Gen. 11. v. 5.* Descendere. *Matth. 3. 2. 16.* de Spiritu S. *Descendit sicut columba super Christum; & deo Filio, Jo. 3. v. 13.* quod *Descendit de cælo.*

IV. Non inquam valet. Nam secundum regulam S. Augustini, *lib. 3. de Doctr. Christi. cap. 10.* verba S. Scripturæ litteraliter, & propriè exponenda sunt, nisi aliquid sequatur, vel contra motum honestatem, vel contra fidei veritatem; nil autem sequitur contra fidei veritatem, cum intelligimus Angelos propriè localiter moveri. Sequeretur autem potius in opinione Durandi, ea impropriè, & figuratè accipientis: quia contra fidei veritatem sequeretur, Angelos esse immutabiles secundum locum, ejus substantiam esse ubique: quod esset Durandus admittere non vercat, omnes tamen Theologi maximum reputant inconveniens, ut superius, Dub. præcedenti dictum est. Verum grande lequeretur absurdum, si diceremus Filium, & Spiritum Sanctum substantialiter mutare locum; nempe, quod, nec Filius, nec Spiritus Sanctus essent substantialiter Deus, quia non essent secundum essentiam ubique; nam mutare locum est incipere esse, ubi prius non erat, & desinere esse, ubi prius erat. S. Chrysostomus, *Homil. 3. in Epist. ad Hebræos*, assignans differentiam inter missionem Filii Dei, & Angelorum, ait: *Magis autem neque missus est (Dei Filius) neque enim de loco ad locum persansit, sed carnem sumisit: illi autem (Angeli) per loca mutantur. & prima loca, in quibus fuerant deservet, ad alia veniunt transendo, in quibus, non erant antea.*

Angelorum motum localem asserunt Ambrosius, *lib. 1. de Spirit. Sanct. cap. 10.* Athanasius, *Epist. 1. ad Serapionem*; uterque probans divinitatem Spiritus Sancti, quia iste ubique est, nec loco mutari potest; Angeli verò loco mutantur, & possunt locum acquirere, & deferere. In quo sensu intelligendus est Tertullianus, in *Apolegetico, cap. 21.* Dub. præcedente citatus, & expositus.

V. Hanc veritatem probat S. Thomas, hæc *Q. 53. a. 2. in arg. sed contra*, sic: *Ejusdem rationis est Angelum beatum moveri, & animam beatam moveri: sed necesse est dicere, animam beatam localiter moveri, cum sit articulus fidei, quod Christus secundum animam descendit ad inferos: ergo Angelus beatus movetur localiter.*

VI. Probari etiam potest sic. Quod est in loco definitivè, non potest ad alium locum transire, nisi deserendo priorem locum, quod non fit nisi per motum localem: sed Angeli sunt in loco definitivè; ergo &c. Hæc ratione utitur S. Ambrosius, *lib. 1. de Spiritu Sancti, cap. 10.* ubi comparans Spiritum Sanctum cum Angelo: ille (inquit) *cum sit ubique, non potest recedere à loco, neque acquirere locum; Angelus verò, cum loco definitur, potest locum acquirere, & deferere.* Eodem argumento utitur Damascenus, in *Sacris Parallelis, tit. 47.*

VII. Dices tamen primò, Ex *Arist. 6. Phys. text. 32.* nullum impartibile movetur, quia omne quod movetur, dum movetur, partem est in termino à quo, & partem in termino ad quem, quod est contra rationem impartibilis, non habentis partes: sed Angelus est impartibilis; ergo &c.

VIII. Respondetur cum D. Thom. citato ad 1. Primò. Majorem esse veram de indivisibili secundum quantitatem, ut puncto, cui de necessitate correspondet locus indivisibilis, cum ratione quantitatis sit in loco: non verò de indivisibili secundum substantiam, quod est in loco per applicationem suæ virtutis. Hoc enim sicut potest esse in loco indivisibili, & etiam divi-



sufficit, ut Angelus habeat successive diversas operationes circa diversa corpora, sed circa diversa loca. Quare Angelus movens orbem caelestem, seu movens aquam praeterfluentem, non dicitur localiter moveri; quia eisdem moveat diversa corpora, seu diversas partes corporis, quia tamen succedunt in eodem loco, non dicitur successive esse in eodem loco, sed in eodem semper. Unde lignanter D. Tho. supra relatus, hoc *art. 1.* non dixit, motum localem Angelus esse diversos contactus circa diversa corpora, sed: *Diversos contactus diversorum locorum successive.*

**XIV.** Quæres tertio. An Angelus movere possit per accedens ad motum corporis, in quo est?

Respondeo affirmatiue, cum D. Thoma, *2. 2. q. 51. a. 3. ad 3.* ubi sic ait: *Movetur tamen Angeli per accedens, motus huiusmodi corporibus; cum sint in eis, sicut motores in mobilibus, & ita sunt hic, quod non alibi. Quod de Deo dici non potest. Unde licet Deus non moveatur, motus hic, in quibus est, quia ubique est; Angeli tamen moventur per accedens ad motum corporum assumptorum, non autem ad motum corporum celestium, etiam si sint in eis sicut motores in mobilibus; quia corpora celestia non recedunt de loco secundum totum; nec determinatur spiritus moventi orbem locus secundum aliquam determinatam partem substantia orbis, quia nunc est in Oriente, nunc in Occidente, sed secundum determinatum situm, qui semper est in Oriente virtus movens.*

Unde sic prob. Aliquid moveri per accedens, est moveri ad motum alterius, cui determinate coniungitur; quâ ratione D. Tho. *3. 2. q. 76. a. 6. ad 1.* docet, Corpus Christi moveri per accedens ad motum specierum: sed Angelus coniungitur corpori sicut motor mobili; ergo &c.

Responsio ista procedit, supponendo, quod Angelus velit persistere operando in corpus, quod movetur, etiam dum movetur. Rursus, quod corpus illud moveatur secundum se totum, & non solum secundum partem; quâ ratione dum Angelus movet corpus,

non movetur per accedens ad motum cæli, quia cælum movetur solum secundum partes. Et si unus Angelus esset simul in duobus lapidibus, quorum unus moveretur, alius immotus maneret, unus sursum moveretur, alter deorsum; Angelus in illis operans, nec per accedens moveretur, & quiesceret, moveretur sursum, & deorsum, quia singuli essent locus in æquatus; & Angelus sic esset in uno, ut esset etiam in alio. Ita D. Thomas in *1. Dist. 37. q. 4. a. 1. ad 4.* *Nihil enim movetur per accedens moto eo in quo est, nisi definitivè sit in eo, ita quod non in alio: sicut anima movetur per accedens, moto corpore, & non motu nianu santhm.*

Advertendum est etiam: discrimen esse inter motum per accedens, quo movetur Angelus, & cum quo movetur corpus. Dum enim unum corpus per accedens movetur ad motum alterius, puta homo ad motum navis, & vestis ad motum hominis, movetur efficienter à movente aliud corpus, motu intrinsecè in eo, quod movetur per accedens, recepto: at dum Angelus movetur per accedens moto corpore, in quo est, non movetur efficienter motu causato à movente corpore, nullumque ab eo intrinsecè recipit motum; ad eum modum, quo motus speciebus Sacramentalibus, nullum motum intrinsecum recipit Corpus Christi, ut docet D. Th. *3. 2. q. 76. a. 6. ad 1.* intrinsecè autem solum movetur alio motu, per se causato ab ipso Angelo in corpore mutante locum; quia dum corpus in quo agit mutat locum, Angelus, qui in eo operatur, incipit agere, & esse in alio loco. Quibus bene perpenfis responderi potest rationibus Scotistarum contrarium opinantium.

## 6. II.

*Angelus Moveri possit Motu Continuo, & Discreto.*

**XV.** **M**OTUS localis duplex esse potest, continuus, & discretus. Continuus, ut docet D. Thomas hac



hac Q. 53. a. 1. est, quo mobile succellivè per partes deserit terminum à quo, & per partes acquirit terminum ad quem. Discretus est, quo è contra mobile deserit totum simul terminum à quo, & acquirit totum simul terminum ad quem.

XVI. Dico. Angelus moveri localiter potest utroque motu, continuo, & discreto. Ita D. Tho. loco citato. Ubi postquam dixit, motum Angeli in loco nihil aliud esse, quam diversos contactus diversorum locorum successivè, & non simul, & necessarium non esse, hujusmodi contactus esse continuos, pergit sic: *Potest tamen in hujusmodi contactibus continuas quadam inveniri: quia... nihil prohibet, Angelo assignari locum divisibilem per contactum suae virtutis, sicut corpori assignatur locus divisibilis per contactum suae magnitudinis. Unde sicut corpus successivè, & non simul dimittit locum, in quo prius erat, & ex hoc causatur continuus in motu locali ejus: ita etiam Angelus potest dimittere successivè locum divisibilem, in quo prius erat, & sic motus ejus erit continuus. Et potest etiam totum locum simul dimittere, & tota alteri loco simul se applicare, & sic motus ejus non erit continuus.*

XVII. Ex his prima pars, quæ ab omnibus ferè admittitur, probata manet. Nam Angelus localiter moveri motu continuo, est non statim deserre totum terminum à quo suæ virtutis contactu, sed successivè & per partes; sicut corpus quia contactu suæ magnitudinis successivè, & per partes & non simul, totum, dimittit locum, in quo prius erat, dicitur localiter moveri motu continuo: sed Angelus hoc modo moveri potest; licet enim contactus virtutis angelicæ (sicut & ejus substantia) activè, & in se indivisibilis formaliter sit, nec habeat, sicut inagnitudo, partes correspondentes partibus loci; locus tamen quem contingit divisibilis est, & cum liberè illum tangat, potest non unica contradiu suspensione totum dimittere, sed uno contactu unam partem tangere, deinde illa dimissa, aliam partem con-

tingere, & sic successivè; ergo &c.

XVIII. Neque contrarium docuerat D. Tho. in 1. Diff. 37. q. 4. a. 1. ubi videtur negare, motum localem Angeli esse continuum = Nam S. Doct. solum vult motum localem Angeli non esse, sicut motum localem corporum, continuum ex necessitate, sed *Sicut conceptiones intellectus convenienter se habent sine continuitate*. Unde etiam hoc art. 1. qu. 53. dicit: *Hujusmodi autem contactus (Angelicos) non est necessarium esse continuos: non autem si Angelus velit, ejus motum localem continuum esse non posse, nimirum successivè, & non simul dimittendo partes loci, in quo prius erat. Quamvis hæc continuas motus localis Angeli, æquivocè dicatur, si comparetur ad continuam motus localis corporum: sicut & esse in loco, & moveri localiter Angeli hoc modo æquivocè dicitur, comparatè ad esse in loco, & moveri localiter corporum.*

XIX. Secunda verò pars (quam negare videtur Scotus, aliter tamen S. Tho. hac Q. 53. a. 1. laudato, & etiam secundo; prob. Moveri localiter motu discreto, est priorem locum totum simul, & non successivè deserre, & immediatè alium locum totum simul acquirere: sed hoc potest Angelus &c. ergo &c. Maj. est D. Tho. ut supra. Hoc enim distinguit motum discretum, seu non continuum à continuo. Min. prob. Ideo corpus non potest statim totum locum deserre, & alterum statim totum occupare, quia commensuratur loco, & est totum in toto loco, & secundum partes in partibus loci; & propterea divisibilitati, & continuitati loci debet se accommodare. At Angelus nec loco commensuratur, sed totus est in toto, & totus in qualibet loci parte; & instantum successivè, & non simul deservit locum, quia pro sua libertate vult tangere illum non secundum totum, sed secundum partes, non simul, sed successivè; ergo si velit priorem locum statim totum deserre, & alium statim totum occupare, & tangere, potest.

XX. Sed dices primo. Non potest ex.

explicari, quando Angelus motu discreto moveatur: dum enim est in termino à quo, nondum movetur: dum est in termino ad quem, jam quiescit.

XXI. Respondeo: motum localem discretum consistere in utroque termino à quo, & ad quem, non absolute, & divisim sumtis, sed ut dicentibus invicem ordinem successionis. Ita S. Th. hâc q. 53. a. 1. ad 1. *Si enim* (inquit) *motus non esset continuus, posset dici, quoddam aliquid moveretur, dum est in termino à quo, & dum est in termino ad quem; quia ipsa successio diversorum ubi circa eandem rem motus diceretur.* Et in 1. Dist. 37. q. 4. a. 1. ad 3. ait, quoddam cum motus Angeli localis non sit positus esse continuus, ideo non oportet, quoddam pare illius motus sit motus, & ideo nec in A. movetur, nec in B. movetur, licet A. & B. sint partes ejus; sed successio horum, quod est esse in A. & B. motus vocatur. Sicut patet si attendatur motus ejus, vel secundum intellectum, vel secundum affectum, quia ipsa successio affectionum, motus ejus dicitur. Quibus patet, naturam motus discreti nil aliud esse, quam numerum diversarum operationum sibi in diversis locis succedentium, & habentium ordinem invicem. Unde sicut numerum solæ unitates componunt, non absolute consideratæ sed una cum ordine ad alias; sic etiam motum discretum componunt operationes diversæ, non absolute, sed cum ordine unius ut prioris, ad alteram ut posteriorem.

XXII. Dices secundò. Motus localis Angeli quamvis discretus debet esse unus: sed si unice consistat in diversis operationibus circa diversa loca, non erit unus, quia interruptus per quietem; ergo &c. Min. prob. cum enim Angelus in uno instanti deferat totum terminum à quo, & in alio sit in toto termino ad quem, inter ista duo instantia debet intercedere tempus medium; cum duo instantia sibi immediate succedere nequeant: sed in hoc tempore medio quiesceret motus; ergo esset per hanc quietem interruptus, & non unus.

XXIII. Respondeo, neg. min. ad ejus prob. nego maj. Nam licet in tempore nostro duo instantia non possint sibi immediate succedere, est enim unum per continuitatem; bene tamen in tempore discreto, & Angelico, quo motus discretus, & operationes libere Angeli mensurantur. Nam tempus illud nihil aliud est, quam indivisibilium durationum, seu instantium numerus. Sed de hoc inferrius aliqua dicentur.

#### 6. III.

*De Transitu Angeli ab uno ad aliud Extremum non transiendo per Medium.*

**D**E motu locali, tùm continuo, tùm discreto procedere quaestio potest: an scilicet Angelus possit transire de uno ad aliud locum, puta de cælo in terram, non transiendo loca intermedia.

XXIV. Dico. Si Angelus moveatur motu continuo, non potest transire de extremo ad extremum, quin transeat per loca immedia; bene tamen si moveatur motu discreto. Utramque partem docuit S. Thomas, tùm hâc Q. 53. a. 2. tùm in 1. Dist. 37. q. 4. a. 2. Prior pars est communis, & probatur ex eodem S. Doctore. Nam, ut habetur in 6. Phys. text. 77. *Medium est, in quod prius venit, quod continuè mutatur, quàm, in quod mutatur ultimum.* Et ratio est: quia ordo prioris, & posterioris in motu continuo est secundum ordinem prioris, & posterioris in magnitudine; ergo motus, qui sit continuus debet ab uno extremo per omnia media pertransire ad aliud extremum, aliàs non esset continuus.

XXV. Secunda verò pars, cui omnes ferè à schola D. Tho. alieni contrariantur, probatur. Angelus cum sit in loco per liberam suæ virtutis applicationem, qua in aliquo corpore operatur, transit de uno ad aliud locum; quia desinit operari in uno corpore, vel una parte corporis, incipit

cipit operari in alio corpore, vel in alia corporis parte: sed potest Angelus definire operari in parte extrema, & incipere operari in alia extrema, quin operetur in mediis: quia Angelus in operando non dependet à corpore, aut loco, sive à conditionibus loci, neque à loco continetur, aut circumscribitur; sed sua voluntate ex locis intra suæ activitatis contentis sibi præfigit, & circumscribit locum, in quo operetur, & sit; ergo &c. Si enim Angelus quia independens à loco, & conditionibus loci potest operari in duobus extremis v. g. aulæ, quin operetur in medio, seu in partibus mediis aulæ; cur non poterit definire operari in uno extremo ejusdem aulæ, & incipere operari in alio extremo, quin prius operetur in partibus mediis?

XXVI. Confirmatur. Quia Corpus Christi est in hostia non ad modum, quo corpus est in loco, sed ad modum, quo substantia est sub accidentibus, seu modo elevationi, & indivisibili, potest definire esse in extrema parte unius hostiæ, & incipere esse in altera hostiæ parte, quin existat in partibus mediis, si illa corruptur, & hæc consecratur, non consecratis partibus mediis: & definire esse sub una hostia posita in altari, si hæc consumatur, & incipere esse sub alia in eodem altari posita si hæc consecratur, non incipiendo exillere in alius hostiis mediis, si non consecrentur; quia Corpus Christi ibi est per consecrationem, & conversionem panis in ipsum: sed etiam Angelus in loco est per applicationem suæ virtutis, quam applicare potest extremis, quin applicet in mediis; ergo poterit etiam cessare ab ea applicanda uni extremo, & eam applicare alteri extremo, quin eam applicet mediis, & sic transire de loco extremo ad extremum, quin loca media percurrat.

Audiendus est D. Tho. Quolib. 7. a. 5. Corpus (inquit) est in loco, sicut contentum ab eo, & ideo oportet, quod in movendo sequatur loci conditionem, ut scilicet pertransit media, prius quam

ad extrema loci perveniat. Sed cum Angelus sit in loco per contactum virtutis, non subditur loco, ut contentus ab eo: sed magis continet locum sua virtute supereminens in loco. Unde non habet necesse, ut sequatur in suo motu conditiones loci, sed voluntati suæ subest, quod applicet se per contactum virtutis huius loco & illi, & si vult, oblique medio: sicut etiam intellectus potest applicari intelligendo uni extremo, puta albo, & postea nigro, indifferenter vel cogitando, vel non cogitando de mediis coloribus, quamvis corpus subiectum colori non possit moveri de albo in nigrum, nisi per medium. Quæ doctrina valde notanda est.

XXVII. Secundò probatur ratione D. Thomæ, hæc Q. 53. a. 2. Motus discretus fit per numerationem omnium partium, quas pertransit, ad differentiam motus continui; ergo mobile, quod movetur, non transiit omnia media. Cum enim in continuo sint infinitæ partes proportionales, & communicantes, sicut infinita indivisibilia, ut ostendunt physici: si mobile motu discreto transiret omnia media, numeraret finitas partes infinitæ: sed infinita numeratio est impossibilis; ergo &c. Unde concludit S. Doct. Si ergo mobile quodcumque movetur motu non continuo, sequitur, quod vel non transeat omnia media; vel quòd aliu numeret media infinita, quod est impossibile. Sic igitur secundum quòd motus Angeli non est continuus, non pertransit omnia media. Neque est simile de motu continuo; quia partes motus continui non sunt actu numeratæ; etiam enim sunt infinitæ potentia, quia tamen actu non numerantur, possunt pertransiri.

XXVIII. Sed dices primò. D. Thomas hoc a. 2. ad 2. ut respondeat objectionem, quæ probare intendebat, quòd sicut anima potest cogitare de duobus extremis, puta de Gallia, transiundo ad cogitandum de Syria, nihil cogitando de medio, puta de Italia; ita Angelus, qui perfectior est, multò magis potest de uno transire ad aliud extremum non transiundo per medium. Respondet, inquam, negando pariter.

tem: Quia, dicit, dum Angelus movetur localiter, applicatur ejus essentia diversis locis: anima autem essentia non applicatur rebus, quas cogitat, sed potius res cogitatas sunt in ipsa. & idcirco non est simile; ergo sentit, Angelum non posse transire de loco ad locum, quin transeat per medium.

XXIX. Respondetur, diff. consequ. Angelus non potest &c. dum movetur motu continuo, eo. conf. dum movetur motu discreto, nego consequentiam. In hoc ergo fiat discrimen, quod anima dum cogitat cogitatione etiam continua, potest cogitare de locis extremis, non cogitando de loco medio; quia animæ essentia non applicatur rebus, quas cogitat, sed potius res cognitæ sunt in ipsa. Angelus autem, dum movetur motu continuo, quia movetur applicando suam essentiam successive per partes loci, non potest ab extremo transire ad extremum, relicto medio. Ceterum posse Angelum motu non continuo transire de extremo ad extremum relicto medio, affirmat D. Th. in eodem articulo, & ejus rationes adduximus.

XXX. Dices secundò. Anima rationalis non potest informare partes extremas corporis, quin informet intermedias; ergo nec Angelus potest applicare essentiam suam locis extremis, quin eam applicet loco medio.

XXXI. Respondetur, disparitatem esse. Quia anima unitur corpori ut forma necessariò, & dependenter à dispositionibus, inter quas præcipua est partium continuatio, & colligatio; unde si non animaret medias, nec animare posset partes extremas. At Angelus unitur loco, ut agens passivo, liberè, neque ulla requirens in eo dispositiones: unde si velit tangere motu discreto partes extremas, & non medias, potest.

Neque cum ratione pugnat, quod aliquid sit hic, et postea alibi, quin fuerit in medio. Eisdem enim excedat seu, si velis, pugnet cum imaginatione, quæ supra corporalia non ascendit: cum ratione tamen non pugnat. Unde D. Thomas in 4. Dist. 45. qu. 1.

a. 1. quæstionc. 1. ad 1. ait: *Incorporalia non sunt in loco modo aliquo noto nobis, & consueto; secundum quid dicimus, corpora propriè in loco esse; sunt tamen in loco modo subsistenti spiritibus conveniente, qui nobis plene manifestus esse non potest.* Imaginatio enim nostra non transcendit continuum.

XXXII. Replicabis. Nedom imaginationi, sed rationi repugnabit transire de futuro in præteritum, nisi per præsens; ergo pariter repugnabit transire de loco A. ad locum B. distantem, nisi per medium. Et ratio est: quia non potest concipi motus, nisi concipiatur moveri ante mutatum esse; ergo nisi concipiatur medium inter terminum, à quo, & terminum ad quem; quia dum mobile est in termino à quo, nondum movetur; dum est in termino ad quem, jam mutatum est.

XXXIII. Respondeo, neg. conf. Nam temporis differentie ordinem essentialem habent inter se, quem non habent partes loci. Nam non potest aliquid esse simul præteritum, & futurum, potest tamen Angelus simul esse in loco A. & in loco B. si intra locum ejus adæquatum contineantur; imò, & corpus in pluribus locis distantibus, ut Contrarii volunt; & cum Deus ponit corpus in diversis locis, non dicitur esse nec transire per media. Corpus Christi etiam, etsi non per motum localem, verè tamen in cælo est, & in hostia, imò in pluribus hostiis, quin sit in locis mediis. At unum transire de futuro in præteritum, quin fuerit præsens, repugnat notioni futuri, & præteriti; quia futurum est id, quod aliquando erit præsens; & præteritum, quod aliquando fuit præsens. Addo: quod differentie temporis sunt mensura rerum: at locus non est mensura spiritus, qui nec à loco, nec à conditionibus loci pendet, sed è contra.

Ad id quod additur, respondit jam D. Tho. hæc q. 55. a. 1. ad 3. dicens antecedens esse verum in motu continuo, non in motu discreto. Nam *In motu continuo mutatum esse non est pars moveri (seu motus) sed terminus; unde oportet, quod moveri sit ante mutatum esse;*

*Ne: & idē oportet, quā talis motus sit per medium. Sed in motu non continuo mutatum esse est pars, sicut unitas est pars numeri. Unde successio diversorum locorum, etiam sine medio, constituit talem motum.*

XXXIV. Dices tertio. Saltem corpus transire non potest de loco ad locum, nisi per medium: sed si Angelus id posset, posset & corpus. Nam si Angelus motu discreto se movens, lapidem ferat, lapis ille movebitur motu discreto Angeli, & proinde de loco ad locum non pertransiendo medium; ergo &c.

Respondeo, neg. min. Nam in casu, quō Angelus lapidem ferret, non moveretur motu discreto, sed continuo, nimirum, per accidens motu continuo lapidis.

XXXV. Dices quarto. Angelus tenetur sequi ordinem ab Auctore naturæ præfixum: sed hic est ordo situallis, ut una res habeat situm in Universo post aliam; ergo Angelus hunc ordinem servare debet in suo motu locali.

Respondeo, dist. consequens: ita ut istum ordinem, qui est in rebus materialibus, immutare non possit, faciendo, quōd una res, seu elementum occupet locum alterius, puta, terra locum aquæ, aqua locum aeris, aer locum ignis, quōd gravia sursum, & levia deorsum tendant, cone. consequentiam; hoc enim esset naturæ ordinem invertere. Ita ut secundum istum ordinem coexistere, & operari debeat, nego consequ. Hic enim ordo est præfixus quidem agentibus corporeis, quæ in operando legibus suis adstrictæ sunt; non tamen virtuti Angelicæ, quæ ab omni situ, & legibus situallibus absoluta potest, si vult, agere legibus suis non se alligando; sed à quocumque transire ad agendum in quodcumque corpus in Universo clausum, medio relicto, si intra ipheram suæ activitatis contineatur; sive etiam, ut probabiliter sentiunt multi, quantumcumque sit distans.

Thom. P.

§. I V.

*An Motus Localis Angeli perfici possit in uno Instanti?*

XXXVI. **D**ico. Motus localis Angeli sive discretus non potest unico instanti compleri. Ita D. Thomas, hæc Quæst. 53. art. 3. & in 2. Dist. 37. quæst. 4. art. 3. Loquitur autem de motu, qui est inter duos terminos positivos, non de simplici mutatione, quæ habet terminum purè negativum, & non est motus, sed potius terminus motus; sicut illuminatio, quæ est terminus motus corporis illuminantis, & generatio, quæ est terminus alterationis: has enim esse instantaneas, nemo non videt; terminus enim motus est mutatum esse, hoc autem in instanti est. Loquitur ergo de motu, ut à simplici mutatione distincto.

XXXVII. Motum hunc itaque unico instanti non posse perfici, probat sic. Id, in quo assignari necessariò debent duo nunc, unum in quo ultimò fuit, aliud in quo primò est, unico instanti perfici non potest; quia *Ubi sunt multa, ibi de necessitate est tempus, eòdem tempore nihil aliud sit, quàm numeratio prioris, & posterioris in motu: sed in motu locali etiam angelico sive continuo, sive discreto debent assignari duo saltem instantia; unum, in quo ultimò fuit in loco præcedenti, aliud in quo primò est in loco posteriori; ergo motus localis Angeli non in instanti indivisibili perficitur, sed in tempore. In continuo quidem tempore (ait D. Thom. hic) si sit motus ejus continuus: in non continuo autem si motus sit non continuus. Et prosequitur Sed istud tempus, sive sit tempus continuum, sive non, non est idem cum tempore, quod mensurat motum cali, & quo mensurantur omnia corporalia, quæ habent mutabilitatem ex motu cali. Motus enim Angeli non dependet ex motu cali. Operationes autem angelicæ constituunt tempus continuum, quando continuè sibi succedunt, & operantur se proportionando ad continuitatem spaz*  
X

611

tii: confluunt autem tempus discretum, quando succedunt sibi discretè, sicut nitates componunt numerum.

XXXVIII. Hoc explicat S. Doct. in 1. Diff. 37. qu. 4. art. 3. citato, sic. Cùm motus Angeli non sit (ex necessitate) continuus, quia non est secundum necessitatem magnitudinis conditiones habens per quam transit; sicut est in illis, quæ sunt sic nata in loco esse, ut eorum substantia sit commensurata terminis loci, scilicet corporibus; sed per successionem operationum, in quibus nulla est ratio continuitatis: ideo tempus illud non est continuus, sed est compositum ex nunc succedentibus sibi; ut numerus ipsarum operationum succedentium sibi tempus (discretum) vocetur; sicut ipsa successio operationum dicitur motus. Et quot sunt operationes, ex quibus componitur motus secundum diversa loca, tot erunt nunc, ex quibus componitur tempus.

Ex his conficitur alia ratio. Motus continuus dicit successionem operationum in Angelo se se accommodante ad continuitatem spatii, in quo operatur, & quod pertransit; motus verò discretus dicit successionem operationum secundum numerum sibi succedentium; ergo uterque motus ex sua ratione dicit successionem, ac prius & posterius: sed prius & posterius, & successio in operationibus dicit essentialiter plura, nunc sibi succedentia; in unico enim nunc, utpote prorsus indivisibili, nequit numerus operationum sibi succedentium salvari, sicut nec in una unitate numerus; ergo &c.

XXXIX. Adverto tamen primò: non negare hic S. Doctorem, quin recessus Angeli à termino à quo possit esse in instanti, sicut & accessus ejusdem, ad terminum ad quem: sed velle solum, quòd hujusmodi recessus, & accessus, in quo consistit motus localis, non possit fieri in unico instanti, sed quòd talis transitus duo saltem requirat instantia.

Secundò adverto: non negare, quin Angelus, dùm totaliter relinquit locum, celeritè possit se collocare in alio, sive altissimo, sive distantissimo. Imò 1. P. q. 113. a. 6. ad 3. quod Angelus Cuius Etiam cum est in calo

recognoscit quid circa hominem agatur; nec indiget mora temporis ad motum localem, sed statim potest adesse. Et hio ad 3. ait, quòd si moveatur non continuò, Angelus in uno instanti potest esse in uno loco, & in alio instanti in alio loco, nullo tempore intermedio existente.

XL. Dices primò. Tertullianus *Apologet. cap. 22.* de Angelis, & Dæmonibus: *Omnia (inquit) spiritus ales est. Hoc Angeli, & Dæmones. Igitur momento ubique sunt. Totus orbis illis locus unus est &c.*

Respondeo, ut supra dixi, hanc esse emphasim Tertulliani ad exprimendam Angelis in motu locali celeritatem, quæ tanta est, ut momento videatur ubique adesse, & totus mundus esse illi unus locus; unde subdit: *Velocitas divinitas creditur, quia substantia ignoratur.* Hinc miram Angelis in motu velocitatem exponens Scriptura, modò eos vocat ventos, modò flammam ignis, ignem urentem, modò rotas igneas &c. Imò ad eandem declarandam Sap. 8. v. 12. de Angelo, qui transiens per domos Egyptiorum, eorum primogenita exterminavit, dicitur: *Una mente, quæ erat preclarior natæ illorum, exterminata est.* Sed hæc, & similia indicant quidem, motum localem Angeli esse celerissimum, non tamen instantaneum. Quare Hieronymus, l. *adversus Vigilantium* dicentem animas Martyrum, vel subitus aram Dei, vel in sinu Abraham considerare, nec de suis tumulis exire posse, sic insurgit a Quam Diabolus, & Dæmones toto vagantur in orbe, & celeritate nimia ubique presentes sint; Martyres post effusionem sanguinis sui arca operientur inclusi, & inde exire non poterunt? & Nazianz. Orat. 34. circa finem de intelligentibus Virtutibus agens: *Loca, inquit, omnia peragravit, omnibus ubique impigrit adsunt, tùm ibi ministerij promptitudinem, tùm ibi natura levitatem.*

XLI. Sed inflabis. Velocitas motus localis angelici excedit sine proportionē velocitatem motus corporis pertransientis idem spatium: sed si motus Angeli non fiat in instanti, sed in tempore, non excedet motum corporis, hic

sine proportionem, quia inter quælibet duo tempora finita datur proportio; ergo &c.

Rursus: Angelus, cum sit prorsus spiritalis, longe velocior est luce corporea: sed lux corporea in instanti pervadit omne aeris spatium; ergo multo magis Angelus.

XLII. Respondetur, neg. min. Excedit enim motus localis Angeli motum localem corporis sine proportionem, sed intra speciem motus, de cuius ratione est, quod successive fiat, & non in instanti, ut probatum est. Excessus ergo motus localis Angeli fiat in hoc, quod possit Angelus moveri in minori, ac minori temporis mora, quam fieri possit motus corporis: cum autem tempus sit infinitè divisibile, consequens est, quod semper possit Angelus majori, & majori velocitate moveri, quam corpus. Imò sic discuro. Sicut motus localis Angeli excedit motum localem corporis; ita motus localis Angeli superioris excedit motum localem Angeli inferioris: sed si motus localis Angeli fieret in instanti, non esset locus isti excessui; quia cum istans indivisibile sit, si motus omnes angelici essent instantanei, non daretur excessus inter illos. Ut ergo detur locus excessui, dici debet, quod motus angelicus fiat in tempore; & quod sicut Angelus superior in minori tempore perficit suum motum, quam inferior; ita in minori sine proportionem illum perficiat, quam corpus.

Neque inferas, Angelum fore virtutis motivæ infinitæ, si potest in majori, & majori velocitate in infinitum excedere motum localem corporis; sicut arguimus virtutem infinitam in Deo, quia potest perfectiores & perfectiores effectus in infinitum producere; & è contra, quia lumen gloriæ est finitum, negamus posse visionem perfectiorem, & perfectiorem in infinitum producere.

Nam nego illatum. Quia tunc solum potentia ad producendum effectum perfectiorem, & perfectiorem, debet esse simpliciter infinita, quando effectus perfectior &c. requirit in causa

perfectiorem; & perfectiorem virtutem; ut contingeret in lumine gloriæ, si posset intensiorem, & intensiorem visionem Dei efficere; & contingit in potentia Dei, quæ proinde infinita est, quia potest effectus in infinitum producere, non solo numero distinctos, sed in perfectione specifica invicem se excedentes. At quod motus localis possit crescere ad majorem, & majorem velocitatem, seu in minori, & minori tempore fieri usque in infinitum; cum non arguat majorem, & majorem virtutem in potentia motiva, indicat quidem, eam esse superioris ordinis in movendo, sed non esse infinitam actu, & simpliciter, sed in potentia solum: sicut infinita solum in potentia, & non actu est illa potentia, quæ potest plura, & plura individua intra eandem speciem in infinitum producere. Unde D. Thom. 1. P. q. 25. a. 2. ad 3. docet, potentiam Dei non se manifestare actu infinitam, per hoc, quod movere possit velocius, & velocius in infinitum, si moveat in tempore; manifestaret quidem seipsam actu infinitam, si causeret motum, seu si moveret in instanti.

Unde arguo sic. Si Angelus localiter moveretur in instanti, ejus virtus motiva esset actu infinita: sed virtus motiva Angeli est actu finita; ergo &c. Maj. prob. ex doctrina D. Thomæ relati. Tunc virtus motiva esset actu infinita, quando moveret improporcionabiliter citius, quam quælibet virtus motiva finita; quia esset inter moveri citius, & citius in tempore detur proportio, inter moveri tamen citius in tempore, & moveri in instanti, nulla proportio datur. Et ecce alteram rationem pro nostra conclusione.

XLIII. Ad id, quod additur, dist. min. lux &c. pervadit &c. per motum localem, neg. min. per simplicem mutationem, conc. min. Cum enim lux corporea non sit corpus, non pervadit universum aerem per motum localem, sed  
X 2 per

464 *Quæst. IV. De quid. medio, & modo Angel. cognis.*

per simplicem diffusionem, & mutationem, quæ non est motus, sed terminus motus. Unde D. Thom. hac Q. 53. a. 3. ad 2. *Illuminatio* (inquit) *est terminus motus, & est alteratio, non motus localis; ut intelligatur, lumen moveri prius ad propinquum, quàm ad remotum. Motus autem Angeli est localis, & non est terminus motus.*

XLIV. Dices secundò. Motus localis Angeli nihil aliud est, quàm acquisitio loci: sed Angelus acquirit locum in instanti: ergo &c.

Respondeo, negando maj. Nam eùm Angelus fuit primo productus, acquisivit locum; & tamen illa loci acquisitio non fuit motus localis, sicut nec esset, si nullibi antea existeret locum acquireret. Motus ergo localis est acquisitio unius loci, & derelictio alterius: hæc autem duo, duo saltem instantia petunt, ut perficiantur.

XLV. At replicabis. Potest in eodem instanti esse acquisitio unius loci, & derelictio alterius; ergo &c. Ant. prob. Quando aliquid in instanti acquiritur, in eodem instanti aliud ei oppositum derelinquitur. Sic in eodem instanti, quo forma est in materia, tollitur ejus privatio; & in eodem momento, quo aer illuminatur, tenebræ tolluntur; ergo &c.

XLVI. Respondetur, neg. ant. ad ejus prob. dico, antecedens esse verum, quando acquisitio fit per simplicem mutationem, quæ est à termino à quo negativo, vel privativo, ut in exemplis allatis. Falsum tamen, esse, quando acquisitio, eisdem fiat in instanti, est tamen terminus motus propriè dicti, qui est inter duos terminos positivos, ut est in Angelo transiente ab uno ad alium locum. Tunc enim ad tollendum contrarium, sive ad vincendam latitudinem, & distantiam, quæ est inter duos illos terminos positivos, requiritur successio seu tempus, vel continuum, vel discretum. Nam dum est in termino à quo, incipit quidem, sed nondum est in termino ad quem; & dum est in termino ad quem, jam non est, sed antea fuit in termino à quo. Quapropter ef-

fencia motus, quæ est transitus de uno positivo ad aliud, petit, ut non in uno, sed in duobus ad minus instantibus fiat; in quorum uno desinat esse in uno loco, & in altero incipiat esse in alio; & sic in conjunctione horum duorum instantium, quorum unum succedit alteri, consistit motus angelicus. Quod usque adeo verum est, ut etiam Angelus localiter moveretur in vacuo, adhuc non in unico instanti moveretur; essentia motus sic petente, quæ essentialiter in successione consistit. Sed hæc satis.

QUÆSTIO IV.

*De Quidditate, Medio, & Modo Angel. Cognitionis.*

**A**ngelum esse naturæ cognoscitivum certum est. Cùm enim ex superius dictis immaterialis sit, & purus spiritus: cùmque natura immaterialis debeat esse cognoscitiva, (unde probavimus, Deum, qui in summo immaterialitatis est, esse quoque in summo intellectualitatis) extra questionem esse debet, Angelum esse naturæ intellectivæ. Hoc ergo supposito, restant examinanda: primò, quidditas intellectus angeli, de qua Divus Thomas, hac Qu. 54. pertractat. Secundò, de medio, de quo agit Qu. 55. Et tertio de modo cognitionis, de quo Qu. 56. sermonem facit.

DUBIUM I.

An Angeli Substantia sit summa Intelligere: an Intelligerere sit suum esse; & an sit sua Virtus operativa?

§. I.

*Resolutio prima Partis.*

**I.** Dico. Substantia Angeli non est suum intelligere, sed intelligere Angeli à substantia ejus realiter distinguitur. Ita D. Thomas, hac Qu. 54. art. 1. Sumitur hic intelligere pro actione, seu actu ultimo, vel exercitio actuali intelligendi. Si enim sumatur pro principio radicali intelligendi, sic intelligere, seu verius, esse



esse naturæ intellectivæ, est substantia, seu essentia Angeli. Oppositum visus est censuisse Averroes, 12. *Metap. text. 52.* volens, quoddam in substantiis separatis substantia, & operatio non distinguantur. Cui ex parte adhaerit Durandus, in 1. *Dist. 3. qu. 5. ad 1.* asserens, quoddam esse intellectio, qua Angelus intelligit alia à se, realiter sit distincta à substantia eius, non tamen intellectio, quæ seipsum intelligit.

II. Probat autem D. Thom. communem sententiam. Primum. Si substantia Angeli esset sua intellectio, esset actus purus; identificaret enim sibi ultimam actualitatem de linea perfectissima, qualis est linea intellectiva, nihilque haberet potentialitatis admixtum: non enim esset in potentia ad substantiam, vel existentiam, aut alios actus; quia si identificaret sibi, quoddam est remotius, nempe actu intelligere, multò magis sibi identificaret, quod est propinquius, & intimius, nempe esse, & subsistere. Et etiam, quia si careret potentialitate in linea intellectiva, quæ perfectissima est, non est, cur non careret in aliis lineis: sed impossibile est, aliquam creaturam substantiam esse actum purum, ergo &c.

III. Secunda ratio D. Thom. est ista. Si intelligere Angeli esset sua substantia, jam intelligere Angeli esset subsistens, intelligere autem subsistens non potest esse nisi unum, sicut nec aliquod abstractum subsistens; ergo substantia Angeli esset una, nec distingueretur à substantia Dei, quæ pariter est suum intelligere, nec à substantia alterius Angeli. Quod enim est abstractum ab omnium limitativo, tam formali, quam materiali, non potest esse nisi unum, ut patet in Deo; unde sic ut unus Deus, ita esset unus Angelus, non solum numero, sed specie.

IV. Ex quo sequitur tertia ratio, nimirum, quoddam si substantia Angeli esset suum intelligere, & hoc esset unum, non daretur amplius in Angelis maior, vel minor perfectio in participanda ratione intellectualitatis; quia ille unus Angelus, cuius intelligere est

set per se subsistens, totam intelligendi perfectionem haberet: sicut quia Deus est esse per se subsistens, habet, seu veriùs, est tota essendi perfectio.

V. Probo ulterius alia ratione ex S. August. lib. 12. de Civit. Dei c. 10. sic. Substantia, quæ vel potest amittere intellectiorem, vel in qua aliud est habens, aliud id quod habet, non est realiter sua intellectio, sed aliud à sua intellectiōe: sed substantia Angeli potest amittere intellectiorem, & de una in aliam intellectiōem transire; ac in ea aliud est habens intellectiōem, & aliud ipsa intellectio, quæ habetur, ergo &c. Majorem probat S. Aug. ab exemplo. *Sic ut, (inquit) vas aliquem liquorem (habet) aut corpus colorem, aut aer lucem, sive fervorem, aut anima sapientiam. Nihil enim horum est id, quod habet, nam neque vas liquor est, nec corpus color, nec aer lux, sive fervor, neque anima sapientia est.* Ex quo inferi, quod omnia prædicta privari possunt eo, quod habent, & in alios habitus, & qualitates verit, atque mutari; *Ut vas evacuetur humore, quæ plenum est, & corpus decoloratur, & aer tenebretur, & anima desipiat.* Quoddam si non possit amittere, ut corpus post resurrectionem non poterit amittere incorruptibilitatem, sicut nec anima sapientiam; adhuc tamen, & corpus distingueretur ab incorruptione, & aliud est corpus, aliud incorruptio: quia corpus divisibile est, incorruptio indivisibilis, nec est magis incorruptibilis pars major, puta manus, quam pars minor, puta digitus. *Anima quoque ipsa, etsi semper sit sapiens, sicut erit cum liberabitur in æternum; participatione tamen incommutabilis Sapientia sapiens erit, quæ non est quod ipsa. Neque enim si aer infusa lux nunquam deservatur, ideo non aliud est ipse, aliud lux, quæ illuminatur.* Ita acutè S. Augustinus.

VI. Insuper lib. 6 de Trinit. c. 6. *In anima, (inquit) cum malum sit artificiosum esse, aliud meriti, aliud acutum, aliud memorem, aliud cupiditas, aliud timor, aliud latitia, aliud visilitia, possuntque & alia sine aliis, & alia*

*magis, alia minis innumerabilia, & innumerabiliter in anima natura inventi; manifestum est, non simplicem, sed multiplicem esse naturam; nihil enim simplex mutabile est, omnis autem creatura mutabilis. Cum ergo in Angelo non fuerit, nec sit semper eadem cognitio, cum de novo multa cognoverit, maxime ad ordinem gratiae pertinentia; cumque ejus amor variatus fuerit, maxime in Angelis pravis, in quibus de bono mutatus fuit in pravam; constat in Angelis aliud esse cognitionem, & amorem, aliud eorum substantiam.*

## §. I I.

*Resolutio secunda, ac tertia Partis.*

VII. **D**ico secundò. Intelligere, seu actio Angelus, vel cujuscumque creaturae non est ejus esse. Ita D. Tho. hoc 2. 2. cujus ratione probatur sic. Primò. Intelligere Angelus est motus ejus; sed esse Angelus non est motus; ergo esse Angelus non est intelligere ejus. Secundò. Duplex est actionis genus. Unius, *Qua transit in aliquid exterius, inferens ei passionem, sicut urere, & secare.* Alterius, *Qua non transit in rem exteriolem, sed magis manet in ipso agente, sicut sentire, intelligere, & velle; per hujusmodi enim actionem non immutatur aliquid extrinsecum, sed totum in ipso agente agitur.* Sed neutra ex his actionibus potest esse ipsius Angelus esse, aut cujuslibet alterius creaturae; ergo &c. Minorem probat D. Th. 2. de actione transeunte. Nam esse agentis significatur intra ipsum manens: sed actio transiens est effluxus ab agente in passum; ergo non est esse agentis. Secundò. De actione immanente, puta intelligere, & sentire. Nam hæc habet quoddam esse indeterminatum, & quoddammodo infinitum; & potest ad plura se habere, & ab eis speciem sumere: intelligere quidem, ab omni intelligibili, seu ab omni ente; sentire verò ab omni sensibili. Unde tam intelligere, quam sentire quandam habent illimitationem,

cum possint fieri omnia, nempe intelligere omnia prorsus intelligibilia, seu entia, & sentire omnia sensibilia; sed esse Angelus, & cujuscumque creaturae est determinatum ad unum secundum genus, & secundum speciem, solum enim esse Dei omnia simpliciter comprehendit; ergo esse Angelus, seu cujuslibet creaturae non est sua actio sive transiens, sive in agente manens.

VIII. Dices primò. *Vivere viventibus est esse* (ut dicitur 2. de Anima. text. 37.) sed intelligere est quoddam vivere; ergo &c.

Respondeo ex D. Thom. ibi ad 2. distingu. maj. vivere sumtum pro ipso esse viventis, seu pro principio radicali vivendi, co. ma. sumtum pro operatione vitæ, qua demonstratur aliquid esse vivens, nego maj. Sic enim vivere non est ipsum viventis esse, sed ipsum demonstrat, è posteriori. Quare Philosophus ibi distinguit diversos gradus viventis secundum diversa opera vitæ.

IX. Dices secundò. Forma, per quam Angelus intelligit ad minus seipsum, est eadem cum forma, qua Angelus est; ut enim dicemus, intelligit seipsum per suam substantiam; ergo ejus intelligere est idem cum sua forma, ac cum suo esse.

Respondeo ex eodem, ad secundum, dist. ant. est eadem &c. secundum diversam rationem, co. ant. secundum eandem rationem, nego ant. Ipsa enim essentia Angelus est ratio totius sui esse (non quidem ratio formalis, sed ratio specificans, quia esse quod secundum se vagatur per omnia genera, & species, determinatur ad speciem Angelus per essentiam Angelus) non tamen ratio totius sui intelligere; quia non omnia per suam essentiam intelligere potest, nec omne suum intelligere specificat. Unde non sequitur, quod hæc ratione intelligere Angelus sit suum esse.

Respondeo secundò, insinando argumentum. Forma, seu essentia Angelus est sic causa specificans esse, seu actuale existentiam, ad hanc tamen comparatur sicut potentia ad actum realiter

ter distinctum; ergo similiter ad actuale intelligere comparabitur: & sic finis essentia Angeli non est suum esse, ita nec est suum intelligere.

X. Dico tertio. Potentia intellectiva Angeli non est ejus essentia, sed realiter ab essentia distinguitur. Ita S. Tho. 2. 3. præsentis quæst. 54. cuius ratione sic probatur.

Potentia, quæ habent actus immediatos adæquatos realiter essentialiter distinctos, debent in creatis realiter distingui: sed essentia, & potentia intellectiva Angeli habent actus adæquatos essentialiter distinctos; ergo &c. Ma prob. Quia cum potentia specificetur ab actu suo immediato adæquato, potentia quarum actus adæquati sunt essentialiter diversi, debent realiter distingui: cum eadem res nequeat esse in duplici specie adæquata. Minus tamen sic prob. Actus immediatus, & adæquatus essentia est esse; actus vero immediatus, & adæquatus potentia intellectiva est intellectio, sicut cuiuscumque potentia operativa est operatio: sed, ut ostensum est, intellectio, & operatio realiter distinguitur ab esse ipsius distinctione adæquata, & essentiali; ergo &c. Unde (concludit S. Doct.) *essentia Angeli non est ejus potentia intellectiva, nec alicujus creati essentia est ejus operativa potentia.*

XI. Scio, Secutum opinari potentiam intellectivam Angeli distingui ab ejus essentia sola sua distinctione formali, quod generaliter asserit de omni operativa potentia. Sed quia hæc quæstio philosophica est, & à Philosophis agitur; ideo ad ea, quæ ibi docent Nostrum, Candidatum meum remitto.

XII. Hæc solum ex D. Thom. notare placet. Primò, Quod licet Angelus vocetur *Intellectus*, & *Mens*; hoc non est, quia essentia ejus sit potentia intellectiva, sed quia tota ejus cognitio est intellectualis; ad differentiam cognitionis animæ nostræ, quæ partim est intellectualis, partim sensitiva. Ita S. Doct. ad 1.

Secundò, Quod licet Angelus sit forma simplex, non tamen est suum.

esse, sed comparatur ad ipsum, sicut potentia ad actum: *Forma autem simplex, quæ non est suum esse, sed comparatur ad ipsum, ut potentia ad actum, potest esse subiectum accidentis, & præcipue ejus, quod consequitur speciem.* Ita S. Thom. ibi ad 2. Quibus constat potentiam intellectivam, secundum mentem ejus esse accidens.

Tertio tandem, Cur potentia materiæ non sit à materia distincta, bene tamen potentia operativa distinguatur ab essentia? Nam, ut ait S. Doct. ad 3. potentia materiæ est ad ipsum esse substantiale; potentia vero operativa est ad esse accidentale. Quare ista à substantia debet esse distincta, illa non.

## DUBIUM II.

An Angelus ad cognoscendum Se aliqua Specie indigeat?

### §. I.

*Necessitas Speciei ad intelligendum.*

I. **S**uppono ex iis, quæ in libris de Anima saniores Philosophi tradunt (ut nos, *Tract. de Visione*, q. 3. dub. 1. §. 1. ex D. Thom. observavimus) ad omnem cognitionem, præter potentiam, & virtutem ad cognoscendum, requiri speciem præstantem objectum, & potentia illud conjungentem, ac ad ejus cognitionem quodammodo determinantem. Cum enim potentia, etiam omni virtute prædita ad cognoscendum, adhuc maneant indifferentes, & indeterminata ad cognoscendum hoc, vel illud; eger determinari per aliquid ad hujus potius, quam alterius cognitionem: ac insuper cum cognitio fiat per hoc, quod objectum conjungatur potentia, & statatur quodammodo intra ipsam, ut sic possit conceptum ejus, ac similitudinem intra se formare: cognitio enim ad modum cuiusdam parvis fit, ad quem concipiendum immensa ab objecto similitudo fit, vel objectum per seipsum facundat: ideoque in *Tract. de Trinitate*, ostendimus, Verbum esse ge-

nium, quia cognitione procedit. Hoc autem, quo obiectum sive per se, sive per sui similitudinem potentiae coniungitur, species vocatur.

II. Porro ad rationem huiusmodi speciei, quae ad intelligendum necessaria est, valde materialiter se habet, quod sit in entitate accidens, vel substantia. Cum enim formale illius sit coniungere obiectum potentiae, & ad illud suam representationem eam determinare; in quacumque entitate, sive accidentali, sive substantiali hoc fiat, prorsus de materiali se habet. Imò tunc solum contingit, ut accidentali entitate hoc fiat, quando obiectum suam substantiam immediatè id nequit praestare, sed praestat sui similitudine. Utrolibet autem modo id praestat, ab inhaerentia, sive informatione praecindit; quia intellectui coniungitur, non ut tertiam aliquam naturam constituat, sed ut intellectum ad suum esse intentionaliter transformet.

III. Dimissis ergo illis, qui ad cognitionem cuiuscumque rei, & consequenter etiam substantiae Angeli, requiri speciem universaliter negant, quos modò refellere non vacat; ad rem praesentem, quae de cognitione substantiae Angeli est, tres spectant opiniones.

IV. Prima affirmat, substantiam suam immediatè Angelo deservire ad cognitionem sui. Ita S. Thomas hac 1. Part. qu. 56. art. 1. Qu. 8. de Verit. art. 6. & 1. Contrag. cap. 98. quem sequuntur omnes ejus Discipuli. Imò, loquendo de cognitione intuitiva, Scotus ipse, ejusque Schola; quamvis potest vellet, Angelum posse seipsum abstractivè cognoscere per species à sua substantia distinctas.

Secundà sententia ad extremum delinans docet, Angelum ad seipsum cognoscendum indigere specie à sua substantia distincta. Quae tribuitur Alensi, Marfilio, Henrico &c.

Tertia est, non substantiam, sed Angeli intellectum gerere munus speciei ad cognitionem sui, & cuiuscumque alterius obiecti. Ita Vazquez putans, non posse efficaci ratione probari, quod in

intellectu Angeli dentur species. In hac opinionem trahitur Cajetanus, quamvis ad communem Thomistarum sententiam trahi possit. Vazquezio ex parte adhæret Alarcon. Sed non est, cur in his explorandis tempus teramus.

## §. I I.

*Resolvitur de Specie, qua cognoscit Angelus Substantiam suam.*

V. Dico primò. In cognitione, qua Angelus cognoscit substantiam suam, ipsa Angeli substantia locum tenet speciei, & obiecti determinantis intellectum ad cognoscendum seipsum, & accidentia, seu proprietates sibi con-naturales, non autem supernaturalia accidentia. Probatur prima pars. Substantia Angeli habet omnia requisita ad hoc, ut possit immediatè, & per seipsum determinare intellectum Angeli ad sui cognitionem; ergo &c. Consequ. patet. Nam, ut diximus in *Tract. de Visione Dei*, species ab obiecto in-potentiam immissa, tunc solum requiritur, quando obiectum non potest per seipsum determinare potentiam ad sui cognitionem. Ant. verò prob. Ut aliquod obiectum possit immediatè, & per seipsum determinare potentiam ad sui cognitionem, requiritur, ut sit immediatè, & per seipsum intelligibile, & potentie cognoscitivæ intimè conjunctum: sed substantia Angeli est per seipsum, & immediatè intelligibilis, quia est prorsus immaterialis, & illi intimè conjuncta: est enim immediata radix intellectus, eique intimè praesens, imò magis, quam species accidentalis ei superaddita; ergo &c.

VI. Confirmatur. Intellectus debita virtute praeditus, & habens obiectum intelligibiliter sibi unitum, est causa totalis sufficiens ad intellectionem; sed intellectus angelicus respectu cognitionis sui habet sufficientem virtutem; habet insuper essentiam suam ejusdem gradus spiritualitatis cum ipso, & ideo adu proximè intelligibilem, & sibi sum-

summè unitam: nec enim potest esse maior unio, & approximatio cuiusvis speciei cum intellectu, quàm sit unio essentia cum proprio intellectu. Si ergo species impressa ab objecto distincta continens obiectum solum secundum esse intentionale, & diminutum: sufficit cum intellectu ad producendam cognitionem; multò magis obiectum ipsum, si per seipsum sit potentia proportionatum, quia ejusdem immaterialitatis, & illi intimè conjunctum.

VII. Secundò prob. Idèd substantia Angeli non posset loco speciei ad sui cognitionem concurrere, quia est forma per se existens, & intellectum non informans, aut ei inhzrens: sed hoc non impedit &c. ergo &c. Min. prob. Tum ex superius notatis, ubi diximus, inhzrentiam per accidens se habere ad rationem formæ intelligibilis. Quare D. Thom. 1. Par. qu. 56. art. 1. ait: *Nihil autem deest ad hoc, quòd forma sit principium actionis, quòd ipsa forma sit aliquando inhzrens, & quòd sit per se subsistens. Non enim minus calor calefaciat, si est per se subsistens, quam calefaciat inhzrens.* Unde essentia divina, quæ est maximè per se subsistens, & forma intelligibilis, est ratio cognoscendi seipsam, tùm intellectui Divino, tùm intellectui Beati; ergo &c. Rursus ex eodem D. Thom. citato: idèd substantia Angeli non posset gerere munus speciei ad sui cognitionem, quia utpote per se subsistens non posset movere intellectum angelicum, reducendo ipsum de potentia ad actum: sed hoc non requiritur, cum intellectus Angeli semper sit in actu suæ cognitionis, & non quandoque in actu, quandoque in potentia; ergo &c. Unde concludit Sanctus Doctor: *Si autem semper eam actu habeat (idest cognitionem, & speciem) nihilominus per eam cognoscere potest absque aliqua mutatione, vel receptione precedente. Ex quo patet, quòd moveri ab objecto non est de ratione cognoscentis, in quantum est cognoscent, sed in quantum est potentia cognoscent.*

VIII. Secunda verò pars, quòd per suam substantiam, tanquam per spe-

Tom. V.

ciem, cognoscat Angelus sua accidentia propria & nativa, supponit in Angelo alia esse accidentia propria et sibi proportionata, alia supernaturalia. De prioribus tantum loquitur hæc secunda pars. Et prob. à priori. Nam substantia Angeli unitur ejus intellectui secundum totalem, et adæquatam representationem; unitur enim ad cognitionem comprehensivam sui; sed substantia Angeli repræsentat omnia sua nativa accidentia, intellectum, voluntatem, operationem, est enim omnium adæquata radix ea perfectè continens; ergo hæc omnia intellectui angelico repræsentat.

IX. Quoad accidentia verò supernaturalia, hæc per suam substantiam Angelum non cognoscere, eadem ratione probatur. Nam hæc in substantia Angeli non continentur; ergo per eam repræsentari non possunt: imò nec per species naturales Angelo infusæ, sed per species altioris ordinis, et per istas cognoscit omnia mysteria gratiæ. Sicut enim ad hæc cognoscenda indiguit anima Christi scientiâ per se infusa, nec satis fuit scientia naturalis, & acquisita: ita nec in Angelo satis erunt, siue propria substantia, siue species naturales, sed requiruntur species elevatiores. Et ideo Divus Thomas, hoc articulo citato, exponens verba Dionysii, c. 6. *Angelica Hierarchia*, secundum antiquam translationem dicentis: *Angeli ignorant proprias virtutes* respondet ad 1. *Angeli non perfectè cognoscunt suam virtutem, secundum quòd procedit ab ordine divina sapientiæ, quæ est Angelis incomprehensibilis.* Quod repetit Q. 8. de Verit. a. 6. ad 1.

### §. III.

Contraria Proponuntur, ac Solvuntur

X. Quid Angeli substantia non possit ei deservire, ut species, obstat primò. Quod se habet ut forma intelligibilis, comparari debet per modum actus ad potentiam: sed substantia Angeli non comparatur ad intellectum Angeli per modum actus, sed

Y

sed

fed per modum subiecti, quod fapit potius rationem potentia: intellectus autem è contra ad fubftantiam fuam. comparatur ut forma & actus, nempe ut virtus ejus ad intelligendum; etge &c.

Refponderetur, diff. maj. per modum actus in efle naturali, nego maj. in efle intelligibili, conc. maj. & diff. eodem modo minori, nego confequ. Refponfo efl. S. Thom. Q. 8. de Verit. 2. 6. ad 2. dicentis: *Essentia Angeli quamvis non poffit comparari ad intellectum ejus, ut actus ad potentiam in eflando; comparatur tamen ad ipfum ut actus ad potentiam in intelligendo; quia ad eum comparatur ut objectum, & forma fpecificans cognitionem.* Eadem ratione inquit, ibi ad 6. *Nihil prohibet, aliquid efle in altero, & illud in eo diverfis modis, ficut totum in partibus, &c. è converfo. Et fimiliter... effentia Angeli efl. in intellectu ejus, ficut intelligibile in intelligente; intellectus autem in effentia, ficut potentia in fubftantia: nimirum effentia Angeli efl. in intellectu ejus tanquam forma ipfum perficiens ad intelligendum; intellectus verò efl. in effentia, ut à qua in eflando dependet.*

XI. Obftat fecundò. Intellectus Angeli non efl. actus purus, fed habens potentiam admixtam in ordine intelligendi; ergo non reducit ad actum per feipfum, feq. per fuam effentiam, aliàs idem efl. in potentia, & in actù.

XII. Confirmatur. D. Thomas, 3. *Contra gentes*, Cap. 31. docet, quòd ex quo effentia divina fit fuum efle, & fuà veritas, alia verò intelligibilia fubfiftentia fime habentia efle, & veritatem, & non fuum efle, & fuà veritas; *Effentia divina potefl. comparari ad intellectum creatum ut fpecies intelligibilis, qua intelligit, quod non contingit de effentia alienius alterius fubftantia feparata; ergo effentia Angeli habere nequit rationem formæ intelligibilis refpectu intellectus.*

XIII. Refponderetur, diftingu. ant. habens potentiam ad actum effentialem, nego ant. ad actum accidentalem, conc. antec. *Intellectus Angeli* ( inquit D.

Tho. loco relato ad 7. ) *non efl. in potentia refpectu effentia ejus, fed refpectu ejus femp. efl. in actù; refpectu autem aliorum intelligibilium potefl. efle in potentia. Nec tamen fequitur, quòd quando intellectus efl. in potentia, per aliud agens reducat in actum femp., fed folum, quando efl. in potentia effentiali, ficut aliquis antequam addifcet. Quando autem efl. in potentia accidentali, ficut habens habitum, dum non confideras, potefl. per feipfum exire in actum; nifi dicatur, quod reducit in actum per voluntatem, qua movetur ad actum confiderandum.* Cùm ergo intellectus Angeli fit in actù effentiali ad intelligendum feipfum per fuam effentiam, ad hoc ut feipfum actù intelligat, fufficit, ut velit.

XIV. Ad confirm. diff. confeq. refpectu intellectus alieni, co. conf. refpectu intellectus proprii, nego confequentiam. Mens ergo D. Thomæ in eo loco efl., quòd fola effentia Divina, quia efl. fuum efle, & fuà veritas, uniri potefl. ut forma, qua quicumque intellectus creatus intelligat; non autem effentia alicujus fubftantia feparata. Ex quo inferitur quidem, fubftantiam unius Angeli non poffe uniri ut formam intelligibilem intellectui alterius Angeli, non verò intellectui proprio, cui intimè adefl.

XV. Obftat tertio. Anima humana efl. intellectui hominis maxime præfens: & ramen non intelligit feipfam per feipfam, fed per fpeciem; ergo fimiliter fubftantia Angeli.

Refpondeo, negando, maj. absolute. Anima enim humana, dum efl. corpori conjuncta, non potefl. ut intellectui per fuam fubftantiam fieri immediate præfens intelligibiliter. Cum enim intellectus conjunctus non intelligat, nifi per fpecies erutas ex phantafmatibus, non potefl. animam nifi per illas intelligere: at cùm anima abfoluta erit à corpore, feipfam per feipfam intelliget. Ex quo fit, quòd cùm Angeli fubftantia fit à corpore prorsus abfoluta, fiat immediate præfens angelico intellectui, ut eam per eam intelligat, non per fpeciem.

XVI. Obstat quartò. Nulla substantia creata potest immediatè influere in actionem: unde superius dicebamus, potentiam proximè intellectuam Angeli esse ab ejus substantia distinctam: sed species immediatè concurrat ad intellectionem; ergo substantia creata nequit gerere vices speciei.

Respondeo: majorem esse veram de concursu, seu influxu per modum potentiae, & virtutis potentiae, non verò de concursu, & influxu per modum objecti, qualis est concursus, & influxus speciei: hic enim utpote sequens conditionem objecti, non subordinatur, nec est propter operationem, sed sibi operationem subordinat, & specificat; nec operatio est actio speciei, sed potentiae.

XVII. Hinc exurgit alia responsio, qua negari potest major. Cum enim species, seu obiectum non concurrat ad intellectionem, nisi mediante potentia intellectiva, ad eam non immediatè, sed mediatè solum concurrat; & propterea in substantia Angeli pro casu praesenti distingui possunt duo respectus. Unus ad potentiam; & hic est immediatus in genere causa, quasi formalis, seipsam immediatè uniendo, eamque ad cognitionem sui facundando. Alter ad actionem, efficienter eam producendo; cumque ad hanc non influat, nisi mediante potentia, hanc respicit solum mediatè.

XVIII. Dices. Etò substantia divini Verbi uniri possit humanae naturae ad subsistendum, non tamen ad operandum, nec proximè, nec radicaliter; ergo nec substantia angelica uniri potest intellectui angelico, ut principium intelligendi sive proximum, sive radicale.

Nego consequentiam, quae aperte infatur. Nam substantia Angeli, cum sit ejus natura, esset radicale principium omnium operationum, quae ab Angelo sunt, etiamsi illi non uniretur ut speciei. Disparitas ergo est: quia substantia Divini Verbi non unitur humanitati, nec per modum naturae, ut faciat operationes divinas, nec per modum speciei, ut videat De-

um; sed ut sit in esse personali Deus: unde nullum dicit respectum ad operationes humanitatis. At substantia Angeli ex una parte est ipsius Angeli natura, ex alia est illi species seipsam exhibens, ut ab Angelo cognoscatur: quare ex utraque parte respicit Angeli operationes. Sicut enim divina essentia unita intellectui beato concurrat ad visionem Dei, sic substantia Angeli ad visionem sui.

## §. I V.

### Alia Resolvuntur.

XIX. Quæres primò. An Angelus cognitione abstractiva cognoscens seipsum, naturæ speciei à sua substantia distincta? Scotus affirmat, intelligens per cognitionem abstractivam eam, qua cognosceret essentiam suam, non cognoscendo existentiam, aut suas proprietates, quæ verius præcisiva vocatur.

Dico tamen: Angelum ita seipsum cognoscentem, adhuc uti suam substantiam ut specie, non secundum adæquatam representationem, sed inadæquatam tantum. Cum enim etiam in hac suppositione substantia Angelo esset intimè præsens, & actu intelligibilis, si eam solum cognosceret, & non suam existentiam, & proprietates; adhuc ea ut specie uteretur secundum ejus inadæquatam representationem, non adæquatam. Sicut in sententia Scoti, si Beatus videret divinam essentiam, & non attributa, & relationes; adhuc eam videret per ipsam, ut per speciem, ea utens tamen non secundum adæquatam representationem, sed inadæquatam.

XX. Nec valet dicere: quod si Angelus superior potest cognoscere inferiorem per ipsius speciem à sua substantia distinctam; multò magis id poterit Angelus inferior suam substantiam cognoscens.

Nam respondeo, disparem esse rationem. Etenim substantia Angeli inferioris non est per seipsam intimè præsens, & unita intellectui Angeli superioris.

Y 2

rioris; unde non solum potest, sed debet ei uniri per speciem sui: at ipsi Angelo inferiori sua substantia est semper intem praesens, & intelligibiliter unita; unde seipsam semper ei representat, ac, inutiliter saltem & superflue, alia specie uteretur. Addo: hanc paritatem nimis probare. Probat enim, quod sicut Angelus superior non potest per substantiam Angeli inferioris ipsum Angelum inferiorem cognoscere, sed necessarium debet uti specie ab ea distincta: ita Angelus inferior non posset seipsum per suam substantiam cognoscere, cujus oppositum Scotus admittit.

XXI. Dixi in suppositione, quod Angelus cognoscat suam essentiam, & non suam existentiam, aut proprietates, ut Scotus indulgens sim. Ceterum existimo, huiusmodi cognitionem praesensivam, seu abstractivam sui in Angelo non dari. Cum enim semper habeat substantiam suam sibi praesentem, ac seipsam, uti est in se representantem; censeo omnem cognitionem, quam Angelus habet de seipso, esse quidditativam, intuitivam sui sicuti est, & non abstractivam, seu praesensivam.

XXII. Ex dictis colligo primum. Unum Angelum per suam substantiam non posse cognoscere alios propria cognitione. Substantia enim unius Angeli non potest esse perfecta similitudo alterius; nec formalis, quia non continet formaliter eadem praedicata saltem specifica, & propria alterius Angeli: nec virtualis, seu eminentialis, qualiter essentia Divina continet praedicata creaturarum; cum unus Angelus non sit causa eorum, quae in alio Angelo sunt: sed species serviens cognitioni propriae, & non confusae, debet continere, vel formaliter, vel eminentialiter praedicata obiecti, quod representat; ergo &c. Hinc D. Th. 2<sup>a</sup> 8. de Veris. a. 7. sic discurre: Cum omnis cognitio sit per assimilationem, Angelus per essentiam (tuam) non potest plus de alio Angelo cognoscere, quam hoc, in quo essentia est similis. Unus autem Angelus alteri non assimilatur, nisi in natura communi, & sic sequeretur, quod

nunquam alium non cognosceret cognitione completa.

XXIII. Colligo secundum. Unum Angelum non posse cognoscere alium per essentiam ipsius Angeli cogniti. Essentia enim unius Angeli non potest in ratione speciei immediatè uni intellectui alieno; hoc enim soli Divinae essentiae convenire superius tetigimus, ex D. Thoma, 3. Contrag. c. 51.

XXIV. Quaes secundum. An Angelus cognoscat Deum, per suam essentiam, tanquam per speciem?

Respondeo affirmativè, cum D. Thoma. 1. P. q. 56. a. 3. ubi docet: Quod aliquid tripliciter cognoscitur. Uno modo, per praesentiam suam essentiam in cognoscente, sicut si lux videtur in oculo. Et sic dictum est, quod Angelus intelligit seipsum. Alio modo, per praesentiam suam similitudinis in potentia cognoscentis: sicut lapis videtur ab oculo per hoc, quod similitudo ejus resultat in oculo. Tertio modo, per hoc, quod similitudo rei cognita non accipitur immediatè ab ipsa re cognita, sed à re aliqua, in qua resultat; sicut videmus hominem in speculo. Postquam autem dixit, quod Prima cognitioni assimilatur divina cognitio, quae per essentiam suam videtur: & hac cognitio Dei non potest adesse creatura alicui per sua naturalia: & quod tertia cognitioni assimilatur cognitio, quae nos cognoscimus Deum in via, per similitudinem ejus in creaturis resultantem; Unde & dicimus Deum videre in speculo, subdit: Cognitio autem, quae Angelus per suam naturalem cognoscit Deum, media est inter has duas, & assimilatur illi cognitioni, quae videtur res per speciem ab ea acceptam. Quia enim imago Dei est in ipsa natura Angeli impressa, per suam essentiam Angelus Deum cognoscit, inquantum est similitudo Dei. Quibus docet etiam rationem pro hoc asserto. Si enim essentia Angeli est forma, & species respectu cognitionis sui, debet etiam esse respectu cognitionis eorum, quorum est similitudo; cum ergo essentia Angeli sit similitudo, debet facciendare intellectum ad cognitionem Dei, eo proportionali modo, quo divina essentia est



ratio cognoscendi non solum seipsam, sed etiam creaturas: cum hac tamen diversitate, quod ubi essentia divina seipsam repræsentat primò & per se, creaturas autem secundariò: essentia Angeli repræsentat primò, & per se seipsam, secundariò autem Deum; quia se habet ut speculum, in quo similitudo Dei ex ipso Deo resultat. *Quæres D. Thm. ibi concludit, quod Magis ista cognitio tenet se cum speculari, quia, Et ipsa natura angelica est quoddam speculum divinam similitudinem repræsentans.*

XXV. His tamen verbis indicare videtur S. Thom. essentiam Angeli esse non tantum speciem, seu medium Quo ad cognoscendum Deum, sed etiam, (& magis) medium Quod, seu in Quo; sicut speculum est medium, in Quo similitudo hominis resultat, & cognoscitur. Unde sicut in essentia divina, ut in medio quod, & ut in causa cognoscuntur à priori creaturæ: ita, proportionem servata, in essentia Angeli, ut in speculo, in quo similitudo Dei resultat, tanquam medio in quo cognito cognoscitur à posteriori ipse Deus.

XXVI. Neque officit, quod magis distet essentia Angeli à Deo, quam essentia unius Angeli ab essentia alterius; ideoque si essentia unius Angeli non potest esse medium ad cognoscendum alium Angelum, minus poterit esse ad cognoscendum Deum.

Nam dicam: essentiam Angeli magis quidem distare à Deo, quam ab alio Angelo, distantia entitatis, non tamen distantia medii, & ordinis. Nam essentia Angeli, utpote effectus, & similitudo participata Dei, dicit ordinem ad ipsum, sicut effectus ad causam, & sicut similitudo impressa in speculo ad sumum exemplar: essentia verò unius Angeli hunc ordinem non dicit ad essentiam alterius, ut de se patet.

XXVII. Ex quibus infertur, cognitionem naturalem, quam quilibet Angelus per suam essentiam habet de Deo, esse in quolibet diversam specie, sicut in quolibet essentia, quæ est obiectum primum & medium, diversa specie

est. In quo differt beatitudo naturalis Angeli à supernaturali. Hæc enim cum habeat in omnibus idem obiectum primum, & idem formale medium, ejusdem speciei est in omnibus; at illa ob rationem oppositam, diversæ speciei est in singulis.

XXVIII. Quæres tertio. An habitus supernaturales, qui sunt in intellectu, nempe fides, & lumen gloriæ, cum per inhærentiam sint intimè conjuncti cum intellectu Angeli, & alias sint per se intelligibiles, & actu immateriales, possint eis deservire loco speciei?

Respondeo negativè. Nam cum Angelus non cognoscat proprietates per species proprias, sed per speciem naturæ, cujus sunt proprietates; & fides, lumen gloriæ, alique habitus supernaturales sint proprietates gratiæ, quæ in hoc ordine se habet ut natura; sequitur, quod præfatos habitus cognoscat per speciem. qua cognoscit gratiam. Ad cognoscendam autem gratiam indiget Angelus specie distincta; neque ipsa essentia gratiæ potest uniri, ut species intellectui Angelico ad cognoscendum seipsam. Nam Angelus cognoscit gratiam, non solum pro ut eam habet in se, sed pro ut est communis, & existit in aliis: per gratiam autem, quam unus Angelus habet in se, non potest gratiam cognoscere, quæ est in aliis. Tum quia distincta est; tum quia in aliis potest esse magis, vel minus perfecta, quam ea, quam habet in se; neque eam potest cognoscere per gratiam, quæ est in aliis, siquidem sibi non est unita, quod requiritur ad rationem speciei; ergo specie suppleraddita indiget ad cognoscendam gratiam, & alia dona.

XXIX. Quæres quarto. An substantia Angeli, sicut servit loco speciei impressæ ad cognitionem sui; ita etiam gerat vices speciei expressæ, seu verbi?

Respondeo negativè. Nam licet essentia Angeli propter suam immaterialitatem sit secundum se actu intelligibilis, atque, ut sic, præsens intellectui, non tamen est secundum se actu intellecta,

lecta, neque hæc ratione ei intimè præfens: hoc enim solius essentia, quæ sit actus purus, proprium est. Oportet ergo, ut in ratione actualiter intellecta fiat ei præfens per sui imaginem intra intellectum productam: ut enim docet D. Thom. 1. P. qu. 17. art. 1. *Quicumque intelligit, ex hoc ipso, quod intelligit, procedit aliquid intra ipsum, quod est conceptio rei intellecta, ex vi intellectiva proveniens, & ex ejus nobilitate procedens.* Porro hoc in Angelis contingere docuit 4. *Contrag. cap. 11.* Ubi gradus vitæ intellectivæ distinguens, humanæ, & angelicæ, ait, quod licet intellectus humanus seipsum cognoscere possit, tamen primum suæ cognitionis initium ab extrinseco sumit, nempe, ex phantasmatibus: angelicus vero intellectus ad sui cognitionem non procedit ex aliquo exteriori: sed per se cognoscit seipsum, nondum tamen ad ultimam perfectionem visa ipsorum pertingit: quia licet intentio intellecta sit vis omnia intrinseca, non tamen ipsa intentio intellecta est eorum substantia, quia non est idem in eis intelligere, & esse. Quid autem intendat nomine intentionis intellectæ, exponit subdens: *Dico autem intentionem intellectam id, quod intellectus in seipso conceipit de re intellecta. Qua quidem in nobis, neque est ipsa res, qua intelligitur: neque est ipsa substantia intellectus: sed est quædam similitudo concepta ab intellectu de re intellecta, quam voces externæ significant: unde & ipsa intentio verbum interius nominatur.* Et concludit, quod in solo Deo Verbum sit ejus substantia.

## DUBIUM III.

An ad cognoscendum alia à Se indigeat Angelus Speciebus; an verò ea per suam Substantiam cognoscat?

## §. I.

## Referuntur Opiniones.

**A**ngelum per suam substantiam omnia intelligere senserunt inter ceteros Durandus, in 2. *Dist. 3. qu. 6. nu. 17.* & Gr. Gabriel, Oham &c. quibus adhæsit Vazquez hic *Disp. 100. cap. 1.* alia tamen motu ratione. Durandus enim id sensit; quia existimavit, nullam speciem posse specificè identificari cum substantia Angelii, quam identitatem putat ad perfectam representationem requiri. Gabriel verò, quia putat, ad cognitionem sufficere objectum ad extra propositum, & potentiam. Sed quia sæpe contingit intelligi objectum, quod non est præfens, ut in cognitione abstractiva: idè addidit (& cum eo Oham, & alii) illam abstractivam cognitionem fieri, non à specie, quæ sit similitudo objecti, sed vel ab habitu, vel à determinatione aliqua ex notitia intuitiva in intellectu relicta. Vazquez verò, quia censuit, quod ratio D. Thomæ infirma sit: verius tamen dixisset, quod ejus vim non intellexit, ut ostendimus.

Averroes autem, referente D. Tho. Q. 8. de Verit. 2. 7. dicit: *Quod in substantiis separatis à materia non differt forma, qua est in intellectu, à forma, qua est extra intellectum.* Quod enim apud nos forma domus, qua est in mente artificis, sit aliud à forma domus, qua est extra, procedit ex hoc, quod forma exterior est in materia, forma autem artis est sine materia: & secundum hoc cum Angeli sint substantia, & formæ immateriales... videtur sequi, quod forma, qua unus Angelus intelligitur ab alio, sit idem quod essentia ejus, qua in se subsistit. Sed his non obstantibus.

§. I I.

*Sententia D. Thoma Praefertur.*

II. **D**ico. Angelus intelligit alia à se per species superadditas, non verò per suam substantiam. Speciem aliquam requiri ad cognoscendum, *Dubio praeced.* §. 1. adnotavimus. Neque enim hoc à nobis est hic probandum, sed ex libris de anima supponendum. Cùm enim, Augustino teste, *l. 6. de Trinitate, c. p. 11.* notitia, ad differentiam amoris, se habeat ad modum iustitiam conceptionis, & partus; *Ab utroque enim notitia partur, à cognoscente, & cognito;* oportet, ut, licet ad partum seu conceptionem naturalem, duo, scilicet mater, & iocunda, conjunguntur; ita & ad conceptum, & partum intentionalem duo, nimirum, cognitum, & cognoscens conjungantur, cognitumque sitat se intra potentiam, eam ad sui cognitionem secundando. Vel ergo conjungitur potentia per se ipsum, vel per sui similitudinem; & sic semper requiritur, vel species, vel cognitum ipsum faciens per se, quod faceret per speciem sui.

III. Probatur assertum primò, quòd unus Angelus non possit cognoscere alium, nec per substantiam Angeli cognoscentis, nec per substantiam Angeli cogniti. Non per substantiam cognoscentis: non enim hæc potest substantiam alterius Angelis perfectè, ac distinctè representare, siue ratione similitudinis, & convenientiæ cum ipsa; quia etià similis sit in gradu generico, dissimilis tamen est illi in gradu specifico, & individuali: unde sicut substantia equi non potest representare perfectè substantiam leonis, & substantia unus hominis substantiam alterius, sed solum imperfectè, confusè, & sub ratione communi animalis, & hominis: ita substantia unus Angeli solum posset representare substantiam alterius sub ratione communi spiritus. Nec etiam posset substantiam alterius representare ratione continentiae, eo modo, quo essentia divina re-

presentat creaturas; quia substantia, unus Angeli non est causa substantiae alterius. Unde D. Th. Qu. 8. de Veritate, a. 7. *Quamvis enim* (inquit) *in una specie non sit nisi unus Angelus, tamen in Angelo alicujus speciei aliud crit, quod ei convenit ex ratione sua propria, & aliud, quod ei convenit, in quantum est quoddam individuum, sicut operationes particulares ipsius: & hac secundum modum pradicatum nullo modo de eo alius Angelus cognoscere possit.*

IV. Confirmatur. Duo sunt genera entium. Alia, quæ primo, & per se sunt instituta ut sint; alia instituta, ut representent, qualia sunt imagines, & species. Etò autem hæc posteriora perfectè alia representent, si sint formalis, & perfectè similitudo illorum, quia in illis ratio representandi est similitudo; entia tamen prioris generis alia representare non possunt, nisi ea eminenter contineant per modum causæ: sed essentia Angeli non est per se instituta, ut alium Angelum representet, sed ut sit; aliud, verò non est causa alterius Angeli, cùm hic à solo Deo fiat per creationem; ergo quantumcumque unita, penetrata, & comprehensa, non poterit alium Angelum distinctè representare.

V. Nec etiam unus Angelus poterit alium cognoscere per substantiam Angeli cogniti unitam cognoscenti per modum societatis. Primò, Quia nulla substantia creata potest uniri per modum formæ intelligibilis intellectui alieno, ut docet D. Th. 3. *Contrag. c. 31.* sicut nec ulla substantia creata naturæ alienæ: hoc enim solius essentiae, ac substantiæ Divinæ privilegium incommunicabile est.

Tum, ut docet D. Th. laudata Q. 8. de Veritate, a. 7. Nam Angelus cognoscens, vel esset superior, vel inferior. Si superior: dùm per essentiam Angeli inferioris Angelum inferiorem cognosceret, jam essentia Angeli inferioris esset forma, & perfectio intellectus Angeli superioris, & proinde cò nobilior. Si verò Angelus cognoscens esset inferior, oporteret, quòd es-

tia Angeli superioris menti Angeli inferioris illaberetur: forma enim, qua intellectus intelligit, oportet quod sit intra intelligentem in actu; quod quidem de solo Deo, qui mentis creat Conditor est, & Conservator, & qui solus mentibus angelicis, & humanis illabitur, dici potest. Relinquitur, ergo quod Angelus alium non cognoscat per substantiam sive cognoscentis, sive Angeli cogniti, sed per species ab utraque distinctas.

*V.* Multò minori ratione poterit Angelus per suam substantiam corporalia, & materialia cognoscere. Hoc ostendit S. Tho. 1. P. q. 55. a. 1. hoc discursu. Ut intellectus Angeli posset per suam substantiam omnia alià se perfectè cognoscere, deberet per eam perfectè sic compleri, ut sub ea continerentur omnia, ad quæ potest se extendere: sed sub substantia Angeli non continentur omnia alià, ad quæ intellectus Angeli potest se extendere; ergo &c. Majorem explicat D. Thomas sic. Quia illud, quo intellectus intelligit, comparatur ad intellectum intelligentem, ut forma ejus (forma enim est, quo agens agit) oportet, ut potentia perfectè compleatur per formam, & quod sub ea continentur omnia, ad quæ potentia se extendit. Quia enim in rebus corruptibilibus forma non perfectè complet potentiam materiæ, nam potentia materiæ ad plura se extendit, quàm sit continentia formæ hujus, vel illius; ideo hæc, vel illa forma non potest esse principium quo omnium, ad quæ se extendere potest materia. Min. vero prob. Nam potentia intellectiva Angeli se extendit ad omnia, quia objectum intellectus est ens, seu verum commune: ipsa autem essentia Angeli non comprehendit in se omnia, cum sit essentia determinata ad genus, & ad speciem. Hoc enim solius essentia Divinæ proprium est, ut in se omnia simpliciter perfectè contineat, quia infinita est.

*VII.* Secundò prob. ratione ejusdem S. Doct. Q. 7. de Verit. a. 8. Ut substantia Angeli esset forma, qua cognosceret res materiales, deberet inter i-

stas, & illam dari similitudo, quia cognitio fit per assimilationem; similitudo autem attenditur secundum convenientiam in forma: atqui inter substantiam Angeli, & res materiales hæc similitudo non datur; ergo &c. Min. prob. impossibile est, quod aliqua duo sint invicem similia, nisi vel quia unum est causa alterius; vel quia ambo ab una causa causentur, quæ eandem formam utrique imprimat: sed Angeli non sunt similes rebus materialibus, quia sint causa eis dans esse; non enim ponimus (ut Philosophi posuerunt) quod Angeli sint causa materialium rerum, sed Deum Creatorum omnium visibilium, & invisibilium; ergo restat, quod Angeli sint rebus materialibus similes, quia similitudinem habent sibi ab alio impressam, qui sit rerum materialium causa: at omne id, quod aliquid habet non à seipso, sed ab alio, est ei præter essentiam suam; ergo similitudines materialium rerum, insunt Angelo præter essentiam suam; ergo per essentiam suam eas non cognoscit, sed per formas, seu species apud se existentes.

## 6. I I I.

### *Contrariis Respondetur.*

*VIII.* **P**rimò opponens, unum Angelum alium intelligere posse absque specie superaddita. Tunc enim ista superfluit, quando objectum, cui cognoscendo intellectus applicatur, est per se actu intelligibile, quia immateriale, & præsens cognoscenti: sed Angelus cognitus est immaterialis, & potest esse præsens & indistans Angelo cognoscenti; ergo &c.

Urgetur primò. Non magis actualis est species accidentalis, quam ponimus, quam sit Angelus cogniti essentia; ergo si species illa potest esse forma intelligibilis, cur non ipsa Angelus substantia? Maximè quia species solum requiritur, ut suppleat defectum objecti.

Urgetur secundò. Magis distat ab intellectu Angeli essentia Dei, quàm essen-

essentia alterius Angeli: sed illa, ut diximus in *Tract. de Visione*, uniri potest ut forma intellectui angelico: ergo & alterius Angeli essentia.

Urgetur tertio. Nam S. August. lib. 9. de Trinit. cap. 3. *Mens* inquit *ipsa sicut corpoream rerum notitiam per sensus corporis colligit, sic incorpoream per semetipsam*.

IX. Respondetur, distingu. maj. & præsens præsentia intencionali, conc. maj. præsentia physica sola, nego maj. & nego min. intellectam de præsentia, tam physica, quam intencionali, & consequ. *Intelligibile enim* (ait D. Th. 2. Contr. cap. 98.) *est intra intellectum quantum ad id, quo intelligitur: nulla autem substantia illabitur menti, nisi solus Deus, qui est in omnibus per essentiam, presentiam, & potentiam. Impossibile igitur videtur, quod substantia separata per essentiam suam intelligatur ab alia, & non per similitudinem ejus in ipsa. . . . Unde substantia separata, quamvis sit per se intelligibilis actu, non tamen secundum se intelligitur, nisi ab intellectu, cui est unum: sic autem substantia separata seipsam intelligit per essentiam suam.* Hæc D. Thomas, quæ clara sunt.

X. Ad id, quod primò urgetur, dico: quod omisso, an species sit, vel non sit magis actualis, quàm substantia Angeli, quam repræsentor: est tamen ratio deferens substantiam Angeli, eamque faciens unum cum intellectu: & est actu intelligibilis, non solum ut quod, sed etiam ut quo proximè, & ad hunc defectum supplendum requiritur. Hinc;

XI. Ad id, quod secundò urgetur, respondeo: essentiam divinam magis quidem distare ab intellectu unius Angeli, quàm essentiam alterius, distantia in ratione entitatis, non distantia in ratione perfecti, & perfectibilis: cum enim sit in ratione intelligibilis actus purissimus, potest in quemcumque intellectum per seipsam illabi, eique intus præsens fieri, & intencionaliter illum perficere: quod respectu intellectus alieni nulli essentia creatæ potest convenire.

Tom. V.

XII. Ad id, quod tertio urgetur, respondeo: S. Augustinum, vel loqui de mente in ordine ad cognitionem sui; unde statim subiungit: *Ergo &c. semetipsam per seipsam movet, quoniam est incorporea.* Ita respondet etiam S. Thom. Qu. 8. de Verit. art. 7. ad 4. Vel alio modo: ut verba Augustini referantur ad objectum cognitionis, non ad formam qua cognoscitur. Nam objectum sensus, & imaginationis sunt exteriora accidentia, quæ sunt similitudines rei, & non res ipsa; sed objectum intellectus est quodquid est, id est ipsa essentia rei. Unde concludit: *Et sic similitudo, quæ est in intellectu, est similitudo directæ essentia ejus; similitudo autem, quæ est in sensu, vel imaginatione, est similitudo accidentium ejus.* Hæc D. Thomas.

XIII. Secundò oppones. Ut substantia unius Angeli uniatur intencionaliter intellectui alterius, vel non requiritur illapsus in illum; vel si requiritur, non est Angelo impossibilis: ergo &c. Probatur prima pars. Primò. Nam species accidentalis unius Angeli nuncit intellectui alterius sine illapsu. Secundò. Unio per modum formæ intelligibilis, cum sit præcisè ad intelligendum, debet esse purè intencionalis: ergo non petit illapsum: maxime quia nec essentia divina dùm unitur per modum speciei, unitur menti Beati per verum illapsum.

Secunda pars probatur. Tùm ex illo, Joann. 13. v. 27. ubi dicitur de Juda: *Et post buccellam introivit in eum Satanai: at non in corpus, cum illud non torqueret; ergo in animam.* Secundò. Angelus animam separatam localiter movet; unde, Luca 16. v. 22. dicitur de anima Lazari: *Factum est, ut portaretur ab Angelis in sinum Abrahe;* ergo aliquid in ea operabantur; ergo per illapsum. Quod confirmat D. Thom. Quolib. 2. 2. 13. ubi, ex August. 22. de Civit. Dei c. 6. ait: *Quòd Dæmones per necromantiam potestate superiorum Dæmonum alligantur aliquibus imaginibus, vel aliquibus aliis rebus; ergo Angelus superior potest illabi essentia Angeli inferioris. Tandem Angelus superior illuminat inferiorem; ergo menti ejus illabitur.* Z XIV.

XIV. Respondetur, negando antedens pro utraque parte. Ad primam probat. primæ partis disparitas est. Quia ad unionem speciei accidentalis satis est, ut præcedat unio per inhærentiam, quæ non est in essentia, sed quasi circumstans eam. Sed substantia unius Angeli cum non possit per inhærentiam, aut informationem uniri menti alterius, non restat alius modus, quo possit ei uniri, nisi per illapsum; vel saltem quoddam hæc unio debeat præcedere, ut in ea possit producere cognitionem. Quamvis enim, unio per modum formæ intelligibilis formaliter sit purè intentionalis; hæc tamen necessario supponere debet aliam unionem in esse entitativo, quæ sit, vel per inhærentiam, vel per informationem; vel demum per intimum illapsum; qui etiam supponitur in essentia divina, ad hoc ut unatur in ratione speciei. Quare D. Thomas supra laudatus, 2. Contrag. c. 98. *Intelligibile (inquit) est intra intellectum quantum ad id, quo intelligitur; nulla autem substantia illabatur menti nisi solus Deus.* Et per hoc patet responsio ad secundum.

XV. Hoc idem docuerat S. Bernardus. Tum, lib. 5. de Considerat. cap. 3. ubi ponens differentiam inter operationem Dei, & angelicarum potestatum in nobis: *Facimus (inquit) & illa, sed in comparatione ejus non facimus... Adsums Angeli, & Archangeli: sed ille germanior nobis, qui non modò adest, sed inest. Quod si dicat, posse inesse & Angelum, non inficior. Memini scriptum: & Angelus, qui loquebatur in me. Atqui differentia & in hoc. Inest Angelus suggerens bona, non ingerens: inest hortans ad bonum, non bonum creans. Deus sic inest, ut afficiat, ut infundat, vel potius, ut infundatur, & participetur; ita ut unum perinde cum nostro spiritum esse dicere quis non timeat... Angelus ergo cum anima, Deus in anima. Deinde concludit, Deum esse, & operari in anima, sicut anima est, & operatur in corpore; quæ Videt in oculis, audit in auribus, odorat in naribus, in faucibus gustat &c. Tum sermo*

5. in Cantica dicens: *Illud autem scitote, nullum creatorum spirituum posse nostris mentibus applicari; ut videlicet nullo mediante nostro, sive corporis instrumento, ita nobis immisceatur, vel infundatur, quo ejus participatione docti, sive doctiores, vel boni, sive meliores efficiamur... Nec ipsi Angeli ita se alterutrum capiunt.*

XVI. Ad primam probat. secundæ partis respondet D. Thom. in Cap. 13. Joann. lect. 4. quod Dæmon potest intelligi dupliciter intrare in hominem: vel in corpus hominis, & sic intrat, in eos, qui ab ipso vexantur; vel in mentem, ita quod menti Dæmon essentialiter illabatur. Et sic nullus potest intrare in hominem nisi solus Deus... nihil enim potest in ea esse, nisi quod ei dat esse, quod est ibi per virtutem suam: ubi autem est virtus Dei, ibi est & essentia Dei... Manifestum est ergo, quod Deus essentialiter est in anima. Dicitur tamen Diabolus illabi mentes humana per effectum, & affectum malitiæ, in quantum scilicet homo ab eo seductus sequitur eum ad perpetrandum malum. Deinde observans, quod cum supra dictum esset: *Cum Diabolus jam misisset in cor, ut traderet, potest;* dicitur: *Intravit in eum Satan;* quærens quid interlit inter mittere, & interiorare, dicit: *Tunc enim dicitur Diabolus immittere aliquod malum in cor humanis, cum homo præbet ei assensum ad malum, tamen cum quadam trepidatione, an hoc facere debeat. Sed tunc intrat in cor, quando homo totaliter dat se ad sequendum eum instinctum, & in nullo ei resistit. Intravit ergo in eum Satan, ut plenius possideret, & ad perpetrandum malitiam duceret, in quem prius miserat ut desperet. Itaque Satan intravit in judam per effectum, & affectum malitiæ, quam in eum per suggestionem immiserat.*

XVII. Ad secundam prob. vel dico: quod anima Lazari dicitur portata ab Angelis in sinum Abraham; in sensu improprio, nimirum Angelorum plausu, & honore; eo planè modo, quo (ait D. Tho. in 4. Dist. 44. 2. 3. ad 2.) Corpora gloriosa dicuntur ferri bajulis An-

gelis, & etiam in nubibus.... ad reverentiam designandam, qua corporibus gloriosis, & ab Angelis, & ab omnibus creaturis deferretur. Vel si verè ab Angelis deferretur anima Lazari, hoc erat virtute divina, cuius Angeli erant instrumentum, ad quod non requiritur illapsus in animam: sicut nec Sacramentum, nec Minister dum animam mundat, in eam illabi necesse est; quia agit ut instrumentum Dei, cuius sola operatio est, quæ animam tangit, ut docet D. Tho. 3. P. Q. 64. a. 1.

XVIII. Ad confirmat. ex D. Thoma dico: illam alligationem inferiorum à Daemonibus superioribus, si ab istis principaliter fiat, & non divina virtute, non provenire ab eis physice, sed tantum moraliter, nimirum imperio, quatenus Dæmon inferior subordinatus est superiori, eique obedit, maxime in hominis perniciem procuranda. Unus autem Angelus dicitur illuminare alium, non agendo in ipsum, sed ei manifestando veritatem, quam ipse cognoscit, ut docet D. Tho. 1. P. q. 106. a. 1.

XIX. Terriò oppones, Angelum omnia alia etiam materialia per suam substantiam cognoscere. Angelus perfectè, & comprehensivè cognoscit suam potentiam intellectivam, quæ ad omnia cognoscibilia se extendit: sed qui comprehensivè cognoscit causam, cognoscit in ea, & ex vi illius omnia, ad quæ causa illa se extendit; ergo suus intellectus, & sua substantia, quæ est radix illius, est Angelo ratio cognoscendi omnia alia à se.

XX. Respondeo, dist. min. qui &c. cognoscit causam adæquatam, cognoscit &c. co. min. causam inadæquatam, nego min. Sicut ergo, qui comprehensivè cognosceret materiam, non cognosceret distinctè omnia, quæ possunt ex illa fieri, sed ad summum confusè; quia materia non est causa adæquata compositi, cum ulterius requiratur forma determinans materiam ad talem, vel talem speciem: ita Angelus comprehensivè cognoscens suam potentiam intellectivam, non cognosceret distinctè omnia cognoscibilia; quia causa adæquata cognitionis distinctæ non est

sola potentia intellectiva, nisi ei superveniant species eam determinantes ad talis vel talis objecti cognitionem. Unde D. Thomas, hac 1. P. q. 55. a. 1. ad 3. Dicendum (inquit) quod ea, quæ sunt infra Angelum, & ea, quæ sunt supra ipsum, sunt quodammodo in substantia ejus, non quidem perfectè, neque secundum propriam rationem; cum Angeli essentia finita existens secundum propriam rationem ab aliis distinguatur, sed secundum quandam rationem communem. In essentia autem Dei sunt omnia perfectè, & secundum propriam rationem, sicut in prima, & universali virtute operativa, à qua procedit quicquid est in quacunque re proprium, vel commune. Et idè Deus per essentiam suam habet propriam cognitionem de rebus omnibus, non autem Angelus, sed solum communem.

XXI. Sed dices. Res materiales melius cognoscuntur in essentia divina, quàm in propriis naturis; sed essentia Angeli propinquior est essentia divinæ, quàm res materiales; ergo cum eas nos cognoscamus in propriis naturis, melius eas cognoscet Angelus in propria essentia.

Confirmabis. Intellectus angelicus medius est inter divinum, & humanum: sed intellectus divinus omnia cognoscit per essentiam suam, humanus autem omnia per species; ergo angelicus ad minus aliqua cognoscet per essentiam suam.

XXII. Respondeo cum D. Tho. Q. 8. de Verit. a. 8. ad 1. Quod essentia Divina est infinita, unde non determinatur ad aliquod genus, sed colligit in se perfectiones omnium generum... essentia autem Angeli est determinata ad aliquod genus; unde non habet in se unde sit similitudo materialium omnium, nisi, ei aliud superaddatur, quo res in propria natura cognoscatur.

Ad conf. respond. cum eodem, ibi ad 6. Quod intellectus Angeli, quantum ad hoc, medius est inter intellectum divinum, & humanum, quod res alias cognoscit per formas essentia superadditas. in quo deficit ab intellectu divino; se autem cognoscit per essentiam, in quo excedit intellectum humanum.

Z 2

DU.

## DUBIUM IV.

Q. 55. a. 2. Q. 8. de Verit. Q. 9. 2. Contrag. c. 96. &amp; in 2. diff. 3. q. 4. 2. a. 2.

An Species, quibus Angelus cognoscit  
alia à se, sint illi à Deo infusæ;  
an à rebus ipsis acceptæ?

§. I. I.

*Resolvitur de Rebus Materialibus.*

§. I.

*Opiniones Recensentur.*

I. **L**oquimur universaliter circa omnia objecta, nedum materialia, & sensibilia, sed & immaterialia, naturalia tamen: supponimus enim, ad cognoscenda supernaturalia, & mytheria gratiæ uti Angelum speciebùs à Deo infusis.

II. In hac quaestione Scotum habemus contrarium, ejusque scholam. Eisd. enim non neget Angelo fuisse infusas aliquas species, maximè ab initio suæ conditionis; de eo enim, *Exech. 28. v. 11. dicitur: Tu signaculum similitudinis plenus sapientia, & perfectus decore.* Et v. 15. *Perfectus in viis tuis à die conditionis tuæ, donec inventa est iniquitas in te.* (Hanc autem cognitionis perfectionem habere non potuit per species acquisitas, cum in tam brevi mora, qualis fuit inter Angelorum conditionem, & aliquorum peccatum, non potuerint applicari omnibus obiectis ad hauriendam ex illis cognitionem.) Attamen circa ea, quæ ab initio nota eis non fuerunt, & decursu temporis evenerunt, & adhuc eveniunt, ab ipsis species acquirere autumat. Imò si per accidens ab initio eis species aliquorum non fuissent infusæ, potuissent eas ab ipsis rebus, dum præsentibus sunt, acquirere ad habendam de eis notitiam intuitivam; & proinde in eis ponendum esse intellectum agentem, qui sit virtus talium specierum, à acquisitiva.

III. Ab opposito autem S. Thomas, ejusque discipuli cum majori Theologorum parte negant, Angelos accipere species à rebus; sed asserunt, omnia per species à Deo Conditorè immediatè infusas, sive supernaturalia, sive naturalia, sive immaterialia, sive materialia cognoscere. Ita S. Doct. hac

IV. **D**ico primò. Angelus de factò non intelligit per species, quas à rebus sensibilibus acquirit. Probatur primò, ex superiùs allato testimonio Ezechielis, ubi Angelus dicitur *Plenus sapientia, & perfectus decore à die conditionis suæ.* Quòd si plenus fuit sapientia, si perfectus decore; ergo nihil illi defuit ad rerum cognitionem, non in universali tantum, & confusè, sed in particulari, & distinctè; non solum quoad supernaturalia, sed etiam quoad naturalia. Sicut enim Angelus non, ut homo, acquirit successivè perfectionem in esse, ita nec eam acquirere debet in cognitione. Imò si Deus hominem ab initio condidit perfectum tam anima, quàm corpore; multò verius de Angelo id dicendum videbitur.

V. Hoc idem roboratur auctoritate D. August. lib. 2. de Genes ad lit. cap. 8. ubi docet, quod *Condito collatus erat in Verbo Dei secundum generatam sapientiam; deinde facta est in creatura spiritali, hoc est, in cognitione Angelorum secundum creatam in illis sapientiam:* atqui non poterat sapientia in Angelis creari absque speciebus; ergo in Angelis fuerunt creatæ rerum species, & idæ, quæ in Verbo genitæ fuerant: sed species, seu sapientia in Verbo genita, non fuit rerum, in universali, sed in particulari; ergo species, seu sapientia creata in Angelis, non fuit rerum in universali, sed in particulari, non confusa, sed distincta.

VI. Dico secundò. Non potest Angelus propter perfectionem suæ naturæ acquirere species à rebus materialibus, sed ex natura sua petiit illas habere infusas à Deo; & sic caret intellectu agente, seu principio acquisitivo specierum à rebus materialibus.

Probatur primò. *Angeli magis excedunt corpora omnia, quàm corpora superiora excedant inferiora; sed corpora su-*

pe-



periora propter sui nobilitatem non recipiunt aliquam impressionem à corporibus inferioribus; ergo multò minus intellectus angelici aliquas formas à corporibus rebus accipiunt, quibus intelligunt. Ita arguit D. Thomas, Qu. 8. de Verit. art. 9. in argum. Sed contra

VII. Confirmat hanc rationem hac r. P. qu. 55. art. 2. sic. Talis debet statui distinctio, & ordo inter substantias spirituales, qualis est inter corporales; sed inter substantias corporales hæc est distinctio, & is est ordo; ut superiores, quales sunt cæli, habeant potentiam in sui natura totaliter perfectam per formam; ita ut ab initio nihil eis deest virtutis ad suas operationes exercendas: inferiores verò, quales sunt sublunares, habeant materiam non totaliter perfectam per formam, sed accipiant nunciam, nunc aliam formam ab aliquo agente; ergo similiter inter substantias spirituales, ea, quæ interior est, scilicet anima humana, non habet potentiam intellectivam statim totaliter completam; sed complebitur successivè per hoc, quod accipiat formas intelligibiles à rebus: substantiæ verò spirituales superiores, quales sunt Angeli, habebunt potentiam intellectivam naturaliter completam per formas, seu species intelligibiles omnium rerum, quas possunt intelligere.

VIII. Probatur Secundò ratione eisdem S. D. citato loco. Angelus est omnino absolutus à corpore in esse, cum sit substantia immaterialis per se subsistens; ita ut nec uniatur, nec uni possit corpori per modum formæ; ergo neque à corpore accipere potest suam formam intelligibilem. Conf. prob. Tum quia: modus acquirendi perfectio nem est juxta modum essendi. Tum, quia: idè anima humana acquirit suam perfectionem intelligibilem à corporibus; quia habet esse affine corpori, inquam modò est corporis forma. Et idè ex ipso modo essendi competit ei, ut à corporibus, & per corpora, suam perfectionem intelligibilem consequatur, alioquin frustra corpori uniretur; ergo ab opposito, quia Angeli sunt in esse pro-

priè absoluti à corporibus, ex ipso modo essendi competit eis &c. Et idè suam intelligibilem perfectionem consequuntur per intelligibilem effluxum, quo à Deo species rerum cognitarum accipiunt simul cum intellectuali natura. Unde August. dicit lib. 2. de Gees. ad litt. cap. 8. quòd cetera quæ infra Angelos sunt, ita causantur, ut fiant in cognitione rationalis creatura, ac deinde in genere suo. Ita S. Thomas.

IX. Respondebit Scotista cum Scoto: hinc inferri solum, quòd Angelus non possit accipere species à rebus materialibus ministerio sensuum, sicut eas accipit anima humana conjuncta corpori; non verò quòd eas non accipiat immediate ab ipsis materialibus objectis, beneficio intellectus agentis, qui in Angelo ponendus est.

X. Sed contra primò. Nam vel intellectus Angeli sumit suas species ab objectis jam cognitis per alias potentias cognoscentes; præter intellectum, vel non, sed eas immediatè haurit ab ipsis objectis. Si primùm; ergo jam supponitur in Angelo cognitio sensitiva; quia obiectum non præsupponitur cognitum ante cognitionem intellectivam, nisi per sensum, ut in nobis contingit. Si verò secundum; ergo obiectum materiale immediatè agit, & movet intellectum Angelici, qui est potentia spiritualis, quod repugnat. Si enim obiectum materiale non potest immediatè movere intellectum humanum; multò minus movere poterit immediatè angelicum.

XI. Si dicas: species illas per intellectum agentem Angeli purificari, & spiritualizari; sicque intellectus præsentari, ut per eas cognoscat.

In hoc sic. Ergo species illæ sic purificatæ erunt sicut species nostri intellectus repræsentantes res depuratas à conditionibus materialibus, & individualibus; ergo non repræsentabunt directè ipsa singularia, sed parient in Angelo, cognitionem solum in communi, & valde confusam. Cùm enim Angelus careat sensibus, & phantasmatibus, ad quæ se convertens intellectus noster, indirectè saltem, & reflexè cognoscit.

gnoscit angularia, sequeretur, quod Angelus nullo modo ea cognosceret; sicut nec species illa ab eis separata, nullo modo ea repræsentaret: & sic deterioris conditionis esset quoad singularia materialia cognitio Angeli, quam nostra.

XII. Inso secundò. Obiectum materiale, vel concurreret ad formandam speciem intelligibilem in intellectu Angeli, ut causa instrumentalis, eo modo, quo in nobis occurrit phantasma; vel per modum causæ principalis. Non primum; aliàs non sibi assimilaret cognitionem, cum effectus non assimiletur causæ instrumentali. Non secundum; quia si obiectum materiale nequit immediatè, sed solum medio phantasmate ipsum quodammodo elevari, concurrere ad formandam speciem intelligibilem in nobis; multò minus id poterit ad formandam speciem intelligibilem in Angelo, quæ magis spiritualis esse debet.

XIII. Inso tertio. Intellectus Angelicus purè spiritualis, & obiectum purè materiale nequeunt invicem intelligibiliter uniri, nisi aliquo medio proportionentur; non enim fit transitus ab extremo ad extremum, nisi per medium; atqui medium proportionans obiectum purè materiale, ut possit uniri cum intellectu, est imaginatio, seu species in phantasia, quæ est forma sine materia cum conditionibus tamen materiæ; ergo vel in Angelo ponenda est imaginatio, & consequenter corpus; vel si non; non poterit in eo formari species intelligibilis accepta à rebus materialibus. Ita S. Tho. hac Q. 55. a. 2. ad 2. & Q. 8. de Veritate a. 9. ubi sic concludit: *Et ideo dicendum videtur, secundum quod tertia opinio dicit, quæ communior est & verior, quod Angeli per formas innatas, & cognoscunt. Sicut enim ex rationibus æternis in mente divina existentibus procedunt formæ materiales ad rerum substantiam; ita procedunt à Deo formæ rerum omnium intelligentes Angelicas ad rerum cognitionem; ut sic intellectus Angeli nostrum intellectum excedat, sicut res formata excedit materiam informem. Unde intel-*

*lectus noster comparatur tabulæ, in qua nihil est scriptum; intellectus autem Angeli tabulæ depicta, vel specula, in qua rerum rationes resplendent.*

## §. III.

*Corollaria ex dictis.*

XIV. **E**X his infero primò cum D. Thom. 2. Contrag. c. 96. *Quid in substantiis separatis non est intellectus agens, & possibilis, nisi forte, æquivoce. Intellectus enim possibilis, & agens in anima intellectiva invenitur, propter hoc, quod accipit cognitionem intellectuam à sensibilibus. Nam intellectus agens est, qui facit, species à sensibilibus acceptas esse intelligibiles; intellectus autem possibilis est in potentia ad omnes formas sensibilibus cognoscendas. Cum igitur substantia separata non accipiant cognitionem à sensibilibus, non est in eis intellectus agens, & possibilis.* Ita S. Thomas.

XV. Sed dicit Scotus. Potentia activa, quæ absque imperfectione tribuitur naturæ inferiori, non est deneganda superiori: sed intellectus agens tribuitur hominibus, qui sunt Angelis inferiores; ergo multò magis &c. Quod confirmat. Natura enim nobilissima debet in se habere eas virtutes, quibus suam æsequi possit perfectionem: sed rerum cognitio, quæ est Angelis perfectio, solius intellectus agentis beneficio comparari potest; ergo &c.

XVI. Retorqueri potest instantia. Si enim omnis virtus, quæ absque imperfectione tribuitur naturæ inferiori, non est deneganda naturæ superiori, & huiusmodi est intellectus agens; ergo etiam in Deo, in quo omnis perfectio, quæ in inferioribus sine imperfectione reperitur, poni debet, accedit intellectus agens, quod Scotus non admittit.

XVII. Respondent ergo Nostres, & bene, maj. esse veram de perfectione simpliciter simplici, quæ nullam involvit, nec supponit imperfectionem; fecis de perfectione solum in tali determi-

mi.

minato genere, qualis est intellectus agens. Hic enim, sicut discursus, perfectio quidem est supra bruta; quia facit hominem intelligere, & non solum sentire, sicut bruta, quæ non intelligunt, sicut nec discunt; cæterum sicut discursus perfectio est imperfectionem supponens, ita & species per intellectum agentem acquirere; supponit enim intellectum esse spoliatum omni formâ intelligibili, & in potentia ad illas. Quod repugnat naturæ substantiæ separatæ, quæ petit statim esse perfectam omnibus speciebus, sicut & in principio cognoscere conclusionem; ideo sicut in Angelis maior perfectio est carere discursu, ita & carere virtute formativâ & acquiritivâ specierum ad intelligendum.

XVIII. Ad confirmat. nego maj. Habere enim virtutes, quibus possit natura suam assequi perfectionem, supponit eam, suam perfectionem non habere, sed esse in potentia ad illam; perfectius est autem suam perfectionem statim habere, quam posse illam sibi acquirere. Sic perfectius est habere perpetuitatem in esse, quam media virtute generativâ illam successive acquirere; ideoque illud vis generativâ sit in homine, in Angelo tamen non est.

XIX. Replicabis. Perfectius est habere perfectionem propriis viribus acquisitam, quam illam habere ab alio acceptam; & hæc ratione in Christo ponitur scientia acquisita. Imò quamvis haberet scientiam infusam, adhuc tamen in eo fuit, & scientia acquisita, & intellectus agens, quo posset ab objectis species accipere; ergo similiter, etsi Angelis ab initio fuerint infusæ species, adhuc tamen locus est, ut in eis ponatur intellectus agens.

XX. Respondet, perfectius fortè esse acquirere perfectionem propriis viribus, quam illam habere ab alio, si cetera sint paria; non tamen si perfectio, quæ haberetur ab alio, sit longè maior, quam ea, quæ propriis viribus acquiritur. Sic perfectius homo possidet beatitudinem, quam bruta, etsi homo viribus gratiæ, bruta autem viribus propriis ad eam perveniant; quia

beatitudo hominis longè altior est, ut docet D. Thom. 2. 2. qu. 5. art. 5. ad 2. *Sicut melius est dispositus ad sanitatem, qui potest consequi perfectam sanitatem, licet hoc sit per auxilium medicinæ, quam qui potest consequi imperfectam sanitatem sine medicinæ auxilio.* Et perfectior est Angelus in suo esse naturali, quàm homo, quamvis hic ad statum perfectum suis viribus perveniat, Angelus verò illum à Deo Creatore statim habeat. Sic perfectior erit, quamvis à Deo acceperit species ad cognoscendum, quàm homo, qui propriâ virtute eas acquirit; quia cognitio Angelî, longè perfectior est, quam cognitio hominis.

Neque juvat exemplum de Christo. Ut enim docet D. Thom. 3. P. 9. q. 4. cū in Christo esset natura humana, nihil ei decisse debuit eorum, quæ Deus in natura humana plantavit; & proinde in eo poni debuit intellectus agens, sicut in cæteris hominibus; qui, ne sua careret operatione, debuit etiam in Christo abstrahere species à phantasmatibus, & consequenter ponenda fuit in eo scientia accepta à rebus, quæ est acquisita. Quod autem in eo esset scientia infusa, hoc erat per accidens, & non ex conditione naturæ humanæ, quæ petit cognoscere per species acceptas à rebus. Contrarium autem evenit in Angelis. Horum enim natura (sicut & cœlestium corporum) petit statim omni suâ perfectione ad ellendum, & cognoscendum esse imbuta. Quare facere, ut per species acceptas à rebus cognoscere, ellet operari vel contra, vel supra modum connaturalem ipsius.

XXI. Infero secundò, ex eodem D. vo Thoma, 2. Contrag. c. 96. citato *quod localis distantia cognoscantem animam separatam impedire non potest. Localis enim distantia per se comparatur ad sensum, non autem ad intellectum, nisi per accidens, inquantum à sensu accipit. Nam sensibilia secundum determinationem distantiam movent sensum; intelligibilia autem secundum quod movent intellectum, non sunt in loco. cum sint à materia corporali separata.* Cum igitur

igitur substantia separata non accipiant intellectivam cognitionem à sensibilibus, in eorum cognitionem distantia localis nihil operatur. Ita D. Thomas.

XXII. Sed dices. S. Augustinus, lib. de Cura gerenda pro mortuis, cap. 13. de animabus defunctorum loquens, ait: *Ibi ergo sunt spiritus defunctorum, ubi non vident quicumque aguntur, aut eveniunt in ista vita hominibus.* Ergo distantia localis impedit cognitionem animarum separatarum; ergo & Angelorum. Quod asserit Greg. lib. 12. Moral. c. 24.

Secundò. Angelus, ut agat, debet conjungi loco, nec in omni distantia agere potest, ut supra diximus: sed agit per cognitionem; ergo localis distantia impedit &c.

XXXIII. Respondetur cum D. Thom. 1. P. q. 29. a. 1. neg. primam consequentiam. Non enim, quòd animarum mortuorum quæ hic aguntur nesciant, vult Augustinus hujus ignorantia causam esse localem distantiam: sed quia, ut ibidem ait, nostris rebus non interfunt. Cùm enim, ut docet D. Thom. loco relato, 2. 8. *Animarum mortuorum secundum ordinationem divinam, & secundum modum essendi segregata sint à conversatione viventium, & conjuncta conversationi spiritualium substantiarum, quæ sunt à corpore separata.* Unde ea, quæ apud nos aguntur, ignorant. Quam rationem indicat quoque S. Gregorius laudato loco.

XXIV. Hæc tamen intelligenda sunt de cognitione naturali, ait Divus Thomas ibi. Nam si de animabus Beatis sermo sit, probabilius censet cum D. Gregorio citato, quòd animarum Sanctorum Deum videntes omnia præsentia, quæ hic aguntur, agnoscant. Sunt enim æquales Angelis, neque Augustinus dissentit. Unde ad verba citata præmissa: *Ut valet, accipiant quisque, quod dicant.* Quibus verbis indicat, dùm ait, animas mortuorum quæ hic aguntur ignorare, non asserendo, sed dubitando dixisse.

XXV. Verùm admissa opinione Augustini, nescire animas separatas, quid

hic agatur; id tamen de Angelis inferendum non est. Etenim, idem Augustinus, c. 15. ibidem postquam ait, animas defunctorum nescire id, quod hic agitur, sed dùm hic agitur, audire tamen postea; exponens, à quibus audiant, dicit, primò eas audire ab eis, qui hinc ad eas transeunt moriendo; unde præmiserat: Abrahamum quid diviti damnato contigisset in terris, Lazaro indicante didicisse. Deinde subdit: *Possunt & ab Angelis, qui rebus, quæ aguntur hic, præsto sunt, audire, aliquid mortui, quod unumquemque illorum audire debere judicat, cui euncta subiecta sunt; nisi enim essent Angeli, qui possent interesse vivorum & mortuorum locis, non dixisset Dominus Jesus: contigit autem mori inopem illum, & asserit ab Angelis in sinum Abrahæ.* Sic ergo dico. Spiritus defunctorum, secundum Augustinum ignorant quæ hic aguntur, quia vivorum rebus non interfunt: sed Angeli rebus vivorum interfunt, ac præsto sunt, ut idem Augustinus fateatur; ergo &c.

Ad secundum dico; Angelum agere cognitione practica, & ab hac certè aliquando locali distantia impeditur, ut supra diximus. Non tamen agit cognitione contemplativa, & hanc dicit D. Thomas locali distantia non impediri. Unde, 1. P. qu. 55. art. 2. ad 3. *Cognitio (inquit) Angeli indifferenter se habet ad distant, & propinquum secundum locum. Non tamen propter hoc movetur localiter ad cognitionem accipiendam, sed ad operandum aliquid in loco.*

## §. I V.

*Resolvitur de Rebus Immaterialibus.*

XXVI. **D**ico tertio. Nec potest Angelus res immateriales intelligere per species ab ipsis rebus immaterialibus acceptas; sed unice per species à Deo ipsi in eius creatione infusas. Est expressa D. Thomæ. Nam 1. P. q. 56. a. 2. *Unicusque (inquit)*  
[p]

*Spiritualium creaturarum à Verbo Dei impressa sunt omnes rationes rerum omnium tam corporalium, quam spiritualium. Ita tamen, quod unicuique Angelo impressa est ratio sua speciei secundum esse naturale & intellectuale simul; ita scilicet, quod in natura sua speciei subsisteret, & per eam se intelligeret. Aliarum vero naturalium tam spiritualium, quam corporalium rationes sunt ei impressa, secundum esse intellectualem; ut videlicet per huiusmodi species impressas tam creaturas corporales, quam spirituales cognosceret. Ut Qu. 8. de Verit. a. 7. relatis variis dicendi modis concludit: Unde alius modus est eligendus, ut dicatur, quod unus Angelus alios cognoscit per similitudines rerum in intellectu eius existentium; non quidem abstractas, aut impressas ab alio Angelo, vel aliquo modo acquisitas, sed à creatione divinitus impressas, sicut & res materiales per huiusmodi similitudines cognoscit. Quibus, quo ad hoc, eodem modo de spiritualibus, ac de materialibus sentit.*

XXVII. Propter hæc hinc redeunt omnia, quæ superius, tum ex auctoritate, tum ex ratione, §. 2. attulimus ad probandum, Angelos res materiales per species ab ipsis acceptas non cognoscere, sed per infusas à Deo. Non enim minus ab initio Angelus plenus fuit sapientiâ quoad spiritualia, quam corporalia: statim enim eorum quilibet comprehensivè seipsum cognovit, & proinde differentiam suam ab aliis Angelis, quod contingere non potuit, nisi & alios statim cognosceret: non autem eos in primo instanti suæ creationis potuit cognoscere per species ab ipsis impressas, quia omnes simul producti sunt; ut autem posset species ab illis accipere, debuisset supponere eos jam existentes.

XXVIII. Tum etiam; quia idem ordo servandus est inter substantias spirituales intellectuales, ac inter corporales; ergo sicut substantiæ quidem corporales inferiores accipiunt successivè suas formas, & perfectionem etiam substantialem; substantiæ tamen corporales superiores, quales sunt cœle-

stes, statim ab initio totam suam perfectionem acceperunt in esse substantiali: sic etiam substantiæ spirituales inferiores, quales sunt animæ humanæ, formas intellectuales, seu intelligibiles, quibus in esse intellectualem complentur, successivè acquirant; tamen substantiæ spirituales, & intellectuales superiores, quales sunt Angeli, ab initio formas suas intellectuales, seu intelligibiles habuisse credendæ sunt, statimque in esse intellectualem fuisse ultimo completæ.

XXIX. Loquor autem de ultimo complemento actus primi, & per modum formæ, seu principi intelligendi; non de ultimo complemento per modum actus secundi, & actionis. Quare non poterit quis inferre, quod si Angeli ab initio omni forma ad intelligendum imbuti sint, semper sint in actu secundo cognoscendi omnia: possunt enim ab actu secundo pro sua libertate cessare, & forma quæ præditi sunt uti, vel non uti ad alia à se cognoscenda, vel non cognoscenda. In quo stat etiam differentia inter Angelos, & corpora superiora. Hæc enim cum necessariò influant, ab influxu actuali cessare non possunt, bene tamen Angeli ab actuali cognitione, in qua liberi sunt.

XXX. Neque ex hoc inferat aliquis: quod sicut cœli inferiores aliquid accipiunt à superioribus, motum, & lucem; ita & Angeli præsertim inferiores accipere poterunt lumen, & species ad cognoscendum.

Nam hoc ad summum probat, Angelos inferiores posse accidentaliter illuminari, & edoceri à superioribus, non autem ab illis formas ad cognoscendum accipere. Imò sicut cœli inferiores, quamvis aliquid accidentale à superioribus participant, formas tamen, seu principia quibus possint influere, à Deo habuerunt: sic Angeli inferiores, etiam à superioribus de cognoscendis aliquomodo illuminentur, formas tamen & principia ad cognoscendum à Deo habuerunt.

XXXI. Neque asserat Scotus notam disparitatem inter formas cœlorum, A a &

& species Angelorum; quod illæ à solo Deo creari possunt, & à nullo agente creato produci; istæ verò ab Angelis cognoscunt, & cognito produci possunt; & cum Deus agere soleat per causas creatas; quod illæ agere possunt, ne earum virtus sit frustra, sit, quod Deus finit, objecta immaterialia immittit speciem sui in intellectum Angelis.

Nego enim, Angelum posse producere speciem sui in intellectum alterius Angeli, quod Scotus probare debuerat, non supponere. Eadem enim ratione, quâ Dubio præcedente ostendimus, §. 1. 2. 3. & sequentibus, unum Angelum non posse per suam substantiam intellectui alterius uniri, aliàs in ipsum illaberetur (quod solius Dei qui intellectum creavit proprium est) nec posset speciem sui in alienum intellectum producere.

XXXII. Quod si dixeris, hunc lapsus non requiri ad rationem speciei; sed satis esse, quod objectum fiat præsens potentie per intimam, & immediatam sui rationem, etiam si hæc fiat solâ objecti externâ appositione, & præsentia, quæ non est ad modum contactus physici.

XXXIII. Contra est. Nam ad movendum intellectum per sui speciem ad cognitionem, non sufficit quæcumque indistantia, propinquitas, seu præsentia localis; quo pacto unus Angelus conjungitur alteri ad causandum motum, jungendo cum illo virtutem suam, quin aliquid causet in illo: sed requiritur, ut præter localem motum, quo illi appropinquat, virtutem habeat ad immutandum intellectum illius; quia species illa debet educi, vel à substantia, vel intellectu Angeli, in quo subijci debet: forma autem, seu species de novo educi, & recipi nequit absque immutatione subiecti, ex quo educitur, & in quo recipitur. Porro cum hanc vim causativam impressivam, & immutativam non habeat unus Angelus in intellectu alterius; quia sicut solius Dei, qui est causa ejus, est immutare per modum agentis voluntatem, ita & in-

tellektum. Inde est, quod unus Angelus speciem sui in intellectum alterius imprimere non potest, qui solum immutari potest, vel à aliquo sui, sicut intellectus agens immutat nostrum intellectum, & intellectus voluntatem; vel à suo proprio generante, & factore, qui est Deus.

XXXIV. Quod à posteriori confirmatur. Si enim unus Angelus intrare potest intellectum alterius per speciem sui, eumque immutare, ac determinare, ad sui cognitionem; cur non poterit intellectus unius Angeli intrare intellectum alterius, & voluntatem, & operando in illis cognoscere secreta cordis ejus? Certe non est ratio, cur habeat vim immutandi intus ipsum intellectum, & non habeat facultatem cognoscendi illud, quod immutat, & in quod agit, videndo quid operetur. Cum ergo hoc neget Scotus, neget quoque primum, necesse erit.

XXXV. Quæri potest: an saltem supernaturaliter, & de absoluta Dei potentia fieri possit, ut Angelus per species à rebus acceptas intelligat?

Respondeo, me nullam in hoc videre implicantiâ, nec ex Doctrina D. Thomæ hæcenus allata, quidquam erui, quod eam convincat, vel infirmet; cum tota fundetur in exigentia connaturali naturæ Angeli. Quamvis enim in Angelo non detur agens spiritualizans, & proportionans species à rebus materialibus productas; vel producens in Angelo vim aliquam similem intellectui agentis; vel immediatè activè eas ita spiritualizando, ut possint angelico intellectui uniri, eique objectum repræsentare, ejusque notitiam parere: nullam tamen video repugnantiam in hoc, quod objecta spiritualia, & materialia quoque, Deo sic volente, & supra naturam operante, possint speciem sui immittere in intellectum angelicum. Spiritualia quidem, non illabendo, sed divinius per modum cause principalis producendo speciem sui spirituales, quæ supernaturaliter omnem medium pertraheant: materialia autem speciem spirituales producendo instrumentali-

ter

ter, eo modo, quo Sacramenta produ-  
cunt gratiam in Anima. Quomodo-  
cumque enim illæ species produceren-  
tur in intellectu Angeli, & essent for-  
males similitudines obiectorum à quibus  
producerentur; per eas sic acquisite  
intellectus Angeli formaretur ad ea in-  
telligenda.

§. V.

*Fundamenta contra præfatas Assertiones.*

XXXVI. **C**ONTRA assertiones statu-  
tas §. 2. obijciunt Sco-  
tistæ, & alii. Primò: ab auctoritate.  
Nam ad Ephes. 3. v. 10. ubi Paulus di-  
cit, quòd dispensatio Sacramenti In-  
carnationis à seculis absconditi facta est:  
*Ut innoteat Principatibus, & Potesta-  
tibus in celestibus per Ecclesiam multi-  
fermit Sapientia Dei:* super quæ D.  
Hieronymus arguit, quòd *Si Principa-  
tibus, & Potestatibus in celis... igno-  
ta fuit multiplex Sapientia Dei, qua  
nunc eis revelata est per Ecclesiam, quan-  
tò magis Patriarchis, & Prophetis i-  
gnota fuit?* Ergo Angeli ab Apo-  
stolis, & Ecclesiæ didicerunt mysterium  
Incarnationis, saltem quoad aliquas  
circumstantias, sicut & veteres Patriar-  
chæ; ergo scientiam, ac subinde spe-  
cies de illo, non secus ac Patriarchæ  
acceperunt.

Rursus: D. August. lib. 12. de Tri-  
nit. c. 7. ait: quòd *Dum aliquid tempo-  
raliter, ac transitorie geritur, simul  
inde afficiuntur sensus, vel carnales ani-  
malium, & hominum, vel etiã cele-  
stes Angelorum.*

Item: lib. 2. de Genes. ad litt. c. 17.  
Dæmones asserit diuurnâ experientiâ  
aliqua discere, vel à bonis Angelis e-  
doceri.

XXXVII. Respondetur ad textum.  
Pauli cum D. Tho. Q. 2. de Verit. a. 9.  
ad 2. quòd *Mysterium Incarnationis pri-  
mò est scitum ab Angelis, quàm ab ho-  
minibus, unde & homines de ipso per  
Angelos sunt edocti, ut dicit Dionysius  
c. 4. Celestis Hierarchia. Ipsi enim In-  
carnationis mysterium mundo abscondi-*

*tum à seculis cognoverunt, & per An-  
gelorum Ecclesiam, qua est in celesti-  
bus, Principitus, & Potestatibus hujus  
mundi prædictum mysterium innoteuit, ut  
exponit Augustinus, 3. de Genes. ad litt.  
(c. 20.) & quòd ibi dicitur de Ecclesi-  
a, referendum est ad Ecclesiam Angelorum,  
ut Augustinus exponit, 5. de Genes. ad litt.  
(citato loco)*

Ad id, quod additur ex Hieronymo,  
subdit S. Thomas: *Quamvis Hieronymus  
contrarium dicere videatur. Sed tamen  
verba ejus non sunt hoc modo intelligen-  
da, quòd Angeli ab omnibus scientiam  
acquirant: sed quia Apostolis prædican-  
tibus, res jam completas, quæ fuerant  
priùs per Prophetas prædicta, Angeli pleni-  
tè cognoverunt, sicut plenitè sciunt  
præsentia, quàm futura.* Ita D. Tho.  
Plenius autem cognoscunt Angeli præ-  
sentia, non per novarum specierum ac-  
quisitionem, sed per clariorem speciei  
ab initio insusæ representationem;  
dùm quæ antea sciebant, sed non intue-  
bantur, posita præsentia tanquam con-  
ditione, incipiunt intuitivè cognosce-  
re.

XXXVIII. Ad primum August. tes-  
timonium dico, eum velle, ex novi-  
tate rerum, quæ temporaliter fiant,  
mentes angelicas affici, non novas spe-  
cies acquirendo, sed novas intellectio-  
nes; cognoscendo scilicet, ut præsen-  
tes, quas antea ut præsentis non co-  
gnoscebant, vel etiam de eis nullam  
habebant cognitionem. Hanc porro ef-  
ficere mentem D. August. laudato loco, per-  
spicuum est. Ibi enim intendit statu-  
re differentiam inter cognitionem Dei,  
cui omnia sunt ab æterno cognita, &  
creaturarum, quibus aliquid de novo  
ex rerum præsentia advenit; unde præ-  
miserat: *Nam Deus non ad tempus vi-  
det, nec aliquid novi fit in ejus visio-  
ne, atque scientia, cum aliquid tempo-  
raliter, ac transitorie geritur.*

XXXIX. Ad secundum testim. ex  
eodem, respondeo cum D. Tho. 1. P.  
q. 89. a. 7. ad 2. Augustinum ibi lo-  
qui ex eorum sententia, qui Angelos,  
& Dæmones putant esse corporeos;  
quamquam eorum sententiam magis re-  
citet, quàm asserendo teneat, ut supe-  
rius

rius ostendimus. In hac autem opinione se loqui ostendit citato loco, dum rationem assignans, quare Dæmones occultiora quædam dignoscant, ait: *Partim, quia subtilioris sensus acuminis, partim, quia corporibus subtilioribus vident.*

Dici etiam potest eum eodem S. Tho. 1. P. q. 55. a. 5. quod *Experientia Angelis attribuitur potest per similitudinem cognitorum, & non per similitudinem virtutis cognoscitivæ.* Est enim in nobis experientia, ædum singularia per sensus cognoscimus (ideoque species accipiendo) *Angeli autem singularia cognoscunt, sed non per sensum (abstrahendo, & accipiendo species) sed nova objecta cognoscendo in actu secundo, quæ antea in actu primò solum cognoscebant.*

XL. Obijciunt secundò contra idem. Si ponatur, Angelum habuisse ab initio infusas species omnium rerum, sequeretur, eum ab initio cognovisse omnia, quæ quocumque tempore evenitura erant, & consequenter etiam futura, & cogitationes cordium; cum ad cognoscendum nil aliud requiratur, quam vis cognoscitiva, & species objecti: sed hoc esse falsum ostendimus; ergo &c.

Confirmatur. Species innatæ æqualiter se habent ad præsentia, & futura: sed scientia Angelorum non æqualiter se habet ad utraque, cum scient præsentia, ignorent autem futura; ergo Angelorum scientia non est per species innatas.

XLi. Resp. neg. sequelam. Nam, præter speciem, ad actualem cognitionem requiritur, quodd repræsentatum per illam in rerum natura sit. Licet autem Angeli habeant species, quæ aptæ sunt repræsentare omnia, quæ futura sunt; nihil tamen futurorum contingentium est in rerum natura, quodd speciesbus illis assimilatur. Unde D. Tho. 1. P. q. 89. a. 7. ad 3. assignans discrimen inter distantia secundum locum, & secundum tempus: *Futura (inquit) quæ distant secundum tempus non sunt entia in actu. Unde in se ipsas non sunt cognoscibilia: quia sicut deficit aliquid ab entitate, ita deficit à cognosci-*

*bilitate. Sed ea, quæ sunt distantia secundum locum, sunt entia in actu, & secundum se cognoscibilia.*

XLii. Ad confirm. respondet D. Th. Q. 8. de Verit. a. 9. ad 3. *Quod Angelus, quamvis futura non cognoscant alioqua, quæ tamen dum sunt præsentia sciunt, non tamen sequitur ex hoc, quid species aliquas à rebus accipiant, per quas cognoscunt.* Cum enim cognitio fiat per assimilationem cognoscentis ad cognitum, hoc modo contingit novam cognitionem de aliquo accipere, quo modo contingit de novo aliquid alicui assimilari. Quod quidem contingit dupliciter. Uno modo, per motum suum, alio modo per motum alterius ad formam, quam ipsam habet. Et similiter aliquis incipit de novo cognoscere. Uno modo ex hoc, quod cognoscens de novo accipit formam cogniti, sicut in nobis accidit. Alio modo per hoc, quod cognitum de novo pervenit ad formam, quæ est in cognoscente. Et hoc modo Angeli cognoscunt præsentia, quæ prius fuerunt futura; ut puta, si aliquid nondum erat homo, et non assimilatur intellectus angelicus per formam hominis, quam habet apud se. Sed cum hoc incipit esse homo, secundum eandem formam incipit intellectus angelicus sibi assimilare, sine aliqua mutatione fallaciosa ipsum. Hæc valde notanda docet D. Tho. Dum ergo Angelus de novo cognoscit aliquod præsens, quod dum erat futurum non cognoscebat; hoc non fit per motum Angeli ad cognitum, sed per motum, & adventum cogniti ad ipsum.

XLiii. Ex quibus solvitur alia instantia hæc soluta, quodd scilicet species Angelorum, si essent innatæ, deberent, vel quotidie mutari novarum rerum adventu; vel Angelus semper deciperetur in singularium cognitione.

Etenim mutarentur quidem species angelicæ, si novarum rerum adventus alterret novam assimilationem speciei angelicæ: ad eas; non verò si solum, afferat novam assimilationem rei noviter advenientis ad formam: quodd magis explicat S. Doct. ibi in respons. ad 5. dicens: *Intellectus Angeli sunt*

hor,



*hoc, quod acquiras novas formas intelligibiles potest aliquid de novo intelligere dupliciter. Uno modo per hoc, quod aliquid de novo assimilatur illis formis, ut jam dictum est. Alio modo per hoc, quod intellectus confortatur aliquo fortiori lumine ad plures cognitiones ex eisdem formis eliciendas; sicut ex eisdem formis in phantasia existentibus, superveniente lumine prophetia, aliqua cognitio accipitur, qua accipi non poterat per lumen naturale intellectus agentis.*

XLIV. Tertio obijciunt. Obiectum ut in phantasmate, etiam adhuc materiale, proportionem habet, ut intellectus agens ex eo formet speciem intelligibilem; ergo hanc proportionem habebit obiectum in se, quamvis materiale, respectu intellectus Angelici.

Confirm. Lumen intelligibile in Angelis est efficax, quàm in anima humana; sed per lumen intellectus agentis in nobis abstrahuntur species à phantasmatibus; ergo & multò magis intellectus Angelici potest formas alias à rebus sensibilibus abstrahere.

XLV. Respondetur, admissio ant. neg. coniequi. Obiectum enim ut in phantasmate, est in statu quasi medio inter rem materiale in se, & formam intelligibilem; & idè beneficio intellectus agentis depurari, & proportionari potest cum intellectu: quare obiectum materiale in se, nū medio sensu, & intellectu agente disponatur, non habet, unde cum intellectu uniri possit. Cum ergo in Angelis non sint sensus, nec sit intellectus agens, non est ullum medium, unde obiectum materiale possit immittere speciem sui in angelicum intellectum. Audiatur D. Thom. cuius est hac doctrina, Q. 8. de Verit. a 9. *Res materiales, & intelligentes sunt omnino diverſorum generum. Ea enim qua non communicant in materia, non communicant in genere, ut patet per Philoſ. n. 5. Metaph. & in 10. Unde non potest esse, quòd res materiales immediatè patiuntur ab intellectu, aut agant in ipsum. Et idè in nobis providis natura conditor sensitivas potestas, in quibus forma sunt medio modo inter modum intelligibilem, & modum*

*materiale. Conveniunt siquidem cum formis intelligibilibus, in quantum sunt forma sine materia, cum materialibus verò formis, in quantum nondum sunt à conditionibus materia denudata. Et idè potest esse actio, & passio suo modo inter res materiales, & potestas sensitivas; & similiter inter has, & inter intellectum. Unde si Angeli intellectus à rebus materialibus formas aliquas acciperet, oporteret habere Angelum potestas sensitivas, & ita habere corpus naturaliter sibi unitum. Unde ejusdem sententia esse videtur, Angelos esse animas, ut quidam Platonici posuerunt, & eos à rebus materialibus formas accipere, quod auctoritati Sanctorum, & recta rationi repugnat.*

Ad confirm. secundum hanc doctrinam respondet S. Doct. ibidem, ad 8. conc. præmissis, negando conf. Nam, non est proptio inter lumen intellectus angelici, & res sensibiles, ut per lumen prædictum efficiantur actu intelligibiles, ut ex prædictis patet.

XLVI. Neque dicas cum Scoto. Obiectum, etiam materiale, posse per modum concusæ partialis minùs principalis concurrere ad impressionem speciei in intellectu. Ut enim à pluribus concusis producatur effectus, non requiritur, ut in qualibet earum eadem perfectio reperiat, quæ est in effectu; sed sat est, ut totum aggregatum ejusdem perfectionis sit cum illo. Sic species sola non est ejusdem perfectionis cum intellectione; non enim est vitalis; & similiter lumen gloriæ; quæ tamen ad intellectiorem concurrunt, quia conjunctum ejusdem perfectionis est.

Nam respondeo, neg. assumptum. Neque exempla, in contrarium quidquam probant. Species enim dat intellectui perfectionem, nempe speciem, & lumen gloriæ est principium, quo intellectus vitaliter se exerceat circa obiectum; species, inquam, per modum determinationis objecti; lumen verò gloriæ per modum virtutis potentie, non partialis, sed totalis, ut in Tract. de Visione diximus.

XLVII. Quartò obijciunt. Saltem  
res

res immateriales speciem sui intellectui Angelico ingerere posse, sic. Non minoris efficaciam est obiectum intelligibile in actu, quàm sit sensibile in actu intra propriam lineam: sed sensibile in actu immediatè diffundit speciem in sensum; ergo intelligibile in actu (qualia sunt omnia immaterialia) immediatè immitit speciem sui in intellectum Angeli.

XLVIII. Respondeo, conc. præmissis, neg. conf. & discrimen est. Nam obiectum sensibile hoc potest, quia est obiectum potentiam, quæ ob sui imperfectionem est in potentia, & proinde apta recipere ab objecto formas, & species successivè. At intelligibile actu est obiectum proportionatum potentiam quæ naturaliter petit esse aduata formis, & speciebus omnium intelligibilium; quare non habet virtutem diffundendi suam speciem in prædictam potentiam: nulla enim datur virtus activa, cui non correspondeat sua potentia passiva. Adhuc tamen simpliciter maioris est efficaciam, quàm sensibile in actu; quia, esto non per speciem productam à se, influit in immaterialiorem, & perfectiorem sui cognitionem.

XLIX. Quintò obijciunt contra idem. D. Thom. *Q. de Anima a. 18. ad 13. & a. 30. ad 11.* docet, quòd animæ separatæ recipiunt species à Deo mediantibus Angelis; ergo similiter mediante uno Angelo potest infundi species in alium, & sic non accipere species immediatè à Deo.

Rursus: in *2. Dist. 8. Qu. 1. a. 5. ad 6.* dicit, quòd *Boni Angeli etiam dicuntur in intellectum imprimere possunt, quia secundùm Augustinum, operantur in intelligentias nostras miris quibusdam modis (lib. 2. de Civitat. Dei cap. 16.)*

L. Variè huic respondetur à Nostis. Primò D. Thomam *1. P. q. 89.* per totam, & maximè *a. 1. ad 3. & art. 3.* ubi ait: *Animam separatam intelligit per species, quas recipit ex influentia divini luminis, sicut & Angeli, retractatis sententiam.* Secundò. Alii, & melius fortasse, dicunt, species animæ separatæ infundi mediantibus Angelis, non

effectivè, sed exemplariter; quatenus ad imitationem earum, quæ sunt in Angelis, effectivè producentur, & infunduntur à Deo. Tertiò. Dicunt alii, species infundi animæ separatæ à Deo principaliter, mediantibus tamen Angelis, ut causis ministerialibus. Quo explicatur differentia inter Animas separatas, & Angelos: quod hi à Deo nullo mediantes, nec ut instrumento; illæ verò à Deo mediantibus Angelis, ut instrumentis, species recipiant. Hæc responsio ex eo roboratur, quòd D. Thomas ibi eodem modo loquitur de speciebus servientibus cognitioni naturali, ac supernaturali: certum autem est, Angelos ad species supernaturales infundendas concurrere non posse, nisi per modum instrumenti.

Alii tandem cum Joann. à S. Thoma respondent, S. Thomam non loqui de infusione specierum quoad substantiam, sed quoad earum debitam dispositionem, & ordinationem causatam per extrinsecam, & distinctam propositionem objecti clariori, & superiori lumine illustrati; sicut si à magistro per extrinsecam obiectorum propositionem ordinentur species in mente discipuli jam existentes.

Hæc expositio fundamentum habet in S. Doct. Nam *1. P. q. 89. a. 3.* cum doceat, animam separatam per species infusas non accipere *Perfectam rerum cognitionem, sed quasi in communi, & confusam*, Angelos autem perfectam, & distinctam: datur locus ut animæ separatæ mediantibus Angelis ad cognitionem distinctam speciebus imbutantur, non quidem de novo impressis, sed noviter dispositis, & ordinatis, confortando etiam lumen externa illuminatione, doctrina, & magisterio. Hæc probabilia sunt.

LI. Cæterùm adhuc admissio, posse Angelos animam separatam speciebus, & formis imbueri, hoc tamen de Angelis concedendum non est. Animæ enim infra naturam Angeli generis, & gradu est; inferiora autem mediis superioribus regi, ac illuminari consentaneum est. Angeli autem nullum gradu superiorem habent, nisi Deum; qua-

quare ab ipso solo immediatè species rerum possunt recipere, quia, ut ait D. Thom. mox citatus: *Omnia, quæ Deus fecit in propriis naturis, fecit in intelligentia angelica, ut dicit August. lib. 2. de Genes. ad litt. cap. 8.*

§. VI.

*An Species Angelis infusa possint dici eorum Proprietates.*

LII. **S**uppono, fuisse connaturales Angelo, ut ab initio suæ conditionis omnium rerum speciebus ornaretur; adeo ut illas successivè acquirere, esset contra illius naturam. Quia tamen forma aliqua potest dici connaturalis subiecto quadrupliciter: primò, quia sunt ab eius essentia, ut proprietates, sicut calor est connaturalis igni: secundò, quia est illi debita: terciò, quia in instanti ejus productionis illi collata: quartò, quia subiectum habet potentiam passivam naturalem ad illius receptionem. Prioris, & postremi modi connaturalitatis meminit S. Thomas 2. 2. q. 6. a. 3. ad 2. dicens: *Dicitur aliquid naturale dupliciter. Uno modo, quod est à natura, sicut à principio activo, sicut calefacere est naturale igni. Alio modo, secundum principium passivum, quia scilicet est innata inclinatio ad recipiendum actionem à principio extrinseco: sicut motus oculi dicitur naturalis, propter aptitudinem naturalem caliditatis corporis ad talem motum.* Tota controversia est: an species angelicæ sint connaturales Angelo, quasi proprietates ab ejus natura, ut à principio activo ortæ, eo modo, quo à natura ignis oriuntur calor. Etenim esse Angelo connaturales, quia ejus naturæ debitas, videtur eæ apud Thomistas; cum enim inter creaturas intellectuales sit supremus, sicut cælum inter corpora, connaturaliter exigat esse in actu primo statim completus ad intelligendum. Esse quoque illi connaturales, quia simul cum natura in eodem instanti receptas (eo modo, quo, si Adam non peccasset, justitia originalis diceretur connaturalis. Posteris, quia cum natu-

ra transfunderetur) pariter certum est. Nec minus exploratum esse debet, eas esse Angelo connaturales, ob connaturalem aptitudinem, & passivam inclinationem ad eas à Deo recipiendas; sicut cælum naturaliter inclinatur ad recipiendum motum à substantia motrice. Quod, inquam, inter Nostros controversatur est: an species illæ sint connaturales Angelo per modum proprietatis ab ejus natura, ut principio activo emanantis.

LIII. Dico. Probabiliorem mihi videri sententiam negativam. Probo primò. Quod convenit Angelo ex influxu, & participatione divini luminis, non ei convenit, ut fluens activè ab ejus natura, & ex vi actionis creativæ: sed D. Thomas 1. 2. q. 89. a. 1. ad 3. ait, quoddam *Anima separata non intelligit per species innatas, sed per species ex influentia divini luminis participatas, quarum anima sit particeps, sicut & alia substantia separata.* Et art. 3. in corp. *Anima separata intelligit per species, quas recipit ex influentia divini luminis, sicut & Angeli;* ergo &c.

LIV. Probo secundò. Si species omnium rerum naturalium fluere ab essentia Angeli, ut ejus proprietates, Angelus comprehendens suam essentiam per seipsam, in illa, & ex vi illius omnes res naturales cognosceret: nam comprehendens essentiam, ex vi illius cognoscit ejus proprietates clarè & distinctè; ergo si species essent ejus proprietates, ex vi comprehensionis suæ essentia, clarè, & distinctè, ac quidditative cognosceret species omnium rerum repræsentativas; ergo etiam res per illas repræsentatas: & consequenter Angelus per suam essentiam omnia cognosceret, quod superius negavimus. Comprehendens enim causam adæquatam comprehendit & effectum: sed Angelus comprehendens suam essentiam, comprehenderet causam adæquatam cognitionis omnium rerum, nempe potentiam intellectivam, & formas intelligibiles omnium; ergo &c.

LV. Confirmo hoc. In tantum enim Angelus comprehendens essentiam suam

NON

non cognoscit omnia, ad quæ ejus intellectus potest se extendere; *Quia ipsa essentia Angeli non comprehendit in se omnia, cum sit essentia determinata ad genus, & speciem, hoc autem proprium est essentia divine; qua infinita est, ut in se simpliciter omnia comprehendat perfectè*: (ut ait D. Thom. 1. P. qu. 55. art. 1.) atqui si ab essentia Angeli fluere, ut proprietates, omnes rerum species, comprehenderet in se perfectè omnia, ad quæ potest intellectus se extendere, tempè potentiam intellectivam, & formas rerum omnium repræsentativas; ergo &c.

LVI. Nec juvat ad hujus rationis vim declinare dicere, quod species illæ non fluunt ab essentia Angeli, nisi in esse entitativo. Et rursus: eisdè contineantur in essentia Angeli, non continentur, nisi virtualiter.

LVII. Nam contra primum sic arguo. Species illæ fluent ab ejus essentia, ut illi repræsentarent objecta, & essent formæ, quibus Angelus posset omnia intelligere; ergo ab ea non fluere præcisè, ut quædam entitates sunt, sed ut repræsentativæ sunt, & ut principium quo cognitionis: sicut enim intellectus est proprietates essentia Angeli, ut cognoscitivus; ita & species essent proprietates ejus, ut per eas intellectus angelicus objecta per illas repræsentata cognosceret.

LVIII. Contra secundum quoque. Nam nulla essentia continet suas proprietates, nisi virtualiter; ergo ex vi comprehensionis essentia, vel non cognoscuntur ullæ proprietates; vel cognita comprehendivè essentia Angeli ab ipso, debent ex vi hujus perfectiè cognosci omnes ejus species, si semel sunt proprietates illius. Addo, quod nec essentia divina continet creaturas nisi virtualiter, & tamen cā comprehensā, omnes omnino creaturæ cognoscuntur perfectè.

LIX. Ex his inferitur: ejusmodi species dici Angelo congenitas, & con-

naturales, quia sunt cum ejus natura congenitæ, & in ea impressæ juxta exigentiam, & inclinationem naturæ Angeli; eo proportionali modo, quo forma cœli est ejus materiæ conaturalis, quia sit ejus proprietates.

LX. Inferitur etiam: quod esset species illæ debitæ sint Angelo pro instanti suæ creationis; non sequitur tamen, eas fuisse illi insulas eadem actione, qua creata fuit substantia Angeli, sed diversā, & quidem eductiva. Nam tunc solum formæ debitæ pro instanti creationis rei possunt dici eadem actione concreatæ, quando taliter comitantur illam naturam, ut eas determinatè petat, & non alias: secus verò quando natura ex suis principis intrinsicis indifferenter se habet, nec has potius petat, quam alias. Cū ergo natura Angeli, eisdè modò ornata speciebus rerum hujus Universi, has determinatè non petat; quia si Deus aliud Universum condidisset, natura Angeli esset eadem, & tamen aliæ species essent ei connaturales & debitæ; ergo signum est, species, quas modò habet, non eadem actione, qua natura Angeli creata fuit, sed diversā ei datas esse.

LXI. Hæc doctrina aliam suggerit rationem pro nostro asserto. Nam si species essent proprietates emanantes naturaliter à natura Angeli, deberent ei in quacumque suppositione, & statu determinatè convenire; sicut homini in quacumque suppositione conveniret risibilitas, & in quacumque suppositione ignis calefaceret: sed in suppositione, quod Deus aliud Universum condidisset, aliæ rerum species naturæ Angeli connaturales fuissent; ergo vel natura hujus Angeli tunc diversā specie fuisset, ut posset connaturaliter petere diversas specie proprietates; vel species rerum, quæ modò naturæ Angeli sunt connaturales, non sunt censendæ ejus proprietates. Sed hoc fatetur.

## DUBIUM V.

## §. II.

An Angeli per Species Universales intelligant, & ed magis Universales, quò in natura sunt Superiores?

## §. I.

*Quadam prænotantur.*

**I.** Sicut universale dicitur multipliciter, ita species ista multipliciter cogitari possunt esse universales. Primò: in causando; quomodo essentia Divina est species universalis, quæ, & in qua Deus omnia cognoscit, quia rerum omnium est causa. Secundò: in essendo; quomodo natura abstracta à singularibus, si ad ea comparatur, dicitur esse universalis, quia concipitur esse in multis, & de multis prædicari. Tertiò: in repræsentando; quia multa repræsentant; & hoc dupliciter contingere potest. Vel quia repræsentant sub ratione communi tantum, quæ est repræsentatio solum confusa singularium sub ea contentorum; vel quia ita repræsentant rationem communem, ut etiam clarè, & distinctè repræsentent inferiora sub ea contenta. Titulus ergo quæstionis intelligendus est hoc ultimo modo.

II. Scotus negat, possibilem esse speciem creatam clarè & distinctè repræsentativam plurium, quæ sint disparata, & sive genere, sive specie, sive numero distincta. Vult enim Angelum quæcumque intelligere per species proprias, & has ab objectis acceptas, ut *Dub. præced.* vidimus. Scola autem D. Thomæ eodem Angelico Magistro præeunte, sive hæc 1. P. q. 55. a. 3. sive in 2. Dist. 2. q. 2. a. 2. sive 2. Contrag. c. 98, sive Q. 8. de Veris. a. 10. & alibi, docet: Angelos intelligere per species universales modo explicato, & ed universaliores, quò Angeli natura superiores sunt.

*Them. V.*

*Resolutio Affirmativa.*

III. **D**ico primò. Angeli intelligunt per species universales clarè & distinctè plura, sive numero, sive specie, sive etiam genere distincta intellectu angelico repræsentantes. Ita S. D. locis laudatis. Probo primò, speciem universalem creatam clarè, & distinctè repræsentantem plura esse possibilem, quod negat Scotus; deinde probabo, eam in Angelo de facto dari.

Possibile est, quòd virtutes diversæ inferiorum causarum uniantur in una, virtute causæ superioris; sed species sunt quædam virtutes, & principia, quæ complent virtutem intellectivam ad cognoscendum; ergo possibile est, quòd species diversæ potentiis inferioribus servientes, in potentia superiori uniantur in una specie clarè, & distinctè repræsentante ea, quæ per diversas repræsentantur in potentia inferiori. Maj. explicatur exemplo sensuum. Nam exteriores sensus per distinctas species propria objecta cognoscunt, quæ tamen omnia per unicam speciem sensui communi perfectius repræsentantur; idèquæ species distinctæ sensuum externorum in una specie sensus communis uniri possunt = Rursus: ut ostendit D. Tho. 1. P. q. 55. hoc a. 3. ad 3. *In homine est universalis prudentia, quantum ad omnes actus virtutum; & potest accipi, ut propria ratio, & similitudo particularis prudentia, quæ est in leone ad actus magnanimitatis, & ejus, quæ est in vulpe, ad actus cautela.* Denique: possibilis est una anima, quæ præstet in homine, quòd præstat anima vegetativa in plantis, & sensitiva in brutis.

IV. Ulteriùs: possibilis est juxta Scotum species, quæ sit repræsentativa clarè Dei, ut est in se, & adhuc sit creata; ergo possibilis quoque erit species universalis repræsentans ea, quæ per plures species inferiores repræsentantur, etsi hæc infinita, numero, aut etiam specie sint. Quia si possibilis est species repræsentans clarè Deum in se, B b qui

qui est infinitus per essentiam, & adhuc esse intrinsecè finita, & infinita, solum repræsentativè, & extrinsecè; quælo, cur non poterit esse species repræsentans plura, etiam si infinita numero, secundum essentiam tamen finita, & adhuc manere intra limites finiti? Illa enim species secundum Scotum, etiam repræsentans Deum infinitum, esset tamen intrinsecè, & in entitate finita, quia repræsentaret Deum ut cognoscendum modo, & cognitione finita: sed etiam illa species, etsi simul in actu primo repræsentaret plura, & etiam infinita, illa tamen repræsentaret ut cognoscenda non simul, sed successivè, & cognitione finita; ergo &c.

V. Tertiò. Divina essentia simplicissima cum sit, repræsentat distinctè, & expressè omnes res creabiles per modum speciei intelligibilis, & exemplaris; ergo nihil vetat, quòd aliqua species creata, prout est participatio divinæ essentiae, participet hanc eminentiam, quòd, una cum sit, repræsentet plures, ac diversas quidditates. Scio Scotum respondere, hanc universalitatem in repræsentando participari non posse, quia secum traheret infinitatem. Sed in responsionibus ad argumenta, fiet satis.

VI. Nunc probo primò, species angelicas de facto esse universales in repræsentando, sic. Species angelicæ non sunt à rebus acceptæ, sed immediatè à divina essentia exemplatæ, ac derivatæ: sed quamvis species ab objecto causata illam solam quidditatem, & naturam, à qua causata sunt, repræsentent; quia ex ipso objecto, à quo imprimuntur, determinationem, & limitationem habent, sicut figura in cera à sigillo, à quo imprimitur, determinatur: illa tamen, quæ immediatè exemplatæ, ac derivatæ sunt à divina essentia ut causas exemplari, possunt plures naturas repræsentare; sicut ipsa divina essentia, cujus sunt effluxus, & participationes, plura, imò omnia, repræsentat; ergo &c. Major, præterquam, quòd probata est, *Dubio præcedente*, adhuc auctoritate D. Augustini roboratur.

*Libro quippe 1. de Genes. ad litt. c. 8. hæc habet: Neque enim sicut nos ad percipiendam sapientiam proficiscimur Angeli, ut invisibilia Dei per ea, quæ facta sunt, intellecta conspicerent; qui ex quo creati sunt, ipsa Verbi aternitate, sancta & pia contemplatione perfervuntur, atque inde ipsa desipientes secundum id, quod intus vident, vel rectè facta approbant, vel peccata improbant; unde prius dixerat Angelos cognoscere secundum creatam in illis sapientiam, & res prius in cognitione Angelorum, quàm in seipsis fuisse creatas.*

VII. Explicatur. Species, quas intellectus ex aliis præconceptis efformat, puta species montis aurei, chimæ &c. plures naturas repræsentant; quia non ex objectis, ut sunt in se, imprimuntur, sed ab intellectu, qui ea, quæ distincta sunt, adunare potest, efformantur. Item figura impressa cere, aut chartæ sæpè continet leonem, ursum, canem, hosque repræsentans; quia in sigillo à quo impressæ sunt, adunantur. Et imago domus expressa in charta ab artifice repræsentat ligna, lapides, & cætera ad constructionem domus necessaria; quia non accipit unitatem ab illis rebus, ut sunt in seipsis, sed ut sunt in mente artificis, ex illis unam ideam domus faciendæ efformantis. Cum ergo pariter species angelicæ non exprimantur nec mensurentur à rebus, quas repræsentant, ut sunt in seipsis divise, sed potius ut sunt in essentia divina, tanquam earum specie, & idea, cujus sunt expressiones, & participationes, sicut figura impressa in charta à sigillo, vel ab artifice: & essentia divina una existens, clarè & distinctè repræsentare possit, quæ in seipsis divisa sunt; ita proportionaliter de speciebus angelicis dici debet.

VIII. Probo secundò. Perfectissimis creaturis Universi convenire debet perfectissimus modus cognoscendi, dummodo ille sit possibilis creaturæ, nec ei repugnet: sed modus intelligendi per species universales in repræsentando multò perfectior, & nobilior est modo cognoscendi per species particulares, seu repræsentantes unam tantum

na-

naturam; & aliunde modus iste cognoscendi nullam involvit repugnantiam, ut probatum est, & solvendo argumenta Scoti magis probabitur; ergo &c.

IX. Dico secundò. Angelus, quò superior est in natura, eò per species, universalesiores, seu plura representantes intelligit. Prob. primò. Ex hoc aliqua in rebus sunt superiora, quò uni primò, quod est Deus, sunt similia, & propinquiora; sed in Deo tota plenitudo intellectualis cognitionis continetur in uno, scilicet in essentia divina, per quam Deus omnia cognoscit; ergo ex hoc aliqua in rebus sunt superiora, quò magis de hac plenitudine participant, & plura cognoscunt per unum; sicut ab appposito, ex eo aliqua sunt inferiora, quò cognoscunt per plura, quæ Deus cognoscit per unum, & tantò per plura, quantò in intelligendo fuerint inferiora; ergo quò Angelus fuerit superior, eò magis intelligit plura per unam speciem; quò inferior, eò magis cognoscit multa per plures. Sicut in nobis, qui fortioris sunt intellectus, ex paucis multa capere possunt; qui verò debilioris sunt, veritatem intelligibilem capere non possunt, nisi eis particulatim per singula explicetur. Ita in eodem ferè terminis S. Thom. 1. P. q. 55. a. in corp.

X. Nec juvat dicere cum Scoto, hanc majorem propinquitatem cum Deo non arguere, quò superiores Angeli plura cognoscant per unum, inferiores autem per plura; sed quò illi limpidius, isti minùs limpide cognoscant. Et hoc comprobat exemplum allatum: etenim homo fortioris ingenii non dicitur, quia multa per unam speciem, sed quia promptius, expeditius, & limpidius intelligat, quàm alter debilioris intellectus.

XI. Contra enim est. Nam suprema inter creaturas, qualis est Angelus, debet Deo assimilari, & appropinquari quantum possibile est: sed Deus est in summo intellectualitatis, non solum quia limpidissimè, & expeditissimè intelligit, sed etiam quia omnia per unum intelligit, & hoc suo modo

participabile est, ut probavimus; ergo suprema inter creaturas debet Deo assimilari, non solum quia limpidius, sed quia plura per pauciores species intelligat, quàm inferior. Neque vim exempli allati à D. Tho. Scotus affectus est. Non enim stat in hoc, quòd homo acutioris ingenii, vel per pauciores species intelligat, vel præcisè perfectius, quàm alter debilioris acuminis. Sed (quid sit an homo acutioris ingenii per pauciores species cognoscit, sive non) in hoc, quòd sicut homo acutioris ingenii, nedùm limpidius cognoscit, sed etiam ex uno principio plures deducit veritates, quas homo debilioris mentis non percipiet, nisi singularim ei proponantur, & explicentur; ita Angelus superior, nedùm limpidius, sed multa per unam speciem cognoscit.

XII. Contra secundò. Inter modum naturalem cognoscendi superioris, & inferioris Angeli statui debet talis diversitas, quæ fundet diversitatem specificam inter illos; cum enim nature intellectuales sint, ex diverso modo cognoscendi, seu ex diversitate forme intelligibilis eorum essentialis diversitas sumi debet; aliquos enim Angelos, etsi non omnes, essentialiter specie differre admittit Scotus; sed si in nullo alio, quàm in modo magis, vel minùs clarè percipiendi objectum, statuatur differentia luminis, & cognitionis naturalis Angelorum, non salvabitur diversitas specifica in cognoscendo inter illos; sicut nec salvatur inter intellectus duorum hominum, quamvis unus acutius, & perfectius intelligat, quàm alter; nec inter lumina, ut visus duorum Beatorum, quamvis unus alio perfectius, & clarius videat Deum; ergo &c.

XIII. Alia, & præcedenti affinis est ratio, quam assert idem S. Doct. 1. Contrag. c. 98. Intellectus enim angelicus medius est inter divinum, & humanum, inferior illo, superior isto; ergo cum medium debeat aliquod participare de utroque extremo, & eò magis, quò magis accedit ad illud; Angelus habebit aliquid de puritate, & aeternitate intellectus divini, & aliquid

B b 2

de

de potentialitate, & compositione intellectus humani; ergo non intelligit omnia per unam speciem, sicut Deus, neque omnia per plures, & particulares species sicut homo, sed per species magis, vel minus universales, secundum quod magis, vel minus accedit ad Deum, & magis, vel minus recedit ab homine, seu ab anima humana.

XIV. Tertiam rationem affert. *1. l. Q. 8. de Verit. a. 10. sic.* Quanto aliqua virtus est altior, & actualior, tanto magis est unita, & efficax ad operandum plura; quia actualitas & forma est principium unionis, potentia autem, & materia est principium multiplicationis; ergo virtus angelica, quanto erit actualior, & altior, tanto per pauciora erit efficax ad cognoscendum plura. Ant. prob. S. Doct. *Ars Architectonica per unam formam artis dirigitur in omnibus, quæ ad artem suam spectant, in quibus tamen inferiores artifices, utpote camentarii, & caloris lignorum per diversa artefacta diriguntur.* Similiter Aliquis, qui est elevatior intellectus, ex paucis principiis potius se retentus habet in promptu procedere ad varias conclusiones, ad quas pervenire non possunt qui sunt bestioris ingenii, nisi per varias inductiones, & per principia particulariter conspata conclusionibus. Deinde persequitur: *Unde cum in Deo sit perfectissima virtus, & puritas actus, ipse per unum, quod est essentia sua, omnia operatur, & omnia cognoscit efficacissimè. Ab ipsa autem essuunt rationes rerum intelligibilium in Angelis...* non quidem ad causandum res, sed ad cognoscendum. Unde quantum in Angelis fuerit plura de actu. & minus de potentia, tanto emanatio huiusmodi rationum minus in ipso multiplicatur, & virtus ejus cognoscitiva erit efficacior: & secundum hoc superiores Angeli cognoscunt res per formas magis universales, quam inferiores.

XV. Quartam rationem affert in 2. Dist. 3. q. 2. 2. Similem præcedentibus, hoc modo: In omnibus scientiis, & artibus sive speculativis, sive operativis, oportet quod illa, quæ est altior, & ordinativa altiarum, consideret ratio-

nes magis universales, eo quod principia sunt parva quantitate, & maxima virtute, & simplicia ad plurima se extendunt: sed Angeli Superiores per suam scientiam ordinant actus, & officia inferiorum, illuminantes eos, & perfectantes, & purgantes; ergo oportet, quod scientia superiorum sit universalis & species universaliores. Majorem explicat. Quia enim sub civili scientia est militaris, & sub militari equestris, idem sub consideratione magis universalis, nempe boni humani absolute procedit; quam militaris, quæ considerat hoc idem, sed secundum quod terminatur ad res bellicas: & idem de aliis. Et maxime apparet in metaphysica, quæ, utpote ordinativa aliarum scientiarum speculativarum, considerat rationem entis absolute, alia verò secundum determinationem aliquam.

XVI. Supposito, quod lumen sit universalius in natura superiori, probat, etiam species universaliores esse debere; quia lumen, seu intellectus quod superior est, id minus habet de possibilitate; sed quod minus habet de possibilitate, seu de potentia, eo minor est compositio intelligentis, & intellectus; ergo pauciores sunt in eo forme intelligibiles, quia quantum minus habet de potentia lumen intellectuale, minus dividitur, & multiplicatur in eo. Quare scientia Dei, quæ est actualissima, una similitudine, quæ est essentia sua, omnia cognoscit; ergo quantum aliquis per pauciores formas intelligit, tanto ejus scientia est universalior, & tanto magis assimilatur summæ scientiæ divinæ. Sed audiendus est Scotus.

### 6. III.

#### Fundamenta Scoti.

XVII. **P**rimò obijcit Frassen pro suo Magistro. Nulla res creata potest esse ratio cognoscendi plura numero infinita: sed species universalis, si daretur, esset ratio cognoscendi plura numero infinita; ergo &c. Mi prob. Cum enim in unaquaque specie sint possibili

plu-



plura individua numero infinita, si detur species universalis omnium hominum distinctè repræsentativa, istam habebit repræsentandi plura numero infinita. Major quoque prob. Imposs. creatura aliqua, quæ sit infinitæ perfectionis in ullo genere: sed species repræsentativa infinitorum deberet habere infinitam perfectionem: nam ubi pluralitas numeralis perfectionem dicit, major pluralitas majorem dicit perfectionem, & infinita infinitam. Sicut si vis portandi duas libras sit perfectior, quàm vis portandi unicam, & vis portandi sex perfectior sit, quàm vis portandi duas, vis portandi infinitas libras erit infinitæ perfectionis, & roboris in portando.

Confirmat. Ex eo, quòd essentia divina sit repræsentativa omnium intelligibilium, colligimus, eam esse infinitam in repræsentando; ergo si aliqua species possit repræsentare infinita, revera erit infinita in repræsentando.

XVIII. Respondeo ad maj. primò distinguendo eam. Ratio cognoscendi plura numero infinita actu, transeat major; in potentia, nego maj. Species autem angelica repræsentaret omnia, & infinita individua eo modo, quo sunt ponenda actu, in hoc Universo; hæc enim est ejus sphaera, & propria limitatio. In hoc autem Universo nunquam actu, & simul erunt infinita. Quòd sint infinita in potentia, aut possint infinita sibi succedere, & illa omnia possit Angelus per eandem speciem sue esse intelligere, non arguit infinitatem simpliciter, sed secundum quid; licet eadem potentia intellectiva possit infinitas intellectiones successive habere, & idem eorum infinitas circulationes, & illuminationes, si motus ejus in æternum duraret. Et hoc modò distincta imò. ad exemplum allatum dico, quòd est vis portandi actu infinitas libras simul esset infinita actu, non tamen vis portandi infinitas libras successive. Quare retorqueo argumentum. Species repræsentans plura actu finita, finita est: sed species angelica repræsentat plura numero, & etiam specie actu finita; repræsentat

enim ea sola, quæ ad naturalem ordinem Universi spectant, quæ certè & numero, & specie finita sunt; ergo &c. Verùm dato, possibilem esse speciem repræsentantem infinitas naturas, etiam specie diversas.

XIX. Respondeo secundò, dist. ma. Nulla &c. potest esse ratio cognoscendi infinita, prout sunt in potentia Dei, co. ma. profunt in potentia creaturæ, nego ma. Doctrina hæc est D. Thomæ 3. P. q. 10. a. 2. ubi negat, animam Christi posse cognoscere omnia, quæ sunt in sola potentia divina; hoc enim esset comprehendere omnia, quæ potest Deus facere, & divinam virtutem, ac essentiam; concedit tamen, eam posse cognoscere omnia, quæ sunt in potentia creaturæ. Quare hac ratione art. 3. docet posse cognoscere infinita. Postquam enim docuit, dupliciter aliquid posse dici ens, & cognoscibile. Uno modo, *Simpliciter*, quod scilicet est ens actu. Alio modo *Secundum quid*, quod scilicet est ens in potentia, subdit: *Quantum igitur ad primum modum Anima Christi non scit infinita, quia non sunt infinita in actu, etiam accipiuntur omnia, quæcumque sunt in actu secundum quodcumque tempus; id quòd status generationis, & corruptionis non durat in infinitum. Unde est certus numerus, non solum eorum, quæ sunt absque generatione, & corruptione, sed etiam generabilium, & corruptibilium. Quantum verò ad alium modum sciendi Animæ Christi in Verbo scit infinita. Scit enim omnia, ut dictum est, quæ sunt in potentia creaturæ. Unde cum in potentia creatura sint infinita, per hunc modum scit infinita, quasi quadam scientia simplicis intelligentia, non autem scientia wisientia. Hæc D. Tho. Sicut ergo scientia Animæ Christi, quia exemplata à divina, una existens, dum cognoscit ea, quæ quocumque tempore sunt, scit actu finita; dum verò cognoscit, quæ in potentia sunt creaturæ cognoscit infinita, quin ipsa evadat infinita, sed solum superior, & excedens quæcumque aliam scientiam: ita species angelica, quia exemplata à divinis ideis, una existens poterit, vel possit omnia,*

omnia, quæ ad Universum pertinent, & omnia, quæ in potentia sunt creaturæ, repræsentare, quin sit infinita, sed solum superior, & excedens; quia eisd infinita essent objecta repræsentata, ea tamen sub aliqua ratione determinata, & limitata repræsentaret.

XX. Quod si dicas. Scientiam Animæ Christi, de qua loquitur D. Thomas, esse supernaturalem, speciem verò angelicam esse naturalem: quamvis autem supernaturaliter fieri possit, ut aliquid creatum sciat, vel repræsentet infinita, non tamen quod naturaliter id præstet.

XXI. Respondeo primò: hanc instantiam evincere, speciem repræsentantem infinita de facto, nec in Angelo dari, quod non negabo; non verò dari non posse, ex quo finita sit, ut intendebat arguens. Si enim repræsentare infinita esset contra rationem finiti, nec supernaturaliter posset exconvellere.

Respondeo secundò: quod eisd repræsentare infinita naturaliter convenire non possit speciei, & naturæ inferiori; convenire tamen naturaliter potest speciei, & naturæ superiori, qualis est species, & natura angelica. Hoc enim ipso, quod aliquid superioris ordinis est, licet sit finitum in se, æquivalere infinitis ordinis inferioris, nempe toti generi inferiori; quia omnia superat in perfectione. Sicut & Rex æquivalere omnibus subditis, & superat in dignitate, & cælum infinitis corruptibilibus sibi inferioribus: & eadem ratione unica repræsentatio speciei superioris, & ab ideis divinis exemplatæ excedere, & æquivalere potest pluribus, imò infinitis repræsentationibus particularibus, & ab objectis derivatis, & adhuc esse finita; quia omnes illas contineret sub aliqua ratione determinata, & finita.

XXII. Secundò objicit. Per speciem naturæ, puta humanæ, non possunt omnia ejus individua repræsentari, quin in ea continentur, vel formaliter, vel eminenter: sed in ea non continentur formaliter, quia nulla natura est formaliter omnia sua individua; nec

eminenter, quia cum individua naturæ humanæ sint infinita, ea eminenter continere cum omnibus suis characteribus, gradibus, differentiis argueret in illa virtutem perfectionis prorsus infinitæ; ergo &c.

XXIII. Confirm. Species debet esse formalis similitudo objecti repræsentati: sed unica species non potest esse formalis similitudo naturæ specificæ, & omnium individuum ejus: vel enim est similitudo eorum, ut invicem distincta, & disparata sunt; & sic erit formalis similitudo, & repræsentativa plurium, vel plura sunt, quod est impossibile: vel est formalis similitudo, & repræsentativa eorum, ut in una natura specifica conveniunt; & sic erit repræsentativa, & formalis similitudo eorum solum sub ratione communi, & confusa; ergo &c.

XXIV. Respondeo, dist. maj. per speciem &c. acceptam ab ipsa natura humana non possunt &c. conc. maj. per speciem derivatam à causa superiori, nego maj. & conc. min. nego conseq. Species ergo accepta à natura humana non potest repræsentare individua, nisi ut in ea continentur, cumque in ea non continentur actu, sed solum in potentia, & in confuso, idem non potest ea nisi in confuso repræsentare. At species derivata, & exemplata ab idea in mente Dei existente, qualem esse speciem angelicam jam ostendimus, repræsentat naturam humanam cum individuis clarè, & distinctè, quemadmodum in illa continentur; nimirum, non naturam abstractam, sed naturam actu diffusam, & distributam in individuis; ita ut ejus adæquata repræsentatio, & specificativum sit natura cum individuis, quo pacto in divina idea, cuius est participatio, continentur, & repræsentantur: cum hoc discernimine, quod idea divina ea continet operative, & repræsentative, species vero angelica solum repræsentative. Et hoc indicat S. August. *lib. 2. de Genes. ad litt. cap. 8.* Cum ait, Deus res quas condidit, prius in mente Angelorum creavit, scilicet repræsentative, deinde in seipsis. Et D. Thom. hac

hac Q. 35. a. 1. in corp. & ad 1. ex eodem S. August. *Sicut* (inquit) *ratio, qua creatura conditur, prius est in Verbo Dei, quam ipsa creatura, qua conditur; sic & ejusdem rationis cognitio prius fit in natura intellectuali, ac deinde est ipsa conditio creatura.*

XXV. Ad confirm. dico, quod maior est vera de specie propria, & adaequata rei representatae, qualis est species accepta à re, secus verò de specie excedente, & derivata ab idea superiori. Ita D. Tho. 1. P. q. 33. a. 2. ad 3. *Dicendum* (inquit) *quod idem non potest esse plurimum ratio adaequata: sed si sit excellens, potest idem accipere ut propria ratio, & similitudo diversarum. Sicut in homine est universalis prudentia quantum ad omnes actus virtutum: & potest accipi ut propria ratio, & similitudo particularis prudentiae, qua est in leone ad actus magnanimitatis, & ejus, qua est in vulpe, ad actus cautela. Et sic de aliis. Similem essentia divina accipitur propter sui excellentiam, ut propria ratio singulorum, qua sunt in ea. Unde sibi singula simulantur secundum proprias rationes. Et eodem modo dicendum est de ratione universali, qua est in mente Angeli, quod per eam propter ejus excellentiam multa cognoscere possunt propria cognitione. Idem docet Q. 8. de Veritate 10. ad 3.*

XXVI. Explicatur haec aptissimo, ac superius indicato exemplo. Artifex prius concipit ideam operis faciendi, sicut Architectus domus faciendae in lapidibus, & lignis. Ejus tamen quod mente concepit priusquam in sua materia exteriori ponat, consuevit exprimere imaginem representativam in papyro, cera, aut arc, quam typum, seu modulum vocamus; & haec non desumit suam unitatem ex ipsa re fabricata, ut in se, sed ex unitate, & modo, quod est in mente artificis. Et quia Architectus potest in sua idea secundum diversas habitudines, formare plures, vel pauciores artefacti concepti, & faciendi partes; potest etiam plura, vel pauciora unitim exprimere in typo: & sicut potest in uno conjungere

re plures partes unius domus, ita plures domus pro una civitate; & plures civitates pro uno regno. Ita Deus prius concipit omnium ideam in Verbo, deinde in mentibus angelicis faciendorum typos, & similitudines plura, vel pauciora representantes expressit, cum hoc tamen discrimine; quod similitudines ab artifice creato, quia in materia impressae, non distinguuntur, & ut in se sunt, sed quasi compendio representantur: Deus autem, qui depingit intelligibiles intentiones in mente Angeli ex suis ideis, eas imprimit cum perfectissima representatione, & cum ea adnatione, quam habent in suis divinis ideis; vel saltem simili, & exemplata ab eis.

XXVII. Hinc D. Thomas, in 2. Diff. 3. qu. 2. art. 2. ad 1. triplex universale distinguit. Unum in re, & est natura ipsa in particularibus: aliud à re acceptum per abstractionem, quod est posterius re; & hoc modo formae Angelorum non sunt universales. Est etiam (inquit) quoddam universale ad rem, quod est prius re ipsa, sicut forma domus in mente artificiorum. Et per hoc modum sunt universales formae rerum in mente angelice existentes: non ita quod sint operativa, sed quia sunt operativae similes, sicut aliquae speculativae scientiae operativae habet. Si ergo species angelicae priores sunt ipsis rebus, suam unitatem non sumunt à rebus, sed ab idea eorum operativa, cujus participatione representationes sunt. Unde ibid. 2. 3. ait. *Formae autem, quae sunt in mente Angelorum, sunt simillimae rationibus identibus in mente divina existentibus, sicut deducta immediatè exemplatè ab eis.* His bene pensatis, omnibus Scoti rationibus in contrarium, sit satis, quae omnes in hoc firmiter sunt: quod Angelus intelligat per species à rebus acceptas, & rebus adaequatas: quod si intelligeret per species universales, intelligeret particularia confusè, & quod intelligeret plura ut plura. Quae omnia evanescent si consideremus, species illas representare plura, ut adnascuntur in superiori, & altiori ratione, in qua distinguuntur, & secundum omnes.

res suas differentias res continentur, nempe in divina idea, cuius illa species est immediata expressio.

### §. 1 V.

#### *Corollaria ex Distis.*

XXVIII. **C**ollige ex dictis primò. Angelos, quò natura superiores, ed per universales species intelligere, & consequenter per pauciores. Hæc est perpetua S. Th. doctrina citatis locis. Quò enim superior natura est, ed magis accedit ad Deum, & elongatur ab homine, ergo ed magis participat de unitate, & ed magis recedit à pluralitate in modo intelligendi. Addo, quòd aliàs non salvaretur distinctio specifica inter Angelos. Nam sublata ab eis capacitate ad species magis, & minus universales, perfectio in intelligendo unius Angeli supra alium, in hoc solo consisteret, quòd unus perfectior, & clarior modo intelligeret, quàm alter, quòd ad diversitatem specificam in cognoscendo non sufficit; cùm species Christi Animæ ostendant objectum cum majori claritate, quàm species animæ separata; & tamen illa specie ab illa non distinguitur.

XXIX. Nec obeſt, quòd D. Thomas 1. P. q. 108. a. 1. in solos tres gradus distinguat majorem, vel minorem universalitatem cognoscendi in Angelis: primum convenientem primæ hierarchiæ, quæ rationes rerum percipit in causa summè universali, quæ est Deus: secundum convenientem mediæ hierarchiæ, quæ rationes rerum percipit, ut dependent à causis universalibus creatis, quæ aliquomodo multiplicatur: & tertium convenientem infimæ hierarchiæ, quæ easdem rationes considerat ut applicatas singulis rebus, ut à propriis causis dependent.

Nam ibi S. D. non considerat modum cognoscendi Angelorum intrinsecum, & illis convenientem in se, & ex sua natura, sed modum competentem illis ab extrinseco, & secundum ordinem politicum, quò ab uno prin-

cipe gubernantur, & diversa subeundi ministeria. Altius autem est ministerium quo funguntur Angeli primæ hierarchiæ eo, quo funguntur Angeli secundæ, & istud eo, quo funguntur Angeli infimæ.

XXX. Collige secundò: hanc doctrinam extendendam esse etiam ad species supernaturales; quia cùm supernaturalia, & gratuita, etò non debeantur naturæ, apè tamen ad naturam, & conditionem ejus ex Dei liberalitate conferuntur: hinc est quòd superioribus Angelis species universales conferat ad cognoscenda mystèria gratiæ, quàm inferioribus. Hæ autem species, etò inter se specificè distinguantur, sicut & specificè distinguuntur naturæ Angelorum, quibus accommodantur; non inferunt tamen scientiam infusam, & cognitionem supernaturalem in Angelis specie distinguuntur: quia unitas scientiæ infusæ sumitur ex unitate gratiæ, & visionis beatæ (cujus est participatio) & objecti adequati, quòd idem est respectu omnium, quamvis pluribus, vel paucioribus speciebus cognoscatur.

XXXI. Collige tertio: ex doctrina hucusque data probabiliter sequi, primum, & supremum omnium Angelorum, unicam habere speciem universalissimam, per quam omnia cognoscit, quæ ad ipsius statum pertinent. Cùm enim omnes Angeli seipsos, & Deum per suam substantiam cognoscant, ut diximus, ad hoc non egent aliqua specie, quæ ab ipsorum substantia distinguatur; sed solum ea indigent ad cognoscenda alia à se ac sibi inferiora. Sic ergo supremus Angelus seipsum, ac Deum per suam substantiam cognoscit, & unicam habet speciem quam cognoscit omnes Universi creaturas tam corporales, quàm spirituales, nempe omnes Angeles. Secundus Angelus duas habet species, unam, qua cognoscit Angelum supremum, & aliam, qua cognoscit omnes alios, cæteraque creaturas Universi. Tertius Angelus habet tres species, duas quibus cognoscit duos Angelos sibi superiores, & aliam, qua cognoscit cætera omnia, & sic de om-

omnibus aliis dicendum est. Quod si Deus produceret Angelum superiorem illo, qui modò est supremus, tunc cuilibet Angelo superadderetur una species. Sicut enim ille, qui modò est primus, fieret secundus; ita haberet duas species, unam quâ cognosceret Angelum de nuovo supremum, & alteram, qua cognosceret cætera omnia: & quia secundus fieret tertius, haberet tres species, duas repræsentativas duorum Angelorum superiorum, & tertiam repræsentativam omnium aliarum rerum; & idem de aliis proportionè servata.

XXXII. Nec refert, quòd cum multo Angelorum sit propemodum infinita, Angelus infimus haberet multitudinem specierum quasi infinitam. Etenim, quamvis paucitas specierum in Angelis dicat majorem perfectionem, pluralitas tamen earundem, eò modo dicat minorem perfectionem, imperfectiorem tamen, maxime privativam, non dicit. Imò in hominibus majorem perfectionem dicit: quanto enim pluribus speciebus acquisita ditatur homo, tanto perfectior est, quanto majorem de rebus notitiam habet.

XXXIII. Hæc inquam probabiliter dicta sunt. In istis enim aliquid sic, vel sic determinare, omnino incertum est; cum nobis manifestata non sit mensura, qua singulos Angelos Deus mensus est. Forassis enim etiam inter ipsas res corporeas aliquæ sunt tantæ perfectionis, ut non possint ita faciliè cum alijs unica specie penetrari, sed species distinctas requirant.

XXXIV. Querens: an omnia ea, quæ unica specie repræsentantur, unico etiam actu adæquato possint, ab Angelo cognosci?

Respondeo affirmative. Dummodò tamen in ipsis rebus adint conditiones debitz, & requisitz, ut res possit attingi ab Angelo, scilicet quòd non sint intra causas, & sint pars physica, & naturalis Universi, & non solum morales, ut diceretur. Potest tamen Angelus pro sua libertate uti illa specie solum inadæquate, nimirum ad intelligendum aliquid per illam repræ-

*Idem. §.*

sentatum, & non omnia. Sed de hoc infra.

## DUBIUM VI.

Varia circa modum Cognitionis Angelorum.

### §. I.

*An semper sint in Actu Secundo Cognoscendi?*

I. Ico primò. Angelus semper, ac necessarìò est in actu secundo cognoscendi seipsum. Ita D. Tho. Q. 8. de Veritate, 6. ad 7. dicens: *Intellectus Angeli non est in potentia respectu essentia ejus, sed respectu ejus semper est in actu.* Et 2. 14. ad 6. *Mens Angeli semper se actualiter intelligit; quod ideo contingit, quia mens Angeli intelligit se per essentiam suam, quæ semper informatur.* Quibus, & rationem præbet, & præoccupat instantiam. Rationem quidem. Si enim Angelus intelligit se per suam essentiam, ac semper habet eam sibi intelligibiliter præsentem, manifestum est, cum in sui cognitione ita semper occupari, ut ab ea distrahi non possit: sicut si species alicujus objecti naturaliter afficeret pupillam oculi, non posset ab ejus visione desilire, quantumcumque aliquid aliud objectum excellens præsentaretur.

Instantiam quoque præoccupat. Non enim sic necessitatur Angelus ad actuale sui cognitionem necessitate objecti, quomodo necessitatur Beatus ad cognitionem & amorem Dei, in quo est omne verum, & omne bonum; sed necessitate subjecti, & principi, in quantum cognitio sui est proprietates naturaliter dimanans ab ejus essentia, ad eum modum, quòd motus cordis finit, quâs proprietates, à natura animalis.

II. Ex hoc nascitur altera ratio, quam idem S. D. uradit 1. Contrag. cap. 97. sic: *Omnis substantia vivens habet aliquam operationem vitæ in actu ex sua natura, quæ inest ei semper, licet alia quandoque inest ei in potentia.*

tia, sicut animalia. semper nutriuntur, licet non semper sentiant: sed substantia separata sunt substantia viventes... nec habent aliam operationem vita, nisi intelligere; oportet igitur, quod ex sua natura sint intelligentes actu semper: at quid aliud, nisi suam substantiam, qua semper etiam intelligibiliter informantur?

III. Dico secundò. Angeli semper, ac necessariò cognoscunt Deum, ut suæ naturæ Austorem. Probo. Angelus ex dictis videt Deum per suam substantiam, ut speculum, in quo imago Dei repræsentatur: sed qui necessariò videt speculum, necessariò videt imaginem repræsentatam in speculo; ergo &c. Tum etiam: Angelus se videns, se comprehendit: sed non potest se comprehendere, quin cognoscat habitudinem, & dependentiam, quam habet à Deo, & proinde, quin Deus aliquomodo abstrahivè ab eo cognoscatur; ergo &c.

IV. Dico terciò. Angeli continuò intelligunt ea, quibus sunt destinati. Sic Angeli motores colorum eis continuò suæ mentis attentione applicantur, cum suæ mentis conceptione eos moveant. Sic Angeli Custodes suos clientes, & quæcumque eorum curæ commissa sunt, nunquam cogitatione dimittunt, nec quantumvis impio totaliter deserunt. Sic Dæmones semper suos cruciatus, & destinationem ad ignem corporeum apprehendunt; torquentur enim continua cogitatione suæ poenæ ac supplicii. E' contra verò Angeli beati semper sunt in actu visionis Dei, & eorum, quæ vident in Verbo; quia in hoc eorum beatitudo sita est, à qua cessare non possunt. Unde Christus, Matth. 18. v. 10. *Angeli inquit eorum in calice semper vident faciem Patris mei, qui in calice est.* Ita quoque S. Thom. 1. P. q. 58. art. 2.

V. Dico quartò. Angeli respectu aliorum non semper sunt in actu cognitionis, sed quandoque in actu, quandoque in potentia. Ita S. Thomas 1. P. q. 58. a. 2. ubi obsevat, quòd *Intellectus dupliciter est in potentia: uno modo, sicut ante addiscere, vel invenire,*

*scilicet antequam habeat habitum scientia. Alio modo dicitur esse in potentia, sicut cum jam habet habitum scientia, sed non considerat.* Et resolvit. Primo igitur modo intellectus Angeli nunquam est in potentia respectu eorum, ad quæ ejus cognitio naturalis se ostendere potest. Sicut enim corpora superiora, scilicet celestia, non habent potentiam ad esse, quæ non sit completa per actum; ita celestes intellectus, scilicet Angeli, non habent aliquam intelligibilem potentiam, quæ non sit completa per species intelligibiles connaturales eis. Sed quantum ad ea, quæ eis divinitus revelantur, nihil prohibet, intellectum eorum esse in potentia; quia sic etiam corpora celestia sunt in potentia quandoque, & ut illuminentur à Sole. Secundo verò modo intellectus Angeli potest esse in potentia ad ea, quæ cognoscit naturali cognitione; non enim omnia, quæ naturali cognitione cognoscit, semper actu considerat. Idem docet Qu. 2. de Veritate, a. 6. ad 7. ubi postquam dixit, quòd *Intellectus Angeli non est in potentia respectu essentia ejus, sed semper est in actu* (ut ostendimus supra) subdit: *Respectu autem aliorum intelligibilium potest esse in potentia: non essentiali, sicut antequam addiscat, sed accidentaliter, sicut habens habitum, dum non considerat.*

§. I. 1.

*An Angeli simul Multa cognoscant?*

VI. Dico. Nec Angelus, nec homo intelligit, aut potest intelligere plura, ut plura, bene tamen per medium unius. Ita D. Tho. 2. 2. q. 58. citata, a. 2. Qu. 8. de Veritate, a. 14. & 2. libi. Ut hoc asserimus intelligitur, non: quòd intelligere plura, ut plura, seu per modum plurium, est ea intelligere per diversas species ejusdem generis, & ordinis nullum habentes ordinem invicem, neque ad aliquid tertium: id est, prout unaquæque refert similitudinem sui objecti præciè, puta bovis, aut leonis. absque ullo ordine unius ad alterum, vel utriusque ad aliquod tertium. Quòd si species

re

repræsentent sua obiecta, ut sunt extrema alicujus comparationis, vel differentiar, vel propositionis; sive ut aliter ordinantur, vel ambo ad tertium, vel unum ad alterum; non sunt plura, ut plura, sed plura per modum unius totalis repræsentati, & cogniti. Sic dum dicitur *hoc non est Leo*, *Bos*, & *leo* repræsentantur cum ordine invicem, & ad unam propositionem quam constituunt. Et hinc D. Thomas 1. 2. q. 85. a. 4. ad 3. dicit: *Quod partes possunt intelligi dupliciter. Uno modo sub quadam confusione, prout sunt in toto; & sic cognoscuntur per unam formam totius, & si simul cognoscuntur. Alio modo cognitione distincta; secundum quod qualiter cognoscitur per suam speciem, & sic non simul intelliguntur.* Et ad 4. ait: *Quod quando intellectus intelligit differentiam, vel comparationem unius ad alterum, cognoscit utrumque differentium, vel comparatum, sub ratione ipsius comparationis, vel differentia.* His notatis.

Prob. prima pars. Si Angelus plura per modum plurimum simul intelligeret, vel uno actu ea cognosceret, vel pluribus; sed neutro modo &c. ergo &c. Min. prob. Non unico actu; quia, ut docet D. Th. hac qu. 58. a. 1. *Sicut ad unitatem motus requiritur unitas terminis; ita ad unitatem operationis requiritur unitas obiecti*; sed plura per modum plurimum non habent rationem unius obiecti, sed plurimum; ergo &c. Nec pluribus actibus; nam actus cognitionis est ultima actualitas, & ultimus terminus potentie secundatæ per speciem; sed idem non potest simul terminari pluribus terminis, ut puribus, sicut nec eadem pars lineæ ad diversa puncta, nec idem corpus pluribus, ac diversis figuris figurari; ergo &c. Hac ratione nititur S. Thomas 2. 2. q. 8. de Verit. a. 14. ubi postquam dixit, in eodem intellectu posse esse diversas species *in potentia, seu in actu incompleto*, & hoc est species esse in habitu, qui est medius inter potentiam, & operationem; statim subiungit: *Sed in actu perfecto plurimum specierum intellectus simul esse non potest. Ad hoc autem quod actu intelligat, oportet, quod sit in actu*

*perfecto illius speciei, secundum quam intelligit. Et ideo impossibile est, quod simul, & semel secundum diversas formas actu intelligat.*

VII. Confirmatur. Si Angelus plura simul cognosceret; vel ea cognosceret, ut repræsentata per unicam speciem; vel ut repræsentata per diversas species. Si per unam speciem; iam non cognoscit plura, ut plura, sed ut adunata in una ratione: ea verò cognoscere simul per diversas species foret esse in actu completo, & ultimo per diversas formas, quod impossibile est; ergo Angelus nequit plura, ut plura, simul intelligere. Unde D. Thom. Qu. 8. de Verit. a. 14. citato, concludit: *Omnia igitur diversa, qua diversi formis intelligit, non potest simul intelligere, illa vere, qua intelligit per eandem formam, simul intelligit.* Ex his.

VIII. Probatur secunda pars. Cum enim plura cognoscuntur per eandem formam, esse plura sint materialiter, formaliter tamen, & in ratione obiecti unum sunt, quia omnium eadem forma est. Unde citato loco ad 6. ait S. Doct. *Si enim aliqua duo ista se habeant, ut unum sit ratio intelligendi aliud, unum eorum erit quasi formale, & aliud quasi materiale, & sic illa duo sunt unum intelligibile, cum ex forma, & materia unum constituatur. Unde intellectus, quando intelligit aliquid per alterum, intelligit unum tantum intelligibile, sicut patet in visu; lumen enim est, quo videtur color: unde se habet ad colorem quasi formale, & sic color, & lumen sunt unum tantum visibile, & simul a visu videtur.*

IX. Ex his inferit S. Doct. ibi, quod cum essentia Angeli sit ei ratio cognoscendi omne, quod cognoscit, *quomodo non perfecte, propter quod formis superadditis indiget...* cum intelligit se, & illa, non intelligit simul multa, nisi ut unum.

X. Inferit secundā, ibi in corp. & hac Qu. 58. a. 2. quod *Quaecumque per unam speciem intelligibilem cognosci possunt, cognoscuntur ut unum intelligibile. & ideo simul intelliguntur.* Unde omnia, quæ Angelus intelligit per unam Dei

essentia

C c 2

essentiam, simul ut unum intelligibile cognoscit; ea verò, quæ intelligit per formas innatas, quæ sunt multæ, non simul intelligit, si diversis formis intelligat. Quia verò, ut *Dub. præcedente* statutum est, Angelus multa intelligit per eandem formam, ad minus omnia singularia ejusdem speciei; & superior multò plura una specie intelligit, quàm inferior: omnia hæc, quæ una specie cognoscuntur, ad cognitionem Angeli comparantur, ut unum intelligibile. Unumquodque enim sit intelligibile in actu per formam intelligibilem; unde quæ uniuntur in eadem forma intelligibili, in esse intelligibili unum sunt.

XI. Hinc dùm sensus sive externus, sive internus uno actu percipit plura objecta, ut dum sensus visus uno intuitu videt hominem, equum, arborem, & in eadem re plures colores; dum auditus simul percipit diversos sonos, ut sonum vocis, & cytharæ, bombardæ, & campanæ; cum sensus internus omnia objecta sensuum externorum uno actu conjungit; tales sensus non percipiunt plura ut plura: quia hæc omnia cum sensum moveant per unam speciem, & per eam cognoscantur, se habent per modum unius sensibilibus adæquati. Propterea D. Th. Quolibet. 7. a. 2. ad 2. simili argumento respondens: *Similiter (inquit) dicendum est de potentia sensitiva, id est, quod non potest plura simul sentire, sed ex consequenti, in quantum plura accipiuntur ut unum; sicut plura sensibilia uniuntur in una differentia, & plura sensibilia, quæ sunt partes, uniuntur in uno toto. Quamvis differentiam inter sensum, & intellectum ibi assignet S. Doct. dicens: Sensus communis, quoniam sit una potentia secundum essentiam, tamen aliquomodo multiplicatur secundum esse; in quantum conjungitur diversis sensibus propriis, sicut unum centrum conjungitur pluribus lineis, unde immutationes omnium sensibilibus simul terminantur ad sensum communem; sicut motus, qui esset per omnes lineas, posset simul terminari ad centrum: sed intellectus non multiplicatur modo prædicto in plures potentias, & ideo non est simile.*

XII. Tandem, ne quis putet, intellectum Angeli dùm plura per modum unius cognoscit, ea cognoscere non distinctè, sed solum confusè; & utatur exemplo D. Tho. superius allato de partibus continui, quæ dùm cognoscuntur, ut sunt unum in toto, solum confusè cognoscuntur; observandam censeo differentiam inter species intellectus nostri, & angelici. Nam, species nostræ limitatæ sunt, quia à rebus acceptæ; & ideo species totius representans partes, ut sunt unum in toto, eas non ita clarè repræsentat, sed confusè: at species angelicæ, quia à divinis ideis, in quibus omnia distinctè continentur, sunt exemplatæ, clarè, & distinctè omnia repræsentant, totum & partes, speciem & individua, genus & species; & ideo pariunt omnium, quæ repræsentant, distinctam, & propriam cognitionem ex parte rei cognitæ. Quibus ea, quæ obijci possunt, præoccupantur.

#### 6. I I I.

#### *An Angeli intelligent Discurrendo?*

XIII. **A**firmant Scotistæ cum Scotto; negant verò cum suo Angelico Magistro Thomistæ. Suarez verò dicit, Angelum circa naturalia, quæ potest evidenter cognoscere, non uti discursu, bene tamen circa supernaturalia, & circa ea etiam naturalia, quæ non potest evidenter cognoscere, qualia sunt futura contingentia, & secreta cordium.

XIV. Pro intelligentia adverto cum D. Thoma, hac 1. 2. q. 14. a. 7. in cognitione duplicem posse contingere discursum: unum secundum successionem tantum; alterum etiam secundum causalitatem. Prior dicit tantum successionem actuum absque illatione, ut quando intelligimus hoc, deinde hoc; seu, ut ait D. Thomas: *Cum possimus quam intelligimus, aliquid in actu, convertimus nos ad intelligendum aliud.* Posterior non solum successionem, sed etiam causalitatem inter actus importat; ita ut prior causet, & inferat poster-



Acquirentem; Sicut cum per principia cognita pervenimus in cognitionem conclusivum. Priorem discursum de facto reperiri in Angelis exploratum est. Cum enim non unico actu, sicut Deus, intelligant omnia, consequens est, ut ad rerum cognitionem successione actuum indigeant. De posteriori ergo, qui proprie nomine *discursus* venit, procede quaestio.

XV. Ad verum autem, & proprium discursum dux necessariò requiruntur conditiones. Una, distinctio actuum, & quidem realis, si discursus sit formalis. Altera, quòd sit illatio, & vera causalitas inter actus, ut prior realiter inferat, & causet posteriorem; seu, ut unum prius cognitum (prioritate sive durationis, sive naturæ) pariat, & inferat cognitionem posterioris. Quare ad verum & formalem discursum non sufficit, ut unum ex parte objecti sit ratio cognoscendi aliud: essentia enim divina, tam Deo, quàm Beatis est ratio cognoscendi omnia: & tamen in Deo nullus est discursus, nec Beati in visione beata discurrunt. Requirit igitur discursus duos actus ex parte subjecti, quorum uno cognoscatur causa, altero verò ex priori illato, quo ex causa cognita procedatur ad cognitionem effectus. Propterea valde differunt hæc tria, nempe; *Videre aliud in alio, videre post aliud, & videre ex alio*. Deus enim omnia videt in seipso: non tamen post aliud visum, aut ex alio viso. Angeli vident unum post aliud, non tamen unum ex alio; ut dicemus. Homines verò vident unum post aliud, & insuper vident unum ex alio. His ergo præmissis.

XVI. Dico. In Angelis nec datur, nec dari potest discursus formalis. Ita D. Thomas, hac Q. 58. a. 3. cujus ratione probò sic. Angelis illum gradum tenent in substantiis spiritalibus, quem corpora cœlestia in substantiis corporeis, & propterea *Cœlestes mentes* dicuntur à D. Dionysio (*de Divin. Nom. c. 7. & cap. 22. Cœlest. Hierarch.*) Sed ubi corpora terrena per mutationem, & motum adipiscuntur suam perfectionem, corpora tamen cœlestia statim

ex ipsa sua natura suam ultimam perfectionem habent; ergo, ubi inferiores intellectus, scilicet hominum, per quandam motum, & discursum intellectualis operationis perfectionem in cognitione veritatis adipiscuntur, dum ex uno cognito ad aliud cognoscendum procedunt; superiores tamen intellectus, quales sunt angelici, statim in illis, quæ primò naturaliter cognoscunt, inspicunt omnia quæcumque in eis cognosci possunt. Et ideo *Intellectuales* dicuntur, anima vero humana *Rationalis*; quia ista ratiocinatione, & discursu ex uno ad aliud procedit; illi verò statim naturaliter apprehendunt: quare habitus primorum principiorum *Intellectus* nuncupatur. Quod docet etiam Q. 8. de Verit. a. 15. sic dicens: *Sicut nos sine discursu principia cognoscimus simpliciter intuitu, ita & Angeli omnia quæ cognoscunt: unde & intellectuales dicuntur, & habitus principiorum in nobis dicitur intellectus*.

XVII. Dices primò. Ex hoc sequi, quòd Angelus necessariò non debeat uti discursu, sicut nos: non tamen, quòd eo uti non possit ex sua libertate; & maxime si velit uti sua specie non adæquatè, sed solum inadæquatè, prout scilicet repræsentat principium, & non conclusionem. Ita Molina.

XVIII. Sed contra. Nequit Angelus pro sua libertate immutare modum naturalem suæ cognitionis, hic enim non subditur suæ voluntati: sed cognoscere statim in principio conclusionem, est modus connaturalis Angelo ratione suæ naturalis perfectionis, qua excedit modum cognoscendi hominis; ergo non potest &c.

Confirmatur. Nequit Angelus sua libertate usurpare id, quod proprium est hominis: sed ratiocinari, & discurre est proprietas hominis, sicut esse rationale, & discursivum est hominis essentia; ergo &c.

XIX. Nec obest, quod additur. Nam est Angelus possit uti sua specie non secundum adæquatam repræsentationem, sed solum inadæquatam, intuendo scilicet solum principium, & non conclusionem; dum tamen alio actu

At cognosceret conclusionem, non discurreret vero discursu secundum causalitatem; quia ille alius actus, quo cognosceret conclusionem, esset disparatus, & non ortus ex actu, quo cognovit principium; sed esset actus cognoscens conclusionem non in seipso, sed in principio: unde cognosceret utrum post aliud, non unum ex alio, quoad ad rationem discursus veri secundum causalitatem requiritur. Unde. D. Tho. 1. 2. q. 80. a. 4. *Oportet (inquit) quod quandoque (Angelus) considerat conclusiones, consideret eas prout sunt in principiis.*

XX. Dicens secundum cum Suarez: rationem D. Thomæ concludere ad summum, quod Angelus non possit discurrete circa naturalia, non autem quod non possit discurrete circa supernaturalia; circa quæ non habet lumen perfectum, sicut circa naturalia, sed solam potentiam obedientialem.

XXI. Sed contra. Nam gratia, & supernaturalia dona non destruant, sed infunduntur secundum modum connaturalem; nec deprimentur modum operandi naturæ superioris ad modum operandi naturæ inferioris, sed potius illum elevat, ac perficiunt; ergo cum modus connaturalis Angeli, ut elevatur supra hominem, sit cognoscere absque discursu, non nimis, ac cognoscere per species universales; sicut hac ratione superius diximus, Angelo etiam circa supernaturalia infundi species universales; ita etiam dicimus modum circa eadem illi infunditur lumen, quo possit etiam circa supernaturalia absque discursu procedere: & sicut lumine naturæ cognoscit unico, & indivisibili actu Petrus esse hominem, & esse risibilem; ita unico intuitu lumine supernaturali in hoc principio: *Christus est homo*, videt hanc conclusionem, quæ in eo necessario continetur: *Christus est risibilis*.

XXII. Addo quod lumen supernaturale de se non est discursivum, sed solum ex conditione subiecti, quando scilicet subiectum de sua natura est discursivum. Quare D. Thom. 1. 2. q. 9. a. 1. ad 1. docet: quod scientia, quæ

inter dona recensetur, non est de se discursiva, sicut nec scientia divina, concludens: *Et idem divina scientia non est discursiva, vel rationativa, sed absoluta, & simplex, cui similis est scientia, quæ ponitur donum Spiritus Sancti, eum sit quadam participata similitudo ipsius.* Cum ergo Angelus, qui est subiectum luminis supernaturalis, non sit ex natura sua discursivus, non utitur lumine discursivo modo, sed absoluto & simplici, ut in se est.

XXIII. Arguesprimò. In cognitione, qua Angelus ex cognitione sui cognoscit Deum, intervenit discursus, nempe duplex actus; unus, quo seipsum cognoscit intuitivè; aliter, quo ex tali actu procedit ad cognoscendum Deum abstractivè; eadem enim cognitio nequit esse abstractiva, & intuitiva.

Confirm. Cum Dæmones visis Christi miraculis conjiciebant, ipsum esse Deum, & Filium Dei; vel dum ex aliquibus signis, ad iudicium veniunt, aut explorant secreta cordium, aut futura contingentia, ibi sunt duo actus; unus certus, & evidens, scilicet visio miraculorum Christi, aut signi exterioris; alter incertus, & obscurus ex primo causatus, nempe suspicio de divinitate, aut de tali cogitatione mente concepta, vel futuritione tali; unus enim, & idem actus nequit esse clarus, & obscurus. certus, & incertus; ergo ibi intervenit discursus, quo ex illis visis discurrunt ad ea, quæ ex illis possunt inferri.

XXIV. Respondeo, negando assumptum. Angelus enim videt, seu cognoscit Deum; non ex seipso, sed in seipso, ut in speculo representante ipsum, quemadmodum supra dictum est. Sicut ergo oculus corporalis eodem actu, quo videt speculum, absque discursu videt representatum in speculo, ita oculus intellectualis Angeli eodem actu, quo seipsum videt, cognoscit etiam Deum in te abstractivè representatum. Neque est novum, quod una eademque cognitio respectu diversorum intuitiva sit, & abstractiva. Constat enim, visionem beatam, cum unica numero sit in quolibet Beato, esse intuitivam Dei,

Dei, & creaturarum in eo existentium, & abstractivam creaturarum possibilitatem. Differentiæ enim intuitivi, & abstractivi sunt accidentales, & extraneæ respectu cognitionis.

XXV. Ad confirm. nego pariter quod assumitur. Non enim Dæmones ex visis miraculis, aut aliis signis procedunt ad cognoscenda, quæ, vel suspitione, vel conjectura ex illis possunt inferri; sed in iis ipsis cognoscunt connexionem probabilem, & conjecturalem cum aliis, quæ non vident. Neque repugnat, eandem cognitionem, respectu unius esse claram, & certam, respectu vero alterius esse obscuram, & incertam. Hoc enim in nobis quoque sæpe contingit, qui, dum aliquod principium naturale evidenter cognoscimus, simul in eo quasdam conclusiones in confuso tantum, & opinativè detegimus: *Quid autem mirum* (ait S. August. lib. de divin. Dæmon. cap. 5.) *si quemadmodum ille (Medicus) in corporis humani, vel perturbata, vel modificata temperie, seu bonas, seu malas futuras prævidet valetudines; sic Dæmon in aeris affectione, atque ordinatione fiti nota, nobis ignota, futuras prævidet tempestates? Aliquando & hominum dispositiones non solum voce prælatæ, verum etiam cogitatione conceptas, eum signa quadam ex animo exprimentur in corpore tota facilitate perdiscunt; atque hinc etiam multa futura prænuntiant, aliis videlicet mira, qui ista disposita non noverunt. Hæc autem à Dæmone dignoscitur abque discursu ostendit S. Thomas Qu. 8. de Verit. a. 15. ad 4. dicens: Cordis abscondita in motibus corporis intuentur Angeli, sicut causa videtur in similitudinibus suorum effectuum absque omni discursu. Nec propter hoc, quid illos motus de novo percipiunt, aliqua collatione indigent, Nam enim ut res sensibiles sunt, similes sunt Angelorum formis, & sic ab Angelis cognoscuntur, & sic sine discursu sensibilia de novo fallas cognoscunt. Idem docet ibi ad 6. & 7. ubi ait: Quod experimentalis cognitio in Dæmonibus non fit per collationem, sed secundum quod vident effectus in causis, vel causas in*

*effectibus. Idem docet 1. P. q. 58. a. 2. ad 3.*

XXVI. Argues secundò. In Angelo distincta est volitio, qua vult finem, ab ea, qua eligit, & vult media, & ista causatur ex illa; ergo pariter in eo distincta erit cognitio, qua cognoscit principium ab ea, qua cognoscit conclusionem, & ista causabitur ex illa.

Respondet D. Thom. 1. P. q. 60. a. 2. discrimen esse inter intellectum & voluntatem, quòd *Cognitio intellectus fit secundum quod res cognita sunt in cognoscente. Est autem ex imperfectiōne intellectualis naturæ in homine, quòd non statim ejus intellectus naturaliter habet omnia intelligibilia, sed quadam, à quibus in alia quodammodo movetur. Sed alius appetitiva virtutis est & converso, secundum ordinem appetentis ad res. Quarum quædam sunt secundum se bonæ, & idò secundum se appetibiles. Quædam vero habent rationem bonitatis ex ordine ad aliud, & sunt appetibiles propter aliud. Unde non est ex imperfectiōne appetentis, quid aliquid appetat naturaliter, ut finem, & aliquid per electionem, ut ordinatur in finem. Quia igitur natura intellectualis in Angelis perfecta est, invenitur in eis sola cognitio naturalis, non autem ratiocinativa; sed invenitur in eis dilectio & naturalis, & electiva.*

XXVII. Argues tertio. Eubulia, seu virtus benè consiliativa in Angelis ponitur: sed hæc dicit inquisitionem, & discursum. Insuper, in eò ponitur admiratio circa supernaturalia. Nomine enim Angelorum dicitur, Isaia: 63. v. 2. *Quis est iste, qui venit de Edom? Et Cant. 3. v. 6. Quæ est ista, quæ ascendit per desertum sicut virgula fumi? Admiratio autem accidit, cum ex cognitione effectus decurimur in cognitionem causæ ignotæ, quod discursum involvit. Tertio. In Angelis datur scientia; hæc autem propriè sumta, cum ex cognitione principiorum causetur, discursum petit. Quarto. Quidquid potest virtus inferior, potest virtus superior; sed intellectus humanus potest syllogizare, & in effectibus causas cognoscere, secundum.*

etndum quæ discursus attenditur; ergo & intellectus Angeli.

XXVIII. Respondeo ad singula. Ad primum, nego min. In Deo enim datur *Eubulia*, seu consilium absque inquisitione, & discursu. Eubulia ergo tunc solum per inquisitionem procedit, quando est in subiecto, quod non statim pervenit ad certitudinem iudicii. Cum ergo in Angelis, sicut in Deo, statim addit certitudo iudicii, ideo in eis est Eubulia, & consilium secundum actum ei essentialem, qui est iudicium certum de agendis. Vide D. Th. 1. P. q. 22. art. 1. ad. 1. & q. 59. a. 3. ad 1. dicentem: *In Angelis est electio, non tamen cum inquisitis deliberatione consilii, sed per subitam acceptionem veritatis.*

XXIX. Ad secundum dico, quod admiratio in Angelis solum indicat, aliquid posse eis accidere, cuius causam ignorent, non tamen, quod per discursum ad eam querendam procedant, sed quod expectent à Deo illum ministris unde D. Thom. Q. 8. de Verit. a. 15. ad 2. *Angelis (inquit) non est ignotum aliquid eorum, ad quod possunt per naturalem cognitionem pervenire; sed aliqua ignorant, quia naturalem cognitionem excedunt; & in horum cognitionem ex seipsis venire non possunt conferendo, sed solum ex revelatione divina.*

XXX. Ad tertium, nego min. aliquid in Deo propriè scientia non caret: Scientia ergo, qua in nobis invenitur, habet aliquod perfectionis, & aliquid imperfectionis. Ad perfectionem ejus pertinet certitudo ipsius, quia quod scitur, certius donaliter cognoscitur. Sed ad imperfectionem importet discursus intellectus à principis ad conclusiones, quarum est scientia. Hic enim discursus non continet, nisi secundum quod intellectus cognoscens principia, cognoscit in potentia tanquam conclusiones. Si enim actu cognosceret, non esset ibi discursus, eum, motus non sit, nisi exitus de potentia ad actum. Ita D. Thom. Q. 2. de Verit. a. 1. ad 4. Cum ergo Angeli in principis actu videant conclusiones, in eis est scientia sine discursu. Non ta-

men ex hoc sequitur, ut putant Scotista, Angelum posse cognoscere infinita actu, sed solum in potentia, non quasi addiscens ex principiis, sed ut actu non considerans in eis omnia, quæ in eis considerari possent.

XXXI. Ad quartum, respondet S. Th. hac Q. 58. a. ad 2. *Quod Angeli syllogizare possunt, tanquam syllogismum cognoscentes; & in causis effectus vident, & in effectibus causas; non tamen ita, quod cognitionem veritatis ignota acquirant syllogizando ex causa in causata, & ex causatis in causas.*

XXXII. Argues quartò. Etsi Angeli discurrerent, adhuc staret discrimin. essentialis inter eos, & animam rationalem in ratione intellectiva; sicut etsi omnes Angeli non discurrant, adhuc itat differentia specifica inter illos, secundum nos, in ratione intellectiva.

XXXIII. Hæc instantia, quam proponit Frassen, nascitur ex non intelligentia rationis D. Thomæ. Non enim D. Thomas denegat Angelis discursum, ex eo præcisè, quia essentialiter specie differant ab anima rationali; sed quia ab ea differunt, sicut natura posita in gradu superiori intellectualitatis, eo modo, quo corpora coelestia differunt, & excedunt hæc corpora sublunaria, & inferiora. Ex quo inferit, quod sicut corpora coelestia non per motum, & successivè suam naturalem perfectionem acquirunt, sed eam statim a sua conditione perfectè habuerunt: ita Angeli, qui inter naturas intellectuales excedunt in gradu intellectuali homines, non per motum, & discursum acquirunt suam intellectualem perfectionem, sicut homines; sed statim in principio naturaliter cognito, omnia quæ in eo cognosci possunt, in eo intelligent. Si verò Angeli, sicut homines discurrerent, quidquid sit, an subsisteret inter Angelos, & homines distinctio specifica eo modo; quo hæc subsistit inter omnes Angelos. quamvis omnes intelligent sine discursu, non subsisteret tamen diversitas in gradu intellectualitatis; sed Angelus & homo essent in eodem gradu, sicut omnes Angeli invicem. Quare in  
for.

forma, dist. ant: distinctio essentialis specifica, transeat ant: essentialis in gradu intellectuali, nego ant.

## §. I V.

*An Angelus intelligat Componendo, vel Dividendo?*

XXXIII. **D**ico. Angelus non componendo, aut dividendo, sed simpliciter apprehendens intelligit. Ita D. Tho. cit. Q. 58. a. 4. cuius hæc est ratio. Angelus non intelligit ratiocinando, aut discurrendo, ut dictum est; ergo nec componendo, aut dividendo. Conf. prob. Ideo Angelus non intelligit discurrendo; quia in principio naturaliter cognovit statim cognoscit omnia, quæ in eo continentur, & omnium conclusionum, quæ ex eo deduci possunt, veritatem: sed etiam cognitio subiecto cognoscit in eo quicquid ei potest attribui, vel ab eo removeri; ergo &c. Sicut ergo si intellectus noster statim in ipso principio (verba sunt S. Thomæ, ibi) videret conclusionis veritatem, nunquam intelligeret discurrendo, vel ratiocinando. Similiter si intellectus statim in apprehensione quidditatis subiecti, haberet notitiam de omnibus, quæ possunt attribui subiecto, vel removeri ab eo; nunquam intelligeret componendo & dividendo, sed solum apprehendendo quod quid est. Sic igitur patet, quod ex eodem provenit, quod intellectus noster intelligit discurrendo, & componendo & dividendo: ex hoc scilicet, quod non statim in prima apprehensione alicuius primi apprehensibile potest inspicere quicquid in eo virtute continetur. Quod contingit ex debilitate luminis intellectualis in nobis. Unde cum in Angelo sit lumen intellectuale perfectissimum sit speculum purum, & clarissimum... relinquitur, quod Angelus, sicut non intelligit ratiocinando, ita non intelligit componendo, & dividendo. Ita S. Doct.

Qui tamen addit: Nihilominus tamen compositionem, & divisionem enunciationum intelligit, sicut & ratiocinationem syllogismorum, intelligit enim com-

Tom. V.

posita simpliciter, & mobilia immobilitate, & materialia immaterialiter.

XXXIV. Dices primò pro Scotto contrarium opinante. Ubi est multitudo intellectuum, ibi est multitudo intellectuum: sed in intellectu Angeli est multitudo intellectuum, cum per diversas species diversa intelligat, & non omnia simul; ergo in intellectu Angeli est compositio, & divisio.

Distinguo maj. Multitudo intellectuum, quorum unum attribuitur alteri, ibi est & co. maj. aliter, nego maj. & similiter distincta min. nego conf. Responsio est D. Th. hic ad 1. dicentis: Non qualescumque multitudo intellectuum compositionem causat, sed multitudo illorum intellectuum, quorum unum attribuitur alteri, vel removetur ab eo. Angelus autem intelligendo quidditatem alicuius rei simul intelligit quicquid ei attribui potest, vel removeri ab ea. Unde intelligendo quicquid est, intelligit quicquid nos intelligere possumus componendo, & dividendo, per unum suum, simplex intellectum. Hinc omnis cognitio Angeli est judicativa. Si enim attingat subiectum, in eo, & per speciem ejus attingit prædicatum; si attingat prædicatum, attingit in eo subiectum, etiam si attingat illa seorsim. Si verò ea attingat, ut coadunata in propositione; si hæc sit naturalis, ut ista: Petrus est doctus, per se primò attingit subiectum, & per speciem ejus prædicatum. Et si prædicatum sit supernaturale, ut in ista: Petrus est prædestinatus, in prædicato cognoscit subiectum, qui ab illo unice specificatur.

XXXV. Dices secundò. Plus distat affirmatio à negatione, quàm duæ quidditates oppositæ; sed aliquas naturas distantes Angelus cognoscit per diversas species, & actus; ergo similiter affirmabit, & negabit diversis actibus; ergo componendo, & dividendo. Respondeo cum D. Thoma citato ad 1. dist. maj. Plus distat quantum ad rationem existendi, co. maj. quantum ad rationem cognoscendi, nego maj. Igitur (inquit S. Doct.) Diversa quidditates rerum vixque differunt quantum

D d

ad

ad rationem existendi, quam affirmatio, & negatio; tamen quantum ad rationem cognoscendi affirmatio, & negatio magis conveniunt; quia statim per hoc, quod cognoscitur veritas affirmationis, cognoscitur falsitas negationis opposita.

XXXVI. Dices tertio. Locutio externa est signum internae compositionis, & divisionis in mente: sed Angeli hominibus loquentes affirmativas, & negativas enunciationes exterius protulerunt; ergo &c.

Respondet D. Thom. laudatus ad 3. quod Hoc, quod Angeli loquuntur enunciationes affirmativas, & negativas, manifestat, quod Angeli cognoscunt compositionem, & divisionem; non autem quod cognoscant componendo, & dividendo, sed simpliciter cognoscendo quod quid est.

#### S. V.

*Id intellectu Angeli nequit esse per se falsitas,*

XXXVII. **C**olligo primū ex dictis, non posse per se loquendo reperiri falsitatem, sed solum per accidens. Prima pars probatur. Nam Angelus, ex dictis, non intelligit componendo, aut dividendo, sed simpliciter apprehendendo quidditatem rei; Intellectus autem circa quod quid est semper verus est, sicut & sensus circa proprium obiectum, ut ait D. Thom. hac Qu. 58. a. 3.

XXXVIII. Secunda verò pars (quae de malis Angelis procedit) intelligenda est respectu rerum supernaturalium, vel naturalium, ut tamen sublimi ordinationi divinae. Cum enim Angeli tam boni, quam mali videant, quando volunt, omnium rerum naturalium naturas, & proprietates, ac etiam ea quae naturaliter, seu necessario ex illis eveniunt; respectu rerum naturalium, non falluntur, nec decipiuntur. Sed quia non vident quid Deus supra, vel de iis facere velit; ideo mali decipi possunt quantum ad ea, quae supernaturaliter possunt evenire: sicut si

considerantes hominem cecum, vel mortuum, iudicent, eum non esse aliquando visum, aut resurrecturum; vel cum videntes hominem Christum iudicabant, eum non esse Deum.

Boni verò Angeli, ne quidem quoad supernaturalia falluntur. Ratio diversitatis est. Quia boni Angeli per omnia se divinae sapientiae submitunt; ideoque de rebus supernaturalibus, quando non habent certas revelationes, non iudicant ita esse, vel non esse absolute; sed ex signis probabilibus tantum iudicant hoc esse probabile, & posse ita evenire. Similiterque de rebus naturalibus, secundum quod sublimi divinae ordinationi (per quam circa illas varia mutata potest accidere) non proferunt absolutum iudicium. Unde fit, quod licet in naturalibus causis videant pestem, aut siccitatem, non tamen obfusculi iudicent, eam eventuram: quia sciunt, vel Sanctorum orationibus, vel etiam sine illis posse, Deo sic disponente, aliter fieri. At Daemones, quoniam ex pravitae suae voluntatis à divina sapientia recedunt, catenis nolunt attendere; saepe secundum conjecturas, aut argumenta probabilia, vel cursum rerum naturalium absolute iudicare volentes, falluntur. Angeli igitur boni & inquit S. Thom. 2. 2. laudato) habentes rectam voluntatem, per cognitionem quidditatis rei, non iudicant de his, quae supernaturaliter ad rem pertinent, nisi salva ordinatione divina. Unde in eis non potest esse falsitas, aut error. Daemones verò per voluntatem perverfam, subducentes intellectum à divina sapientia, absolute interdum de rebus iudicant secundum naturalem conditionem. At de his, quae naturaliter ad rem pertinent, non decipiuntur. Sed decipi possunt quantum ad ea, quae supernaturalia sunt; sicut si considerans hominem mortuum, iudicet, eum non resurrecturum; & si videret hominem Christum, iudicet, eum non esse Deum.

XXXIX. Aliter tamen, docet ibi S. Doctor, contingere potest deceptio in Daemonibus, quam contingit in nobis. In nobis enim ea falsitas contin-

git,

git, in quantum componendo, dividendo, aut etiam demonstrando, falsò componimus, dividimus, aut demonstramus; definitionem unius attribuendo alteri, aut partes definitionis incohærenter copulando, aut de quopiam negando id, quod verè ei competit. In Dæmonibus autem oritur ex eo, quòd absq̃ue compositione, vel divisione propriè dictà apprehendunt in quidditate connexionem cum quibusdam aliis rebus, judicantes eam essentialium rerum principium, quarum tamen (Deo sic disponente) non erunt; vel è contra apprehendunt rei quidditatem non esse connexam cum aliquo eventu, cum quo tamen divina ordinatione conneditur.

§. V L

*De Cognitione Matutina, & Vespertina.*

XL. C Olligo secundò, cognitionem angelicam benè dividi in Matutinam, & Vespertinam. Ita S. Thomas hac 1. P. q. 58. a. 6. & Q. 8. de Verit. a. 16. 17. & alibi. Primus, qui cognitionem angelicam ita distinxit, fuit S. Augustinus. Ut enim suam exponeret opinionem (de qua superius egimus) nempe, sex dies, quibus mundus creatus est, non fuisse dies naturales importantes successione temporis, sed dies intelligibiles dicentes ordinem, quo res creatæ angelicæ cognitioni fuerunt præsentatæ; & ut in hisce diebus mane, & vespere possit intelligi, per *Mane* cognitionem angelicam, qua res cognitæ fuerunt in Verbo, intellexit, & hanc vocavit Matutinam; per *Vesperam* verò angelicam cognitionem, qua res in propriis naturis cognitæ fuerunt, intellexit, & hanc Vespertinam nuncupavit. Tum quia posteriorem, eùm supponat quibus Angelis res fuisse prius cognitæ in Verbo, quàm in propriis naturis. Tum quia minus claræ, sicut minus claræ lux vespertina, quàm matutina: clariori enim luce res ab Angelis fuerunt cognitæ, dum eas noverunt in Verbo, quàm dum eas per species sibi conge-

nitas in propriis naturis cognoverunt, ut docet idem S. August. 1. 11. de Civ. dei. c. 7. & 19.

XLI. Horum vespeream, & mane hoc modo explicat, lib. 4. de Genes. ad litt. c. 12. Angelus statim creatus cognovit se non esse Deum, & hæc fuit vespere primæ diei. Deinde retulit seipsum ad laudem Creatoris, quo donatus fuit cognitione rerum in Verbo; & hæc fuit mane, quo clausus fuit primus dies, & inchoatus secundus. Deinde res in suis naturis cognovit, & sic facta est vespere secundæ diei, & similiter de dierum subsequen- tium vespere, & mane. Audiat propi- eterea S. Doct. citato loco. Si (inquit) lux illa, qua primus creata est; non corporalis, sed spiritalis est, sicut post seculas facta est, ubi intelligitur à sua quadam informitate ad Creatorem conversa, atque formata; ita & post vespere fiat mane, cum post cognitionem suæ propriæ naturæ, quæ non est quod Deus, refert se ad laudandam lucem, quod ipse Deus est, ejus contemplatione formatur. Et quia cætera creatura qua infra ipsam sunt, siue cognitione ejus non sunt; propterea nimirum idem dies ubique repetitur, ut ejus repetitione fiant tot dies, quotiens distinguuntur rerum genera creaturarum, perfectione semarii numeri terminanda, ut vespere primæ diei sit etiam sui cognitio, non se esse quod Deus est; mane autem post hanc vespeream, quo concluditur dies unus. & inchoatur secundus, conversio sit ejus, qua id, quod creata est, ad laudem refert Creatoris, & percipiat de Verbo Dei cognitionem creaturæ, qua post ipsam sit, hoc est firmamenti, quod in ejus cognitione sit prius, cum dicitur: & sic est factum; deinde in natura ipsius firmamenti, quod conditur, eùm addetur etiam postea, jam dicto; & sic est factum, & fecit Deus firmamentum. Deinde sit vespere illius lucis, eùm ipsum firmamentum, non in Verbo Dei, sicut ante, sed in ipsa ejus natura cognoscit; qua cognitio, quoniam minor est, recte vespere nomine significatur. Post quam sit mane, quo concluditur secundus dies, & incipit tertius D d 2

Gr.

*Ge.* Ita suam opiniorem exponit S. Augustinus, quam expositionem sequitur S. Thomas *Q. 2. de Verit. a. 16. ad 6. & 8.* Verum etiam non admissa S. Augustini opinione de diebus intelligibilibus in conditione mundi; adhuc in Angelis locum habere potest cognitio matutina, qua res in Verbo cognoscunt, & vespertina, qua eadem in seipsis per species innatas percipiunt. Cum illa, utpote clarior, comparatur mane, ista utpote minus clara, comparari possit vespere. Non datur tamen in Angelis cognitio meridiana, quia cum omnis cognitio creata habeat tenebras admixtas ex parte cognoscentis, Nulla cognitio intellectus angelici potest dici meridiana, sed sola cognitio qua Deus cognoscit omnia in seipso. Ita D. Tho. *Q. 2. de Verit. a. 17. ad 4.*

*XLII.* Ex hæcenus dictis eruitur, cognitionem matutinam locum habuisse tantum in Angelis bonis; in eis scilicet, qui seipso ad Deum referentes, beatitudinem donati, res in Verbo videntur; non verò in Angelis malis, qui post cognitionem sui, in seipsis quasi seipso fruantes, & in se finem ponentes, permanserunt, & in noctem à vespere transierunt, nunquam ad mane perventuri. Si tamen cognitionis maturinæ nomine quis vocaret eam cognitionem naturalem, qua naturaliter cognoverunt Verbum per ejus similitudinem in sua natura, ut in speculo relucentem; de qua D. Tho. *1. P. q. 62. a. 1. ad 3.* sic matutina cognitio omnibus Angelis posset attribui.

*XLIII.* Superest quærendum, an cognitio matutina, & vespertina duæ cognitiones sint essentialiter distinctæ, an verò una eademque cognitio cum diverso respectu?

Respondet magis coherentem ad mentem D. Augustini, ut observat S. Thomas, hac *Q. 58. a. 7. & Q. 8. de Verit. a. 16.* esse essentialiter diversas. Nam cognitio matutina propriè dicta attingit res in Verbo, ut in medio eas cognoscendi; vespertina verò eandem attingit, ut in suis naturis; & extrinsecus Verbum per species innatas: sed co-

gnitiones, quæ procedunt per diversas media, essentialiter distinguuntur; ergo &c. Quare D. Thomas *2. 58. a. 7. citato.* Si verò (inquit) cognitio vespertina dicatur, secundum quod Angeli cognoscunt esse rerum, quod habens in propria natura, per formas innatas; sic alia est cognitio vespertina, & matutina. Et ita videtur intelligere Augustinus, cum unam ponat imperfectam respectu alterius.

*XLIV.* Nec tamen quod cognitio vespertina sit imperfecta impedit, quin possit simul esse in eodem subiecto cum matutina.

Nam, ut respondet D. Thom. *2. 7. citato, ad 3.* Veniente perfectio evacuatur imperfectum, quod scilicet ei opponitur: sicut fides, qua est eorum, qua non videntur, evacuatur, visione veniente. Sed imperfectio vespertina cognitione non opponitur perfectioni matutina. Quod enim cognoscatur aliquid in seipso, non est oppositum ei, quod cognoscatur in sua causa. Nec iterum, quod aliquid cognoscatur per duo media, quorum unum est perfectius, & aliud imperfectius, aliquid repugnans habet. Sicut ad eandem conclusionem habere possumus medium demonstrativum, & dialecticum. Et similiter eadem res potest sciri ab Angelo per Verbum increatum, & per speciem creatam.

*XLV.* Nec demum quis putet, quod si Angelus ab initio cognovit res per Verbum, ab initio fuerit beatus.

Enim, ut docet D. Thom. *Q. 8. de Verit. art. 16. ad 8.* & superius ex August. tetigimus: Angelus in principio sua creationis non fuit beatus, nec per essentiam Verbum vidit: unde nec cognitionem matutinam habuit, sed primò habuit vespertinam, & ex vespertina profecit in matutinam. Unde signanter primus dicit mane non dicitur habuisse, sed primò vespere, quod vespere transiit in mane; quia lux illa spiritalis, qua primo die facta dicitur, scilicet substantia angelica, statim facta, seipsum cognovit, quod suis cognitionis vespertina; & hanc cognitionem retulit ad laudem Verbi, in quo facta est cognitio matutina. Et propter hoc dicitur *Ge.*



*Genes.* 1. Factum est vespere, & mane &c. Vel dicatur, quod cognitio matutina, quam Angelus habuit, dum adhuc esset in via, fuit in Verbo non viso in se, sed cognito abstraktivè: unde fuit matutina æquivoce, ut dicitur.

## QUÆSTIO V.

*De Objecto Cognitionis Angelica.*

**O**bjectum cognitionis angelicæ, quod hic assumimus ut præsentis quæstionis materiam, est omne illud, quod potest Angelus cognoscere. Hoc autem, vel est spirituale, de quo agit D. Thom. 1. P. q. 56. vel materiale, de quo Q. 57. Angelum cognoscere seipsum per suam substantiam, & per eandem Deum, sicut alios Angelos, ac res materiales per species superadditas, non quidem à rebus acceptas, sed naturæ angelicæ ab initio congenitas, abundè quæstione præcedente demonstravimus, ut ea hic repetere supervacaneum esset. Solum ergo investigabimus: an unus Angelus alterum comprehendat; an cognoscat futura contingentia; & an etiam secreta cordis alterius, & mysteria gratiæ lumine sibi naturali scrutetur.

## DUBIUM I.

An inferior Angelus Compre-  
dat Superiorem.

### §. I.

*Sententia affirmativa proponitur.*

**Q**uotuplíciter dici possit aliquid comprehendí & quid sit rigoro-  
sè aliquid comprehendere,  
dictum est supra, Tom. 2. *Tract.*  
*de Visione, Qu. 5. Dub. 1. §. 1. & §. 3.*  
Quare ad ibi dicta Candidatum remi-  
tito.

I. Hic certum suppono contra Vaz-  
quem, superiores Angelos comprehen-  
dere vera comprehensione inferiores.

Prob. Nam comprehendere objectum est  
illud cognoscere, quantum ejus cogno-  
scibilitas petit cognosci, itaut cogno-  
scibilitas passiva non excedat vim co-  
gnoscentis, sed ab ea adæquetur; si-  
cut ad hoc, ut vinum comprehendatur  
à dolio, sufficit, & requiritur, ut  
tanta sit dolii capacitas, quantum pe-  
tit quantitas vini: sed vis cognosciti-  
va superioris adæquat, imò excedit  
cognoscibilitatem Angeli inferioris,  
sicut illum excedit in immaterialitate;  
ergo illum &c. Controversia restringi-  
tur ad Angelum inferiorem respectu  
superioris; an hic, ab illo naturaliter  
comprehendatur, vel comprehendi pos-  
sit.

II. In hoc dissident discipuli D. Th.  
affirmantibus quibusdam, aliis neganti-  
bus. Affirmant Bannez, Salmanticen-  
ses, Contenson, & alii. Negant Sil-  
vius, Barcel. Utraque probabiliter in  
Schola D. Thom. infinitineri potest, cum  
utraque probabiles ex ejus doctrina  
asserat rationes.

III. Sententia affirmans adducit D.  
Thom. cum 2. *Contrag. cap. 98.* dicen-  
tem: *Intellectus Angeli habet virtutem*  
*comprehendendi omnes species, & Differen-*  
*tias entis.* Tum 1. P. q. 55. à *Poten-*  
*tia intellectiva in substantiis spiritua-*  
*libus superioribus, id est Angelis, natu-*  
*raliter completa est per species intelli-*  
*gibiles connaturales.* . . . ad omnia intelli-  
genda, quæ naturaliter cognoscere possunt.  
Tum 1. P. q. 109. a. 3. ad 2. ubi doc-  
cet, Angelum inferiorem de iis tan-  
tum à superiore illum inart, quæ or-  
dinem naturalem excedunt. Signum  
est ergo, D. Thomam velle, Angelum  
inferiorem cognoscere ut objectum sibi  
proportionatum omnia, quæ in Ange-  
lo superiori continentur, sive formaliter,  
sive virtualiter, & inde illum  
comprehendere.

IV. Ex his formatur prima ratio.  
Ut aliquid comprehensive cognoscat,  
sufficit, ut omnia cognoscantur, quæ in  
eo, sive formaliter, sive virtualiter,  
aut eminenter continentur: hac enim  
ratione superius ostendimus, quòd si  
intellectus creatus cognosceret omnia,  
quæ in Deo tam formaliter, quam vir-  
tua-

tua

ualiter sunt, Deum comprehenderet: sed Angelus inferior cognoscit omnia, quæ in Angelo superiori naturaliter, tam formaliter, quàm virtualiter sunt; ergo &c. Min. prob. Tùm quia: omnia sunt obiectum proportionatum virtuti intellectus cuiusvis Angeli. Tùm quia: Angeli inferiores comprehendunt species repræsentativas superiorum sibi æquantitas; ergo & comprehendunt ipsos Angelos superiores: cùm enim species sit ipsum obiectum in esse intelligibili, quod comprehendit speciem obiecti, ipsum obiectum comprehendit. Non enim datur species quidditativa, quæ non sit comprehensiva obiecti: qua ratione si daretur species quidditativa Dei in se, esset quoque comprehensiva; & qui eam comprehenderet, comprehenderet Deum.

V. Secunda ratio est. Idem Angelus inferior superiorem naturaliter non comprehendere, quia esset inferioris intellectualitatis ad intelligibilitatem Angeli superioris: sed non obstat; ergo &c. Min. prob. Est Angelus inferior sit inæqualis intellectualitatis in specie; est tamen æqualis cum eodem in gradu naturæ intellectualis, & immaterialis completæ: sed hoc sufficit, ut possit illum comprehendere. Sic enim visio beata quamvis imperfectior gratia, hanc tamen comprehendit. Et secundum plures scientia infusa animæ Christi comprehendit lumen gloriæ, & visionem beatam omnium hominum, & Angelorum, quamvis in se sit imperfectior; quia in eodem ordine supernaturali convenit cum illis; ergo &c.

## §. I I.

## Sententia negans.

VI. **D**ico. Opinio negans, Angelum inferiorem propria, & nativa virtute superiorem comprehendere, videtur probabilior. Prob. primò. Quia D. Thom. 2. *Contrag. c. 98.* ex quo substantiæ separatae superiores, & inferiores sint in diversis gradibus constitutæ, concludit, sic; *Cognoscit in-*

*gitur substantia separata inferior superiorem secundum modum substantiæ cognoscentis, non secundum modum substantiæ cognita, sed inferiori modo.* Ex quibus sic discuro. Ut Angelus inferior comprehenderet superiorem, oporteret, quod modus cognoscentis adæquaretur modo rei cognitæ, seu quod tantum cum cognosceret, quantum petiit cognosci; sed modus Angeli inferioris cognoscentis non adæquatur modo Angeli superioris cogniti, nec illum tantum cognoscit, quantum petit cognosci; ergo &c. Min. prob. Angelus inferior, ex Divo Thoma, cognoscit superiorem secundum modum suæ substantiæ cognoscentis, non secundum modum substantiæ Angeli superioris cogniti: sed modus Angeli inferioris cognoscentis est inferior, nec adæquans modum substantiæ Angeli superioris cogniti, nec illum tantum cognoscit, quantum petit cognosci; quia petit cognosce cognitione adæquante, qualis est cognitio propria ipsius Angeli superioris; ergo &c. Et cerè cognitio naturalis Angeli inferioris non potest excedere substantiam, cuius est cognitio. Si ergo ejus substantia inferior est in actualitate, nec adæquans substantiam Angeli superioris, quomodo cognoscit Angeli inferioris eam adæquabit?

VII. Dicunt: quod esto Angelus inferior non adæquet superiorem in specie, illum tamen adæquat in gradu elevationis supra materiam, & immaterialitas; cùm enim, in hoc omnes Angeli conveniant, fat est, ut invicem se comprehendant, quamvis in modo eam habendi, sive in specie differant.

VIII. Contra est. Ut Angelus inferior comprehendat superiorem, oportet, ut ejus cognitio adæquet totam superioris intelligibilitatem; sed si sit illi inferior in immaterialitate specifica, non adæquabit totam Angeli superioris intelligibilitatem; nam ista secundum speciem illam excedet, sicut illam excedit natura, cuius est proprietas; imò illam excedet non solum in esse entitativo, ut dicunt hujus o-

pinionis Patroni, sed etiam in esse intelligibili: intelligibilitas enim, sicut & intellectualitas sequuntur actualitatem naturæ, & cum ea proportionantur: ergo si natura Angeli inferioris tantæ actualitatis non est per accessum ad actum purum, quantæ est naturæ superioris; nec tantæ actualitatis, & intellectualitatis erit, aut etiam intelligibilitatis, quantæ ista.

IX. Confirmo. Illa intelligibilitas formalis Angeli superioris, cui dicuntur adæquari cognitionem Angeli inferioris, vel manifestat totam entitatem Angeli superioris, eamque adæquat, vel non? Si non: ergo neque est propria intelligibilitas Angeli superioris, neque sufficit ad ejus comprehensionem, quia eam non totam, sed ex parte solum manifestat. Si verò eam adæquat; ergo non erit æqualis, nec adæquabitur ab intellectualitate, & intelligibilitate Angeli inferioris; quia hæc etiam comprehensive cognita, & adæquate, semper inferior est, nec potest totam intelligibilitatem superioris concludere: sicut nec vas minoris capacitatis comprehendere aquam adquantem vas majoris capacitatis.

X. Secundò prob. Ut Angelus inferior comprehenderet superiorem, deberet etiam comprehendere species ejus intelligibiles: sed Angelus inferior non comprehendit species intelligibiles Angeli superioris; ergo &c. Minor prob. Tum ex D. Thoma, Q. 16. de Malo, a. 8. dicente: *Species intelligibiles superioris intellectus sunt universalesiores; & ideo non possunt comprehendere species intelligibiles inferioris intellectus*; sed species intellectus Angeli superioris sunt universalesiores, quam species intellectus inferioris, ut probatum est; ergo &c. Deinde: si posset eas comprehendere Angelus inferior, vel id posset unica specie, & unico actu; & sic species Angeli superioris non essent universalesiores, sed æque universales cum speciebus Angeli inferioris, contra superius statuta. Vel id posset pluribus speciebus, & actibus cognoscendo id, quod à superiori unica specie, & actu repræsentatur, & ca-

gnosceretur: sed hoc esset cognoscere totum Angelum superiorem sigillatim, & successive, non simul, & proinde non comprehendere; sicut nec vas diceretur comprehendere liquorem, si tantum successive, & per partes, & non simul posset totum continere.

Major verò probatur. Tum quia (ut multi ex Adversariis dicunt) species illæ sunt proprietates radicaliter fluentes ab essentia Angeli superioris. Tum quia: species illæ sunt entia naturalia, Angelus autem, secundum Contrarios, comprehendere debet omne ens naturale. Tum quia: species illæ, etsi non sunt proprietates, sunt tamen Angelo connaturaliter debitæ; ergo si Angelus inferior comprehenderet substantiam superioris, cum deberet cognoscere etiam quicquid ei est naturaliter debitum, species quoque ejus comprehendere deberet, nedum ut possibiles, sed ut de facto illi convenientes: sicut si comprehenderetur cælum, etiam motus ejus debet cognosci, licet ab extrinseco motore ei adveniat, quia ad ejus naturalem perfectionem pertinet: qui comprehenderet potentiam materiæ, etiam animam rationalem cognoscere deberet, esto sibi infundatur ab extra; & qui comprehenderet potentiam obedientialem, etiam supernaturalia dona, quorum est capax, cognoscere, quamvis hæc ab agente supernaturali in ea fiant. Videatur Jo. à S. Thoma Q. 56. Disp. 22. art. 1.

XI. An verò accedente illuminatione Angeli superioris possit inferior Angelus ipsum comprehendere? Affirmat Jo. à S. Thoma laudatus, imperfecta tamen comprehensione, & ex parte rei cognita; itaut stante tali illuminatione nihil Angeli superioris lateat inferiorem, non tamen perfecta; quia, modus cognoscendi Angeli inferioris nunquam adæquatur modo cognoscendi superioris. Docet enim D. Thomas 1. 2. P. q. 106. a. 4. quod superiores Angeli illuminant inferiores; itant eadem res, quas cognoscunt superiores, & inferiores cognoscant, licet superiores eminentius: *Sicut unam, & eandem rem plures intelligit magister, quam*

quàm discipulus, qui ab eo addiscit.  
Hæc probabilia sunt.

## §. III.

Respondetur Rationibus pro Sententia  
Affirmativa superius adductis.

**XII.** E T si probabilem judicaverimus opinionem affirmantem, Angelum inferiorem comprehendere superiorem; tamen quia negativam probabiliorum judicavimus, ideo rationibus pro affirmativa adductis respondendum est.

Ad primum ergo testimonium D. Th. ex 2. *Contrag. cap. 98.* allatum, dico pr. mo: nimis probare, si exponatur de comprehensione rigorosa. Sequetur enim, Angelum comprehendere etiam supernaturalia, imò Deum ipsum; cum totum ens complectatur etiam supernaturalia, & Deum ipsum. Sequetur etiam, quòd Angelus inferior comprehendat speciem Angeli superioris, nam ista ens est & quidem naturale; quod quidem D. Thomas negat, nec Adversarii audent fateri. Unde

XIII. Dico secundò: quòd sicut ipsi verba D. Thomæ restringunt ad solum ens naturale, nec etiam ad omne; ita nos restringere possumus ad solum ens naturale sibi inferius; quia secundum D. Thom. Q. 16. *de Malo* citatum, per species inferiores non comprehenduntur species universales superiores intellectus.

Verior tamen responsio est: D. Thomam locis citatis comprehensionem non sumere stricte pro cognitione adæquante, & circumscribere rem cognitam, sed pro cognitione affectiva, & apprehensiva quidditative rei. Intantum enim Sancti Doctoris ibi est ostendere, Angelum, cum suo intellectu ambiat totum ens, & omnes differentias entis, comprehendere, ideo complecti, & se se extendere etiam ad substantias materiales.

XIV. Ad secundum testimonium dico: S. Thomam solum velle, Angelum inferiorem de rebus naturalibus non

illum vari à superiori nunc, & per traditionem luminis; non verò non sufficere illuminatum ab initio conditionis, & confortatione luminis. Oppositum enim docet 1. P. q. 106. ad 2. ubi ait: *Unus Angelus non illuminat alium tradendo ei lumen nature, vel gratia, vel gloria; sed confortando lumen naturale ipsius; & manifestando eis veritatem de his, quæ pertinent ad statum nature, gratia, & gloria.* Et in 2. Dist. 9. q. 2. art. 7. ad 4. *Si Angeli (inquit) haberent naturalia tantum, adhuc lumen unius excederet lumen alterius; & ita posset esse aliqua illuminatio, & perfectio, sed non completi.*

XV. Ad primam rationem do, Angelum inferiorem cognoscere omnia, quæ sunt in superiori, sed juxta modum inferioris, & consequenter cum aliqua confusione, potentialitate, & inadæquatione ad Angelum superiorem; & proinde non vera comprehensione, quæ requirit adæquationem cognoscens ad modum rei cognitæ. Esti autem comprehendat speciem sibi congenitam, quam habet de Angelo superiori, adhuc tamen eum non comprehendit; quia, ut docet D. Thom. Q. 16. *de Malo* supra citata, per species intelligibiles inferioris intellectus, non possunt comprehendere species intellectus superioris, quia universales & modo elevatiori representantes. Neque esset simile de cognitione attingente omnia, quæ in Deo sunt, sive formaliter, sive virtualiter, aut de specie representatione Dei in se; quia, ut probatum est, in *Tractatu de Visione Dei*, tam cognitio illa, quàm species, si darentur, essent infinitæ sicut Deus; ideoque ei adæquarentur non solum ex parte rei cognitæ, & representationis, sed etiam ex modo cognoscendi, & representationis: non enim stat, cognitionem, & speciem esse simpliciter infinitas in genere representationis, & intelligibili, & esse in genere entitativo finitas, & creatas; bene autem stat, cognitionem, & speciem angelicam representare rem superiorem, & eam quoad omnia attingere, & adhuc modo inferiori, & eam non adæquante.

XVI.

XVI. Ad secundam dico, convenientiam in gradu, si flet inæqualitas in specie, non sufficere ad cognitionem. adæquatam, tam ex parte cogniti, quam cognoscentis, & proinde nec ad veram comprehensionem. Neque est simile de visione beata, & de scientia infusa animæ Christi: nam hæc, licet in sua specie inferiores sint formaliter, radicaliter tamen ratione gratiæ habitualis, in qua radicantur, æqualitatem habent, nedum in ordine, sed in specie. At cognitio, & species Angeli inferioris, utpotè proportionatę naturę ipsius, quę in specie inferiori est, inadæquatę sunt Angelo superiori tam formaliter, quam radicaliter: ideoque nequeunt parere veram Angeli superioris comprehensionem. Ponderet ista æquus Lector, & cuiuscumque ex præfatis opinionibus se se addixerit, probabiliter in via D. Thomę loquitur.

# DUBIUM II.

An Angelus naturaliter cognoscere possit Futura contingentia, seu Libera?

## §. I.

*Futurorum varia genera.*

I. **F**utura, teste D. Thom. 1. P. 9. 57. a 3. & Q. 8. de Verit. a. 12. & alioi, cognosci possunt, vel in seipsis, & ut cognoscenti presentia: vel in suis causis. Quia verò hoc modo unumquodque cognoscitur in aliquo, quo in eo est, & aliqua sunt, quę habent esse determinatum in suis causis, ut crastinus ortus Solis; ideo hæc à cognoscente causam, ut determinatę futura certò cognoscuntur. Et de his non est questio.

Alia verò sunt, quę esse in suis causis non sint determinata, ut aliter evenire non possint; tamen eorum causę magis se habent ad unum, quam ad alterum; unde licet non semper, plerumque tamen ex suis causis proveniunt: & ista, esse per certitudinem cognosci non possint, cognosci tamen possunt per

Tom. V.

conjecturam; sicut Medicus præcognoscit sanitatem infirmi: Et iste modus (inquit S. Thomas, loco ex 1. p. citato) cognoscendi futura adest Angelis, & tantò magis quam nobis, quanto magis rerum causas, & universales, & perfectius cognoscunt: sicut Medici, qui a cunctis vident causas, melius de futuro statu agilitudinis pronosticantur.

II. Quidam autem effectus (loquitur S. Doct. Q. 8. de Verit. a. 12. citato) futuri sunt, quorum causa indifferenter se habent ad utrumque; hæc autem vocantur contingentia ad utrumlibet, ut sunt illa præcipua, quę pendunt ex libero arbitrio. Sed quia ex causa ad utrumlibet, cum sit quasi in potentia, non progreditur aliquis effectus, nisi per aliquam causam determinetur magis ad unum, quam ad aliud. ideo huiusmodi effectus, in causis quidem ad utrumlibet nullo modo cognosci possunt per se acceptis; sed si adiungantur causa illa, quę causas ad utrumlibet inclinant magis ad unum, quam ad aliud, potest aliqua certitudo conjecturalis de effectibus prædictis haberi; sicut de his, quę ex libero arbitrio dependent, aliqua futura coniecimus ex consuetudinibus, & complexionibus hominum. Subdit tamen S. Doct. Quod huiusmodi effectus, qualescumque sint eorum causa proxima, tamen in causa prima omnes sunt determinati, quę sua presentia omnia intuentur, & sua providentia omnibus modum imponit. Hinc deducitur, quòd Angeli Sancti, qui divinam essentiam intuentur, in ea certò cognoscunt futura contingentia etiam libera, plus, minusque, secundum quòd plus, minus eis revelantur. Unde patet, cognitione supernaturali Angelos futura contingentia cognoscere posse; sicut Christus media scientia supernaturali infusa, & plures Sancti, & Prophetę media revelatione, seu dono prophetiæ plura futura noverunt.

III. Loquendo autem de causis naturalibus, notat S. Doct. ibi, quòd aliquis effectus dici potest contingens comparatè ad unam causam tantum, qui tamen relatè ad collectionem plurium, necessarius est: Aliquid (inquit) est contingens respectu causa unius, quod re-

E c

Spe-

*speculi concursus plurium causarum esse necessarium. Unde inferit, quod Angeli, cum omnes causas naturales cognoscant, Quædam, quæ contingentia videntur, aliquibus causis eorum pensatis, Angeli ut necessaria cognoscunt, dum omnes causas ipsorum cognoscunt.*

IV. In seipsis verò futura per eam solam cognitionem cognosci possunt, quæ ea attingit, ut sunt in æternitate præsentia: *Et sic* (ait D. Th. citatus ex 1. P. q. 57. a. 3.) *solius Dei est futura cognoscere, non solum quæ ex necessitate proveniunt, vel ut in pluribus, sed etiam casualia, & fortuita; quia Deus videt omnia in sua æternitate, quæ tunc sit simplex, toti tempori adesse, & ipsum conclusit.*

V. Præsens ergo procedit quæstio de cognitione futurorum in suis causis, & quidem proximis; & de futuris, quæ contingenter eveniunt, non solum relatè ad unam causam, sed relatè ad omnes causas proximas; quia omnes indifferentes sunt ad illorum eventum; an Angelus vi sua naturali ejusmodi futura præscire queat, præsentia nedum conjecturali, sed certa?

### §. I I.

#### Resolutio Negativa.

VI. Dico. Angelus sua naturali perspicacitate certò prænosse nequit futura omnino libera, & contingentia. Assertio hæc, vel de fide est, vel valdè fidei proxima. Nam Scripturis constat, vim futura prænoscenti esse characterem proprium divinitatis. *Isaïæ 41. v. 23. Annunciate, quæ ventura sunt in futurum, & sciemus, quia Dicit illis vos.* & c. 46. v. 9. & 10. *Recordamini* (inquit Deus) *prioris seculi, quoniam ego sum Deus, & non est alter Deus, nec est similis mei; annuncians ab exordio novissimum, & ab initio quæ necdum facta sunt.* Et Daniel c. 2. postquam ait, nec Magos, nec Ariolos, nec Aruspices posse indicare, quid futurorum porrederet somnium à Rege Babylonico visum, subiicit v. 28. *Sed est Deus in celo revelans mysteria,*

*qui indicavit tibi Rex Nabucodonosor, quæ ventura sunt in novissimis temporibus.*

VII. Hinc Chrysostomus, Homil. 18. in Joan. *Prædicatio* (inquit) *futurorum immortalis Dei dumtaxat opus est, quod si quando Dæmones aliqui prædixerunt, falsum, & incantum vulgus decipiant; eorum namque vana verba passim falsa demonstrantur.*

D. Hieronymus, in c. 2. Danielis nuper laudatum, inducit Danielelem sic dicentem Regi: *Frustra igitur ab hominibus quæris in terra, quod Deus solus novit in celo.*

Et S. Augustinus, lib. 15. de Civit. Dei, c. 29. eccet, Deum non sicut homines facti sui patiuntur. Cujus est de omnibus omnino rebus sum præsententia, quàm certa præsentia. Et lib. 9. c. 22. docet, Dæmones in suis prædictionibus 1. pè falli, bonos verò Angelos nunquam; quia illi ex temporalibus, & mutabilibus coniectant; isti verò in æternis atque incommutabilibus Dei legibus quæ sunt mutabilia prævident.

VIII. Ex his ergo omnibus formatur ratio. Certa futurorum contingentium cognitio haberi non potest, nisi, aut videntur in seipsis, aut cognoscantur in causa iam determinata: sed Angeli, sive boni, sive boni, per naturalem cognitionem non possunt futura contingentia videre in seipsis, quia hoc proprium solius Dei est, qui ea videt in æternitate sibi præsentia; neque in causa eorum determinata, quia causas contingens, & libera, suapte natura, indifferens est ad utrumlibet; nec ex ea sibi relicta potius potest prædicti numerum, quàm oppositum; quia in indifferenti ut tali, non magis unum, quàm aliud determinatè continetur: causam autem superiorem causas liberas, & contingentes determinantem, naturali vi penetrare non possunt; ergo &c. Unde concludit S. Thos. Q. 8. de Veritate 2. 12. *Si autem divinam providentiam comprehendere* (ut Angelis bonis Deum videntibus contingit) *omnes futuros eventus certitudinaliter scirent; sed quia quidam perfectius aliis divinam providentiam intuantur, quamvis nullus*

ius eorum perficere comprehendat; idem quidam in Verbo plura futura etiam de contingetibus ad utramlibet sciunt.

§. III.

Contraria solvuntur.

IX. **P**rimò obijciunt. Angelus ab initio habuit species repræsentativas omnium, quæ quocumque tempore quomodolibet futura sunt; ut enim supra diximus, non cognoscit per species successive à rebus acceptas, sed simul à Deo infusas, & quasi innatas, & universales: sed Angelus potest certo cognoscere omnia, quæ actu illi repræsentantur per species, quæ cum sint universales, æqualiter se habent ad præteritum, & futurum, ergo &c.

X. Confirmatur primò. Sensus, & præteritum sunt differentie temporis: sed intellectus Angelicus est supra omne tempus, cum mensuretur ævo; ergo &c.

XI. Confirmatur secundò. Si Angelus non cognoscit futura contingentia, dum sunt futura, cognoscit autem ea, dum sunt præsentia; ergo reducit de potentia in actum: sed non est intelligibile à quo reducatur; non ab objecto, quia jam sui speciem habet; nil autem aliud est, quod inter creatura angelicum intellectum movere possit de potentia ad actum; ergo &c.

XII. Confirmatur terciò. Futurum, antequam existat in re, jam existit intelligibiliter in specie angelica; ergo Angelus cognoscens perfectè suam speciem, cognoscit futurum intelligibiliter præcipientium in ea.

XIII. Respondetur ad argumentum. Dist. maj. actus repræsentativas per modum quidditatis possibilis, co. maj. quoad exercitium existendi in tempore determinato, nego maj. Species ergo angelica ab initio actu repræsentat entitatem futuri, ejus quoque existentiam, ac durationem, sed per modum cujusdam quidditatis præcipientis in virtute suæ causæ; non quoad exercitium existendi, quod habiturum est in hoc potius tempore, quam in alio: un-

de solum inferitur, quod res futura, ænequam sit, cognoscatur ab Angelo, ut possibilis, & in actu signata, non ut determinatè exitura. Licet enim, (ait D. Tho. 1. P. q. 37. a. 3. ad 3.) species, quæ sunt in intellectu Angeli, quantum est de se, æqualiter se habeant ad præterita, & futura; tamen præsentia, præterita, & futura non æqualiter se habent ad rationes (al. ad species) quia ea, quæ præsentia sunt, habent naturam, per quam assimilantur speciebus, quæ sunt in mente Angeli, & sic per eam cognosci possunt: sed quæ futura sunt, nondum habent naturam, per quam illis assimilantur. Unde per eas cognosci non possunt. Eodem modo respondet Q. 2. de Verit. a. 12. ad 2.

Quare, dum futura sunt præsentia, & sic incipiunt repræsentari per speciem angelicam, hoc non contingit, quia repræsentationi ipsius speciei aliquid de novo accedat: sed quia de novo accedit aliquid rei repræsentatæ, nempe existentia, tanquam conditio requisita, ut speciei angelicæ actu assimiletur: eo modo, quo relatio paternitatis, quæ secundo filio nondum nato, ad eum non terminatur: & eo nato, absque sui mutatione ad eum incipit terminari.

XIV. Ad primam confirm. dist. min. supra omne tempus, quo mensurantur corporales motus, conc. min. supra omne tempus, idest supra omnem successionem operationum intellectualium, nego min. Responsio est D. Tho. 1. P. q. 37. a. 3. ad 2. dicentis. Licet intellectus Angeli sit supra tempus; quo mensurantur corporales motus; est tamen in intellectu Angeli tempus secundum successionem intelligibilium conceptionum. & ita eum sit successio in intellectu Angeli, non omni, quæ aguntur per totum tempus, sunt si præsentia. Non ex hoc (ait Q. 2. de verit. a. 12. ad 8.) quod ipse aliter se habeat ad ea, sed ex hoc, quod illa aliter se habent ad eum. Quia nimirum ad hoc Universum pertinere incipiunt, ad quod antea non pertinebant.

Hinc discas, quare Angeli cognitio peringat ad ea, quæ sunt distantia seculi.

cum dūm locum, non autem ad ea, quae sunt distantia secundum tempus. Nam, ut ait D. Thom. citatus 1. P. q. 57. a. 3. ad 4. *Distantia secundum locum sunt in verum naturam, & participant aliquam speciem, cuius similitudo est in Angelo, quod non est verum de futuro.* Eadem etiam ratione quamvis Angelus non accipiat species à rebus, sicut nos, sed habeat species à Deo acceptas, adhuc non potest futura contingentia cognoscere; quia hoc non contingit de seclū similitudinis in Angelo, sed de seclū similitudinis futurorum ad similitudines in Angelo existentes.

XV. Ad secundam confirmat. nego consequentiam. Ut enim ait D. Tho. Qu. 10. de Malo, a. 7. ad 13. agens de Daemonibus: *Hoc, quod Daemon non cognoscit id, quod est futurum, non provenit ex eo, quod intellectus suus sit in potentia: sed ex quod singulare futurum nondum participat formam speciei, cuius similitudo actu praexistit in intellectu Daemonis.* Ad id vero, quod additur, respondeo cum eodem S. Doctore, Qu. 8. de Verit. a. 12. ad 4. *Quod duplex est potentia. Una naturalis, qua potest per agens naturale in actum reduci; & talis potentia est in Angelis totaliter completa per formas innatas... Est autem ista potentia obedientia, secundum quam in creatura fieri potest, quidquid in ea fieri voluerit Creator... Talis autem potentia intellectus angelici non est totaliter completa per formas innatas; & secundum hanc est à Deo complebilis, si ei voluerit futura revelare. In quod apparet differentia inter nostrum, & angelicum intellectum; quod nos nullam habet potentiam naturalem ad futura cognoscenda; angelicus autem habet, esto non totaliter completam. Quoad exercitium per formas innatas.*

XVI. Ad tertiam confirm. dico: quod futura atqueque existant, existunt quidem intentionaliter in specie angelica (in qua etiam existit eorum existentia) at per modum simplicis quidditatis, in actu signato, non ut exercit in tempore determinato exitura; cum nondum exercit participent formam speciei, cuius similitudo actu praexistit

in intellectu angelico, ut cum D. Thom. dicebamus.

XVII. Sed instabis. Angelus scit evidenter, se non habere species naturales, nisi earum rerum, quae aliquando erunt; ergo si cognoscit Antichristum secundum esse intentionale, cognoscit cerō, quod Antichristus, qui nunc habet tantum esse intentionale, habebit aliquando esse verum, & reale extra causas; & formabit hoc iudicium: *Antichristus erit.*

XVIII. Respondeo, neg. maj. Angelus enim scit evidenter, se habere species omnium, puta individuorum contentorum in aliqua specie, etiam possibile. Quare ex quo in specie, quam habet de natura humana, cognoscit etiam Antichristum, non sequitur, quod cognoscat, eum esse determinatē futurum, sed eum esse possibilem, nisi aliunde ejus futuritio ei reveletur.

XIX. Secundo obijciunt. Daemones multa futura contingentia libera, vel per se, vel per Magos, & Aruspices praenunciant, ut Regnorum mutationes, bellorum exitus; quae, ut praenunciata sunt, eveniunt: sed in Daemonibus nullum lumen supernaturale invenitur, sed sola scientia naturalis, ergo per hanc cognoscunt &c.

XX. De Responsis, & Oraculis Daemonum locuti sumus, Tom. 2. Tract. de Deo, Q. 2. de Idololatria. Dub. 3. §. 3. n. num. 34. Specialiter verò de cognitione futurorum agit D. Thom. Q. 16. de Malo, art. 7.

Respondeo ergo cum eodem, ibi ad 2. quod *Damones de futuris quandoque vera praenuntiant, & quandoque falsa. Vera autem praenuntiant prius cognoscendo ea, aut ex revelatione bonorum spirituum à Deo derivata; aut in causis extrinsecis, quarum virtutem cognoscunt; aut in proprio proposito, puta cum praenuntiant ea, quae ipsi sunt futuri. Falsa autem praenuntiant; quandoque quidem volentes hominem fallere, quia ut dicitur Joann. 8. Diabolus est mendax, & pater ejus mandacium. Quandoque verò eo quod & ipsi falluntur, nequid cum divinitus prohibentur facere, quod praeponebant; vel cum divina virtute ali-*



aliquid contingit præter cursum naturalem causarum, ut Augustinus dicit in lib. de Divinat. Daemonum. Ita D. Th. Vide S. Augustinum loco citato c. 6. §. XXI. Porro, rationem, quare Dæmones in suis prædictionibus sæpè fallantur, boni verò Angeli non, superius indicavimus ex S. August. lib. 9. de Civit. Dei c. 22. Angeli enim non falluntur, quia futurorum principales, & immobiles causas in Verbo Dei conspiciunt; Dæmones autem non æternas temporum causas in Dei sapientia contemplantur, sed ex quibusdam signis nobis occultis, ipsis tamen maiore experientia notis, futura conjiunt; quæ cum fallibilia sint, certam cognitionem parere nequeunt, sed fallibilem: unde Dæmones sæpè falluntur; boni verò Angeli nunquam.

XXII. Videndus quoque est S. Thomas, 3. Contrag. c. 154. ubi exponens modum, quo Dæmones omnibus signis veræ fidei abutuntur, ut ejus argumentum debilitent: Ita etiam (inquit) abutuntur prophetici prædicatione: non quidem verè prophetando, sed prædiciendo aliqua secundum ordinem causarum Domini occultarum, ut videantur futura præcognoscere in seipsis; & licet ex causis naturalibus effectus contingentes proveniant, prædicti tamen spiritus subtilitate intellectus sui magis possunt cognoscere, quàm homines; quia cognoscunt, quando, & qualiter effectus naturalium causarum impediri possunt; & idè in prædiciendo futura mirabiliores, & veraciores apparent, quàm homines, quantumvis sciunt. Cum autem inter causas à cognitione nostra remotas, supernæ sint vires cælestium corporum, & has maxime cognoscant, subdit: Possunt prædicti spiritus multò magis, quàm aliquis Astrologus prædicare ventos, & tempestates futuras, corruptiones aeris &c. Et licet cælestia corpora super partem intellectivam anima directè non possint imprimere; plurimi tamen sequuntur impetus passionum, & inclinationes corporales in quas efficiantur habere cælestia corpora manifestum est... & inde est, quod etiam de actibus hominum multa prædicere possunt.

licet quandoque & ipsi in prædiciendo de deficient propter arbitrii libertatem.

XXIII. Hoc bene norunt callidi deceptores: & idè prædictiones suas verbis ambiguis, & æquivocis involvere consueverunt; ut qualicumque fuerit eventus, verum prædixisse videantur. Unde Tertullianus, Apologetico, c. 22. ait: In oraculis autem quo ingenio ambiguitates temperent in eventus, sciunt Crassi, sciunt Pyrrhi. Cræsus enim Apollinem consulens: num Persas victurus esset? Audivit sic respondentem:

*Intrepidus si Cræsus Halys transmissit amnem.*

*Imperium perdet magnum, regnumque superbum.*

Ubi Cræsus illo vocabulo ambiguo perdet deceptus, putans, se Persarum Regnum occupaturum, amisit Regnum Lydiz proprium. Pyrrhus autem hoc ejusdem Apollinis responso deceptus:

*Ajo te Eacida Romanos vincere posse.*

Existimavit, se victurum Romanos, cum à Romanis vincendus erat. De his loquitur Eusebius, lib. 5. Preparat. Evangel. c. 10. & D. August. de Civit. Dei l. 3. c. 17. & l. 4. c. 11. & D. Hieronymus, in c. 41. Isaiæ. Hæc ad eruditionem dicta sunt.

XXIV. Tertiò obijciunt D. Augustinus, lib. 22. de Gen. ad l. c. 13. Animam à sensibus alienatam futura prævidere.

Respondeo primò: D. Augustinum ibi in aliorum opinione loqui, non sua; ait enim: Nonnulli quidem volunt, animam humanam habere vim quandam divinationis in seipsa.

Respondeo secundò: animam alienatam à sensibus contingere posse, ut aliquid futurum prædicat, vel impressionum causarum superiorum spiritalium, vel bonorum Angelorum, vel Dæmonum. Si ex impressione bonorum Angelorum, vera semper prædicat; si verò ex impressione Dæmonum, quandoque vera, quandoque falsa. Si verò ex impressione corporum superiorum, nempe cælestium, prædicare potest illa futura, quorum corpora cælestia sunt causæ; non tamen certò, quia ab aliis

illis causis ignotis impediri possunt, & multò magis à Deo. Videtur D. Thom. 1. 2. q. 86. a. 4. ad 2.

XXV. Quariò obijciunt. Angelus per vires suæ naturæ omnem veritatem naturalem cognoscit: sed hæc est veritas naturalis: *Hæc est futurum, vel non futurum*; ergo vi hujus disjunctivæ & contradictionis naturaliter cognoscet, quidnam sit determinatè futurum, vel non futurum.

Respondet, neg. conf. Ut enim de Scientia Dei didicimus est, ex vi disjunctivæ, seu contradictionis, non secuitur cognosci, quid determinatè futurum sit, quid non futurum; sed unum ex illis, quodcumque illud sit, ita esse sicut enunciatur. Ad veritatem enim disjunctivæ non requiritur, quòd ex partibus eam componentibus una sit determinatè vera, altera falsa; sed quòd nequeant esse ambæ veræ, vel ambæ falsæ, & solum quòd una existente vera, alia sit falsa. Veritas ergo determinata unius ex partibus componentibus disjunctivæ de futuro oritur ex determinatione causarum, præsertim. Primæ. Quare, ut Angelus certò cognosceret, aliquid contingens potius esse futurum, quàm non futurum; oportet, ut cognosceret causas esse determinatas ad dandum ei esse; quod naturæ viribus non posse, saltem certò, jam ostensum est. Addo: quòd cum veritas disjunctivæ sit necessaria, & cognoscatur nedum ab Angelo. sed & ab homine, si ex veritate disjunctivæ inferretur veritas unius futuri determinatè; illud esset futurum, non contingens, sed necessariò; & ut tale cognosceretur, nedum ab Angelo, sed ab homine etiam rudiori, sicut ab eo veritas disjunctivæ cognoscitur.

XXVI. Ex dictis oritur motivum dubitandi: an Angelus cognoscat naturaliter præterita saltem omnia? Dico omnia, quia non est dubium, quin Angeli, ea, quæ aliquando viderunt præsentia, postea cognoscant, & recorderentur, dum sunt præterita. Nec pariter dubium est, quin naturaliter cognoscere possint ea præterita, quæ ex vestigio lux existentie ab ipsis relicto,

constare possent esse præterita. Quæstio igitur procedit: an Angeli cognoscant præterita libera, quorum non perceperunt præsentiam, & quæ nulum sui reliquere vestigium?

XXVII. Respondet negativè cum communi Theologorum contra Vasquez. Ratio autem est. Quia præterita priùs non cognita, & quæ sui vestigium non reliquerunt, ita se habent respectu intellectus angelici, ac si nunquam fuissent; ergo eodem modo de illis cogitandum est, ac de futuris contingentibus, dum futura sunt; unde sicut hæc negavimus, certò ab Angelo naturaliter cognosci, ita & illa. Si enim Angelus ea non cognovit antequam essent, nec cognovit dum essent, quomodo cognosceret postquam esse desierunt? Hinc Vasquez ipse hac veritate convictus Disp. 3. c. 12. n. 68. (ut refert Gonetius) asserit, quòd non potest unus Angelus præteritam alterius Angeli cogitationem cognoscere per memoriam, nisi prius eam præsentem cognoverit.

### DUBIUM III.

An Angelus naturaliter cognoscere queat Secreta cordis alterius, sive hominis, sive Angeli?

#### §. I.

##### Resolutio Dubii.

I. Secretum cordis est actus liber voluntatis creatæ pure internus, & nullo modo, sive per locutionem, sive per aliquid signum exterius manifestatus; licet minus principaliter veniant etiam cogitationes mentis, & actus sensitivi appetitus, ut tamen pendant à libera applicatione voluntatis. Si enim loquamur de actibus intellectus, & etiam voluntatis, qui necessarii sunt, ut cognitio, & amor, quo unus Angelus cognoscit, & amat seipsum, & Deum auctorem naturalem; sic ab alio Angelo naturaliter cognoscuntur. Similiter loquendo de actibus liberis non dubitamus, quin ab uno Angelo cognosci possint, si Angelus ejus sunt actus, il.

illos ei manifestet, siue per locutionem, siue per aliquod signum exterius cum actu interno infallibiliter connexum. Vel si Deus eos illi revelet, vel media scientia infusa supernaturali, quo pacto cordium secreta cognoscebantur à Christo. Quare diuini procedit de secretis cordis merè internis, nullo modo manifestatis; & de cognitione naturali, seclusa quacumque diuina reuelatione.

II. Sententia negativa communis est inter Theologos cum D. Thoma 1. *Primo* 37. a. 4. *Quo* 8. de *Verit.* art. 13. & *Quo* 16. de *Malo* a. 8. Atton en ab illorum choro, de more, testis Durandus in 1. *1<sup>a</sup>* 8. *quo* 3. docens, Angelos posse naturaliter cognoscere cogitationes, & affectus liberos nentis præsentes, non tamen futuros. Durando ex parte adherent Henricus, & Hervaeus, existimantes, Angelos posse naturaliter cognoscere cogitationes cordium quantum ad substantiam, esto non quoad modum, & ordinem ad tale obiectum, & talem finem in particulari.

III. Dico. Angelus sua naturali virtute nequit ceritò cognoscere secreta cordis, seu cogitationes liberas aliterius, siue Angeli, siue hominis; nisi ipsi, vel à Deo reuelentur, vel ab ipso cogitante manifestentur. Dixi ceritò nam ut ait D. Thomas *Quo* 16. de *Malo* art. 8. Sicut Augustinus dicit, lib. 12. de *Gen.* ad *litt.* & in lib. de *Divinat.* *Demonum*, cap. 5. competum est certis indicis, quòd *Dæmones* cogitationes hominum aliquantuliter cognoscunt: quas quidem contingit dupliciter cognoscere. Uno modo, secundum quòd videntur in seipsis, sicut aliquis homo proprias cogitationes cognoscit. Alio modo per aliqua corporalia signa, quòd maxime manifestum est, cum ex interioribus cogitationibus homo ducitur in aliquam passionem. Quia si fuerit viuentis, etiam in exteriori apparenzia habet aliquod indicium, per quòd potest à grossioribus deprehendi; sicut timentes pallescent, vere undati autem erubescunt, ut Philosophus dicit in 4. *Eth.* c. Sed etiam si sit leuior passio deprehendi potest à subtilibus Medicis per cordis immutationem, quæ ex pulsu per-

cipitur. Huiusmodi autem exteriora, & interiora signa corporalia, multo magis *Dæmon* cognoscere potest, quàm quicumque homo. Et ideo certum est; quòd *Dæmones* aliquas cogitationes hominum cognoscere possunt, secundum modum prædictum. Unde Augustinus dicit in lib. de *Divinat.* *Dæmonum* (cap. 5. citato) quòd aliquando *Dæmones* hominum discipuliones non solum voce prolatas, verum etiam cogitatione conceptas, cum signa quadam ex animo exprimuntur in corpore tota facilitate perdiscunt.

IV. Utrum autem per hunc modum possint eas videre in seipsis, Augustinus sub dubio relinquit, in lib. 1. *Retract.* 30. dicens: Peruenire illa ad notitiam *Dæmonum*, per conualla experientia competentium est; sed utrum signa quadam, dentur ex corpore cogitantium, illis scutibilia, nos autem latetia; an alia vi eas spiritali cognoscant, aut difficillimè potest ab hominibus, aut omnino non potest inueniri. Ita apud D. Tho. S. August. qui hanc questionem, seu solum difficillimam in medio videtur relinquere.

V. Attamen sententiam nostram negantem videtur Scriptura aperitè exprimere. Tum 1. Paralip. 6. v. 30. ubi Salomon fundens ad Deum preces: *Rede* (inquit) *unienique* secundum vias suas. quas nosti cum habere in corde suo (tu enim solus nosti corda filiorum hominum) Tum Jerem. 17. v. 9. & 10. *Præcorium* est cor omnium, & in scrutabile; qui cognoscet illud? Ego Dominus scrutans cor, & probans renes. Super quæ D. Hieronymus: Hinc discimus (inquit) quòd nullus scit cogitationes hominum, nisi solus Deus. Quapropter, Danielis 2. Nabuchodonosori postulanti ab Ariolis, Magis, & Maleficis, & Chaldeis, ut sibi indicarent quid ei in somnis occurrisset, responderunt, v. 10. 11. Non est homo super terram, qui sermenum tuum Rex possit implere; sed nequa Regum quiscumque, magnus, & potens verbum huiusmodi se sciatur ab omni Ariolo, & Mago, & Chaldo... Nec reperitur quicquam, qui inducet illum in conspectum Regis, exceptis Diis. Cum ergo Scriptura pro-

proprium solius Dei dicat; non solum futura praenoscit, ut supra vidimus, sed etiam videre cogitationes cordis; loquitur de cogitationibus cordis nedum futuris, ut vult Durandus, sed etiam praesentibus.

VI. Confirmo hoc. Quia de Christo dicitur, Matth. 9. 2. 4. *Cum vidisset Iesus cogitationes eorum*; Et Joann. 2. v. 25. *Opus ei non erat, ut quis testimonium perhiberet de homine; ipse enim sciebat, quid esset in homine*; atque ut ex hoc omnes, Christum purum hominem non esse, sed Deum. Unde Hieronymus, in cap. 17. Ieremix: *Si autem (inquit) de Salvatore dicitur: Videns autem cogitationes eorum Iesus: nullusque potest videre cogitationes eorum, nisi solius Deus; ergo Christus Deus est, qui scrutatur corda, & probat renes*. Cogitationes autem, quas in corde hominum Christus videbat, non erant futurae, sed praesentes, ut ex contextu Evangelii apparet; ergo &c.

VII. Ratio autem D. Thomae, tum hac 2. 57. a. 4. tum aliis locis laudatis, est haec. Actus liberi creati prorsus interni, & occulti, sicut in produci, ita & in cognosci, tantum subduntur Deo, & supposito illos elicienti; ergo nulla alia creatura eos naturaliter certo valet cognoscere. Ant. prob. tum ex Apostolo, 1. Cor. 2. v. 21. *Quis enim hominum scit, quae sunt hominis, nisi spiritus hominis, qui in ipso est*; Tum etiam: actus liberi dum intra intellectum, & voluntatem sunt, ei soli subduntur quoad produci, & cognosci, qui habet dominium supra illos: sed solus Deus, & homo, qui illos elicit, dominium habent supra illos, ut illos eliciat, vel non, ut illos manifestet, vel alteri celet; ergo &c. Cum enim perfectum Dominium sit ius remanens sibi retinendi, & solum alteri tradendi, si placuerit; non stare in voluntate plenum, perfectumque dominium suorum actuum, si ipsa invita, esset naturaliter aliis creaturis conspicua ejus electio, ac deliberatio; nec esset amplius juris privati, sed quasi publici.

VIII. Roboratur ex iis, quae docet

D. Tho. *Qu. 8. de Verit. art. 23.* Angelus naturaliter solum cognoscit ea, quae pertinent ad ordinem Universi, vel cum eo connexionem habent: sed actus interni liberi non pertinent ad ordinem Universi, nec cum eo connexionem habent; ergo &c. Maj. videtur certa: aliquis enim limes cognitioni naturali Angeli assignari debet, ne dicamus, cum cognoscere futura, imò & possibilia: hic autem limes Angeli, qui est inter Universi creaturas sublimior, non melior esse potest, quam totius Universi latitudo. Minor quoque prob. Quae pertinent ad Universi ordinem connexionem habent cum causa naturali, & praecipue cum causis superioribus, à quibus ordinavit Deus, ut causae inferiores regerentur; sed actus interni, & liberi nullam connexionem habent cum causis naturalibus Universi; voluntas enim in suis actibus liberis à solo Deo, & à supposito illos eliciente dependet; ergo &c. *Motus voluntatis alterius* (inquit D. Tho. citato loco) *non potest Angelo notus esse naturali cognitione: quia Angelus naturaliter cognoscit per formas sibi inditas, quae sunt similitudines rerum in natura existentium. Motus autem voluntatis non habet dependentiam, nec connexionem ad aliquam causam naturalem, sed solum ad causam divinam, quae in voluntate sola imprimere potest. Unde motus voluntatis, & cordis cogitatio non potest cognosci in aliquibus similitudinibus rerum naturalium, sed solum in essentia divina, quae in voluntatem imprimis.*

## 6. II.

*Proponuntur, & solvuntur contraria.*

IX. **S** Cetus, qui asserit cogitationes cordis esse Angelo occultas, non ex natura, sed quia Deus denegat, praesertim Angelis malis, concursus suum ad eas cognoscendas, arguit primo sic. Intellectus cujusvis Angeli habet naturaliter quidquid requiritur, ut possit cognoscere secreta cordis alterius: habet enim speciem ea repraesentantem.

sentantem, cuius signum est, quia si ad eum dirigantur, nova specie non indiget: habet etiam virtutem ad ea cognoscenda, sunt enim ordinis naturalis, & consequenter inter objecta ejus naturalis virtuti proportionata.

X. Confirmatur. Cogitationes cordis sunt objectum proportionatum respectu eas elicentis; ergo etiam respectu alterius Angeli eas non elicentis: quidquid enim intra sphaeram objecti proportionati unius Angeli continetur, intra sphaeram alterius claudere debet.

Urgetur. Angelus saltem superior comprehendit substantiam, voluntatem, & habitus naturales Angeli inferioris: ergo cognoscit omnes actus illius: nam qui comprehendit principium, cognoscit quoque omnes actus, qui in illo sunt; multo ergo magis actus, qui sunt in homine.

XI. Respondeo, hoc argumentum infirmari posse contra Scotum. Nam Angelus habet quidquid requiritur ad cognoscenda futura contingentia: habet enim speciem eorum repræsentativam, habet virtutem cognoscitivam eorum, sunt objectum ei proportionatum; & tamen ea certo cognoscere nequit, ut vidimus.

Distinguo igitur antecedens: habet in actu primo proximo, & expedito, nego ant. in actu primo remoto, & non expedito, conc. ant. Ut enim species sit proximè expedita ad repræsentandum, debet res repræsentata ei assimilari, & virtuti cognoscitivæ actu præsentari: ut autem res incipiant assimilari speciei angelicæ, & virtuti ejus cognoscitivæ fieri actu præsentem, debent pertinere ad ordinem naturalem Universi. Porro cum cogitationes cordis, quamdiu manent intra cogitantem, spectent quidem ad ordinem moralem, & liberum, non autem ad naturalem; cum nulla enim causa naturali connexionem habent, sed cum solo cogitante, qui eas intra se tenet, nec manifestat: idè nec species angelica potest eas actu repræsentare, nec virtus angelica eas actu adtingere. Quòd si Angelus cogitans, eas ad illum

Tom. V.

dirigat, statim species incipiet absque nova sui mutatione repræsentare in actu secundo; sicut incipit repræsentare, quod futurum erat, si fiat actu existens, ut Dubio præcedente dictum est. Quare dum unus Angelus alteri tantum loquitur, nescit alius tertius, an; & quid loquatur, sed solus ille, cui loquitur, quin infundat ei novam speciem, vel speciei ejus aliquid addatur; sed quia ad eum dirigit suum conceptum, qua directione incipit pertinere ad ipsum, sicut pertinet ad tertium, si ad eum dirigeretur.

XII. Ad confirm. co. antec. nego consequ. Ideo enim cogitatio cordis est objectum proportionatum Angelo cogitanti, quia est sua, ab eo liberè existens, & ad eum pertinens; quod non currit de alio Angelo. Est quidem intra sphaeram objecti proportionati ejus, quasi materialiter, quia non est ens supernaturale; non est tamen intra sphaeram objecti proportionati ejus formaliter, & proximè; quia ad ipsum non pertinet, nisi a cogitante, ad ipsum dirigatur, sicut nec futura, nisi existant.

XIII. Ad id, quod urgetur, diff. conf. omnes actu indeterminatè, & in habitu, conc. consequ. determinatè, & in actu, nego conf. Responso est D. Tho. tum hac Q. 57. a. 4. ad 2. ubi dicit, quòd esto unus Angelus videat species alterius, non tamen videt, eodem modo alius eisdem actu utatur considerando. Tum Q. 8. de Verit. a. 13. ad 3. ubi hæc habet: Non omnia actu cogitamus, quorum species apud nos habemus, cum quandoque species sint in nobis in habitu tantum. Unde ex hoc, quòd species nostri intellectus videntur ab Angelo, non sequitur, quòd cogitatio cognoscatur. Et ad 2. ait. Quamvis notitia habitualis cognoscatur ab Angelo, non tamen sequitur, quòd cognitio actualis; quia ex una habituali notitia multe considerationes actuales progrediuntur.

Neque hoc derogat comprehensioni. Ad hanc enim solum requiritur, quòd cognoscat totum, quòd sibi est cognoscibile, & petit, per eam cognosci; Et

quod

quod de cogitationibus liberis, sicut & de futuris, & ente supernaturali non verificatur.

XIV. Secundò arguitur. Idèd actus liberi unius Angeli non possent ab altero cognosci, quia à Deo solo dependent, & Angelo eos producente: sed hæc ratio non valet; nam eccl, anima rationalis, & Angeli ipsi à solo Deo produuntur, & conservantur, & tamen ab Angelo cognoscuntur. Tūc etiam: actus externi liberi à sola hominis voluntate pendunt; qui tamen etiam cognoscuntur ab Angelo. Imò & actus ipsi necessarii intellectus, & voluntatis à solo Deo, & Angelo eos eliciente pendunt; & tamen ab altero Angelo cognoscuntur.

XV. Respondeo. Majorem non esse universaliter veram, nisi addatur, quia à solo Deo, & Angelo pendunt, non tanquam naturales effectus, sed tanquam motus, & dispositiones liberæ subditæ soli voluntati Dei moventis, & voluntati moræ. Ita se explicat D. Tho. Q. 16. de Malo a. 8. dicens: *Id quod cadit sub ordine superioris causæ, non potest cognoscere inferior causa, sed solum superior causa moventis, & illa qua movetur. Sicut si aliquis civis esset sub Præpositi tanquam sub inferiori causâ, & sub Rege tanquam sub suprema; non posset Præpositus cognoscere circa civem, si quid immediatè Rex circa ipsum ordinaverit, sed hoc sciet solum Rex, & civis, qui movetur secundum ordinem Regis. Unde cum voluntas interius non possit ab alio, nisi à Deo moveri, cuius ordini immediatè subest, motus voluntatis, & per consequens voluntaria cogitationis, non potest cognosci nequè à Dæmone, nequè à quocunque alio, nisi ab ipso Deo, & ab homine valente, atque cogitante.*

Hinc exempla de ecclis, de anima rationali, de Angelis quod ad substantiam sumtis, non sunt ad rem: Nam hæc sunt naturæ pertinentes ad naturalem Universi perfectionem, non dispositiones liberæ, & secretæ, quibus movetur causa inferior à suprema, à qua sola moveri potest, quales sunt cogitationes cordis.

Quod verò additur de actibus externis liberis, dico: quòd, vel sunt ordinati ad manifestandas internas liberas animi conceptiones, ut sunt voces, & alia signa; & sic per eos cognosci possunt actus interni. Vel sunt indifferentes ad exprimendum hunc potius, quàm alium animi motum: & sic cognoscuntur quidem quoad substantiam; sed ex iis certò conici nequit, quod latet in corde, nisi ad summum in generali. Ita D. Tho. Q. 8. de Verit. a. 13. ubi postquam resolvit, Angelos non posse cognoscere directe cogitationes cordis alterius, nisi in Verbo, addit: *Sed per accedens possunt cognoscere cogitationem cordis quandoque, & hoc dupliciter. Uno modo, inquantum ex cogitatione actuali resultat aliquis motus in corpore, dum aliquis gaudet, vel tristitia afficitur ex his, qua cogitat, & sic cor quodammodo movetur: per hunc enim modum etiam Medici quandoque possunt passionem cordis cognoscere. Alio modo inquantum ex actuali cogitatione aliquis movetur vel demeretur, & sic mutatur quodammodo status agentis, vel cogitantis in bonum, vel in malum; & hæc dispositionem mutationum Angeli cognoscunt: sed tamen ex hoc non cognoscitur cogitatio, nisi in generali: Ex multis enim, & diversis cogitationibus, eodem modo aliquis meretur, vel demeretur, gaudet, vel tristatur. Hæc D. Th. valde notanda.*

XVI. Quoad actus verò necessarios, dico: hos idèd esse cognoscibiles naturaliter ab Angelo, quia sunt cum eo necessariò connexi, eique debiti: quasi proprietates illius, nec eorum est dominus. Unde si unus Angelus naturaliter cognoscit alium cum suis potentiis, etiam hæc actus eum illis connexos cognoscet. Hæc eadem ratio docet S. Th. hac q. 57. a. 4. ad 3. *Quod appetitus brutus non est dominus sui actus, sed sequitur impressionem alterius causæ corporalis, vel spiritualis. Quia igitur Angeli cognoscunt res corporales, & dispositiones earum, possunt per hæc cognoscere quod est in appetitu, & apprehensione phantastica brutorum, & etiam hominum...* Non tamen oportet, quod

quod Angeli cognoscant motum appetitus sensitivi, & apprehensionem phantasticam hominis, secundum quod moventur a voluntate, & ratione. Et multò minus, quid sit in cogitatione, vel voluntate, quia intellectus, & voluntas non subiaceant appetitui sensitivo, & phantasia, sed potest eis diversimodè uti.

XVII. Tertiò asserunt PP. auctoritates. Primò D. Gregorii, l. 18. Moral. c. 27. modò 48. ubi civitatem Beatorum comparans vitro mundo, de resurgentibus in beatitudine, ait: Et quoniam ipsa eorum claritas vicissim sibi in alterius cordibus patet, & eam uniuscuiusque vultus attingitur, simul, & conscientia penetratur: addens: Nunc autem corda nostra quomodò in hac vita sumus, quia ab altero in alterum videri non possunt, non intra vitrea, sed intra lutea vascula concluduntur: sed resurgentes erunt similes Angelis, Mat. 13. ergo si resurgentes corda alterius penetrabunt, eò magis Angeli.

Secunda est D. Augustini, lib. 1. contra Academicos, Cap. 6. referentis de quodam Albicerio, qui à quodam interrogatus, ut sibi diceret, quid secum tacitus cogitaret: Vergilii versum cum rogare respondit; cumque ille obstupescere negare non posset, perrexit querere, quinam versus esset: Tunc Albicerius, quamvis Grammatici scholam vix transiens vidisset, versum canere non dubitavit. Cum ergo Albicerius non alia ope, quàm Dæmonis id præstare potuerit, dicendum videtur, Dæmones nosse cordis secreta.

Tertia est ejusdem S. Augusti. lib. 18. de Civit. Dei c. 18. Narrantis, quendam Philosophum cuidam de quaestione Platonica dubitandi insomnem apparuisse, eique quaestionem solvisse. Et tandem, lib. de Divinat. Dæmon. c. 6. l. 12. de Gen. ad lit. cap. 17. & l. 1. Retract. c. 30. Cogitationes hominum internas Dæmones sæpius enunciasse asseverat.

XVIII. Ad hæc respondeo. Ad primam ex D. Greg. dico: eum non vellem, Beatos post resurrectionem absolute secreta cordium occulta nativa virtute penetraturio: sed solum, quòd ab

eis auferetur grossities corporis, quæ est unum ex impedimentis, ne interna animi penetremus. Nam Cogitatio unius hominis non cognoscitur ab alio propter duplex impedimentum, scilicet propter grossitiam corporis; & propter voluntatem claudentem sua secreta. Primum autem obstaculum tollitur in resurrectione, nec est in Angelis: sed secundum impedimentum manebit post resurrectionem, & est modò in Angelis. Ita S. Thomas, hac q. 57. a. 4. ad 1. Qui addit: Et tamen qualitatem mentis quantum ad quantitatem gratia, & gloria repræsentabit claritas corporis; & sic unus mentem alterius videre poterit. Nimirum quanta gratia, & gloria sit exornatus; non verò, quid animo volvat, nisi ei reveleatur. Vide quoque S. Tho. Q. 16. de Malo a. 8. ad 1.

Ad secundam ex S. Augusti. dico: ex aliquo signo, vel ex specie in phantasia residente, potuisse Dæmonem conjicere versum, quem alter animoolvebat, & Albicerio suggerere, quamvis ille eum non didicisset; eo modo, quo Energumeni instinctu Dæmonis multa dicunt, quæ nunquam didicerunt.

Ad tertiam ex eodem respondet S. Th. Q. 16. de Malo a. 8. ad 12. Ex illo facto non posse haberi, Quod Dæmon sciat aliqua esse in memoria hominis. Potuit enim esse, quod Dæmon sensitisset dubitanti secundum illa, quæ ipse sciebat, non ex eo quod sciret Philosophum illa cognoscere. Vel poteras hoc scire per aliqua exteriora signa. Vel potuit hoc fieri per aliquem Angelum bonum. Addo: factum, ut à S. Augustino narratum, non esse ad rem. Philosophus enim ille rogatus prius fuerat, ut illam quaestionem solveret, & recusaverat: quid ergo mirum si postea opus Dæmonis, eidem, qui ipsum interrogaverat, apparverit, & quaestionem solverit? Hic certe de cognitione secretorum cordis nihil est.

Ad alia, ex eodem S. Doctore, respondeo: Dæmones, ex aliquibus signis corporalibus sæpè internum animum arguere. Ut enim ait D. Thom. Q. 16. de Malo a. 8. ad 14. Idem signum corporale in generali potest respondere multis.

his effectibus: sed tamen in speciali sunt aliqua differentia, quas Daemon potest melius percipere quam homo. Ut inde tamen formet cognitionem conjecturalem, non certam. Si enim certò sciret, hominem non tentaret. Ita S. Augustinus laudato loco 12. de Gen. lit. c. 17. dicens: *Certissimis tamen iudiciis apud nos constitit, enunciatis à Daemonibus cogitationes hominum, qui tamen si virtutum internam speciem possint in hominibus cernere, non tentarent; sicut illum in sub mobilem, ac mirabilem patientiam, procul dubio, si posset Diabolus cernere, nollit à sensato usque ferari.*

Nec refert, quòd Daemon melius cognoscit animam hominis, quam ipse homo. Nam, ut ait D. Th. 2y. 16. de Malo a. 8. ad 7. *Daemon melius quidem cognoscit de anima quid est, non tamen quid in anima est; & hoc modo homo cognoscit animam percipiendo, ipsam esse ex actibus suis, quos experitur; & ad hunc modum cognoscendi pertinet illa cognitio, qua cognoscimus nos aliquid cogitare. Qua autem sit natura cogitationis humanae, melius cognoscit Daemon, quam homo.*

#### DUBIUM IV.

An Angeli Naturaliter cognoscant  
Mytheria Gratiae?

##### §. I.

Resolutio Dubii.

**I.** Dico. Angeli cognitione naturali mytheria gratiae cognoscere nequeunt; cognitione tamen, qua beati sunt, ea cognoscunt, non quidem omnia, nec aequaliter omnes, sed secundum quòd Deus voluerit eis revelare. Ita S. Thomas, hac P. p. q. 57. a. 3. Habet duas partes.

II. Probatur prima pars à D. Thoma sic. Id, quod pendet à sola voluntate, ut ad ordinem Universi non pertineat, non potest certò, & naturaliter ab Angelo cognosci: quà ratione superius dicebamus, non posse Ange-

lum naturaliter cognoscere in altero secreta cordis illius, eò quòd unice pendet à voluntate illius, nec ullam connexionem habent cum naturali ordine Universi: sed mytheria gratiae unice pendet à voluntate divina, nec eum ordine Universi ullam connexionem habent; ergo ea non potest Angelus naturaliter cognoscere. Ita (ait S. Thomas) *Argumentatur Apostolus, 1. Cor. 2. Qua sunt hominis nemo novit, nisi spiritus hominis, qui in ipso est; ita & qua sunt Dei, nemo novit, nisi spiritus Dei.*

III. Confirmatur. Actus internus liber voluntatis, etsi existat, à nulla creatura naturaliter cognosci potest, nisi vel in se, vel in effectu manifestetur: sed mytheria, seu dispositiones libere voluntatis Divinae, etsi existant, naturaliter non manifestantur menti angelicae, nec in se, neque in suis effectibus; quia omnes, utpote ordinis altioris, nempe supernaturalis, excedunt vim naturalem mentis angelicae; ergo &c. Hic revocari possunt rationes, quibus probavimus mytherium Trinitatis ratione naturali cognosci non posse, sicut nec mytherium Incarnationis; ut, si Deus dederit, suo loco ostendemus.

IV. Secunda verò pars ab eodem S. Doctore probatur ex Apostolo, 1. Cor. v. 10. *Nobis autem revelavit Deus per spiritum suum.* Et ex ratione praefata deducitur. Nam sicut actus internos liberos hominis cognoscit is, cui homo voluerit revelare; ita ea, quae Dei sunt, is cognoscit, cui spiritus Dei revelaverit: sed Angelus Deum videntibus manifestat Deus in Verbo mytheria gratiae; ergo Angeli &c. Ita tamen (inquit S. Thomas) *quid superiores Angeli perspicacius divinam sapientiam contemplantur, plura mytheria, & altiora in ipsa Dei visione cognoscunt, qua inferioribus manifestant, eos illuminando. Et horum etiam mytheriorum quaedam à principio sua creationis cognoverunt (scilicet in Verbo, & per visionem beatificam) quaedam vero postmodum (nempe extra Verbum) secundum quòd eorum officiis congruit edocendis. Porro cum Angeli non fuerint à pri-*



mo instanti suæ creationis beati, ly ab initio non est sumendum rigorosè, sed latè: sic, ut ab instanti creationis habuerint notitiam mysteriorum gratiæ per fidem, ut statim dicemus; cum verò fuerint beati, per visionem Verbi; & successivè extra Verbum aliorum etiam notitiam adepti fuerint.

V. Superfedeo à referendis argumentis, quæ contra primam partem afferri solent, quia hæc proponuntur, & solvantur in Tractatu de Incarnatione. Pro nunc noverit Candidatus meus, quoddam Angelus sive etiam Dæmon, videns Christi humanitatem, non proinde videbat, aut videt naturaliter Incarnationis mysterium, seu humanitatem illam à subsistentiâ Verbi personari. Nam etsi non videret in humanitate Christi subsistentiam creaturam, poterat existimare, eam à Deo sibi occultari; vel humanitatem illam subsistere, aut sola divina virtute eam sustentante; vel alio modo sibi ignoto: non verò inferre naturaliter poterat hanc conclusionem; ergo humanitas Christi subsistit subsistentiâ Divini Verbi, quia ad hanc veritatem cognoscendam vis naturalis assurgere nequit.

An verò Angeli naturaliter videant mysterium Eucharistiæ, seu Corpus Christi secundum modum, quo est sub Sacramento: Respondeo negativè. Quia modus ille penitus supernaturalis est. Vident tamen illum Angeli beati per visionem divinæ Essentiæ; Dæmones verò credunt, non quidem fide divina, quæ sit donum Dei, hanc enim ab eis excludit D. Thom. 1. 2. q. 5. a. 2. sed quia per evidentiam signorum convicti, quodammodo coquantur ad assentiendum veritati, quam non vident, prout dicitur, Jacobi 1. v. 19. *Dæmones credunt, & contremiscent.* Ita D. Thomas 3. P. qu. 76. a. 7. & 2. 2. q. 5. a. 2. ad 1. 2. & 3.

§. I I.

Quorundam Resolutio.

VI. Quæres primò. An Angeli ab initio suæ creationis aliquam habuerint notitiam Incarnationis per fidem?

Respondeo probabilius affirmativè. Hæc enim videtur mens S. Augustini, l. 5. de Genes. ad litt. c. 19. qui de Angelis primò conditis scribit: *Nam nec illud eos latuit, mysterium regni colorum, quod opportuno tempore revelatum est.* Et inferius: *Illis ergo à seculis innotuit, quia omnis creatura non ante secula, sed à seculis; illa autem verba non latuit, & à seculis indicant, mysterium fuisse revelatum omnibus statim acceperunt secula, non post eum, scilicet fuerint beati.*

VII. Hinc D. Thomas secutus S. Augustinum, 1. 2. q. 2. a. 7. ad 1. *Angelos (inquit) non omnino latuit mysterium regni Dei, sicut Angeli dicunt.* Et 1. P. q. 64. a. 1. ad 4. clariùs ait: *Mysterium Regni Dei, quod est impletum per Christum, omnes quidem Angeli à principio aliquo modo cognoverunt; maxime ex quo beatificati sunt visione Verbi, quam Dæmones nunquam habuerunt: non tamen omnes Angeli cognoverunt perfectè, neque aequaliter.* Unde Dæmones multò minus, Christo existente in mundo, perfectè mysterium Incarnationis cognoverunt. Non enim innotuit eis (ut August. dicit l. 9. de Civit. Dei c. 11.) sicut Angelis Sanctis, qui participata æternitate perficiuntur: sed sicut eis terrendis innotescendum fuit per quædam temporalia effecta: *Si autem perfectè, & per certitudinem cognovissent, ipsum esse Filium Dei, & effectum Passionis ejus, nunquam Dominum gloria crucifigi procurassent.*

VIII. Congruum ergo fuit, ut omnes Angeli ab initio conditionis suæ aliquam notitiam habuerint de illo, qui futurus erat eorum Caput, non Redemptore, sed influentia, & de quo omnes accepturi erant: quia tamen hæc notitia, ut ait idem S. Thom. in Cap. 3. ad Ephef. lett. 3. fuit solùm

in generali, remansit Dæmonibus, adhuc stante tali notitia, dubitandi locus: an in Christo, quem videbant ex Adæ progenie descendente, naturæ passibilem, mortalem, similem carni peccati, hoc mysterium esset impletum.

IX. Quæres secundò. An Angeli beati statim post hominis lapsum pleniorum habuerint de Incarnatione notitiam?

Respondeo affirmativè. Et præsertim, quòd Christus ex stirpe Adæ foret nasciturus, humanum genus liberaturus, & Diabolum Hevæ seductorem superaturus. Hæc enim ad serpentem inter te, Gen. 3. v. 15. *Inimicitias ponam inter te, & mulierem, & semen tuum, & semen illius, ipsa conteret caput tuum*, sunt verba Dei per Angelum loquentis, qui certè non loquebatur, nisi quæ à Deo cognoscendo acceperat.

X. Successu tamen temporis, prout eorum ministeria poscebant, plenius, alii plùs, alii minùs de Incarnatione Angeli, Deo illis revelante, imbuti fuere; ut cùm mittebantur ad instruendos Prophetas: cum Gabriel missus fuit ad Virginem; & cùm Apostolos viderent prædicantes, non quasi ab Apostolis perdiscerent (sic enim solùm ab Angelis superioribus edoceri possunt) sed res expletas videntes. Et ita (inquit D. Tho. in 2. Dist. 11. q. un. 2. 4.) *quadam, qua circa Incarnationis mysterium nesciebant, quando explebantur, prædicantibus Apostolis cognoverunt, non tamen ab Apostolis edocti*; ad eum modum, quo, supra diximus, futura contingenter cognoscunt, quando actu compleniuntur.

XI. Neque huic adversatur, quòd Christo ascendente in cælum legantur Angeli, Psal. 13. v. 8. & 10. *quævisisse: Quis est iste Rex gloria?* Et apud Isaiam 63. v. 1. *Quis est iste, qui venit de Edom?* Nam ejusmodi interro-

gationes non sunt quasi nescientium quæ esset persona, quæ ascendebat: sciebant enim, & Gabriel qui partum divinum Virgini enuntiaverat, Luca 1. & Angeli multi, qui Christo nascente cantaverant, Luca 2. alii, qui ipsi ministraverant, Matth. 4. & qui vocem Patris audierant, Matth. 3. v. 17. & cap. 17. v. 5. dicentis: *Hic est Filius meus dilectus, quo mihi bene complacuit*. Sed sunt, quasi rem novam, & insolitam admirantium, quòd scilicet verus homo plenus gloria & majestate corporaliter super cælos ascenderet, non ut hospes, & peregrinus, sed ut Dominus, & Rex gloria. Quamvis S. Augustinus, in Psal. 13. interrogationem illam, seu admirationem, non Angelorum fuisse putet; sed vel naturæ mortalis; ait enim: *Pavet admirans natura mortalis, & quærit*. Vel ipsius Dæmonis; addit namque: *Quid & tu princeps potestatis aeris hujus miraris, & quæris? Quis est iste Rex gloria?* Supra te pergit ille tentatus: supra omnes Angelos tendit ab Angelo prævaricatore illo tentatus. Uno verbo cum D. Thom. hie ad 3. concludo: *Quòd quidquid Propheta cognoverunt de mysterio gratia per revelationem divinam, multo excellentiùs est Angelis revelatum*.

## QUESTIO VI.

### De Voluntate Angelorum.

IN exponenda natura intellectus, & cognitionis Angelorum, examinando ejus medium, modum, & objectum hætenus detenti, Studiorum genio satis superque indulsimus. Nunc de eorum voluntate, & dilectione naturali cum D. Thom. hac 1. P. q. 59. & 60. aliqua breviter dicemus.

## DUBIUM I.

De Existentia, &amp; Natura Voluntatis in Angelo.

## §. I.

*Voluntas Angelo asseritur.*

I. **D**ico primò. In Angelis est voluntas. Ita D. Thom. hac q. 59. a. 1. Et probat eodem discursu, quo superius probaveras, in Deo esse voluntatem, nimirum: In omni natura cognoscitiva, potentiam cognoscendi naturaliter consequitur potentia appetitiva ipsi proportionata: sed in Angelis est potentia cognoscitiva cognitione intellectuali, ut probatum est; ergo illam consequitur appetitus intellectualis, qui est voluntas.

II. Nec dicas: quòd si modus appetendi proportionatur modo cognoscendi, cum in Angelis sit modus altior cognoscendi, quàm in homine, nempe sine ratione, & discursu, sed simplici intelligentia; debet in eo etiam poni altior modus appetendi, quam per voluntatem, quæ ex Arist. 3. de Anima, text. 42. in ratione est. Sicut quia in homine altior est modus appetendi, quàm in bruto, in homine ponitur altior appetitus, quàm sensitivus, nempe rationalis.

III. Nam respondeo cum D. Thom. citato ad primum: assumtum esse verum, quando modus cognoscendi est altior, non solum in modo, sed in obiecto, quomodo modus cognoscendi hominis excedit modum cognoscendi bruti: obiectum enim cognitionis hominis est intelligibile, & universale; bruti verò solum sensibile, & singulare: & idèd in bruto appetitus purè sensitivus ponitur; qui diversæ rationis est ab appetitu rationali, qui est in homine. Non autem, quando modus cognoscendi est altior solum in modo, non autem in obiecto, ut contingit in Angelo respectu hominis. Quamvis enim in Angelo sit per modum intellectus, & in homine per modum rationis; cum tamen sit idem obiectum

intellectus, & rationis, & idem bonum ab utraque potentia cognoscatur, idem appetitus, qui dicitur voluntas, potest utrique potentie deservire: & hæc ratione quamvis altior sit modus cognoscendi Dei, quàm cujuslibet creaturæ, in Deo tamen ponitur voluntas.

IV. Nec refert, quòd voluntas sub nomine appetitus contineatur. Nam, ut ait D. Thom. hoc a. 1. ad 2. *Licet nomine appetitiva partis sit sumtum ab appetendo ea, quæ non habentur; tamen appetitiva pars non solum ad hæc se extendit, sed etiam ad multa alia: sicut & nomen lapidis sumtum est à lapsione pedis; sum tamen lapidi non hoc solum conveniat. Similiter irascibilis potentia denominatur ab ira, cum tamen in ea sint plures aliæ passiones, ut spes, audacia, & huiusmodi.* Ita D. Thom. Quare voluntas etiam ponitur in Deo, qui omnia in se continet bona, & ad nullum habendum est in potentia.

V. Voluntatem Angeli non esse ipsam naturam, & esse Angeli, probatur eadem ratione, quæ supra ostendimus, intellectum Angeli non esse suam essentiam, ac suum esse. Videatur dicta Q. 4. huius Tractatus, Dub. 2. Et ulterius: quia voluntas Angelorum se extendit ad aliquid, quod est extra ipsos: sed, ut docet D. Thom. hoc a. 1. quidquid se extendit ad id, quod est extra rem, non est rei essentia, ergo &c. Min. probatur in corpore naturali, in quo est inclinatio, quæ est ad esse, sit per materiam, quæ illud recipit, & formam, quæ illud dat, & utraque sit de essentia corporis; inclinatio tamen corporis ad locum extrinsecum est per aliquid essentiae superadditum, nempe per gravitatem, vel levitatem.

VI. Voluntatem insuper Angeli esse realiter distinctam ab ejus intellectu, probat idem S. Doct. ibi ex diverso modo, quo procedunt. Nam intellectus procedit trahendo res ad se; voluntas verò procedendo ad res extra se; alterius autem virtutis est habere intra se etiam res, quæ sunt extra ipsum, & tendere in rem extra se existentem.

Ad-

Addo: quoddam obiectum voluntatis, quod est bonum, est formaliter diversum ab obiecto intellectus, quod est verum: obiecta autem formaliter diversa inferunt virtutes realiter distinctas.

VII. An autem intellectus Angeli specie differat ab intellectu humano, sicut & voluntas Angeli à voluntate humana? Dico, intellectum, & voluntatem Angeli, & hominis comparari posse, & ad naturas, quarum sunt proprietates & ad obiecta, ad quæ tendunt. Si comparentur ad naturas, quarum sunt virtutes, & proprietates; sic, cum natura hominis, & Angeli specie differant, necesse est, quoddam etiam specie differant proprietates. Si verò considerentur in ratione potentia, & prout, respiciunt obiecta; probabile est, quoddam ejusdem speciei sint intellectus, & voluntas Angeli, & hominis; cum idem habeant obiectum formale, nempe intellectus ens sub ratione veri, & voluntas sub ratione boni. Et quavis sit diversitas in modo cognoscendi, & volendi, dici potest, hoc totum se tenere ex parte subiecti cognoscentis, & volentis, non ex parte cogniti. Neque est novum, aliqua distingui specie in ratione proprietatis; & in ratione potentia, & operationis esse ejusdem speciei. Nam potentia visiva, & visio hominis, & bruti ejusdem speciei sunt obiectivè, seu relatè ad obiectum; si verò comparentur ad hominem, & brutum, seu sumantur ex parte videntis, sunt diversæ speciei; quia naturæ diversæ specie asserunt diversas proprietates, & virtutes specie relatè ad summum principium. Ita Ferrarensis, in 2. Contrag. c. 94. & alii. Sed non est, cur hic tempus teramus.

### §. I I.

#### *Alis circa Naturam Voluntatis Angelicæ.*

VIII. QUAERITUR primò. An in Angelis sit liberum arbitrium? Respondeo affirmativè cum D. Tho. hac Q. 59. a. 3. Libertas est arbitrii ad dignitatem hominis

pertinet, quia dicitur agere se movendo cum dicitur in suorum actuum: sed Angeli sunt digniores hominibus; ergo liberum arbitrium, cum sit in hominibus, multò præstantius erit in Angelis.

Accedit, quoddam in Angelis est intellectus; in quacunque autem natura est intellectus, in eadem est liberum arbitrium. Liberum enim arbitrium est facultas eligendi unum ex multis, orta ex indeterminatione judicii intellectus, qui judicare potest de multis, quodnam sit hic, & nunc eligendum; hujus verò indeterminationis, & indifferentiæ judicii origo ex eo est, quoddam intellectus potest judicare de bono in universum, & proinde de hoc, & de illo.

IX. Propterea Sacrae Litteræ proponunt Angelos, ut creaturas rationales agentes cum libertate, capaces præmii, & pœnæ, Deum videndi, eique ministrandi: ut Job. 4. v. 18. *In Angelis suis reperit pravitatem*. Jo. 8. v. 44. *de Diabolo dicitur: Ille homicida erat ab initio, & in veritate non fuit*. 2. Petri 2. v. 4. *Deus Angelis peccantibus non peperit; sed rudentibus inferni detractis in tartarum tradidit cruciandos, in judicium reservari*. Matth. 18. v. 10. *de Sanctis Angelis legitur: Angelorum in oculis semper vident faciem Patris mei*. Psal. 90. v. 11. *Angelis suis Deus mandavit de te*. Hebrg. 1. v. 6. *& adorent cum omnes Angeli ejus*. Et v. 14. *omnes sunt administratores spiritus in ministerium missi*; & alibi; addèd ut in re tam certa superfluum sit immorari.

X. Adverto cum D. Tho. relato ad secundum: quoddam est intellectus angelicus sit determinatus ex sua perfectione ad omne verum naturale; non tamen angelica voluntas ex sua perfectione petit esse determinata ad bonum; cuius differentia est, quoddam cognitio sit secundum quoddam cognitum est in cognoscitæ. Ad perfectionem autem alicujus rei pertinet, ut sit in ea omne, quod natum est in ea esse, aliter esset imperfecta; ideoque Angeli intellectus, ut sit perfectus, debet esse determinatus

tus ad omnem veritatem naturalem. Sed adus appetitivæ virtutis est per hoc, quod affectus inclinatur in rem externam; perfectio autem rei non dependet ab omni re extra se, ad quam inclinatur, sed à superiori solum: & ideo non pertinet ad imperfectionem voluntatis Angelæ, si non est determinata respectu eorum, quæ infra ipsum sunt; pertineret autem ad imperfectionem ejus, si indeterminatè se haberet ad illud, quod supra ipsum est.

Nec ex quo intellectus Angelis fit determinatus ad omnem veritatem, tollitur ab Angelo libertas, quæ in indifferencia judicii fundatur. Non inquam libertas fundatur in indifferencia judicii practici, non speculativi. Quamvis autem intellectus speculativus Angelis fit determinatus ad omnem veritatem naturalem, non tamen practicus; qui potest indifferenter hoc, vel illud proponere voluntati, ut conveniens, vel disconveniens.

XI. Quæres secundò. An in Angelis sit irascibilis, & concupiscibilis?

Respondeo. Qui posuerunt Angelos habere corpora sibi naturaliter unita, & erga filias hominum amore exarsisse, consequenter in eis irascibilem, & concupiscibilem admiserunt. Supponit tamen catholica veritas à nobis superius statuta, quod sint puri spiritus intellectuales, neganda in eis est irascibilis, & concupiscibilis. Quia, ut ait D. Tho. hoc a. 4. solus appetitus sensitivus est, qui dividitur per irascibilem, & concupiscibilem: quia respicit pro objecto bonum sub ratione particularis boni, vel ardui, vel delectabilis; appetitus autem intellectivus cum respiciat bonum sub ratione communi boni tanquam formale objectum, unus est, & respicit omnia particularia bona. Nam (inquit D. Tho. ibi) *Si alieni potentia respondeat aliquod objectum secundum rationem communem, non erit distinctio potentiarum secundum diversitatem propriarum, quæ sub illo communi continentur. Sicut si proprium objectum potentia visiva est color secundum rationem coloris, non distinguuntur plures potentie visivæ secundum differen-*  
*Thom. V.*

*tiam albi, & nigri. Sed si proprium objectum alicujus potentie esset album, inquantum album, distingueretur potentia visiva albi à potentia visiva nigri.*

XII. Hinc infert S. Tho. citatus ad tertium: quod licet Temperantia, ut est virtus humana, sit circa concupiscentias delectabilium sensibilium, quæ pertinent ad vim concupiscibilem; & similiter Fortitudo sit circa audacias, & timores, quæ sunt in irascibili; & ideo Temperantia, secundum quod est virtus humana, est in concupiscibili, & Fortitudo in irascibili; hoc tamen modo non sunt in Angelis. Non enim in eis sunt passionēs concupiscentiarum, vel timoris, & audacia, quas oportet per Temperantiam, & Fortitudinem regulari. Sed Temperantia in eis dicitur, secundum quod moderatè suam voluntatem exhibens secundum regulam divinam voluntatis; & Fortitudo in eis dicitur, secundum quod voluntatem divinam firmiter exequuntur, Quod totum fit per voluntatem, & non per irascibilem, & concupiscibilem.

## DUBIUM II.

An Angelus diligat Seipsum, & Deum Amore Necessario?

### §. I.

*Aligua supponuntur.*

I. Supponit primò D. Tho. t. P. 7. 60. a. 2. in Angelis esse amorem, seu dilectionem naturalem, & rationem dat. Quia commune est omni naturæ, ut habeat aliquam inclinationem, quæ est appetitus naturalis secundum modum ejus: Unde in natura intellectuali invenitur inclinatio naturalis secundum voluntatem; in natura autem sensitiva secundum appetitum sensitivum; in natura vero carente cognitione, secundum solum ordinem naturæ in aliquid: sed Angelus est natura intellectualis; ergo in voluntate ejus est naturalis dilectio. Quoniam, verò quæ à natura sunt, semper sunt  
 G g re.

recta, quia ab Authore naturæ prodeunt, idèd, ait D. Thom. ad 3. *Sicut cognitio naturalis semper est vera; ita dilectio naturalis semper est recta.*

II. Supponit secundò S. Doctor: quòd in Angelis præter dilectionem naturalem est etiam dilectio electiva; & quòd naturalis dilectio in eis est principium electivæ. Ita, citata q. 60. a. 2. & probat. Quia in Angelis debet esse, & amor circa finem, & amor circa media; sed est amor, qui est circa finem, sit naturalis, amor tamen, qui est circa media, de quibus est electio, est electivus, ergo in Angelis præter dilectionem naturalem, datur dilectio electiva. Tunc sic: sed dilectio naturalis finis est principium dilectionis electivæ mediorum: *Omnis enim homo naturaliter vult beatitudinem.* Et ex hac naturali voluntate causantur omnia alia voluntates, cum quicquid bono vult, velit propter finem; ergo & in Angelis ex naturali voluntate finis causatur voluntas electiva.

III. Notat tamen S. Præceptor esse differentiam inter intellectum, & voluntatem; quòd cum cognitio intellectus fiat secundum quòd cognitum est in cognoscenie; ex imperfectione intellectualis naturæ est, quòd non statim omnia intelligibilia sint in ipso, sed egeat ab uno intelligibili moveri, & discurrere ad alia acquirenda: at voluntas, utpote vis appetitiva, est è converso secundum ordinem appetentis ad res. Quia vero harum quædam sunt secundum se bona, & idèd secundum se appetibilia; quedam verò habent rationem bonitatis ex ordine ad aliud, & sunt appetibilia propter aliud; idèd non est ex imperfectione appetentis, quòd aliquid appetat naturaliter ut finem, & aliquid per electionem, ut ordinatur in finem? *Quia igitur natura intellectualis in Angelis perfecta est, invenitur in eis sola cognitio naturalis, non autem ratiocinativa; sed invenitur in eis dilectio naturalis, & electiva.*

IV. His ergo suppositis, præfens dubium investigat: an Angeli diligant seipsos, & Deum Authorem naturalem.

dilectione electiva, & libera; an verò naturali, & necessaria: necessaria, inquam, tum quoad speciem, ut non possit seipsum, & Deum Authorem naturæ odio habere; tum quoad exercitium; ut non possit cessare ab exercitio seipsum, & Deum Authorem naturæ amandi.

V. Supponunt ferè omnes: Angelum amare seipsum amore necessario quoad specificationem, & omnia quæ spectant ad ejus naturalem perfectionem, ut vivere, intelligere &c. ita ut hac odio habere non possit, per se loquendo; etsi per accidens possit odio habere esse, & vivere, ut contingit in Daemonibus; sed isti instantium vellent non esse, inquantum apprehendunt non esse, ut sibi bonum, & liberativum ab infelicitate, in qua sunt. Quare amor sui non esse oritur ex amore, quo seipsos amant. Videndum ergo est, an seipsos necessariò ament etiam necessitate exercitii, & etiam Deum Authorem ipsorum.

## §. I I.

## Resolutio Dubii.

VI. Dico. Angelus seipsum, & Deum Authorem naturæ necessariò amat, etiam necessitate exercitii. Ita frequentius Nostrates. Et probatur primò prima pars. Angelus seipsum, necessariò cognoscit etiam necessitate exercitii, ut superius, *Quaest. 4. Dub. 6. §. 1.* ostensum est, ergo etiam amor, quo amat seipsum, erit necessarius necessitate exercitii, quia amor proportionatur cognitioni, ea enim regulatur, & diriguntur.

VII. Respondent contrariæ opinionis Patroni, amorem regulari à cognitione, & judicio practico, non à speculativo: est autem cognitio speculativa, qua Angelus seipsum cognoscit, sit necessaria necessitate exercitii; cognitio tamen, seu judicium, quo practice proponit voluntati suæ bonitatem, ex quo nascitur amor, determinatum non est, ac necessarium, sed indifferens. Cum enim Angelus non contineat

neat omne bonum, sicut Deus, non potest intellectus suam bonitatem iraproponere, ut amandam, eamque ad suam amorem determinare, quin possit à tali amore cessare, ut aliam bonitatem amet.

VIII. Sed contra. Nam D. Thom. Qu. 16. de Malo, a. 2. ad 6. ex eo quodd Angelus semper actu intelligat. colligit quodd semper actu velit: *Quantum ad hoc* (inquit) *operatio ejus immutabilis est, quodd semper intelligit. Et similiter considerandum est circa voluntatem, cujus operatio proportionatur operationi intellectus*; ergo ex quo Angelus semper actu intelligit seipsum, semper seipsum diligit.

IX. Confirmatur primò. Ex eo quodd Angelus seipsum necessariò semper intelligat, necessariò sequitur, quodd velit seipsum semper intelligere; sed nequit velle seipsum semper intelligere, quin velit seipsum amare; nam idem est velle sibi aliquam perfectionem, ac se amare: unde cum seipsum intelligere sit maxima perfectio, si Angelus hanc necessariò quodd exercitium amat, eadem necessitate amat seipsum: Maior videtur certa. Nam ad omnem actum intellectus circa obiectum amabile, aliquis actus sequitur in voluntate; ad actum autem necessariò, quo seipsum intelligit nequit sequi actus; quo velit non intelligere; ergo necessariò sequitur actus, quo velit se intelligere.

X. Confirmatur secundò. Voluntas Angeli non potest cessare ab omni operatione, quia est natura vivens; cum autem non habeat aliam operationem, præter intelligere, & velle; ergo oportet quodd semper sit actu intelligens, & volens, ut superius ex D. Thoma dicebamus, & ex 1. Contrag. cap. 97. confirmatur: sed omnis operatio voluntatis angelicæ fundatur in amore sui; nam *Amicabilia qua sunt ad alterum, ex amicitia bus, qua sunt ad nos procedunt*; ergo &c.

XI. Secundò probatur eadem primò. Tunc intellectus practicus proponit aliquid, ut determinatè in exercitio amandam, quando illud sic pro-

ponit ut bonum, ut nihil appareat mali positivi, sive ex parte illius sive ex parte exercitii circa illud: sed ita intellectus Angeli proponit voluntati suam bonitatem; ergo voluntas obligatur ad eam amandam etiam quoad exercitium. Minor pro prima parte, nempe quodd intellectus Angeli proponat suam bonitatem voluntati ita bonam, ut in ea nihil appareat mali positivi, meritò etiam ab Adversariis admittitur; proponitur enim ut bonitas ei connaturalis. & omnino proportionata. Quoad secundam verò partem, probatur. Tunc in exercitio voluntatis circa aliquid bonum potest apparere aliqua ratio mali positivi, quando in tali exercitio apparere potest aliquod fastidium, seu molestia, vel ipsum exercitium est impeditivum alterius nobilioris exercitii: sed amor sui non generat in Angelo fastidium, sed delectationem; nec impedit, sed juvat tanquam medium alias operationes, & maxime dilectionem Dei; non enim in Angelo, sicut in nobis, sunt sensus, quorum repassio apprehendi possit laboriosa, & molestiam ingerens, & diu unum cogitat, & diligit, impedire, quæ cognitionem, & amorem altius.

Quare autem, etsi Angelus non sit omne bonum, possit necessariò ad exercitium amandi seipsum, ratio est ex dictis. Cum in exercitio sui amoris nihil possit apparere, quodd habeat rationem mali saltem privativi, sic determinatur ad tale exercitium, ut nequeat ab illo cessare, sicut nequit cessare ab exercitio intelligendi se.

XII. Secunda autem pars ex dictis colligitur. Nam in amore naturali, & necessariò, quo Angelus seipsum diligit, includitur amor Dei tanquam sui Auctoris, & Conservatoris; ergo si Angelus diligit necessariò seipsum, ac suum esse, eadem necessitate diligit Deum, à quo est, & conservatur. Unde quemadmodum ex cognitione, qua e, & omnes suas naturales perfectiones comprehendit, exurgit necessariò iudicium determinatum de exercitio suæ dilectionis; ita ex cognitione, qua

Deum, ut Auctorem, & finem naturalem sui in seipso, ut in speculo continud contemplatur (ut supra diximus) oritur iudicium practicum, quo iudicat in exercitio, Deum esse continud diligendum.

XIII. Secundò probò. Angelus amore naturali plùs diligit Deum, quàm seipsum, ut docet D. Thomas, hac q. 60. a. 1. Nam pars magis amat bonum universale, & totius, quàm proprium; bonum autem universale est Deus; ergo si Angelus diligit seipsum amore necessario quoad exercitium, multò magis hoc eodem amore diligit Deum.

## S. I I I.

## Contraria Opinionis Fundamenta.

XIV. **P**rimò arguunt. Esse semper in actu secundo arguit infinitatem in potentia; sed voluntas Angeli est finita; ergo non potest esse semper, & necessariò in actu dilectione sui.

XV. Respondeo primò: neg. absolute maiorem. Nam non est contra, imò de ratione naturæ, etsi finitæ, esse semper in actu secundo per operationem, sibi propriam, ut patet in Sole, qui semper est in actu secundo illuminandi; & maxime si sit vitalis, ut patet in motu cordis, à quo vivens dùm vivit, nunquam cessat, quia est prima, & propria viventis operatio. Cùm ergo Angelus sit natura vitalis, & eius propria operatio sit intelligere, ut docet D. Thom. 2. Contrag. c. 97. præsertim seipsum; sequitur, eum posse nunquam ab actu intelligendi cessare, & consequenter nec ab actu diligendi, maxime semetipsum.

XVI. Claritatis tamen gratia respondeo secundò: dist. maj. esse semper in actu per actum sibi indentificatum, & ex summa actualitate, arguit infinitatem, con. maj. esse semper in actu per

actum à se realiter distinctum, & absolute separabilem, & solum ex circumstantia objecti, nego maj. Hoc autem modo Angelus semper est in actu secundo cognitionis, & dilectionis sui. Unde sicut nulla arguitur infinitas in Beato, per hoc quod ab exercitio visionis Dei cessare non possit; ita nec argui debet in Angelo, per hoc, quod ab exercitio cognitionis, & dilectionis sui cessare non possit.

XVII. Secundò arguunt. D. Thomas 2. 2. q. 10. ar. 1. ad 2. ait: *Nem oportet, quod voluntas, qua de potentia in actum reducitur, dùm aliquid vult, semper actu velit; sed solum quando est in aliqua dispositione determinata. Voluntas autem Dei, qua est actus purus, semper est in actu volendi; ergo sola voluntas divina semper est in actu volendi.*

XVIII. Respondeo: dist. consequ. sola voluntas Dei ex sua natura, con. consequ. ex aliqua accidentaliter dispositione, nego consequentiam. Si enim voluntas etiam creata sit in aliqua determinata dispositione, puta, si circa objectum versetur, quod ei ut determinatè amandum, etiam quoad exercitium, proponatur, ut accedit voluntati Beati circa Deum clare visum, & nos dicimus accidere voluntati Angeli erga seipsum; non poterit ex eodem D. Thom. voluntas, etsi ex potentia exiens ad actum, ab actu cessare ubi divina voluntas non ex aliqua particulari dispositione, sed ex se hoc habet. Addo, quod S. Thomas loco citato dicit; *quod est naturale, quasi consequens formam tantum, semper actu inest, sicut calidum igni; sed intelligere, & diligere seipsum est Angelo naturale, quasi consequens formam suam, quæ est ei principium recognoscendi, & amandi seipsum; ergo intelligere, & diligere seipsum, semper ei actu inest, sicut calidum igni.*

XIX. Tertiò arguunt. In exercitio continuo, & necessario potest apparere aliqua ratio mali, vel impeditiva maioris boni; ergo &c. Pro prima par-



te prob. Nam potest apprehendi, ut impeditiva exercitii libertatis circa suspensionem talis actus, vel circa exercitia aliorum actuum. Pro secunda autem prob. Nam dilectio necessaria fuit impedire potest Angelo, ne majori conatu feratur in Deum.

XX. Respondeo: in exercitio necessario dilectionis sui, dato, quod possit apparere aliqua ratio mali negativi, non tamen privati, vel positivi. Ad id autem, in quo non potest apparere aliqua ratio mali privati, vel positivi, esse negativi, potest quoad exercitium necessitari voluntas; dummodo ad hoc adus specialis ratio, ut contingit in visione beatifica, & in dilectione naturali, qua Angelus diligit seipsum.

Quod autem tali exercitio impediatur exercitium libertatis circa suspensionem actus, non arguit, quod in exercitio actus aliqua ratio mali privati apprehendi possit. Nam quando actus versatur circa objectum dignum amore necessario, & cognitum, ut tale, ita feratur in illud delectabiliter; ut nulla ratio boni ei possit apparere in suspensione à tali actui: & hac ratione Beati, quamvis expertes libertatis ad suspendendum actum dilectionis Dei, nullam in tali privatione molestiam experiuntur; & necdum in ea ullum bonum non apprehendunt, sed malorum maximum judicarent visionem beatam posse privari. Sic quia Angelus cognoscit se dignum amore necessario, etiam quoad exercitium, ita delectabiliter in conversatur; ut tanquam sibi malum conciperet ab eo cessare; eo vel maxime, quod exercitium amoris sui non impedit, imò maxime juvat amorem exteriorum; sicut nec cognitio sui impedit cognitionem exteriorum.

Hinc ad secundam pariem nego, quod actus, quo Angelus diligit seipsum, ipsi sit in pedimento, ne toto conatu diligit Deum; imò assero: quod; sicut cognitio sui ducit Angelum ad cognoscendum in seipso Deum; ita dilectio sui eum ducit ad diligendum in se naturaliter Deum. Vel enim eodem a-

ctus, quo Angelus diligit se, diligit etiam Deum; vel actus dilectionis sui est necessarius connexus cum dilectione Dei, quem sui auctorem cognoscit, sine quo nec se, nec alia diligere posset.

XXI. Quod arguit contra secundam pariem. Solus Deus clarè visus potest necessitare quoad exercitium ad sui amorem: sed Angelus per sua naturalia Deum non videt clarè, sed solum abstractivè; ergo &c.

XXII. Confirm. Dilectio naturalis Dei non est compossibilis cum ejus odio: sed Angeli mali æternis suppliciis additi Deum odio habent, & execrantur. Unde illud Psalmi 73. v. 23. *Superbia corum, qui te oderunt, ascendit super eos.*

XXIII. Roboratur hoc. Saltem Angelus malus non diligit Deum dilectione naturali. Nam Angelus malus est averfus à Deo Auctore. Inpernaturali: si autem diligeret Deum dilectione naturali, esset conversus ad Deum Auctorem naturalem; & proinde esset averfus à Deo, & conversus ad Deum, quod repugnat.

XXIV. Respondeo; dist. ma. Necessitate proveniente ex subiecto, nego ma. hoc autem modo necessitatur Angelus ad exercitium amandi Deum. Esto enim Deum clarè, & intuitivè non videat, secundum sua naturalia considerata, sed abstractivè solum; habet tamen aliud æquivalens, quo necessitatur, nempe judicium determinatum, & invariabile, quo judicat, Deum esse summum bonum ordinis naturalis, ad quod omnia in tali ordine, & ipsæ etiam, ordinantur; qua cognitione fit naturaliter beatius, & proximè necessitatur ad illum amandum in exercitio; quia summum bonum in aliquo ordine beatificans, & actus possessum, rapit ad suum amorem voluntatiem. Adde quoque alia ratio, nempe perfectio naturæ ipsius Angeli, quæ ab initio petiit habere perfectam cognitionem, & dilectionem sui, & Dei Auctoris naturæ; cum hæc sit prima inter omnes ejus operationes; sicut motus cordis omni-

minim motuum in animalibus, vel motus primi mobilis motuum inferiorum, Quare huiusmodi cognitio, & dilectio fuit ab ipso per modum proprietatis, sicut motus cordis ab animalibus.

XXV. Ad confirm. respondeo. Angelos malos odio habere Deum, ut iustum iudicem. quatenus ab eo felicitate supernaturali privantur, & ab eodem, ut Agencie supernaturali, poenis torquentur. Cum hoc tamen fiat, eos Deum amare amore naturali, ut bonum universale totius naturæ; & sui esse Conservatorem. Ita S. Tho hac q. 60. 2. 3. ad 5. de Daemonibus dicens: *Qui non vident essentiam ejus (Dei) cognoscunt eum per aliquas particulares effectus, qui interdum eorum voluntati contrariantur; & sic hoc modo dicitur odio habere Deum; cum tamen, inquantum est bonum commune omnium, unumquodque naturaliter diligit plus Deum, quam seipsum.*

XXVI. Ad id, quod in robur adducitur; dico: non repugnare, quod Angelus sit conversus in Deum, ut finem naturalem physicè, & simul aversus ab eo, ut finem supernaturali moraliter: sicut etiam homo in peccato mortali existens respicere potest Deum, ut ultimum finem naturalem, quasi physicè, non tamen moraliter. Sed de hoc fortè erit sermo inferius: Interim noiet Candidatus meus cum dico, in Angelo averso à Deo Audiore supernaturali, adhuc manere dilectionem Dei, & conseruorem ad Deum Audiatorem naturalem; me non loqui de dilectione ethici super omnia, & appetitiua adhuc in ordine naturali; hæc enim debet secum asserre, ut obediatur Deo omnibus modis, in quibus lex naturalis dicat esse obediendum, & consequenter saltem indirectè, quod obediendum sit Deo Auctori supernaturali; sed loqui de dilectione naturali Dei, quæ sit veluti proprietas Angeli, & naturaliter ab ejus substantia effluat, sicut motus cordis à natura animalis. Hanc dico dari in Daemonibus, etsi aversus à Deo Audiore supernaturali, & posse dari etiam in homine existen-

te in peccato mortali. sed hæc satis.

## QUÆSTIO VII.

*De Perfectione Angelorum in esse Gratia, & Gloria.*

**H**actenus de esse naturali Angelorum locuti sumus; existentiam eorum, productionem naturam, & ea quæ ad eorum intellectum & voluntatem in ordine naturæ pertinent, examinantes. Nunc ad aliorum, contemplationem erigimus; ad ea scilicet, quæ eis conveniunt ut elevatis à Deo ad ordinem gratiæ & gloriæ, sequentes D. Thom. 1. 2. q. 62.

### DUBIUM I.

*An Angeli fuerint in sua Creatione Beati?*

2. I.

*De Beatitudine Naturali.*

**I.** **N**omine beatitudinis intelligitur ultima perfectio rationalis, seu intellectualis naturæ; & inde est, quod naturaliter desideratur, quia unumquodque naturaliter desiderat suam uti modum perfectionem. Ita D. Thom. hac q. 61. 2. 1. Ultima autem perfectio rationalis, seu intellectualis naturæ est duplex. Una quidem, quam p'sunt assequi virtute sua natura, & hæc quodammodo beatitudo, seu felicitas dicitur. Unde & Arist. 1. 10. Ethic. c. 8. *perfectissimam hominis contemplationem, quæ optimum intelligibile, quod est Deus, contemplari potest in hac vita, dicit, esse ultimam hominis felicitatem. Sed supra hanc felicitatem est alia felicitas, quam in futuro exspectamus. quæ videtur Deum frui et.* Quod quidem est supra cujuslibet intellectus creati naturam. His S. Doctor beatitudinem distinxit in naturalem, & supernaturalem. Unde via aperitur: an Angeli creati fuerint in beatitudine naturali; an verò etiam in supernaturali.

II.

II. Dico primò. Angeli creati fuerunt in beatitudine naturali. Probat D. Thomas. Angelus debuit ab initio habuisse omnem perfectionem suæ naturæ convenientem; non enim hanc acquisivit successivè per discursum; sed inter perfectiones naturæ intellectuali convenientes summa est beatitudo, seu felicitas naturalis, consistens in altissima contemplatione Dei Auctoris naturæ; ergo hanc habuit ab initio.

III. Confirmatur. Omnes Angeli statim ac conditi, perfectam cognitionem, & dilectionem Dei Auctoris naturæ habuerunt; si enim Adamo ab initio suæ conditionis utraque creditur fuisse concessa, antequam caderet, multò præstantius omnibus Angelis, antequam eorum aliqui ruerent in lapsum; concessa fuisse credenda est; sed in utraque consistit felicitas, & beatitudo naturalis; ergo &c.

IV. Hinc S. Augustinus, lib. 11. de Civit. Dei c. 13. expressè dicit, credendum esse, quòd Angeli peccatores aliquam beatitudinem haberent antequam caderent; & lib. de Corrupt. & gratia. c. 10. Diabolus (inquit) & Angeli ejus beati erant, antequam caderent. Quia verò cum tristitia, & miseria, beatitudo stare non potest, fuissent autem tristes, ac miseri, qui ceciderunt, si suum casum præcivissent: ideo negat, eos sui casus præciosos fuisse: unde subdit: Quia nesciebant suam futuram miseriam, minores quidem, sed tamen beatitudine sine ullo vitio fruebantur. Nam si suum casum futurum nosset, asseruntque supplicium, beati utique esse non possent, quos hujus tantum mali metus, jam tunc miseros esse compelleret.

V. Sed dices. De ratione beatitudinis est, quòd sit inamissibilis: sed aliqui Angelorum beatitudinem naturalem amiserunt: ergo priùs beatitudinem non habebant.

Dimissa solutione aliquorum, volentium, Angelos malos, esse summè miseros in ordine supernaturali, adhuc tamen beatitudine secundum quid, id est naturali, gaudere, quam parum, probabilem censeo; Respondeo: dist-

maj. quod sit inamissibilis directè conc. maj. indirectè, nego maj. Beatitudo directè quidem, & per se est inamissibilis; & si beatitudo etiam naturalis esset in subiecto non elevato ad ordinem supernaturalem, nullo modo amitti posset. Posita tamen in subiecto ad ordinem supernaturalem elevato, qualis est Angelus, indirectè, & per accidens amitti potest, amittendo beatitudinem supernaturalem per peccatum contra legem supernaturalem; cum nequeat componi beatitudo naturalis cum jactura beatitudinis supernaturalis. Hoc autem contingit in Angelis; horum enim aliqui, peccando amittentes beatitudinem supernaturalem, indirectè amiserunt etiam beatitudinem naturalem.

VI. Neque huic obest effatum ex Dionysio desumptum: Naturalia in Dæmonibus remanserunt integra. Nam est exponendum de naturalibus ad esse purè physicum pertinentibus, qualia sunt substantia, species intelligibiles, perspicacitas cognitionis, & similia; hæc enim in Dæmonibus remanserunt integra. Non tamen de naturalibus prout connectuntur cum ordine morali, qualia sunt cognitio practica, & rectitudo voluntatis erga ultimum finem; hæc enim in Dæmonibus vitiata fuerunt per peccatum.

## §. II.

## De Beatitudine Supernaturali.

VII. Dico secundò. Angeli non fuerunt creati in beatitudine supernaturali. Ita D. Thom. relat. his verbis: Sed ultimam beatitudinem, qua facultatem naturæ excedit, Angeli non statim in principio suæ creationis habuerunt. Et probat sic. Beatitudo supernaturalis non est aliquid naturæ, sed naturæ finis; ergo congruum non fuit, ut eam statim à principio haberent, sed priùs, ut ad eam obtinendam tenderent, eam scilicet promovendo. Unde ibi ad 1. ait S. Doct. quòd sicut creatura corporalis non statim in principio habuit perfectionem, ad

ad quam per suam operationem pervenitur: Unde *secundum Augustinum*. (lib. 5. de Genesi. ad litt. c. 4. & c. 23. & lib. 8. c. 3.) *germinatio plantarum ex terra non statim fuit in primis operibus, in quibus virtus sola generativa plantarum data est terra: ita similiter creatura angelica in principio sua creationis habuit perfectionem sed naturam, non autem perfectionem, ad quam per suam operationem pervenire debebat.*

VIII. Præterea, quisquis fruatur visione Dei, in qua supernaturalis beatitudo consistit, felici quadam necessitate ita rapitur ad amandum Deum, ut nullo modo possit à Deo recedere, & peccare: Cum ergo Angelorum plurimi peccarint, evidens est; eos caruisse visione essentiae Dei: nec fuisse ab initio saltem in statu beatitudinis.

IX. In hoc conspirant SS. PP. Augustinus lib. de *Corrupt. & gratia* c. 10. (s. præced. citato) de Diabolo, & Angelis ejus loquens: *Esi (inquit) beatus, antequam caderes (beatitudine naturali) . . . erat tamen adhuc, quod vortum addiderit beatitudini, si per liberum arbitrium (gratia Dei adjutum) stetit, donec istam summam plenitudinis beatitudinem, tanquam primum istius permanentis acciperent.* Et lib. 22. de Civit. Dei cap. 13. ait: *Hanc (beatitudinem in Dei visione consistentem) habere Angelos lucis pia fide credimus: hanc nec antequam caderent habuisse Angelos peccatores, qui sua pravitate illa luce privati sunt, consequenti ratione colligimus.*

Idem docet S. Gregorius Nazianzenus Orat. 42. Idem S. Gregorius lib. 9. Moral. c. 27. (nunc 38.) & lib. 27. c. 25. nunc 39. & Damascenus, lib. 2. de Fid. 3. dum docet, Angelos non fuisse creatos immobiles, sed à bono in malum mutabiles, cum verò Beati sic non sint mutabiles, sit, ut sentiant, eos non fuisse in sua creatione beatos.

Et sanè: cum fuisse à primo suae conceptionis instanti immobiliter beati, fuerit summum ex privilegiis Animæ Christi concessum; eo quod es-

set Christus Filius Dei naturalis, habens gratiam unionis hypostaticæ, cui titulo connaturalitatis gratia habitua- lis, & ipsa gloria debebatur, nec ul- lus ex præfatis titulis concurrat in Angelis, par est credere, eos tanto privilegio non fuisse ab instanti suæ creationis donatos, ut clarè Deum viderent, saltem permanenter.

X. An verò saltem transeun- ter ad Dei visionem rapti, aut elevati fue- rint (ut probabiliter superius cum D. Augustino, ex D. Thoma sensim de Moysè, & D. Paulo) dubitant aliqui: tutius tamen parti neganti adherere existimo. Nam de Moysè, & Paulo loca Scripturæ attulimus, super quæ congruentiam ad hoc asserendum ad- hucavimus. At hoc Angelis, eîs supe- rioribus, fuisse concessum, nulli Scrip- turarum testimonio, nec probabiliter niti potest. Cumque de eo, quod non nisi ex speciali privilegio factum sit, asserere non possumus, nisi à divina revelatione aliquid nobis innotuerit; ideo visione Dei adhuc transeunte An- gelos in sui creatione fuisse donatos as- serere non possumus.

XI. Dicetamen primò. Hoc pri- vilegium Angelo saltem supremo fuisse concessum colligi ex Ezech. 28. v. 13. ubi de Diabolo sub figura Regis Tyri dicitur. *In deliciis Paradisi fui.*

Respondetur tamen: nomine *Para- di* Dei non intelligi visionem beatam, sed cælum Empyreum, quod Diabolo ante peccatum locus habitationis fuit; & deliciarum nomine omnia dona gra- tiæ, quibus eed gemmis ornatus fue- rat, & quibus Lucifer, æteritque cum eo peccantes spoliat fuerunt.

XII. Secundò. Afferes testimonia S. Augustini, lib. 11. de Civit. Dei c. 9. ubi loquens de Angelis bonis: *Tandè (inquit) est felicitas illa portio, quàm antequam fui peregrinata à Deo: & lib. 11. eodem, & capite ait: Angeli à prin- cipio fuerunt participes lucis, & claritatis æternæ: & l. 4. de Genesi. ad lit. cap. 24. asserit, omnes Angelos fuisse creatos cum cognitione manitina; hoc autem est beatificatio. Insuper ibidem eos fuisse beatos asserit ea beatitudine, quam*

quam nos speramus. Tandem, *lib. de Ecclesiasticis dogmatibus*, c. 9. docet, Angelos Sanctos in ea, in qua creati sunt, beatitudine perseverare.

XIII Respondendum ad singula. Ad primum, Lodoovius Vives in suis Commentis ad præfatum textum censet, S. Augustinum revera sensisse angelos Sanctos fuisse creatos in beata visione, & in ea perseverasse. Verum in hoc singularis est; potest enim iste textus variè exponi. Primò. Observando, S. Doct. dicere portionem illam, felicem Angelorum nunquam peregrinatam fuisse à Domino; ab eo scilicet recedendo per peccatum, cum tamen ad Deum peregrinata fuerit per fidem. Aliud enim est peregrinari à Domino, ab eo recedendo per peccatum; aliud peregrinari ad Dominum, ambulando ad ipsum per fidem. Secundò. Dici potest, SS. Angelos dici nunquam peregrinatos à Deo, quia nunquam eiectioni fuerunt ab Empyreo, in quo creati sunt; quemadmodum Angeli mali eiectioni fuerunt, & Adam eiectioni fuit à Paradiso. Vel quia eorum peregrinatio per fidem ad brevem fuit, ut quasi non fuisset, reputetur. Prior tamen responsio videtur magis germana.

Quare ad aliud testimonium ex eodem capite dico: fuisse participes lucis, & claritatis eternæ à principio; quia gratiam participaverunt à Deo, qui in seipso est lux, & *A quo* (inquit) *si avertitur Angelus, fit immundus*, & in ea perseveraverunt.

Ad tertium verò testimonium dico: S. August. ibi non loqui de cognitione matutina propriè tali, qualis est cognitio rerum in Verbo clarè viso; sed de eadem impropiè, qua cognovit Verbum per ejus similitudinem in sua natura relucens, ut docet D. Th. hac Q. 62. a. 1. ad 3. Cæterum si de cognitione matutina propriè tali loquatur, nempe prout est clara visio Verbi, & rerum in Verbo; quantum ad Angelos, qui sunt in statu beatitudinis, & quantum ad ea, quæ in illo statu cognoscunt, cognitionem matutinam esse vespertina priorem, lubens concedo:

*Thom. V.*

At si de eisdem ab initio suæ creationis sermo sit, sentio cum D. Thoma Q. 8. de Veritate art. 16. ad 8. nempe, quòd *Angelus in principio suæ creationis non fuit beatus, nec per essentiam Deum vidit; unde nec cognitionem matutinam habuit, sed habuit vespertinam, & ex vespertina precessit in matutinam. Unde signanter primus dies mane non dicitur habuisse, sed primò vespere, quod vespere transiit in mane; quia lux illa spiritalis, qua primo die facta dicitur, scilicet substantia angelica, statim facta, seipsam cognovit, quod fuit cognitionis vespertina; & hanc cognitionem retulit ad laudem Verbi, in quo facta est ei cognitio matutina; & propter hoc dicitur, Gen. 1. factum est vespere, & mane &c.* Si vero ibi, vel alibi asserit, Angelos esse beatos eā beatitudine, quam nos speramus, intelligendus est de statu beatitudinis præsentis, in quo sunt Angeli Sancti; non verò de statu, in quo ab initio fuerunt.

XIV. Ad id, quod additur, ex *lib. de Ecclesiasticis dogmatibus*, dico: librum illum non esse S. Augustini sœculum legitimum, sed vel Gennadii Massiliensis; vel certè hominis non Catholicici: multis enim scædet erroribus. Addo: quod capite 9. ab Argenteo citato ea verba non reperiuntur. Loquitur quidem de Angelis, c. 11. & 12. quos corporeos esse dicit, & solum Deum incorporeum; sed de eorum beatitudine, nec verbum facit; quamvis si faceret, nihil nos moveret.

Afferri quoque solent pro contraria opinione Basilii, in *Psalm. 44.* dicentis, quòd Angeli, in quo ab initio creati sunt statu, in hoc perpetuò remanent.

Gregorius etiam, *Homil. 7. in Ezechiel.* scribens, quòd cadentibus aliis, sancti Angeli in sua beatitudine persistunt.

Sed Basilii loquitur de immutabilitate Angelorum quoad substantiam; non enim crescunt, aut decrescunt sicut homines, cum quibus ibi comparat Angelos.

S. autem Gregorius sumit beatitudinem

nem pro statu felici, in quo, aliis in miserias delapsis, Angeli sancti peristerunt; imò in melius mutarunt; dum à beatitudine merè naturali, & inchoata per gratiam, ad supernaturalem, & consummatam per gloriam translati sunt.

## DUBIUM II.

An Angelis necessaria fuerit Gratia,  
& Quando, ac Quomodo illam  
acceperint?

### §. I.

#### *Necessitas Gratiae in Angelis.*

I. **D**ico primò. Angelis fuit necessaria actualis gratia, ut converterentur ad Deum Auctorem supernaturalem. Ita D. Thomas, hac *Q. 62. a. 2.* et probat. Tùm quia: alioquin sequeretur, eum non indiguissè gratia ad consequendam beatitudinem, quod est contra Apostolum, ad Roman. 6. v. 13. *Gratia autem Dei, vita aeterna.* Tùm quia: nulla voluntas ferri potest in id, quod est supra naturam, nisi adjuva aliquo superiori principio, & supernaturali, quod dicitur auxilium gratiae. Unde eadem rationes, quibus superius, in *Tractatibus de Scientia Dei, & Praedestinatione*, probavimus necessitatem gratiae ad bona opera meritoria, & ad vitam aeternam in nobis, quantum ad hoc, militant quoque de Angelis.

II. Dixi quantum ad hoc. Nam, ut observat D. Thomas, *a. 2. citato ad 2.* nos ex duplici capite auxilio gratiae indigemus; nempe, & quia conversio ad Deum Auctorem supernaturalem est supra naturam; & rursus, quia in natura nostra per peccatum vitiata adest impedimentum, & resistentia. Verùm in Angelo, citò non fuerit necessitas gratiae ex hoc secundo capite, quia, nihil fuit in eo, quod conversioni repugnaret; fuit tamen necessitas gratiae

ad conversionem ex primo capite; ob excessum scilicet, & elevationem objecti, & finis supernaturalis, ad quem converteri debebat. Unde concludit Angelicus Praeceptor sic: *Converti autem ad beatitudinem ultimam homini quidem est difficile, & quia est supra naturam, & quia habet impedimentum ex corruptione corporis, & infectione peccati: sed Angelo est difficile propter hoc solum, quod est supernaturale.*

III. Hinc patet, alienos esse à doctrina S. Thomae (imo & S. Augustini, ut superius ostendimus, in *Tract. de Scientia Dei, Quaest. ultima, Dub. 8. §. 3.*) Iansenium, aliosque S. Augustini, & Thomae Discipuli inani nomine gloriantes: qui gratiae actualis, & efficaciae ad actum, necessitatem ad solum, titulum sanandi vulneris in homine per peccatum sauciato exigentes, dicunt, in Angelis (sicut & in homine innocente) ad actualem conversionem, & actum perseverandum in ea, non fuisse necessariam aliam gratiam, praeter eam, quam in sui creatione acceperunt; idèque non plus auxilii collatum fuisse Angelis perseverantibus, quam iis, qui ceciderunt. Cuius oppositum superius citato loco ostendimus, statuantes, veram, eamque SS. Augustino, & Thomae conformem esse sententiam, Angelos sive ad operandum, sive ad actum perseverandum indiguissè supra illam gratiam, quam omnes in creatione acceperunt, ulteriori auxilio dante illis actu operari, & perseverare; quod cum aliquibus defuerit, actum non perseverarunt. Quod sanè dicendum est; aliàs Angeli perseverantes possent in seipsis non in Domino gloriari; inflari possent, & superbiere contra non perseverantes, quasi seipsos ab iis discernentes, & quasi esset in eis aliquid, quod à Deo non accipissent, nempe actum perseverare; & proinde de sua perseverantia Deo gratias agere non tenerentur, contra mentem Apostoli, locis à nobis superius citatis. Quae recolenda sunt.

## §. I I.

*Quando Angeli Gratiam habuerint.*

IV. **D**ico secundò. Certum est, omnes Angelos habuisse gratiam justificantem, priusquam pervenirent ad terminum beatitudinis, vel supplicii: verosimilius autem eam in instanti creationis omnes habuisse. Ita D. Tho. citata Q. 62. a. 3.

Prima pars probatur. De bonis quidem certum est, quia beatitudinem meruerunt; nullus autem mereri potest beatitudinem sine gratia justificante. De malis verò probatur. Quoniam de Diabolo dicit Christus, Jo. 8. v. 44. quod *In veritate non stetit*; stare autem in veritate, est permanere in iustitia, & rectitudine; non stare autem in veritate, supponit prius in veritate fuisse; unde Chrysost. *Homil. 53.* In Joann. *In veritate* (inquit) *non stetit*, hoc est *in veritate*: cui consentit S. Leo, *Sermo 10. de Quadragesima.* Idem ex Juda Apostolo colligitur, in sua *Epist. v. 6.* ubi scribit: Angelos apostatas non servasse suum principatum, sed dereliquisse suum domicilium. Quæ D. Hieron. in c. 3. Oseæ sic exponit: *Damones lapsi de propria dignitate, & nihil antiqua gratia possidentes, aridi sunt.* Sed de hoc infra redibit sermo.

V. Secunda pars (cujus oppositam Scholastici non pauci olim tenebant; adeò, ut D. Thomas in 2. *Dist. 4. a. 3.* dicat, suo tempore fuisse communior) modò tamen ut probabilior ab omnibus ferè post D. Thomam accepta, probatur. Primò: quia, ut asserit ipse S. Thomas, videtur magis consona menti Sanctorum Patrum. Eam enim insinuant S. Basilus, in *Psalm. 31.* (Edit. novissimæ) dicens: *Non enim infantes creati sunt Angeli, dein paulatim exercitio perfecti, sic facti sunt digni qui spiritum reciperent: sed in prima conditione una cum substantia sua quasi mixtura infusam habuere sanctitatem.*

VI. Idem S. Augustinus sentit, Tùm *lib. 11. de Civit. Dei cap. 11.* his ver-

bis: *Nulla quidem modo secundum aliquod temporis spatium prius erant illi spiritus tenebra, quos Angelos dicimus: sed simul ut facti sunt, laudati sunt: non tamen ita tantum creati, ut quoquo modo essent, & quoquo modo viverent: sed etiam illuminati, ut sapienter, beatèque viverent.* Tùm *lib. 12. c. 9.* In Angelis (inquit) bonam voluntatem. *Quis fecit, nisi ille, qui eos cum bona voluntate, id est cum amore casto, quo illi haberebant, creavit, simul eis & condens naturam, & largiens gratiam.* Et *l. de Corrupt. & gratia c. 10.* tradit, omnes Angelos initio accepisse illud, per quod stare possent, estã non omnes illud, per quod starent.

VII. In hoc consentiunt S. Prosper (seu verius Julianus Pomerius natione Maurus, professione Rhetoricus, qui claruit circa ann. 498. ut Eruditi Recentiores sentiunt) *lib. 1. de Vita contemplativa, c. 3.* Damascenus *lib. 2. de Fide, c. 3.* ubi ait: *Per Verbum omnes Angeli creati sunt, & Sancto Spiritu sanctificante consummationem acceperunt, ut pro sua quisque dignitate, & ordine splendoris, gratiæ participes essent.* Et c. 4. de Diabolo (inquit) *Cum non natura malus conditus, sed cum bonus esset, benigæ causæ factus esset... splendorem illum, ac honorem, quam Creatoris beneficia consecutus erat, non serens, libera voluntate... immutatur est.*

VIII. Favent etiam Scripturæ, ut illud *Isaia 14. v. 12* ubi de Diabolo sub figura Regis Babylonis dicitur: *Quomodo cecidisti de calo Lucifer, qui mane oriebaris.* Et *Ezechiel. 28. v. 13.* de eodem sub figura Regis Tyri dicitur: *In deliciis Paradisi Desuisti: omnis lapis pretiosus operimentum tuum.* Et c. *v. 15.* *Perfectus in viis tuis ad conditionis tuæ, donec inventa est iniquitas in te.* Quæ de donis gratiæ intelligunt Patres.

IX. Accedit & ratio, seu verius congruitas. Primam insinuat D. Thomas, in 2. *Dist. 4. a. 3.* citato. Sic se habet materia ad formam, ita natura ad gratiam: sed Deus non creavit prius materiam informem, ac deinde

de eam forma ornavit, sed simul cum materia formam; ergo similiter Deus non prius naturam angelicam condidit, & deinde eam gratia donavit, sed simul fuit concedens naturam, & largiens gratiam, ut supra cum S. Augustino dicebamus. Quare concludit D. Thomas citatus, opinio contraria fundatur in altera, *Qua ponit omnia simul in materia, non autem per speciem distinctas creatas.*

X. Secundam, tradit hac Q. 62. a. 3. sic: Gratia est quoddam Dei semen, ut 1. Joann. 3. dicitur: sed creaturae corporales in sua creatione habuerunt rationes seminales omnium effectuum naturalium, & unde possent ad suos fines pervenire; ergo & creaturae spirituales, scilicet Angeli, habuerunt in sua creatione gratiam; quae est semen operum supernaturalium, quibus tendere possent ad beatitudinem, ad quam erant conditi.

Accedit etiam: quia primus homo conditus fuit in gratia, ut Q. 95. a. 1. docet D. Thomas; ergo similiter Angelus. Si enim decens fuit, ut homo haberet in sui conditione gratiam, qua esset dispositus ad beatitudinem sibi praefixam, cur non & Angeli?

XI. Dices tamen primò. *Job. 4. v. 18.* ubi legimus nos: *Et in Angelis suis repperit pravitatem*, Hebraei legunt: *Et in Angelis suis non posuit laudem, vel lucem*, hoc est gratiam.

Deinde, *Joann. 7. v. 44.* de Diabolo dicitur: *Ille homicida erat ab initio.* Et 1. Joann. 3. v. 8. *Ab initio Diabolus peccat.*

Respondetur tamen: sensum textus ex Job esse, quod in Angelis, in quibus reperit pravitatem, Deus non posuit, id est non confirmavit, aut stabilit perseverantiam dono lucem, id est gratiam, sicut in aliis.

Ad alios verò textus ex Joanne respondet S. Augustinus. lib. 12. de Civit. Dei cap. 14. *Illud quod ab initio Diabolus peccat, non ab initio, ex quo creatus est peccare putandus est: sed ab initio peccati, quod ab ipsius superbia, inperit esse peccatum.* Quam responsionem amplectitur D. T. 1. P. q. 63. a. 3.

ad 1. addens: *Sed ab initio peccati, scilicet, quia nunquam à peccato rearsit.*

XII. Dices secundo. Augustinus. 1. de Corrupt. & grat. 1. 10. dicit, sic Deum ordinasse Angelorum, & hominum vitam, ut in ea prius offenderet, quid posset eorum liberum arbitrium; deinde quid posset suae gratiae beneficium.

Respondeo: D. Augustinum non sumere ibi liberum arbitrium omni destitutum gratia etiam habituali, & sufficiente, quam vocat *Adjutorium sine quo*; sed destitutum gratia actuali, & dante actum perseverantiae, quam vocat *Adjutorium quo*: propterea sic disposuit, ut quibusdam haec non daretur, ut offenderet, quid posset liberum arbitrium sine illa: est gratiam sufficientem haberet.

Aliter etiam respondet S. Thomas, 1. P. q. 95. a. 1. ad 3. *Quid in illa auctoritate Augustini non habetur, quod Angelus, vel homo prius fuerit creatus in naturali libertate arbitrii, quàm habuisset gratiam: sed quid ostendit, quid in eis posset liberum arbitrium ante confirmationem, & quid postmodum, confecti essent per auxilium gratiae conservantis.*

XIII. Dices tertio. Gratia medium locum habet inter naturam, & gloriam; ergo sicut ordine temporis gratia fuit in Angelis ante gloriam, ita natura fuit ante gratiam.

Respondet D. Tho. hac Q. 52. a. 3. ad 3. *Quod quomodo gratia sit medium inter naturam, & gloriam ordine natura: tamen ordine temporis in natura creata non debuit simul esse gloria cum natura, quia est finis operationis ipsius natura per gratiam adjuncta. Gratia autem non se habet ut finis operationis, sed ut principium bene operandi: & ideo statim cum natura gratiam dare conveniens fuit.*

XIV. Dices quarto. Saltem in Angelis, qui peccaverunt non fuit ab initio gratia; aliis cum non fuisset in eis aliquid retrahens, impetum gratiae secuti fuissent dirigentes in Deum, & sic non cecidissent.

Resp. D. Tho. loco mox citato ad 1. se.



secundum, neg. sequelam. Nam *Omnis forma inclinat suum subiectum secundum modum naturae ejus*. Modus autem naturalis intellectualis natura est, ut liberè feratur in ea, qua vult. Et ideo inclinatio gratia non impedit necessitatem, sed habens gratiam potest ea non uti & peccare. Nec obest, quòd non adit aliquid retrahens: nam ait idem Sanctus Doct. in 1. Dist. 4. a. 3. ad 5. *Non potest concludi, quòd habens gratiam à bono divertere non possit, etiamsi nihil habeat retrahens, nisi sit perfecta gratia, qua fini conjungat, qualis est in Beatissimis; quia habens gratiam non agit ex necessitate gratiae: sicut nec necessitate naturae, qua in bonum etiam ordinata est, sed ex libertate voluntatis*. De hoc alia inferius, cum statuetur, Angelum in primo instanti non peccasse, & hominem in gratia conditum fuisse.

§. III.

*Quomodo Angeli Gratiam acceperint.*

**S**ensus quaesiti est: an Angelus gratiam primò acceperit, adeam propriis actibus se disponendo, eo modo, quo homines adulti eam recipiunt; an verò per infusionem à Deo, nihil cooperando, ut eam recipiunt infantes.

XV. Dico terriò. Omnes Angeli statim ab initio acceperunt gratiam sanctificantem per propriam dispositionem: statim enim ac creati, omnes semetipsos per caritatem reulerunt in Deum, qua dispositione à Deo gratiam sanctificantem consecuti sunt. Hoc colligo ex D. Thoma. Tum hac Q. 63. a. 6. ubi statuit, quòd Angeli, qui habuerunt meliora naturalia habuerunt plus de gratia, & gloria: *Quia fortius, & efficientius ad Deum sunt conversi*. Tum 1. 2. q. 84. ad 3. ubi ostendit, Angelos superiores majorem, & intensiorem gratiam accepisse, quia in illis fuit major conatus ad bonum. Nota tamen, illum majorem conatum non fuisse ex naturae viribus: sed viribus gratiae movens: unde D. Th. ibi ad 1. *Sed hanc etiam dispositionem.*

(inquit) *vel comatum prævenit Spiritus movens mentem hominis (vel Angeli) plus, vel minus.*

XVI. Colligo etiam ex eodem S. Doctore, 1. P. q. 95. a. 1. ad 5. docentis: primum hominem in primo instanti suae creationis gratiae consensisse, ac subinde per motum liberi arbitrii gratia, movente adjutum, ad eam se praeparasse. Cur ergo idem dici non debeat de Angelis? Rursus: si hominibus adultis, quia capaces sunt libertatis, & ipsi illius, prae infantibus, gratia justificationis non confertur, nisi media propria dispositione, & idem eadem ratione contigit Adamo: potiori certe ratione id Angelis contigisse credendum est; qui usum expeditiorem suae libertatis ab initio habuerunt.

XVII. Credendum igitur est: Angelos in primo instanti suae creationis habuisse duos actus conversionis in Deum; unum quidem naturalem in ipsum, ut Auctorem, & finem ordinis naturae; qui fuit necessarius quoad specificationem, & exercitium, ut *Quasi, praecedente*, Dub. 2. §. 2. ostensum est: alterum autem supernaturalem in Deum, ut Auctorem, & finem ordinis gratiae; qui fuit necessarius quoad quoad specificationem, liber tamen quoad exercitium: & hic fuit actus ferventissimae caritatis, quo dispositivè sanctificati sunt, & ita sua dispositione gratiam susceperunt. Ex his duobus actibus, unus, nempe conversio ad Deum Auctorem & finem naturalem, fuit prior altero, & finem gratiae, non quidem prioritare durationis, sed naturae; cum natura sit prior gratia, & fundamentum ipsius.

XVIII. Neque est impossibile duos actus realiter distinctos ab Angelo in eodem instanti elici; si tamen sint invicem subordinati, & circa idem objectum, quales sunt praesatae duae conversiones in Deum. Nam estio infantia, angelica ex angelicis operationibus multiplicentur, unaquaque enim Angeli operatio constituit unum instans; hoc tamen intelligitur de operationibus invicem non subordinatis, nec se habentibus per modum unius, qualiter se habent.

habent converfio ad Deum ut Auctorem, & finem naturæ, & converfio ad eundem, ut Auctorem, & finem ordinis gratiæ.

XXI. Non latet, S. Thomam Q. 16. de Malo, a. 4. docere: Angelum folum ea poffe fimul cognoscere, quæ illi repræfentantur per unam speciem: & idèd In ea, qua fecundum unam speciem Angelus apprehendit non potest, neceffe est, ut moveatur in diverfis instantibus fui temporis. Ex quo concludit: quòd Si non omnia naturaliter cognita, propter eorum diftantiã potest Angelus apprehendere per unam speciem, & fimul; multò minus potest fimul moveri in naturaliter cognita, & in supernaturalia, qua sunt gratuita. Ex quo tandem ftatuit, Angelum in primo instanti folum converfum fuiffe ad naturalem fui cognitionem, fecundum quam cùm peccare non potuerit, idèd in eo primo instanti peccare non potuit.

XX. Sed refpondeo: S. Thomam loco citato locutum fuiffe in ea opinione, quam in 2. Diff. 4. q. 4. a. 3. dicit suo tempore fuiffe communiorẽ (ut fuprà notavimus) nempe quòd Angeli non in gratia, fed in naturalibus tantum creati fint. Cæterum: ficut ibi magis propendit in opinionem oppositam: ita hic in fumma assertivè eam proficitur, ut offendimus. Non folum enim hac Q. 61. a. 4. ftatuit, Angelos fuiffe creatos in gratia; fed 9. 63. a. 3. ad 3. & 4. exprefse docet: quòd omnes Angeli in primo instanti poterunt mereri, & de factò meruerunt, quamvis peccare non potuerint. Imò ibidem in corpore afferens rationem de duabus operationibus invicem fe confequentibus, quæ in eodem instanti effe non poffunt, ait: Sed hac ratio non videtur fufficiens: habet enim folum locum in motibus temporatibus, qui fucceffivè aguntur: ficut fi motus localis fequitur ad alterationem, non potest in eodem instanti terminari alteratio, & localis motus: fed fi sunt mutationes instantanea, fimul & in eodem instanti potest effe terminus prima, & fecunda mutationis, ficut in eodem instanti, in quo illuminatur Lu-

na à Sole, illuminatur aer à Luna. Manifestum est autem, quòd creatio est instantanea, & fimiliter motus liberi arbitrii in Angelis, non enim indigent collatione & difcuffu rationis... Unde nihil prohibet fimul, & in eodem instanti effe terminum creationis & terminum liberi arbitrii.

XXI. Quòd autem Angelus non poffit fimul plura objecta naturalia cognoscere, non idèd præcisè est quia diverfis speciebus cognoscuntur, fed quia cognoscuntur diverfis speciebus difparatis, & nullum ordinem inter fe habentibus. Cùm ergo actus conversionis in Deum Auctorem naturæ, & gratiæ, effo ex diverfis speciebus procedentes, fint subordinati, & per modum unius idem objectum, effo sub diverfa ratione, refpiciant; per eos (inquit S. Thom. in 2. Diff. 4. q. 1. a. 3.) Non designatur fucceffo temporis, fed ordo natura tantum, fecundum quòd in vna generationis est imperfectum ante perfectum. Et hæc est genuina, & ultimã S. Doctoris mens. Unde Q. 61. 1. P. a. 7. ad 3. apertè dicit: Quòd dua operationes non poffunt effe fimul unius potentia, nifi una ad aliam ordinetur. Cognitio autem & dilectio naturalis ordinantur ad cognitionem, & dilectionem gloria. Unde nihil prohibet, in Angelo effe, & cognitionem & dilectionem naturalem, & cognitionem, & dilectionem gloriam.

XXII. Non fequitur tamen, quòd fi omnes Angeli in primo instanti ad Deum Auctorem gratiæ converfi fint, aliqui eorum in fecundo instanti à Deo averti, & peccare non potuerint: cùm Angelus fit talis naturæ, ut cui objecto femel adhæfit, femper adhæreat.

XXIII. Nam hoc est verum, quando Angelus adhæret alicui objecto, ut fe ex fe movens ex plena, & perfecta deliberatione; fecus fi adhæreat, ut motus à Deo fpecialiter, liberè quidem, fed non ex perfecta electione, & deliberatione, ut Angelo contigiffe in primo instanti, fuo loco dicitur.

XXIV. Quare autem Chriftus gratiam habitualement non accepit per propriam di-

dispositionem, ut Angeli, ratio est. Quia, ut ait D. Tho. 3. P. q. 1. a. 11. nihil in Christo concipere possumus, quod præcesserit, & quo se disposuerit ad gratiam habituales. Non quidem tempore; non enim ponimus, quod ante fuerit purus homo, & postea per meritum bonæ vitæ obtinuerit esse Deo gratus, & Filius Dei, sicut posuit Photinus: sed quod à principio suæ conceptionis verè fuerit Filius Dei; ita ut ante, nec prioriori naturæ, habuerit aliam hypostasim, qua posset operari: & idè omnis operatio illius consecuta est & tempore, & natura ad unionem, & consequenter etiam ad gratiam habituales, quæ veluti proprietas ex unionem resultat.

Angeli autem quamvis habuerint gratiam sibi creatam, potuerunt tamen se ad illam disponere; quia prioriori ad eam supponebantur subsistentes, & potentes operari: unde cum auxilio supernaturali statim illis concessa, eodem instanti quo creati sunt, potuerunt actum amoris, ac perfectæ in Deum Auctorem gratiæ conversionis elicere, quo ad gratiam recipiendam se disposerent, quæ in eodem instanti reali cum prioritate, & posterioritate naturæ perfici potuerunt.

### DUBIUM III.

#### De Merito, & Via Angelorum.

##### §. I.

#### De Merito Angelorum.

I. **D**ico. Angeli, qui steterunt, de sæto meruerunt beatitudinem; idque prius tempore, quam eam fuissent adepti. Utraque pars est D. Thomæ, hac Q. 62. a. 4. Priori probat sic. Omnis creatura, quæ sibi non est suus finis, sicut Deus, perducitur ad illum, & proinde ad beatitudinem, quæ ejus ultimus finis est, per aliquam suam operationem; vel factivam finis, quando finis, propter quem operatur, non excedit virtutem ejus, sicut medicatio est factiva.

sanitatis; vel meritoriam finis, quando finis excedit virtutem operantis propter finem, & propterea expectatur ex dono alterius: sed beatitudo supernaturalis excedit naturam naturalem humanam, sed angelicam, & unice ex dono Dei est; ergo homo, & Angelus ad eam conari non possunt, nisi operatione, quæ sit meritoria illius.

II. Ulterius: Ex didis, Angelus creatus fuit in gratia, per conversionem ad Deum Auctorem gratiæ, & per gratiam Deum dilexit: sed qui diligit Deum, meretur, ut diligatur à Deo, dum est in via per uberiores gratias, & tandem per gloriam, cujus gratia semen est; ergo &c.

III. Præterea: Natura Angelii ita cæpax est merendi beatitudinem, sicut homo adultus, quia donata gratia, & libero arbitrio; ergo ea ratione, qua homines adulti non perveniunt ad gloriam, nisi ut ad præmium, & consequenter per meritum, multò magis angelica natura, quæ aptior, & excellentior est.

IV. Neque obest, quod Christus, ut homo, suam beatitudinem consecutus sit sine propria operatione, & meritis. Nam hoc idè fuit, quia Christus etiam ut homini, ratione unionis cum supposito divino, beatitudo erat naturalis, & debita tanquam consequens naturam divinam, quæ illi in supposito communicabatur; quod in Angelis non currit. Quare Christus eam habuit in primo suæ conditionis instanti, Angeli autem non.

V. Sancto Thomæ in hac veritate, sicut in cæteris, prævit S. Augustinus, præcipuè, lib. de Correp. & gratia, cap. 10. & 11. ubi de primo homine loquens, cui Deus concesserat adiutorium, quo posset perseveranter bonum tenere, si vellet, inquit: *Sed quis voluit permanere, presens ejus culpa est, cujus meritum fuisset, si permanere voluisset, sicut fecerunt Angeli sancti, qui cadentibus aliis per liberum arbitrium, per idem liberum arbitrium steterunt ipsi, & hujus permanentis debitam mercedem recipere meruerunt, tantam scilicet beatitudinis plenitudinem; qua eis certissimum sit, semper in illa esse mansuros.*

VI.

VI. Secunda etiam pars ab eodem. D. Thoma citato sic probatur. Si Angeli non meruerunt beatitudinem per actus tempore præcedentes beatitudinem; vel eam meruerunt per actus consequentes beatitudinem; vel per actus eam concomitantes: sed neutrum est verisimile. Non primum. Nam hoc est contra rationem meriti, quod habet rationem viæ ad terminum; viæ autem non sequitur post terminum; & sicut ei, qui jam est in termino, non convenit moveri ad terminum, sic nullus meretur, quod jam habet. Non secundum: nam gratia, quæ est principium merendi, est ex conditio. ne subjecti nondum perfecta, adhuc amissibilis; beatitudo verò est gratia perfecta consummata, & prorsus inamissibilis: sed idem subjectum nequit simul informari gratia perfecta, & consummata, & nondum perfecta nec consummata; prorsus inamissibili, & adhuc amissibili, ergo non videtur esse possibile, quod simul fruatur, & mereatur suam beatitudinem.

VII. Dices. Christus habuit simul actus viatoris, & beati, fuit beatus, & simul merebatur: ergo non est impossibile esse beatum, & simul mereri.

Respondео: instantiam contra Adversarios retorqueri posse. Nam Christus, quia beatus non meruit sibi suam beatitudinem, sed nostram; ergo nec Angeli jam beati sibi mereri possunt beatitudinem. Deinde hoc in Christo fuit particulare; quod, cum esset non tantum homo, sed Deus, & cum esset caput nostrum, ex quo omnes gratiam eramus habituri, haberet simul gratiam beati, & viatoris, inamissibilem tamen, & nullius capacem augmenti ob unionem ad Verbum; quod de Angelis dici nequit.

VIII. Sed adhuc dices. Non est repugnans, ut retribuat merces pro laboribus, & meritis subsequentibus: sicut Sancti Patres gratiam receperunt ex meritis futuris Christi; ergo potuit Angelis beatitudo conferri ex meritis, quæ postea comparaturi erant; ergo merces potest antecedere meritum ordine temporis.

Respondео: posse antecedere, quando merces non est interna perfectio operantis, sicut gratia quæ per merita Christi futura data fuit antiquis Patribus; hæc enim Christo extrinseca erat. At cum merces est interna perfectio operantis, seu ipsi operanti intrinsecè rependitur, non potest esse in eo, vel ante meritum, vel simul cum merito; sed debet sequi ad meritum. Hinc est præmia Christo extrinseca potuerint præcedere ejus Passionem, imò & Incarnationem; glorificatio tamen corporis, utpote ei interna, non nisi Passionis in meritum secuta fuit, dicente ipso, Luc. 24. v. 26. *Nonne hæc oportuit pati Christum, & ita intrare in gloriam suam?* & Angeli beati per officia, quæ hominibus impendunt merentur quidem majorem beatitudinem accidentalem, non tamen majorem beatitudinem essentialem.

## S. I I.

### De Via Angelorum.

IX. Cum ex dictis meritum Angelorum debuerit tempore præcedere eorum beatitudinem, & tempus merendi sit tempus viæ; nascitur dubium (& quidem solutu non facile) quanto tempore Angeli manserint in statu merendi, seu in statu viæ, antequam qui perseverarunt reciperent præmium beatitudinis; qui verò lapsi sunt, pœnæ, ac supplicio addicerentur æterno.

X. Suppono ex D. Thoma hac Q. 62. a. 3. ad 2. & Q. 63. a. 6. ad 4. quod in Angelis, qui non sunt subjecti motui cælesti, tempus, & instantia accipiuntur secundum successionem operationum intellectus, vel etiam affectus. Quare dum Angelus modò intelligit, & vult unum, deinde intelligit, & vult alterum; hi actus cognitionis & voluntatis sibi invicem succedentes constituunt diversa instantia angelica, & diversum tempus, discretum tamen, non continuum.

XI. Noto etiam: quod ut operationes angelicæ constituant diversa instantia,

tia, debent esse diversæ, & de objecto diverso; si enim, dum unus Angelus de uno actu transit ad alterum, alius in eodem actu perseveret; ea quo respectu primi sunt duo instantia, respectu secundi idem instans est; quia in hoc non adest successio operationum, sed eadem operatio perseverans.

XII. Suppono etiam, ex dictis: quod omnes Angeli in primo instanti suæ creationis, seu suæ operationis, meruerunt; deinde aliqui in merito continuaverunt, alii in demeritum, & culpam. lapsi sunt: idest aliqui in Deo, quem statim conditi amaverant, diligendo perseverant; alii à Deo, quem prius amaverant, ad seipsos amandos conversi sunt: illi propterea facti fuerunt beati, isti in æternum miseri. Hæc fuit Angelorum via; brevissima quidem. Unde querimus: quot instantibus tam in bonis, quam in malis Angelis duraverit. Missis ergo variis opinionibus, etiam inter Thomistas.

XIII. Dico primò. Via bonorum Angelorum duobus instantibus completa fuit; in quorum primo sunt creati, & meruerunt, & in bono perseverant; in secundo autem beatitudinem receperunt. Ita D. Thomas, hac Q. 62. a. 5. dicens: *Angelus post primum actum caritatis, quo beatitudinem meruit, statim beatus fuit.* Et ad 2. *Oportet (inquit) diversa instantia accipi, in quorum uno meruerit beatitudinem, & in alio fuerit beatus.* Probat autem in corpore art. sic. Sicut Angelus ex sua natura ordinem habet ad suam perfectionem naturalem, ita ex merito habet ordinem ad gloriam: sed naturalem perfectionem non per discursum, sed statim per naturam habet; ergo statim post meritum habet beatitudinem. Et sic unico instanti meritum, & via boni Angeli consummationem. accipere, & in altero beatitudo consummatur. Unico, inquam, realiter, quamvis æquivalenter duplici: nam prima ejus operatio bona perseverans æquivaluit duplici operationi discontinuatæ malorum Angelorum, & proinde duplici instanti.

XIV. Dico secundò. Via malorum

Tom. V.

Angelorum tribus instantibus videtur fuisse completa; in quorum primo cum cæteris meruerunt; in secundo peccaverunt: in tercio peccati poenam receperunt. Docet enim S. Tho. Q. 63. a. 6. quod in primo instanti Diabolus meruit, & statim post primum instans suæ creationis peccavit. Ecce duas operationes diversas, & non subordinatas constituentes duo instantia angelica, nempe meritum, & demeritum. Tertium verò instans colligitur ex eodem principio. Cum enim actus Angeli peccantis, & consequenter poenam merentis præcedat, & diversus sit ab eo, quo extra statum viæ constitutus poenam contra voluntatem recepit, nec amplius mereri valuit, necesse est, ut constituat diversum instans; sicut instans, quo boni Angeli in statu beatitudinis, & extra statum meriti positi sunt, fuit diversum: sicque via malorum Angelorum tribus instantibus consummata fuit, via verò bonorum Angelorum solis duobus, ut dictum est. Unde D. Thomas, Q. 63. a. 6. ad 4. *Sicigitur (inquit) instans primum in Angelis intelligitur respondere operationi mentis angelicæ, qua se in ipsam convertit per vespertinam cognitionem; quia in primo die commemoratur vespere, sed non mane; & hæc quidem operatio in omnibus bona fuit. Sed ab hac operatione quidam per matutinam cognitionem ad laudem Dei sunt conversi; quidam verò in seipsis remanentes facti sunt non, per superbiam intumescentes, ut Aug. dicit 4. super Genes. ad litt. (c. 24.) Et sic prima operatio fuit omnibus communis, sed in secunda sunt distincti. Et idem in primo instanti omnes fuerunt boni; sed in secundo fuerunt boni à malis distincti.* Quæ satis.

## QUÆSTIO VIII.

De Angelorum Malitia quoad Culpam.

**R**elictis Angelis, qui in bono perseveraverunt, ac sibi beatitudinem meruerunt, ad eos, qui à bono per malitiam defecerunt, præfens quæ-  
I i

hio se se convertit enim D. Thoma, 2. p. q. 63. cuius ductum, ut in omnibus, sequemur.

# DUBIUM I.

Utrum Malum Culpæ possit esse in Angelis?

## §. I.

*Explicatio Difficultatis.*

I. **M**alum culpæ, seu peccatum, cum sit dictum, vel factum, vel concupitum, vel etiam, omisso contra legem: & lex, alia sit naturalis, quæ dicit ea, quæ secundum naturam sunt; alia supernaturalis, quæ dicit ea, quæ secundum finem supernaturalem vitæ eternæ faciendæ, vel omittendæ sunt: idcirco dupliciter peccare contingit, seu duplex potest esse peccatum. Unum contra legem naturalem, alterum contra legem supernaturalem. Est autem superposita elevatione creaturæ rationalis ad finem supernaturalem vitæ eternæ, non possit dari peccatum contra unam legem, quod non sit contra alteram; nec dari possit aversio à Deo Auctore, & sine naturali, quin sit indirecte aversio, etiam à Deo Auctore & sine supernaturali: si tamen creaturæ rationalis non fuisset ad ordinem supernaturalem elevata, peccatum illius, esset purè contra legem naturalem. His suppositis præfens dubium institui potest, vel de Angelo in præfenti statu, quo supponitur elevatus ad finem supernaturalem; vel de eodem in hypothesi, quod in puris naturalibus fuisset relictus.

II. Et quidem loquendo de Angelo in præfenti statu elevationis ad finem supernaturalem, cum, contra istum finem directè posse peccare, certum est de fide; cum de facto plurimi Angelorum peccaverint, ut Scripturæ testantur. Quod ulterius probat D. Thomas hoc art. 1. Sed quia ejus ratio probat, non solum de Angelis, sed de quacumque alia creatura intellectuâ, idcirco prius resolvetur de creatura inte-

lectuali in communi, ex quo, quid de Angelis dicendum sit, apparebit: deinde de Angelis specialiter, maximè in ordine ad finem naturalem.

## §. I I.

*An detur vel dari possit Natura creata Impeccabilis tam contra Finem Naturalem, quàm Supernaturalem?*

III. **D**ico primò. De facto non datur, imò nec dari potest, creatura aliqua intellectualis, quæ ex sua natura sit simpliciter, & in omni genere impeccabilis. Prior pars adeò certa est, ut oppositum assertens gravi censura merito notari possit. Si enim Angeli, inter naturas intellectuales de facto creatas perfectissimi, peccabiles sunt, & de facto multi peccarunt; ubi erit illa alia creatura de facto, quæ ex sua natura impeccabilis sit? Ecce (inquit Jo. 6. 4. v. 18. & 19.) qui serviunt ei, non sunt stabiles; & in Angelis sua reperit pravitatem: Quamvis magis hi, qui habitant domos luteas &c. Quapropter ait Christus, Matt. 19. v. 17. Unus est bonus, Deus. Et Lucæ 18. v. 19. Quid me dicis bonum, nemo bonus, nisi solus Deus. Ac si illi legis Doctori ipsum tentanti objiceret (inquit Ambrosius in dictum caput Lucæ) Quid me dicis bonum, quæ negas Deum? . . . Non ergo bonum se negat, sed Deum signat. Et D. Hieronymus, in c. 6 ad Galatas, ex mente Pauli, esse dicit; Excepta Trinitate, omnem creaturam, licet non peccet, tamen posse peccare. Quod intelligendum est ex propria natura creaturæ. Unde D. Thomas, hac Q. 63. a. 1. Tamen Angelus (inquit) quàm quacumque creatura rationalis, si in sua natura consideretur, potest peccare. Et cuiusque creatura hoc convenit, ut peccare non possit, hoc habet ex dono gratiæ, non ex conditione naturæ. Et S. Augustinus, lib. 2. (alias 3.) contra Maximin. c. 22. de Angelis ait: Qui non peccaverunt, peccare potuerunt. Et cuiusque creatura rationali præstatur, ut peccare non possit,

NON

non est hoc natura propria, sed Dei gratia. Quare non negatur, naturam aliquam creatam speciali Dei gratia reddi posse impeccabilem; ut de humanitate Christi per unionem hypostaticam; de Beatis per visionem beatificam sentiunt Theologi; & etiam de B. Virgine Deipara, dum in Terris viveret.

IV. Secunda verò Pars (cuius oppositum fortè asserunt, qui substantiam creatam supernaturalem possibilem admittunt, quos rejecimus in *Tract. de Visione Dei*. Q. 1. Dub. 2.) probatur primò ratione D. Thomam, Q. 63. a. 1. Creatura ex natura sua impeccabilis talis esset, ut non posset declinare à rectitudine sui actus in esse morali, & hoc ex natura sua haberet sed repugnat talis natura, quæ sit creata; ergo &c. Major patet; quia peccare est declinare à rectitudine, quam debet habere, sive in naturalibus, sive in artificialibus, sive in moralibus; ergo posse peccare, est posse declinare &c. ergo non posse peccare est non posse &c. Min. prob. Ut virtus operativa non posset declinare à rectitudine sup. operationis, deberet, vel esse sua regula, vel saltem cum regula rectè operandi moraliter ex se, & ex natura sua esse conjuncta; ut enim manus Artificis declinare non posset à rectitudine in sciendo, deberet esse, vel ipsa regula sciendi, vel cum regula sciendi ita conjuncta, ut ab ea declinare in sciendo non posset: sed quia regula sciendi non est ipsa manus, nec manus naturaliter conjungitur cum regula sciendi; idèò manus à rectitudine in sciendo potest declinare. Sed nulla creatura potest esse sua regula operandi moraliter, quia hæc est sola voluntas divina; neque potest esse naturaliter conjuncta cum sua regula, nempe cum voluntate divina, in operando moraliter, ut ab ea declinare, non possit; sicut nec potest ita conjungi naturaliter cum esse, seu cum primo ente, ut absolute, & omnibus modis declinare non possit ab esse; ergo &c.

V. Confirmatur primò. Repugnat aliqua creatura, cui Deus teneatur dare suum concursum ad esse, ut non pos-

sit eam destruere; ergo repugnat aliæ quæ creatura, cui Deus ita teneatur dare concursum ad bene agendum moraliter in omni genere, ut nequeat sincere eam declinare à bono morali.

VI. Confirmatur secundò. Quia nulla creatura est suum esse, impossibilis est creatura, quæ ex se petat ita conjungi cum esse, ut absolute ab esse declinare non possit; ergo quia nulla creatura est sua regula in operando, nulla creatura ita conjungi poterit cum regula rectè operandi, ut ab ea declinare non possit. Ex his conficitur.

VII. Secunda ratio, quam S. Augustinus, alique Patres nobis exhibuerunt. Repugnat creatura, quæ non sit ex nihilo; ergo repugnat creatura, quæ non sit veribilis de esse in non esse, & de bono in malum ex natura sua, & proinde mutabilis, nedum in esse physico, sed etiam in esse morali.

Ita S. August. lib. 12. de Civit. Dei c. 1. Dicitur itaque incommutabile bonum non esse, nisi unum verum beatum Deum: ea verò quæ fecit, bona quidem esse, quòd ab illo; verumtamen mutabilia, quòd non de illo, sed de nihilo facta sunt. Et c. 6. Si quis quærat (inquit) rur quis sibi fecerit voluntatem malam, inveniet, voluntatem malam non ex eo esse incipere, quòd natura est, sed ex eo quòd de nihilo natura facta est. Lib. insuper 14. c. 13. de Adamo peccante & Sed vitio (inquit) depravari, nisi ex nihilo facta, natura non posset. De per hoc, ut natura sit, ex eo habet quòd à Deo facta est; ut autem ab eo quòd est deficiat, ex hoc quòd de nihilo facta est. Nec sic defecit homo, ut omnino nihil esset sed ut inclinatur ad seipsum minus esset, quam erat, cum ei, qui summus est, inhareret; concluditurque, quòd Adam relicto Deo capit non quidem iam nihil esse, sed nihilo propinquare.

VIII. Idem quoque S. Fulgentius, lib. de Fide ad Petrum, c. 3. Inde probans, Deum Summum, atque incommutabile bonum, quia æternum bonum est, nullum habens defectum, quia non ex nihilo factum; nullum habens profectum, quia non habet initium. Subjungitque: Idèò quippe natura à Deo facta profectus  
I i 2 pos-

possunt, quia esse ceperunt: idè defectu, quia ex nihilo facta sunt. Loqui autem eum de defectu non solum physico, sed etiam morali, patet ex antecedentibus, & etiam ex iis, quæ dicuntur c. 25. nempe, quod Angeli beati noujam possunt *In deterius mutari*, non quia eis sit *naturaliter infirmum*, sed postquam excati sunt, gratia divina largitate colatum.

Hoc pariter docent S. Gregorius, lib. 25. *Moral. c. 5. modò 6.* dicens de natura humana lapsa per peccatum, quod idè mutabilis est, quia *Ex nihilo est condita*, & ex eo quod creatura est, *deorùm ire debet*. Et Damascenus, lib. 2. de Fide, c. 3. *Quidquid* (inquit) *creatum est, mutationi quoque subest necessè est: Id enim unum extra mutationis aleam illud est, quod increatum est.* Inde inferre, quod quia Angeli etiam natura libera est, *Ut creata, mutabilis est, cui liberum sit, vel manere in bono, & in eo proficere, vel in malum infalli.* Et Anselmus, lib. 2. *Cur Deus homo, c. 20.* ad quæsitum: *Cùm Deus talem posset facere hominem (idèst Christum, qui peccare non potuit) cur non tales fecit Angelos, & duos primos homines, ut similiter, & peccare non possent?* Respondet: *Quoniam nec potuit, nec debuit fieri, ut unusquisque eorum esset idem ipse qui Deus.* En ergo Patres ex conceptu creaturæ factæ ex nihilo trahere, omnem creaturam rationalem esse peccabilem, nec aliter fieri posse; aliàs creatura amplius non esset, sed Deus.

IX. Dices primò. Ex quo creatura sit ex nihilo, inferri quidem, eam esse veribilem in nihilum, quasi physicum, non tamen in nihilum morale. Sicut ex eo, quod omnis creatura, quia ex nihilo, est quidem defectibilis per annihilationem; non tamen sequitur, esse defectibilem, etiam per corruptionem, ut patet in Angelis, & cœlestibus corporibus.

X. Respondeo, negando assumptum. Ex quo enim creatura ex nihilo sit, sit, ut non sit ipsum summum, & incommutabile bonum; uccit ita determinatè adhæreat, quin possit ad aliud bo-

num particulare extra ipsum se se convertere, & sic à regula recedere, & peccare; maximè loquendo de summo Bono supernaturali, cui si aliqua immutabiliter adhæret, dùm est beata, hoc (ait August. l. 22. de Civitate Dei cap. 2.) *Non ex seipsa potest, quia ex nihilo creata est, sed ex illo, à quo creata est.* Neque officit, quod opponitur. Nam, esse ex nihilo inferri quidem tanquam, principium esse veribile in nihilum tam physicum, quàm morale ex dictis; non inferri tamen esse corruptibile priori; nam principium corruptionis est materia non satiata una forma: cùmque in Angelis non sit materia; in corporibus autem cœlestibus est materia, sit, sua tamen forma satiatur; idè quamvis Angeli, & cœli annihilabiles sint, non sunt tamen corruptibiles.

XI. Dices secundò. Cœli esse ex nihilo, naturaliter sunt in suis motibus indefectibiles. Natura item sensitiva, brutorum est determinata ad bonum, sensibile ut bonum, ad malum sensibile ut malum; sic, ut nec bonum, possit ei per sensum proponi ut malum, nec malum, ut bonum; ergo similiter cum natura rationalis sit perfectior, dari poterit natura cum intellectu ita determinato ad bonum rationale morale, ut non possit ei proponere bonum, ut malum, nec malum ut bonum.

XII. Respondeo, negando consequens. Naturæ enim corporum cœlestium, & brutiorum agunt ex necessitate, & sunt determinatæ ad motus particulares, & particularia bona: natura verò rationalis ex sua natura libera est, & bonum universale respiciens cum indifferentia; cùmque ex quo creata, & ex nihilo in illud mutabiliter, nec cùm determinata adhesionem soli bono incommutabile, seratur; inde est, quod ab illo, & à rectitudine declinare ex sua natura potest. Et hoc discrimen debent concedere etiam Contrarii: alioquin, sicut de facto cœli, & naturæ brutorum indefectibiles sunt circa proprias adiones; ita sequeretur, de facto dari naturam rationalem ex sua natura indefectibilem, quod ipsi negant. Nec propter hoc sequitur, naturam rationalem



lem deterioris conditionis esse, ait S. August. l. 12. de Civit. Dei, c. 12. *Nec ideo cetera in hac creatura universitate meliora sunt, quia misera esse non possunt. Neque enim cetera membra corporis nostri ideo dicendum est oculis esse meliora, quia caeca esse non possunt. Sicut autem melior est natura sentiens, & adhuc dolet, quàm lapis, qui dolere nullo modo potest; ita rationalis natura praestantior est etiam misera, quàm illa, quae rationis, vel sensus est experta; & ideo in eam non cadit miseria.*

XIII. Dices tertio. Nec quòd creatura intellectualis sit ex nihilo; nec quòd in se non habeat omnem rationem boni; nec quòd non sit sua regula, obstant, quin possit dari natura intellectualis creata impeccabilis; ergo &c. Ant. prob. Non obstat primum; aliàs nec per gratiam reddi posset impeccabilis. Et etiam quia gratia, caritas, & virtutes morales ex nihilo sunt; & tamen moraliter defectibiles esse non possunt. Tum tertio; quia Angelus ipse, quamvis ex nihilo, ex sua natura est impeccabilis directè contra finem naturalem.

Non obstat secundum. Nam Angelus in primo instante non potest peccare, & tamen nec tunc habet omnem rationem boni.

Non obstat tertium. Tum eadem ratione. Tum quia: nec intellectus noster, nec angelicus sunt sua regula; & tamen nec intellectus noster errare potest circa prima principia, nec angelicus circa verum speculativum.

XIV. Respondetur, negando ant. pro omnibus suis partibus: non enim conveniunt contra nos. Non quidem prima; nam gratia dum reddit naturam impeccabilem (ut in humanitate Christi, & in Beatis) eam non facit ex se, & ex natura impeccabilem; sed solum impedit, ne defectibiles, quæ spontè ex ipsa petri oriri, possint exire in actum suum; quod fit, non auferendo à tali natura, quòd sit ex nihilo, sed eam connectendo cum summo Bono, & cum prima regula moralitatis. = Gratia verò, caritas, & virtutes morales, quamvis ex nihilo sint, non tamen

versantur circa bonum in communi cum indifferentia ad bonum sive consonum, sive dissonum rectæ regulæ, ut versatur voluntas; sed sunt determinationes ad bonum morale, & participationes sive formales, sive virtuales divinarum perfectionum. Quare sicut habitus pravus, quia est determinatio ad malum morale, nequit influere in actionem moraliter malam = Ad id, quod additur de Angelo, pro nunc dico: quod habere principia operandi indefectibilia in ordine naturali, non est supra naturam entis creati, & facti ex nihilo; sicut nec habere principia indefectibilia naturaliter in essendo: esset tan en contra, & supra naturam entis facti ex nihilo, habere principia indefectibilia operandi etiam in ordine supernaturali, & connaturaliter esse determinatum ad bonum supernaturale; hoc enim nequit esse connaturale alicui substantiæ, nisi divinæ.

Neque convincit secundum. Nam, quòd voluntas Angeli in primo instante sit determinata ad bonum supernaturale, ex hoc oritur, quia illa prima operatio incipiens cum esse ejus, inest ei à Deo speciali Auctore, qui indefectibilis est; quod in aliis actionibus, quas ex propria deliberatione facit, non contingit: & ideo potest esse indefectibilis in prima, non autem in subsequentibus operationibus.

Eadem ratione non convincit tertium. = Ad id, quod additur de intellectu speculativo sive angelico, sive humano, dico: intellectum humanum ex se posse conjungi cum habitu principiorum illum determinante ad veritatem primorum principiorum naturalium; & ideo circa illa non posse errando deficere, & multo magis intellectum angelicum, qui comprehendit omne verum speculativum; at ex hoc solum concluditur, quòd uterque intellectus sit ex se determinatus ad aliquod verum particulare, non autem ad verum, ut sic. Et hac ratione etiam voluntas creata ad aliquod bonum particulare potest esse de-

ter-

terminata, non verò ad bonum ut sic, maximè abstrahens à naturali, & supernaturali. Unde retorqueri potest argumentum.

Negari etiam poterat am. de intellectu humano. Hic enim habitu principiorum carere potest, & turpissimè errare etiam circa principia, ut D. Th. *Q. 3. de Malo art. 13. & 2. 2. q. 154. a. 11. supponit.*

## §. III.

*An Angeli per se Primò, & Directè Peccare possint contra Legem Naturalem?*

XV. **D**ico secundò. Angeli sunt impeccabiles directè, & immediatè contra finem naturalem; unde si in puris naturalibus fuissent creati, forent impeccabiles. Ita omnes Discipuli D. Thonæ, uno, vel altero excepto, & alii. Hoc aperte indicat S. Th. hac *Q. 63. a. 2. ad 3. dicens: Naturale est Angelo, quòd convertatur motu dissolutionis in Deum, secundum quòd est principium naturalis esse. Sed quòd convertatur, in ipsum, secundum quòd est obiectum beatitudinis supernaturalis, hoc est ex amore gratuito, à quo averti potuit peccando.* Ut ergo subsistat statuta dissentientia, dici debet, Angelum non posse contra finem naturalem peccare, benè tamen contra finem supernaturalem. Idem docet, *Q. 16. de Malo, a. 3. ubi loquens de peccato Diaboli: Quidquid (inquit) aliud dici potest, quòd ad ordinem naturalem pertineat, in hoc ejus malum consistere non potuit.* Et rationem reddit. Quia Malum non invenitur in his, qua sunt semper actu, sed solum in his, in quibus potentia potest separari ab actu: sed quidquid naturale est, Angeli statim ab initio conditionis habuerunt, Tamen erant in potentia ad supernaturalia bona, qua per Dei gratiam consequi poterant. Unde concludit: Relinquitur ergo, quòd peccatum Diaboli non fuit in aliquo, quòd pertinet ad ordinem naturalem, sed secundum aliquòd supernaturale. Quibus probat, peccatum Diaboli non fuisse in aliquo naturali, quia in hoc ordine, in quo erat sem-

per in actu, peccare non potuit. Unde, art. 3. ejusdem quæst. ad 10. *Librum (inquit) arbitrium Diaboli non est naturaliter vertibile quantum ad naturalia sua, sed solum habet vertibilitatem respectu supernaturalium, ad qua potest converti, vel ab eis averti.*

XVI. Ratio aerò fundamentalis est. Angelus amat Deum Audlorem, & finem naturalem necessariò necessitate tum, quoad specificationem, tum quoad exercitium, ut superius, *Q. 6. Dub. 2. §. 2. probatum est: sed amor Dei Auditoris, & finis naturalis excludit omne peccatum contra Deum Audlorem naturalem, etiam possibile, si sit necessarius, ut ab eo diverti non possit; ergo &c.* Minor probatur à pari. Nam amor Dei finis supernaturalis, si sit super omnia, & necessarius, excludit omne peccatum etiam possibile contra Deum Audlorem supernaturalem, ut patet in Beatis; non enim compati potest cum libertate eligendi media moraliter contraria tali fini, sed solum cum libertate eligendi, hoc, vel illud medium conducent ad talem finem; ergo similiter amor Dei super omnia Auditoris, & finis naturalis &c. excludit omne peccatum, & potentiam peccandi contra Deum Audlorem, & finem naturalem.

XVII. Neque respondeas: hoc verum fore, si Angelus necessariò diligeret Deum Audlorem, & finem naturalem, amore amicitiae, seu benevolentiae; secus verò si diligeret (sicut de seculo diligit) eum amore concupiscentiae, ut bonum sibi; ut scilicet ab eo conservetur.

Nam contra est. Amor, quo Angelus necessariò diligit Deum Audlorem, & finem naturalem, diligit eum non solum ut bonum sibi, sed ut summum Bonum in se; diligit enim eum plus quam seipsum, quia eum diligit sicut pars suum totum, pars autem plus amat totum, quam seipsam; ergo amat Deum non puro amore concupiscentiae, aliàs plus amaret seipsum, quam Deum, sed amore benevolentiae.

XVIII. Secunda ratio est. Nequit esse possibile peccatum in voluntate, quin

quin aliquis defectus moralis præcedat in intellectu: sed in intellectu Angeli nullus præcedere potest defectus, etiam practicus, circa Deum Austorem, & finem naturalem: non erroris, aut ignorantie; horum enim angelicus intellectus capax non est: nec inconsiderationis; cum Angelus sit necessitatus ad æternalem considerationem Dei finis naturalis. In his autem (ait D. Tb. Q. 16. de Malo, a. 3. citato) quæ sunt semper actu, malum inveniri non potest, sed solum in his, in quibus potentia potest separari ab actu; ergo &c. Cumque hæc consideratio Dei, à qua Angelus cessare non potest, sit consideratio, quæ movet eum ad amandum Deum super omnia, ut finem naturalem; sequitur, in eo non esse possibile, nec inconsiderationem speculativam, sed nec practicam, seu moralem.

XIX. Ex his inferitur secunda pars. Si enim Angeli in puris naturalibus fuissent conditi, aliam cognitionem non habuissent, nisi Dei Auctoris, & finis naturalis: sed contra Deum in tali ordine peccare non possent, ut ostensum est; ergo in tali casu essent omni modo impeccabiles.

XX. At inquires. Si ita est; ergo Deus maximam Angelis quasi injuriam fecit, elevando illos ad ordinem supernaturalem, in quo peccare poterunt, imò eorum multi peccaverunt. Sed contra. Sicut enim (ut superius §. præcedente, num. 11. cum S. Augustino dicebamus) nulla est injuria, sed maximum potius beneficium, quod homini concessa sit libertas, quæ denegata est lapidi, quamvis ex hoc sequatur, quod homo possit peccare, & fieri miser, lapis verò non; quia posse peccare, & fieri misera non habet libertas, ut à Deo est, à quo potius adjuvatur, ne peccet; sed ex seipsa, ut ex nihilo est, & ex voluntate, quæ abutitur libertate: ità Angelos fuisse ad ordinem supernaturalem elevatos, maximum Dei beneficium fuit, quo eos fruitionis ipsius capaces reddidit; & ne ab hoc sine declinarent omnibus auxilia dedit. Quod si aliqui tantum bonum in suam perniciem converterunt, & in æternum se

miseros effecerunt, eorum culpa fuit, non Dei.

XXI. Inferitur ex his: quod si Angeli in puris naturalibus conditi fuissent, in eis nulla fuisset capacitas merendi suam naturalem beatitudinem. Nam meritum in pura creatura non datur, nisi ad obtinendam suam beatitudinem, tanquam præmium: cum verò tunc Angeli in sua naturali beatitudine fuissent creati, non fuisset eis necessarium ullum meritum; sicut nec Sancti post adeptam beatitudinem, amplius merentur. Fuissent tamen liberi, non quidem in contemplatione, & amore Dei, & sui, sed in consideratione, & amore aliarum creaturarum; sicut Beati circa Deum, & seipsos necessitantur, sed liberi manent circa alias creaturas.

XXII. Sed contra statutum assertum objiciunt Scripturam, & Patres asserentes, omnem creaturam, nulla facta exceptione, esse ex sua natura defectibilem; & textus à nobis superius §. 2. allati sunt.

Respondetur. Scripturam, & Patres solum velle, omnem creaturam esse ex sua natura defectibilem in esse, & operari absolute; id est nullam esse, quæ aliquomodo defectibilis moraliter non sit, etiam in ordine naturali, sive directe, & immediate, sive saltem indirecte, & per accidens; non autem velle omnem creaturam esse directe defectibilem circa finem naturalem; cum non repugnet creatura, cui sit connaturalis, & debita adhesio ultimo fini naturali, maxime si sit creatura excellentissima in genere intellectuali, qualis est Angelus. Sicut enim excellentissima inter corpora, qualia sunt celestia, in suis operationibus naturalibus sunt indefectibilia, ita Angelus in suis operationibus, cum sit necessitatus ad suum finem naturalem, est propterea indefectibilis circa illum.

XXIII. Sed dices. Hoc solum probare, Angelum esse indefectibilem in suis operationibus naturalibus: & in hoc stare paritatem cum corporibus Celestibus docet D. Thomas. hac Q. 63. a. 1. ad 1. Sed (inquit) supra actionem naturalem.

ralem in Angelis est actio liberi arbitrii, secundum quam contingit in eis esse malum.

Sed contra sic. Ergo secundum D. Thomam sicut in natura corporum celestium non potest esse malum, nec in operatione naturali eorum; ita neque in actione naturali Angelorum potest esse malum inordinationis: sed actio Angelis directe tendens ad finem naturalem est naturalis, & necessaria, & non libera, ut probatum est; ergo in ea malum inordinationis contingere non potest.

XXIV. Nec dicas. Quia Angelus est per naturam incorruptibilis, quamvis ex providentia supernaturali opositum possit ei convenire, adhuc dicitur absolute incorruptibilis; ergo si Angelus est intra ordinem naturæ indefectibilis, esto ut clavatus ad ordinem supernaturalem sit defectibilis, adhuc erit absolute indefectibilis, quod PP. negant.

Respondeo enim discrimen esse: quod esse destruibilem convenit Angelo ex providentia Dei supernaturali operantis secundum absolutam potentiam, & supra cursum communem. At Angelus ita est indefectibilis directe intra ordinem naturæ, ut sit directe defectibilis in ordine supernaturali, & secundum communem Providentiam illius ordinis; & indirecte in ordine naturalis: unde est absolute defectibilis.

XXV. Obijciunt secundò. Ideò Angelus directe peccare nequit contra finem naturalem, quia semper est in actuali dilectione Dei Auctoris naturalis: sed hoc posito, nequit peccare contra Deum Auctorem supernaturalem; quia nequit stare perpetua dilectio Dei in ordine naturali eum peccato gravi, & inimicitia Dei Auctoris supernaturalis; ergo &c.

XXVI. Respondeo: dist. min. nequit stare dilectio Dei, efficax super omnia, & appetitiva cum peccato, co. min. dilectio Dei inefficax, & per modum quasi proprietatis physice naturæ Angelis, nego min. Videantur, quæ diximus. Q. 6. Dub. 2. §. 3. num. 16. non enim repetenda sunt. Solum addo, quod Angelo peccante contra finem supernaturalem, esto maneat dilectio Dei Au-

ctoris naturalis physice, & quo ad entitatem; non manet tamen in eo moraliter, & prout est amor Dei super omnia, quo pacto impossibilis est eum peccato, ob superius dicta; ubi quæque patebit, quid dicendum sit de Dæmonibus. Hi enim, dum hominibus nocent, & peccant, ei faciunt ex odio Dei Auctoris supernaturalis; idèque directe peccant solum contra legem supernaturalem, esto indirecte etiam contra legem naturalem. Cum enim lumen naturæ dicat, obediendum esse omni suo legitimo superiori; & Deus, ut Auctor supernaturalis, sit legitimus Angelis superior; idè Angelus ei non obediens, indirecte frangit legem naturalem. Similiter lex naturalis dicit non esse furandum, nec mendatum, dicendum, non esse destructionem sui appetendam; unde cum Dæmones ex odio Dei Auctoris supernaturalis, & iusti in eos vindicis, talia suadent hominibus, ut eos à regno coelorum avertant: dum etiam desiderant se non esse, ut à miseris eximantur, eorum peccatum est quidem contra legem supernaturalem directe; sed indirecte est etiam contra legem naturalem, quam frangunt.

XXVII. Obijciunt contra secundam partem. Si Deus creasset Angelos in solis naturalibus, potuisset denegare illis concursus, & auxilium ad actum observanda præcepta naturalia: sed in tali casu Angeli peccarent directe contra legem naturalem; ergo &c.

XXVIII. Respondeo, negando maiorem. Cum enim Angelus ex natura sua sit impeccabilis directe contra legem naturæ, teneretur Deus præstare illi suum concursus ad actualem observantiam illius, si eum in solis naturalibus condidisset; aliàs peccatum illud, quod ex denegatione talis concursus prodiret, Deo potius, quam Angelo tribueretur. Quia, quando id quod de lege ordinaria fieri nequit, de lege, & potentia extraordinaria fit, talis effectus, vel soli Deo tribuitur; vel Deo ut causa principali, & creaturæ, ut instrumento servienti Deo. Sicut cum ignis, cui debite applicato debetur natura-

turaliter actualis combustio, positus in Babylonica fornace, actu non combustus, denegante Deo sua potentia absoluta concurrens ad actualem combustionem; illa non combustio, Deo ut speciali Auctori tributa fuit, non igni, qui ex sua natura petebat comburere: & si eidem Angelo, qui petiit ex natura sua in esse conservari, Deus denegaret concurrens ad esse, & Angelus annihilationis Auctor esset. Cum ergo Angelus ex natura sua adhærens Deo naturali Auctori, ac legi ejus, positus in puris naturalibus peteret concurrens Dei ad actu legem naturalem observandam; si hunc Deus illi denegaret, ageret de potentia extraordinaria; & transgressio inde secuta, non prodiret ab intrinsicis naturæ angelicæ, Deo solum eam permittente: sed principaliter Deum habere Auctorem, voluntatem vero Angeli ad summum, ut instrumentum in tali transgressione serviens Deo.

## DUBIUM II.

Quodnam fuerit Primum Peccatum Angelorum?

## §. I.

Quadam notantur.

I. **S**uppono cum D. Thoma. hac Q. 62. a. 2. peccatum in aliquo posse esse dupliciter. Uno modo secundum reatum, alio modo secundum affectum. Secundum reatum quidem omnia peccata in Daemonibus esse contingit: quia dum homines ad omnia peccata inaneunt, omnium peccatorum reatum incurrunt. Secundum affectum verò illa solum peccata in malis Angelis esse possunt, ad quæ contingit affectu spirituales naturam. Spirituales autem naturam affectui non contingit ad bona, quæ sunt propria corpori, sed ad ea, quæ in rebus spiritualibus inveniri possunt: nihil enim affectitur, nisi ad id, quod sua natura potest esse quodammodo convenienti. Ita D. Thomas.

II. De primo peccato Angeli variè opinati sunt Veteres. Qui Angelus cor-

pore præditos exissimant (de quibus suscegitur supra, *Quæst.* 2. *Dub.* 1. §. 1. n. 7. & §. 4. serè per totum) dixerunt, tale fuisse Angelorum peccatum. Cum enim Orbi huic accedendo præpositi essent à Deo, multarum capri specie, stuprum cum eis consuetudinem habuerunt; ac propter impuritatis labem à cælo, ac Dei consortio sunt dejecti: hæc trahentes illud, Genes. 6. v. 2. *Videntes filii Dei*, vel ut ferunt alii codices, *Angeli Dei filias hominum*, quod essent pulchre, acceperunt sibi uxores ex omnibus, quas elegerant. Ita S. Justinus, in *Apologia* 1. pag. 44. Clemens Alexandrinus, 1. 3. *Stromat.* pag. 450. & lib. 5. pag. 550. & alii, quod superius, citato loco, §. 4. à num. 22. retulimus, ac refutavimus.

III. Alii putaverunt, Angelos invidia primum lapsos fuisse, quod trifariam exponunt. Quidam voluerunt, Angelos malos homini invidisse, eo quod ad imaginem Dei factus, & expressus esset. Ita Greg. Nyssen. *Orat. Catechet.* c. 6. Ita quoque S. Cyprianus lib. de Zelo, & livore: *Ille* (inquit Diabolus) *dudum angelica maiestate subnixus, ille Deo acceptus, & carus, postquam hominem ad imaginem Dei factum contempsit, in zelum maligno livore præcepit* &c. nec non Augustinus, lib. 12. de Genes. ad litt. c. 14. qui tamen ex aliorum potius, quam sua, loquitur sententia. Quidam, ut Lactantius, lib. 1. *Instit.* c. 9. putavit, Daemonem invidisse Filio Dei, quem Pater produxerat similem sui spiritum, qui esset virtutibus Patris præditus. Alii verò, inter quos Bernardus, *Serm.* 17. in Cantica, putant Diabolum invidisse homini, quod ipsum sibi parem in gloria futurum præciserit: *In livore suo* (inquit Bernardus) *invidit, & molitus est habere subditos, socios dignatus. Inferiores sunt, inquit, inferioresque natura: non deest, esse concives, nec aequales in gloria.* Vel quod propter hominem Verbum foret incarnandum, ut putat Frassen.

IV. Alii primum peccatum Angelorum volunt fuisse inordinatum sui amorem, & quandam speciem luxuriæ ipsi.

spiritualis, sitam in nimia complacentia, & delectatione, quam habuit de seipso. Ita Scotus, in 2. *Diff.* 6. q. 2. quem sequitur ejus Schola.

Tandem S. Thomas, hac Q. 63. a. 2. omnesque ejus discipuli sustinent, primum Angelorum peccatum fuisse superbiam propriè dictam, quam invidia subsecuta est, ut dicemus.

### S. I I.

#### [Resolutio Dubii.]

**V. D**ico. Primum Luciferi peccatum, ex quo invidia, & cætera peccata sunt consecuta, fuit superbia propriè dicta. Ita S. Thom. hac Q. 63. a. 1. & in 2. *Diff.* 5. q. 2. a. 3. ubi observat: *Quod superbia tribus modis accipitur. Uno modo, pro ut sumitur habitualiter, scilicet, quadam inclinabilitate, vel ex natura flexibilitate tantum, vel ex fomitis corruptione ad superbiam, & sic dicitur: superbia initium omnis peccati.* (Hoc autem modo superbia peccatum non est, sed ex peccato est, & peccati radix.) *Alio modo dicitur superbia, secundum quod aliquis actualiter se effert extra præcepti limites, ut præcipienti non subiciatur: & sic non est speciale peccatum, sed quadam generalis conditio omne peccatum consequens ex patre aversione.* Tertiò modo dicitur superbia inordinatus appetitus propria excellentia, præcipue in dignitate, vel honore: & sic est speciale peccatum, unum ex septem capitalibus vitiis: & sic primum peccatum Angelis superbia fuit. Ita D. Thomas; quod probat. Tum ex desiderio; quia emulatio dignitatis appetit. Tum etiam ex motivo, quia ex consideratione propria pulchritudinis in peccatum ruit.

VI. Hoc passim testantur Scripturæ, & Pater. Scripturæ quidem. Nam Isaiæ, 14. d. v. 11. ubi sub persona Regis Assyriorum describitur peccatum Daemonum, dicitur: *Detraha est ad inferos superbia tua.... Quomodo cecidisti de cælis Lucifer, qui mane arctabaris?... Qui dicebas in corde tuo: in cælum conscendam, super astra Dei exaltabo so-*

*lium meum, sedeo in monte Testamenti &c.* Certe hæc verba non aliud spirant, quam elati, ac superbi animi tumorem. Unde Tobias, c. 4. v. 14. inter monita, quæ filio suo dedit: *Superbiam (inquit) nunquam in tuo sensu, aut in tuo verbo dominari permittas: in ipsa enim initium sumit omnis perditio.* Hinc Ambrosius, Ep. 84. ait: *Sive in lapsu Diaboli, sive in pravicatione hominis, initium peccati superbia est.* Et August. in Psalm. 18. ad illa verba: *Et emundabor à delicto maximo, delictum maximum intelligens illud, quo cecidit Diabolus, quod vocat occultum suum, & quo seductus est homo, quod vocat alienum, subdit: Quo alio, nisi superbia?* Idem S. Bernardus, Serm. 27. modò 66. de diversis: *Primum, (inquit) peccatum est factum in cælo per superbiam pravicatoris Angelis.* Et Serm. 1. de Adventu: *Eugite (inquit) superbiam... qua non modo Angelum, sed Angelorum primum in Diabolum commutavit.* Ac Demum, Serm. 60. in Cant. Angeli & hominis lapsum primò ex superbia processisse ait: *Ambo iniquitatem meditati sunt, altitudinem affectantes; ille potentia, iste scientia.*

VII. Propterea cùm Apostoli elati dicerent, Lucæ 10. v. 17. *Domine etiam Dæmonia subijciuntur nobis in nomine tuo;* Christus mox subiecit illis: *Videbam Satanam velut fulgur de cælo cadentem, v. 19. idest (quod observat S. Gregorius, lib. 23. Moral. c. 7. modò 6.) Ut in discipulorum cordibus elationem premeret, mox iudicium ruinæ retulit, quod ipse magister elationis accepit: ut in audire superbiam descerent, quid de elationis vitio formidarent.* Quò respiciens Paulus, 1. ad Timoth. 3. v. 6. monens ipsum, ne in Episcopum assumeret Neophytum; causam reddit dicens: *Ne in superbiam elatus in iudicium incidat Diaboli, (ait D. Chrysost. Homil. 10. in 1. ad Timoth.) Hoc est, ne in eandem incurrat damnationem, quam ille per arrogantiam perdidit.* Ex his, aliisque aded persuasum etiam est, primum Angeli peccatum fuisse superbiam, ut hæc vulgò, *Peccatum Daemonum*, vocari consue-

ric: & Job. 41. v. 35. Lucifer dicatur *Rex super omnes filios superbia*. Cùm ergo de primo Angelorum peccato loqui debeamus juxta sensum Scripturarum, & Patrum: cùm tam Scripturæ, quàm Patres dicant, hoc fuisse superbiam; non video, quo fundamento possit oppositum sustineri.

VIII. Nunc utraque pars Asserti probanda est ratione. D. Thomæ, hæc Q. 63. a. 1. Et primò, quòd peccatum Angeli fuerit superbia, probat hoc discursus. Angelus, utpote natura purè spiritualis, peccare non potuit per affectum ad bona, quæ sunt propria corpori, sed ad ea, quæ in rebus spiritualibus inveniri possunt: sed in affectu ad bona spiritualia non potest esse peccatum, *Nisi per hoc, quòd in tali affectu superioris regula non servatur*; & hoc est peccatum superbiæ, non subdii superiori in eo, in quo debet; ergo primum peccatum Angeli fuit superbia.

IX. Confirmatur, simulque prævenitur responsio. Licet peccator in quocumque peccato nolit subijci Deo, cum hac tamen differentia hoc contingit; quòd in peccato superbiæ per se saltem ex modo volendi hoc intendit; in aliis verò peccatis solum ex consequenti, & quasi conditionem in omni peccato inclusam, ut superius cum D. Thomæ. *exsecundosem.* dicebamus. Peccans enim peccato luxuriæ non intendit per se, nec ex parte rei volitæ, nec ex parte modi volendi, nolle subijci superiori, nempe Deo; sed per se intendit dejectionem, quæ ex rebus veneris provenit; & quamvis ex hoc consequatur, eum nolle subijci Deo, hoc ex vi talis actus non est per se intentum: sed Angelus peccando, saltem ex modo volendi, per se intendit non subjectionem ad Deum; peccavit enim inordinatè amando suam excellentiam, & naturalem beatitudinem, nollendo eam subire, ut debebat, Deo Anctori supernaturali; ergo peccavit peccato superbiæ. Observandum tamen, censéo, ad suærbiam non requiri, quòd aliquis expresse, aut formaliter eligat non subijci Deo, ita ut non subiectio

sit res directe volita; sed satis esse, ut ex modo volendi, interpretativè nolit se Deo subijcere; inordinatè scilicet ita diligendo perfectiones, quas habet, ac si eas non haberet à Deo; perindeque se gerens ac si Deum aspernaretur, & ei nollet se subijcere. Ita autem se gessi Angelus: suam excellentiam dilexit, quod secundum se bonum rationi consonum erat; sed cùm debuisset eam Deo referre, ut ab eo acciperet, & ad ulteriorem finem supernaturalem ordinare, hoc facere contempsit; & sic superbiendo peccavit.

X. Ne autem inferas, in hoc fuisse potius peccatum inobedientiæ, quàm superbiæ, advertere debes: nolle se subijcere divinæ regulæ, aliter pertinere ad inobedientiam, aliter ad superbiam. Ad inobedientiam enim pertinet, ut dicit fugam, & recessum à divina regula, ut lex præcipiens est: ad superbiam autem, ut dicit prosecutionem excellentiæ creatæ inordinatam, id est, non servando ordinem debitum; eam subijciendo, divinæ regulæ, non tanquam legi, sed tanquam mensuræ, & causæ cuiuscumque dignitatis, & excele-  
ntiæ. Hoc discrimen assignat Cajetanus, in 1. 1. Q. 161. a. 1. Quia sicut proprium est obedientiæ velle subjectionem ad legem, ut lex est, & ad Legislatorem, ut talem, ita inobedientiæ proprium est, nolle subjectionem ad illam, & ad Legislatorem. Sicut autem humilitatis proprium est moderari appetitum tendentem ad excessum; ita superbiæ proprius character est, huiusmodi immoderantiam apponere, non subijciendo se ad superiorem, & divini propriæ dignitatis, & excellentiæ regulam, & mensuram. Peccavit ergo Angelus: non quia primò a divina lege, ut tali, recesserit; sed quia suam excellentiam immoderatè appetiit, nec eam divinæ regulæ, ac mensuræ, à qua eam acceperat, & ad quam referre debebat, subiecit; & idcirco per se primò superbia peccavit, quamvis ex hoc inobedientia (quæ in omni peccato est) secuta sit.

XI. Neque sequitur, immoderatum.  
K k 2 hunc

hunc propriæ excellentiæ appetitum dici potius debere concupiscentiam, seu luxuriam spirituales. Nam inordinatus delectationis, seu concupiscentiæ affectus non solum invenitur in luxuria, sed in aliis virtutibus, puta in gula, in avaritia, in quibus invenitur inordinatus affectus, & delectatio ciborum, aut pecuniæ; ergo vel omnis immoderata delectatio luxuria est; vel quando aliquis inordinatè vult, & sibi delectatur in cibis, in pecunia, in honoribus, duplex in tali actu reperitur deformitas: una gulæ, vel avaritiæ, vel superbiæ; & altera luxuriæ; vel tandem, quod verum est, non omnis immoderata delectatio luxuria est. Inordinata ergo delectatio per se non constituit speciale peccatum, sed ad eam peccati speciem pertinet, circa quam versatur: ut immoderata delectatio circa cibum, & potum ad intemperantiam; circa pecuniam ad avaritiam; circa res veneres, ad luxuriam; circa laudes, dignitates, & excellentias, ad superbiæ.

XII. Altera verò pars, nempe quod peccatum superbiæ secuta sit in Angelo etiam invidia, probatur à D. Th. hoc a. 2. sic. Eiusdem rationis est, quod affectus tendat in aliquid appetendum, & quod renitatur opposito: Invidus autem ex hoc de bono alterius dolet, inquantum bonum alterius æstimat sui boni impedimentum. Quare ex affectu, quo quis appetit præferri aliis, seu non habere parem in excellentia, qui pertinet ad superbiæ, nascitur alter affectus; quo de bono alterius doleat, æstimans, per illud excellentiam suam obscurari, qui est actus invidiæ. Cum ergo Angelus peccaverit appetendo excellentiam singularem, quæ quidem singularitas per alterius excellentiam cessat; Idèò post peccatum superbiæ consecutum est in Angelo peccatum invidiæ, secundum quod de bono hominis doluit, & etiam de excellentia divina, secundum quod eo Deus contra voluntatem ipsius Diaboli utitur in gloriam divinam.

XIII. In hoc, sicut in cæteris, S. Thomas secutus est Magistrum suum Augu-

stinum. Hic enim, lib. 11. de Genes. ad lit. c. 14. sic ait: *Nonnulli dicunt, ipsum ei (Angelo) fuisse casum, à superbis Iedibus, quod invidet homini factu ad imaginem Dei. Però autem invidia sequitur superbiæ, non præcedit: non enim causa superbiæ est invidia, sed causa invidendi superbiæ. Cùm igitur superbiæ sit amor excellentiæ propriæ, invidia verò sit odium felicitatis aliena, quid unde nascatur satis in promptu est. Amando enim quisque excellentiam suam, vel paribus invidet, quod ei consequetur, vel inferioribus, ne sibi coequalentur, superioribus, quod ei non consequatur. Superbiendo igitur invidius, non invidendo quisque superbus est. Mitto objectiones, quæ contra hanc resolutionem pro utraque parte fieri solent: tùm quia ex dictis solvi possunt; tùm quia apud Auctores quisque facili inveniet.*

XIV. Quæres: an in Dæmonibus possint esse formaliter peccata præsumptionis, odii, inimicitiae, & contentionis?

Respondeo, posse. Ut enim ait D. Thomas, hoc a. 1. ad 3. *Sub superbiâ, & invidia comprehenduntur omnia peccata, quæ ab illis derivantur, pro ut in Dæmonibus ponuntur.* Et propterea possunt in eis esse peccata idololatriæ, inhæsitatis, blasphemiæ, inobedientiæ; idque non modò secundum reatum, quomodo in eis sunt omnia peccata etiam carnalia, ad quæ homines incitant, sed etiam formaliter, & secundum affectum. Ita etiam D. Augustinus lib. 14. de Civit. Dei c. 3.

XV. An verò in Angelis sit ira? D. Thomas, hic ad 2. dicit, quod *Ira cum quadam passione est, sicut concupiscentia. Unde ipsa in Dæmonibus esse non potest, nisi metaphorice.* Cæterùm si loquamur de ira, non pro materiali, pro ut est accentio sanguinis circa cor, & ut passio est; sed pro formali, ut dicit appetitum vindictæ, cum quadam tristitia de malo, quod iratus apprehendit, ut sibi illatum ab alio, quamvis non possit dari in Angelis beatis, & multò minus in Deo, propter eam, quæ docet D. Tho. 1. P. q. 10. a. 1. ad 2. in Dæmonibus tamen iram for-



maliter esse posse, incognitum non est; cum ipsi sint capaces tristitiae, & possint appetere vindictam de iniuria, quam apprehendunt sibi esse illatam.

XVI. Furtum autem in Dæmonibus quoad affectum esse posse, ut cum aliena rapiunt, sive, ut ea donent suis inferioribus, Sagis, Maleficis &c. sive, ut roceant iis, quos odio habent, probabile est: quatenus ex invidia derivantur, & eadem ratione etiam peccatum homicidii, si homines necent, Avaritiam autem, ut est speciale peccatum, nempe Immoderatus appetitus, rerum temporalium, qua veniunt in usum vitam humana, & pecunia assequari possunt, in Dæmonibus propriè non esse docet D. Tho. hoc a. 2. ad 2. Ad hæc enim Dæmones non afficiuntur. Sed si avaritia dicitur omnis immoderata cupiditas habendi quodcumque bonum creatum, sic avaritia continetur in superbia, qua est in Dæmonibus. Ita D. Tho. ibi. Qui eadem ratione negat in eisdem propriè inveniri accidiam. Hæc enim est Quadam tristitia, qua homo reditur tardus ad spirituales actus propter corporalem laborem, qui Dæmonibus non competit.

### DUBIUM III.

Quid appetierit Diabolus peccando?  
An Aequalitatem cum Deo?

#### §. I.

*Aliqua pramittuntur.*

**I.** EX inordinato amore propriæ sublimitatis à cælo corruisse Luciferum, ex dictis, Dub. precedente satis constat; quo statuimus, ejus primum peccatum fuisse superbiam; quamnam verò, & quanta fuerit excellentia, quam appetiit, in præsentiquærimus. Porro cum tanquam certum habendum sit, Diabolum superbiisse appetendo esse, ut Deum; hoc enim nimis aperte testantur Isaias, c. 14. v. 13. & 14. *In celum conscendam, super altæ Dei exaltabo solum meum...* similis ero Altissimo. Et Ezechiel, c. 28.

v. 2. sub persona Regis Tyri: *Elevatum est cor tuum & dixisti Deus sum, & in sedem Dei sedi in corde maris.* Unde Michael, qui primus Lucifero resistit: *Quis ut Deus ei dixisse fertur, hoc enim Michaelis sonat nomen.* Et Gregorius Nazianzenus Luciferi casum hoc carmine expresse:

*Dum Deus esse cupis, terra caligine totus*

*Obtusum est.*

Quia vero dubitari potest: an Lucifer appetierit esse Deum per aequalitatem, an per imitationem, & similitudinem. Et si per aequalitatem: an id appetierit appetitu efficaci, & absoluto; an appetitu inefficaci, & conditionato, qui velleitatus dicitur. Rursum: an appetierit, esse Deum absolute, & in se; an Deum habere sibi unitum, ut per Incarnationem (quæ ei fortè revelata fuerat) unendus erat humanitati Christi. Quod si per solam similitudinem esse Deum appetiit, dubitari etiam potest: an appetierit similitudinem in eo, in quo creatura potest Deo assimilari, nempe, in donis gratiæ, & gloriæ; ut habendis tamen non ex Deo, & gratia ejus, sed ex sua natura, ut sibi debitis ex iustitia: vel in eo, in quo creatura Deo assimilari non potest. Et hoc secundum multa; vel scilicet appetendo independentiam, & negationem subjectionis cuiuscumque superiori; vel dominium absolutum, & independentens super omnes creaturas, etiam intellectuales; vel ita in se quiescendo, ac si esset sibi sufficiens bonum, nec ad aliud ordinabile.

II. Propterea de hac re variaz nate sunt inter Theologos opiniones. Diabolum absolutam aequalitatem appetuisse cum Deo in se, opinatur Scorus cum sua Schola, cui adhaerent ex Societate non pauci. Unionem hypostaticam, vel quia sibi debitam; vel eam homini invidendo; vel Christo se subijcere recusando, desiderasse, sentiunt Alensis, Catharinus, & alii. Superbiam Dæmonis fuisse inordinatum affectum prælationis, & tyrannici domini supra alios Angelos, & inferiores creaturas, sentiunt Molina, & Becanus.

nur. Tandem alii volunt. Luciferum superbiisse suam naturalem beatitudinem inordinatè appetendo; eam scilicet ulteriùs ad beatitudinem supernaturalem non ordinando, nec Deo auctori supernaturali subiuciendo; existimando esse in seipso naturaliter beatum, sicut est Deus. Vel si peccavit circa beatitudinem supernaturalem, hanc desiderasse ut propriis viribus acquirendam, & non ex gratia, sed ex iustitia reddendam. Utramque parrem censent probabilem S. Thom. discipuli.

## §. I I.

*Prima Assertio contra Scotum.*

III. **D**ico primò. Diabolus peccando non appetit omnimodam æqualitatem cum Deo in natura. Ita D. Thomas, tùm hac Q. 63. a. 3. his verbis: *Decendum, quod Angelus absque omni dubio peccavit appetendo esse, ut Deus. Sed hoc potest intelligi dupliciter. Uno modo per æquiparantiam, a. Ito modo per similitudinem. Primo quidem modo non potuit appetere esse ut Deus; quia servit hoc esse impossibile. Ex quo formatur ratio sic. Angelus peccando non poterat appetere, quòd sciebat evidenter sibi esse impossibile; sed Angelus evidenter sciebat, sibi esse impossibile esse Deum per æqualitatem; ergo hoc non appetit peccando. Maior probatur. Etsi enim contingat aliquando impossibile à nobis appeti; hoc idè est, quia ex deceptione falsò apprehendimus ipsum possibile; quia impossibile apprehensum, ut impossibile non potest voluntati proponi ut bonum, nec ut appetibile. Min' etiam probatur. Quia, ut ait D. Thomas laudatus. *Nec primum actum peccandi in Angelo præcessit, vel habitus, vel passio ligans cognoscitivam ipsius virtutem, ut in particulari deficiens eligeret impossibile, sicut in nobis interdum accidit.**

IV. Confirmatur ex eodem S. Doctore, Q. 16. de Malo a. 3. *Æqualitas est relatio quadam duorum; impossibile autem est esse alterum, qui Deo*

conæquetur: hoc est enim contra essentiam Dei, qui cum sit ipsum esse subsistens, non est possibile esse quo huiusmodi. Unde quidquid aliud ab eo est, necesse est, ut sit tanquam aliquid participans esse, quod non potest esse æquale ei, quod est essentialiter ipsum esse: sed hoc non potuit Diabolus in sua conditione ignorare; statim enim intellexit substantiam suam, & in ea cognovit Deum esse Auctorem suum, à quo esse participabat; ergo non poterat apprehendere æqualitatem suam Deum sub ratione possibili. Tunc scilicet sed nullus tendit in id, quod apprehendit, ut impossibile; ergo impossibile est &c.

V. Respondet Scotus: quòd esto æqualitas cum Deo apprehensa fuerit ab Angelo ut impossibilis, adhuc tamen potuit esse obiectum appetitus ipsius; non quidem efficacis, & absoluti, sed inefficacis, & sub conditione, quòd esset possibilis. Et probat tùm ex Arist. 3. *ethic. a. 2.* dicente: *Electio quidem non est impossibile. Voluntas autem est impossibile, puta immortalitatis.* Insuper damnati Deum odio habentes, velent Deum non esse: at hoc impossibile esse, & ipsi apprehendunt. Suaderi etiam potest ex illo ferventissimo dilectionis actu, quo S. Augustinus ferebatur in Deum, dicens: *Domine si eses Augustinus, & ego possem esse Deus, mallem, te quam me esse Deum.* Imò tæpius iusti optant Deum diligere amore infinito, & poenitentes desiderant, se nunquam peccasse: hæc autem sunt, & iudicantur impossibilia. Ad hunc sensum trahi posse videtur etiam S. Thomas 1. 2. Q. 13. a. 5. ad. 1. ubi ait: *Voluntas completa non est, nisi de possibili, quod est bonum volens: sed voluntas incompleta est de impossibili, qua secundum quosdam vellest dicitur, quia scilicet aliquis vellet illud, si esset possibile.*

VI. Sed contra primò. Ex modo loquendi Scripturæ appetitus Luciferi fuit absolutus, & efficax, non conditionatus, & inefficax. *In volum conciscendam* (inquit Isaiæ 14. v. 13.) *super astra Dei exaltabo solium meum, sedabo in monte testamenti.* Non ait: *Confer-*

*derem, exaltarem, sederem.* Item Ezechiel. 18. v. 1. ait: *Deus ego sum, & in-casbedra Dei sedi.* Non dixit: *Essem, sederem;* atqui si voluntate solum inefficaci, & conditionata appetisset æqualitatem cum Deo, debuisset exprimi per verbum *Vellem, confederem* &c. est enim pura velleitas, & voluntas, quæ esset, non quæ sit; ergo &c.

VII. Contra secundò. Ad peccatum actuale non sufficit voluntatis actus, qui esset si &c. sed requiritur actus, qui de facto, & absolute sit in subiecto, quamvis de objecto sub conditione ponendo; quia bonum, vel malum morale non reperiuntur in actu humano, qui potest esse, seu qui esset, & non est, sed in eo solum, qui de facto est: sicut est pro signo scientiæ media concipitur in Deo decretum, quod esset si; quia tamen actu in Deo non est, non concipitur in Deo pro illo actuale exercitium libertatis. Et ratio est. Quia qui vult aliquid conditionate, etiam ex parte actus, de facto non vult, sed vellet, seu ita dispositus est, ut vellet, si poneretur conditio: sed actus, qui conciperetur in Angelo appetente omnimodam æqualitatem cum Deo, foret actus, non quo de facto appeteret illam, etiam sub conditione, sed quo esset tantum dispositus ad eam appetendam, si esset possibilis; ergo sicut non constitueret Angelum actu volentem, ita nec eum constitueret actu peccantem. Minus probatur. Repugnat, voluntatem habere actum aliquem esse inefficacem circa id, quod non habet rationem boni, quia est impossibile, sub conditione quod fieret bonum, seu possibile; sicut nec visus actu videre potest id, quod non est coloratum actu, sed solum sub conditione; ergo nec Angelus potuit actu appetere æqualitatem cum Deo, quam iudicavit sibi esse absolute impossibilem, sed solum ita esse dispositus, ut si fieri posset ei possibilis, eam actu vellet.

VIII. Contra tertio. Dato, quod Angelus potuerit habere actum inefficacem circa æqualitatem cum Deo; hæc tamen non potuit esse primum eius peccatum. Nam hoc debuit necessario esse inordinatus amor, quo adhereret ali-

cui ultimo fini: sed hic debuit esse prorsus efficax; nam amor ad hæc finem ultimum fini, ut talis debet esse dilectio ipsius super omnia, quæ requirit esse inefficax tantum & conditionata, cum inferat electionem mediorum, & noveat efficaciter ad consecutionem illius; ergo &c.

IX. Contra quarto. Ego voluntas imperfecta, quæ solum voluntatur circa finem, possit ferri ad aliquid impossibile; non tamen voluntas perfecta, completa, & electiva. Quia voluntas, simplex, & imperfecta, cum non tendat ad executionem finis, illum respicit secundum se, & præcisum à circumstantiis, & maxime ab existentia; & propterea in Deo ponimus plura decreta absoluta ex parte actus, & conditionata ex parte objecti circa omnes, vel saltem plures combinationes, quamvis factæ, aliqua suppositione factæ sint impossibiles. Voluntas vero completa, & electiva tendit ad rem ut in esse ponendam, & cum omnibus circumstantiis; ideòque de re impossibili, etiam sub conditione, quod esset possibilis, non datur electio: sed primum Angeli peccatum fuit electio, quia simplex voluntas non est capax meriti, aut demeriti; ergo si impossibilis est æqualitas cum Deo, Angelus non peccavit appetendo æqualitatem cum Deo.

X. Doctrina hæc traditur à D. Th. Q. 16. de Malo. 3. ad 9. dicente: *Voluntate, qua dicitur esse impossibile, non est perfecta voluntas tendens in aliquid consequendum; quia nullus tendit in id, quod existimat impossibile, ut dictum est (in corp. art.) sed est quadam imperfecta voluntas, qua dicitur velleitas, quia scilicet aliquis vellet id, quod existimat impossibile, sed sub hac conditione, si possibile esset. Talis autem non est voluntas aversiva, & conversiva, in qua peccatum, & meritum consistit.* Ex hac doctrina, quæ est clavis totius presentis difficultatis, sequitur, quod malus Angelus fuerit ita dispositus, ut æqualitatem cum Deo appeteret, si illi esset possibilis; non tamen, quod de facto volente perfecta eam elegerit.

XI. Ex his responderetur ad ea, quæ

su-

superius in contrarium allata sunt. Ad primum dico: Aristotelem docere nostram doctrinam, dum dicit, quod quavis voluntas, nempe imperfecta, possit esse impossibile; electio tamen est solum possibile; & insuper non loqui de possibili ex terminis, & absolute, quale est æqualitas cum Deo; sed de impossibili solum ex suppositione, ut ostendit exemplum, quod adducit de immortalitate; quæ non est homini impossibilis absolute, sed solum relate ad causas naturales, & pro statu vite præsentis.

XII. Ad secundum. Vel dico, damnatos non appetere, Deum non esse absolute, hoc enim sciunt esse ex terminis impossibile; sed solum non esse Deum ultorem, & vindicem, quod est impossibile solum ex suppositione. Vel si appetunt, Deum absolute non esse; hoc non appetunt per se, sed ratione alterius prius voluti, nempe liberationis à meritis, quæ esse nequit, nisi Deo non existente. Quia non oia autem æqua itas cum Deo, si appeteretur ab Angelo, deberet appeti per se, & absolute, quod sine errore stare non posset. Et dato, quod appeteretur per se, tunc primum peccatum Angeli non esset appetitus æqualitatis cum Deo; sed irordinatus appetitus illius rei, puta propriæ excellentiæ, ratione cuius æqualitas cum Deo appeteretur.

XIII. Ad tertium dico: ferventissimam illam emphasim Augustini arguere, non quod in eo de facto esset talis actus, quo vellet illud impossibile; sed quod ita esset dispositus, ut prudenter existimaret, se in talem volitionem proditurum, si illud impossibile fieret possibile. Aut si de facto in Augustino erat talis voluntas, oriebatur ex intensissimo amore, quo Deum amabat; unde non est ad rem Adversariorum, qui volunt, appetitum æqualitatis cum Deo fuisse primum actum peccati in Angelonon-orum ex alio priori actu.

XIV. Eodem modo responderetur ad id, quod de aliis iustis dicitur: nimirum, quod vel iusti de facto non volunt diligere Deum amore infinito; sed ita sentiunt se dispositos, ut si esset eis pos-

sibile, vellet: vel quod talis actus oritur ex alio priori actu, quo scilicet summè diligunt Deum. Voluntas autem illa, qua pœnitens nollit peccatum suum exstitisse, vel actu in eo non est, sed solum esset, si possibile foret; vel si est, ex alia voluntate oritur, quæ de peccato commissio intensè doleret. Uno verbo pœnitens non vult componere peccatum fuisse, & non fuisse; sicut Diabolus voluisset componere esse Angelum, & esse Deum.

XV. Quod verò ex D. Thom. adducitur, iam solutum est ex dictis ab eodem supra, Q. 16. de Malo citata: nimirum, cum loqui de voluntate imperfecta, non de perfecta, & electiva, qualis in Diabolo fuisse de æqualitate cum Deo. Vel de voluntate, non quæ adducit, sed quæ esset, quod ejus verba ostendunt, dum ait: *Quia scilicet vellet istud, si esset possibile.* Neque obest, quod Diabolus velit à suis cultoribus adorari ut vernus Deus. Nam hoc Diabolus facit per deceptionem, cuius effo homines sint capaces, maxime post peccati corruptionem, ipse tamen capax non est. Quare etiam homines tentet ludendo, ut sibi veram divinitatem exhibeant, non sequitur, quod illam sibi absolute appetierit.

XVI. Secunda ratio, qua D. Thomas hac 1. P. q. 63. a. 3. tum Q. 16. de Malo, a. 3. probat, Diabolum non potuisse appetere omnimodam æqualitatem cum Deo, talis est. Nemo potest appetitu prosecutionis tendere, in id, quo obtento, videt, & iudicat securam destructionem sui esse; hac ratione inquit S. Thomas. Q. 63. c. 1. *Nulla res, qua est in inferiori gradu natura, potest appetere superioris natura gradum, sicut ignis non appetit esse equus, quia si transferretur in gradum superioris natura, iam ipsum non esset.* Et in tantum aliquis appetit esse in altiori gradu secundum accidentalia; quia iudicat in suo esse per illa magis perfici, & firmari; sed Angelus appetendo æqualitatem cum Deo appetisset id, ex quo fiebat securam destructionem sui, & suum non esse; sicut ergo ex hoc motivo homo non potest appetere fieri Angelum, nec An-

ge-

gelus inferior fieri æqualis superiori; ita & multò magis fieri æqualis Deo: & maximè, quia in eo non poterat esse, nec ignorantia, nec error, nec inadvertentia de sui destructione secutura.

XVII. Hac ratione sic exposita prævenitur responsio Scoti dicentis, Angelum appetendo æqualitatem cum Deo appetivisse suum non esse solùm indirectè, & implicite; sicut quilibet peccans, indirectè vult non subesse Deo, ex quo sequitur, quod velit etiam suum non esse.

XVIII. Nam non fiat, quòd expressè, & formaliter cognoscatur impossibilitas æqualitatis omnimodæ cum Deo, & subsistentiæ in proprio esse, & quod expressè non appetatur destructio proprii esse: cum ergo Angelus expressè hanc impossibilitatem cognoscat, utpotè semper in actuali sui cognitione & Dei; non posset expressè velle æqualitatem cum Deo, quin expressè vellet etiam sui destructionem. Nequeñimulè de homine peccantemoraliter: hic enim vult non subesse Deo solùm interpretativè; & hoc modo dici potest etiam velle destructionem sui. Vult non subesse Deo moraliter tantùm, non physicè, sicut vellet Angelus appetendo æqualitatem cum Deo. Sed hac satis.

§. III.

*Aliæ Assertiones refutantur.*

XIX. **D**ico secundò. Primum Angelum peccatum non fuit, quia appetierit unionem Hypostaticam. Hoc assertum tria supponit. Primum, Angelis dum erant in via fuisse revelatum mysterium Incarnationis, saltem quoad substantiam, quod admittit D. Thom. 2. 2. q. 2. a. 7. ad 1. ex S. Augusti-  
do, l. 5. de *Genesi*, ad litt. c. 19. Et ratio verisimilitudinis est: quia cum Christus sit Caput nedùm hominum, sed etiam Angelorum, & membris intellectualibus debita sit notitia proprii Capitis, ut ei subjectionem exhibeant debitam; verosimile est, quòd mysterium Incarnationis, saltem quoad substan-

*Tom. V.*

tiam, fuerit eis revelatum, dùm essent in via: quin tamen eis revelaretur suum peccatum, quod fuit occasio valde remota adventus Christi. Sicut enim hoc mysterium revelatum fuisse Adamo docet D. Thomas, 3. 2. q. 1. a. 3. ad 5. quin ei revelaretur suus casus, qui tamen fuit occasio proxima talis adventus; ita & multò magis potuit sic revelari Angelo.

XX. Supponit secundò: Deum omnibus Angelis adhuc in via positis præcepisse, ut Christum adorarent, & tanquam proprium Caput recognoscerent; quod indicavit Paulus, ad Hebr. 1. v. 6. *Et cum iterum introducit Primumgenitum in orbem terra, dicit: Et adventum cum omnes Angeli Dei.* Et quidem supposita revelatione de Christo eorum Capite consentaneum fuit, ut eum adorare juberentur. Hinc supponit ista opinio, Angelum malum primò superbiisse circa unionem Hypostaticam.

XXI. Hujus tamen oppositum ostendo primò. Nam primum Angeli peccatum fuit circa suum ultimum finem: ut enim docet D. Thomas, 2. 2. q. 163. a. 1. *Primo movetur appetitus in finem, quàm id, quod queritur propter finem.* Unio autem Hypostatica, esse sit finis extrinsecus omnium, non tamen est finis intrinsecus, & proprius Angeli, ad quem ordinatus est; hic enim est beatitudo supernaturalis in visione clara Dei consistens; ergo &c. Præterea: unionem Hypostaticam non appetivit, ut sibi debitam, & propriis viribus acquirendam; quia optimè noverat, eam nec sibi debitam, nec suis viribus possibilem: aliàs in suo intellectu error aliquis præcessisset, quod ante ejus primum peccatum non fuisse, ostendunt Theologi. Nec eam appetit invidendo homini. Tum quia: ut superius probavimus, primum Angeli peccatum non fuit invidia, sed superbia. Tum quia: invidia est affectus fugæ, seu odii alterius: sed fuga, & odium non potuit esse primum Angeli peccatum, quia fuga oritur ex prosecutione alterius boni, cujus malum est impeditivum; ergo &c. Eadem quoque ratione non primò peccavit Angelus, nolens se subicere Christo; quia: I l pri-

primum Angeli peccatum non potuit esse nolitio, seu fuga mali: omnis enim nolitio, seu fuga mali supponit volitionem, seu prosecutionem alicujus boni. Ut enim docet D. Thomas, 1.2. q. 25. a. 2. amor est prima passio: *Quia enim bonum quæritur, idcirco refutatur oppositum malum*: & idcirco actus, qui est circa bonum, prior est eo, qui est circa malum.

Hinc est SS. PP. aliqui, ut Augustinus, 1. 11. de Genes. ad litt. c. 14. Divus Bernardus, Ser. 1. de Adventu, & Ser. 17. in Cantica. &c. dicant, Angelum invidisse homini unionem Hypostaticam; apertè tamen citatis locis primum Angeli peccatum fuisse superbiam, quâ *Altissimi similitudinem usurpare tentavit, & rapinam arbitratus est esse aequalem Deo*, ait Bernardus, Ser. 1. de Adventu citato.

XXII. Dico tertio. Primum Angeli peccatum non fuit ambitio Principatus super alias creaturas intellectuales, videlicet, quod omnes suæ, contra Dei voluntatem, parceret; vel quod omnia dona, quæ Deus cæteris distribuit, per ipsum distribuerentur, tanquam quid suæ naturæ debitum. Et ratio est. Nam amor seu appetitus potestatis, & excellentiæ super alios oritur ex amore inordinato sui absoluto, & in se; pertinet enim ad ambitionem, seu immoderatam præsumptionem, quæ ex amore inordinato suæ excellentiæ procedit; & idcirco non potuit esse primum Angeli peccatum, sed potius consecuta ad illud. Quare D. Thom. hac Q. 63. a. 3. postquam statuit, primum Angeli peccatum fuisse inordinatum appetitum propriæ beatitudinis, concludit: *Quia, verò quod est per se, est principium, & causa ejus, quod est per aliud; ex hoc etiam consecutum est, quod appetit aliquem principatum super aliu habere, in quo etiam perversè voluit Deo assimilari*.

## 6. I V.

*Nostre Assertio statuitur.*

XXIII. Dico quarto. Angelus primò peccavit, *Quia appetit ut finem ultimum beatitudinis id, ad quod virtute sua natura poterat pervenire, avertens suum appetitum à beatitudine supernaturali, quæ est ex gratia Dei. Vel si appetit, ut ultimum finem illum Dei similitudinem, quæ datur ex gratia, voluit hoc habere per virtutem suam naturæ, non ex divino auxilio, secundum Dei dispositionem*. Ita iisdem terminis S. Tho. hac Q. 63. a. 3. Quod assertum, duas habet partes. Prima explicatur sic. Angelus propria excellentia illectus, & quasi raptus, in ea ita sibi complacuit; ut diverteret se à consideratione, & ordine ad finem ultimum superiorem & supernaturalem, in quo tenebatur perseverare, quod propriè fuit superbire: non tamen ut crederet, suam perfectionem, & excellentiam naturalem esse suum ultimum finem; (fueret enim error nimis crassus) sed quia ex modo, quo eam appetivit, convertendo se ad illam absque ordine ad regulam superioris, voluntariè spernendo regulam, & mensuram à Deo præscriptam, practicè, & in actu exercitò ita se gessit; ac si judicasset, bona sua naturalia sibi sufficere, nec superioribus egere, sed à se esse sufficienter beatum; quod fuit appetere esse sicut Deum.

XXIV. Hæc ergo prima pars sic explicata fundamentum habet in Scriptura, & PP. In Script. quidem. Nam. Ezech. 28. v. 5. legitur: *Elevatum est cor tuum in robore tuo*. v. 17. *Et elevatum est cor tuum in decore tuo, perdidisti sapientiam tuam in decore tuo*. &c. Quæ verba de primo peccato Diabolici sub persona regis Tyri exponunt PP. quasi diceret: quia de decore tuo naturali superbijisti, in decore tuo idcirco hunc inordinatè dilectum, sapientiam tuam perdidisti.

In PP. quoque. Nam D. August. 1. 21. de Civit. Dei c. 1. contrarios malorum, & bonorum Angelorum appetitus describens, dicit, quod mali suæ

*potestate potius delectati, velut suum bonum sibi ipsi essent, à superiore communis omnium beatifico bono ad propria defluerunt.* Et D. Greg. lib. 34. Moral. c. 21. al. 14. Angelum, (ait) peccasse. Quia relicto eo, qui verè illi sufficere poterat, se sibi sufficere posse iudicavit. D. Bernardus, de verbis Isaïæ: *Vidi Dominum sedentem*, Serm. 3. ait, peccasse, quia seipso voluit esse contentus. Et S. Leo, Ep. 93. quia naturali excellentia male usus est.

Divus Thomas quoque, 3. Contrag. c. 109. ait: *Potuit igitur in voluntate substantia separata esse peccatum ex hoc, quod proprium bonum, & perfectionem in ultimum finem non ordinavit, sed inhaesit proprio bono, ut fini.* Et c. 110. *Sicut enim (inquit) in nobis peccatum est ex hoc, quod bona inferiora, scilicet corporis, appetimus absque ordine rationis: ita in Diabolo peccatum fuit in hoc, quod proprium bonum non retulit in divinum bonum.*

XXV: Ratio etiam congrua est. Nam aggregatum ex perfectionibus naturalibus, quibus abundabat Angelus, erat bonum valde excellens, ac proprium, & connaturale ejus naturæ: sed unusquisque magis superbit de excellenti bono, quod habet ex sua natura, & sibi proprium, quam de eo, quod habet ex largitate alterius; ergo Angelus magis superbiit, & sibi complacuit in sua naturali excellentia, sitiendo in illa, & eam ad ulteriorem finem non ordinando. Porro cum haberet præceptum de illa ordinanda ad finem supernaturalem, ad quem fuerat elevata, & propter quem creata; idè sic appetendo suam naturalem excellentiam, & in ea tanquam in ultimo fine quiescendo, modèratè eam appetiit, & peccavit.

XXVI. Neque opponas: hinc sequi, Angelum primò peccasse peccato omissionis. Peccatum enim puræ omissionis est, quando pure omituntur actus, non verò quando solum omitteitur circumstantia actui debita. Sicut licet sit peccatum omissionis non audire Sacrum, aut recitare Officium, quando quis ad illud tenetur; tamen audire Missam sine debita reverentia, recitare Officium

sine debita attentione; celebrare Missam sine vestibus sacris, peccatum commissionis est, quamvis adjuncdam habens omissionem. Concurrent enim ibi duo præcepta: unum positivum de recitando Officium, de audiendo, aut celebrando Missam; alterum negativum in eo clausum, de non recitando sine debita attentione; de non audiendo Missam, sine reverentia; vel non celebranda sine vestibus sacris. Qui ergo recitando Officium, aut audiendo vel celebrando Sacrum præfatas circumstantias omittet, peccatum commissionis patretur, adjuncium tamen habens peccatum omissionis; quia poneret quidem actum præceptum, sed debitam adju circumstantiam omitteret. Sic in Angelo adeo præceptum positivum charitatis de diligenda propria excellentia servata meniura præfixa; quo posito statim fuit aliud præceptum emanans à virtute humilitatis, & obligans pro semper, ne diligitur propria excellentia sine tali meniura, quod obligat solum, dum obligat præceptum charitatis: cum ergo Angelus non peccaverit contra præceptum positivum charitatis, omitendo actum dilectionis sui cum mensura præfixa, sed contra præceptum negativum, ponendo actum sine tali mensura; peccavit peccato commissionis directè, non puræ omissionis.

XXVII. Neque dicas: hinc sequi, Angelum directè peccasse contra finem, naturalem, perversè diligendo suam beatitudinem naturalem; quod est contra superius dicta, quibus Angelum statuiamus impeccabilem directè contra finem naturalem.

Et rursus: Si ex dictis etiam Angelus diligit se, & suam beatitudinem naturalem amore necessario, tam quoad specificationem, quam quoad exercitium; quomodo in tali dilectione statuitur primum Angeli peccatum?

XXVIII. Respondetur enim, negando sequelam. Cum enim supponamus pro eo instante fuisse præceptum de diligenda propria excellentia cum ordine ad finem supernaturalem; Angelus eam diligens sine tali ordine, per se, & directè transgressus est præceptum.

L 1 a

super-

supernaturale, & averſus à Deo Auſtore, & ſine ſupernaturali: ex quo indiectè ſecuta eſt averſio à Deo Auſtore etiam naturali.

XXIX. Ad id, quod additur, dico cum Ferrarienſi, 3. *Contragenter*, c. 109. quodd eſſo Angelus neceſſariò ſeratur ad ſuum finem, ſeu beatitudinem naturalem ſumtam abſolutè, & ſecundùm ſe; ad eam tamen, ut ordinatam, & ſubordinatam altiori fini, & beatitudini, nempe ſupernaturali, liberè ſeratur: & idè eſſo peccare non poſſit in dilectione illius abſolutè, & ſecundùm ſe ſumtæ, poteſt tamen peccare diligendo inordinatè, ſeu non ordinando illam ad finem ſupernaturalem, dum tenetur (ſicut tenebatur pro eo inſtanti) ad illum eam ordinare. Videatur Ferrarienſis citato loco.

XXX. Ex hoc faciliè intelliges ſimilitudinem cum Deo, quam Angelus malus appetivit, in hoc ſitam fuiſſe: quòd ſicut Deus ſeipſo, & ſuo naturali bono eſt beatus, & ipſe ſibi eſt finis ulimus; ita & ipſe Angelus (ex modo tamen appetendi) voluit ſibi ipſi eſſe ultimus finis, & ſuo naturali bono eſſe beatus, tanquam ſua naturalis perfectio eſſet ſummum bonum, ad nullum aliud perfectius bonum ordinatum.

XXXI. Dico quintò. Satis etiam probabile eſt, Angelum in primo ſuo peccato ſuperbiſſe, appetendo beatitudinem ſupernaturalem, ut acquirendam viribus naturæ, non auxilio gratiæ. Ita S. Thomas ſupra laudatus, hac Q. 63. a. 3. & Q. 16. de Malo a. 3. dicens: *Diaabolus non peccavit appetendo aliquod malum, ſed appetendo bonum, ſcilicet finalem beatitudinem, non ſecundùm ordinem debitum, id eſt non conſequendam ſecundùm gratiam Dei.*

Hoc Aſſertum prædiſquam probetur explicandum eſt. Non intendimus, quòd primum peccatum Angeli fuerit appetitus expreſſus, & formalis beatitudinis ſupernaturalis, ut acquirendæ viribus propriis, ſeu ſine auxilio gratiæ: talis enim volitio ſupponeret errorem ſaltem prædicum in mente Angeli: quòd iudicaret, beatitudinem ſupernaturalem poſſe acquiri ſine auxilio gratiæ, qui

fuit error Pelagii, ut ſuperiùs, Tom. 4. oſtenſum eſt, cuius oppoſitum docet D. Thom. hac Q. 63. a. 1. ad 4. Sed quòd Angelus malus ex modo appetendi, inordinatè ſe geſſerit, eam appetendo, non cum ordine ad Deum beatitudinis Auſtorem. Cùm enim ſciteret, eam acquiri non poſſe ſine gratia Dei, & tunc illi urgeret præceptum eam hoc modo per actum ſpei ſollicitandi; hunc actum habere contentiſſi, & hunc ordinem ſervare: ex quo factum eſt, ut ex modo tendendi ſic eam appetierit, ac ſi, non gratiæ, ſed propriis viribus eam comparare præſumeret.

Ita exponit S. Thomas, 1. P. q. 63. a. 1. citato ad 4. his verbis: *Alio modo contingit peccare per liberum arbitrium eligendo aliquid, quod ſecundùm ſe eſt bonum, ſed non cum ordine debita menſura, aut regula: ita quòd defectus inducens peccatum ſit ſolum ex parte electionis, qua non habet debitum ordinem, niſi ex parte rei electæ: ſicut ſi aliquis eligeret orare non attendens ad ordinem ab Eccleſia inſtitutum. Et huiusmodi peccatum non præſupponit ignorantiam, ſed abſentiam conſiderationis eorum, qua conſiderari debent. Et hoc modo Angelus peccavit, converſendo ſe per liberum arbitrium ad proprium bonum abſque ordine ad regulam divina voluntatis. Ita S. Doct.*

XXXII. Sic explicata Aſſertio, colligitur ex S. Anſelmo relato à D. Thomas, hac Q. 63. a. 3. dicens: *Et hoc conſonat diſſis Anſelmi (lib. de Caſu Dia-boli, c. 3. & 4. qui diſt, quòd appetiit illud, ad quòd perveniſſet, ſi veniſſet: Et hæc duo quodammodo in idem redeunt, quia ſecundùm utrumque appetiit finalem beatitudinem per ſuam virtutem habere, quod eſt proprium Dei.*

Quibus verbis indicare vult S. D. quòd etſi Angelus peccaverit appetendo beatitudinem ſupernaturalem, eam tamen non appetiit ut formaliter, & in eſſe objecti ſupernaturalem; quia ex modo appetendi eam non appetiit, ut habendam ex viribus gratiæ, ſed per virtutem ſuæ naturæ; eo modo, quòd hæreticus dùm aſſentitur alicui articulo fidei, ei non aſſentitur, ut formaliter ſuper-



supernaturalis est; quia ex motivo naturali ei assentitur. Et propterea bene dicit D. Thomas, quod siue dicatur, Angelum peccasse inordinatè appetendo suam beatitudinem naturalem, siue supernaturalem, in idem redit; quia semper appetiit beatitudinem naturali modo habendam, seu semper appetiit, per seipsum esse beatum, sicut Deus.

Sic autem probatur Affectio. Satis consonum est, testimoniis Scripturæ, & Pp. Angelum peccasse superbiendo circa objectum valde excelsum, & circa finem prorsus ultimum, ad quem Deus illum eleuaverat; quia hoc modo superbiendo magis appetiit esse similis Deo: sed hoc objectum valde excellens, & finis simpliciter ultimus, cuius consecutione magis assimilatur Deo, est beatitudo supernaturalis; ergo &c.

§. V.

*Qua Via Peccatum in Angelos irrepserit.*

XXXIII. Cum in voluntatem irrepere non possit peccatum, nisi aliquis defectus in intellectu præcesserit; idèd ad pleniorè Angelorum peccati intelligentiam quærere opere pretium duxi, quis defectus in eorum mente præcedens traduxerit peccatum in voluntatem. Quatuor sunt defectus, qui in intellectu angelico, & humano excogitari possunt. Primus est *Nescientia*, seu carentia illius scientiæ, quam quis nec debet, nec natus est habere; & hæc cum tantum sit negatio, non est culpa, nec pœna, & locum habet etiam in Angelis, qui non omnia sciunt, imò multa nesciunt, quæ Deus scit. Secundus est *Ignorantia*, quæ est carentia scientiæ, quam quis natus est habere; & hæc habet rationem pœnæ, & potest habere etiam rationem culpæ. Tertius est *Error* positivus, qui tunc adest, quando quis aliquam veritatem non solum ignorat, sed de ea habet iudicium erroneum, dum putat oppositum. Quartus est *Inconsideratio*, seu carentia considerationis; quæ si sit de re, quàm quis non tenetur considerare, est solum negativa; si verò sit de re, quam

quis considerare tenetur, est privativa.

XXXIV. Non potuisse in Angelo esse peccatum in voluntate, quin aliquis in ejus intellectu defectus præcessisset, ut certum habeo, quidquid dicat in contrarium Scotus. Primò. Quia sic doceor à D. Thoma, tum Q. 16. de Male a. 2. ad 4. sic dicente: *Semper autem in peccato defectus intellectus, vel rationis, & voluntatis proportionabiliter se comitantur.* Tum 1. 2. q. 77. a. 2. Cum *Voluntas sit boni, vel apparentis boni, nunquam voluntas in malum movetur, nisi id, quod non est bonum, aliquanct rationi bonum appareat: Et propter hoc voluntas nunquam in malum tenderet, nisi cum aliqua ignorantia, vel errore rationis.* Unde dicitur, Prov. 14. Errant, qui operantur malum.

XXXV. Quibus rationem indicat: quia voluntas cum sequatur in omnibus ductum rationis, nec velit bonum, nisi ut sibi propositum ab intellectu, non potest inordinatè se gerere circa bonum, nisi inordinatè fuerit illi propositum; sicut in cæco sequente ductum videntis, nequius esse inordinatus gressus, si ille, qui videt, & cum ducit, ordinatè procedat. Et hoc verum est, nedum in voluntate peccantis ex ignorantia, sed etiam peccantis ex malitia, & industria: in hoc enim adest quidem iudicium speculativum rectum, cum iudicet id, quod facit, esse contra divinam legem; sed adest etiam iudicium practicum non curans de divina lege, ei disclians, conveniens esse hic, & nunc ita operari, quo iudicio magis rapitur voluntas. Cum enim minus bonum in conspectu majoris boni ei oppositè induat rationem mali, si proposita voluntati observantia legis tanquam majori bono, hic & nunc, efficaciter voluntas vellet oppositum; jam prosequeretur malum sub ratione mali, & refugeret bonum sub ratione boni, quod est ferri extra suum objectum.

XXXVI. Nec valet opponere quemdam articulum Parisiensem, nempe quod *Existente intellectu in apice rationis, potest voluntas in oppositum.* Nam articulus ille loquitur de intellectu existente in apice rationis in habitu, non ve-

ph in actu; vel de intellectu speculativo existente in apice rationis, & quoad principia universalia; non de intellectu particularia hic & nunc practice proponente. Quamquam prælati Parisienses articuli pro ea parte, pro qua opponuntur doctrinæ S. Thomæ, revocati postea fuerunt à Stephano Episcopo Parisiensi. anno 1325. ut superius ostendi, *Præsent. Tract. Quæst. 2. Dub. 2. §. 3. n. 55.* & ab Urbano IV. in Extrav. *Laudabilis Deus.* Ubi præcipit, doctrinam D. Thomæ recipi ut catholicam, & damnari omnes, qui eam damnant, ut errorcam.

XXXVII. Suppono autem, primum peccatum in angelico intellectu nullam præcessisse ignorantiam, aut errorem. Non quidem ignorantiam; nam, *Ezechiel. 28. v. 12.* Lucifer dicitur plenus sapientia, & perfectus decore à die conditionis suæ. Et rursus: quia, ut superius diximus, habuit ab initio species omnium rerum naturalium, & revelationem insuper omnium, quæ ad recte vivendum in ordine supernaturali necessaria sunt. Quod si de aliquibus mysteriis Angeli postea illuminati sunt; hoc fuit quoad circumstantias explicitas, non quoad substantiam, nec per novarum specierum additionem; & de rebus, quas tunc nati non erant habere: unde fuit potius nescientia negativa, quàm ignorantia.

Neque etiam errorem, loquendo ante primum peccatum. Error enim iste, vel fuisset iudicando hæreticè falsa esse, quæ à Deo revelata sunt, eisque assensum negando; & hoc esse non potuit: quia talis hæretica negatio supponit perzinaciam in voluntate, quæ ante primum peccatum in Angelo supponi nequit. Vel temerariè iudicando de iis, quæ à Deo illi non fuerant revelata, neque ex revelatis evidenter deducta; & hoc neque: Nam tale iudicium fieri non poterat absque peccato temeritatis in voluntate applicante intellectum ad iudicium de objecto super excedente, absque sufficienti fundamento; quod ante primum peccatum esse non potuit, quamvis post peccatum in Dæmonibus esse possit.

XXXVIII. Qui de hoc plenius instrui

cupit, adeat. D. Thomam, *2. 2. de Mal. 2. 6.* Ubi postquam docuit, quod cum Angeli circa naturalia objecta semper sint in actu per species, & Dæmones peccando, naturalia non amiserint; *Consequens est, quod nec Diabolus falsam opinionem habere possit in his, quæ pertinent ad ejus naturalem cognitionem.* Addit: cum autem ad ea, quæ naturalem eorum cognitionem excedunt Angeli sint in potentia: *Sic respectu hujus cognitionis gratuita potest in quolibet aliquis defectus existere, aliter tamen, & aliter.* Nam in bono Angelo potest quidem respectu hujusmodi cognoscibilitum esse defectus, sed simpliciter negationis, secundum quod Dionysius, *co. 7. Eccles. Hic rareb. dicit, quod à nescientia purgatur.* Non autem potest in eis esse defectus falsa opinionis. Quia cum voluntas eorum sit ordinata, non applicat suum intellectum ad iudicandum de illis, quæ cognitionem eorum excedunt. Sed in malis Angelis propter inordinatam, & superham voluntatem potest esse respectu hujusmodi cognoscibilitum etiam defectus falsa opinionis; in quantum exhibent presumptuosè suum intellectum ad iudicandum de his, quæ eos excedunt. Et hæc quidem falsitas respectu hujusmodi potest in eis esse speculative, in quantum scilicet in falsum iudicium prorumpunt: & practice, sive affectivè, in quantum, falso existimant, aliquid esse appetendum, vel agendum in ordine ad prædicta cognoscibilia. Ita. Thomas. Cum ergo ante primum peccatum nulla supponatur in Angelis superbia, & presumptiva voluntas, nullus supponi potest error, sive speculativus, sive practicus.

XXXIX. Dico ergo. Primum peccatum Angeli irrepsit ex inconsideratione privativa, nempe divinæ regulæ, & adverserit. Ita D. Thom. hac *2. 2. 63. a. 3. ad 4.* Non enim irrepsit ex ignorantia, non ex errore, ut probatur, est: aliunde debuit ex aliquo defectu in intellectu irrepere; restat ergo, ut irrepsit, non quia elegerit malum, sed quia eligendo aliquid secundum se bonum, nempe amando propriam bea-

aitudinem, eam non amavit cum ordine debita: mensuræ, & regulæ.

XL. Notandum tamen cum eodem S. Doct. Q. 1. de Malo a. 3. quod hoc ipsum, quod est non attendere aliquid ad talem regulam in se consideratam, non est malum, nec culpa, nec pena; quia anima non tenetur, nec potest attendere ad huiusmodi regulam semper in actu. Sed ex hoc accipit primò rationem culpa, quia sine actuali consideratione, regula procedit ad huiusmodi electionem. Sicut Artifex non peccat in eo, quod non semper tenet mensuram; sed ex hoc quod non tenens mensuram procedit ad incidendum. Et similiter culpa voluntatis non est, quod non actu attendit ad regulam rationis, vel legis divinæ; sed ex hoc, quod non habens regulam, vel mensuram huiusmodi procedit ad eligendum. Et inde est, quod Augustinus dicit, in 11. de Civit. Dei (c. 7.) quid voluntas est causa peccati, inquantum deficiens; sed illum defectum comparat silentio, vel tenebris, quia scilicet defectus ille est negatio sola. Ita S. Thomas. Loquebatur autem ibi S. Augustinus de causa malæ voluntatis Angelorum. Ex eo igitur, quod Angelus processit ad amandum seipsum, suamque beatitudinem, sive naturalem, sive supernaturalem, non attendens, nec considerans regulam divinæ legis prohibentem talem amorem absque ordine ad Deum Auctorem, & finem super-naturalem; tale iudicium in consideratum, posterius quidem electione in genere causæ efficientis, sed in genere causæ formalis prius, electionem vitiavit, fecitque electionem malam.

## DUBIUM IV.

Quandōnam peccaverit Angelus.

## §. I.

An Damones sint Natura Mali, an Voluntate?

I. **D**iabolus natura esse malum, imò omnium malorum Principium, error fuit Manetis, à quo Manichæorum secta ortum duxit. Hunc errorem secutus fuit Priscillianus, hæresis Priscillianistarum auctor, Abba civitatis Hispaniæ Episcopus, Valentini Cæsar, & Siricii Pontificis temporibus, circa annum 388. Fides Catholica docet, Angelus illos (quos modo Damones, dicimus) non esse naturam suam, sive ex sua substantia, vel etiam ex conditione, inclinatione, aut proprietate naturali malos; sed factos malos propria voluntate.

II. Dico igitur. Nullus Dæmonum, natura sua malus est. Veritas de fide est contra præfatos hæreticos. Unde in Concil. Carthagenensi IV. anno 398. inter cætera, de quibus Episcopus ordinandus interrigari jubebatur, Can. 1. erat hoc: Si Diabolus, non per conditionem, sed per arbitrium factus sit malus. Et in Concil. Bracaren. I. Can. 7. an. 561. anathemate percellitur, Si quis dicat, Diabolus non fuisse prius bonum Angelum à Deo factum, nec Dei officium fuisse naturam ejus; sed dicat, eum ex chaos, & tenebris emergisse, nec aliquem suum habere auctorem; sed ipsum esse principium, atque substantiam mali, sicut Manichæus, & Priscillianus dixerunt. Et merito quidem (addit S. Leo, Epist. 93. c. 6.) Cum fides vera, qua est Catholica, omnium creaturarum, sive spiritualium, sive corporalium bonum professatur esse substantiam, & mali nullam esse naturam; quia Deus, qui universalis est conditor, nihil non bonum facit. Unde & Diabolus bonus esset, si in eo, quod factus est, permaneret. Accedit Definitio Innocentii III. in Concil. Lateranensi IV. anno 1215: Cap. Firmiter de summ. Trinit. docentis: Diabolus,

bolus, & Dæmones alii à Deo quidem natura creati sunt boni; sed ipsi per se facti sunt mali. De Manichæorum hæresi videantur à nobis dicta, *Tom. 2. de Deo. Q. 2. Dub. 5. 6. 7. N. 8. & S. August. de Hæres. c. 46.*

III. Quia verò alii errarunt dicentes, Diaboli quidem substantiam non esse malam, sed ipsum Diabolum esse naturaliter malum; hos perstringit S. Augustinus, lib. 11. de *Genes. ad lit. c. 10. 11. 22. & 23.*

IV. Catholica autem veritas contra præfatos errores probatur primò. Nam etiam Dæmones facti à Deo sunt; omnia enim per ipsum facta sunt, qui est Creator omnium visibilium, & invisibilium: sed quidquid à Deo factum est, natura bonum est; *Gen. enim c. 1. v. 31. Viditque Deus cuncta quæ fecerat, & erant valde bona;* ergo &c. Tum. Quidquid ens est, bonum est; & malum non est natura, sed vitium naturæ: si vitium naturæ; ergo naturam, quam vitiat supponit bonam, quia malum non vitiat, nec opponitur nisi bono.

V. Quòd si dicas: naturam quidem Diaboli esse bonam, sed ipsum Diabolum esse naturaliter ad malum propensum, & malum proprietate sua; eo modo, quo alii Angeli sunt proprietate, & inclinatione boni. Et inter homines quidam sunt naturaliter mali, *Sap. 12. v. 10. erat Naturalis malitia ipsorum;* & aliqua insuper animalia irrationalia habent quasdam naturales malitias, sicut vulpes naturaliter est subdola, & lupus naturaliter est rapax, quæ tamen sunt creaturæ Dei. Cur ergo non & Diabolus, esse creatura Dei, non poterit esse naturaliter fallax, mendax &c.

VI. Contra tamen est. Nam quamvis in Universo debeant esse boni, & mali, quin hi malitia sua ordinem universitatis sub Deo Provisorie deturpent, ut ait S. Augustinus citatus, *C. 21. qui tamen mali sunt, non ex Conditoris, aut ex natura, vel proprietate, sed voluntate mali sunt;* bonum enim à Deo, sed malum à creatura, quia ex nihilo est. Et hoc in Dæmonibus pater, ait S. Augustinus citatus: non enim Deus

in eis, ex iustitia damnaret, quod in eis non ex demerito, sed ex natura repetisset. Quia cuiuslibet occurrat, & verum est, atque manifestum, iustitia ipsi esse contrarium, ut nullo præcedente merito, hoc ipsum in quoquam Deus damnet, quod in eo ipse creaverit, certaque, evidenti damnatio Diaboli, & Angelorum ejus ex Evangelio recitatur, ubi se dicentem Dominus pronuntiavit eis, qui à sinistris sunt; *Ita in ignem æternum, qui preparatus est Diabolo, & Angelis ejus; nullo modo in eo naturam, quam Deus creavit, sed malam propriam voluntatem contra ignis æterni plendum esse credendum est.* Non ergo Deus fecit Diabolum malum; sed fecit eum, quamvis præscire, eum se facturum malum, prævidens quanta bona ex hoc malo essent secutura: *Præsciens* (prosequitur Augustinus) *cum propria voluntate malum futurum, fecit eum tamen; non abstinens bonitatem suam in præbenda vita, atque substantia futura etiam noxia volentem, simul prædens, quanta de illo bona esset sua mirabili bonitate, ac potestate facitura.*

VII. Nec etiam verum est, quosdam homines esse naturaliter malos, si accipiaturs natura, qualis condita fuit à Deo in primo Parente: quamvis si accipiaturs, ut trahit originem via ordinaria ab Adamo peccatore, sit peccato originali vitata; & ideo dici possint homines naturà, idest nativitate, malis quo sensu dicit Apostolus, ad *Ephes. 2. v. 3. Eramus natura filii ira, sicut & ceteri,* idest ab ipsa nativitate obnoxii iræ divinæ, quia concepti, & nati in peccato. Addit D. Thom. hæc *Q. 63. 2. 4. ad 2. quòd Malitia aliquorum hominum potest dici naturalis, vel propter consuetudinem, quæ est altera natura; vel propter naturalem inclinationem ex parte natura sensitiva ad aliquam inordinatam passionem, sicut quidam dicuntur naturaliter iracundi, vel concupiscentes; non autem ex parte natura intellectualis.* Et ita exponit verba ex Sapientia prolata. Dolositas autem, & rapacitas, ut sunt in homine, sunt quidem in genere malitiæ, quia per eas homo deviat ab ordine rectæ rationis;

ut vero dolositas est in vulpe, & rapacitas in lupo, non habent rationem malitiae, sed sunt natura ipsorum, seu naturalis proprietas, qua ad quaerendum sibi vidum sagaciter, vel rapaciter inclinatur. Unde S. August. lib. de Peccat. origin. c. 40. *Tanta (inquit) excellentia est in comparatione pecoris bono, ut vitium hominis, natura sit pecoris.* Et Psalm. 48. v. 13. ubi dicitur: *quod Homo cum in honore esset, non intellexit: comparatus est iumentis insipientibus, & similis factus est illis,* dicit S. D. ibi: *Homo non pecoris vitio comparatur, sed natura.* Qui de hac re plura exoptaverit, adeat S. Thomam, Qu. 26. de Malo, a. 2. eam fuisse translatam.

## §. I I.

*An Diabolus in primo Instanti sua creationis fuerit Malus per culpam sua Voluntatis?*

VIII. C Um ex dictis constet, Diabolum non esse malum naturaliter, nec ex naturae suae conditione; quaeritur hic: an semper fuerit voluntate sua malus, seu: an illo eodem instanti, quo creatus est, voluntate peccaverit. De hoc superius diximus aliqua, Qu. 7. Dub. 2. §. 2. ubi omnes Angelos conditos fuisse in gratia: & §. 3. ubi omnes ad eam suscipiendam se se disposuisse ostendimus: quae certe cum actuali peccato in eodem instanti incompatibilia sunt. Aliqua tamen cum S. Thoma, hac Qu. 63. a. 5. dicemus.

IX. Dico ergo. Diabolus in primo instanti suae creationis non fuit malus, seu non peccavit propria voluntate. Ita S. Thomas laudatus dicens: *Quidam posuerunt, quid statim Daemones in primo instanti suae creationis mali fuerint, non quidem per naturam, sed per peccatum propria voluntatis: quia ex quo esset factus Diabolus, iustitiam recessit.* Quae opinio licet diversa sit ab errore Manichaeorum, supra confutato, teste D. August. lib. 12. de Civit. Dei c. 13. à D. Thoma, relato, dicens: *Initium*

*sententia quisquis acquiescit, non cum illis haeticis sapit, idest: Manichaeis, & si qua alia pestes ita sentiant, quid suam quandam propriam tanquam ex adverso quodam principio Diabolus habuit naturam mali.* Quia tamen (subjungit S. Thomas) *haec opinio auctoritati Scripturae contradicit... idcirco à Magistris... tanquam erronea, rationabiliter reprobata est: quod repetit, Qu. 26. de Malo a. 4.*

X. Probatur ergo ex Scrip. Primò. Genes. 1. v. 3. *Viditque Deus cuncta, quae fecerat, & erant valde bona:* inter ea autem erant etiam Daemones: ergo Daemones aliquando fuerunt boni. Ita D. Tho. hac Qu. 63. a. 5. in Argum. sed contra. Secundò. Isaia: 14. v. 12. *Quomodo cecidisti de caelo Lucifer, qui mane oriebaris?* ergo in ortu suo fuit prius lucidus Diabolus, antequam caderet. Tertiò. *In delictis Paradisi Dei fuisti: omnis lapis pretiosus operimentum tuum &c.* dicitur Ezechiel. 28. v. 13. & v. 15. *Perfessus in viis tuis à die conditionis tuae, donec inventa esset iniquitas in te:* quare persona Regis Tyri ad Diabolum dicuntur: ergo prius perfectus fuit in viis suis, deinde in eo inventa fuit iniquitas. Quartò. Ioi. 8. v. 44. *habetur: Ille homicida erat ab initio, & in veritate non stetit.* Ab initio, idest initio generis humani, non initio suae conditionis, exponit S. August. l. 22. de Civit. Dei, c. 25. citatò, ubi advertit: *Non dixisse Dominum: A veritate alienus fuit, sed in veritate non stetit. Ubi à veritate lapsus intelligi voluit: in qua nique si stetisset, ejus particeps factus, beatus cum sanctis Angelis permaneret.* Ex quibus evidens sit, S. Augustinum recessisse ab ea opinione, quae ponit, Diabolum semper malum fuisse, inquam aliquando tanquam probabilem propensum fuerat, lib. 22. Genes. ad litt. ubi tamen disputando potius, quam asserendo, locutum fuisse, ait D. Th. Qu. 26. de Malo a. 4. citatò. Revo-canda sunt huc quae §. praecedente recitavimus ex Concilio Bracaren. & S. Leone, & quae supra, Qu. 7. Dub. 2. §. 2. attulimus ad probandum, Angelos

M m

fuisse

fuisse creatos in gratia, ubi quoque aliquas Scripti. auctoritates apparenter contrarias exposuimus.

XI. Solum circa textum 1. Joann. 3. v. 8. *Ab initio Diabolus peccat*, observo eum varias habere expositiones. Prima est, quam superius ex D. Augusti. lib. 11. de Civit. Dei c. 13. retulimus; nempe *Ab initio* sumi, non pro initio conditionis suae, sed ab initio conditionis hominis. Ex quo enim homo conditus est, semper peccat Diabolus, conando eum decipere. Secunda est, quam tradit D. Thomas hoc a. 5. ad 3. ex eodem S. Augusti. lib. 11. de Civit. Dei citato, c. 13. nimirum: *Cum dicitur, quod Diabolus ab initio peccat, non ab initio, ex quo creatus est, peccare putandus est; sed ab initio peccati, quia nunquam à peccato suo recessit.* Tertia tandem est, quam indicat idem S. Thom. Q. 16. de Mala a. 4. ad 1. ut ab initio sit idem, quod statim post initium, vel circa initium creationis mundi peccavit.

XII. Quanta autem mora intercesserit ab Angeli conditione ad ejus primum peccatum, ostendimus supra, Q. 7. Dub. 3. §. 2. nec ibi dicta, sunt inutiliter repetenda. Quod hic negotium facessit, est: an, sicut in primo suae creationis instanti Angelus non peccavit; ita nec peccare poterit. Pro quo.

#### DUBIUM V.

An Angelus Peccare poterit in Primo suae Conditionis Instanti?

##### §. I.

*Resolutio. negativa.*

1. **A**D hoc dubium excitat nos D. Thomas. hoc a. 5. q. 63. dùm ait. *Impossibile fuit, Angelum in primo instanti peccasse per inordinatum usum liberi arbitrii.* Cujus oppositum sentiens Scotus, celebre interuteramque Scholam fecit hoc dubium, in quo tractando multas paginas implens; aliqui; nos sobrietate contenti Can-

didatum plura desiderantem ab illos amandabimus.

II. Dico ergo. Angelus in primo suae conditionis instanti peccare non potuit, hoc est, prima operatio, quam Angelus statim ac conditus ehevit, non potuit esse inordinata, & defectuosa. Probatur ratione, qua utitur D. Thomas hic, sub hac forma. *Quamvis res aliqua in primo instanti, quo esse incipit, simul incipere possit operari, tamen illa operatio, qua simul incipit cum esse rei, est ei ab agente à quo habet esse; ergo si Angelus in primo instanti haberet operationem defectuosam, illa operatio inesset ei ab agente, à quo habet esse: sed agens à quo Angelus habet esse, est Deus; ergo operatio incipiens cum esse Angeli inest ei à Deo, & sic si esset defectuosa, ille defectus inesset ei à Deo: cumque à Deo nequeat esse defectus, nullius enim defectus causa esse potest, illa prima operatio defectuosa esse nequit.*

Antecedens, in quo tota est difficultas, probatur a D. Thom. Tum exemplo motus gravium, & levium; qui cum incipiat simul cum esse illorum, quoties extra locum sibi connaturalem generantur, dicitur inesse eis à generante. Tum exemplo tibur, quae, si nascatur curva, & statim incipiat claudicare, claudicatio tribuitur debilitati seminis in generante: & etiam motus cordis in animalibus, idcirco eis à generante inest, quia incipit cum esse animalium. Ratio autem est: quia res cum primò incipit esse, nullam potest inclinationem, aut dispositionem habere ad operandum, nisi eam, quam ab Auctore suae naturae inditam accepit: ex quo sequitur, quod talis operatio etiam si à libero arbitrio liberè operante procedat, debeat esse conformis principis illi, quae dante ab Auctore naturae: idcirco in ipsum, ut specialem motorem in re operantem referri, nedùm quoad entitatem tantùm, sed quoad omnem modum, & conditionem, quam habet. Illa enim operatio cum esse rei incipiens, est quasi corollarium, & complementum actionis producentis rem in esse, & qua constituitur potens;

& expedita ad alias operationes subinde faciendas; sicut motus cordis incipiens cum elici animalis, constituit animal in actu primo potens se movere per alios motus.

III. His preoccupatur responsio Adversariorum communiter respondentium, principium hoc D. Thomæ non valere in operatione vitali, & libera, qualis fuit prima operatio Angeli, ut potè meritoria.

IV. Nam contra sic. Actio vitalis, & libera etiam si elici debeat à principio intrinseco vivente, & libero, debet tamen (si creata sit) procedere à principio extrinseco movente generali; & si est prima, debet esse ab eodem ut movente specialiter; ergo omnis operatio Angeli, etsi vitalis, & libera, debet procedere à Deo, ut motore generali; & si est prima, ut motore particulari, & speciali. Antecedens pro prima parte continet doctrinam Thomistarum jam statutam, nempe voluntatem creatam etiam ad actus suos liberos indigere moveri à Deo. Pro secunda verò probatur. Nam voluntas ad actum primò primum nequit seipsam à seipsa movere, & applicare; aliàs idem secundum idem, & respectus ejusdem esset movens, & motum. Qua ratione D. Th. 1. 2. q. 109. 2. 2. ad 2. *Homō (inquit) est Dominus suorum actuum. & volendi, & non volendi propter deliberationem rationis, qua potest scire ad unam partem, vel aliam: sed quod deliberet, vel non deliberet, etsi hujusmodi etiam sit dominus, oportet, quod hoc sit per deliberationem præcedentem; & cum hoc non procedat in infinitum, oportet, quod finaliter deveniatur ad hoc, quod liberum arbitrium hominis moveatur ab aliquo exteriori principio, quod est supra mentem humanam, scilicet à Deo...* unde mens hominis etiam sani non ita habet dominium sui actus, quin indigeat moveri à Deo &c. Qui ex professo eadem 1. 2. q. 9. 2. 4. loquens de primo actu voluntatis, docet, quod cum voluntas non se moveat, nisi mediante consilio, & ex aliqua voluntate præsupposita, ne sit procedendum in infinitum: *Necesse est ponere,*

*quid in primum motum voluntatis voluntas procedat ex instinctu alicujus exterioris moventis a quo speciali modo applicantis.*

V. Roborantur dicta. Ad liberè volendum necessariū requiritur dictamen prædictè proponens obiectum, & præcedens actum voluntatis, eamque regulans: sed Angelus nequit à seipso moveri ad formandum tale dictamen practicum, præcedens primum actum voluntatis; ergo debet ad illud formandum specialiter moveri à Deo. Minor probatur. Nam Angelus non posset à se moveri ad formandum illud dictamen practicum, nisi per actum voluntatis: sed ad dictamen præcedens primum actum voluntatis, non potest moveri per actum præcedentem voluntatis; alias actus per illud dictamen regulatus, esset primus voluntatis actus, & non esset primus, & procederet in infinitum; ergo &c. Unde D. Thomas, hac 1. 2. P. q. 82. 2. 4. ad 3. *Non oportet (inquit) procedere in infinitum. Sed statim in intellectu sicut in primo. Omnem enim voluntatis motum, necesse est, quod præcedat apprehensio; sed non omnem apprehensionem præcedit motus voluntatis; sed principium consiliandi, & intelligendi est aliquod intellectuum principium, aliis intellectu nostro, quod est Deus.* Ex quibus sic discuro. Non potuisset Angelus in primo instanti habere actum defectuosum in voluntate, quoniam in ea præcessisset pro priori natura dictamen defectuosum proponens illi bonum, ut appetendum absque debita consideratione, in hoc enim solum potuit esse Angeli peccatum: sed si ad primum dictamen formandum fuisset Angelus, non à sua voluntate, sed unice à Deo motus, non potuisset proponere obiectum, cum tali defectu, quoniam talis defectus refulderetur in Deum, & consequenter etiam defectus ex eo in voluntate secutus; cum defectus voluntatis supponat defectum intellectus proponentis practicum, ut appetibile id, quod vel non est appetibile, vel non eo modo appetendum est; ergo &c. Mitto alias rationes, quæ, videri poterunt apud Nostrum, &c.

M m 2

VL

VI. Probo secundò sic. Angeli in primo instanti suæ creationis non potuerunt peccare de potentia ordinaria; ergo nec potuerunt peccare de potentia extraordinaria; ergo pro eo instanti fuerunt omni modo impeccabiles. Consequenter prob. ex dictis superius. Quando enim aliquid de potentia ordinaria fieri nequit, si de potentia Dei extraordinaria fiat, hoc vel soli Deo attribuitur, vel Deo ut causæ principali, & creaturæ ad summum ut instrumento; sicut quia de potentia ordinaria fieri nequit, quin ignis applicatus comburatur; si hoc de potentia extraordinaria fieret, ut in fornace Babylonica factum fuit, Deo principali Auctore fieret; quia quod de potentia ordinaria fieri nequit, & de potentia extraordinaria fit, fit supra naturam rei creatæ, supra, aut contra exigentiam ejus, ac proinde non ab intrinsecis illius est, sed ab extrinseco provenit; ergo si non posset in creatura intellectuali pro primo instanti reperiri peccatum de potentia ordinaria, & Deus de sua extraordinaria potentia vellet, ut in ea reperiretur; ejusmodi peccatum attribueretur Deo, si non ut causæ totali, saltem ut causæ partiali, creaturæ autem solum ut instrumento, quod repugnat.

Ant. verò probatur. Nunquam Deus creaturam rationalem produxit, quam in primo suæ conditionis instanti peccare permiserit, nec unquam producit in tanta enim multitudine Angelorum nullus de facto in primo instanti peccavit, sicut nec primus homo; ergo signum est, hoc de via ordinaria fieri non posse. Consequenter prob. Si de potentia ordinaria Angelus in primo instanti peccare potuisset, in aliquibus convenienter permisisset, ut peccarent, sicut de facto in secundo instanti permisit; convenient enim fuisset, ut pro eo instanti fineret agere secundum suam naturæ defectum; hoc enim universalis Providor est, ut in aliquibus defectum permittat. Rursus: Idem enim in secundo instanti permisit, ut aliqui peccarent, ut dignoscerent, quid in eis valeret liberum ar-

bitrium sine gratia, indeque appareret miseria creaturæ sibi relicte, & necessitas auxiliorum divinæ gratiæ; ut hoc exemplo daretur occasio humilitatis, majoris cautelæ, aliarumque virtutum, quas exerceat iusti, dum aliorum, maxime, qui magis perfecti videbantur, lapsus considerant: sed hæc rationes multò magis urgent pro primo instanti; si enim nec per unum instantem Angelus stare potuisset, multò magis apparuisset creaturæ miseria, & necessitas gratiæ; major data fuisset occasio humilitatis &c. ut per se patet; ergo &c. Quare si Deus hoc non permisit, si- gnum evidens est, quòd de via ordinaria non poterat pro illo instanti in Angelo esse peccatum.

VII. Confirmatur. Ex quo Deus creavit Angelum, elevando ipsum ad ordinem, & finem supernaturalem tanquam universalis Providor, debuit ipsum condituere in actu primo proximo in ordine ad talem finem: sicut enim rebus naturalibus dedit in earum conditione virtutes seminales ad fines, ad quos eas destinavit; sic Angelis ad finem supernaturalem elevatis in instanti suæ conditionis debuit ut universalis Providor dare gratiam habitalem, quæ est velut semen supernaturalis Beatitudinis, ut docet D. Tho. 1. 2. q. 62. a. 3. in Corp. Cum ergo gratia habitualis sit saltem connaturaliter impossibilis cum peccato pro eodem instanti; sequitur, quòd pro eodem primo instanti de potentia ordinaria non potuerit Deus permittere in Angelis peccatum. Inio cum pro illo instanti teneretur Deus movere Angelum ad aliquam operationem circa finem supernaturalem, sicut tenebatur ipsum movere ad operationem circa finem naturalem, sequitur etiam, quòd tenebatur conferre Angelo auxilium efficax ad amorem Dei supernaturalem, eam quo pariter impossibile est peccatum mortale, cujus solius Angelus capax est. Quòd si hæc Deus non contulisset, secundum potentiam extraordinariam operatus fuisset, & si Angelus peccasset, illud peccatum, in Deum refundendum fuisset.



## §. I I.

## Fundamenta contraria.

VIII. **O**bjiciunt primo. Homo peccare potest in primo instanti usus rationis: sed primum instanti usus rationis in homine correspondet primo instanti creationis in Angelo; ergo Angelus &c.

Confirm. primò. Anima rationalis in ipso lux creationis instanti inficitur peccato originali, quin hoc peccatum incipiens cum esse animæ, Deo tribuitur; ergo Angelus statim ac creatus potuit infici peccato quin &c.

Confirm. secundò. Quod homo in primo instanti usus rationis peccet, & anima in eodem creationis instanti peccato inficitur, secundum cursum ordinarium contingit; ergo etiam si Angelus peccaret in primo instanti, hoc secundum viam ordinariam accideret.

IX. Respondetur communiter, dist. maj. physico, & initiativo, nego, maj. morali, & consummativo, conc. maj. Primum instanti, quo homo pervenit ad usum perfectum rationis, & sit capax peccandi, non est physicum, ac indivisibile, sicut primum instanti Angeli; sed morale constans ex pluribus instantibus physicis, quæ constituunt aliquam morulam temporis longiorem, vel brevior, juxta acumen, vel tarditatem ingenii. Si de primo illo instanti physico, in quo puer incipit moveri ad usum rationis sermo sit; cum illa prima cogitatio specialiter insit illi à Deo, eadem ratione negatur, posse pro eo instanti peccare, quæ de Angelo: & hoc idem dicimus de primo instanti physico, quo incidimus de aliquo negotio primò cogitare; talis enim cogitatio à Deo specialiter insit. Si verò de toto instanti morali, ut concluditur ultimum instanti physicum, quo puer jam pervenit ad perfectam deliberationem rationis; cum non jam à Deo specialiter moveatur, sed & à seipso, sic dicimus posse peccare. Sed non est contra nos.

X. Respondeo secundò, admitta maj. dist. nam. cæteris paribus, co. min. si

cætera non sint paria, nego min. Cum ergo D. Thomas asserit operationem incipientem cum esse rei, Auctori naturæ esse tribuendam, utpote procedentem secundum inclinationem habitam ab eo; supponit in illa non esse aliam inclinationem præter eam, quam ab Auctore naturæ habuit: Quod si in re adsit alia inclinatio ex alia causa eam inclinante ad malum, non recte infertur primò operatur; ergo operatur ex inclinatione, quam habuit ab Auctore naturæ. Cum ergo in homine, dum pervenit ad usum rationis, & adsit inclinatio ad bonum rationis, quam à Deo Auctore accipit; & adsit etiam inclinatio ad malum, descendens ex natura, ut peccato primi hominis infecta, non infertur: homo in primo instanti usus rationis operatur; ergo operatur secundum inclinationem ab Auctore naturæ descendentem: & consequenter, si tunc peccat, non peccat ex his, quæ habet à Deo, sed ex his, quæ ex corruptione peccata contraxit. Propterea acutè D. Tho. 3. P. q. 34. a. 3. ad 1. *Libertum* (inquit) *arbitrium in primo instanti creationis potest moveri ad bonum moriendo, non autem ad malum peccando, si tamen natura sit integra.* Cum ergo in Angeli natura esset integra, sicut & in Adamo ante peccatum; idè nec Angelus, nec Adamus, in prima sui libera operatione peccare potuerunt: quod non currit de homine peccato Adam infecto in sui prima operatione. Hic enim via ordinaria in prima sua operatione peccare potest, & peccat, quod nec Angelo, nec Adamo contingere potuisset, nisi Deo via extraordinaria operante, & peccatum eorum suum faciente, ut probatum est.

XI. Ad primam confirm. dico: animam rationalem in instanti creationis infici peccato, non secundum ea, quæ habet à Deo creante, sed secundum ea, quæ habet ex corpore infecto, cui univ. Unde licet illa infectio incipiat cum esse animæ, adest principium, cui tribuitur; quod in Angelo non contingeret: nam esto in illo esset propria voluntas, cum tamen tunc moveretur à Deo

à Deo specialiter, non poterat moveri nisi ad bonum.

Aliter responderi potest, peccatum originale non esse per proprium actum animæ, sed per alienum, nempe Adam; sed peccatum Angelorum fuisse per proprium actum, & actus ille fuisse prima eorum operatio. Fundatur hæc solutio in D. Thoma, Q. 16. de Malis a. 4. ad 21. dicente: *Anima in primo instanti sua creationis efficitur mala, non per actionem propriam, sed per unionem ad corpus infectum; unde non est similis ratio de Angelo, qui non potuit fieri malus, nisi per proprium actum.* Sicut si in eodem instanti, quo corpus generatur, fordidaretur à cæno, in quo inciperet esse, sordes illa non generantur; sed cænofo principio extrinseco tribueretur.

XII. Ad secundam confirm. respondeo ex dictis, in homine perveniente ad usum rationis, & anima dum uniatur corpori, esse principium interinfectionis inferens peccatum, & infectionem, nempe pravam inclinationem, & maculam ab Adamo traductam; & idem via ordinaria contingit. At in Angelo pro primo instanti nullum erat principium proximè ipsum ad peccandum inclinans; & idem &c.

XIII. Obijciunt secundò. Angelus in primo instanti potuit mereri, imò de facto meruit; ergo potuit demereri, & peccare.

Retorqueo primo argumentum. Omnes Angeli in primo instanti meruerunt, & nemo eorum demeruit; ergo signum est, quod non poterant demereri. Revolvantur dicta superius.

XIV. Respondeo ergo, co. antec. neg. consequ. cum D. Tho. hæc Q. 63. a. 3. ad 3. quod *Quidquid est in merito est à Deo; & idem in primo instanti sua creationis Angelus mereri potuit; sed non est similis ratio de peccato, quod nullo modo à Deo esse potest, non solum elicitive, sed neque motivè. Quibus prævenitur instantia fieri solita.* Nam licet Deus non possit mereri elicitive; potest tamen movere creaturam ad merendum: peccare autem neutro modo potest, nempe nec elicitive ac-

tum peccaminosum, nec movendo ad peccandum.

Aliter respondet idem S. D. 3. P. q. 34. a. 3. ad 1. negando similiter consequ. Nam *Liberrimum arbitrium non eodem modo se habet ad bonum, & malum. Nam, ad bonum se habet per se, & naturaliter; ad malum autem se habet per modum defectus, & præter naturam. Sicut autem Philosophus dicit in secunde de Celo (text. 18.) post irus est, quod est præter naturam eo, quod est secundum naturam; quia id, quod est præter naturam, est quadam exciso ab eo, quod est secundum naturam. Et idem liberrimum arbitrium creatura in primo instanti creationis potest moveri ad bonum merendo, non autem ad malum peccando, si tamen natura sit integra.* Cum ergo natura Angeli sit integra, connaturale illi erat, ut in primo instanti moveretur ad bonum merendo; ita ut moveri ad malum esset præter naturam ipsius: adeoque de potentia saltem ordinaria peccare non poterat, sed nec etiam de potentia extraordinaria, ut supra probatum est.

XV. Sed instabis primò. Plus requiritur ad merendum, quam ad demerendum: nam mereri est bonum, demereri autem est malum; Bonum verò ex integra causa, malum ex quocumque defectu.

Secundò. Supponimus, in primo instanti Angelum habuisse præceptum diligendi Deum Auctorem gratiæ: Angelus ita liberè dilexit Deum, ut habuerit indifferenciam ad eum non amandum; ergo habuit libertatem ad transgrediendum præceptum; ergo ad peccandum: quia, sicut stante præcepto, non amare esset transgredi præceptum; ita stante præcepto, posse non amare erit posse transgredi præceptum.

XVI. Ad primam instantiam, dist. ant. plus requiritur ex parte actus, cone. ant. plus ex parte libertatis ad actum, nego ant. Ad merendum plus requiritur ex parte actus, quia ad actum bonum, & meritum necesse est, ut concurrant omnes circumstantiæ debite; ubi ad hoc, ut actus sit malus, sufficit ut una, vel altera circumstan-

tia deficiat; & hoc significat axioma adductum *Bonum ex integra causa*. *Gr.* Non tamen plūs libertatis, & indifferentiæ requiritur ad bonum, quàm ad malum. Nam ad bonum, & ad meritum sufficit libertas contradictionis, nimirum; ad ponendum actum, & non ponendum; ad malum autem, & demeritum requiritur etiam libertas contrarietatis, nempe ad ponendum actum bonum, & contrarium ejus, nempe malum. Quare in Christo fuit perfectissima libertas ad meritum, in quo tamen non erat ad demeritum; & in Diemonibus est libertas ad demeritum, non ad meritum.

XVII. Ad secundam eodem modo respondendo, distinguo ant. indifferentiam ad non amandum sumpto *non amare*, contradictoriè, & negativè, conc. ant. sumpto privativè, & contrariè, nego ant. Et instatur in Christo, qui stante præcepto Patris de subeunda morte, adhuc liberè mortuus est, & poterat non mori; & tamen peccare non poterat. Ita Angelus in primo instanti. Potest ergo sumi *non amare* privativè, id est, ut coniungendum cum præcepto de amando; & sic quemadmodum non amare esset transgredi præceptum; ita posse non amare esset posse præceptum transgredi. Potest etiam summi *non amare* contradictoriè, & negativè; & sic cum præcindat à præcepto amandi, posse non amare non est posse peccare. Hoc autem modo poterat non mori Christus, & non amare Angelus in primo instanti, quamvis nemo posset peccare. Sed de hoc fufius dum agemus de Impeccabilitate Christi.

XVIII. Obijciunt tertio. Si Angelus non posset peccare in primo instanti, neque posset in secundo: sed in secundo de facto peccavit; ergo potuit in primo. Maj. prob. Nam in secundo instanti nihil plus ei accessit, quod non haberet in primo: habuit enim in primo ex parte intellectus commissionem proponentem obiectum cum indifferentia, & ex parte voluntatis libertatem.

Confirm. Angelus ad operandum in secundo instanti movetur ab operatione habita in primo instanti, sicut ex

intentione finis movetur quis ad electionem mediorum: sed ex intentione bona non potest quis moveri, & applicari ad electionem malam; actio enim bona non potest influere in actionem malam, sicut nec antecedens verum in consequens falsum; ergo si &c.

XIX. Respondo. neg. maj. ad prob. dico: in secundo instanti ablatum fuisse impedimentum, quo detinebatur, ne in primo peccare posset: tùm ex parte intellectus; quia in secundo sua voluntate se applicavit ad formandum dictamen prædicum, ubi in primo actu à Deo solo applicabatur: quare in secundo potuit esse defecuosus, non in primo. Tùm etiam ex parte voluntatis; quia in secundo cepit esse libera libertate etiam contrarietatis, ubi in primo erat libera libertate solius contradictionis.

XX. Ad conf. dico primò, instantiam retorqueri posse in Adversarios. Nam ex ipsis ex intentione bona non potest sequi electio mala: sed in primo instanti omnes Angeli habuerunt intentionem bonam; ergo in secundo instanti non habuerunt electionem malam; ergo non peccaverunt.

Respondeo ergo, doctrinam fore veram, si ex intentione habita in primo instanti moveretur Angelus efficaciter ad electionem pro secundo instanti; sicut per dictamen sibi immisum à Deo movebatur efficaciter in primo: secus verò, si operatio primi instantis non moveat efficaciter ad operationem secundi instantis, ut de facto contigit. Nam cum in primo instanti specialiter moveretur à Deo, agere debebat secundum inclinationem ab ipso acceptam, quæ determinatè est ad bonum cum recto ordine. At in secundo movebatur etiam à seipso, & suo arbitrio plenus utebatur: unde potuit à prima intentione bona ad electionem malam, & inordinatam divertere; quamvis tamen operatio secundi instantis, quæ Angelus peccavit, cum fuerit circa finem, non possit dici electio in rigore, sed solum electio dici possit, quia aliam priorem intentionem supponit, & ex ea movetur. Hinc cavet adverte-

te,

ec, quòd dùm dicimus, Angelum ex intentione habita in primo instanti motum fuisse ad operandum in secundo; non intendimus, quòd illa prior intentio verè, & propriè influxerit in operationes subsequentes, sicut antecedens in consequens; sed solum quòd præcesserit tanquam dispositio reddens voluntatem Angeli expeditam ad liberè se movendum ad alias operationes.

XXI. Obijciunt quartò. Idèd non potuit Angelus peccare in primo instanti, quia peccatum illud tribueretur Deo, utpote incipiens cum esse rei: sed hoc est falsum. Primò. Quia etiam peccata sequentia deberent tribui Deo: sicut motus claudicationis tibie incipiens cum esse illius, generanti tribuitur non solum pro primo, sed pro quocumque instanti. Secundò. Illuminatio Solis simul incipit cum Sole, nec tamen Deo tribuitur, nisi ut causæ universali. Tertiò. Quia S. August. *l. 21. de Civit. Dei c. 13.* dicit, quòd qui sentiret Angelum ab initio suæ conditionis peccasse, non sentiret cum Manichæis tenentibus, quòd *Tanquam ex adverso quodam principis Diabolus habeat naturam mali.*

XXII. Respondeo, neg. min. Ad primam prob. nego sequelam. Nam exemplum tibie est quidem simile pro primo instanti, dissimile verò pro sequentibus. Etenim tibia, quæ nata fuit claudicans, eodem modo claudicat defectu generantis in reliquis instantibus, ac in primo: at operatio Angeli, quæ, si foret mala in primo instanti, tribueretur Deo, non tribueretur in secundo; quia esto in primo moveretur specialiter à Deo, & agere deberet secundum inclinationem à Deo inditam; in aliis tamen instantibus movebatur à seipso.

Ad secundam, nego consequ. Nam principium D. Thomæ non est intelligendum de omni operatione incipiente cum esse rei, sed de illa sola, quæ sit potens ad alias, sicut est motus cordis in animali, & prima operatio Angeli: talis autem non est illuminatio in Sole.

Ad tertiam ex Augustino respon-

deo, nec nos dicere, quòd si Angelus in primo instanti peccaret, haberet naturam malam, ut asserbant Manichæi; sed quòd si natura Angeli bona in primo instanti vitaretur, illud vitium deberet refundi in Deum Auctorem: quod arguitivè, esse non formaliter, ad Manichæos accedit, nec hoc negat Augustinus.

### §. III.

*An Supremus inter Angelos peccantes fuerit Supremus inter omnes Angelos?*

XXIII. **R**espondet D. Thom. hæc *Q. 63. a. 7.* probabiliorè esse partem affirmativam. Huic enim favere videntur scripturæ, & Patres à Scriptura quidem. Nam *Joh. 40. v. 14.* Lucifer sub typo Behemoth dicitur: *Principium viarum Dei.* Quòd exponens D. Gregorius *lib. 31. Moral. c. 23. (24. 24.)* ait: *Et principium viarum Dei Behemoth dicitur: quia nimirum, cum multa creans ageret, hunc primum candidit, quem reliquis Angelis eminentiorem fecit.* Hujus primatus eminentiam conspicit Ezechiel. *31. v. 8. 9.* cum dicit: *Cedri non fuerunt altiores illo in paradiso Dei... omne lignum paradisi Dei non est assimilatum illi, & pulchritudini ejus.* &c. quæ explicans idem Gregorius laudato loco, dicit: *Qui namque accipi in cedris, abjectibus, & plantis possunt, nisi illa virtutum, valefimus proceræ celsitudinis agmina in aterna lætitia viriditate plantata? Quamvis excelsa sint condita, bux tamen nec pralata sunt nec æquata... Ista arbor in paradiso Dei tot quasi condensas frondes habuit, quot sub se positas supernorum spirituum legiones attendit. Qui ideirò peccans sine venia damnatus est, quia magnus sine comparatione fuerat creatus. Pergens autem idem S. Gregorius, eminentiam Luciferi ostendit ex eodem Ezechiele *28. v. 14.* addens: *Tu Cherub extensus, & protegens in monte sancto Dei, in medio lapidum ignitorum perfectus ambulasti, subjungit & adducit iste Cherub, dicens, quia trans-**

*scimus*

*scendisse cunctos scientia non dubitatur. Et quia comparatione claritatis sua ceterorum claritatem adumbrasse creditur, ipse extensus, & protegens fuisse perhibetur. Reliquos enim quasi obumbrando operuit, qui eorum magnitudinem excellentia maiore transcendit. Et post multa: Consideret (inquit) ergo homo, quid elatus in terra mereatur, si & Prælati Angelis, Angelus in celo proflernitur.*

XXIV. Didurus fortè eris: hoc, quod dicit Cherub incidere principem Angelorum, qui cecidit, non fuisse omnium supremum, cum supra Cherubin sint Seraphim.

XXV. Sed optimè respondet S. Thomas, hoc 2. 7. ad 1. *Quod Cherubim denominatur à scientia, qua potest esse cum mortali peccato; Seraphim verò denominatur ab ardore charitatis, qua cum peccato mortali esse non potest. Et idè primus Angelus peccans non est denominatus Seraphim, sed Cherubim.* Hac D. Tho. Porro quòd revera esset de ordine Seraphim caritate excellens, priusquam peccaret, indicant prælaudata verba Ezechielis: *In medio lapidum igniterum perfectus ambulasti: idèst (inquit citato loco S. Gregorius) In medio ignitorum lapidum ambulavit, quia inter Angelorum corda charitatis igne successa clarus gloria conditionis existit.*

Huic opinioni alii quoque Patres suffragantur, ut Hieronymus, in c. 4. Daniel. Ante ipsum Tertullianus, lib. 2. contra Marcionem, c. 10. vocans Diabolum Eminentissimum Angelorum. Accedunt Ildorus lib. 1. de Summo bono c. 22. Bernardus, l. de Gradibus humilit. c. 10. & Sermon. 1. de Adventu. dicen: quòd: *Superbia non movit Angelum, sed Angelorum primum in Diabolum commutavit.* Et est communis apud Theologos.

XXVI. Adeo quoque congruentia, quam sumit D. Thomas ex motivo, quod Luciferum ad peccandum induxit, nempe propria excellentia, in qua inordinatè sibi complacens superbiivit. In eo enim maximè locum habet superbia, in quo maxima est super alios

Tom. V.

excellentia, magis enim invenitur in superioribus, quam in inferioribus: cum ergo peccatum primi Angeli superbia fuerit, credibilis est, eam locum habuisse magis in supremo inter Angelos, quàm in aliquo ordinis inferioris.

Uterius. Permisit Deus peccatum Angeli, ut appareret, quid valeret liberum arbitrium sine gratia, & solam suam misericordiam valere ad beatitudinem: sed ad huius rei ostensionem magis conducebat permissio peccati in Angelo omnium eminentissimo; ergo &c.

Confirmatur. Ad offensionem suæ potentie frequentissimè Deus majores reprobavit, & eligit minores. Fratres enim erant Cain, & Abel, sed Abel minor electus est. Fratres erant Jacob, & Esau, & tamen non ex operibus, sed ex vocante dictum est, quia major serviet minori, & Jacob dilexit, Esau autem odio habuit. Ruben primogenito dicit Jacob pater: non crescas, & maledictionem patris incurrit, nec ex eo descendit Christus. Fuit Matthes major, quam Ephraim, Jacob tamen pater moriturus permutatis manibus, minori nepoti maiorem benedictionem largitus fuit. Denique minimus inter fratres erat David, qui tamen (refutatus alius) in Regem unctus est: sic igitur, ut appareret, quòd ex gratia, non ex natura, beatitudo acquiritur, creabile est, Deum: permisisse, ut suprenus Angelus caderet.

XXVII. Addit tamen S. Thomas, contrariam opinionem negantem, Angelum, qui primus peccavit, non fuisse omnium supremum, sua non carere probabilitate. Major enim ad peccandum pronus videtur esse in inferioribus Angelis, quàm in superioribus, qui magis accedentes ad Deum, magis ei aherent per affectum; cum igitur multi inter inferiores permanserint, non videtur verosimile, quòd supremus descenderet peccando. Eo vel maximè, quòd cum Deus fecerit creaturam intellectualem propter beatitudinem, non videtur credibile, divinam ordinationem in nobilissima creatura fuisse frustratam.

N n

XXVIII.

XXVIII. Accedit: quoddam Angeli supremi Deo soli assentes sunt; neque hisce rebus corporeis praesunt: Lucifer autem, & qui cum eo peccaverunt, videntur ex iis fuisse, qui rebus corporeis, imò & his inferioribus praesati fuerant. Unde Damascenus, *lib. 2. de Fide*, c. 4. ait, quoddam ex Angelis peccavit primus, fuit *Ex angelicis Virtutibus terrestri ordinis princeps*, cui custodienda terra cura à Deo commissa fuerat. Idem sentiat Chrysostomus, *Homil. 4. in Ep. ad Ephes.* addens, etiam post rebellionem principatu eorum, quae sub caelo sunt, non excidisse: unde & Paulus, *ad Ephes.* 2. v. 2. vocat eum *Principem potestatis aeris huius*. Quapropter S. Augustinus *lib. 3. de Genes. ad litt.* c. 10. & *lib. 12. c. 19.* hanc sententiam censet probabilem, & Scripturae loca, quae in contrarium adducuntur explicari sufficienter posse.

Et hac opinio (ait D. Thomas hoc 2. 1.) videtur consonare positioni Platoniorum, quam Augustinus recitat in *lib. de Civitate Dei* libro (c. 6. & 7.) & dicitur (c. 9. 10. & 11.) *Dicunt enim, quod omnes Dei erant boni, sed Daemonum quidam boni, quidam mali; Dros nominantes substantias intellectuales, quae sunt à globo lunari superius; Demones vero substantias intellectuales, quae sunt à globo lunari inferius, superiores hominibus ordine natura.*

## §. I V.

*An Peccatum primi Angeli fuerit aliis Causa peccandi?*

XXIX. **R**espondet S. Thomas, hac 9. 63. a. 8. Peccatum primi Angeli fuisse aliis causam peccandi, non cogentem, sed quasi exhortationem quadam, & suggestionem inducentem.

Probat primò, ex illo *Apocal. 12. v. 4.* ubi dicitur de magno dracone figura Diaboli: & *cauda ejus trahat tertiam partem stellarum*, id est exemplo suo traxit in peccatum tertiam partem Angelorum.

Probat secundò sic. Omnes Dæmones

illi supremo, qui peccavit, subduntur; unde Dominus *Matth. 25. v. 41. Discedite* (inquit) *malis diis in ignem aeternum, qui paratus est Diabolo, & Angelis ejus*; sed is est ordo divinarum providentiarum, ut cujus suggestioni aliquis consentit in culpa, ejus potestati subdatur in poena, secundum illud 2. *Petri, 2. v. 19. A quo quis superatus est, huius & servus est*; ergo &c. Huc spectant, quae sub typo Regis Babylonis dicit *Isaias, c. 14. v. 10. Tu populum tuum occidisti. Quae Ezechiel. c. 31. v. 9. sub typo Regis Assur ait: Amulata sunt eum omnia ligna voluntatis, quae erant in Paradiso Dei.* Ubi annuatio significare videtur vehementem quoddam desiderium Angelorum inferiorum imitandi superbam elationem de propria excellentia, quam eis fugerant Angelus superior. Et hac ratione *Principes Daemoniorum* in Evangelio Diaboli vocatur. Et propterea D. Thomas, 3. 2. 9. 8. a. 7. statuit, Diabolum caput esse omnium malorum.

XXX. Notat tamen S. D. ibi ad 2. exhortationem non dici praesentem eam, quae sit suasionem, & suggestionem proprie dicta, sed etiam eam, quae sit propositionem signi, aut exempli alius, ut imitemur, dant. Cum verò fieri poterit, ut eodem instanti, quo peccabat Diabolus, peccatum illud ceteri cognoverint, eique consenserint; idem probabile est, quod ait S. Thom. hic ad 1. omnes Angelos eodem instanti peccasse, & tamen unum fuisse causam peccandi alius: *Angelus enim non indiget ad eligendum, vel exhortandum, vel etiam consentiendum: tantorum mora, sicut bono, qui deliberatione indiget ad eligendum, & ad consentiendum, & locutione vocali ad exhortandum, quorum utrumque tempore agitur. Manifestum est autem, quod etiam homo, simul dum aliquid iam corde concepit, in eodem instanti incipit loqui, & in ultimo instanti locutionis, in quo aliquis sensum loquentis capis, potest assensire ei, quod dicitur, ut patet maxime in primis conceptionibus, quas quisque probat audire. Sublato ergo tempore locutionis, & deliberationis, quod in nobis requiritur,*

in eodem instanti, in quo primus Angelus suam affectionem intelligibili locutione expressit, possibile fuit, alios in eam consentire. Quibus patet, quòd primus Angelus peccans, non solum, mera propositione exempli, sed etiam suasionem, & locutionem potuisse alios ad peccandum inducere; & hos eodem instanti ei consentire, & peccare.

XXXI. Quomodo autem stet, quòd alii Angeli voluerint Diabolo peccanti obedire, ac subdi, & simul peccarint peccato superbiæ, quæ refugiendo subjectionem, non eam admittendo, concipitur!

XXXII. Respondeo: hæc optimè componi posse, si supponamus, alios Angelos in Diaboli peccatum consensisse, non ut ei tanquam principi subessent; sed ut sub eo suam beatitudinem consequi possent naturali virtute, quam hoc modo à Deo consequi non poterant. Quomodo in seditione illi, qui seditionis auctori adhærent, non ut ei se subiciant, hoc faciunt; sed ut ab eo privata commoda consequantur, quæ à legitimo principe non sperant: Superbus enim (ait D. Thomas, hoc a. 8. ad 2.) ceteris paribus magis vult subesse superiori, quam inferiori. Sed, si aliquam excellentiam consequatur sub inferiori, quàm sub superiori consequi non possit, magis eligit inferiori subesse, quàm superiori. Sic igitur non fuit contra superbiam Daemonum, quòd subesse inferiori voluerunt in ejus principatum consentientes; ad hoc cum principem habere volentes, ut virtute naturali suam ultimam beatitudinem consequerentur: præsertim quia supremo Angelo natura ordine etiam tunc subiecti erant. Quod tamen non est intelligendum, quasi hoc expresse conceperint (sic enim fuisset in eis error ante peccatum, quòd supra negavimus) sed quia ex modo appetendi, videntes Luciferum in propria excellentia sibi finem constituentem; eum imitando, Deum ac divinam regulam interpretativè contemserunt, ut supra dictum est.

§. V.

*An tot Peccaverint, quot Remanserunt:  
Et an ex singulis Ordinibus  
aliqui Angelorum  
Ceciderint?*

XXXIII. **P**riorem quaesiti partem, probabiliter resolvit Divus Thomas, hic a. 9. dicens, quòd *Plures Angeli permanserunt, quàm peccaverunt.* Et probat. Quia peccatum est contra naturalem inclinationem: sed ea, quæ contra naturam sunt, in paucioribus accidunt; ergo &c. Minor, quæ difficultatem habet, explicanda est. Vel enim potest intelligi de naturalibus; & sic (ait S. Doctor in 1. dist. 39. q. 2. a. 2. ad 4.) constat, quòd malum est ut in paucioribus. . . . quia causa naturales consequuntur effectus suos in majori parte, & deficiunt in minori. Vel post intelligi de voluntariis; & sic distinguenda est: si enim intelligatur de Angelis, Etiam quantum ad numerum invenitur malum ut in paucioribus; quia multò plures fuerunt remanentes, quàm cadentes, & fortè etiam plures, quàm omnes damnandi Dæmones, & homines. Si verò intelligatur de natura humana Bonum videtur esse, ut in paucioribus. Tum propter corruptionem naturæ humanæ ex peccato originali, quæ, si lux libertati, & inclinationi dimittitur à Deo generali Provifore, in pluribus circa bonum deficit. Quia, ut ait hic ad 1. plures sunt, qui Sequuntur bona sensibilia, quæ sunt pluribus nota, deserto bono rationis; & hoc naturæ vitio, quæ ad bonum sensibile est magis propensa. Tum etiam ex ipsa naturæ conditionis humanæ, quæ (ut ait S. D. loco ex 1. Sent. laudato, habet ædum privationi permixtum; non enim habet perfectiones eam dirigentes in opere sibi innatas, seu insulas, sicut Angeli; sed secundum se ad eas acquirendas est in potentia, & æqualiter se habens indifferenter ad omnia, vel intelligenda, vel facienda, (nisi per virtutes determinetur) & quia Malum contingit multipliciter, ut ait

N n 2

Dio.

Dionysius, & bonum uno modo; idè ut in pluribus stetit in malum.

XXXIV. In Scriptura quoque fundamentum habet hæc prior pars. Nam stellæ, quæ, *Apoc. 8. v. 12.* percussæ leguntur, sunt per metaphoram Angeli, qui ceciderunt; hæc autem fuerunt solum tertia stellarum pars: unde dicitur: & percussa est . . . tertia pars stellarum; ergo plures, nempe duæ partes Angelorum steterunt, & pauciores, nempe tertia pars, ceciderunt. Quare eiusdem libri c. 12. v. 4. de Angelorum apotatarum principe, quem Joannes magnum draconem nominat, hæc leguntur: & cauda ejus trahēbat tertiam partem stellarum cali, & misit eas in terram.

XXXV. Circa verò posteriorem partem, ait D. Thomas, hoc a. 9. ad 3. quòd secundum illos, qui dicunt, quòd Diabolus major fuit De inferiori ordine Angelorum, qui præstant terrestribus, manifestum est, quòd non de quolibet ordine ceciderunt, sed de infimo tantum.

Secundum verò illos; qui ponunt majorem Diabolum de supremo fuisse ordine, probabile est, quòd de quolibet ordine, aliqui ceciderunt; sicut in quolibet ordinem homines assumuntur in supplementum ruina angelica. Cùm ergo superius cùm eodem S. Doctore statuerimus, majorem Angelum inter eos qui ceciderunt, fuisse de supremo ordine; statuendum ut probabilius quoque est, eo peccante, ex omnibus ordinibus aliquos cum eo cecidisse.

XXXVI. Ratio congruentiæ ex S. D. hæc est. Quia in hoc Magis comprobatur libertas liberi arbitrii, qua secundum quolibet gradum ad malum flexi potest. Cum ergo secundum D. Aug. Deus permiserit peccatum in Angelis, ut ostenderet, quid valeret liberum arbitrium creaturæ sine gratia; ad hoc ostendendum magis congruum fuit, ut in omni gradu, & ordine Angelorum, in aliquibus hoc permitteret.

Id quoque significasse visus fuit Sanctus Paulus, *Rom. 8. v. 38. 39.* dùm, inter humani generis hostes recenset An-

gelos, Principatus, Virtutes, dicens: Neque Angeli, neque Principatus, neque Virtutes . . . neque creatura alia poterit nos separare à charitate Dei. Et 1. Cor. 15. v. 24. addens quoque Potestates, ait: Cum evaserit omnem Principatum, & Potestatem, & Virtutem. Ex his sic discuro; ex ordine Seraphim fuit supremus, qui peccavit, ut superius ostendimus; ex ordine Cherubim aliquos cecidisse colligitur ex c. 28. *Ezechiel.* ubi nomen Cherub in pravum sensum assumitur: Ex Principatibus, Potestatibus, Virtutibus aliquos praves esse indicat Paulus: Ex Angelis, imò & Archangelis, qui sub Angelorum nomine clauduntur, aliquos defecisse certò creditur. Tandem cum Throni, & Dominationes sint Seraphim, & Cherubim inferiores; probabiliter infertur, etiam ex istis, & consequenter ex quocumque Angelorum ordine, aliquos defecisse.

XXXVII. Advertit tamen S. Thomas laudato loco, a. 9. ad 3. quòd In Sacra Scriptura nomina quorundam ordinum, ut Seraphim, & Thronorum, Dæmonibus non attribuntur; quia hæc nomina sumuntur ab ardore charitatis, & in habitatione Dei, qua non possunt esse cum peccato mortali. Attribuntur autem eis nomina Cherubim, Potestatum, ac Principatum; quia hæc nomina sumuntur à scientia, & potentia, quæ bonis, malisque possunt esse communia.

## QUÆSTIO IX.

### De Pena peccati Angelorum.

POST peccatum sequitur pœna; & idè quæstionem de peccato Angelorum, quæstionem de pœna peccati subnectimus. Quia verò pœna Dæmonum est duplex; una in intellectu, & voluntate consistens, obtenebratio, nempe obstinatio, & dolor; alia eis ab extrinseco agente infligita; idè de singulis, ut unaquæque expocet, Candidatum nostrum imbuerè curabimus cum D. Tho. 1. P. q. 64.



## DUBIUM I.

De Pœna in Intellectu.

## §. I.

*An Intellectus Daemonum fuerit Obten-  
bratus circa Naturalia.*

**S**UPPONIT D. Thomas, hoc a. 1. quæst. 64. Quod duplex est cognitio veritatis. Una, quæ habetur per naturam. Alia, quæ habetur per gratiam. Et ista, quæ habetur per gratiam, est duplex. Una, quæ est speculativa tantum, sicut cum alicuius aliqua secreta divinatorum revelantur. Alia vero, quæ est affectiva produciens amorem Dei: & hæc propriè pertinet ad donum sapientiæ. Cum ergo obtenbratus sit subtrahitio lucis ad cognoscendam veritatem, quæstio est: an Dæmones in sui peccati pœnam fuerint lucis privati ad quantumque ex præteritis cognitionibus.

II. Dico primò. Cognitio, quæ habetur per naturam in Dæmonibus nec est ablata, nec diminuta. Ita D. Thome reatus. Et probat. Tum quia: hæc consequitur ipsam naturam Angeli, qui secunonum suam naturam est quidam intellectus, vel mens, & substantia omnino simplex: iteo à substantia omnino simplici, nihil potest subtrahi, ut dicatur per subtractionem naturalium puniri, sicut homo puniatur per subtrahendum manus, aut pedis, aut alicuius huiusmodi: ergo &c. Tum etiam quia, ut dicit Dionysius, c. 4. de Divinis nominibus. *Dona naturalia in eis integra manent*; ergo naturalis cognitio non est in eis diminuta.

III. Advertendum tamen censeo: quod cum cognitio naturalis alia sit pure speculativa, alia sit practica, effectiva; & affectiva. Rursus, alia sit in habitu, alia sit in actu; dubitari potest, de quo genere cognitionis D. Thomas loquatur, cum dicit, naturalem cognitionem à Dæmonibus nec esse ablatam, nec diminutam; & naturalia mansisse in eis integra: an scilicet de sola cognitione speculativa, & de sola cogni-

tione habituali, seu de donis naturalibus, quæ consequuntur eorum naturam, & ab eorum voluntate non dependent.

IV. Hoc dubium tollit D. Dionysius ipse, c. 4. citato dicens: *Dati ipsi angelica dona nequaquam ipsa mutata dicimus: sed sunt & integra, & splendidissima; quamvis ipsi non vident claudentes ipsorum boni inspectivas virtutes.* Quæ exponens D. Thomas ibi, lect. 19. *Dona angelica* (inquit) *idest ad angelicam naturam pertinentia, quæ in principio data sunt eis, nequaquam dicimus esse mutata, ut ex eorum mutatione mali effecti sint: sed permanent integra, idest absque corruptione natura, & splendidissima, idest absque diminutione naturalis luminis intellectualis.* Sed quod ipsi non vident, hoc provenit ex hoc, quod ipsi per liberum arbitrium clauferunt suas virtutes inspectivas boni, idest, averterunt voluntariè suum intellectum, non à consideratione veri, sed ab inspectione boni, inquantum est bonum, quia scilicet nolunt illud sequi.

V. Ex his patet, in Dæmonibus mansisse integram eorum substantiam, integras facultates naturales, intellectum, & voluntatem, integras species omnes intelligibiles: hæc enim sunt naturalia dona, quæ Angelis suæ concessa in sui conditione: & quæ vel eorum naturam consequuntur, vel naturaliter exiguntur; & quæ aliunde non sunt incompatibilia cum peccato, neque ex eorum perversa voluntate dependent. Integram quoque in eis mansisse cognitionem speculativam principium, & conclusionem in eis contentatum, docet S. Thomas, Qu. 16. de Malo, art. 6. in corp. cum cognoscant eas immediatè in principiis, non autem à principis discurrant, sicut nos, ad conclusiones.

VI. Verum quantum ad actualem usum talium specierum, & applicationem, seu exercitium liberum suarum, potentiarum ad particularia objecta, electionem boni, & mali, applicationem suæ substantiæ ad locum sicut placebit, & productionem effectuum exteriorum, puta lucis, & motus pro gubernatione.

natione Universi; quia hæc à voluntate Angeli pendent, idcirco quædam à Dæmonibus fuere totaliter ablata, & quædam diminuta. Nulla ergo in eis superest cognitio practica boni moralis: seu esset illud speculativè cognoscant, nolunt tamen illud eligere, & facere. Et hoc est, quod D. Dionysius vocat claudere oculos, sive actualem visionem, aut cognitionem boni impedire. Non habent libertatem collocandi suam substantiam, ubi volunt, nec cogitandi practicè de omnibus, quæ sibi placeant, nec producendi effectus omnes, quos vellent, & sicuti vellent; sed in his omnibus ligantur, & impediuntur, vel per ignem Inferni, vel per bonos Angelos coercentur; ne perturbent ordinem Universi, & ne possint nobis nocere, quantum sua perversa voluntate exoptarent, sed solum quantum Deus permittit.

VII. Hac distinctione solvuntur ea, quæ resolutioni D. Thomæ videntur esse contraria: videlicet, quod Sanctus Ignatius Episc. ad Philipp. dicat, Diabolum nescire, quod bonum est, ed quod ignorantia repletus sit per inobedientiam. Et August. in *Enchirid.* cap. 24. & 25. ei sicut homini subintrasse ignorantiam rerum agendarum; propter quam, lib. 9. de Civit. Dei dicit, eum sæpè falli: & lib. 20. c. 2. Dæmonem, & hominum miseram vitam erroribus, & ærumnis plenam esse.

VIII. Hæc enim omnia componuntur, dicendo: Ignarium, & Augustinum loqui, non de cognitione speculativa, sed de practica, in qua sæpè falluntur ex dictis; & etiam æstimantes aliquid ex causis naturalibus eventurum, quod non evenit, vel non eventurum, quod evenit, excruciant eos superbia, invidia, & obstinata in malo voluntate. Hoc enim etiam D. Thom. docet, citata Q. 26. de Malo a. 6. ad 23. ubi, quod Diabolus in sua æstimatione decipatur dicit, procedere de cognitione passiva, vel affectiva, quod repetit ad 23.

## §. I I.

An fuerit Obtenebratus circa supernaturalia?

IX. Dico secundò. Cognitio de divinis mysteriis non est totaliter ablata Dæmonibus, valde tamen imminuta. Loquor autem de cognitione speculativa tantum, sicut cum quis per revelationem cognoscit secreta divinorum. Ita S. Tho. hoc a. 1. qui priorem partem probat: ed *Quia de huiusmodi secretis divinis tantum revelatur eis, quantum oportet, vel mediante Angelis, vel per aliqua temporalia divina virtutis effecta.* Posteriores etiam partem ostendit: quia nec Verbum divinum intrinsecus, nec veram ac propriè dictam fidem habent, ut a. 2. q. 5. a. 2. probatur. Proinde nec aliquo supernaturali lumine illustrantur; idèque eorum cognitio de talibus mysteriis supernaturalis est solum ex parte obiecti. Nec ex pia affectione certò moti, sed ex evidentia signorum, convicti, vel nolentes, credunt; sic, ut adhuc dubitent, quando de mysterio Incarnationis peracto dubitabant: *Si enim perfecti, & per certitudinem cognovissent, (Christum) esse Filium Dei, & effectum passionis ejus, nunquam Dominum gloria crucisigi protraherent.* Ita D. Tho. hic ad 4.

X. Totum hoc expressit S. Augustinus, lib. 9. de Civit. Dei, cap. 2. à D. Thom. laudatus, ubi docet, Christum Diabolo modò minus, modò magis, ut sibi placuit, innovuisse: *Tantum (inquit) eis innovuit, quantum voluit; tantum autem voluit, quantum oportuit. Sed innovuit, non sicut Angelis sanctis, qui ejus secundum id, quod Dei Verbum est, participata aternitate perfruuntur; sed sicut eis terrendis inimpetescum fuit, ex quorum tyrannica quodam modo potestate fuerat liberaturus prædestinatus in suum regnum, & gloriam semper veracem, & veraciter sempiternam.* Innovuit ergo Dæmonibus, non per id, quod est vita aterna, & lumen incommutabile, quod illuminat pios; cui videndo per fidem, qua in illo est, corda

mun-

*mundatur a sed per quadam temporalis sua virtutis effecta, & occultissima signa presentia, qua angelicis sensibus etiam malignorum spirituum potius, quam infirmitati hominum possent esse conspicua. Denique quando ea paululum suppressimenda iudicavit, & aliquantulum altius latuit, dubitavit de illo Daemonum principe, eumque tentavit, an Christus esset explorans &c. Ita S. Augustinus.*

XI. Dico tertio. Cognitione per gratiam, quæ est affectiva, & inducens amorem Dei, totaliter privati sunt Dæmones, sicut & charitate, Ita D. Thom. hoc 2. 1. Est de fide, quæ nos docet, Dæmones in æternum dilectione Dei supernaturali super omnia fore privandos, & obtinatione sua, atque in Deum odio, ne aliqualem supernaturalem Dei amorem, eth imperfectum, sicut surgere solet in peccatoribus, concipiant, in æternum impediendos, ut suo loco dicemus.

## DUBIUM II.

### De Pœna in Voluntate.

#### §. I.

##### *An Dæmones sint Obstinati in malo?*

I. **R**eserente S. Thoma, hac qu. 64. 2. 1. *Origenis positio fuit, quod omnis voluntas creata propter libertatem arbitrii potest flecti in bonum, & in malum, excepta anima Christi propter unionem Verbi, quæ sic est fixa in bono, ut ad ad malum non possit flecti. Ex quo deducebat, Dæmones, & damnatos aliquando fore convertendos. Hoc errore notant Origenem, S. Hieronymum, S. Augustinus, S. Epiphanius, & alii. Quidam eum purgare contendunt, de quo aliqua dicemus infra. Sed cuiuscumque sit: Hoc positio (inquit S. Doctor) tollit veritatem beatitudinis à sanctis Angelis, & hominibus, quia stabilitas sempiterna est de ratione vera beatitudinis, unde & vita æterna nominatur. Repugnat etiam auctoritati Scriptura Sacra, qua Dæmones, & homines malos in supplicium æternum mit-*

*tendos, bonos autem in vitam æternam transferendos pronunciat. Hanc eandem Origenis positionem reprobant S. Doctor, Q. 16. de Malo a. 3. Sed de hoc dicemus inferius, dùm statuemus Dæmonum pœnas fore æternas. Modò firmiter secundum fidem catholicam tenendum est, quod & voluntas bonorum Angelorum confirmata est in bono, & voluntas Dæmonum obstinata est in malo; & hæc est pœna, quæ ex peccato in Dæmonum voluntate consecrata est.*

II. De facto enim nullum Angelorum, qui peccaverunt pœnituit, nullus à Deo consecutus est veniam; quod adeo verum est, ut oppositum reputetur erroneum. Insinuatur enim in Scriptura, 1. Petri, 2. v. 4. ubi dicitur: *Si enim Deus Angelis peccantibus non pepercit, sed rudentibus inferis detractos, in tartarum tradidit cruciandos &c.* Ubilicet non ponatur signum distributivum, ut dicatur: *Omnibus Angelis peccantibus non pepercit*; revera tamen iuxta D. Petri mentem illa indefinita æquivaleat universali, ut contingere solet in propositionibus doctrinalibus. Et eo magis: quia cum statim subiunxit, Deum tempore Diluvii non percussisse Mundo, & tempore Abraham non percussisse civitatibus Sodomorum, & Gomorrhæorum, excepit Noe, & Lot. Ex quo non ineptè colligitur, quod si S. Petrus intelligeret, aliquem ex Angelis peccantibus conlequutum fuisse veniam, eum similiter excepisset. Hoc idem colligitur ex Epist. Iuda, v. 6, ubi Angelis, qui non servaverunt suum principatum, dicuntur in iudicium magni diei vinculis æternis sub caligine reſervati. Et Apoc. 18. v. 7. & 8. de Dragone, & Angelorum ejus, qui cum Michaelæ præliati fuerunt dicitur: *Neque locus inventus est eorum amplius in Cælo.*

III. Idipsum docent communiter SS. Patres, qui varias tam rigorosi iudicii congruentias assignant; quare Deus cum hominibus locum pœnitentiæ dederit, illum Angelis peccantibus non concesserit. Quarum prima est: quia substantiæ purè spirituales, neque in-

ter-

ternas habent passioaes, neque naturæ fragilitatem, quæ sint illis incitamenta ad peccandum, ut contingit in homine. Hanc tradit Damasc. lib. 2. de Fide, c. 3. dicens: *Pœnitentia porrò (Angelus) ea ratione minimè capax est, quia incorporeus est. Nam quòd homo pœnitentiam consequutus sit, id corporis imbecillitati fuerit adscribendum. Eandem tradit Greg. Nyss. lib. 2. sua Philosophia, c. 4. & S. Greg. l. 4. Moral. c. 9. modo 3.*

IV. Secunda congruentia est: quòd Angelus erat constitutus in summo honoris extra beatificum statum; & idèò corruens fuit penitus comminutus: homo verò in humiliori positus statu, & ad generandi officium destinatus, non de tam alto sublimitatis fastigio lapsus est; & idèò non tam fractus, quin reparari poterit. Ita quisquis fuerit Auctor librorum de Mirabil. Sacra. Script. olim S. Augustini nomen præferentium, l. 1. c. 2.

V. Tertia congruentia assignatur: quia homo alio suggerente, nempe Dæmone, & propria uxore corrui: Angelus verò nullo incitante, sed sola sua voluntate in superbiam elatus est. Hanc tradit S. Greg. l. 4. Moral. c. 9. modò 3. dicens: *Quia nimirum Angelus sua malitia cecidit, hominem verò aliena prostravit.*

VI. Quarta congruentia est: quoniam in Angelorum lapsu non tota angelica perijt natura; imò major pars in bono perstitit, in eoque fuit confirmata: at primo homine peccante, tota humana natura, & species perijt; Placuit itaque universitatis Creatori, atque moderatori Deo, ut quoniam non tota multitudo Angelorum Deum deserendo perierat, ea qua perierat, in perpetua perditione remaneret. Ita S. August. In Enchirid. c. 29. Hanc, aliasque congruentias assert D. Thomas, in 2. diff. 7. q. 1. 2. 3.

VII. Quinta, quam amplectitur D. Thomas, rùm loco mox citato; rùm Q. 16. de Malo a. 5. rùm hac 1. P. q. 64. a. 2. sumitur ex conditione naturæ angelicæ, quæ talis est; ut antequam adhæreat bono, vel malo libera

sit ad utrumque: postquam verò jam adhæsit, immobiliter adhæreat: & sic boni Angeli semel adherentes iustitiæ, sunt in ea confirmati; mali verò peccantes, sunt in peccato obstinati. Ita docet D. Them. laudatus.

VIII. Hanc rationem (de more) non probat Scotus, dicens, rationem ob quam Dæmones non resipuerunt, nec resipiscere possunt, non esse eorum inflexibilitatem, vel immobilitatem voluntatis post electionem; sed eam ori-ri præcisè, & formaliter ex denegatione divini auxilii necessarij ad resipiscendum: quia sequitur prava affectio voluntatis eorum, qua unusquisque damnatorum immobiliter adhæret fini perverfo, quem unusquisque selegit in ultimo instanti viæ. Ita sententiam, Scotti exponit Fraffen, Tract. 1. Disp. 3. a. 3. Q. 3. Conclus. 2. de Malitia Dæmonum. Sententia tan en D. Thomæ à nobis tenenda est. Unde

#### §. I I.

*Ratio D. Thome pro Obfinatione Damianum defenditur.*

IX. Dico. Radicalis & prima ratio, qua Dæmones post peccatum, non resipuerint, nec potuerint resipiscere, est inflexibilitas, & in nobilitas voluntatis eorum in eo, quod semel perfecit, & deliberatè elegerunt. Dixi radicalis & prima ratio: quia non nego, denegationem auxilij ad resipiscendum esse causam proximam, quæ immobiliter pravo fini adhæreat: sed quare Deus decreet auxilium ad resipiscendum Angelo peccanti, & non denegat homini; dico, causam esse conditionem voluntatis angelicæ, quæ postquam semel elegit, veritabilis amplius non est, & statim attingit terminum suæ viæ, vel æternæ beatitudinis, vel æternæ miseræ. Conclusio sic explicata.

X. Probatur primò. Nulli ex Angelis peccantibus Deus dedit auxilium ad resipiscendum, quia ex dictis nullus Angelorum à peccato resipuit; ergo hoc idèò, quia voluntas eorum non

craa

erat capax resipiscentiæ, & proinde immobiliter adhærens peccato. Consequenter probatur. Nam si voluntas Angelorum fuisset capax resipiscentiæ, pertinuerit ad Providentiam misericordem Dei, saltem aliquibus, auxilium ad resipiscendum conferre, sicut illud confert hominibus peccatoribus; ergo sicut, ex quo nulli Angelorum in primo instanti denegavit Deus auxilium necessarium ad non peccandum, arguimus supra, hoc ideo fuisse, quia pro illo instanti peccare non poterant; ita ex quo nulli Angelorum post peccatum concessit auxilium ad resipiscendum, arguimus, eos resipiscere non potuisse: quare obstinatio, & immobilitas adhærentis fini perverso non fuit effectus, ut putat Scotus, sed causa denegationis auxilii ad resipiscendum.

XI. Probatur secundò, expendendo rationem D. Thomæ. Sicut voluntas immobiliter adhærens recto fini est causa, & ratio firmitatis in bono; ita voluntas immobiliter adhærens fini perverso est causa, & ratio obstinationis in malo: sed voluntas Angelus talis conditionis est, ut immobiliter adhæreat fini recto, seu perverso, quem semel periecit ac deliberare elegit; ergo hæc est causa, & ratio &c. Maj. traditur à D. Tho. in 2. Sent. dist. 7. q. 1. a. dicente: *Sicut impossibile est, à voluntate inclinabiliter adhærente recto fini, procedere opus peccati; ita & contrario impossibile est, à voluntate adhærente inconvertibiliter perverso fini, aliquod rectum opus provenire*. Et patet in Beatis, & in damnatis: in illis enim immobilis adhærentio summo bono est radix firmitatis eorum; in istis autem immobilis adhærentio fini perverso est radix eorum obstinationis in malo.

Min. vero à D. Thoma probatur. Voluntas, quæ ex sua natura talis conditionis est, ut in perfecta, & deliberata electione finis perat regulari à judicio intellectus prorsus immobili, adhæret fini prorsus immobiliter, & inconvertibiliter: sed voluntas Angelus in perfecta, & deliberata electione finis, petit regulari à judicio intellectus prorsus immobili; ergo adhæret

Tom. V.

&c. Maj. prob. Tum quia: talis naturæ est actus voluntatis, quale est judicium intellectus, quod sequitur tanquam regulam. Tum quia: intantum variatur electio in voluntate, ut displicere incipiat, quod antea placuerat, inquantum variatur in intellectu judicium, & dum, vel cessante passione, vel habitu mutato, proponitur ut malum, quod prius proponebatur ut bonum. Min. vero sic evincitur. Voluntas Angelus sibi plene, ac deliberate finem præstituit, regulari à judicio comprehensivo finis, videlicet proponente ei obiectum cum omnibus circumstantiis, quibus vestiri potest; ergo tale judicium est prorsus immobile: intantum enim variatur judicium in nobis, inquantum apparere incipit aliqua circumstantia in obiecto, quæ ante non apparebat, nec considerabatur. Et hoc est, quod dicit D. Tho., hoc a. 2. *Quod Angelus apprehendit immobiliter intellectum, sicut nos immobiliter apprehendimus prima principia quorum est intellectus: homo vero per rationem apprehendit mobiliter, & secundum de uno ad aliud, habens viam procedendi ad utrumque oppositum*. Unde & voluntas hominis adhæret alicui mobiliter, quasi potens ab eo discedere; & contrario adhæret: voluntas vero Angelus adhæret fixe & immobiliter.

XII. Explico magis. Quidquid ex vi principiorum comprehensivæ cognitionum acceptatur, vel recusatur, inflexibiliter acceptatur, vel recusatur; quia eadem indivisibilis tendentia acceptatur, vel deseritur, quæ ipsa principia: sed Angelus in deliberando de fine usus est principis à se comprehensis, non solum pro appetenda propria excellentia, sed etiam pro recusanda divina regula, & lumine superiori; ergo inflexibiliter non solum acceptavit pro fine suam excellentiam, sed & ipsam exclusionem divini luminis; & sic determinatus mansit in non admittendo illud, ut immobiliter fixus sit in malo, & in recusatione remedii. Unde ut Deus Diabolum converteret, necesse foret, ut, vel infunderet illi lumen clarum supernaturale vincens totam comprehensionem naturæ  
O o salum

ratium principiorum; vel quod destruendo modum connaturalem ejus in cognoscendo, reduceret illum ad modum cognoscendi, & statum, quo fuit in primo instanti suæ creationis; ut inde inciperet iterum de novo eligere, & deliberare de fine.

XIII. Si dicas cum Scoto, & suis; rationem hanc fundari in eo, quod Angelus attingat sine discursu, quod est falsum. Deinde est non esset in Angelo discursus secundum causalitatem, est tamen discursus secundum successione; quia cognoscere potest unum post alium, & sic dari in eo mutatio cognitionum, quæ possit mutare voluntatem. Nam mutatio cognitionis non tam dependet ex discursu causali, sed & successivo, quo diversa objecta vel motiva successive manifestantur: ex diversa autem manifestatione objecti mutatur voluntas, & sic potest novo modo objecta considerare, & ab eo, quod voluit semel, resilire. Ita Dæmones modò Christi mortem procurabant, modò ab ea retrahebant; unde variatio motivo variabatur voluntas.

XIV. Præterea: Potest Angelus uti aliqua specie, vel principio solum inadæquate, & modo ut repræsentat hoc, & non illud; ergo potest uti aliquo principio ad cognoscendam unam veritatem, & unum motivum, & postea aliud, & sic variari in Angelo cognitio.

XV. Non obstat tamen hæc. Non primum; quia Angelum sine discursu intelligere non solum in naturalibus, sed & in supernaturalibus, jam superius ostendimus. Quo supposito. & probato, cum eadem immobilitate ex parte actus feratur in conclusionem, ac in principium, æque immobiliter adhæret utrique: & quidem necessario, non quoad exercitium, sed quoad specificationem, ut non possit divertere ad oppositum, tam in cognoscendo, quam in eligendo.

XVI. Neque obstat, quod secundò aditur. Nam est admitteremus in Angelo discursum secundum successione; nempe quod cognoscat unum post aliud; negamus tamen, hoc conducere ad re-

tractationem ejus, quod semel deliberare elegit. Quia ad retractationem non consistit quidquam successio, aut diversitas cognitionum diversa objecta attingentium; sed solum conducit nova, & diversa cognitio circa idem objectum, quod melius, & diverso modo apparet nunc, quam ante: quod solum potest contingere, quando novo lumine illustratur, aut aliquid novum, quod de illo latebat, nunc apparet. Si enim tale objectum novo modo non consideratur, sed id, quod per cognitionem succedentem cognoscitur est diversum, nihil omnino conducit ad mutandum dictamen circa prius objectum. Circa autem id, quod semel resolutorie Angelus elegit, non potest ei repræsentari aliquid, quod ejus variet judicium; aut saltem connaturaliter hoc fieri nequit. Tum generali ratione: nam si homo cordatus, & prudens non procedit ad ultimam resolutionem in magno negotio, nisi attentis, & bene perpensis omnibus motivis, & circumstantiis; quanto magis Angelus hoc modo processit in deliberando de suo ultimo fine? Tum ratione speciali. Nam Angelus cum deliberavit de suo ultimo fine peccando, eodem indivisibili actu consideravit excellentiam propriam, comprehensiva, & plena cognitione in suis principis, & rensavit, seu exclusit à se supernaturale lumen, nolens per illud dirigi, sed in sua naturali excellentia remanere; & ipsa exclusio divini luminis fuit una ex conclusionibus ad quam se determinavit: unde exclusit viam omni remedio ad suam conversionem; ad eum modum, quo peccantes in Spiritum Sanctum, ex ipso genere, & objecto peccati se opponunt gratiæ Spiritus Sancti. Unde si tales dum aliquando sanantur, quasi miraculose sanantur, ut docet D. Th. 1. 2. q. 14. a. 3. multo magis non nisi vero miraculo sanaretur Dæmon, qui necdum ex parte objecti, sed ex parte actus, post plenam omnium considerationem noluit considerare divinam regulam, & à se Spiritum Sanctum plena deliberatione exclusit. Quod autem dicitur de Diabolo, qui modò Christi mor-

mortem procurabat, modò ab ea retrahere conabatur; sicut, & alia exempla, quæ ex Sacra Scriptura afferri possunt, in quibus apparet, Angelos mutasse voluntatem, non sunt ad rem. Sunt enim de rebus, de quibus Angeli habebant solum notitiam. dubiam, & conjecturalem, non verò certam, perfectam, & comprehensivam, de qua in præsentem loquimur. Diabolus enim, cum non cerò sciret, quod Christus esset verus Filius Dei, sed solum ex aliquibus signis conjectaret, potuit modò ejus mortem velle, modò nolle; sicut & in aliis casibus, in quibus non erat ante explorata Dei voluntas: hac posita cognita, potuerunt Angeli voluntatem mutare, ut legitur Danielis 1. ubi Angelus Custos Persarum, qui ante repugnabat Angelo Custodi Israelitarum pro eorum liberatione, audita per Archangelum Michaellem contraria Dei voluntate, mutavit sententiam. At nos loquimur de eo, quod Angelus cerò firmiter, & complete statuit, & eiegit, maxime circa ultimum finem: hoc enim dicimus retractare non posse.

XVII. Huic non obstat, quod tertio dicitur. Ex quo enim Angelus possit inadæquate solum uti specie, vel principio, sequitur quidem; posse dari in Angelo successionem cognitionum; non autem, quod à cognitione semel habita, & electione vi, illius facta, possit resistere: quia semper supponitur facta, cum plena, & comprehensiva advertentia objecti, & omnium circumstantiarum, qualem supponimus habuisse Angelos dum peccaverunt.

XVIII. Sed dices primo. Constat, omnes Angelos, qui peccaverunt, mutasse prioris voluntatem, quam in primo instanti habuerunt, de bona scilicet in perversam; ergo etiam postea mutare potuerunt de perversa in bonam.

XIX. Dices secundo. Diabolus experiendo poenam damnationis, quam patitur, videnique se factum creaturæ, nempe igni, subiectum, judicat modò, non esse sibi conveniens appetere suam beatitudinem, & reculare divinum lumen; ergo modò mutavit iudicium.

&c. & proinde etiam voluntatem.

XX. Respondeo ad primum, neg. consequ. Non enim bene arguitur à prima voluntate, quam habuit in primo instanti, ad quam non se movebat, sed movebatur specialiter à Deo, ut ostensum est, ad secundam voluntatem; quam in secundo instanti sese determinans, & quasi sui juris, ex plena deliberatione habuit. Estò enim etiam tunc comprehensivè attingeret principia, & formaret iudicium prædicte certum; illud tamen non formabat, ut motus à propria voluntate, sed à Deo: ideoque non erat sufficiens ad electionem perfectè liberam, hoc est libertate tam exercitii, quam specificationis: nec plene operabatur secundum suam naturam, quomodo operatus est in secundo instanti, quo à se movebatur plene ad eligendum. Quare ex electione facta in secundo instanti secuta est immutabilitas in objecto electo, non ex electione facta in primo. Unde D. Thom. hoc 2. 2. cautè dixit: *Si consideretur ante adhesionem, deliberatam, & resolutoriam potest libere adbarere huic, & opposito; in his scilicet, qua non naturaliter vult* (qualia sunt contingentia, & supernaturalia) *sed postquam jam adhasit, immobiliter adbarere; quia non potest amplius formare iudicium practicum de opposito.*

XXI. Ad id, quod secundo dicitur, dist. ant. iudicat speculative; conc. ant. practice, nego ant. & ideo nequit in eo nasci voluntas detestativa culpe commissæ. Sentit ergo poenam, & eam nollit; at non sentit culpam, quasi eam refugiat. Unde D. Thom. Q. 16. de Malo 2. 5. ad 4. *Diabolus* (inquit) *non potest in se proprie loquendo culpam sentire: ita scilicet, quod apprehendas, & refugias, quasi: malum culpa summe peccatum; quia hoc pertinere ad mutationem liberi arbitrii.* Et hoc fateri debent etiam Scotistæ; alias dicere cogentur, Demones voluntatem mutare, & à peccato ad Deum converti; quod tamen negare debent, & cum D. Thoma citato in fine Corp. dicere, quod Demones post peccatum: *Quomodo: diversa eligant per liberum arbitrium.*

*trium, in omnibus tamen peccant; quia in omni eorum electione permanet via prima electionis ipsorum.*

Ex quibus infertur: Angelum peccando, etiam manserit liber circa hoc, vel illud malum, amisisse tamen libertatem circa bonum. Et hoc ex conditione suae naturae, quae petit immobiliter adherere fini, quem ex plena deliberatione semel elegit. Unde D. Th. Q. 16. de Malo. a. 5. ad 4. ait: *Immobilitate permanere in malo non convenit Diabolo ex una causa, sed ex duabus. Nam esse in malo convenit ei ex propria voluntate: sed immobiliter inhaerere ei, ad quod voluntas applicatur, convenit ei ex propria natura.* Quamvis verò in hoc statu posito sit impossibile ei converti ad Deum; attamen: *Sicut ovis tenetur non peccare, non quidem, considerato praesenti statu, sed considerata civitatis voluntaria causa, secundum quam imputatur ei aliquid ad culpam: ita etiam potest intelligi, quod Diabolus tenetur converti ad Deum, quamvis hoc sit ei impossibile, secundum praesentem statum, quia in hunc statum ex voluntaria causa devenit.* Ita S. Th. Q. 16. de Malo a. 5. ad 11.

### S. I I I.

*Solvantur aliqua contra Dissa.*

**XXII.** **P**RO majori tamen explicatione dictorum, obijces primo. Esse immutabilem, facta electione, vel convenit Angelo ratione perfectionis, vel ratione imperfectionis: non ratione perfectionis; quia effectus immobilis in malo, & inemendabilem, non est perfectio, imò summa imperfectio, & miseria: non ratione imperfectionis; alias homini, qui est imperfectior Angelo, hoc deberet convenire, quod tamen est falsum.

**XXIII.** Secundo. Liberum arbitrium Angeli nihil amisit, posita electione, quod ante habuit, nihil etiam acquisivit de novo, quod antea non haberet; ergo sicut antea habebas libertatem ad bonum, sic etiam post.

**XXIV.** Tertio. Etiam Angeli proce-

dat comprehensive circa naturalia, non tamen circa supernaturalia, quae imperfectè solum cognovit, nempe per fidem: sed peccatum Angeli fuit circa supernaturalia; ergo cum non redidit inextinguibilem.

**XXV.** Quarto. Si confirmatio in malo est ex conditione naturae Angeli, idem dicendum erit de confirmatione in bono, cui semel adhæsit; ergo perseverantia in bono, vel non erit ex gratia Dei, vel non erit gratia distincta à gratia primae electionis: cum tamen perseverantia sit specialissimum donum.

**XXVI.** Respondetur ad singula. Ad primum: esse inemendabilem non dicere quidem perfectionem, sed eam, supponere, quia supponit modum apprehendendi res sive discursu, & comprehendendi; ex quo oritur firma, & immobilis adhæsiō finis semel electio. Quare sicut immobiliter adhærebat bono, formaliter summa perfectio, & felicitas est tam in se, quam in sua radice; ita immobiliter adhærebat malo, etiam in se imperfectio, & miseria sua, in sua tamen radice perfectio est; licet peccando ea Diabolus abusus sit, & voluntariè se in miseriam dejecerit.

**XXVII.** Ad secundum, respondeo: hoc argumentum sibi proponere D. Th. Q. 24. de Veritate, a. 10. in arg. 14. cui sic respondet. *Ad 14. dicendum, quod peccatum libero arbitrio adveniens non adimit aliquid essentialium, quia si species liberi arbitrii non remaneret, sed per peccatum aliquid additur, scilicet unitio quadam liberi arbitrii cum sine perverso, qua ei quodammodo naturalis efficitur. Et ex hoc necessitatem habet, sicut & alia, quae sunt libero arbitrio naturalia.* Induit ergo Angelus, post electionem, novam dispositionem, & novum statum, quo obiectum de se indifferens non respicit amplius cum indifferencia, sed cum determinatione; quod de damnatis omnes dicere tenentur.

**XXVIII.** Ad tertium dico: quod cum Angelus peccaverit circa finem supernaturalem, recusando illum, vel ordinem ad illum, ex inordinata adhesionem ad



ad finem naturalem, & suam excellentiam naturalem; eadem comprehensione, qua suam excellentiam naturalem elegit, motus est ad recusandum finem supernaturalem, & claudendum oculos, ne illum modo affectivo ex modo saltem operandi videret. Quare quid sit, an principia supernaturalia comprehendat Angelus, potuit tamen ex principiis naturalibus comprehendis ad ea recusanda moveri, & contrahere in iis recusandis immobilitatem. Vide D. Thom. Q. 16. de Malo a. 3. inferius referendum, nu. 31.

XXIX. Ad quartum, nego consequens. Perseverantia enim in bono in sanctis Angelis specialissima gratia fuit, & distincta à prima omnibus in primo instanti concessa, qua destituti fuerunt, qui in secundo instanti à fine supernaturali, ad quem in primo conversi fuerant, oculos averterunt. Quod verò qui per gratiam steterunt ita bono firmati sunt, ut immobiliter ei adhaererent; hoc fuit, quia cum gratia se accommodat modo connaturali operandi, qui in Angelis est, ut post primam libertatem, & plenam electionem in bono immobiliter; ideo per gratiam fuerunt in bono firmati, sicut ab opposito, ex eorum naturali conditione ortum fuit, ut malis pro semper subtraheretur gratia, & firmarentur in malo; quia statim facta prima electione, finitur via Angelorum, sive in bono, sive in malo.

XXX. Hinc concludo præsentem assertionem, asserendo etiam rationem, qua utitur D. Thomas. In 2. Diss. 7. q. 2. a. 2. sic. Quandoque aliquis devenit ad terminum viæ, non potest deflecti ab eo fine, cui adhæret, sive sit bonus, sive malus: sed sicut finis viæ hominis est mors sua, ita finis viæ Angelis est terminus electionis suæ, qua bono adhæret, vel malo, eoque sicut homines post mortem in bono confirmantur, vel in malo, ita & Angeli post conversionem vel averfionem. Ita discursit S. Doct. qui statim subdit: Datur autem homini longior via, quam Angelo, quia erat magis a Deo distans, & oportebat, quod in ejus cognitionem inquirendo perveniret. Angelus autem sta-

tim deiformi intellectu, sine inquisitione in divina pervenire petuit. Ex his conficitur ratio alia. Nam Angeli sunt similes Deo, quantum patitur creaturæ conditio: sed voluntas Dei, postquam aliquid semel decrevit, est prorsus immutabilis; quia cognovit omnes rationes, quas habere poterat decernendis ergo similiter cum Angeli penetraverint in secundo instanti omnes rationes, quas habere poterant, suam formandi plenam electionem, nec ulla eis novatio potuerit occurrere ad eligendum, quam tunc non cognoverint; postquam semel elegerunt, in sua electione immobiles permanserunt. Quapropter si cum plena cognitione quod debebant adherere Deo ut ultimo fini, ex malitia suæ voluntatis, & pravo disamine pratico elegerunt potius suo bono proprio adherere, recusantes Deum pro ultimo fine, in hac electione prava persistere debuerunt.

XXXI. Claudant omnia hæc verba S. Thomæ, Q. 16. de Malo a. 3. sæpe citato in corp. ubi postquam docuit, quod sicut angelicus intellectus immobiliter se habet circa omnia, qua naturaliter cognoscit, & quia voluntas proportionatur intellectui consequens est, quod etiam voluntas eorum sit immutabilis circa ea, qua ad ordinem naturæ pertinent; transiens postea ad supernaturalia, prosequitur: Verum etiam, quod sunt in potentia respectu motus in supernaturalia, sive per conversionem, sive per averfionem. Unde hæc sola mutatio in eis esse potest, ut de gradu naturæ ipsorum moveantur in id, quod est supernaturam convertendo se, vel averfendo. Sed quia omne, quod advenit alicui, advenit ei secundum modum suæ naturæ & consequens est, ut immobiliter Angeli perseverent, vel in averfione, vel in conversione respectu supernaturalis boni (& hoc est ab intrinseco) ex parte vero extrinseca immutabiles sunt, vel in bono, vel in malo post primam electionem; quia tunc finitur in eis status viatoris. Unde non persistit ad rationem divinam sapientiam, ut ulterius Demonibus gratia infundatur, per quam revocentur a malo problemæ averfione, in qua immobiliter perseverant.

XXXII.

XXXII. Ex dictis inferitur primo: statim post primam plenam electionem, completam fuisse viam Angelorum, & qui steterunt fuisse beatos, qui verò peccarunt, damnatos. Imo etsi, Deo sic volente, diutius via Angelorum, puta ad centum annos, Jurasset; adhuc post primam electionem fuissent immobiles, sive in bono, sive in malo, immobilitate tamen nondum consummata.

XXXIII. Inferitur secundo: obstinationem in hominibus damnatis esse, quoque petendam non solum ex subtrahitione divinæ gratiæ, sed ex intrinseca eorum inflexibilitate in malo. Unde D. Thom. Q. 14. de Verit. a. 11. *Anima (inquit) separata Angelo conformatur, & quantum ad modum intelligendi, & quantum ad indivisibilitatem appetitus, quæ erant causa obstinationis in Angelo peccante. Unde per eandem rationem in anima separata obstinatio erit.* Et quia post resurrectionem corpus sequetur conditionem animæ, dicit, quod tunc eadem obstinationis ratio manebit.

XXXIV. Inferitur tertio: Etsi Dæmones aliquod opus ex sua specie hominum facerent, in eo tamen peccant; quia semper est prava intentione vitium. Quare D. Thom. Q. 16. de Malo a. 5. ait: *Et ideo quomodo diversa, eligant per liberum arbitrium, in omnibus tamen peccant; quia in omni eorum electione permansit via prima electionis ipsorum.* Et quidem si status beatorum non est capax alicujus peccati, neque status damnatorum erit capax alicujus boni moralis; quia sicut illi sunt consummate in bono firmati; ita isti in malo. Et sicut illi ratione gloriæ, quæ felices sunt, nunquam cessant ab amore Dei, & ex ipso omnia faciunt; sic isti ratione poenarum, quibus continuò torquentur, nunquam cessant ab odio Dei, & ex eo ad omnia, quæ faciunt, moventur.

## §. I V.

An Dolor sit in Dæmonibus?

XXXV. **A**ltera pœna, quam in voluntate Dæmones contraxerunt peccando, est dolor. Quia tamen dolor accipi potest, ut est passio appetitus sensitivi, & ut est simplex actus voluntatis,

Dicit D. Thomas, hac q. 64. a. 3. quod dolor, ut est passio appetitus sensitivi, in Dæmonibus esse non potest; quia cum sint naturæ pure intellectuales, hujus appetitus experies sunt, cum organo corporali sit alligatus: dolor vero, ut est simplex voluntatis actus, in eis est. Et probat. Quia dolor hoc modo nihil aliud est, quam *remissio voluntatis ad id quod est, vel non est; seu remissio voluntatis, frustra aliquid, quod habet, a se removere cupientis; vel frustra molientis aliquid acquirere, quod non habet: sed Dæmones multa vellent non esse, quæ sunt, seu non habere, quæ habent, & esse, quæ non sunt, seu habere, quæ non habent; vellent enim, cum sint invidi, damnari eos, qui salvantur; vellent se non detineri igne, nec puniri; vellent liberari à poenis, non expelli à corporibus humanis: quia superbi vellent omnibus præesse, ab omnibus adorari, quæ omnia frustra volunt; ergo &c.*

XXXVI. An vero dolor ita impleat voluntatem Dæmonum, ut nullum in ea relinquit gaudio locum, controuertitur inter Doctores. Videri potest, vero gaudio eos perfundi, cum hominem tentatione vincunt, cum damnatur, cum ei aliquid malum inferunt; hoc enim consequuntur id, quod maxime desiderabant; ad impletionem autem desiderii consequitur gaudium; unde sicut Angeli in cælo gaudent super peccatoris conversione; sic Dæmones gaudeant super hominis lapsu, & damnatione. Quibus favere videtur S. Augustinus, l. 2. de Genesi, contra Manich. c. 17, dicens: *Diabolus potestatem habet in eis, qui Dei precepta contemnant, & de hac tam infelici po-*

*posse letatur.* Cui adhærere etiam censent aliqui D. Thomam. qui hoc a. 3. ad 1. prælaudato Augustini textu supposito, dicit: *Gaudium, & dolor de eodem sunt opposita, non autem de diversis.* Unde nihil prohibet, unum simul dolere de uno, & gaudere de alio, & maximo secundum quod dolor, & gaudium important simplices voluntatis actus: quia non solum in diversis, sed etiam in una & eadem re potest esse aliquid, quod volumus, & aliquid, quod nolumus.

XXXVII. Alii tamen censent, in Dæmonibus verum gaudium esse non posse. Quia summus dolor non admittit secum aliquod verum gaudium, etiam de alio obiecto distincto: unde, qui vehementi dolore cruciatur, & excessiva conficitur mœstitia, de nulla re gaudet ac delectatur: sed Dæmones summo dolore cruciantur, ac in summa positi sunt mœstitia, quæ nullo modo remitti, aut mitigare potest, imo essentialis eorum miseria semper invariata manet; ergo &c. Quod si maximum miraculum fuit, quod Christus simul frueretur visione Dei, & dolore pareretur; miraculum esset ponere in Dæmonibus eum summa tristitia, & miseria, aliquid verum gaudium, quod non est dicendum.

XXXVIII. Conciliari tamen posset credere has duas opiniones dicendo, gaudium, quod in Dæmonibus ex prædictis confurgit, non esse verum, sed phantasticum; seu revera Dæmones non gaudere, sed gavisuros fore de præfatis, nisi summo dolore impedirentur; quod est admittere causam sufficientem gaudii, non gaudium. Prior modus eruitur ex D. Thoma. in 4. Dist. 45. q. 2. a. 2. *quæstione*. 1. ad. 4. ubi de damnatis dicens, quod habent aliquod gaudium, dum impletur hoc, quod desiderant, sicut & Dæmones, dum homines ad peccata pertrahunt; expressè dicit, hoc gaudium non verum esse, sed phantasticum; quia eorum pœnalis sententialis per hoc non minuitur, sed potius accidentaliter crescit ex multitudine damnatorum; sicut ex multitudine beatorum crescit gaudium accidentale

bonorum Angelorum, ut indicat Sancte Tho. in 2. Dist. 7. q. 1. a. 2. ad. 5. Secundus autem modus conciliandi ex eodem D. Tho. in 4. Sent. loco citato deducitur, ubi ait, Dæmones aliquomodo gaudere de malis nostris, sicut boni Angeli de iisdem compati dicuntur. Cerrum est autem, bonos Angelos, nec compassionis, nec doloris foras malis capaces esse, cum id eorum status non permittat; sed quia malum nostrum, cum contrarium sit eorum desiderio, natum est excitare in eis compassionem, & dolorem, quamvis de facto in eis non excitet. Ita in Dæmonibus malum nostrum cum impleat eorum desiderium, natum est, in eis aliquid gaudium causare, esse de facto ob eorum infelicem conditionem non causet; quod est admittere in eis causam gaudii, non effectum. Sed hæc sufficiant.

### DUBIUM III.

De Poena Ignis, qua Dæmones torquentur.

#### §. I.

*An in Inferno sit Ignis Corporis crucians?*

I. **U**llum infernum esse, qui hominibus in impœnitentia mortuis, sicut & Dæmonibus locus pœnalis esset, negavit anno 1204. Almaricus natione Gallus, patria Carnotensis, Parisiensis Doctor, Philippo Barbarossæ filio Imperante, & Innocentio III. Romano Pontifice; qui confesqueretur etiam nullum Paradisum esse centendebat, dicens: quod, qui in se Dei cognitionem haberet, illum habere quoque in se Paradisum; qui contra peccatum mortale haberet, infernum habere in se, non aliter, quam dentem putridum in ore.

Errorem istum in Concilio Lateranensi IV. cum aliis eiusdem Almarici blasphemias damnatum, anno 1209, excitavit quidam Hermannus Rischvich Batavus; qui ob hunc, aliosque errores ca-

captus, sed pœnitentiam simulans dimissus, deinde in graviore amentias relapsus, anno 1512. Hagæ comitis iterum captus, igni addictus est: ut qui ignem pro altera vita negabat, in hac vita, & altera experiretur.

II. Cæterum; Infernum & pro hominibus, & pro Angelis peccatoribus esse, clamat Scriptura. Pro hominibus quidem Christus ipse testatus est in illo divite, de quo *Lucæ 16. v. 21. & 23.* dixit: *Mortuus est autem & dives, & sepultus est in inferno. Elevant autem oculos suos cum esset in tormentis &c.* Pro Dæmonibus autem indicavit Divus Petrus, in sua Epist. 2. c. 2. v. 4. dicens: *Si enim Deus Angelis peccantibus non peperit, sed rudentibus inferis detrahitos in tartarum tradidit cruciandos, in iudicium reservat etc.* pluraque inferius Scripturæ testimonia adducemus, dum de igne, & perpetuitate pœnarum inferni sermo erit.

III. Ex his, qui infernum admittentes, in eo ignem verum esse, quo damnati torqueantur, negarunt, unum fuisse Origenem censet, inter alios, S. Hieronymus, *lib. 1. adv. Rufinum*, dicens: *Ignes autem æternos, quos intelligere solet Origenes, puto quod te non fugiat, conscientiam videlicet peccatorum, & pœnitundinem interna cordis urventem; De qua, & Isaiæ loquitur (cap. 66. v. 24.) Vermis eorum non morietur & ignis eorum non extinguetur.* Aliqui tamen ab hoc novo Origenem libertate conantur. Hoc tamen certum iudico, saltem Origenistas hunc errorem ex scriptis Origenis eruisse. Id enim testatur Orofius in consultatione ad S. August. de errore Priscillianistarum, & Origenistarum (quæ inter Opera S. August. legitur. tom. 8. edit. Maurinæ) dicens de Priscillianistis, & Origenistis: *Ignem sanctæ æternum, quo peccatores puniuntur, neque esse ignem verum, neque æternum prædicaverunt dicentes, dictum esse ignem, propria conscientia punitivum.*

IV. Verum quid sit de Origenistis, ac Priscillianistis, certum est, errorem hunc adoptavisse a noveris Hæreticis, quos Deistas aliqui,

seu *novos Arianos*, & communiter *Trinitarios*, seu verius *Anti-Trinitarios* nuncupant, quia S. Trinitatis violatores impios. Hi enim inter multos alios suæ sedæ errores, hunc habent: *Quod anima separata à corpore post mortem non patitur ignem corporeum, seu nullam post mortem remanere pœnam sensibilem.* Contra hos omnes sit.

## §. I I.

## Catholica Veritas.

V. Dico. Ignis inferni, quo torquentur homines peccatores post mortem, & Dæmones, est verus, physicus, realis, & corporeus. Hanc veritatem offendunt primò verba Christi Iudicis. qui *Matth. 25. v. 41.* reprobis dicit: *Discedite à me maledicti in ignem æternum, qui paratus est Diabolo, & Angelis eius.* Verum autem esse ignem expertus fuit miser ille dives, qui in inferno sepultus exclamabat, *Lucæ 16. v. 24. Pater Abraham, misere mei & m. te Lazarum, ut intingat extremum digiti sui in aquam ut refrigeret linguam meam. quia crucior in hac flamma.* Quid ergo miser ille petiit aquam in refrigerium, si non in vero igne corporali ardebat, sed metaphorico?

VI. Respondent Deistæ: flammam illam, & aquam debere ibi accipi, sicut accipiuntur oculi, digitus, & lingua, de quibus ibi sit mentio; sed oculi, digitus, & lingua non nisi per metaphoram intelligi possunt de anima damnata; ergo pari modo flamma, qua cruciantur damnati, & maxime Dæmones, qui puri spiritus sunt, & aqua, quam dives ille petebat, in sensu metaphorico debent intelligi.

Ita intelligit S. Augustinus, *lib. 11. de Civit. Dei, cap. 10.* qui de præfato textu loquens, ait: *Dicerem quidem, se arsurus esse sine ullo suo corpore spiritus, sicut ardebat apud inferos ille dives, quando dicebat, crucior in hac flamma. Nisi convenienter responderi cernerem, talem fuisse illam flammam, quales oculi, quos levavit, & Lazarum vidit,*

vidit, qualis lingua, cui humorem exiguum desideravit infundi, qualis Lazarus (digitus) de quo id sibi fieri postulavit: ubi tamen erant sine corporibus anima. Sic ergo incorporealis & illa, flamma, qua exarsit, & illa guttula, quam poposuit, qualia sunt visa dormientium, sive in extasi cernentium res incorporeales, habentes tamen similitudinem corporum. Ecce Sanctum Augustinum accipientem metaphorice, & spiritualiter, sicut oculos, linguam, & digitos, ita & flammam, & aquam.

VII. Ad hoc tamen, in quo se triumphasse existimant hæretici, respondeo, neg. maj. Non enim novum est, in eadem narratione Scripturam aliquando metaphorica interserere veris, maxime ut humano capiti, quæ narrat accommodet. Sic Christus, Joann. 4. v. 13. Mulieri Samaritanæ dixit: Omnis qui bibit ex aqua hac (hic sumit aquam corporalem, & veram) sitiet iterum: qui autem bibetis ex aqua, quam ego dabo ei (hic sumit aquam spiritualiter, & metaphorice) non sitiet iterum. Item, Matth. 26. v. 29. & Marci 14. v. 25. Jam (inquit) non bibam de hoc genimine vitis usque in diem illum (ubi loquitur de vino vero, & proprie) cum illud bibam novum in regno Dei (ubi de viro spiritualiter accipit debet). Sic ergo cum Dives ille ait: Crucior in hac flamma; cum rogat, ut Lazarus aqua respiceret ipsum, de flamma, & aqua vera, & corporea sermo est: dum vero sic describitur, ac si habeat oculos, linguam, & Lazarus digitos, metaphorica locutio est. Observandum quippe est, quod cum Christus de Divite & Lazaro tanquam de hominibus loqui capisset; congruum fuit, ut de eisdem post mortem similiter loqui pergeret, per synecdochen eis tribuens corporea membra, velut si illa adhuc haberent. Atque ita futuræ vitæ statum repræsentaret corporaliter accommodatè ad caput nostrum; quemadmodum Deo etiam corporea membra tribuuntur. Quis enim rudiorum facile intelligeret, cum sine oculis vidisset, sine lingua locutum, sine corpore cruciatum?

Tom. V.

VIII. Porro si attente S. Augustinum legissemus, in eo Desixæ non exultarent; ibi enim cum loqui videntur opinando, non asserendo, in aliorum sententia, non sua. Et quod ita sit, ostendo. Tum ex verbis, quæ habet, nempe: Nisi convenienter responderi cernerem. Tum ex iis, quæ dicit ante verba ab Adversariis allegata. Tum, ex iis, quæ postea subjicit. Ante enim statuto, Angelos nulla habere corpora, hæc habet: Si autem quisquam nulla habere corpora Demones asseverat, non est de hac re, aut laborandum operosa inquisitione, aut contentiosa disputatione certandum. Cur enim non dicamus, quomodo miris, tamen, veris modis, itiam spiritus incorporeos posse pœna corporalis ignis affligi, si spiritus hominum etiam ipsi profecto incorporei, & nunc potuerunt includi corporalibus membris, & tunc poterunt corporum suorum vinculis insolubiliter alligari? Adhærebunt ergo, si esset nulla, sunt corpora, spiritus Demonum, imo spiritus Demones, licet incorporei, ignibus cruciandi; non ut ignes ipsi, quibus adhærebunt, eorum junctura inspiresentur, & animalia fiant, qua consensu spiritu, & corpore; sed ut dixi miris & ineffabilibus modis adhærendo, accipientes ex ignibus pœnam, non dantes ignibus vitam. Clarius ne loqui poterat Augustinus, & pro catholica veritate asserenda, & pro ea suadenda? Si enim spiritus hominis quamvis prorsus incorporeus potest nunc corpore includi; & tunc, idest post resurrectionem, corporis vinculis poterit insolubiliter alligari; cur non poterint Demonones, etiam puri spiritus, igni, etiam corporeo, adhærere. Accipientes ex ignibus pœnam, non dantes ignibus vitam?

IX. Verba etiam frequentia id evincunt. Post enim ea, quæ ab Adversariis adducta sunt, mentem suam exponens, ait: At vero gubenna illa, quod etiam flagnum ignis, & sulphuris diffusum est, corpusque ignis erit, & cruciabit corpora damnatorum, aut & hominum, & Demonum; solida hominum, æria Demonum; aut tantum hominum corpora cum spiritibus, Demones autem

P p

Sp-

*spiritus sine corporibus harentes sumendo panem, non impediendo vitam corporalibus ignibus. Unus quippe utriusque igne erit, sicut veritas dicit (Matth. 23. 41.)* En Augustinus asserentem, quod Dæmones sive acria corpora habeant, sive spiritus incorporei sint, igni corporeo adhærent, & ab eo torquentur.

X. Aliis quoque Scripturæ textibus veritas hæc confirmatur. Nam Deuter. 32. v. 22. legitur: *Ignis succensus est in furore meo, & ardebit usque ad inferni novissima.* Psalm. 10. v. 7. *Pluet super peccatores laqueos: ignis, & sulphur, & spiritus procellarum, pars calicis eorum.* Et Isaia 66. v. 24. *Vermis eorum non morietur, & ignis eorum non extinguetur.* Quæ assumens Christus, Marc. 9. v. 44. & 45. *Bonum (inquit) est tibi claudum intrare in viam æternam, quam duos pedes habentem mitti in gehennam ignis inextinguibilis: Ubi vermis eorum non moritur, & ignis non extinguitur.*

XI. Sed dices. Sicut præfatis verbis dicitur, quod *Ignis* Damnatorum non extinguetur, ita quod *Vermis* eorum non morietur: sed *vermis* ibi sumitur metaphorice: quis enim dicat, Dæmones, & animas separatas vermibus rodi? At *vermis* nomine intelligitur remorsus conscientie, quæ sicut vermes corpora, ita quodammodo animum rodit; ergo similiter *ignis* sumitur metaphorice, pro animi dolore intensissimo, qui non extinguetur, sed in æternum cruciabitur.

XII. Circa hoc S. Augustinus, l. 21. de Civit. Dei c. 9. dicit, suo tempore duas fuisse opiniones. Unam eorum, qui utrumque, ignem scilicet, & vermem, referebant ad animi pœnas, non corporis; & hi tam nomine ignis, quam vermis intelligebant dolorem animi, quo sero, atque infructuose damnatos pœniter. Alteram eorum, qui pœnas animi, & corporis ibi designari existimantes dicebant, igne uri corpus, animum quoque rodi verme mœstitiæ. Quod credibile ius ipse existimat, nempe quod dum corpus uritur igne, animus sæcrali pœnitentia crucietur: legitur

enim Ecclesiastici 7. v. 19. *Vindicta carnis impii, ignis & vermis.* Concludit autem S. Doct. *Eligat quisque quod placeat, aut ignem tribuere corpori, animo vermem, hoc proprie illud tropice; aut utrumque proprie corpori.* Hæc S. Augustinus. Qui tamen ibi loquitur de cruciatibus, quibus homo seu corpus, & anima torquebuntur post universalem resurrectionem. Caterum loquens de pœna, qua torquentur puri spiritus, vel anima separata, vel Dæmones, hanc dicit esse verum ignem corporeum, ut superius ostendimus ex eodem, lib. 21. de Civit. Dei, c. 10.

XIII. Ad instantiam factam respondeo: quod non est eadem ratio de igne, quo cruciabantur in æternum damnati, ac de verme. Ignis enim proprie sumendus est; vermis autem solum metaphorice. Nam nec corpora damnatorum poterunt vermibus corrodi, & quia incorruptibilia, & quia post iudicium non erunt vermes, aur aliud animal præter hominem, ut ex D. Tho. in 4. Dist. 50. q. 2. a. 3. quæstione. 2. Nec anima separata, sive Dæmones capaces sunt corrosionis vermibus: hæc enim cum fiat per subtractionem de substantia alterius, hujus subtractionis & divisionis capax non est substantia spiritalis, & indivisibilis. Quare necesse est, ut vermis accipiat metaphorice pro remorsu conscientie velut verme corrode. De igne autem aliter discurrendum est. Nam etiam non possit spiritus combustionem cremare, & affligere: alia tamen actione, ut dicemus, illos torquere potest.

XIV. Sicur ergo de Beatis aliqua in Scripturis intelligenda sunt proprie, nempe eos regnatos cum Christo in æterno gaudio, & fruitione; alia vero solum metaphorice, ut eos seclusos ad mensam, comesturos, & bibituros ita de damnatis, quæ de igne dicuntur, proprie accipienda sunt; quæ vero de aliis, nempe de vermibus, de nivibus, de caligine, de aqua &c. tropice sunt intelligenda. Horum discrimen didicimus ex S. Thoma, in 4. Contrag. c. 90. dicente: *Licet corporalia, quæ promittuntur beatorum in Scripturis leguntur.*

guntur spiritualiter intelligantur, sicut... de promissione ciborum, & potuum; quædam tamen corporalia, quæ Scriptura precantibus comminatur in penam, corporaliter sunt intelligenda, & quasi proprie dicta. Cujus rationem assignans, prosequitur: Non enim est conveniens, quod natura superior per usum inferioris præmiatur, sed magis pro hoc, quod superiori conjungitur. Punitur autem convenienter natura superior per hoc, quod cum inferioribus deputatur. Nihil tamen prohibet, quædam, etiam quæ de damnatorum panis in Scripturis dicta corporaliter leguntur, spiritualiter accipi, & velut pro similitudinem dicta: sicut dicitur, Isaia ultimo: Vermis eorum non morietur; potest enim per vermem intelligi consuetudine remorsus, quo etiam impii torquebuntur. Non enim est possibile, quod corporeus vermis spirituales corradat substantiam, neque etiam corpora damnatorum, quæ incorruptibilia erunt. Fletus etiam, & stridor dentium in spiritualibus substantiis nominis metaphoricè intelligi possunt: quamvis in corporibus damnatorum post resurrectionem nihil prohibeat, corporaliter ea intelligi: ita tamen, quod per fletum non intelligatur lacrymarum deductio, quia ab illis corporibus nulla resolutio fieri potest: sed solum dolor cordis, conturbatio oculorum & capitis, prout in sententiis esse solet. Hæc D. Thomas.

XV. Responderi etiam secundum posse credendum. Isaiam in laudato textu non loqui de poena extrinseca, nempe de igne corporali, qui est causa communis poenæ damnatorum, sed de poena intrinseca, seu de effectibus à poena extrinseca causatis in damnato, quos nomine Vermis, & Ignis Propheta describit. Nam ex detentione per ignem sequitur in damnatis conscientiarum remorsus, qui velut vermis est nunquam moriens, & desperatus dolor, quo tanquam igne inextinguibili uruntur; & hoc mihi suadeo, quia Isaias non dicit: Vermis non morietur, sed vermis eorum. Non dicit: Ignis non exstinguetur, sed ignis eorum. Quibus de verme, & igne, qui in ipsis est, se loqui probabiliter indicat.

XVI. Dicent tandem. Ignis ille si corporeus est, inutilis, & absque ulla actione erit in inferno. Quid enim agere potest in puros spiritus, nisi maximo accedente miraculo, quod admitti non debet, nisi vel ex Scriptura, vel aliunde certo constet?

Hæc instantia petit, ut explicemus quid agat in Dæmones, aut animas separatas ignis inferni. Pro quo sit.

## DUBIUM IV.

Quomodo Dæmones ab Igne Corporeo torquantur.

### §. I.

Explanto Dubio, Opinionis referuntur.

I. **H**oc dubium excitat D. Thomas, in 4. Sent. dist. 44. q. 3. a. 3. quaestione. 3. Et 4. Constat. c. 90. his verbis: Potest venire in dubium quomodo Diabolus, qui incorporeus est, & anima damnatorum ante resurrectionem ab igne corporali possint pati, à quo patientur in inferno corpora damnatorum, sicut & Dominus dicit, Matth. 25. Ite maledicti in ignem æternum, qui paratus est Diabolo, & Angelis ejus.

Non igitur sic asserendum est, quod substantia incorporea ab igne corporeo pati possint, quod earum natura corrumpatur per ignem, vel alteretur, aut qualitercumque aliter transmutetur sicut nunc nostra corpora corruptibilia patiuntur ab igne. Substantia enim incorporea non habent naturam corporalem, ut possint a rebus corporeis immutari; neque etiam formarum sensibilibus susceptiva sunt, nisi intelligibiliter: talis autem susceptio non est penalis, sed magis perfectiva, & delectabilis.

Neque etiam potest dici, quod patientur ab igne corporeo afflictionem, ratione alicujus contrarietatis, sicut corpora post resurrectionem patientur; quia substantia incorporea organa sensuum non habent, neque potentius sensitivis utuntur. Hæc D. Thomas.

II. Quibus suppositis, varias opiniones recenset S. D. in 4. Sent. dist. 44 p. 2

q. 3. a. 3. *quæst.* 3. citatis. Quidam dixerunt. *Quod hoc ipsum quod est ignem videre, sit animam ab igne pati.* Sed hoc non sufficere, ait S. D. quia quod videtur, est perfectio videntis. Unde oportet, quod præter hoc, quod anima illum ignem videt, sit aliqua comparatio anima ad ignem, secundum quam ignis anima noccat.

Alii propterea dixerunt: animam torqueri ab igne, quia apprehendit ipsum, ut nocivum sibi. Sed nisi aliud addatur, cruciatus animarum, & Dæmonum ex falsa imaginatione procederet; ex eo nimirum quod putarent, ignem cremando sibi posse nocere, & cruciatus earum esset secundum apparentiam. Præterquam quod falsa imaginatio in animabus separatis, & Dæmonibus locum habere non potest.

Unde alii dicunt: animam pati ab igne non solum videndo, sed cum etiam experiendo, non secundum quod agit virtute propria, sed ut agit tanquam instrumentum divinæ virtutis; eo modo, quo aqua in Baptismo, ut instrumentum divinæ virtutis animam sanctificat. Sed nec etiam hic modus dicendi à D. Thoma probatur: Quia (inquit) omne instrumentum in id, circa quod operatur, habet propriam actionem sibi connaturalem, & non solum actionem secundum quam agit in virtute principalis agentis; imo exercendo primam actionem, oportet, quod efficiat hanc secundam; sicut aqua lavando corpus in Baptismo, sanctificat animam; & ferrum sciendendo lignum perducit ad formam domus. Unde oportet dare igni aliquam actionem in anima, qua sit ei connaturalis ad hoc, quod sit instrumentum divinæ iustitiæ peccata vindicantis. Ita D. Thomas. Cum ergo ignis nullam actionem connaturalem habere possit in animam separatam, & in Dæmones; non videtur posse in eos agere per modum instrumenti. Nunc quid dicendum sit cum eodem S. Thoma exponemus.

## §. II.

## Resolutio Dubii.

III. **D**ico primo. Ignis inferni torquet Dæmones, quatenus, ut instrumentum divinæ iustitiæ eos tenet alligatos, ne operentur id, quod velent, quando, & ubi velent. Et in hoc veraciter ignis ille est spiritui noxiis, quod Dæmon ignem illum fibi noxium videns, ab igne cruciatur. Ita D. Thomas citato loco ex 4. *Sent.* Ubi supponit, spiritum posse uniri corpori, vel ut forma unitur materię, quo pacto spiritus vivificat corpus: vel sicut movens mobili, vel ut locatur loco. Primo modo spiritus Dæmonis non unitur igni, bene tamen secundo. Porro quamvis corpus ex sua natura habeat, quod definit spiritum, ut dum in illo operatur, & est, alibi esse, & operari non possit: non tamen habet ex sua natura, quod spiritum ita intra se detineat, ut ita illi alligetur loco, quod ad alia divertere non possit; cum spiritus non ita sit in loco naturaliter, quod loco subdatur. Sed hoc superadditur igni corporeo in quantum est instrumentum divinæ iustitiæ vindicantis, quod sic detinet spiritum, & ita efficitur ei pœnalis, retardans eum ab executione propriæ voluntatis, ne scilicet possit operari ubi vult, & secundum quod vult. Quibus explicat D. Thomas duplicem ab igne alligationem: unam quoad locum, dum ait: ne possit operari ubi vult; aliam quoad operationem dum ait: Secundum quod vult.

IV. Dæmonum cruciatus per vincula, rudentes, & alligationem nobis describunt Scripturæ. S. Judas, Epistola sua Canonica, v. 6. *Angelos vero (inquit) qui non servaverunt suum principatum, in iudicium magis dei vinculis æternis sub caligine reſervavit.* S. Petrus, Epist. 2. c. 2. v. 4. *Si enim Deus Angelis peccantibus non pepercit, sed rudentibus inferni detractos in tartarum tradidit cruciandos &c.* Et S. Jo. Apoc. 20. v. 2. & 3. *Et apprehendit Angelus draconem, serpentem antiquum, qui est* Dia.



*Drabolus, & Satanaz, & ligavit eum per annos mille. Et misit eum in abyssum, & clausit, & signavit super illud, ut non seducat amplius gentes.* Hanc damnatorum alligationem indicavit Christus, Matth. 22. v. 13. cum de eo, qui absque veste nuptiali in nuptiis federe ausus fuerat, inquit: *Ligatis manibus, & pedibus ejus, mittite eum in tenebras exteriores &c.*

V. Ita quoque poenam, quam spiritus, & Dæmones ab igne corporali patiuntur, explicavit S. Augustinus supra relatus, lib. 22. de Civitate Dei, c. 10. dum postquam ait, quod sicut nunc animæ, etiam spirituales, corpori includuntur, & post resurrectionem Poterunt corporum suorum vinculis insolubiliter alligari; ita adbarebunt... spiritus Damantes, licet incorporei, ignibus cruciandi... accipientes ex ignibus poenam, non dantes ignibus vitam. Ita quoque S. Gregorius (relatus quodquoque à D. Tho. in 4. Sent. dist. 44. citata) l. 4. dialog. c. 20. ubi Petro dubitanti, quomodo incorporeus spiritus possit teneri igne corporeo, quem non vivificat, respondet: *Si incorporeus spiritus, Petre, in hoc teneri potest, quod vivificat, quare non poenalius? Ibi tenetur, ubi mortificatur? Teneri autem spiritum per ignem dicimus, ut in tormento ignis sit videndo, atque sentiendo. Ignem namque eo ipso patitur, quo videt, & quia concremari se aspicit, concrematur. Sicque fit, ut res corporea incorpoream excurat, dum ex igne visibili, ardor ac dolor invisibilis trahitur.* Eodem exemplo utitur Julianus (Episcopus Tolet. lib. 2. Prognostice, c. 27. à D. Tho. eodem loco adductus) dicens. *Si vivens hominis incorporeus spiritus detinetur in corpore, cur etiam non tenetur post mortem corporeo igne? Quare D. Tho. ex Augustino supra laudato. concludit sic: Sicut anima in hominis conditio, ne jungitur corpori, ut datus ei vitam (quoniam illud fit spirituale, & hoc corporale) & ex illa conjunctione vehementer concipit amorem ad corpus: sic ligatur illi, ut accipiens ab eo poenam, & ex illa conjunctione concipit horrorem.*

VI. Probatur etiam hoc discursus.

Pœna Dæmonum explicari debet per maximum, & acerbissimum cruciatum, qui ipsis convenire possit: cum enim, eorum peccatum fuerit maximum, ei debetur poena gravissima: sed hæc poena, hic cruciatus gravissimus habetur per alligationem, sive quantum ad locum, sive quantum ad operationem; ergo &c. Min. prob. Tantius est Dæmonum cruciatus, quanta est contrarietas, & disconvenientia poenæ eorum naturæ, & voluntari; quia nil aliud est dolor quam renisus, & contrarietas voluntatis malo, & quanta est disconvenientia apprehensa. tantus debet esse renisus, & dolor: sed hæc maxima disconvenientia habetur in Angelo per præfaram alligationem, sive ad locum, sive ad operationem; ergo &c. Min. prob. In primis si consideremus celsitudinem naturæ Dæmonum, & superbiam, ea est naturæ ipsorum dignitas, & præstantia, ut ei corporalia omnia naturæ jure subiciantur, & obsequantur: ea est eorum superbia, ut neque Deo ipsi subiecti voluerint, & tanquam superiore eum venerari voluerint. Cum ergo videant se vilissimum elemento, qualis est ignis tartareus, subiectos, ab eo ut in angustia carcere detentos, ac in perpetuum concludendos, ac deprimendos; ita nempe, qui in loco omnium supremo ac nobilissimo, ut sibi debito fuerunt creati, ibi si in gratia permansissent, in æternum beatificandi; ita insuper qui cum Deo similitudinem ambierant, cum se ad locum omnium vilissimum dejectos conspiciant, quantum inde cruciabantur? Habere quippe omnia corpora sibi naturaliter subdita, & tamen infimis corporibus violenter subditi, quanta depressio? Nolle humiliari Deo, & tamen ignis supra se dominum, ac principatum subire cogi, quanta disconvenientia? In cœlo creatos, & ad tartara detrusos esse, & hoc in æternum, quanta, & quam afflictiva miratio?

VII. Neque minor est cruciatus, quem ex potentiarum in operando alligatione patiuntur. Cum enim, utpote pure spirituales, sint summæ activitatis in operando; ita ut vita eorum consi-

stat in continuo exercitio operationis, sicut vita animalis in motu cordis: videntes se ab infimo elemento ignis ligari, ne operentur ubi, quando, & quid vellent, non possunt, quoniam maximam patientiam violentiam, & in extremum discrucientur.

VIII. Ex his apparet, convenientissimum fuisse, quod Dæmones f. am. lucentes pœnam per alligationem ad corporalia, inquit S. Thom. in 4. Contrag. c. 90. Omne enim peccatum, & & maxime Dæmonium, Ex hoc est, quod creatura rationalis Deo obediens non subditur: pœna autem proportionabiliter debet culpa respondere, ut voluntas in contrarium ejus affligatur, quod diligendo peccavit. Est igitur conveniens pœna naturæ rationali peccanti, ut rebus se inferioribus, scilicet corporalibus, quodammodo alligata subdatur.

Rursus (inquit idem S. D. laudato loco) Si pœna affligitur peccato debetur, quam dicimus pœnam sensus. . . oportet, quod ex illa hæc pœna proveniat, quod potest afflictionem inferre: nihil autem afflictionem inferi, nisi in quantum est contrarium voluntati: non est autem contrarium naturæ voluntati rationalis naturæ, quod spirituali substantia conjungatur, quoniam in eo hoc est delectabile ei, & ad ejus perfectionem pertinens; est enim conjunctio similis ad simile, & intelligibilis ad intellectum; nam substantia intellectualis secundum se intelligibilis est: est autem contrarium naturæ voluntati spiritualis substantia, ut corpori subdatur, a quo secundum ordinem suæ naturæ libera esse debet: conveniens igitur est, ut substantia spiritualis per corpora puniatur.

IX. At dices primo. Pœna damnatorum Dæmonum debet esse inæqualis, sicut in ipsis fuit inæqualis culpa: sed si pœna eorum statuatur in alligatione ad ignem, & detentione in inferno, cum hæc sit æqualis, pœna æquali cruciabantur; ergo &c.

Respondet, neg. min. Sicut enim, non valet: omnes Angeli per conjunctionem cum Deo beatificantur; ergo omnes sunt æquales in intentione beatitudinis, ut errabat Jovinianus; quia

unus alio magis intensius Deo conjungitur: ita nec valet in casu Dæmonum damnatorum. Nam etsi omnes puniantur per subjectionem, & detentionem ad ignem; unus tamen alio magis alligatur, & in operando detinetur, & igni tortori subijcitur, prout gravius alio peccavit.

X. Dices secundò. Pœna, quam Dæmones ab igne patientur, debet esse pœna sensus, & non pura pœna damni: sed si ab igne paterentur per alligationem, & detentionem, non paterentur ex hoc pœnam sensus, sed solam damni; eo modo, quo patientur in limbo pueri cum originali decedentes, alii dicit deberet, etiam istos sic detentos, puniri pœna sensus. Tum etiam: quia detentio ista ab igne nihil aliud est, quam exclusio à celo Empyreo, & relegatio ad ignem: hoc autem ad pœnam damni reducitur.

Respondetur, negando min. quam non evincit exemplum parvulorum decedentium sine Baptismo. Horum enim perpetua præsentia in limbo non est proprie alligatio, aut detentio; quia ibi non sunt cum subjectione, aut depressione ad illum locum ligantem eorum potentias; sed ibi permittuntur operationes sibi connaturaliter debitas exequi, nec ullam violentiam, aut coactionem patientur: ideoque solam pœnam damni, nempe carentiam visionis Dei experiuntur. Dæmones vero non solà præsentia in loco tartareo cum exclusione à celo Empyreo puniuntur, sed ulterius igni ultiori subijciuntur; ab eo violentè sic ligantur eorum potentias, ut non, quantum velint, sed quantum ignis ille eis permittit, accere possint. quod certe maximum illis infert cruciatum, & alià pœna est, ab exclusione à celo Empyreo distincta.

XI. Dices tertio. Omnes Dæmones statim ac peccarunt, pœnam sui criminis susceperunt: sed non omnes igni tartareo alligati fuerunt, cum eorum multi in hoc aere detineantur, qui propterea ab Apostolo, Ephes. 2. v. 2. dicuntur Principes potestatis aeris hujus, & nos superius agentes de loco Angelorum admisimus; ergo &c.

Re-

Respondent aliqui: Dæmones in hoc aere detentos, non adhuc recipisse ultimum est. niale supplicium, nec complementum infernalis pœnæ = Sed contrarium supra de Visione ostendimus, nempe, & nimas sine labe à corpore decedentes statim essentiali beatitudine donari; & eim mortali hinc abeuntes, ultimum ac essentiali supplicium confestim recipere, contra Calvinum, ac plures Veteres oppositum sentientes; & hoc nedom quad pœnam damni, sed sensus. Unde, Lucæ 16. de divite illo non solum legitur: *Mortuus est dives, & sepultus est in Inferno*; sed statim subditur v. 23. *Cum esset in tormentis.* Et v. 24. auditur dicens: *Crucior in hac flamma.* Cum ergo teste Damasceno, lib. 1. l. 1. c. 4. id quod in hominibus est mors, in Angelis sit lapsus; manifestum est, omnes Angelos post lapsum essentiali, & consummato Inpplicio fuisse addictos.

XII. Respondent secundò alii: Dæmones in hoc aere existentes secum deferre infernalis ignis portionem, quæ cruciantur. Hoc videtur indicasse Rupertus, lib. 4. de Victoria Verbi Dei, dicens: *Diabolus Quicumque se vertat, pœnam suam secum portat, & plaga ignis ignitorum lapidum, qua semel est fulminatus intrinsecus in ipso perseverat.* Et Beda ad caput 3. Epist. Jacobi hoc egregie explicans: *Ubiunque (inquit) vel in aere volitant, vel in terris, aut sub terris vagantur; sive detinentur, suarum secum ferunt semper tormenta flammarum; instar febricitantis, qui et si in lectis eburneis, et si in locis ponatur apricis, fervorem tamen, vel frigus in his sibi languoris evitare non potest.* Sic ergo Dæmones, et si in Templis colantur auratis; et si per aera sua discurrant, igne semper ardent gehennali: & ex ipsa sua pena commoniti, deceptis quoque hominibus fomi em vilitorum, unde & ipsi pereant, invidendo suggerunt. = Quæ responsio, si intendat, Dæmones semper secum ferræ pœnam suam internam, nempe apprehensionem, & dolorem de sua alligazione, ut statim dicemus, nobis probatur. Si veto intendat, secum semper ferre etiam causam

extrinsecam, nempe ignem realem, & physicum, probari sine scrupulo non potest; quia videtur multiplicare miracula sine gravi fundamento. Esset enim miraculum, quod ignis ille eorum oculis nostris positus non videretur. Miraculum, quod existens prope hominem, eum, vel non combureret, vel saltem non calefaceret. Miraculum denique, quod Dæmon secum deferens ignem, intraret eubiculum clausum.

XIII. Neque dicas: miraculum quod esse, quod Dæmones torqueantur, alligantur; & detineantur ab igne in inferno, quod tamen admittimus = Nam respondeo: ad hoc admittendum nos provocare Scripturas relatas superioribus: quod tamen Dæmones quocumque vadant secum deferant corporeum ignem, & quod loca, quo vadunt, non inflamment, quoniam Scriptura dicit?

XIV. Respondeo ergo tertio cum D. Thoma, in 4. Sent. d. 44. q. 3. a. 3. quæstione 3. ad 8. *Quod spiritus damnati nunquam sunt extra infernum, nisi ex dispensatione divina, vel ad instructionem, vel ad exercitium electorum.* Ubiunque extra infernum sint, semper tamen vident ignem inferni ut eis in pœnam preparatum; unde cum illa visio sit immediatè affligens, ut dictum est, ubique sunt, ab igne inferni affliguntur: sicut & captivi etiam extra carcerem existentes, quodammodo à carcere affliguntur, dum vident se à carcere damnatos. Unde sicut gloriæ electorum in nullo minuitur, neque quantum ad accidentale, si aliquando extra ealum Empyreum sint, quod quodammodo in gloriam eorum cedit: ita etiam, in nullo minuitur pena damnatorum, si extra infernum ex divina dispensatione ad tempus ponantur. Et hoc est quod dicit glossa super illud Jacobi 4. *Inflammat Rotam navivatis &c.* *Diabolus ubique sit, sive sub aere, sive, sub terra secum fert tormenta suarum flammarum.* Objectione autem procedit, ac si inis corporeus affligeret Spiritus immo diate, sicut affligit corpora. Hæc D. Thoma repetit s. P. quæ 64. a. 4. ad 3. UE

ut superius de Loco Angelorum observavimus.

## §. III.

*An Ignis alliget Dæmones, Physice aliquid in eis producendo.*

XV. **A**B hoc quæsto libentius me expedirem cum S. Augustino l. 21. de Civitate Dei c. 10. dicendi: Dæmones affligi quamvis veris, tamen miris, & ineffabilibus modis adbarendo, accipientes ex ignibus pœnam, non dantes ignibus vitam. Etenim Dæmones, ac damnatos spiritus igni corporeo conjungi, ab eo detineri, alligari, torqueri, omnes fatentur, ut vidimus: at modus, quo fiat ista detentio, & alligatio; an physice, an obiective, & intentionaliter; an aliquam qualitatem intrinsece in eis imprimendo; aut solum extrinsece eos ligando, sicut funes ligant progrediam potentiam animalis, omnes quærunt: sed vix ullum gloriari posse veritatem certo se invenisse crediderim.

XVI. Nostrates communiter, & alii Exteri, opinantur, ignem inferni torquere Dæmones. & alios damnatos spiritus, producendo in eis aliquid physicum, & hoc tanquam instrumentum divinæ Justitiæ punientis; ad eum modum, quo aqua Baptismi, ut instrumentum divinæ Misericordiæ producit gratiam sanctificantem in anima; hoc autem physicum esse aliquam qualitatem, vel substantiam Dæmonis detinentem, vel ejus potentias alligantem; ideoque eam vel in substantia Dæmonis, vel in ejus potentis executivis, vel in utrisque velut in subiecto collocant.

XVII. Istis lubens acquiescerem, nisi à mente D. Thomæ eos recedere vehementer suspicerem. Nam S. Doctor in 4. Sent. dist. 44. q. 3. a. 3. quæstione 3. sæpe citata, & in Supplemento 3. Partis q. 70. a. 2. ubi rem hanc ex professo agit, nunquam vel leviter indicat, ex igne tartareo aliquid intrinsecum, etiam instrumentaliter, in spiritus derivari. Imo ibi respon-

dens ad quartum argumentum, quod tale erat: *Omne, quod patitur, recipit a liquo, ab agente; si ergo anima patitur ab igne corporeo, aliquid ab eo recipiet, scilicet vel materiale, vel spirituale, dicitur: Ad quartum dicendum, quod ignis in animam non agit per modum influentis, sed per modum detinentis...* & ideo ratio non est ad propositum. Eset autem ad propositum, si anima ab igne corporeo aliquid intrinsecum reciperet. Et respondens ad septimum, quo probabatur, omne agens corporeum agere per contactum; nullum autem contactum esse posse inter corpus, & spiritum, dicit: inter corpus, & spiritum posse esse aliquem contactum spiritalem, per modum quo dicitur contristans tangere.

Censeo igitur, mentem D. Thomæ (cui subscribo) esse, Dæmones, & spiritus damnatos ab igne tartareo torqueri, non tanquam ab agente aliquid physicum, adhuc instrumentaliter in eos producendo, sed tanquam ab obiecto noxio, cuius continua visione cruciantur. In quo D. Thomam cum Scoto convenire existimo.

XVIII. Prior hujus asserti pars, præter mox dicta, probatur ex iis, quæ in corpore citatæ Quæstionula 3. habet S. Tho. & superius, §. 1. recitavimus. Ibi enim referens opinionem dicentium, ignem agere in spiritus, ut instrumentum divinæ justitiæ Per modum, quo de Sacramentis dictum est, Dist. 1. quod animam sanctificans; eam non probat: Quia omne instrumentum in id, circa quod operatur, habet propriam actionem sibi connaturalem... sicut aqua, lavando corpus in Baptismo sanctificat animam. Unde oporteret, quod ignis haberet aliquam actionem connaturalem, qua ageret in spiritum, quam exercendo elevaretur ut instrumentum ad eum torquendum.

XIX. Secunda vero pars probatur verbis ejusdem loco citato, ubi suam sententiam exponens ait: *Et sic anima ignem ut noxium sibi videns, ab igne cruciatur.* Et ad octavum argumentum, quod probabat, ignem inferni non posse agere in spiritus, quandoque in

aere, aut aliis locis distantibus, alias deberet agere in locis mediis; responderet, ut superius vidimus: quod spiritus, vel Dæmones Ubicumque extra infernum sint, semper tamen vident ignem inferni, ut eis in penam preparatum. Unde cum ista visio sit immediate affligens... ubicumque sunt, ab igne inferni affliguntur. Et ponit exemplum in captivis, qui Etiam extra carcerem, existentes à carcere quodammodo affliguntur, dum vident se ad carcerem damnatos; & in Beatis, quorum gloria non minuitur, si aliquando extra cælum Empyreum sint. Et in responsione ad primum distinguit in damnatis Spiritibus duplex affligens, unum proximum, aliud remotum, & concludit: Ignis ergo apprehensus est proximum affligens, sed ignis corporeus extra animam existens est affligens remotum. Quibus manifeste patet, S. Doctorem velle, alligationem ad ignem, ut à Dæmone apprehensam, seu ignem apprehensum, ut alligativum potentiarum Dæmonis, esse proximum ejus affligens, non autem aliquam impressionem, seu formam factam, & derivatam ab igne in potentiis ejus.

XX. Formo igitur hanc rationem. De maxima pœna naturæ intellectualis proportionaliter loquendum est, ac de eiusdem maximo præmio, seu ultima beatitudine: sed in apprehensione, ac visione objecti beatificantis consistit naturæ intellectualis præmium, ac ultima beatitudo; ita ut obiectum beatificum sit ejus beatitudo objectiva, & quasi remota; ipsum autem, ut apprehensum sit ipsa formalis, & proxima beatitudo. unde ex summo, ac beatifico bono oritur summa in ea fruïtio, & gaudium; ergo similiter ultimum, ac summum naturæ intellectualis supplicium consistit in apprehensione, ac visione mali summe ei contrarii, & noxii; ita ut ipsum malum noxium extra positum sit affligens obiectivum, ac remotum; ipsum vero, ut apprehensum, sit ipsum formale, & proximum affligens, & ex tali apprehensione oriatur in eadem summus dolor, cruciatus, ac infelicitas.

Tom. V.

XXI. Confirmo hoc. Ex conjunctione intellectuali, & possessione objecti beantis causatur in Angelo sancto ejus fruïtio, & gaudium; ergo ex conjunctione intellectuali cum malo summe disconvenienti, & noxio, qua vident, se ab illo teneri, ac possideri, causabitur in Angelo damnato afflictio, cruciatus, & pœna. Quamvis enim intelligibile, quatenus tale, perfectio intellectualis sit, ingeratque delectationem: Visio tamen intellectualis potest esse contristans, inquantum id, quod videtur, apprehenditur ut nocivum; non, quasi noceat eo ipso quod videtur, sed alio quocumque modo. Et sic anima videndo ignem affligitur. Ita D. Tho. sepe citatus, ad 5.

XXII. Sed dices. Ut Dæmon vera, & non falsa apprehensione concipiat, se teneri ab igne, oportet ut revera ab igne teneatur, & ligetur; at quomodo tenebitur, si ignis nihil intrinsecum in eo producit?

Respondeo: hoc facile percipi posse, si consideretur, Dæmon detineri ab igne præcise formaliter, eo proportionali modo, quo captivus detinetur à carcere, & ligatus teneatur à vinculis, non vero effective: sic enim detinetur à Deo, ejusque imperio potentie ejus operative effective ligatur, ne extra ignem possit se movere & operari; ignis autem solum ex Dei imperio illum detinet, & alligat. Alligatio autem & detentio in loco adeo vili à Dæmone apprehensæ facit, eum summe trahi, & odisse non solum detentionem activam Dei, & suam passivam à Deo; sed etiam & multo magis detentionem formalem: perpetuam ab illo igne. Hæc dixi, iudicans me loqui secundum S. Thomæ mentem. Si quis aliter senserit, alios Thomistas adeat, & cum illis loquatur.

Qq

DU.

## DUBIUM V.

An Dæmonum Poena futura sit Aeterna?

§. I.

Quadam prænotata.

I. Dæmonum ac cæterorum Dam-  
natorum poenas non fore per-  
petuas, sed finem aliquando  
habituras esse, palmaris error Orige-  
nis fuit. Is enim æque in Christum,  
impius, ac Dæmonibus favorabilis, te-  
ste Theophilo Alexandrino, lib. 2. *Pa-  
schali* ( apud D. Hieron. *Tam. 4. edit. Ma-  
urina* ) dixit, Christi Regnum non  
futurum æternum, ac Dæmones ad cul-  
men, unde ceciderant, aliquando a-  
scensuros. Idem testatur S. Hierony-  
mus, *Epist. 59. modò 94. ad Avitum*,  
ubi Origenis late describit errores, in-  
ter quos recenset Origenis sistema fuisse  
quod quidam homines sunt, pos-  
sunt in alio mundo Dæmones fieri: in-  
proique Dæmones, si voluerint ad me-  
liora converti, fieri homines. *Ita dum-  
taxat, per supplicia, atque tormenta, &  
qua multo, vel brevi tempore sustine-  
runt, in hominum cruditi corporibus, &  
cursus veniant ad Angelorum fastigia.*  
Hunc eundem Origenis errorem refert  
S. Augustinus, *l. de Heresibus, c. 43. &  
impugnat, lib. 21. de Civit. Dei c. 17. &  
22. & lib. contra Priscillianistas, &  
Origemistas ad Oratum, c. 6. 7. &c.* Tana-  
demque anathemate coxisit V. Synodus  
Generalis, nempe Constantinopolitana  
II. anno 543. *Anathematismo 9. his ver-  
bis: Si quis dicit, aut sentit, ad tem-  
pus esse Dæmonum, & impiorum homi-  
num supplicium, ejusque finem aliquan-  
do futurum: sive visitationem, & redi-  
gregationem fore Dæmonum, aut impio-  
rum hominum: anathema sit.*

II. Hunc errorem tribuit Armenis:  
Præteolus, ex Guidone Carmelita, quod  
dicerent, inferni poenam non esse per-  
petuam; & Christum, cum ad inferos  
descendit, omnes animas inde eduxis-  
se. Eruperunt autem hi hæretici secu-

lo septimo, circa ann. 640. Constan-  
tino III. Heraclii filio imperante, ac  
Theodoro Petri sedem tenente. Eum  
quoque & referente Ivenio, *Instit. Theo-  
log. p. 3. dissert. 2. De Angelis, qu. 6. c. 4.* Sociniani hæc postremis tem-  
poribus amplexi sunt; impie arbitran-  
tes, æquum non fore Dei judicium, si  
creaturas ob unum, vel cogitationis  
peccatum lethale, æternis suppliciis  
addiderit.

III. Quod si Studiosus pro sua erudi-  
tione quærat: quis fuerit Origenes to-  
ties a Theologis in judicium vocatus,  
quibusdam eum ex toto damnantibus,  
quibusdam eum ex parte saltem excu-  
santibus?

IV. Dicam breviter. Origenes (ob  
indefessum ac infractum in studiis re-  
ligionis causâ laborem *Adamantius* di-  
ctus) Alexandriæ natus est, anno 186.  
Patre Leonida viro christianæ fidei cu-  
tore, pro qua martyrium sustulit. Hujus  
cura omnigenam sacrarum Scriptura-  
rum cognitionem à teneris annis e-  
doctus fuit. Tali pro fide accensus ar-  
dore, ut pro ea vitam prodigere pa-  
rentis sui exemplo non semel exopta-  
rit. Castitatis custos adeo tenax, ut  
timeans, ne ex mulierum ad se consu-  
entium disciplinæ causa, conversatio-  
ne, aliquod ei periculum immineret,  
se se evitaverit. In studiis indefessus  
longevam consumsum ætatem semper scri-  
bens; adeo ut sena librorum millia  
edidisse feratur (librorum tamen nomi-  
ne Homilias intelligendas esse credi-  
derim). Græci, atque Hebraici sermo-  
nis peritus Translationes. Sacra Scri-  
pturæ, quæcumque extarent collegit;  
eam nimirum, quam septuaginta In-  
terpretes ante Christum ediderant  
deinde eorum, qui post Christum na-  
tum, scilicet Aquilæ Judæi, qui cam-  
bræce vertebat, aliam Symmachi, aliam  
Theodotionis, aliam denique inno-  
minati, atque incerti Auctoris. Has di-  
stinxit per *Tetrapla, Hexapla, & Octapla*.  
Tetrapla vocavit editionem Scri-  
pturæ quatuor columnis per singulas pa-  
ginas distinctam. Prima exhibebat ver-  
sionem Ixx. Interpretum. Altera trans-  
lationem Aquilæ. Tertia Symmachi.

Quarta.

Quarta Theodotionis. Hexapla continebant sex columnas in singulis paginis. Quarum prima exprimebat textum Hebraicum hebraice scriptum. Secunda eundem textum, sed græco characteribus exaratum. Tertia versionem Aquilæ. Quarta Symmachi. Quinta. Ixx. Interpretum. Sexta Theodotionis. Octapla complectebantur octo columnas, claudentes sex præfatas versiones, & ulterius duas alias ab Hebræis, seu (ut putat Hieronymus) piis hominibus elaboratas. Hisce tum pietatis, tum doctrinæ monumentis celebre suum nomen posteris reliquisset; ni ingenio plus æquo indulgens, volensque plus sapere, quam oportet sapere, se- nium suum multis erroribus contaminasset, quos Veteres recensuerunt, & Ecclesia condemnavit; inter quos ille est, quem modò impugandum suscipimus. Multi contra ipsum, pro ipso alii apologias ediderunt, quo discutere nostrum non est. Satis enim extra campum seminavimus.

## §. I I.

## Catholica Veritas.

V. Dico. Damnatorum, aliorumque. Damnatorum pœna finem nunquam est habitura, sed in æternum duratura. Hoc nimis clare expressit Christus, cum Matth. 25. v. 41. pœnam reprobis in extremo iudicio à se infundendam prænunciavit: *Discedite* (inquit) *à me maledicti in ignem æternum, qui paratus est Diabolo, & Angelis ejus.*

VI. Respondabant Origenistæ (referente Orolio ad S. August.) æternum non esse idem, ac perpetuum; sed exprimere diuturnam seculorum successionem, juxta illud, Psalm. 102. v. 6. *In æternum, & in seculum seculi.* Ex quo interebant: *Exusta in totum materia, Diaboli aliquando salvandam esse substantiam.*

VII. Respondabant secundo: ignem quidem futurum æternum, non tamen futuram æternam combustionem, & pœnam.

VIII. Sed contra primum. August. Orolio respondens, lib. contra Priscillianistas, & Origenistas, l. 5. & 6. observat primo: quod verbo latino *In ignem æternum* græce respondet, non *Æona*, sed *æonion*: estò autem *Æona* aliquando significet seculum; *Æonion* tamen non dicitur nisi æternum, quod finem non est habiturum. Observat secundo: quod sicut ibi dicitur, reprobos ituros in ignem æternum; ita electi dicuntur ituri in vitam æternam, v. 46. *Et ibunt ibi in supplicium æternum* (vel ut habet verho Augustini: *in combustionem æternam*) *iusti autem in vitam æternam*, & in utroque Græcus habet *Æonion*: sed æternum dictum de vita iustorum sumitur pro eo, quod finem nunquam est habiturum; cur ergo non etiam dictum de pœna impiorum? *In utroque* (inquit August.) *Græcus Æonion habet.* Si misericordia nos provocet credere, non futurum impiorum sine fine supplicium: quid de pœna iustorum dicendum sumus, cum in utraque parte, eodem loco, eadem sententia, eodem verbo pronuntiatur æternitas? An iterum etiam iustos ex illa sanctificatione, & vitæ æternæ in peccatorum immunditiam, atque in mortem relapsuros esse dicemus? Absit hoc à Christiana fidei sanitate. Deinde pergit, dicens: *Quid de illis Propheta verbis responsuri sumus, ubi scriptum est* (Isaïæ 66. v. 24.) *Vermis eorum non morietur, & ignis eorum non extinguetur?* Qualiscunque pœna significata sit nomine vermis, atque ignis, certe si non morietur, nec extinguetur, sine fine prædicta est: nec aliud agebat Propheta, cum hoc diceret, nisi ut eam sine fine prædiceret.

IX. Contra secundum eodem modo inflatur. Nam eodem modo Christus loquitur de electis, ac de reprobis: sed non solum regnum cælorum dicitur æternum, seu finem non habiturum, sed etiam gloria eorum, ac beatitudo dicitur æterna, & finem non habitura; ita ut electi nunquam reverterentur ad miseriam, alias non essent perfecte beati, si possent iterum esse miseri; ergo non solum inferni ignis erit æternus, sed etiam combustio.

Qq 2

fito,

ſio, & ſupplicium reproborum erit æternum, & ſinem non habiturum. Quare huic reſponſioni præcluit viam Chriſtus ipſe, v. 46. dum ait: *Ibunt hi in ſupplicium* (vel combuſtionem.) æternum; *juſti autem in vitam æternam*. Non ait: *ignem æternum*, ſed *combustionem*, vel *ſupplicium æternum*, ut ſignificaret, non ſolum ignem tartareum ſinem non habiturum, ſed nec pœnam, ac ſupplicium eorum, qui tali igni traditi ſunt. Audiendus eſt S. Auguſt. lib. de Fide, & Operibus, c. 15. Neque (inquit) dici hic poterit, in quo nonnulli ſe ipſos ſeducunt dicentes, ignem æternum dictum, non ipſam pœnam æternam. Per ignem quippe, qui æternus erit, tranſituros arbitrantur eos, quibus propter fidem mortuam, per ignem promittunt ſalutem; ut videlicet ipſe ignis æternus ſit, combuſtio vero eorum, hoc eſt operatio ignis, non ſit in hoc æterna: cum & hoc prævidens Dominus, tanquam Dominus, ſententiam ſuam ita conluſerit, dicens: Sic ibunt illi in combuſtionem æternam, juſti autem in vitam æternam. *erit ergo æterna combuſtio, ſicut ignis*. Idem docet in Enchiridio, c. 113.

X. Eodem modo præſatum Chriſti dictum interpretantur alii Patres. S. Hieronymus, in c. 25. Matth. ſuper verba præſata: *Erudens* (inquit) Lector adverte, quod & ſupplicia æterna ſint, & vita perpetua motum deinceps non habeat ruinarum. S. Fulgentius, lib. de Fide ad Petrum, c. 43. *Firmiſſime* (inquit) tene, & nullatenus dubites... quod ex ejus ore juſti, æternique iudicii ſempiterna, atque incommuſtabili prolata ſententia, inquit omnes ibunt in combuſtionem æternam, juſti autem in vitam æternam: *iniqui ſemper arſuri ſunt Diabolo; juſti autem regnaturi ſine ſine cum Chriſto*.

XI. Sed præ cæteris audire præſtat S. Gregorium, lib. 34. Moral. c. 16. modo 10. ubi quorundam ſibi adulantium, inferorum pœnas aliquando ſinem habituras, rationes aſſert, & everſit ita: *Sunt enim* (inquit) *nunc etiam, qui idecirco peccatis ſuis ponere ſinem negligunt, quia habere quandoque ſinem ſu-*

*tura ſuper ſe iudicia ſuſpiciuntur. Quibus breviter reſpondemus: ſi quandoque finienda ſunt ſupplicia reproborum, quandoque finienda ſunt ergo & gaudia beatorum. Per ſemetipſam namque veritas dicit: Ibunt hi in ſupplicium æternum, juſti autem in vitam æternam. Si igitur hoc verum non eſt, quod minatus eſt, neque illud verum eſt quod promiſit.*

At inquirunt: *ideo æternam pœnam peccantibus minatus eſt, ut eos à peccatorum perpetratiſſime compeſceret; quia creatura ſua æterna ſupplicia minari debuit, non inferre.*

Quibus citius reſpondemus: ſi falſa minatus eſt, ut ab injuſtitia corrigeret, etiam falſa pollicitus eſt, ut ad juſtitiam provocaret. Et quis hanc eorum veſaniam toleret, qui dum promiſſionibus ſuis reproborum ſupplicia finire aſſerunt, aſſertione ſua etiam electorum pœnia, remuneraſſe ſonſque confundunt? Quis hanc eorum veſaniam toleret, qui ceſſantur adſtrueri, verum non eſſe, quod veritas de æterno igne minata eſt; & dum ſatagunt Deum perhibere miſericordem, non verentur predicare fallacem?

XII. At inquirunt: *ſine ſine puniri non debet culpa cum ſine. Juſtus nimirum eſt Omnipotens Deus, & quod non æterna peccato commiſſum eſt, æternus non debet puniri tormento.*

Quibus citius reſpondemus: quod reſte dicerent, ſi Juxta juſtus, diſcretiſſime veniens, non corda hominum, ſed falſa penſaret. Iniqui enim ideo cum ſine deliquerunt, quia cum ſine vixerunt; voluſſent quippe ſine ſine vivere, ut ſine ſine poſſent in iniquitatibus permanere... Ad diſcreti ergo Judicis juſtiſſimam pertinet, ut nunquam careant ſupplicio, quorum mens in hac vita nunquam voluit cavere peccato. Quibus S. Gregorius prævenit objectionem palmare, qua ſe tuebantur Origeniſtæ, & moderni S. ciniani ſe defendunt.

XIII. Dicunt enim. Non videtur juſtum, ut pro peccatis quantumlibet magnis, parvo tamen tempore perpetratis, pœna homo, vel Angelus damnetur æterna; gravitas enim ſupplicii peccatorum gravitati reſpondere debet: ſed

pecc-



peccatum temporaneum fuit, imò aliquando momentaneum, ut in Angelo; ergo non debet esse perpetua illius poena.

XIV. Cui argumento respondit Sanctus Gregorius: quod peccatum eisdem parum duraverit factò, duravit tamen, & durat semper animo, & corde; ut patet in iis, qui affectum ad peccatum non deponentes, statum viæ clausērunt: in istis enim sicut voluntas peccandi perpetua est, ita poena debet esse perpetua. Hinc D. Thomas, in 3. Contrag. c. 144. ait: *Apud deum iudicium voluntas pro facto computatur: quia sicut homines vident ea, quae exteriora aguntur, ita Deus inspicit hominum corda: qui autem propter aliquod temporale bonum averse est ab ultimo fine, qui in aeternum possidetur, praeposuit fructum anem temporalem illius boni temporales aeterna fructioni ultimi finis. Unde patet, quòd multò magis voluisset in aeternum illo bono temporali frui, ergo secundum deum iudicium ita puniri debet, ac si aeternaliter peccasset. Nulle autem dubium est, quod non pro aeterno peccato aeterna poena debeatur.* Quae D. Thomae doctrina mirè explicat responsum S. Gregorii.

XV. Negari etiam potest mai. Quantitas enim poenae non debet respondere durationi actus peccati, sed ejus gravitati. Homicidium enim, conjuratio contra regem, parum durat; & tamen punitur poenâ mortis: omniaque crimina parvo tempore patrantur, quorum tamen aliqua, poena perpetuâ in hac vita vel exilii, vel carceris, vel trirremium lege humana, & divina puniuntur. Poena ergo gravitati culpae respondere debet: & haec maxime sumitur ex persona, contra quam peccatur, quia est Deus; qui cum sit maiestatis infinitus, exigit, ut peccatum contra ipsum poenâ infinitâ possibili puniatur, & proinde poenâ infinitâ factam duratione.

XVI. Rursum: *Naturalis aequitas* (inquit S. Thomas citato loco) hoc habere videtur, quòd unusquisque provertatur bono, contra quod agit. Ex hoc enim redditur se tali bono indignum: &

inde est, quòd secundum civilem iustitiam, qui contra Rempublicam peccat, societate Ripublica privatur omnino, vel per mortem: vel per exilium perpetuum: nec attenditur quanta fuerit mora temporis in peccando, sed quid sit contra, quod peccavit. Eadem autem est comparatio totius vitae praesentis ad Rempublicam terrenam, & totius aeternitatis ad societatem beatorum, qui, ut supra ostensum est, ultimo fine aeternaliter possuntur. Qui ergo contra ultimum finem peccat, & contra charitatem, per quam est societas beatorum, & tendentium in beatitudinem, in aeternum debet puniri, quomvis aliqua brevi temporis mora peccaverit. Haec S. Thomas.

XVII. Hanc Doctrinam sumit Angelicus ex suo Magistro Augustino. lib. 21. de Civit. Dei c. 21. ubi quaerens: an sint extensiora poenarum tempora, quàm fuerint peccatorum; relatis ex Tullio octo generibus poenarum, nempe damno, vinculis, verberibus, talione, ignominia, exilio, morte & servitute, ait: *Quid bonum est, quod in breve tempus pro cuiusque peccati celeritate coarctetur, ut tantâ vindictae morula, quantâ deprehenditur perpetuum, nisi forte talio? Id enim agit, ut hoc patiaturs quisque, quod fecit.* Unde illud est Legis (Exod. 21. 24.) Oculum pro oculo, dentem pro dente. *Idem enim potest, ut tam breve tempore quisque amittat oculum severitate vindictae, quàm tulit ipse alteri improbitate peccati.* Porro autem si aliena summa osculum infixum rationis sit verberare vindicare, nonne qui illud puncto temporis fecerit, incomparabili bonorum spatia verberatur, & suavitatis voluptatis exigua diuturno dolore puniuntur? *Quid in vinculis? Nunquid tam diu quisque iudicandus est esse debere, quamdiu fecit, unde meruit alligari; cum iustissimè annosâ poenâ servus in compediibus pendat, qui verbo aut illis celerrimè transiit vel lacessivit dominum, vel plagavit? Jam verò damnum, ignominia, exilium, servitus, eam plerumque sic insiguntur, ut nullâ venia relaxentur; nonne pro huius vita modo similia poenis videntur aeternae? Idem quip-*

quippe aterna esse non possunt, quia nec ipsa vita, qua hic placetur, porrigitur in aeternum: & tamen peccata, qua vindicantur longissimi temporis pœnis, brevissimo tempore perpetrantur. Nec quisquam existit, qui censeret, tam cito nocentium frivola esse tormenta, quàm cito factum est, vel homicidium, vel adulterium, vel sacrilegium, vel quodlibet aliud scelus, non temporis longitudine, sed iniquitatis & impietatis magnitudine metiendum. Qui verò pro aliquo grandi crimine morte multatur, nunquid mori, quàm occidunt, qua perbrevis est, ejus supplicium leges asstant, & non quòd cum in sempiternum auferunt de societate viventium?

Quod est autem de ista civitate mortali hominè supplicio prima mortis, hoc de civitate illa immortalis hominè supplicio secunda mortis auferre. Sicut enim non efficiunt leges hujus civitatis, ut in eam quisque revocetur occisus: sic nec illius, ut in vitam revocetur aeternam, secundum morte damnatus.

XVIII. Quia verò opponebant illud Christi (Lucæ 6. 38.) In qua mensura mensi fueritis, in ea remittetur vobis.

Respondet: Nec attenditur, non propter aequale temporis spatium, sed propter vicissitudinem mali, id est, ut qui mala feceris, mala patiat, eandem distam fuisse mensuram. Quamvis hoc in ea re propriè possit accipi, de qua Dominus, cum hoc diceret, loquebatur, id est, de judicio, & condemnationibus. Proinde qui judicat, & condemnat injustè, si judicatur, & condemnatur justè, in eadem mensura recipit, quamvis non hoc, quod dedit. Judicio enim fecit, judicio patitur: quomodo feceris damnatione quod iniquum est, patitur damnatione quod justum est. Acutè dicitur more Augustinus.

Ratio s generales pro æternitate pœnarum sive Dæmonum, sive omnium damnatorum tam infidelium quam christianorum, & quod pro eis nulla unquam futura sit misericordia, sicut & argumenta in contrarium. Candi dato meo percurrere relinquo apud D.

Thomam, in 4. Diff. 46. Q. 1. a. 3. & Q. 2. a. 3. Nec non in Suplem. 3. p. 9. 99. per totam, ubi hanc materiam fuscè prosequitur.

## QUÆSTIO X.

### De Illuminatione, & Locutione Angelorum.

Quamvis S. Thomas rem hanc distulerit ad quæstionem 106. & 107. hujus Primæ Partis; quia tamen ad perfectam naturæ & conditionis Angelorum (maximè comparatè ad invicem) notitiam, valde utilem iudico; idè eam præsentì Tractatui velut coronidem annexere, operæ pretium duxi. Horum tamen, quæ hic dicentur, multa referenda, & conferenda erunt cum eis, quæ de cognitione Angelorum superius dicta sunt.

## DUBIUM I.

An unus Angelus alium Illuminet, & Quomodo?

§. I.

### Resolutio præma Partis.

I. Illuminationis nomine nil aliud intelligimus, quàm veritatis manifestationem. Nam sicut in corporalibus lumen illuminare dicitur, quia manifestat oculo colores; sic (ait S. Tho. hæc 1. p. q. 106. a. 1.) Lumen, secundum quòd ad intellectum pertinet, nihil est aliud, quàm quodam manifestatio veritatis, secundum illud ad Ephef. 5. Omne quod manifestatur, lumen est. Unde illuminare ubi aliud est, quam manifestationem agnita veritatis alteri tradere, secundum quem modum. Apostolus dicit ad Ephef. 3. Mihi omnium Sanctorum minimo data est gratia hæc, illuminare omnes, quæ sit dispensatio sacramenti absconditi à seculis in Deo.

II. Dico ergo. Unus Angelus illuminat alium, inquantum ei manifestat veritatem, quam ipse cognoscit. Ita D. Tho.

D. Tho. loco laudato. Porro, cum manifestare veritatem contingat dupliciter; vel purâ, & nudâ veritatis ostensione; vel cum artificio, magisterio, & doctrina: sicut magister discipulo manifestat veritatem, eam dividendo, disponendo, & ad discipuli capium temperando. Ad hunc posteriorem modum pertinet propriè illuminatio, de qua agimus, cum ad priorem potius spectet simplex locutio, de qua infra.

III. Veritas hæc insinuat à Scriptura, quæ Psalm. 23. introducit quosdam Angelos admirantes triumphum Christi, & querentes edoceri, dicendo semel ac iterum: *Quis est iste Rex gloriæ; & alios ipsos instruentes, dicendo: Dominus fortis. & potens, Dominus potens in prælio... Dominus virtutum ipse est Rex gloria.* Verba autem hæc esse Angelorum manifestando respondentium, iradidit Dionys. eo. 7. de Celest. hierarch. dicens: *Hæc Theologi perspicere declarant, ut inferiores qui, dem. celestium essentiarum ordines, à superioribus divinarum operum scientiam convenienti modo percipiunt.* Hi verò, qui omnibus antecessunt, ab ipsa essentia summa, uti fas est, sacris discipulis illustrantur. Quosdam enim eorum introducunt à superioribus sacrosancti eruditores, illum esse Dominum celestium Virtutum, Regemque gloria, qui summam speciem assumptus est in calum. Quibus, ex mente Dionysii apparet, supremos Angelos edoceri, & illuminari: immediatè à Deo, medios à superioribus, & inferiores à mediis. Nam eo. 4. Hæc (inquit) 1. x. à Deo sanctum est, ut in unaquaque Hierarchia & primi sunt, & mediæ, & postremi ordines, inferiorumque superiorum doctores sunt, utique quasi digito viam monstrant. Cap. 7. dicit, Cherubim communicare eum secundis Sapientia, qua concessus est, effusant. Et c. 8. Hæc (inquit) in universum divinam præscriptionem, ut lege pro Dei ægrotate sanctum est, ea, qua secunda sunt, primum procurant, præterire divinis illustrationibus.

IV. Hæc certè non de sola meditatione consequentur, ut putat Durandus, sed. meditatione causalitatis intel-

ligenda sunt. Si enim superiores Angeli inferiorum doctores sunt, si eis quasi digito viam monstrant, & hoc sapientiæ eis concessæ effusione, & eorum procuratore divinas illustrationes participant, his indicatur, Deum non solum prius illuminare superiores tanquam digniores, deinde inferiores, quæ est pura mediatio consequentiæ, & ordinis: sed Deum immediatè se solo illuminare supremos, inferiores verò mediis superioribus, meditatione causalitatis, mirum docentibus, viam monstrantibus, sapientiam effundentibus &c. Quapropter Damasc. l. 2. de Fide eo. 3. ait: *Alii alios illustrent, ob ordinem, vel naturam præstantiam. Liqueat autem, eos, qui sublimiores sunt, inferioribus lumen ac scientiam effundere.* Et S. Bernardus, lib. 5. de Considerat. c. 4. Petrus (inquit) Cherubim ex ipso sapientia fonte ore Altissimi haurientes, & refundentes fluentia scientia universis civibus suis.

V. Accedit quoque ratio. Nam cum Angeli sint purè intellectuales, & in perfectione intellectualitatis inæquales, unus subtilius alio: altiusque intelligat; poterit altiores illas ac subtiliores intelligentias aliis inferioribus manifestare, & consequenter eos de illis illuminare. Ut enim docet D. Th. hæc 1. P. q. 106. 2. 4. Omnes creantur ex divina bonitate participant, ut bonum, quod habent, in alia diffundant. Nam de ratione boni est, quod se aliis communicet. Et inde est etiam, quod gratia corporalia similitudinem suam aliis tradunt, quantum possibile est. Quasi igitur aliqua gentia magis in participatione divine bonitatis consistuntur, tanto magis perfectiores suis vicinis in aliis transfundere quantum possibile est. Unde B. Petrus monet eos, qui divinam bonitatem per gratiam participant, dicens, 1. Petri 4. Unusquisque sicut accepit gratiam, in alterutrum illam administrantes, sicut boni dispensatores multiformis gratiæ Dei. Multo igitur magis sancti Angeli, qui sunt in plenissimam participationem divine bonitatis, quidquid à Deo percipiunt, subjiciantur impartiuntur. Et subdit: Non tantum recipitur ab inferioribus, ita exaltantur,

lenter, sicut est in superioribus. Et ideo superiores semper remanent in ultiori ordine, & perfectiorem sententiam habent. Sicut unum, & eandem rem plenius intelligit magister, quam discipulus, qui ab eo addiscit.

VI. Ne tamen quis putet, hanc inferiorum à superioribus illuminationem ab initio quidem fuisse, sed postea cessasse, addit ibi ad 3. Quid usque ad diem iudicii semper nova aliqui superiorum Angelis revelantur divinitus de his quæ pertinent ad dispositionem mundi, & precipue ad salutem electorum. Unde semper remanet, unde superiores Angeli inferiores illuminent. Post diem autem iudicii cessabit quidem illuminatio quantum ad motum acquisitionem, & sentig, non autem quantum ad cognitionis conservationem, ut docet S. Doct. 1. P. q. 108. a. 7. ad 2. Licet ergo post iudicium non proficiant inferiores Angeli in cognitione uliqualium rerum; non tamen propter hoc excluditur, quin à superioribus illuminentur. Similiter (ait ibi ad 3.) Et si post diem iudicii homines non sint ulterius ad salutem adducendi per ministerium Angelorum; tamen illi, qui jam salutem erunt consecuti, uliquam illustrationem habebunt per Angelorum officium.

VII. Inter Dæmones autem proprie illuminatio non datur. Nam licet unus alieri aliquam veritatem manifestet; quia tamen Unus ultum non intendit ordinare ad Deum (quod ad rationem propriæ illuminationis requiritur, quæ est manifestatio veritatis secundum quod habet ordinem ad Deum) sed magis ut ordine divino abducere; ideo unus Dæmon ulium non illuminat; sed unus ulii suum conceptum per modum locutionis intimare potest. Ita S. Doct. Q. 100. a. 3. Eadem ratione, etsi Dæmones hominibus aliqua manifestent; eos tamen illuminare dici non possunt, sed eis suum conceptum intimare per modum locutionis.

VIII. An verò Dæmones ab Angelis sanctis proprie illuminari dicantur? Respondet S. Doct. eadem Q. 100. a. 4. ad 1. Quid per sanctos Angelos multa de divinis mysteriis Dæmonibus revelan-

tur, cum divina iustitia exigit, ut per Dæmones uliqui fiant, vel ad punitiorem malorum, vel ad exercitiorum bonorum. Sicut in rebus humanis ullesores iudicis revelant tortoribus ejus sententiam. Hujusmodi autem revelationes, si ad Angelos revelantes comparentur, illuminationes sunt; quia ordinant eas ad Deum; ex parte verò Dæmonum non sunt illuminationes; quia eas ad Deum non ordinant, sed ad expletionem propriæ iniquitatis.

IX. Circa quæ verò Angeli inferiores sancti à superioribus illuminentur, querendum est.

Respondet D. Thom. 1. P. q. 106. a. 1. ad 2. quod unus Angelus illuminat alium Manifestando ei veritatem de his, quæ pertinent ad statum uaturæ, & gratia, & gloria. Et quidem quoad ea, quæ pertinent ad statum gratiæ, & gloriæ, certum omnibus esse debet. Nam circa ordinem gratiæ, consilat ex dictis, Angelos inferiores multa à superioribus fuisse edoctos de mysterio incarnationis, maxime quoad circumstantias; & edoceri in dies de his, quæ pertinent ad hominum salutem. Circa quoque statum gloriæ, ostendit S. Th. a. 1. citato, ad 1. quod esset omnes Angeli immediate videant divinam essentiam, & ideo quantum ad gloriam essentialiam, unus ab alio non illuminetur; quantum tamen ad gloriam accidentalem, cum Superior Angelus plura in Deo de rationibus divinarum operum cognoscat, quam inferior, de his cum illuminatur. Quod asserit quoque in 1. Sent. Dist. 11. q. 1. a. 2.

X. Verum difficultas est, quomodo possit Angelus inferior illuminari ab Angelo superiori de his, quæ pertinent ad statum naturæ. Cum enim quilibet Angelus omnia naturalia ab initio suæ conditionis comprehendat, ut superius diximus, non videtur, quomodo de his possit illuminari. Unde D. Thomas ipse, Qu. 9. de Verit. a. 1. ad 9. dicit: quod illuminatio, quæ unus Angelus alium illuminat, non est de his, quæ ad naturalem cognitionem Angelorum pertinent; quia sic omnes à principio sua conditio-

nis

nie perfectam habuerunt naturalium cognitionem.... sed est de his, qua revelantur Angelis eorum naturalem cognitionem excedentibus.

XI. Attamen observandum est: aliud esse Angelum illuminari de rebus naturalibus, quæ ex causis naturalibus dependent; aliud est illuminari de rebus pertinentibus ad statum naturæ. Fatemur ergo, quemlibet Angelum ab initio suæ conditionis comprehendere res naturales, secundum quod dependent à suis causis naturalibus, & necessariis; præsertim si sine inferiores Angelo, & ad hoc Universum pertineant, & in his non illuminatur; in quo sensu loquitur S. Thom. Q. 9. de Verit. citatâ. At de his, quæ, etsi pertineant ad statum naturæ, pendunt tamen à causis contingentibus, vel aliquo speciali Dei beneficio eveniunt, aut ab Angelis superioribus administrantur, non habuit quilibet Angelus cognitionem comprehensivam ab initio; & de his potest illuminari. Quare D. Thomas non dixit Angelum posse illuminari de rebus naturalibus, sed de rebus, qua pertinent ad statum naturæ.

Addo: quod cum (ut superius diximus) inferiores Angeli non comprehendant superiores, non proinde cognoscunt omnia sibi superiora etiam in ordine naturæ; nec oportet, ut de omnibus, quæ cum aliis Angelis connexionem habent, cognitionem distinctam, & in particulari quilibet eorum habeat. Igitur etiam de his, quæ superiora sunt in ordine naturæ, & de quibus cognitionem habent solum confusam, possunt à superioribus distinctè instrui, & consequenter illuminari.

XII. Contra illuminationem Angelorum solet asseri textus Apocal. 21. v. 23. ubi de civitate cœlesti dicitur: Civitas non eget Sole, atque Luna, ut luceant in ea: nam claritas Dei illuminabit eam, & lucerna ejus est Agnus. Et Jerem. 31. v. 34. Et non docebit ultra vir proximum suum, & vir fratrem suum. Ubi sermo est de beatis. Cum ergo Angeli sint beati, non egent illuminari, & doceri ab alio, nisi à Deo.

Tom. V.

XIII. Sed ad hæc respondit jam D. Thomas. Ad primum, ex Apoc. respondit Q. 9. de Verit. 2. 1. ad 13. Quod auctoritas illa intelligenda est de his, qua pertinent ad cognitionem beatitudinis (essentialis) in quibus omnes Angeli illuminantur à Deo = Ad secundum similiter respondet, 2. P. 9. 106. 2. 1. ad 1. ibi sermonem esse de visione Dei, quam unus non docet alium, sed Deus solus seipsum representans; unde Propheta dicit: Non docebit ultra... vir fratrem suum, dicens: Cognosce Dominum. Omnes enim cognoscunt me à minimo eorum usque ad maximum. Quod non tollit, quin unus alium etiam ibi illuminare possit de his, quæ extra Verbum cognoscuntur, & pertinent ad ad beatitudinem solum accidentalem.

## §. I I.

### Resolutio secunda Partis.

XIV. DE modo, quo unus Angelus illuminet alium fortè major difficultas est. Cum enim D. Thomas, hæc Q. 106. 2. 1. doceat, illuminationem fieri per hoc, quod & confortetur virtus intellectiva Angeli inferioris, & quod proponatur ei veritas secundum ejus capacitatem, dubitatur: an præfata confortatio virtutis intellectivæ fiat per impressionem alicujus physici, factam ab Angelo superiori in intellectu inferioris: cujus tamen oppositum superius diximus, nempe, unum Angelum non posse illabi, & agere in intellectum, & voluntatem, alterius. Attamen

XV. Dico. Illuminatio, quæ Angelus superior illuminat inferiorem fieri, non solum propositione objecti, sed ad modum cujusdam artificiosi magisterii accomodantis veritatem, quam manifestat, ad caprum Angeli inferioris: & hæc est confortatio virtutis intellectivæ, quam D. Thomas requirit. Explicatur Assertio. Quemadmodum enim magister veritatem à se perfectiori modo intellectam ostendens discipulo, eam ad ejus captum accomodat explicat, & proponit, & medium ei assentiendi

de.

demonstrat; & hoc modo corroborat, & illuminat intellectum ipsius, quin. aliquid physicè imprimat in eo, vel formam intelligibilem, vel veritatis notitiam, vel ejus naturalem vim intrinsicè augeat: ita dum Angelus superior illuminat inferiorem, veritatem sibi notam ei proponit accommodatè ad ejus species, eique ostendit medium cognoscendi, & assentiendi; hoc autem medium, cum in eo qui illuminatur, teneat se ex parte luminis, idèd lumen intellectus dicitur, & confortari.

XVI. Hanc esse mentem D. Thomæ, ostendo, ex Q. 9. de Verit. a. 1. ad 2. ubi hæc habet: Quod ab Angelo illuminante non sit novum lumen gratia, vel natura, nisi ut participatum. Cum enim omne, quod intelligitur, ex vi intellectualis luminis cognoscatur, ipsum cognitum, in quantum hujusmodi, includit in se intellectuale lumen, ut participatum, ex ejus virtute habet intellectum confortare: sicut patet quando magister tradit discipulo aliquid medicinæ, alicujus demonstrationis, in quo participatur lumen intellectus ag. utis ut in instrumento; prima enim principia sunt instrumenta intellectus agentis... Unde per hoc, quod superior Angelus suum cognitum alteri Angelo demonstrat, ejus intellectus confortatur ad alia cognoscenda, quæ prius non cognoscebat. Et sic non sit in Angelo illuminato novum lumen natura, vel gratia; sed lumen, quod prius inerat, confortatur per lumen contentum in cognito percepto à superiori Angelo.

Idem docet eadē Q. 9. de Verit. a. 3. in corp. Ubi postquam statuit, locutionem posse esse sine illuminatione, subiungit: Sed illuminatione semper habet locutionem adjuvantem, & in Angelis, & in nobis. Nos enim secundum hoc alium illuminamus, quod ei aliq. medium tradimus, quo intellectus ejus utatur ad aliquid cognoscendum, quod gen. locutionem sit. Similiter etiam operet, quod & in Angelis (illuminatione) fiat per locutionem.

XVII. Deinde explicans modum talis locutionis illuminativæ, prosequitur: Superior enim Angelus habet cogni-

tionem de rebus per formas magis universales. Unde inferior Angelus non est proportionatus ad accipiendum cognitionem à superiori Angelo, nisi superior Angelus cognitionem suam quodammodo dividat, & distinguat, concipiendo in se illud, de quo vult illuminare per modum talem, quo sit comprehensibile ab inferiori Angelo: & talem conceptum suum alteri Angelo manifestando, eum illuminat. Unde dicit Dionysius, 13. cap. Celest. Hierarch. Unaquæque intellectualis essentia donata sibi à deiformi uniformi intelligentiam, providà virtute dividit, & multiplicat ad inferioris ductricem analogiam; & est simile de magistro, qui videt discipulum non posse capere ea, quæ ipse cognoscit per illud modum, quo ipse cognoscit: & idèd sudet distinguere, & multiplicare per exempla, ut sic possint à discipulo comprehendendi.

Hoc eodem exemplo utitur, hæc 1. P. q. 106. a. 1. Ubi etiam explicans modum, quo virtus intellectiva Angelis inferioris confortetur, & fortificetur ab Angelo superiore illuminante, dicit: Sicut enim virtus imperfectioris corporis confortatur ex situati propinquitate perfectioris corporis (ut minus calidum crescit in calore ex præsentia magis calidi) ita virtus intellectiva inferioris Angelis confortatur ex conversione superioris Angelis ad ipsum. Hoc enim facit in spiritualibus ordo conversionis, quod facit in corporalibus ordo localis propinquitatis.

XVIII. Ex his omnibus sic discurro. De mente S. Thomæ, Angelum superiorem illuminantem confortare, & fortificare virtutem intellectivam Angelis inferioris, quem illuminat, nil aliud est, quàm intelligentem converti ad ipsum, proponendo ei objectum, quod cognoscit, & medium, quo ipse cognoscit; illud tamen dividendo, multiplicando, & attemperando captui intellectus Angelis inferioris; ad eum modum, quo in humanis magister fortificat, & confortat intellectum discipuli; dum videns, discipulum non posse capere ea, quæ unitim ipse cognoscit, ea dividit, ac multiplicat per exempla,

pla, ut ab eo possint comprehendi : atqui hoc totum fit absque impressiōe alicujus luminis physicē in intellectum producti, sed sola objectivā, & intelligibili confortatione, nempe medii, quod est quoddam intellectuale lumen objectivum, propositione, nec enim magister aliter agit in intellectum discipuli : ergo &c.

XIX. Inter Angelum tamen illuminantem, & hominem magistrum docentem, hæc differentia est. Quod Angelus illuminans habet actionem immediatē circa intellectum ejus, quem illuminat; quatenus & objectum cognoscendum, & medium cognoscendi intellectui immediatē proponit. At homo, qui alium docet, non veritatur suā actione immediatē circa discipuli intellectum, sed circa sensus, & sensibilia, quæ proponit, & mediantibus istis intellectum discipuli docet. Neuter tamen, sive Angelus, sive homo physicē agit in intellectum alterius. Ut enim ait D. Tho. Q. 11. de Verit. 2. 3. ad 11. *In intellectum potest imprimere homo, vel Angelus representandi objecta.* Et Q. 12. de Verit. 2. 9. ad 4. *Angeli (inquit) non imprimunt intellectui, quasi interius aliquid in intellectu agentes, sed solum ex parte objecti, in quantum intelligibile proponunt, quo intellectus noster confortatur, & convincitur ad assensum.* Quapropter exemplum de minus calido, quod ex propinquitate magis calidi confortatur, non est in totum simile. Sicut enim diversitas est inter situale propinquitatem corporum, & conversionem intellectualem, ac intelligibilem: ita in modo confortationis diversitas est; est enim illa sit per aliquid physicum, ista tamen non.

Abistino à proporendis rationibus in contrarium. Tūm quia ex dictis ex D. Thoma bene pensatis omnes solui possunt. Tūm quia apud Auctores potest studiofus eas percurrere.

\* \* \*

## DUBIUM II.

An, & Quomodo unus Angelus Alteri Loquatur?

### §. I.

*Resolutio de Locutione Angelorum.*

I. S Upponenda est ex dictis differentia inter simplicem locutionem, & illuminationem, quod nimirum simplex locutio est nuda manifestatio rei ignotæ; illuminatio vero addit supra locutionem, quod sit confortativa intellectus. Quare (ut ex D. Tho. Q. 9. de Verit. 2. 4.) potest esse locutio sine illuminatione, ut rām recitatur mihi aliqua historia, vel rām unus Angelus alteri conspersionem suam demonstrat. Non tamen potest esse illuminatio sine locutione: sicut enim in nobis, ita in Angelis illuminatio locutione fit.

II. Dico ergo. Unus Angelus alteri loquitur. manifestando ei proprium conceptum. Hanc veritatem tradit Scriptura, *Isaia 6. v. 3. Seraphim clamabant alter ad alterum. Zacharias, cap. 1. refert varias Angelorum interrogationes, & responsiones, tūm invicem, tūm erga Deum, v. 12. Et respondit Angelus Domini, & dixit: Dominus exercituum &c.* S. Judas in sua Epistola canonica *ver. 9. refert Michaelē disputantem cum Diabolo de Moyse corpore, & dicentem: Impret tibi Dominus.* Hanc Angelorum locutionem nomine *Lingua* expredit Paulus, 1. Cor. 13. v. 1. *Si linguis hominum loquar & Angelorum.* Non quia Angeli corpoream habeant linguam; sed quia Angeli suos conceptus invicem manifestant, quod homines lingua faciunt. Hinc, Apoc. 7. v. 2. *Vidi (inquit Joannes) alterum Angelum ascendentem ab ortu Solis... & clamavit vocē magna quatuor Angelis.*

III. Neque ad hoc probandum rationes desunt. Prima. Angeli, ex dictis, superiores inferiores illuminant: sed illuminatio secum adiunctam habet locutionem, & sine locutione non fit ergo &c.

R r a

Sc-

Secunda. Angeli perfectam habent inter se societatem; sunt enim cives coelestem Rempuplicam componentes; sed ad perfectam societatem requiritur communicatio secretorum, & affectuum cordis, quod per locutionem fit; ergo &c.

Tertia. Ut ait D. Thom. Q. 9. de Verit. a. 4. quod potest virtus inferior, perfectiori modo potest superior; sed quia inter homines unus non cognoscit secreta cordis alterius, ad ea manifestanda datur inter homines locutio; ergo cum nec unus Angelus internos alterius conceptus cognoscat, ut diximus, ad eos exprimendos, & aliter communicandos, dabitur in eis locutio; quae nihil aliud est, quam manifestatio interioris verbi, quod mente concepimus.

IV. Porro: hac simplici locutione, quae illuminativa non est, loquuntur non solum superiores; Interioribus, sed etiam inferiores superioribus. Quomodo enim inferiores non cognoscerent conceptus internos Angeli superioris, nisi ipse eos vellet manifestare; ita nec Angelus superior cognosceret conceptus internos inferiorum, nisi hi vellet ei manifestare: talis autem voluntaria manifestatio, locutio est. Ita D. Thom. hanc Q. 107. art. 2.

V. Angelos Deo quoque loqui, docet D. Thom. laudatam Quaest. a. 3. non tamen sicut magister discipulo, manifestando aliquid ei, qui omnia novit; sed sicut discipulus loquitur magistro, ut aliquid ab eo discat: Vel consulendo divinam voluntatem de agendis, vel ejus excellentiam, quam numquam comprehendit, admirando. Sicut Gregorius dicit 1. Moral. c. 4. Angeli loquuntur Deo, cum per hoc, quod super semetipsos respiciunt, in motum admirationis surgunt... Locutio enim non semper est ad manifestandum alteri; sed quandoque ad hoc ordinatur finaliter, ut loquenti aliquid manifestetur: sicut cum discipulus querit aliquid à magistro. Ita S. Doct. ad 1.

VI. Docet insuper D. Thomas a. 4. & Qu. 9. de Verit. a. 6. localem distantiam non impedire angelicam lo-

cutionem. Unde in quacumque distantia positi possunt sibi invicem loqui. Probat primò. Quia sicut dicitur Lucae 16. dives in inferno positus loquebatur Abraham, non impediens locali distantia: multò igitur minùs locali distantia potest impedire locutionem unius Angeli ad alterum.

Probat etiam secundò. Locutio Angelis actione purè intellectuati (quae à loco, situ, tempore, seu hinc, & nunc abstrahit, & praescindit) conficiuntur, & consummatur: sed in eo, quod praescindit à loco, & situ, localis & spatialis distantia nihil facit; ergo &c. Sicut enim distantia localis non impedit, quin unus Angelus alium videre possit: ita non impedit, quin percipiat, quod in eo ad se ordinatur, quod est ejus locutionem percipere. Ita S. Th. ibi ad 1.

VII. Sed dices. Anima Petri si esset hinc cognosceret ea, quae hinc aguntur, cum autem est in caelo non cognoscit: Unde Isaia 63. v. 16. Abraham nescivit nos, & Israel ignoravit nos. Et D. August. à Glossa relatus: Nesciunt mortui etiam Sancti, quid agant vivi, etiam verum filii; ergo distantia localis impedit animae beatæ cognitionem, eadem etiam ratione Angelis locutionem.

Respondet D. Thom. Qu. 9. de Verit. a. 6. cujus est 3. argumentum: quod Augustinus loquitur de cognitione naturalis animarum, per quam etiam Sancti non possunt cognoscere, quae hinc aguntur, sed ex virtute gloriae ea cognoscunt... sed Angeli habent naturalem cognitionem magis elevatam, quam animae. Unde non est simile de Angelo, & animâ.

VIII. Dices secundò. Clamor loquentis fit propter distantiam audientis: sed Isaia 6. dicitur de Seraphim, quod clamabant alter ad alterum; ergo in locutione Angelorum aliquid operatur localis distantia.

Respondet D. Thom. hoc a. 4. ad 2. Quod clamor ille non est vocis corporalis, quae fit propter distantiam loci, sed significat magnitudinem rei, quae dicebatur (nempe unitatem essentiae & Trinitatem)



tem Personarum, dicendo Sanctus &c. ut respondet idem S. Thom. Q. 9. de Verit. a. 6. ad 3.) *Vel magnitudinem affectus, secundum quod dicit Gregorius 2. Moral. c. 4. Tandem quisque minus clamat, quantum minus desiderat.*

IX. Dices tertio. Locutio oportet, quod deferatur à loquente in audientem, & consequenter per medium; ergo distantia impedit Angeli locutionem.

Respondet D. Thom. Q. 9. de Verit. a. 6. ad 4. hoc procedere ex falsa imaginatione, quod locutio angelica sit corporalis, quæ à dicente ad audientem deferatur; sed Angelus, ad quem fit locutio, non recipit aliquid à loquente, sed per speciem, quam penes se habet, & alium Angelum, & locutionem ejus cognoscit. Unde non oportet ponere aliquid medium, per quod deferatur aliquid ab uno in alterum.

X. Querendum ultimum superest: An unus Angelus possit alteri loqui, quin alii locutionem ejus percipiant?

Affirmativè respondet D. Thom. Tūm hæc Q. 107. a. 3. Tūm ibi 9. de Verit. a. 7. Et probat primum. Si enim homo potest manifestare conceptum suum alteri, quin omnes percipiant, cur non Angelus, qui magis suorum actuum dominus est?

Probat secundò. Quæ à libera voluntate pendere possunt, ut libuerit, uni concedi, alteri denegari; sed manifestatio interioris conceptus à libera voluntate Angeli pendet, hberè illum extra se ordioantis, sive intra se retinentis; ergo sic potest eum ordinare ad unum, ut erga alios retineat.

XI. Sed dices. Quicumque intuetur aliquem Angelum percipit speciem ejus quæ intelligit, & loquitur: sed Angelus invicem semper se intuentur ergo &c.

Rursus: si aliquis homo loquatur, æqualiter auditur ab omnibus, qui ei æqualiter appropinquant, nisi sit defectus ex parte audientis; utpote si deficiat in auditu: sed quandoque alius Angelus est propinquior Angelo loquenti, quam sit ille, ad quem loquitur, vel secundum ordinem naturæ, vel secundum locum; ergo non solum auditur ab eo, ad quem loquitur.

Respondetur ad primum, ex D. Tho. Q. 9. Verit. a. 7. ad 3. *Quod quavis unus Angelus alterum intuetur, non tamen oportet; quod speciem, prout ea alium aliquid cogitat, videat nisi convertatur ad ipsum, ordinando scilicet ad ipsum suam cogitationem, quo pacto facit eum cognoscere id, quod cogitat.*

Ad secundam, respondeo cum eodem S. D. ibi ad 4. *Quod locutio humana movet auditum alione, qua est per necessitatem naturæ, quia impellendo aerem usque ad aurem: sed hoc modo non est in locutione Angeli, sed totum dependet ex voluntate Angeli loquentis.*

## §. I I.

Modus, quo fit Angelica Locutio.

XII. Quæ hæcous dicta sunt, ab omnibus, puto, nemine dissentiente, probantur: non ita tamen quæ dicenda eruat de modo, quo fiat Angelorum locutio. Sunt enim, vel saltem fuerunt, qui putarint: Angelos loqui per signa quædam corporæ, & sensibilia, in aliquo corpore exarata, sicut nos in ære voces, & in charta litteras edimus. Quod alterutro ex his modis fieri arbitrati sunt, nimirum: vel quod illa signa sensibilia, veluti figuræ habentes peculiarem significationem Angelis notam, in cælo exarentur: vel quod sint quidam soni sensibiles in ære formati instar vocis, vel nutus, & signa facta in corporibus assumtis, sicut homines dum invicem sibi loquuntur. Ita refert Durandus, quæ hanc secundam partem approbat velut necessariam ad veram locutionem.

Aliqui volunt: Angelos sibi invicem loqui per signa quædam spiritualia, repræsentativa verbi, quod Angelus intra se formavit, à loquente producta, alijs Angelis nota. In hunc dicendi modum propendit Vazquez cum alijs.

Alii volunt, Angelum loquentem sui conceptus notitiam actualem in intellectu audientis producere, per formatam in eo, seu directam ad illum speciem sui conceptus expressivam. Itæ Scotus, in 2. Diff. 9. q. 2. & cum eo Scotistæ Thomæ.

Thomistæ tandem cum suo Angelico Præceptore locutionem Angelorum fieri contendunt per puram ordinationem conceptus loquentis ad eum, cui loquitur, absque eo, quod loquens aliquid efficiat in audiente.

XIII. Dico primò. Angelorum locutio non fit per aliqua signa sive sensibilia, sive spiritualia. Prima pars probatur. Modus locutionis angelicæ debet esse congruus naturæ ipsorum, & communioni, quâ invicem sociantur: sed natura Angeli est omnino spiritualis, & à corpore prorsus absoluta: communio etiam, quâ sociantur, prorsus intellectualis est, & spiritualis; ergo locutio per signa corporalia ad Angelos minimè pertinere potest: aliàs incideremus in Veterum opinionem ponentium, Angelos esse corporeos.

Præterea: Etiam si Deus nullam rem corpoream creasset, reverà tamen inter Angelos strictissima esset societas, & communicatio conceptuum per locutionem; ergo hæc fit independentem à quolibet corporeo.

Uterius: Ideo enim Angeli in assumptis corporibus per signa sensibilia loquuntur hominibus; quia anima rationalis sensibus alligata non potest, sive obiecta, sive aliorum conceptus percipere, nisi moveatur à sensu, & phantasmate; ergo in Angelis, in quibus nec est sensus, nec indigentia phantasmatum ad intelligendum, dum sibi invicem loquuntur, sermo, vel quodcumque signum sensibile locum habere non potest.

XIV. Hinc S. Joannes Damasc. lib. 2. de Fide c. 2. de Angelis loquens: Quibus (inquit) nec lingua opus sit, nec auribus; sed sine ulla prolata sermone ope mutuo sibi sensa sua communicant, & consilia. Et Nicephorus Constantinopolitanus, lib. de Inculpata Christianorum Fide contra Icomachos, cap. 70. de Angelis; inquit: Ac quidem sermo quoque in illis est, quandoquidem ratione præditi sunt: non tamen est similis nostri, qui naturali, vitalique spiritu vocalium organorum ope progreditur, & articulatur, percutiens aeris formatur, transiensque, ut audientium sensu percipitur. Sed quia ma-

teria, & compositione vacant, simplicioresque, & incorporei sunt, invicem circumcedunt, suasque mutus perceptiones speculantur; ut silendo clariùs, expressiusque sermones misceant, quàm alià quovis prolatare verborum. Hæcenus Nicephorus præfatus, qui floruit circa initium seculi noni.

XV. Secunda autem pars, quod nec per signa spiritualia locutio angelicæ fiat, probatur. Nam illa signa spiritualia, vel essent signa naturalia, vel ad placitum. Si essent naturalia, essent omnibus Angelis manifesta; similiter si essent ad placitum; quia significarent ex impositione ortâ ex communi consensu Angelorum, sicut voces apud nos, & consequenter essent omnibus nota; ergo si per talia signa Angelus loqueretur, non posset loqui uni, quin aliis loqueretur, vel saltem suam locutionem manifestaret.

XVI. Si dicas: hoc verum fore, quando unus Angelus suum conceptum exprimeret per signa generalia, & communia, quæ sunt quasi lingua communis omnibus nota; secus tamen si utatur signo speciali instituto ad manifestandum suum conceptum huic Angelo, non alteri.

XVII. Contra est primò. Nam hæc responsio cogit admittere multitudinem quasi infinitam signorum, & quasi idiomatum, si velit Angelus servare secretum. Nam demus, quod Angelus velit loqui duobus, vel tribus simul; ut Angelus ille, de quo superius Apoc. 7. v. 2. qui clamavit voce magna quatuor Angelis; quo signo aut idiomate utetur? Si privato; non intelligetur, nisi ab uno, cui soli sunt nota, quia pro illo solo imposita. Si communi; intelligetur non ab iis solis, quibus loquitur, sed ab omnibus, nisi dicamus, pro quibuscumque combinationibus Angelorum esse specialia signa: & cum ferè infinitæ fieri possint hujusmodi combinationes, infinita ferè signa, & idiomata esse in Angelis multiplicanda.

XVIII. Præterea: Illa signa vel communia, vel privata non potuissent institui nisi prævia communi, vel privata conventionem & consensu, quo vel omnes, vel duo invicem convenissent,

ut hanc rem ad hoc significandum uisum parent: sed ista conventio non potuisset fieri absque praxia locutionis; invicem; ergo ante institutionem illius signi potuissent loqui. Quod si hæc locutio fuisset per aliqua signa; vel dabitur processus in infinitum in signis, vel hæc signa non sunt necessaria ad locutionem angelicam.

XIX. Dico secundò. Locutio Angelici non fit per influxum physicum Angelici loquentis in eum, cui loquitur, causando in eo, vel notitiam actualem vel speciem sui conceptus repræsentativam. Est contra Scotum, Eam tamen docet D. Thomas, *Quæst. 9. de Verit. a. 5. ad 2. his verbis: Angelus loquens nihil facit in Angelo, cui loquitur, sed fit aliquid in Angelo ipso loquente, & ex hoc ab alio cognoscitur modo prædicto dicto. Unde non oportet etiam, quod loquens aliquid infundat ei, cui loquitur. Et art. ad 4. Angelus (inquit) ad quem fit locutio, ut dictum est, non recipit aliquid à loquente, sed per speciem quam pater se habet, & alium Angelum & locutionem eius cognoscit.*

XX. Probatur etiam ratione. Tùm quia: ut supra vidimus, unus Angelus non potest sua virtute immediate agere in alium, nec intra alium illabi, nec in illo speciem producere, sive imprimere, multò minus notitiam seu cognitionem; hæc enim cùm sit actus vitalis non sufficit, ut in cognoscente producat, sed debet à cognoscente exire, ut per illam vivere, quod est ab initio se movere, dicatur.

XXI. Deinde: Vel Angelus loquens, ut imprimat istam cognitionem in audiente, debet poni inimitè intra intellectum eius; vel etiam hoc potest extra, & distans. Primum est contra commune axioma, quod Angelus non illabatur menti, sed solus Deus. Et rursum: non salvas, quomodo unus Angelus possit simul pluribus Angelis loqui, & intra eos poni, & quomodo ad Angelum distantem loqui possit. Nam si, ut loquatur illi, intra eum esse debet, certè distanti loqui non poterit: Secundum: verò aliud fit inconveniens. Nam si Angelus, dùm

Angelo distanti loquitur, producit in eo cognitionem, hæc cognitio debet transire à loquente ad audientem per medium; cognitio autem, utpotè spiritalis, per media corporea transire non potest: & si transiret, non posset alios Angelos latere, qui ad illud medium, per quod transiret, attenderent.

XXII. Nec minùs impossibile est, quod Angelus loquens producat speciem sui conceptus in mente audientis. Tùm quia: ex superioribus dictis, solus Deus imprimere potest species, & solus operari in membris Angelorum; reliqua enim solum objective se habere possunt ad illas species, non effective. Si autem solus Deus imprimi speciem in mente audientis, solus Deus erit, qui loquitur, seu revelat Angelo cogitationem alterius, non ipse Angelus.

Tùm etiam: explicari non potest, quomodo ab Angelo loquente imprimi possit illa species in mente Angeli distantis; pura, quomodo anima divinis in inferno posita, posset producere, speciem suæ cogitationis, & sic loqui Abraham à longè: quod tamen salvâ fide negare non possumus.

Tùm tertio. Nam nec salvatur ratio secreti: etenim illa species, vel lumen, sive quodcumque aliud in mente alterius productum, sæpè est aliquid naturale; non enim est libera cogitatio cordis, sed effectus illius ad extra positus; nec etiam est contingens futurum, cùm de facto in rerum natura sit: quomodo ergo ab aliis Angelis, qui omnia naturalia posita extra causas cognoscunt, istæ species, & repræsentatiæ per eas cogitationes non cognoscerentur, si non amplius intra cognoscentem manent, sed extra diriguntur?

XXIII. Dico tertio. Locutio Angelici unus ad alterum fit per voluntariam, & liberam ordinationem sui conceptus ad illum absque ulla, sive signi, sive luminis, sive notitiæ, sive speciei in mente audientis impressione. In hoc asserto perperius est D. Thomas *Quæst. 9. de Verit. a. 4. ad 9. Ipsa ordinatio cogitationis ad alterum exterior locutio*

in

in Angelis dicitur. Ad 11. Angelus cognitionem alterius cognoscit per speciem innatam, per quam alium Angelum cognoscit; quia per eandem cognoscit omne, quod cognoscit in alio Angelo. Unde quodammodo Angelus se ordinat ad alium Angelum secundum alium alicujus forma, ille Angelus cognoscit cognitionem ejus, & hoc quidem dependet ex voluntate Angeli. Et hac Q. 107. 2. 1. & 2. Angelum (inquit) loqui Angelo, nihil aliud est, quam conceptum suum ordinare ad hoc, ut si innotescat per propriam voluntatem. Videri etiam potest in 2. Dis. 11. q. 1. a. 3. ad 4. praeter loca, quae superius, num. 5. & 11. citata sunt.

XXIV. Ratio autem est. Quia, ut unus Angelus cognoscat cognitionem alterius, nihil intrinsecum ei deest: non deest lumen, quia lumen innatum Angeli promptum est ad omnes veritates naturales: non deest species, quia, ut supra ostendimus, ab initio suae conditionis habuit à Deo species repræsentativas omnium rerum naturalium, inter quas sunt alii Angeli, & omnium eorum, quae in Angelis sunt, vel ab eis procedunt. Quod ergo unus Angelus non cognoscat secretum, vel cognitionem internam alterius, ex eo solum procedit; quod cum talis cogitatio sit libera, & sub dominio cogitantis, & intra ipsum clausa, quodam quasi velamine obtegatur, & occultatur: unde si voluntate Angeli, cujus est cogitatio, auferatur hoc velamen, & ad alium Angelum dirigatur, statim incipit ad ipsum quoque pertinere, & nullo ei superaddito eam cognoscat. Sicut eo ipso quod aliquod contingens futurum exeat à suis causis, in quibus latebat, & fiat praesens, statim ab Angelo cognoscitur: quod enim antea non cognosceretur, defectus non erat ex parte Angeli, sed obiecti.

XXV. Aecedant in confirmationem ea, quae habet D. Thomas hac Q. 107. a. 1. ad 1. ubi docet; quod in nobis interior mentis conceptus quasi duplici obfasculo clauditur. Primo quidem ipsa voluntate, qua conceptum intellectus po-

test retinere intendit, vel ad extra ordinare. Et quantum ad hoc mentem minus nullus alius potest videre, nisi solus Deus, secundum illud, 1. Cor. 2. Quae sunt hominis nemo novit, nisi spiritus hominis, qui in ipso est. Secundò autem clauditur mens hominis ab alio homine per grossitiam corporis. Unde cum etiam voluntas ordinat conceptum mentis ad manifestandum alteri, non statim cognoscitur ab alio; sed oportet aliquod signum sensibile adhibere. Et hoc est, quod Gregorius dicit, 2. Moral. c. 4. Alienis oculis intra secretum mentis quasi post parietem corporis stamus, sed cum manifestare nos ipsos cupimus, quasi per linguae januam egredimur, ut quales sumus intrinsecus ostendamus. Hoc autem obfasculum non habet Angelus; & idè quàm citò vult manifestare suum conceptum, statim alius cognoscit. Ex quibus sic: Instantium homo etiam ordinat suum conceptum ad alium, iste statim non cognoscit, quia ne cognoscat grossitiae corporis impeditur; ergo Angelus, in quo grossitiae corporis non est, quàm citò ordinare vult suum conceptum ad alium, statim alius cognoscet.

### 6. III.

*Solutio Eorum, quae Contrariae sunt.*

XXVI. Obijciunt primò. Per locutionem debet unus Angelus alterum excitare ad audiendum: sed solà directione, & ordinatione conceptus non potest excitari Angelus ad audiendum, & de non audiente fieri audiens; ergo &c. Mai. constat. Min. prob. Ut Angelus de non audiente fiat audiens, seu de non cognoscente cognoscens conceptum alterius, necessariò debet immutari, & moveri; non enim semper est in actuali consideratione; sed nihil immutatur realiter, nisi per aliquid reale in se receptum: illà autem extrinsecà alterius Angeli ordinatione non potest mutari, eum nihil in audiente producat; ergo &c.

XXVII. Confirmatur primò. D. Thomas, 1. 2. q. 107. a. 1. ad 3. dicit si-

*Sicut sensus movetur à sensibili, ita intellectus movetur ab intelligibili. Sicut ergo per signum sensibile excitatur sensus, ita per aliquam virtutem intelligibilem potest excitari mens Angeli ad attendendum; ergo sicut sensus excitatur ab objecto per immisionem speciei sensibilis; ita mens Angeli excitabitur per immisionem speciei intelligibilis.*

XXVIII. Confirm. secundò. Idem S. Thomas, in 2. Sent. dist. 11. q. 1. a. 3. admittit Angelum loqui per signa. Et in Cap. 13. prima ad Cor. lect. 1. dicit, quòd in nobis occulta cordis manifestantur per voces, & quodcumque aliud corporale exterius apparet: in Angelis verò ea, Quae sunt naturaliter nota, inquantum assumuntur ad manifestationem oculorum, dicuntur signa, vel nutus. Potestas autem manifestandi conceptum suum hoc modo, metaphorice lingua nominatur.

XXIX. Respondo 2. admissà majori, intellectà tamen de excitatione obiectiva, & morali, non physica, nego min. Ad probat. nego, quòd, ut Angelus fiat audiens, & cognoscens, debeat realiter prius immutari per aliquid à loquente in eo productum. Ad probationem adjunctam, distinguo: non semper est in actuali consideratione, defectu alicujus ex principis requisitis ex parte actus primi ad considerandum, nego; defectu obiecti, quod ei actu non praesentatur, concedo. Sicut ergo dum aliquid futurum liberum sit actu praesens, Angelus illud actu cognoscit, cum antea actu non cognosceret; non quia ei adveniat novum lumen, vel nova species, sed solum quia obiectum dum sit praesens, incipit esse de pertinentibus ad ipsum: ita dum incipit attendere ad Angelum sibi loquentem, & cognoscere secretum, quod ei manifestat; hoc non fit acquisitione novae virtutis, aut speciei, sed solum novà representatione speciei praesentis; què dum Angelus loquens convertitur, & ordinat conceptum suum ad audientem, incipit in exercitio illum ei repraesentare, quem ante solum in actu primo repraesentabat: quia posita tali ordinatione incipit esse de pertinentibus

Tom. V.

ad ipsum. Hoc autem sine ulla immutatione virtutis, aut speciei fieri potest; sicut genito secundo filio, relatio, quae prius ad solum unum filium terminabatur, absque sui immutatione, incipit actu terminari ad secundum. Conferantur, quae supra diximus de angelica cognitione futurorum, & secretorum cordis. Interim audiat D. Thom. in 2. Dist. 11. q. 1. a. 3. ad 4. dicens: *Angelus, precipue beatus, semper est in actuali consideratione sui ipsius, & per consequens eorum, quae ad ipsum pertinent.... quamvis etiam autem unus Angelus ordinat locutionem suam ad alterum, efficitur locutio ejus de pertinentibus ad illum, & ita ab eo cognoscitur.* Ordinatio autem ista conditio est, quae posita, statim Angelus, nullo alio accedente, cognoscit id, quod alter Angelus ei loquitur.

XXX. Ad primam confirm. nego, D. Thomam instituisse paritatem in omnibus inter sensum, & mentem angelicam. Etenim excitatio sensus per signum sensibile fit per novae speciei immisionem; quod tamen ipse negat de mente angelica, quam, ut vidimus, docet ab initio fuisse omnibus speciebus imbutam. Paritas ergo in hoc fita est; quòd, sicut per signum sensibile sensus excitatur, ita mens Angeli per signum intelligibile, hoc autem signum nihil aliud est, quam conceptus mentis ab Angelo, dum loquitur, ei ostensus, & ad eum ordinatus, & haec est virtus intelligibilis, quae excitatur; quia cum incipiat esse de pertinentibus ad ipsum, species, quam habet de Angelo sibi loquente, incipit etiam conceptum eius repraesentare.

XXXI. Ad secundam confirm. aliqui (inter quos Sylvius ad hunc a. 1. q. 107.) existimant. D. Thomam primò in sententia fuisse, locutionem angelicam fieri per aliqua signa intelligibilia, producta, non in Angelo audiente, sed in loquente, quibus ab alio Angelo visis, statim percipiat Angeli loquentis conceptum: quae signa significationem habeant, non ex natura sua, sed ex impositione, non quidem ab Angelis factà, sed quam Angeli ab Au. S f

cloro

diore naturæ acceperint, qui simul cum natura, ejusmodi signa eis dedit, quasi imposta ad talem significationem: ad eum ferè modum, quo primi homines statim locuti fuerunt lingua hebraicà (vel quacumque alia primigenià, ut alibi probabilius censuimus) seque mutuo intellexerunt, ex Dei impositione, qui talia signa eis dederat ad conceptus suos invicem significandos. Et hoc putat se colligere, tum ex allegato textu S. D. super 1. ad Cor. tum etiam ex 1. *Sent. dist. 22. q. 1. a. 3. in corp.* Deinde verò in sententiam à nobis acceptatam transisse.

XXXII. Verùm existimo, S. Thomam in hoc perpetuum fuisse, locutionem angelicam non fieri per productionem alicujus signi, sive in audiente, sive in loquente: sed sola manifestatione conceptus intra se formari: & hanc fieri per hoc, quòd conceptus intra Angelum formatum ordinetur ad alium, & fiat de pertinentibus ad ipsum; solumque in locis citatis voluisse explicare modum, quo ista ordinatio fiat: nimirum per hoc, quòd species, seu conceptus, qui intra Angelum latens, erat occultus: dùm ordinatur ad alterum coordinatur alicui eorum, quæ unus Angelus in alio naturaliter videre potest, puta potentie cognoscitivæ. Quare alter Angelus, ad quem ordinatur conceptus, videndo illud naturaliter cognoscibile, puta potentiam cognoscitivam, videt in ea conceptum mentis Angeli: ita ut illud naturaliter cognoscibile sit signum expressum interioris conceptus, & talis expressio vocatur locutio, non quidem vocalis, sed intellectualibus signis expressa, & virtus exprimendi dicitur lingua eorum. Hæc D. Thomas loco ex 1. *Sent. allato*. Et clarius Qu. 9. de Verit. 2. 2. ad 22. *Ut signum (inquit) dicatur ipse species, natus autem ordinatio ad alium, sed possibilitas hoc faciendi dicitur lingua*.

XXXIII. Obijciunt secundò. Illa simplex directio, & manifestatio potius est actus voluntatis, quàm intellectus: non solum quia est actus liber, sed quia est ordinatio ad extrinsecum, nem-

pe volitio, ut conceptus suus tali, vel tali fiat manifestus: at locutio angelica non est actus voluntatis, sed intellectus: ergo &c. Maj. probatur. Nam D. Thomas, hæc Qu. 107. a. 1. in corp. & ad 1. ait: *Quam citò (Angelus) vult manifestare suum conceptum, statim alius cognoscit*.

XXXIV. Respondeo: hoc argumentum, æquè urgere Scotistas. Nam productio notitiæ, vel speciei in mente audientis, in qua dicunt considerare locutionem angelicam, erit quoque actus voluntatis: non solum quia actio libera, sed quia actio in aliquid extrinsecum. Nos ergo distinguimus majorem actus voluntatis moventis, & applicantis Angelum ad loquendum, conc. majelicientis immediatè locutionem, nego mai. Cùm ergo Angelus vult manifestare, & ordinare suum conceptum ad alterum, adest ipsa ordinatio, & voluntas ordinandi. Ordinatio, quæ formaliter est locutio, actus intellectus est, ex D. Tho. 1. 2. Qu. 17. a. 2. *Ordinare est proprius actus rationis*; & propterea providentiam, cujus est ordinare, in ratione superius locavimus; & verò, quia quandam ordinationem dicit, & propterea vocatur quasi *oris ratio*, actus intellectus est, ut docet idem S. Doct. 1. 2. Qu. 89. a. 1. At quia hæc ordinatio libera est; idè à voluntate procedit, ut applicante tamen, & movente potentiam cognoscitivam ad ordinandum, & manifestandum: idè locutio actus rationis est supponens voluntatem.

XXXV. Obijciunt terciò. Si illa directio conceptus esset locutio, non posset unus Angelus manifestare suum conceptum uni, puta Michaeli, quin manifestus fieret alijs advenientibus, quamvis illis non loqueretur.

XXXVI. Respondeo, hanc instantiam magis urgere Scotistas ponentes, locutionem fieri per productionem notitiæ, seu speciei in intellectu audientis. Cur enim si hanc producat in intellectu Michaelis, Raphael adveniens, & intellectum Michaelis cognoscens, eam non perspiciet; maximè cùm non sit actus à Raphaelè liberè procedens?

Dico

Dico ergo : quòd cùm ista ordinatio actus liber sit, & adhuc sub dominio Angeli loquentis, solum facit innotescere conceptum Michaelis loquentis Raphaëli, cui loquitur; quia ad eum solum ordinatur, ei soli detegitur, & ad eum solum incipit pertinere.

XXXVII. Sed instabis. Etiam ipsa ordinatio conceptus Angeli loquentis ad audientem actus liber est, & tamen Angelo audienti manifesta est; ergo similiter &c.

Respondeo: dictam ordinationem esse quidem actum liberum quoad usum, & exercitium; hoc tamen ipso, quod voluntas Angeli loquentis applicat intellectum ad eam efficiendam, ut alteri manifestet conceptum, est de pertinentibus ad ipsum, & illam cognoscit.

XXXVIII. Obijciunt quartò. Soli rei manifestatio non sufficit ad locutionem; alioquin qui velum, quo tabella aliqua obtegitur, subduceret, ut imaginein in ea depictam alteri videntem exhiberet, diceretur, hæc exhibitione, & manifestatione ei loqui; quod cum etiam à muto fieri possit, mutus diceretur loqui.

Confirmatur. Contingere potest, quòd dum unus Angelus alteri conceptum suum manifestat ad eum ordinando, iste alibi occupatus, vel mente aliò distractus non attendat; hoc ergo non sufficit ad illum excitandum, ut percipiat ea, quæ illi alter loquitur, nisi aliquid ponatur intrinsecum.

Rursus: actus quo unus Angelus amat alium, vel Dæmon odit Angelum bonum, ordinatur ad Angelum, qui amatur, vel odio habetur; & tamen, actus, quo amantur, vel odio habentur, non sunt eis naturaliter noti.

XXXIX. Respondetur, concedendo, non quancumque rei manifestationem sufficere ad locutionem, sed solam manifestationem conceptus interioris mentis, quæ in nobis fit per voces, aut per nutus, ut in mutis; ita in Angelis per ordinationem conceptus ad alterum: unde exemplum tabellæ non est ad rem.

XL. Ad confirmat. respondeo pri-

mò: incredibile esse, ut Angelum, in intelligendo perspicacissimum, & expectatissimum aliquid ad ipsum pertinetes, maximè morale, & liberum, ita effugiat; ut quamvis ad ipsum dirigatur, non advertat. Et hoc maximè in Angelis beatis, qui in Verbo vident quid quid ad se pertinet.

Cæterum etsi aliquando contingeret, ut Angelo aliò distracto, & occupato circa alia, alter Angelus loqueretur, & ille non attenderet, sed illa locutio ejus advertentiam effugeret; quodnam, quæso inconveniens esset, cùm inter nos sic quotidie contingat, ut valde distractis, & occupatis, nobis aliquis loquatur, quo non excitemur, nec ad illum attendamus? Si ergo & hoc inter Angelos, maximè Dæmones, eveniat (quod evenire rarissimè eredo) non esset propterea excogitandus alius excitationis modus; sed querendum remedium, illum ad advertentiam excitandi, sive per alios Angelos, sive per accessum Angeli loquentis ad alterum, cui loquitur, exercendo aliquem motum, vel impulsum circa illum, quo ad attendendum locutioni excitetur.

XLI. Ad id, quod additur, dist. maj. ordinatur ad ipsum ex sua specie, ut ad objectum, co. maj. ex libera directione voluntatis manifestantis conceptum mentis, neg. ma. Quòd autem unus actus ordinetur ex sua specie ad alium, ut objectum, non fit aliquid ipsius, nec habet modum manifestationis; sed solum quando liberè intellectus unus ordinat suum conceptum ad alterum, ut ei innoscat.

XLII. Obijciunt quintò. Si locutio inter Angelos fieret per meram ordinationem conceptus, quem alter habet in mente, malus Angelus nunquam posset alteri mentiri, aut eum decipere: sed hoc est falsum; nam reipsa Angeli mali spiritus fallaces sunt, pleni dolo, & Diabolus est parens mendacii; ergo &c. Ma. probatur. Mentiri enim est aliud manifestare exterius, & aliud habere in mente interius: sed si locutio Angeli fiat per directionem conceptus, quem Angelus habet in mente, ad audientem, nunquam

3 f 2

Dæ-

Dæmon alloquendo alterum, manifestabit aliud, quàm id, quòd habet in mente, nempe suum conceptum; ergo nunquam illi mentietur.

Respondeo, negando maj. quæ eandem patitur instantiam apud Scotistas. Si enim Angelus malus velit alteri loquitur, producendo in eo notiam, vel speciem objecti, quod ipse cognoscit, & vult, ut alter cognoscat, nunquam mentietur; quia semper in eo producet notitiam, vel speciem, quam in se habet. Sicut ergo Scotistæ dicent, quòd si Angelus malus velit alteri mentiri, producet in illo notitiam, & speciem diversam, imò contrariam ei, quam habet in mente: ita in nostra sententia Dæmon volens alteri mentiri, conceptum, quem intra se habet, retine-

bit, & formabit alium conceptum oppositum, quem ad alterum diriget, quo neget se habere conceptum, quem reverà habet; vel assermet, se habere, oppositum, præsertim de supernaturalibus, aut futuris contingentibus, assermando se scire, quæ non scit, vel nescire, quæ scit; vel manifestando substantiam rei, & non circumstantiam, in quibus omnibus mendacium est, ac deceptio.

Hæc ad notitiam Angelorum Candidato nostro satis superque sint. Alia dicenda essent de eorum ministerio circa homines, maxime de eorum custodia, & impugnatione; sed hæc, quia ad hominem spectant, sequenti Tractatui, quem de homine instituemus, inferenda reservabimus.

*Tomus Quinti in L. Partem finis.*



INDEX



## I N D E X

Eorum, quæ in hoc Quinto Tomo **L. Partis**  
visa sunt notatu digna.

## A

**A** *Byssus* quid fuerit? **14.**  
*Aer* locus Dæmonum. **119.** Non  
poenalis. **130.**  
*Egyptii* plures annos Mundo consignant.  
**146.**  
*Almaricus* ullum Infernum esse nega-  
vit. **197.**  
*Ametrita* innumerabiles Mundos pone-  
bant. **192.**  
*Anaxarchus* plures Mundos posuit. **30.**  
*Anaximander* infinitos ponebat Mun-  
dos. **30.** *Astra* quoque habitabilia  
posuit. **ibid.**  
*Angeli* natura spirituales sunt. Diu  
dubitatum. **92. 93.** Eos esse pure spi-  
rituales statuitur **94. 95.** &c. Cujus-  
que materię experies **95. 96.** Vete-  
rum non pauci carnalis commixtio-  
nis eos capaces existimant. **91. 97.**  
**98.** &c. Imo libidine aliquos præ-  
varicasse. **97. 98.** Corpora quidem  
assumunt. **100. 101.** Nicænum II.  
Angelos esse corporeos non statuit.  
**102. 103.** Sunt tamen mutabiles.  
Quomodo? **103.** Eos spirituales esse  
proximum fidei est. **104.**  
*Angeli* numero excedunt omnem ma-  
terialem multitudinem. **105.** Spec-  
ierum, non individuorum materia-  
lium, bene tamen hominum. **107.**  
**108.** Specie differunt invicem. **109.**  
Imò omnes. **ibid.** Quia carent materia  
III. Quia perfectiores & communicabi-  
les. **113.** Adhuc inter eos est amicitia.  
**114.** An in eadem specie multiplicari  
queant, problema? **116.** Natura incor-  
ruptibiles. **120. 121.** Quomodo? **122.**  
Quia formæ perfecte subsistentes. **123.**  
&c. Quomodo dicantur incorrupti-  
biles ex gratia. **124. 125.** &c.  
*Angeli* sunt in loco. **127.** Non sunt  
ubique. **128.** Non sunt in loco cir-

cumscriptivè. **ibid.** Locus Angelo-  
rum triplex. **129. 130.** Naturalis,  
& violentus. **131.** Ratio fundans eo-  
rum præsentiam in loco naturali non  
est ejus substantia **133.** sed applica-  
tio suæ virtutis per operationem.  
**ibid.** **134.** Non est prius in loco  
quam ibi operetur. **137.** Substantia  
Angeli est in loco ut quod, & hoc  
negantes damnavit Parisienfis Facul-  
tas. **139.** An sint in loco, ubi non  
operantur? **143.** In loco violento,  
aut præternaturali sunt per passio-  
nem. **145.** Unus non potest simul  
esse in pluribus locis adequatis, be-  
ne tamen in pluribus inadæquatis.  
**146. 147.** &c. Potest esse in loco  
majori, vel minori. **149.** Plures  
possunt esse in eodem loco materia-  
li, non formali. **151. 152.** Move-  
ri possunt localiter. **153.** Etiam per  
accidens. **155.** Motu continuo, & dis-  
tincto. **ibid.** & **157.** Motu continuo  
debet transire per medium, non ta-  
men discreto. **158.** & seq. Neutro  
tamen in uno instanti. **161.** &  
seq.

*Angeli* substantia non est suum intelli-  
gere. **164. & seq.** Ad intelligendum  
eget specie. **167.** quæ in cogniti-  
one sui est ejus substantia. **168.** Et  
in cognitione suarum proprietatum.  
**170.** Etiam in cognitione abstracti-  
væ sui. **171.** Non tamen in cogniti-  
one aliorum. **172.** Bene quidem Dei.  
**ibid.** Nequit habere rationem verbi  
ad huc in cognitione sui. **173.** Ad co-  
gnoscendum alia eget specie superad-  
dita. **175.** Etiam materialia. **176.**  
Angelus in intellectum alterius illa-  
bi non potest. **ibid.** & seq. Species  
Angeli non sunt acquisitæ. **180.** sed  
infusa. **ibid.** & **181.** In eo non est  
intellectus agens. **182. 183.** Nec ta-

men illis imperfectio est species ab alio habere. *ibid.* Unus Angelus per sui speciem movere non potest intellectum alterius. *185.* Ab hominibus non edocentur. *187.* Quamvis ab initio habuerint omnium rerum species, non sequitur quod omnia, & futura, & secreta cognoverint. *ibid.* & *seq.* Nec quod nova cognitione species mutentur. *189.* An influant species in animam separatam? *190.*

*Angeli* intelligunt per species universales, & ed universales quod Angeli sunt perfecti. *193.* & *seq.* Quia propinquiores Deo. *195.* In eis Deus imprimit rerum species sicut Architectus ideam domus faciendæ in papyro, aut cera. *199.* Quod perfectiores, ed per pauciores species intelligunt. *200.* Supremus omnia per unam speciem cognoscit. *ibid.*

*Angeli* semper sunt in actu cognoscendi seipsos. *201.* ac Deum, & ea quibus sunt destinari. *202.* Nec tamen cognoscunt plura, ut plura. *ibid.* & *203.* Non discurrendo. *204.* Non discurret, quando cognoscens seipsum cognoscit Deum. *206.* Nec Dæmones discurrent. *ibid.* Ex volitione finis vult media. *207.* Non intelligit componendo. *209.* In eis per se falsitas non est. *210.* Est cognitio matutina, & vespertina. *211.* Inferior non comprehendit superiorem. *214.* Non cognoscit futura contingentia, & libera. *218.* & *seq.* &c. nec secreta cordis alterius. *222.* &c.

*Angeli* naturaliter non cognoscunt mysteria gratiæ. *228.* Incarnatio fuit eis ab initio revelata. *229.* Voluntate præditi sunt. *241.* &c. libero arbitrio. *251-252.* secus irascibili &c. *253.* Diligunt se, & Deum necessario. *ibid.* & *seq.* &c. Beati in sua exaltatione fuerunt beatitudine naturali, non supernaturali. *259.* & *seq.* Gratia eguerunt. *262.* Eam in primo instanti omnes habuerunt. *263.* &c. Propria dispositione. *265.* Qui steterunt meruerunt beatitudinem. *267.* &c. Eorum via quot instantibus completa? *249.* Peccare non

possunt contra finem naturalem. *254.* &c.

*Angeli.* Quodnam fuerit eorum primum peccatum? *257.* Fuit superbia, ex qua alia cosecuta sunt. *258.* &c. *Æqualitatem* cum Deo non appetierunt. *261.* quia impossibilis. *ibid.* Nec fuit ambitio principatus super alios. *266.* sed inordinatus ultimi finis appetitus. *ibid.* & *274. in* primo instanti non peccarunt, nec peccare potuerunt. *ibid.* & *seq.* Bene tamen in aliis instantibus. *280.*

*Angelorum* locutio non fit per aliqua signa sive sensibilia, sive spiritualia. *318.* Neque per influxum physicum. *ibid.* Angeliloquentis in eum. *ib.* sed fit per voluntariam, & liberam ordinationem sui conceptus ad illum, absque alia sive signi, sive nominis, sive speciei in mente audientis impressione. *310.* & *seq.*

*Angelus.* Nomen. *76.* Angelorum existentiam, Sadducæi negarunt. *77.* Eam probat experientia, & ratio. *ibid.* & *78.* congruenter, non demonstrativè. *ibid.* & *80.* Adtestantur Scripturæ. *ibid.* Cur de Angelis in rerum creatione Moyses non sit locutus? *81.* Creati sunt, non tamen ab æterno. *ibid.* Non ante Mundum corporeum. *82.* In Cælo Emyreo etiam mali. *88.* etsi non, improbable sit oppositum. *pag. 90.*

*Angelus* inter peccantes supremus, an supremus fuerit inter omnes? *120.* *281.* An fuerit alius causa peccandi? *282.* An tot peccaverint quot remanserunt? & an ex singulis Ordinibus aliqui peccaverint? *283.* Pœna peccantium. Vide *Pœna*.

*Unus Angelus* illuminat alium. *310.* Illuminabit usque ad diem iudicii, post quem cessabit illuminatio quantum ad novam acquisitionem scientiæ, non autem quantum ad cognitionis conservationem. *312.* Inter Dæmones autem propriè illuminatio non datur. *ibid.*

*Unus Angelus* alteri loquitur, manifestando ei proprium conceptum. *313.* Nec localis distantia impedit angelicam locutionem. *316.*

*Anima* rationalis numero multiplicabilis,

lis, est spiritualis. 114. Non potest animare partes extremas, quin animet medias. 148. An cognoscat futura? 121. &c.

*Anima* separatur, quæ hinc aguntur, non cognoscat? 184. An species mediis Angelis recipiat? 190.

*Animalium* terrestrium productio. 74.

An etiam imperfecta fuerint producta? *ibid.*, & seq.

*Annum* unde inciperet Ægyptii, unde Israelitæ. 39.

*Æqualitas* cum Deo non est appetibilis. 163.

*Aqua* super Firmamentum quid sint? 63. 64. 65. Aquarum congregatio in locum unum. 68. Quomodo facta. pag. 67. 68.

*Æternitas* nulli creaturæ convenit. Vide *Mundus*.

*Aves* cur ex aquis productæ? 73.

S. *Augustinus* Philosophos plures *Mundos* asserentes redarguit. 29. 30. Plures annos *Mundo* assignantes. 32. 33.

Ejus opinio de diebus creationis. 41. 42. Opinando potius quàm asserendo dixit. 43. De germinatione herbarum, & plantarum quid senserit? 2. Anceps an Angeli sint puri spiritus. 92. An anima alienata à sensibus cognoscat futura. 121.

Non sentit, Angelos fuisse creatos in beatitudine supernaturali. 143.

*Antumali* tempore *Mundum* conditum non pauci asserunt. 36.

## B.

**B**eatitudo naturalis, & supernaturalis. 138. In illa beati fuerunt Angeli creati, non in illa. 239. 240. nec transeunt. *ibid.*

*Behemoth* nomine quid veniat? 41. 86.

## C.

**C**erte grandia quid sint? 74.

*Christus* gratiam propria dispositione cur non accepit? 146. & 147. simul beatus, & merebatur. 148.

*Cali* prima die creati nomine quid veniat? 50. 51. &c. Veniunt omnes Orbis. *Cælestes* *ibid.* *Cælorum* nume-

rus. 66. Non sunt animati. 77. 78. Singuli specie differunt. 121. 126. *Locus* proprius Angelorum. 129. naturaliter in suis motibus indefectibilis, etsi ex nihilo. 157.

*Cognitio* angelica maturina, & vespertina. 121. & seq. Inferioris an sit comprehensiva superioris? 124. Negativa opinio præfertur. *ibid.* Contraria solvuntur. *ibid.* & 125.

*Cognitio* de divinis Mysteriis non est totaliter ablata Dæmonibus, valde tamen imminuta. 186. *Cognitio* tamen per gratiam, quæ est affectiva, & inducens amorem Dei, totaliter privati sunt Dæmones, sicut & caritate. 187.

*Cognitio* duplex est: una quæ habetur per naturam, alia quæ habetur per gratiam. 184. *Cognitio* quæ habetur per naturam, in Dæmonibus nec est ablata, nec diminuta. 185.

*Cognitio* multitudine non semper affert discursum. 109. &c. Nec multitudine intellectus compositionem. 109. nec iucutio. 110.

*Concupiscentia* in Angelis non est. 133. *Corpus* est in loco ratione quantitatis. pag. 134. &c.

*Corpus* Christi quomodo sit in Eucharistia. 141. In partibus extremis Hostiæ, quin sit in media. 159.

*Create* nulli creaturæ convenire potest naturaliter. 13. aut ei communicari principaliter. 15. aut instrumentaliter. 16. &c.

*Creatio* quid sit? 6. Impossibilis visus fuit Philosophis, & *Hermogeni*. *ibid.* & 7. Non est propriè mutatio. Activè est in Deo, passivè in creatura. 11. Est relatio etiam prædicamentalis. *ibid.*

*Creatura* nulla est æterna. Vide *Mundus*. Nulla impeccabilis datur, nec dari potest. 150. &c. Vide *Impeccabilis*. Verbum illud *Creavit Deus Cælum &c.* exponitur. 50.

## D.

**D**amnati quomodo appetant Deum non esse? 164.

*Dæmon* quid appetierit peccando? non aqua.

aequalitatem cum Deo **167.** &c. Ejes  
peccatum fuit superbia. **118.** &c.  
Non poruit esse actus inefficax **165.**  
&c. Nec fuit appetitus unionis hi-  
poftaticae. **169.** fed ultimi finis in-  
ordinatus. **165.** Natura mafus non  
eft. **171.** Nec proprietate fua. **172.**  
Nec in primo infanti voluntate pec-  
cavit. **174.** Dæmonum pana. Vi-  
de **Pena.**

**D**æmones corporei non sunt. **97.** Corpora quidem assumere. **100.** Fugantur aliquibus corporalibus, & circ. **102.** Aliqui in aere decedunt ad exercitacionem hominum. **129 130.** Non omnes in Infernum detrufi, pœnam tamen patiuntur. **131.** Quomodo una legio Dæmonum possit in uno corpore esse? **132.** Quomodo introiit in cor Judæ? **179.** Quomodo aligeretur à Superiori? **170.** Non discunt. **106, 107.** Non cognoscunt eorum futura contingentia & libera. **110.** Nec secreta cordium. **127.**

**Defectus** in voluntate esse non potest,  
quin in intellectu defectus præceffe-  
rit. 160.

*Democritus* infinitos Mundos somnia-  
vit. 18.

**Deus** omnium Creator **2.** &c. prima causa exemplaris, finalis. **4.** 5. per creationem. *ibid.* &c. ex nihilo. **8.** &c. Solus creare potest. **13.** &c. Solus aeternus. **22.** &c. Unum solum condidit Mundum. **30.** &c. Alios tamen condere potuit, *pag.* **31.** 32. **Dilectum** primum a Deo est. **171.**

**Dies** creationis Mundi quales fuerint? **41- 43:** Naturales fuisse, non solum  
intelligibiles, probabilis. **43- 44:**  
Non derogat divinae virtuti. **45-  
46:** Tribus primis diebus quomodo  
dies à nocte distinguereunt? **47:**  
Prima dies non cæpit à Vespere.  
30. sed à productione lucis. *ibid.*  
Primus dies fuit correspondens diei  
Dominico. **60.**

**Diluvium** quo anni tempore contige-  
rit. 39. 40.

*Discursus* formalis in Angelis non est, 204. 205. Quid ad verum discursu.

sum requiratur? *Ibid.* Alius secundum successionem, alius secundum causalitatem: *ibid.*

*Dolor quatuorplex sit, & qualis sit in  
Dæmonibus.* 184.

*Durandus* male asseruit Angelos esse  
ubique. **128.** nec posse localiter mo-  
veri. 153. omnia per suam substan-  
tiam intelligere. **174.**

五

**E** Clesia annos Mundi computat secundum Versionem lxx. 33. Quare? *ibid. & 33.*

**Empyreum** locus supremus in quo creati sunt Angeli. **22.** Quid in eo operentur? **141. 143.**

*Enoch liber Apocryphus.* 99.

*Epicurus* Mundos infinitos somnavit.  
pag. 19.

*Error in intellectu Angeli esse non po-  
test.*

*Eubulia* in Anglis non est discursiva.  
pag. 207. 208.

**F**

**F** *Alfitas* in Angelis per se non est.  
Pag. 318.

*filii Dei ingressi ad filias hominum*  
non sunt Dæmones incubi. 98. sed  
filii Seth.

**Firmamenti** nomine quid veniat : 53.  
60. Probabiliter venit spatium aeris,  
in quo nubes condensantur. 61. 62.  
ubi objectis respondetur. Aquae super  
firmamentum quid [sint](#). [pag. 63.](#)  
for 60.

*Forma pura & simplex non potest, semel producta, ab esse sperari* 123.  
quia esse convinit ei per se periclitari physica. *ibid.*

*Futura quot sit?* **217.** Contingentia,  
& libera ab Angelo naturaliter cer-  
tè non cognoscuntur. **218.**

**G**

**G** *Ratia se attemperat naturæ. 106.*  
Ejus myſteria Angeli naturaliter  
non cognoscunt &c. 118. neceſſaria  
eiſ, ut ad Deum Auctorem ſuper-  
na-

naturalem se converterent. 242. Eam omnes in primò instanti habuerunt. 243. 244. etiam qui peccaverunt. 245. Propria dispositione eam acceperunt. *ibid.* & *seq.*  
*Græci* Patres existimaverunt Angelos creatos ante Mundum corporeum. 82. & *seq.* non tamen omnes. 83. eos habere corpora. 96. &c.

## H

**H** *Adrianus* Papa in Nicæna II. Angelos immortales asseruit. 121.  
*Hervicus* Gandavensis quid de Parisiensis Facultate damnanter opinionem. Angelos *nusquam esse*, senserit. 139.  
*Herbarum* germinatio. 68. Etiam noxam primò germinarunt. 69.  
*Hermogenes* Mundum ex materia Deo coeterna factum asserbat. 6. 7. &c.  
*Hierarchia* diversæ arguunt distinctionem specificam inter Angelos. 150.  
*Homo* quomodo peccare potest in primo instanti usus rationis? 277.  
*Homines* in minori numero sunt, quam Angeli 107. An tot sint salvandi, quot Angeli ceciderunt? 26. & 108.

## I

**I** *Gnisi* Inferni qualis sit. 322. Quomodo torqueat Dæmones. 296. 297. 298.  
*Ignorantia* in intellectum Angeli esse non potest. 270.  
*Ilapsum* in intellectum creatum solius Dei est. 177.  
*Illuminatio* Angeli. Vide *Angelus*.  
*Impeccabilis* creatura omnino nec datur, nec dari potest. 250. 251. quia ex nihilo *ibid.* & *seq.* Impeccabiles tamen Angeli fuissent in puris naturalibus conditi. 254. 255.  
*Impossibile* non potest appeti. 262. 263. An saltem actu inefficaci? *ibid.*  
*Incarnationis* mysterium Angelis ab initio fuit revelatum 229. Plenius post hominis lapsum, ac deinde. 230. Vide *Unio Hypostatica*.  
*Inconsideratio* privativa fuit in intellectu Angelico. 271. 270.  
*Infernus* locus pœnalis Dæmonum. 228. 229. 230. 231.

*Infinita* distantia quomodo possit pertransiri. 21.

*Instrumentum* ad creationem repugnat. 16. non tamen ad producendam gratiam, aut conversionem panis in corpus Christi, aut faciendam miracula, aut torquendos Spiritus 18. 19.  
 An ad Incarnationem & annihilationem? *ibid.*

*Intellectus* non est causa adæquata cognitionis. 179. Agens non est in Angelo. 181. 283. Angelicus nec ab objecto immateriali immutari potest. 190.  
*Intelligere* Angeli non est ejus substantia. 164. nec ejus esse. 166.

*Invidia* non fuit primum Angeli peccatum, sed secuta ad superbiam. 258. & *seq.*

*Jo.* Thessalonicensis in Synodo Nicæna secunda. 201. 202.  
*Intransibilis* in Angelis non est. 233.  
*Jussurus* martyr Angelos corporeos opus natus est. 27.

## I

**I** *Atraniense* IV. Angelos statuit creatos in temporis initio. 82. non ante mundum corporeum. 82.  
*Lateranense* V. animam rationalem immortalem asseruit. 211.  
*Lazarus* anima quomodo portabatur ab Angelis. 178. 179.  
*Leonida* Origenis Pater. 306.  
*Libertini* Angelos, & animas rationales corruptibiles putant. 221.  
*Liberum* arbitrium est in Angelis. 232.  
*Localis* distantia Angeli cognitionem non impedit. 283. 284.  
*Locus* in quem congregatæ sunt aquæ quomodo factus? 67. Cur unus, cum sint plures? 68.  
*Locus* naturalis Angeli quis? 232. Est in eo, non per substantiam tanquam rationem essendi proximam. *ibid.* & 233. &c. sed per operationem. 235. &c. In loco violento per passionem. 245. Unus adæquatus, alius inadæquatus. 246. In pluribus locis inadæquatis simul unus Angelus esse nequit. *ibid.* & 247. bene tamen in pluribus.

ribus inadæquatis. *ibid.*  
& seq.

**Locutio Angelorum.** Quomodo fiat. Vide *Angelus*.

**Locutio** non semper infert discursum. *221. pag.*

**Lucifer** quid intenderit, dum ait: ascendam in Cœlum? *89.* Superbia peccavit. *258.* non tamen appetendo omnimodam cum Deo æqualitatem. *262.* nec Unionem Hypostaticam. *265.* nec Principatum super alios. *266.* sed ultimum finem inordinatè. *pag. 274. &c.*

**Lumen** supernaturale non est discursivum, nisi ex conditione subiecti. *206.*

**Luminaria** primo die facta fuere quoad substantiam. *47.* Quomodo dicantur facta quarta Die? *70.*

**Lunam** & Astra esse habitabilia aliqui Recentiores sentiunt. *30.*

**Lux** primo die facta, quid esset? *47.* Non Angeli, non nubes; varietas opinionum. *56.* Lux non est corpus.

*57.* In quo differat à lumine, radio, & splendore. *58.* Fuit producta in Sole.

*ibid.* Quomodo divisa à tenebris? *ibid.*

## M

**M** *Aniebai* quid senserint de creatione Mundi? *1.* Refutantur. *2. 3.*

**Materia** Deo non est coæterna. *6. 7. &c.* Quomodo præcesserit informis? *50.* Est principium numericæ multiplicationis. *111.*

**Manander** Mundum dixit ab Angelis factum. *1.*

**Meritum.** Angeli qui steterunt meruerunt beatitudinem. *274.* priusquam tamen eam consequerentur. *248.*

Non datur merces ante meritum *ibid.* In primo instanti meruerunt, non tamen peccarunt. *273.* nec peccare potuerunt. *274.*

Quomodo plus requiratur ad merendum, quàm ad peccandum? *278.*

**Metalla** & marmora producta tertia die. *69.*

**Motus** localis in Angelo esse potest.

*252.* An in Angelo sit ut in subiecto?

*256.* Continuus, & discretus; utroque Angelus moveri potest. *256. 257.*

Motu continuo non potest transire ab uno extremo, quin transeat per medium. *258. &c.* bene tamen discreto. *258.* Unico tamen instanti compleri non potest. *261. & seq.*

**Mundum** esse æternum Platonici asserbant. *21.* Alii, eorum rationes. *21.* Origenes idem sensit. *ibid., & 23.* Oppositum statuitur. *22.* Mundum semper fuisse, non petit natura Mundi, nec natura Dei. *24. ad 28.*

Incepisse, est Articulus fidei. *ibid.* Esi potuerit esse ab æterno, non fuisset coæternus Deo. *28.*

**Mundus** alius non est præter hunc adspectabilem. *30. 31.* Alii tamen condi potuerunt. *ibid., & 32.* Circa annum, quo cæpit varix opiniones. *32. 33. &c.* Quo anni tempore conditus fuerit? *35. &c.* An Autumnali? *36.* Verno probabilius. *37. &c.*

**Moyser** cur Angelorum creationem omiserit? *79. ad 81.*

## N

**N** *ecessario* amore diligunt Angeli seipso, & Deum. *234. 235.* Non est contra rationem finiti, nec contra naturam voluntatis, nec aliquid mali sapit. *236. ad 238.*

**Necessitas** duplex. *234. 235.*

**Nicæna II.** Synodus Angelos esse corporeos non sanxit, sed posse pingi, quia in corporibus apparuerunt. *201.*

*202.* Non totum, quod Joannes Thesalonicensis proposuit, probavit. *ibid.*

**Nihil** quantum distet ab esse. *24. 25.*

**Numerus** Angelorum maximus. *105.* Excedit numerum hominum. *107. & seq.*

## O

**O** *bsinatio* Dæmonum in malo. *287.*

**Opera** sex dierum in generali. *41.* &c. Opus primæ diei. *48. &c.* Secundæ diei. *60. &c.* Tertiæ diei. *66. &c.* Quartæ diei. *70. &c.* Quintæ, & sextæ diei. *73. &c.*

*Opæ.*

**Operatio** est ratio fundans proximè præsentiam Angeli in loco. 135. &c. Qualis debeat esse operatio. *ibid.* & 243. Incipiens cum esse rei inest ei ab Auctore illius. 274. est vitalis, & libera. 275. **Orpheus** Lunam habitabilem posuit. 300. **Origenes** quis fuerit. 306. Ejus error circa Dæmonum poenam. *ibid.* **Origenis** error de fine creationis Mundi. 3. De Mundi æternitate. 22. De Mundorum pluralitate. 29. 30.

## P

**Parisiensis** Universitas S. Thomæ Doctrinam, aut nunquam damnavit, aut damnationem revocavit. 119. 120. 139.

**Patres** non pauci Angelos esse corporeos existimaverunt. 92. 93. 96. 97. &c. Quomodo ex meritis Christi futuri gratiam receperint? 248.

**Peccatum** contra legem naturalem, & supernaturalem. 350. Contra legem supernaturalem in Angelis de facto datur. *ibid.* Non tamen dari potest contra finem naturalem. 254. Quomodo in eis stet peccatum contra finem supernaturalem cum dilectione Dei Auctoris naturalis? 256. Primum peccatum Angelorum, ex quo alia, fuit superbia. 258. Non inobedientia, 259. non luxuria spiritalis, 260. non invidia. *ibid.* Peccatum præsumptionis odii &c. possunt esse in Dæmonibus. *ibid.* & 262.

**Peccatum** Angeli non fuit appetitus æqualitatis cum Deo. 262. nec Unionis Hypotheticæ. 265. nec Principatus super alios. 266. sed inordinatus ultimi finis. 267. Non fuit tamen peccatum puræ omissionis. *ibid.* Quia via incepit. pag. 269. &c.

**Perfidus** est suam perfectionem statim habere ab alio, quàm successive eam acquirere. 183.

**Pena** Dæmonum futura, an sit æterna? 306. 307.

**Ribassii** deceptio circa Terram. 12.

**Philosophi** veteres impossibilem judicabant creationem. 6. 7. Ex nibilo

nihil fieri asserbant. 10. 11. Mundum æternum asserbant. 21. 22. **Pisces** ex aquis producti. 734

**Plantarum** germinatio. 68. etiam Paradisi terrestri. 69. 70.

**Plato** duos Mundos asserbat. 30.

**Platonis** Mundum asserbant æternum. pag. 22.

**Principium**. Quid significet in *Principio* positum initio Genesis 1. 48. 49.

**Priscillianistarum** error de creatione Mundi. 20

## Q

**Quintinus** Gallus mortales Angelos, & animas existimavit. 121.

## R

**Ratio** proximè fundans præsentiam Angeli in loco naturali est applicatio virtutis per operationem, non ejus sublimitas. 132. &c. Corpus vero est in loco ratione quantitatis. pag. 140. 141.

**Res** aliæ institutæ, ut sint, aliæ, ut representent. 273.

## S

**Sadducei** Angelos esse negarunt. 77. 78.

**Scientia** acquisita perfectio fuit in Christo. 183. Non tamen esset in Angelis. *ibid.* In Angelis non est discursiva. 207. 208.

**Scotistarum** Apologus in D. Thomam rejicitur. 219. 220. 128. 139.

**Secreta** eordum ab Angelo non cognoscuntur. 222. 223. &c. quia actus liberi. 224. nec ad ordinem Universi spectant. *ibid.* Nec animæ resurgunt. 227.

**Simon** Magus negavit Mundum à Deo esse factum. 2.

**Sol** productus primo die quantum ad lucem, & motum diurnum. 47. 51. 58. 62. 70. 71.

**Sophronius** Angelos nunquam interituros in Synodo VI. asseruit. 121.

**Species**, qua Angelus seipsum, suasque proprietates etiam abstractivè cognoscit,

scit, est sua substantia. 170. 171. Vide *Substantia*.

*Species*, quibus alia à se intelligit, sunt et superaddita. 172. 173. Ad rationem species non sufficit praesentia physica, sed requiritur intentionalis cognoscendi. 170.

*Species* Angeli non sunt acquisita, sed infusa. 180. 181. etiam rerum immaterialium. 184.

*Species* angelicæ non repræsentant æqualiter praesentia, & futura, ac secreta. 188. Non mutantur novarum rerum adventu. *ibid.* & 189. Connaturales eis sunt. 101. Non tantum proprietates. 192. Dantur species universales in repræsentando. His intelligunt Angeli. 193. 194. Et quod Superiores sunt, eò universalioribus utuntur speciebus 195. Nec tamen illæ species sunt infinitæ. 196. & seq. Clarè repræsentant, quia ab Ideis divinis derivatæ. 198. 199. Nec repræsentant futura. 219. & c. nec secreta cordium. 225.

*Spiritus*, qui ferebatur super aqua, non fuit, aer, aut ventus, sed Spiritus Sanctus. 34. 55.

*Spiritus* multipliciter dicitur. 60. 91.

*Stephanus* Episcopus Parisiensis D. Thomam non damnavit, imo ejus Doctrinam laudans damnationem revocavit. 110. 120.

*Substantia* Angeli est in loco ut quod. 133. Non est tamen id quo proximè est in loco. 134. & c. Non est suum intelligere. 164. 165. Est quidem species ad cognoscendum se, suasque proprietates. 168. & seq. quin sit infinita. *ibid.* Non tamen per eam potest cognoscere alios. 172. bene quidem Deum. *ibid.* & 173. Non tamen potest ei esse loco Verbi. *ibid.* & 174. Nec potest illabi in intellectum alicuius. 176. 178.

*Superbia* primum peccatum Angeli pag. 258. & c.

*Tenebra* divisæ à luce. 58. 69. Quanto tempore lucis productionem præcesserint? 60.

*Terra* primò die creata fuit elementaris, seu quatuor elementa. 51. 52.

*Insans & vacua* quomodo fuerit. 54. Cur vocata arida? 68.

*Tertullianus* impugnat Hermogenem. 6. & c. Angelos coporeos judicavit. 07.

*D. Thomas* probat creationem ex nihilo. 8. 9. Deum alium rerum ordinem condere potuisse non negat. 31. 32. Quid de immultiplicabilitate numerica Angelorum sentiat? 116. & seq. Ejus Doctrina à Facultate Parisiensis non damnata, aut si damnata, damnatio fuit revocata. 119. 120. 139.

## V

*Verno* tempore Mundum conditum fuisse probabilius. 37. & seq. Nec obviunt contraria. *ibid.* & 40. 40.

*Vespere*, & mane primæ diei exponitur. 59.

*Via* bonorum Angelorum duobus instantibus completa fuit, malorum vero tribus. 149.

*Voluntas* datur in Angelis. 231. Non est ipsa Angeli natura. *ibid.* Necessitata ad sui, ac Dei amorem. 234. & c. In ea defectus esse non potest, quin in intellectu defectus præcesserit. 269. non ignorantia, aut erroris, sed inconsiderationis pag. 270. & c.

*Voluntas* bonorum Angelorum confirmata est in bono, & voluntas damnatorum obliata est in malo. 287.

*Unionis* Hypostatice appetitus non fuit primum Angeli peccatum. 205.

*Universalis* species quot modis dici possit. 193.

*Universiores* sunt in Angelis superioribus. *ibid.*, & seq.

## T

*Trausus* Synodo Nicænæ II. non proposuit Angelos esse corporeos. pag. 102.

